

7

7

JOHANNIS HENRICI FLORINI

Professoris Herbornensis

HYPERASPISTES

SIVE

DEFENSOR VERITATIS

Adversus errores , quorum nuper

Vir Nobilissimus & Iurisprudentia famâ Celeberrimus ,

D. JOHANNES HESERUS

Religionem Reformatam, ad incrustandam suam
ab eâ apostasiam, in simulare non dubitavit.

OPUS LECTU UTILISSIMUM

*Quò præcipua Evangelicos inter & Pontificios controversia excutitur
& adversarii suo ipsorum gladio jugulantur ,*

DUOBUS INDICIBUS INSTRUCTUM.




HERBORNÆ ,

Typis & Sumptibus, Johannis Nicolai Andreae,

ANNO M. DC. XCIV.

AB 3573



Serenissimo ac Celsissimo Prin-
cipi & Domino ,

DOMINO

HENRICO

PRINCIPI NASSOVIAE, CO-
MITI CATTIMELIBOCI, VI-
ANDÆ ET DECIAE, DY-
NASTÆ BEILSTEI-
NII, &c. &c.

Principi ac Domino suo Clemen-
tissimo.

X

UT

UT ET

*Serenissimæ ac Celsissimæ Prin-
cipi & Dominae,*

D. ALBERTINÆ
PRINCIPI ARAVSIONEN-
SIVM ET NASSOVIORVM,
COMITI CATTIMELIBOCI,
VIANDÆ, DECIÆ ET SPIE-
GELBERGÆ, DOMINÆ
BEILSTEINII ET LIESFEL-
DIÆ &c VIDVÆ ET RE-
GENTI, &c. &c.

*Principi & Dominae suæ Clemen-
tissimæ.*

NEC

NEC NON

Serenissima ac Celsissima Principi ac Domina

D. ERNESTINÆ

CHARLOTTÆ

PRINCIPI NASSOVIÆ, CO-
MITI CATTIMELIBOCI,
VIANDÆ, DECIÆ, LIM-
BURGI, BRONCKHORSTI
AC HOLTZAPPELIÆ, DO-
MINÆ IN BEILSTEIN, STI-
RVM, WISCH, BORKELOHE
LICHTENVOORDE, WIL-
DENBORGH, LAVREN-
BURG ET SCHAVMBURG;
HÆREDITARIÆ BARONISSÆ DUCAT-
US GELDRIÆ & COMITATVS ZVT-
PHANIÆ, &c. VIDUÆ, TUTRICI
AC REGENTI, &c. &c.

Principi ac Domina sua Clementissima.

Illi .
PATRI PATRIÆ OPTIMO MAXIMO,
NUTRITIO ECCLESIAE INCLYTISSI-
MO ,
REI LITERARIÆ TUTANO GLO-
RIOSISSIMO.

His
Quantum ad ævum præsens ,
PRINCIPUM MATRONARUM ,
PIETATIS ALIARUMQ; VIRTUTUM
GLORIA INCLYTISSIMARUM,
CORONIS EMINENTISSIMIS ,
Quantum ad futurum ,
EXEMPLARIBUS SPLENDIDISSIMIS

*Gratiam, Pacem, salutem à Christo
Salutis Fonte !*

Sere-

*Serenissime Princeps, Domine
Clementissime.*

*Serenissimæ Principes, Dominae
Clementissimæ.*



Æc est, judice B. Hieronymo (Tom. 8. Comm. in cap. 4. ad Gal.) conditio veritatis, ut eam semper inimicitia sequantur, sicut per adulationem perniciosam amicitia conquiruntur.
Quod nî verissimum esse
cùm divino lacrarum Literarum testimonio,
tum Ecclesiæ Christianæ olim sub Ethnico-
rum

rum Imperatorum tyrannide gementis exemplo, imò insuper quotidianâ inter alios pateret experientiâ, vel unicus Papatus probatum dare posset. Quoties ipsi olim à Waldensibus, Albigenibus aliisque veris Dei Servis, tum inter Papistas, ut quondam pius Lothus inter Sodomitas, habitantibus non veritas, per evidentem idololatriæ, superstitionis, aliorumque errorum gravissimorum convictionem, proposita? at quot ac quantæ non mox etiam in eam Papistarum extitêre inimicitia, odia ac persecutiones? adeò ut multa confessorum ejus millia truculentâ ipsorum manu diem suum supremum obierint. Num putabimus, illos inimicum istum & odii furorisque plenissimum animum progressu temporis deposuisse? Nihil minus. Loquimini vos ô pie Hussi & Hieronyme Pragensis, qui circa annum Christi 1400. masculè Papatui obstitistis, turpitudinem ejus toti mundo denudando, quid veritatem tam fideliter disseminatam, in petrosis Papistarum cordibus, sequutum? annon odia, inimicitia, imo ipsi rogi, ad quos à φιλομίσις istis

istis an. 1414. in Conc. Constantiensi damnati
 animas vestras Deo, earundem Creatori, con-
 stantissimè reddidistis ? Audiamini & vos
 Zvvingli, Luthere & Calvine, Reformatores
 אשר עליהם השלום לעולם, in quibus duo
 testes Apocalyptici (i. e. præstantissimi illi Dei
 servi, qui se longè antè Papatui opposuerant ,
 duo testes dicti, eò quòd Papatum oppugnan-
 do ad V. & Nov. Testamentum provocàrant)
 revixerunt, ut olim Elias in Johanne Baptista
 Apoc. II. v. II. Luc. I. v. 17. quid olim Reforma-
 tionem vestram eàque detectam mundo veri-
 tatem sequebatur ? nonne odia , inimicitia,
 mendacia, maledicta, calumniæ ? quibus et-
 iamnum hodie Pontificis Romani Gnatho-
 num in vos calent animi. Subibat Papæ & Pa-
 pistarum animos intentio, & contra hos Ath-
 letas Syllogismos, quorum medios terminos
 constituerent *ferrum & flamma*, ita ut tum *mors*
 ingrederetur conclusionem, in *Barbara & Fe-
 rio* nectendi, ut hætenus apud ipsos usu rece-
 ptum fuerat: (Unde & Leo X. editâ ann. 1520.
 Bullâ Lutherum Romam citavit, pollicitus
 ipsi

ipsi quidem *informationem luce clariorem*; sed
 linguâ Romanâ, quâ *lux & ignis, informare &*
cremare æquipollent, qualem & seculo supe-
 riori pius Hufsius, instructus licet à Cæsare Si-
 gismundo fide publicâ, *informationem à*
Conc. Constantiensi obtinuerat.) At Deo cle-
 menter impediēte, ita ut Monachi & paulò
 pòst (an. 1537.) exorti Jesuitæ scopum suum asse-
 qui non valerent, quid non moliti? quot ran-
 cidas nænias non occinūere de his piis Viris?
 quot non calumnias? quot non mendacia?
 quot non convitia effutiēre in ipsos? com-
 menti, ad abalienandos ab ipsis hominum a-
 nimos, *diabolum Zwvinglio suggestisse cœnam*
Reformatam (sic Redingius apud Cl. Heidegg.
Dissert. 4. n. 13.) eundemque fuisse *Instrumentum*
diaboli (sic Cusanus *Discipl. Sch. p. 487.*) Luthe-
 rum fuisse *hæresiarcham, Scortatorem, Epicuræum*
(vide Vetter. anat. Luth.) eundem operâ diaboli
incubigenitum esse, & docuisse, ventris flatu demo-
nia ejicienda esse (sic Iesuita Sylvester *Tract. contr.*
Molinaum cap. 11.) Calvinum fuisse *Sodomitam*
(sic Iesuita Lessius) eique Novioduni ferro can-
 dente

dente stigma inustum fuisse (sic Hier. Bolsecus)
eundemque filium suum ad S. Hubertum misisse, ut
morsu rabidi canis curaretur [sic Iesuita Sylvester
l.c. cap. 16.] Hem mendacia orco , non orbe
Christiano digna ! Calvinò nostro nullus un-
quam fuit filius, sed ἀτεχνῶ decessit: Et tamen
Papicolis istis filium suum misit ad S. Huber-
bertum!

Ut autem in Reformatores, ita quoque in
iplos Reformatos , eò quòd Veritatem Evan-
gelicam foveant, istud suum, plusquam Vatinia-
num, odium exserere non desinunt isti φιλόμι-
σοι, parati, oblatâ ad id vel minimâ libertate, il-
lud etiamnum plenis flammis atque ferro ef-
fundere. Expertæ id proh dolor! nimio plus
non ita dudum in Gallia Ecclesiæ Reformatæ:
Expertæ, inquam, sunt, cujus indolis sint Libe-
ri illi, qui Papam Romanum, suum agnoscunt
Patrem ! Certè si nullum aliud daretur indi-
cium [quorum tamen millia dantur] *Ecclesiam*
Romanam esse falsam Ecclesiam , vel hæc sola
ipfius Scythicâ immanior in membra Christi
barbaries id evinceret. Spiritus Sanctus olim

discipulos Christi ad præconium Evangelii
 instructurus , an ipsis commendavit gladium
 & flammam adversus refractarios ? annon
 comparuit in specie linguæ, quæ est organum
 loquelæ? ut verbis, non ferro, loquendo, non
 præliando regnum spirituale propagandum
 esse innueret: At Papistæ, videntes, se *verbo* sco-
 pum suum assequi non posse, ejus loco *ferrum*
 stringendum judicant, opinantes, se tum egre-
 giè homines convertisse, si syllogismos ferreos
 in *Barbara & Ferio* struendo , ipsos crinibus,
 fustibus, ferro & flammâ ad externam Religio-
 nis suæ professionem traxerint, nihil solliciti de
 internis ipsorum conscientiiis. Quem homines
 convertendi modum à priscis Ethnicis, qui eâ-
 dem olim crudelitate in pios Christianos sæ-
 vierunt, non certè in Schola Christi, qui disci-
 pulis suis commendat mansuetudinem; *discite*
à me, inquit, *quia mitis sum & humilis corde.*
Matth. 11. v. 29. nec in Schola Apostolorum,
Ipsorum enim militia arma non erant carnalia,
sed divinitus valida *αὐτῶν καὶ δαίμων ὀχυρωμάτων*
2. Cor. 10. v. 4. nec denique in Schola sanæ An-
 tiqui-

tiquitatis [ut infra cap. 1. num. 32. demonstra-
vimus] didicerunt. Convenit ne ovibus, ut
ipse Christus veros Christianos vocat Joh. 10.
v. 27. more luporum ululare, sævire, lacerare?

Quamvis autem veros Christianos non
deceat φιλομίσῃς tales vicissim odisse, sed potius
juxta monitum Salvatoris sui [qui quoque ex
collata mundo veritate, à mundo non nisi o-
dium, inimicitias, persecutionem, imò tandem
ipsam mortem retulit Joh. 15. 18.] *benedicere iis,*
qui ipsos execrantur, benefacere iis, qui ipsos ode-
runt, orare pro iis, qui ipsis sunt infensi & perse-
quuntur Matt. 5. 44. imò potius gaudere, quòd
digni habeantur, qui pro nomine IESU contume-
liā afficiantur Act. 5. v. 41. Nihilominus tamen
ipforum est, veritatem, quā ipsos dignari divi-
næ placuit Clementiæ, ab adversantium rhon-
chis & erroribus vindicando, καὶ θηκύντως re-
spondere, imò semper propenso esse animo, *ad*
respondendum μὴ πρὸς αὐτοὺς καὶ φόβος cui vis peten-
ti ab ipsis rationem ejus spei, quæ in ipsis est 1. Petr. 3.
v. 15. Cùm proinde & nuper Vir cæteroquin
consultissimus, D. Iohannes Heferus, emissio ad

incrustandam suam à Religione Reformatâ apostasiam libro, veritatem Evangelicam Theonino dente rodere non dubitaverit, quid justius fuit, quàm eandem adversus morsus hujus Viri [qui longè melius sibi consulisset, si illi Apellis consilio; *Ne sutor ultra crepidam*, morem gessisset] tueri? Et id, Dei gratiâ, hoc præfenti Tractatu à me ita præstatur, ut Papistis in Papistas incitatis, ipsi tandem Magistri non raro vel inviti surgant contra discipulum & ipsum falsitatis convincendo, dilectæ à nobis veritati testimonium perhibeant, hoc nobis jucundum præbentes spectaculum, quòd *ob-*
verterit Dominus gladium unius in alterum **בכל**
המחנה *Iudic. 7. 22.* & effecerit, ut, Cadméi isti Fratres mutuis se ipsos vulneribus conficiant.

Hæc autem meas adversus idolomaniam Romanam meditationes [quarum quædam, pro more in Scholis recepto, disputando in lucem prodierunt,] jure merito Vobis *Serenissime Princeps & Serenissima Principes* eâ quâ par est observantiâ sisto, non quòd meam in Sparta, quam mihi in Academia vestra Herbornensi de-

demandare *Serenissimis Celsitudinibus Vestris*
 clementissimè placuit, publicè & privatim ex-
 ornandâ assiduitatem, Vobis satis superque co-
 gnitam, magis commendem, sed quò, cùm
 gratiis pro Gratiâ à Vobis in me cumulatissimè
 collatâ referendis longè impar existam, hoc Li-
 terario Munere saltem extet gratissimæ & de-
 votissimæ erga Vos mentis profundæque ve-
 nerationis monimentum. Quantum enim
Serenissimis Celsitudinibus Vestris debeam, si e-
 narrare cœpero, dies me deficiat; & malim su-
 per Vestris *εὐεγερήμασι*, quibus me afficere
 clementissimè placuit, Parrhasii velum ac si-
 lentii siparium adducere, quàm, ut quondam
 de Augusto dicebat Suetonius, idoneis destitu-
 tus elogiis, *parcè & jejunè attingere*. Quid me
 [quod verbo tangere liceat] à Berlinensium,
 quid ab Harderovicensium Scholis, quæ me,
 in Athenæo vestro commorantem, desiderâ-
 runt, abstraxit, nisi celsissima, quâ etiam consti-
 tutum mihi salarium augere volupe fuit, *Sere-
 nissimarum Celsitudinum Vestrarum* Clemen-
 tia? Admittite ergò serenâ fronte, *Serenissime*
)((3 *Prin-*




Princeps, Serenissima Principes, hanc qualem-
cunque affectus devotissimi, præsentis venera-
tionis atque obsequii humillimi testificatio-
nem atque eâdem, quâ hætenus, Celsissimâ
Gratiâ Vestrâ & in posterum prosequi ne de-
dignamini cum, qui, quoad vixerit, pro con-
stanti perennique Serenissimarum Domuum
Vestrarum incolumitate Deum T. O. M. so-
licitis calidissimisque venerari votis nunquam
desinet

*Vestrarum V. V. Serenissimarum Celsitudinum
Humillimum & Devotissimum Clientem.*

J. HENRICUM FLORINUM.


Le-



Lectori Benevolo

S. P. D.

IO. HENRICVS FLORINVS.

 *S*ed ubi ne animum tuum fortè admiratio Amice Lector, quòd, cùm tot sese offerant inter Evangelicos Athletæ in hac Palæstra longè exercitatiores, ego, quem indies ad tot alia onera Professionis demandatæ vocat ratio, impræsentiarum ad confutandos Pontificios accingar? quid rei sit, paucis tibi aperiam. Vigessimus sextus, nî fallor, jam evolvitur annus, ex quo Scholis Pontificiis admotus Latinitati aliisque exercitiis operam dare cœpi: Benevolentia, ut verum fatear, haud exiguâ me prosecuti fuère Monachi, alique, quibuscum ut versarer, studiorum ratio tum exigebat, præsertim conspicati meam in audiendis

diendis Missis, aliisque exercitiis atque consuetudinibus Pontificiis frequentandis [ex imprudentia juvenili] facilitatem. Quae interim ipsos subierit intentio, facile, nō fallar, conjecturā assequitur is, qui cerebrum non gestat in calcaneo. Num autumaveris, eos, qui more Phariseorum mare aridamque circumeunt, ποιῶσαι ἐν αὐτῷ θαλάσσῃ, ut ipse Salvator noster loquitur Matth. 23. v. 15. haereticorum [ceu nos pro modestiā suā nuncupant] Liberis informandis vel tantillum temporis daturos citra praconceptam, si non omnium, saltem plurimorum hac ratione in rete suum pertrahendorum intentionem? Sed quicquid sit; non exigua, ut dixi, fuerunt beneficia, quae in me Viri illi, praesertim Monachi, contulerunt: Quorum proinde memoriam si non grata mente colerem, quis mihi non vitio duceret? quis mihi non ingratitudinis notam inureret? Quā autem me ipsis gratiorem praebeere potero, quā si loco Latinitatis, quā me olim docuerunt, ipsos jam doceam veritatem? Docui illos eam non ita pridem, emissio in lucem libello, quem inscripsi Cathedram Papalem. Docui paulō post illos eandem, amicā Responsione ad librum D. Cornii, Ie-

Iesuita, jussu Gloriosissimæ m. Principis ac Domini D. WILHELMI MAURITII, Principis Nassoviæ &c. editâ. Et in eundem finem prodit jam etiam præsens hoc ad Tractatum Viri jurisprudentiæ famâ Celeberrimi, Domini Johannis Heferi, Responsum. Iudicavi me huic Viro singulariter obstrictum, ad demonstrandum ipsi veritatem (cujus, mecum à primis adolescentiæ annis Scholis Pontificiis admotus, διὰ τὸ χενσολογίας καὶ ἐνδογίας Iesutiarum, naufragium fecerat) non duntaxat quod mihi, Sigena viventi, ipso familiariter uti licuit, sed in primis ratione affinitatis, quæ mihi cum ipso intercessit. Maluisssem propugnare pro Viro quam ipsum oppugnare [quamvis hinc honori ejus civili nihil detractum velim] si modò ipse non oppugnasset veritatem Evangelicam: Hanc autem cum ille non dubitaverit publicè aggredi; non dubitavi ego eandem publicè tueri, hoc in primis Iesuitas aliosque Antagonistas, quibuscunque demum mecum manum conferere placuerit, rogans, & monens, ut conclamati Papismi sui patrociniū suscepturi, omnia à me producta ad exactum τὸ πῶδα examen animo vocent, & non aliqua demum more

) () () (

sibi

sibi & desperata causa Patronis consueto, desultoria levitate hinc inde saltuatim ac carptim, vellecare omiſſis aut diſſimulatis iis, in quibus cardo rei vertitur, aggrediantur. Hoc enim quid aliud est quàm causam deferere eamque ceu desperatam toti mundo prodere? D. Kunkelium, cùm Libro Hesperiano praefixerit censuram suam, aequum fuisset in specie invitare ad respondendum: at cùm ex alto silentio, quod haëtenus egit ad Tractatum Cl. Collega nostri, D. Horchii, conjiciam, eum jam negotiis juridicis [Est enim non duntaxat SS. Theolog. sed & J. U. Doctor] distinguere, volui ei parcere; spe interim nixus, eum, si quid temporis residuum habuerit, me responso dignaturum. Respondeant Viri sed ad omnia, ut à me responsum Cl. Hespero [non, ut solent, ad quaedam tantum saltuatim & carptim, ut videantur demum respondiſſe, simplicibus imposuisse contenti.] & respondere paratum suum inveniant Florinum!



INDEX CAPITVM.

CAPUT I.	<i>De perspicuitate & Lectione S. Bibliorum.</i>	pag. 1.
CAPUT II.	<i>De vocatione Ministrorum Ecclesia.</i>	40.
CAPUT III.	PARAGR. I. <i>De TRADITIONIBUS in genere.</i>	77.
PARAGR. II.	<i>De jejunio.</i>	84.
PARAGR. III.	<i>De Cœlibatu & vita monastica.</i>	148.
PARAGR. IV.	<i>De Miraculis.</i>	201.
CAPUT. IV.	<i>De Cultu Imaginum & Reliquiarum Sanctorum.</i>	245.
CAPUT V.	<i>De Confessione auriculari & Indulgentiis.</i>	312.
CAPUT VI.	<i>De S. Cœna.</i>	367.
CAPUT VII.	<i>De Sacrificiis V. & N. Testamenti.</i>	423.

CAPUT VIII. *De Invocatione Sanctorum.*

446.

CAPUT IX. *De Observatione Legis.* 474.

CAPUT X. *De merito bonorum operum.* 488

CAPUT XI. *De precatione pro mortuis seu*

Purgatorio.

502.

CAPUT XII. *Num sola fides justificet?* 524

CAPUT XIII. *An verè fidelis certus sit de sua*

salute? Et an vera fide deficere possit? 530.

CAPUT XIV. *De libero arbitrio.* 538.


CAPUT XV. *An prestantissima opera no-*

stra sint peccatis inquinata, Et an homo sit

naturâ propensus ad odium Dei Et proximi?

549.






CAPUT I

DE

*Perspicuitate & lectione S.
Bibliorum.*

I.  Ria conatur D. Jurisconsultus in hoc primo capite demonstrare. 1. Versiones nostras, in primis Lutheri esse corruptas. 2. S. Scripturam, etiam in ipsis fidei articulis, esse obscuram, adeoque 3. ejus lectionem laicis, quos vocant (saltem in nostris versionibus) non esse concedendam. Confusè autem & permistè pleraque proponit, nullaque ferè vel limitatione vel restrictione utitur, ut commodius, dum nobis respondere se fingit, extra septa vagaretur.

II. Ad primum probandum antequam se accingat, conqueritur de injuria, quam Reformati Ecclesiæ Romanæ inferant, simplici popello persuadendo, ipsam Laicis lectione S. Scripturæ interdiceret; cum tamen ab ea neminem arceat, dummodo à Catholicis Doctoribus examinata & approbata, non verò hæretica utatur

A

ver-

versione : verum desinat conqueri D. Jureconsultus : Non enim facimus Romanis injuriam. Quæ sit ipsorum sententia, non melius cognosci potest, quam ex regula IV. Indicis Libr. Prohibitor. ex Tridentina Sanctione editi; Cum experimento manifestum sit, si sacra Biblia vulgari lingua permittantur, plus inde ob hominum temeritatem detrimenti quam utilitatis oriri, prohibentur Biblia cum omnibus eorum partibus, sive excusa sive manuscripta, in qualicunque vulgari lingua extent. Quid ad hæc D. Jureconsulte? An dicēs, Pium IV. quia hoc erudum nimis ipsi videbatur, temperamentum aliquod addidisse, reducendo ad judicium ordinarii Parochi aut Episcopi concessionem lectionis Biblicæ, iis scilicet, quos intellexerint, ex hujusmodi lectione non damnari, sed fidei & pietatis augmentum capere posse? Verum est, eum sic rem duram videri emollire voluisse: sed interim etiam non minus verum, facu tatem illam penitus fuisse ablatam in indice librorum Prohibitor sub Sixto V. & Clemente VII. in quo negant, per regulam illam IV. Pii Papæ ullam de novo tribu facultatem Episcopis vel Inquisitoribus aut Regularium Superioribus, concedendi licentiam, emendi, legendi aut retinendi Biblia vulgari lingua edita, cum hætenus mandato & usu S. Romanæ & universalis inquisitionis NB sublata eis fuerit concedendi hujusmodi licentias legendi vel retinendi Biblia vulgaria, aut alias S. Scripturæ tam Novi, quam Veteris Testamenti partes, quovis vulgari lingua editas: ac insuper summaria & compendia etiam historica eorundem Bibliorum seu librorum S. Scripturæ, quocunque idiomate conscripta: quod quidem inviolatè servandum. Audis hæc D. Jurisconsulte? Num perges adhuc nos injuriæ postulare? Luce utique meridianâ clariùs hinc liquet, in

in nullius, five Episcopi, five Parochi, potestate positum esse, Laicis S. Scripturæ Lectionem linguâ vulgari concedere, ac excommunicationi obnoxios esse, quotquot id sibi usurpant. Et quæso, annon etiam ridiculum istud Pii IV. temperamentum? Unde enim Parocho aut Episcopo constabit, eos, quibus Biblia concederent, ex eorum lectione *non damnum, sed fidei & pietatis augmentum capturos esse?* Suum ipsius exemplum ne urgeat D. Juriconsultus: nam apostatis peculiarem à Papa ejusq; affecclis exhiberi favorem, quis miretur? Aliis si quando eadem gratia contingit, Pontificiorum Doctorum eâ in re dissentientium perplexitati acceptam ferant, de qua vide Celeb. Rivetum nostrum *Isagog. ad S. Script. cap. 13.*

III. His præmissis, progreditur jam D. Juriconsultus ad demonstrandum, Versiones nostras, in primis Lutheri, esse corruptas, adeoque jure Catholicos suos ab earum lectione abstrahi. Quàm feliciter, videamus. Provocat (1) ad locum Pauli Rom. 3. 28. ubi inseruerit Lutherus voculam *Allein* / manifestè contradicendo Jacobo cap. 2. 24. asserenti, *ex operibus justificari hominem, non ex fide tantum.* Verùm facilis responsio. Posito enim, (1) non tamen concessio, Lutherum, inserendo hanc voculam, locum citatum corrupisse, quid inde periculi Religioni nostræ accresceret? cum nobis non versio Lutheri, sed textus originalis, Hebræus & Græcus, sit authenticus, ex quo proinde Laici hunc locum, si Lutheri versio alienum inferret sensum, à Pastoribus emendari audirent. Sed (2) falsissimum, Lutherum crimen falsi hæc commisisse. Licet enim illa vocula in textu originali *אלהים* & totidem syllabis non habeatur, habetur ta-

men quoad sensum. Si namq; dicente ibi Apost. homo justificatur *πιστι χωρις ἔργων νόμου*, fide sine operibus legis; Ergo utiq; sola fide. Aut dent nobis Adversarii tertium, quod certe in æternum non poterunt. Hanc eandem mentem suam clariùs adhuc exprimit idem Apostolus Gal. 2. 16. dicens; *hominem non justificari ἢ ἐργων νόμου, ἰὰ πίστεως αὐτῆς ἰν Ἰησοῦ Χριστῷ*. Ubi illud *ἰὰ πίστεως αὐτῆς* nisi per fidem accipitur pro *sed tantum per fidem*, quemadmodum ipse Titelmännus Pontificius exponit. Cum igitur, inquit ille Elucid. Paraphrast. in cap. 2. Ep. ad Gal. credamus firmiter, quod ex operibus legis nemo potest coram Deo justificari, NB. *sed tantum per fidem in Christum*. Ubi nisi accipitur pro non nisi. Unde Estius (itidem Pontificius) constat, voculam nisi frequenter in Scripturis adversativè sumi, ut idem valeat, quod *sed tantum*; Ubi addit, omnes interpretes Græcos & Latinos huic interpretationi consentire, eamq; ex sequentibus colligi, & ex cap. 3. ad Romanos. En versionem Lutheri justificaram ipso Pontificiorum ore, quos si eapropter sugillare D. Jurisconsulto nostro liber, per nos licet. Quibus & adjungere potest Adamum Sasbout, suæ confessionis Virum Doctissimum, in cap. 2. ad Galat. scribentem. Si queras, an ex propositione ista, homo justificatur non nisi ex fide, rectè inferatur, ergo sola fide justificamur? dicendum, quod sic. Et porro addentem. Hac nostra tempestate Catholici Scriptores nullo modo propositionem illam ferunt, putantes, NB. *venenum esse in illa vocula (Sola) & propterea abstinendum*. Veteres tamen non ita abhorrent à vocula (Sola) sed nec Thomas abhorreere videtur, si qui, inquit, in veteri lege justierant, non erant justii ex operibus, sed NB. *solum ex fide Iesu Christi &c.* Arrige aures D. Jurisconsulte, & mirare tuorum Catholicorum

corum concordiam & hodiernæ Religionis suæ antiquitatem jugiter crepantium, discordiam, ipsorumque fidei novitatem! Porro autem nobis responde, si, ubicunque vocula *μόνον* seu *solum* versioni convenienter sensui, insertitur, textus corrumpitur; num ergo etiam LXX. Interpretes textum Deut. 6. 13. *את יהוה אלהיך חירא* *Domini Deum tuum timebis & illi servies*, insertâ voculâ *μόνον* vertendo, *Κύριον τὸν θεόν σου φοβηθήσῃ καὶ αὐτῷ μόνον λατρεύσεις*, corruerint. Si non corruerunt, cur ergo locum Pauli corrupisset Lutherus? Si corruerunt: quomodo ergo ipse Salvator hanc LXX. versionem (vocalam *μόνον*, in textu originali non obviam, retinendo) approbat Matth. 4. 10.? Et quid? si Lutherus hîc crimen falsi commisit; quoties, quæso, ipse Vulgatus interpres, cujus tamen versio Pontificiis est authentica, ejusdem criminis falsi non tenetur? Deut. 12. 31. dicit Deus *את כל הדבר אשר אנכי מצוה אתכם אותו תשמרו לעשיו* Quæ verba (vertenda aliâs, *unamquamque rem, quam ego precipio vobis, eam observantes facite*) Vulgatus reddit; *Quod precipio tibi, hoc TANTUM fac* 10. Sic 1. Sam. 10. 19 dicitur *אתם היום מאסו את אלהים אשר הוא משׁיע לכם* quod vulgatus, insertâ iterum vocalâ *solum*, transfert; *Vos autem hodie projecistis Dominum Deum vestrum, qui SOLUS salvavit vos*. Plura ejusmodi loca, quibus vocala SOLUS à Vulgato inserta, vide 1. Sam. 18. 8. 2. Reg. 19. 11. Cantic. 8. 1. &c. Quæ si ea propter non sunt corrupta à Vulgato, quâ fronte ergo Lutherum corruptionis & depravationis accusas D. Jureconsulte? si autem sunt corrupta; quomodo ergo Vulgati Versio vobis Pontificiis

authentica & infallibilis ? Responde nobis , sed solidè , & eris nobis magnus Apollo.

IV. Pugna, quam contendis hac ratione Jacobum inter & Lutherum (substitue jam Paulum) obtinere , imaginaria est. Paulus locis citatis & alibi docens, *hominem justificari sola fide*, loquitur de justificatione impii coram Deo vide Rom. 4. 5. Jacobus autem loquitur de justificatione justi, & qui jam justificatus est, & tempus atque occasionem habuit fidem suam demonstrandi & declarandi per charitatem ; atque ita manifestandi se justum , juxta illud Johannis 1. cap. 3. 7. *Qui facit justitiam , justus est*. Ille agit de justificatione à priori & constitutivè, hic autem de eadem agit à posteriori & declarativè : Ille intelligit fidem veram & efficacem , hic autem accipit fidem pro fidei professione. Id enim aptissimè quadrat in disputationem Jacobi. *Quæ utilitas*, inquit v. 14. *si fidem dicat aliquis habere , opera verò non habeat , num potest fides illa eum servare ?* Item v. 18. *ostende mihi fidem tuam* &c. Ubi satis innuit, se agere de fidei professione, & ejusdem probatione, quam fieri per opera cum Jacobo confitemur. Quando ergo dicit, *ex operibus justificari hominem & non ex fide tantum* v. 24. nihil aliud vult, quam hominem non ostendere se justum esse, coram Deo & hominibus sola fidei professione, sed etiam tali professione digna conversatione. En Jacobi cum Paulo conciliationem nobis facillimam, vobis autem posita vestrà de justificatione sententià, prorsus impossibilem !

V. Secundum crimen falsi pertendit D. Jureconsultus Lutherum Marc. 11. 26. omittendo verba illa, apud Evangelistam obvia, *Wo aber ihr nicht vergehen werdet /*

bet / so wird euer Vatter / der im Himmel ist / euer
Sünden auch nit vergeben / committite. Responde-
mus, Lutherum, si hæc verba (quæ tamen hodie in
ipsius Versione occurrunt: posito interim, ea ab ipso pri-
mitus fuisse omissa) de industria omisisset, ad perverten-
dum sensum, à crimine falsi non esse excusandum, & pos-
se id ipsi, non autem Evangelicis in genere, jure expro-
brari: Cùm verò id à D. Jureconsulto demonstrari non
possit, nec inde etiam, si vel maximè posset demonstra-
ri, Laicis, utpote qui cum è suggestu, tum ex aliis Versio-
nibus hæc emendari vident, quid periculi imminet,
miror, eum talibus immorari Rectius hanc suam virgu-
lam censoriam in suum strinxisset Vulgatum, dum illam
Christi doxologiam. Matth. 6. 13. *Quia tuum est regnum
& potentia & gloria in secula, amen.* non duntaxat in Exem-
plaribus Græcis vetustissimis & probatissimis, atque in
Versionibus Syriacâ, Persicâ, Æthiopicâ obviam; sed &
vel ipso Bellarmino teste, à S. Patribus, Chrysostomo,
Theophylacto & Euthymio explicatam; absolute ex-
punxit.

VI. Haud minùs etiam injurius est in Lutherum,
dum eum loca A Æ. 4. 22. 23. Jacob. 5. 14. 1. Tim. 5. 17.
Tit 1. 5. vocem Græcam *πρεσβύτερος* Germanicè verten-
do *Eltesten* / adulterâsse contendit. Qui Græcè novit,
haud inticias ibit, vocem illam significare *seniorem*: Est
enim comparativus, à positivo *πρεσβυς* *senex*. Optimè er-
go Lutherus illam vocem ita Germanicè vertit: Et ridi-
culus è contrarius est D. Jureconsultus, dum eam potiùs
verti vult *Priester* / ad ravim usque clamans, Christum
Ecclesiæ suæ reliquisse Sacerdotes propriè dictos. O bo-
ne!

ne! unde hunc istius vocis significatum demonstrabis? Ubi quid de institutis proprie dictis Sacerdotibus in N. Testamento? Sed cum tibi Sacerdotes aded sunt cordi (haud dubiè in gratiam Missæ vestræ) dicas ergo nobis Sint ne tui Missifices secundum ordinem Aaronicum Sacerdotes, an verò secundum ordinem Melchisedecianum? Utrum eliges? an prius? Ergo tui Sacerdotes erunt Judæi & non Christiani. An posterius? Ergo erunt ipse Christus: Is enim solus in S. codice proponitur Sacerdos secundum ordinem Melchisedek Ps. 110. & Heb. 5. & 7. In casum regeres, Christum esse solum Sacerdotem secundum ordinem Melchisedek, sed *summum & primarium*; vestros autem esse *secundarios & subordinatos*: cum ordo Melchisedecianus subordinationem, qualis obtinebat in Ordine Aaronico, non agnoscat. Patet id ex oppositione inter Ordinem Aaronis & Melchisedeci instituta ab Apostolo Hebr. 7. 23. 24. *Illi quidem*, inquit, *plures facti sunt sacerdotes*, quod mors prohiberet eos permanere: At iste, *propterea quod in aeternum manet*, ἀπαράβουτον ἔχει ἱεροσύνην, *habet sacerdotium in aeternum* (scil. tanquam subordinatum, quales erant in Ordine Aaronico) *non transiens*. Et hinc ab eodem Apostolo v. 3. introducitur ἀπόστολος, ἀμύτωρ, ἀγενιαλόγητος, μήτε ἀρχὴν ἡμερῶν, μήτε ζωὴς τέλει ἔχων. Sed hæc ἐν παρόδῳ. Vide interim de his fusè & eruditè differentem Celeb. Horchium, Compatrem & Collegam meum honorandum in suo Sacerdotio Roman. vobisias convict. contra D. Konkelium, Theolog. Moguntinum pag. 56. & seq.

XII. Ex dictis patet, quid jam judicandum sit de reliquis ἐφάμασι, quæ D. Jureconsultus à Doctoribus suis
in

in aliis Evangelicorum Versionibus observata dicit, nimirum non tam in Bibliis, quàm in Jesuitarum cerebris existunt. Quamvis interim, si qua demonstrari possent, inde causæ Evangelicorum, utpotè quibus nullæ Versiones, sed textus Hebræus V. & Græcus N. Testamenti est authenticus, nihil decederet. Convertat potius D. Iureconsultus, quia ipsi de *σφάλμασι*, Versionum agere lubet, oculos in suam vulgatam, Pontificiis authenticam, & habebit domi satis, quod agat. Scatet enim illa passim vitiiis, & quidem hinc inde tam evidentibus, ut à Linguarum Originalium vel mediocriter peritis palpentur quasi manibus. En insignem illam, solatiique plenissimam Dei, de semine Mulieris caput serpentis contrituro, promissionem Gen. 3. 15. ! In hac licet textus Hebræus exhibeat voculam *אִמָּה* ipsum, scil. *semen mulieris*, & verbum *יָרַשׁ* cum affixo suo sit masculini generis, nihilominus tamen Vulgatus in gratiam cultus Mariani (unde non dubitat Guilkircherus *lib. de Noviss. p. 36.* imagini B. V. Mariz appingere; *Hæc est mulier, qua contrivit caput serpentis.* Hem Horrendam blasphemiam!) transtulit ipsa. Sic Gen. 8. 7. dicente textu Hebræo, *Noachum emisit corvum, qui indefinenter exierit & redierit*, Vulgatus corvum non rediisse asserit. Idem Vulgatus Psal. 19. 13. vocem *מִדְּמַי* adeò perfunctoriè aspexit, ut *et ei videretur et*, adeoque reddiderit *ab alienis pro à superbis*. E contrariò videretur perspicillo usus esse, dum Prov. 4. 16. vertit *non rapitur* pro *rapitur*, conspicatus voculam *non*, in textu originali non obviam. Eundem dormiisse credo, cum verbum *אִתְּנָה* Pl. 119. 28. vertit *dormitavit* pro *stilla vit*. Quis à cachiño sibi temperet, qui adhibita hac Vulgati Versione in ca-

put 57. Jeremiæ incidit? dicente enim illic v. 13. textu Hebraeo *הורגו כל חמור* *internecioni devovete omnem exercitum ejus*, ipse transfert, *interficite omnem malitiam*. Sexcenta similia facillimo negotio adduci possent, nisi nobis instituti nostri ratio breviter commendaret. Et quid pluribus opus? Ipse Bellarminus in Epist. datâ Capuz ad Fr. Lucam Brugensem fatetur, Biblia Vulgata non esse satis accurata, cum ait: *Scias velim, Biblia Vulgata non esse à nobis accuratissime castigata: multa enim de industria justis de causis præterivimus, quæ correctione indigere videbantur*. Quid jam videtur tibi D. Jurisconsulte? Num adhuc Ecclesiæ Romanæ, *Matris tue*, quam vocas, in filios suos *fidelitatem* tantopere prædicandam censes? Scilicet tam fida est in vos Pontificios *Mater vestra*, ut vobis omnem textum authenticum abstulerit. Demonstratu hoc facillimum. Cum enim Concilium Tridentinum Sess. 4. Vulgatam Latinam authenticam declaravit, voluit, ut *quàm emendatissime* ederetur, quò pro authenticâ haberi posset. Elapsis autem 40. annis Papa Sixtus V. in Bulla, Bibliis ipsius 1590. Romæ impressis præfixâ, demum gloriatus est, se jam divulgare Editionem, *quàm emendatissime* elaboratam, quæ ex decreto Concilii authentica haberi debeat. Præterlapso verò biennio Clemens VIII. tantum abesse judicavit, ut hæc Sixtina Editio *quàm emendatissime* sit elaborata, utile etiam eam, multa emendando (etiam quantum ad ipsum textum, vide Matth. 27 35. Prov. 25. 24. Lev. 20. 9. Jud. 17. 2. 3. 1. Sam. 4. 21. 1. Reg. 12. 10. 2. Chron. 2. 10. &c.) plura tamen emendanda relinquendo, sub incudem revocârit, atque 1592. aliam, & quidem, ut ipse opinabatur, longè emendatiorem ediderit,

diderit, adeoque authenticam Sixtinæ Editionis sustulerit, suam verò dubiam ac incertam reddiderit, ut proinde Pontificii, utpote non magis certi de Clementis, quàm de Sixti infallibilitate, hodie de nullo textu authentico certiorati esse queant. En *Matrem fidissimam!*

VIII. Et si jam cum præmissis illis conditionibus fingit D. Jureconsultus, selectionem Bibliorum non improbare, nihilominus tamen, quæcunque potest, corradit, ut ejus studiosos ab ea deterreat. Huc enim jam ipsius secundam assertionem; nimirum *S. Scripturam non esse perspicuam, nec ab omnibus hominibus, etiam in ipsis articulis fidei, facile intelligi*, tendere, quis non videat? Ut autem supra, ita non minus hîc dolosè agit D. Jurisconsultus; statum quæstionis pro more Bellarmini aliorumque Pontificiorum pervertendo. Nullus enim nostrum unquam absolute & sine limitatione asseruit, S. Scripturam esse perspicuam & intellectu facilem, qui ultrò fatemur, sua esse Scripturæ adyta & sua *βάθη*. Nullus etiam nostrum unquam docuit S. Scripturam omnibus hominibus, etiam in ipsis fidei articulis, ad salutem intellectu facilem esse, qui non negamus, Scripturas sic esse obscuras omnibus irrogenitis, quibus Evangelium suum rectum esse dicit Paulus 2. Cor. 4. Nullus etiam nostrum unquam statuit, S. Scripturam, etiam in ipsis fidei articulis, adeo passim perspicuam esse, ut non opus sit labore, scrutinio, meditatione &c. Media enim non excludimus; adeoque ridiculus est D. Jureconsultus, dum passim vociferatur, nos debere hæc & illa sine scrutinio & labore totidem verbis ex Scriptura demonstrare. Sed hoc tantum contendimus, quamvis in S. Scriptura non pauca, intellectu

difficilia , nobis sese offerant loca , ipsam tamen cum fructu sine externo Traditionis auxilio vel Ecclesiæ infalibili iudicio à cunctis fidelibus salutariter legi posse , neque obstare has difficultates , quò minus omnia ad salutem necessaria ex ea perspicuè discantur ab iis , qui praviâ divini Nominis invocatione attentè in ejus lectione versabuntur. *Habet enim Scriptura* , ut eximie Gregorius I. in cap. 4. Epistol. Præf. Expo. in Jobum loquitur , *in publico , unde parvulos nutriet , sicut servat in secreto , unde mentes sublimium in admirationem suspendat , quasi quidam quippe est fluvius planus & altus , in quo & agnus ambulet & elephas naset.* Similia vide apud Augustinum libr. 2. de Doctr. Christ. cap. 6.

IX. Audiamus interim, quid D. Jureconsultus opponat. Ad evincendam Scripturæ obscuritatem provocat (1) ad experientiam, utpotè quâ liqueat, multos vero Scripturæ sensu fuisse abusos, variasque quovis tempore ex depravatis Scripturis prodiisse hæreses: At ô misellum! Si multi Scripturis fuere abusi, quid hoc adversus earum lumen? Num propterea sobrius usus vini est inhibendus, eò quòd *ἀνῶτες* & heluones eo abutantur? Dicas autem nobis, num hæreses, de quibus quereris, nasci autumes, vitio Scripturæ, an verò vitio hominum Scripturâ abutentium? Si prius! Non satis utique fida in te extitit *Mater tua*, dum te, nuper ex vinculis hæresis Calvinianæ, quam vocatis, ereptum & *ἀνῶτες* nomine tantopere sibi dilectum filium, concessione lectionis Biblicæ, de novo hæreseos periculo exposuit. Si posterius: quid id lectioni Scripturæ per se præjudi-

judicabit? Sanè si propter abusum tollendus esset usus , auferenda esset Scriptura potius Clericis , quàm Lai- cis , cùm constet vix fuisse hæresiarcham , qui non ex Clero prodierit. Marcion , Arius , Nestorius , Euty- ches , & sic fere omnes. Potius è contrario hæreseos periculo expositis legenda est Scriptura , & ideo legen- da , ut in vera fide confirmentur. *Omnia clara sunt* , inquit Epiphanius Hæres. 79. *in divina Scriptura his , qui para- tiocinatione divinum sermonem audire volunt , & non diabo- licam operationem in se conceperunt &c.* Verior proinde causa , cur Pontificii S. Scripturam vulgi manibus eri- piant , hæc unica est , ne ipsorum hæreses à vulgo depre- hendantur.

X. Verum est , Arium ejusque affeclas , negantes Christum esse ejusdem cum Patre essentia , in Scri- pturis vocabulum *ὁμοούσιον* totidem syllabis sibi demon- strari petiisse (unde D. Jureconsultus obiter & *ὁς ἐν παρόδῳ* observet , quales Wallenburgii & Jesuitæ in methodo sua Veroniana , quam vocant , quâ , reje- cto omni consequentiarum usu , omnia dogmata no- stra totidem verbis sibi demonstrari volunt , habeant *ὁμοούσιον* . nimirum Arianos , pessimos hæreticos) at non minus etiam verum , eos hoc petiisse stultissimè. Sufficiebat enim rem ipsam ex Scripturis demonstra- ri. Credere , Filium esse ejusdem cum Patre essen- tia , necessarium est : at verò vocabulum illud *ὁμοούσιον* usurpare , non item. Primum autem perspicuè in Scriptura habetur Johann. 10. 30. *Ego & Pater unum sumus* : Et 1. Johann. 5. 7. *Tres sunt . qui testificantur in cælo , Pater , Sermo & Spiritus Sanctus , & hi tres*

B 3
unum

unum sunt. Quid clariùs ? Quòd verò hæretici illi excipiant , agi illis locis tantùm de unitate consensùs , non autem de unitate essentia , frivolum est : nam , præterquam quod perfecta ὁμοβολία supponat etiam ὁμοουσίαν , ut benè Jesuita Salmeron contra Arianos observat *Tract. VIII.* ipse Johannes hoc χρησθῆναι τοῦ satis tollit seq. v. 8. Ubi , quia tribus testibus terrestribus unitatem consensùs tantum tribuit , non dicit illos esse *in unum* , quod de cœlestibus dixerat , sed esse eis τὸ *in ad unum*. Loci Joh. 17. 22. diversissimam esse rationem , cœcus sit , oportet , qui non videat Non enim dicit Christus ; *Nos* (Pater & ego) & *fideles unum sumus* , quemadmodum se & Patrem *unum* superius dixerat. Sed dicit , *ut unum sint* , sicut & *nos unum sumus*. Vercula autem καὶ ὁμοίως sicut non est semper æqualitatis , sed sæpe etiam analogiæ & similitudinis , ut Matth. 5. 48. 1. Petr. 1. 18. &c. Eamque hoc posteriori sensu hîc usurpâri (ad exprimendam scilicet unitatem mysticam & spiritualem , quemadmodum , dicente Paulo , *qui agglutinatûr Domino , unus Spiritus cum eo est* , 1. Cor. 6. 17.) non modò ex antecedentibus vers. 14. & 18. sed etiam ex consequenti v. 23. quàm evidentissimè liquet.

XI. (2) Secundam probationem D. Jureconsultus jam instituit ex articulo de descensu Christi ad inferos. Videamus , an felicius. Totus in eo est , ut demonstret , Reformatos hunc articulum pervertere : At ô miserum ! Posito enim (1) non autem concessò , nos circa expositionem hujus articuli errare ; num exinde sequeretur , Scripturam in rebus ad salutem necessariis non esse perspicuam ? quod probandum suscepas : Num ob cœcitate hominum Scriptura perspicuitatis laude exideret ?

(2) Arti-

(2) Articulus ille fatente Bellarmino *lib. 4. de Christ. c. 2. à plurimis Ecclesiis fuit omiffus in Symbolo. Omiserunt cum Irenæus, Origenes, Tertullianus, Augustinus. Non occurrit etiam in Symbolo Romanæ Ecclesiæ, nec apud Orientales. Quid si jam diceremus cum Jesuita vestro Suarez in 3. Thom. q. 52. art. 8. disp. 43. non necessarium, eum inter articulos fidei computare, quod non sit res admodum necessaria omnibus hominibus: quodque ob hanc causam fortasse in Synodo Nicæna omittatur, cujus Symboli cognitio videtur esse sufficiens ad præceptum fidei implendum? Absit tamen, ut cum Jesuitis eò vanitatis procedamus, qui novimus, eum doctrinam tam necessariam complecti, ut neutiquam omit- ti debeat. Catechesis nostra eum rectè de *inenarrabilibus animi Christi angustis, cruciatibus & terroribus, in quos cum antea, tum maxime in cruce pendens fuerat demersus*, explicat. Habetur enim perspicuè in Scriptura & phrasis & res ip- sa. *Phrasis* 1. Sam. 2. 6. Psal. 40. 3. & 69. 3. & 116. 3. *Res ipsa* Joh. 12. 27. Matth. 26. 38. & 27. 46. & c. Certè si Salvatorem tam horribilis subiit timor mortis corporalis, dicendum erit (non sine blasphemia) eum minoris constantiæ fuisse, quàm plurimos Martyres, qui citra metum eam oppetie- runt. Unde autem hoc? nisi quod Martyres Deum, non i- ratum, sed benevolum fuere experti; Christus autem in ago- ne cõstitutus prævidit, sibi tanquã, pro homine in se dam- nato ac exitii reo, mortem cum maledictione cõjunctam oppetendam esse Gal 3. 13. Difficultas, quam huic expo- sitioni moves ex eo, quod *Christus in cruce usque ad sanctam mortem suam tantum, non autem post eam amplius passus fuerit*, neutiquam nos tangit, cum asseramus, Christum ante mortem istis doloribus fuisse obnoxium. Nec est, quod
rege-*

regeras, hoc modo Symboli ordinem perverti : nam (1) Symbolum istud non est formaliter divinum. (2) Non est absurdum, si quis temporis ordine relicto, cognitionis ordinem sequatur : prius enim res visibiles ac sensibiles cognoscimus, quàm minùs visibiles vel prorsus invisibiles. Quare cum corporis mors faciliùs cognoscatur, quàm animæ cruciatus, Symboli auctores, infirmitati nostræ consulentes, primò de eis, quæ sensibus nostris sunt exposita, egerunt, tum de difficilioribus. Vester Limbus Patrum est opima fabula. Dicitur quidem Christus Eph. 4. 9. *descendisse in infimas partes terræ*: sed ibi Paulo sermo est de Christi incarnatione, per quam descendit in infimas terræ partes, sicut ex cælo, supremis partibus, descenderat. Audi Lyræ vestrum: *Vel aliter*, inquit ille in h. loc. *nisi qui descendit primum in incarnatione sua ad inferiores partes terræ, id est, partes huius terræ, quæ sunt inferiores respectu aliarum partium mundi*. Confer Jes. 49. 13. Specialius etiam intelligi potest de utero B. V. Mariæ, in quem descendit Filius Dei, cum ibi conceptus est, quo sensu etiam David dicitur variis membris decoratus fuisse כבוד ורחמים *in infimis partibus terræ* Psal. 139. 15. Ad locum Act. 2. 31. quod attinet, non dicitur, ibi, Christum realiter descendisse ad infernum : sed, *non derelictam esse animam ejus ibi* אנש. Voces autem אנש & הנש etiam sæpissimè sepulchrum denotant. Verterunt etiam ita vestri Montanus & Pagninus, Viri linguarum peritissimi. Nec est, quod dicas, agi ibi de animâ, adeoque vocem אנש de sepulchro intelligi non posse: nam vox ψυχη, cui respondet Hebræorum נפש, etiam cadaver notat, Lev. 19. 21. & 21. 1. Num. 5. 2. & 9. 10. Hagg. 2. 14. Fatetur hoc Baronius con-

contra Bellarminum Tom. 1. an. 55. Sect. 15. Præterea infernus non est limbus, quid ergo hic locus ad limbum vestrum? Verum est, Christum *per Spiritum prædicasse Spiritibus in carcere* 1. Pet. 3. 19. At prædicavit (1) per Noachum, cuius tempore Christus nondum fuit homo, adeoque hic per Spiritum anima ejus intelligi non potest, sed Spiritus ejus propheticus, vid. 1. cap. 1. 11. (2) prædicavit non existentibus in limbo (hoc enim sensu vox *οὐλα* nusquam occurrit in Scriptura) sed in inferno. Vide Apoc. 20. 7. (3) Prædicavit *ἀπὸ τῶν νεκρῶν* olim immortuorum, id est, tempore Noachi (qui tempore Petri erant in inferno) ut liquet v. 20. Eodem Noachi tempore mortui (i. e. qui tempore Petri erant mortui) *prædicatum fuit Evangelium* 1. Petr. 4. 6.: at non per animam Christi: sed per ipsum Noachum. In quem verò finem? ut (scil. quidam eorum) *damnarentur quidem secundum homines*, id est, carne (scil. per diluvium) *vivere autem secundum Deum*, id est, Spiritu. Quæso te D. Jurisconsulte, quomodo hæc in limbum vestrum quadrant? num Christus S. Patribus, juxta vos in limbo detentis, Evangelium prædicavit, ut *damnarentur carne* &c. Quid etiam ad limbum vestrum *carcer*, in quo non est aqua, ex quo Deus victos suos emisisse dicitur Zach. 9. 11? Ipse Jesuita Bailius Catech. Controv. Tract. 2. q. 43. fatetur, hunc carcerem malè intelligi de limbo Patrum, quia, inquit, *in limbo Patrum aliqua spiritalis consolationis aqua reperiebatur, quod vel ex sola miseri divitis petitione manifesto evincitur, qui guttulam aquæ ardentissime petebat ab Abrahamo in limbo detento.* En tibi os obstruendum à tuo Jesuita! quod tamen & ipsi (explicanti hunc carcerem de purgatorio) vicissim obstruitur à Cardina-

le Bellarmino. Vult Bailius, hunc locum non intelligi de limbo, eò quòd in limbo detur *aqua consolationis*, sed de purgatorio, *in quo nullæ sint aquæ*: at Bellarminus lib. 2. de Purg. c. 4. asserit, multas consolationis aquas in purgatorio reperiri. En suavem Jesuitarum harmoniam! Dicis, *Abrahamum non obtinuisse τὰς ἐπαγγελίας* Hebr. 11. 13. At quæ promissa? an fortè vitam æternam? At hujus modò particeps factus fuerat ante Christi mortem Matth. 8. 11. Deus tempore mortis Christi multos filios jam modò in gloriam adduxerat (sic enim ipse Vulgatus reddit participium ἀγαγόντα) Heb. 2. 10. Vide & Heb. 11. 9. 10. An promissum Christi adventum in carnem? *hunc quidem gestivit videre & vidit* (in Spiritu) sed non obtinuit & vidit in carne Joh. 8. 56. At quid hoc ad limbuia vestrum?

XII. (3) Spiritum Sanctum à Patre non factum, non genitum, sed ab utroque procedere, quod sibi jam etiam probari desiderat D. Jureconsultus, patet itidem evidentissimè ex scriptura. *Non factus est à Patre*, quia non est creatura, cujus solius est fieri, sed creator Job. 33. 4. Psal. 33. 6. & Deus Act. 5. 5. 1. Joh. 5. 7. Matth. 28. 19. &c. *Non genitus*: quia nusquam legitur Sp. Sanctus generari, sed solus Filius Ef. 5. 8. Pf. 2. 7. Hinc & *unigenitus* dicitur Joh. 1. 14. & 3. 16. &c. *Procedit à Patre* Joh. 15. 26. & à Filio Gal. 4. 6. Rom. 8. 9. Joh. 15. 26. & 16. v. 7. Hinc Lombardus vester 1. S. d. 11. c. 1. *Quod Sp. S. ab utroque procedat, multis divinarum eloquiorum testimoniis comprobatur.* Et jam pridem ex Scriptura hoc ipsum sigillatim & accuratè adversus hostes Trinitatis probavit ipse Bellarminus lib. 2. de Chr. c. 6. & 22. quem adeat D. Jureconsultus & in posterum causæ suæ melius consulere discat. Reliquos fidei ariculos, qui nobis

bis in Symbolo Athanasiano de SS. Trinitate credēdi proponuntur, etiam sigillatim in Scripturis reperiri, haud min⁹ extra dubium est: Et singulorum articulorum inductione nullo negotio probatum daremus, nisi præstantissimos ipsiusmet Ecclesiæ Pontificiæ Doctores in eo haberemus suffragatores. Thomas 2.2. quæst. 1. artic. 9. ad 1. respondens ad argumentum, quò obiciebatur, inconvenienter articulos fidei in Symbolo poni, quia Scriptura est regula fidei, cui nec adde, nec subtrahere licet, ac proinde illicitum fuisse, aliud Symbolum constituere, quasi regulam fidei post S. Scripturam editam, inquit; necessarium fuisse, quia plerique aliis rebus occupati studio S. Literarum vacare non possunt, ut ex sententiis S. Scriptura aliquid manifestum summarie colligeretur quod proponeretur omnibus ad credendum: quod quidem non est additum S. Scriptura, sed potius ex S. Scriptura sumptum. Audiistine hunc D. Jureconsulte? audi quoque tuum Bellarminum Ad primum illud Augustini testimonium (inquit lib. 4. de V. Dei non Script. c. 11.) ex libr. 2. de doctrin. Christiana c. 9. In his, quæ apertè posita sunt in Scriptura, inveniuntur illa omnia, quæ continent fidem moresque vivendi; respondeo, loquitur de illis dogmatibus, quæ necessaria sunt omnibus simpliciter, qualia sunt, quæ habentur in Symbolo Apostolico. (Cujus tantum Athanasianum enarratio est, adeoque realiter idem, dicente eodem Bellarmino, lib. 1. de justific. cap. 9.) & in Decalogo. Unde pater evidentissimè, Symbolum Apostolicum, & quod cum eo simul incidit, Athanasianum, adeoque etiam omnes articulos de SS. Trinitate, quoad doctrinam, apertè in Scriptura reperiri.

XIII. 4. Certum est, varias verborum Christi, hoc est corpus meum, inter Christianos reperiri interpretatio-

nes: sed quid tum D. Jurisconsulte? Num inde sequitur, S. Scripturam, etiam in ipsis essentialibus non esse perspicuam? desideramus probari hanc consequentiam. Audi interim tuum Bellarminum; *Non potest dici*, inquit ille lib. 1. de Baptismo. c. 22. *locus ambiguus*, quia heretici non conveniunt in eo explicando: ista enim ambiguitas non oritur ex natura rei, id est, ex libri obscuritate, sed ex eorum pertinacia in suis erroribus defendendis. Sic maximè se res habet circa hæc Christi verba. Sensus eorum, maximè si cum antecedentibus & consequentibus, cum locis parallelis & expositione Pauli conferantur, luce meridiana clarius nitet. Nec tu ipse hoc diffiteri audes, quamvis parùm convenienter causæ tuæ. Quod si igitur non pauci nihilominus hæc cœcutiunt, præsertim vos Pontificii, effingendo inde monstruosum & toti antiquitati inauditum Transsubstantiationis dogma, quid hoc ad verus Scripturarum lucem?

XIV. Nomen JESUS omni veneratione dignissimum esse, largissimè largimur, cum nobis non sit datum aliud nomen. *ὁ ὢν ὁ ὢν ὁ ὢν*, *ὁ ὢν ὁ ὢν ὁ ὢν*. Act. 4, 12. Tantum autem abest, ut putemus, nominis JESU legitimam venerationem consistere in quinque illarum litterarum apicibus, ut è contrario eos, qui id putant, superstitionis Cabbalisticæ postulādos censeamus. Nam (1) nulli de eo Dei extat præceptum. (2) Mos ille Apostolis veterique Ecclesiæ planè incognitus fuit. (3) Nomina *Jehova*, *Deus*, *Christus* &c. non minus utique sancta sunt, quibus tamen genua flecti aut capita aperiri non videmus. (4) Cur in nomine *Jesu* Aversarii censent potius genua flectenda esse, quam in nomine *Christi*, *Salvatoris*, *Servatoris*.

ris, Redemptoris, Hylandes & Seligmachers? hæc enim significatione simul incidere, nemo est, qui eat inficias. Cur potiùs honorant nomen Hebraicum, quàm Græcum, Latinum aut Germanicum? Verum est, Paulum dicere, *in nomine Iesu flectendum esse omne genu cælestium ac terrestrium & subterraneorum* Phil. 2. 9. 10. At observa, eum dicere *in nomine IESU*, non autem, *cum aut quoties pronuntiat nomen IESVS*. Num verò tibi hæc duo æquipollent D. Jurisconsulte? Num ergo Christus, cum dixit Apostolis; *Baptizate omnes gentes: in nomine Patris &c.* Matth. 28. voluit innuere, baptizandas esse gentes, *cum aut quoties pronuntiat nomen Patris &c.* Absona utique hæc sunt. Apostolus id intelligit non de quinque externi nominis literis, sed metonymicè de Persona JESu, sicut Act. 4. 12. (2) de die extremi iudicii, ut liquet non duntaxat ex versu proximè sequenti 11. *& ut omnis lingua profiteatur, Iesum Christum esse Dominum ad gloriam Dei Patris* (quod utique non impletur in hac vita) sed etiam Rom. 14. 10. 11. 12. Ubi Apostolus idem dictum ex Iesaja citatum & ad Christum applicatum manifestè ad diem iudicii refert, dicens; *Omnes sistemus apud tribunal Christi: Scriptum est enim: Vivo ego, dicit Dominus, certè mihi se se flectet omne genu, & omnis lingua palam agnoscat Deum.* Et quæso, dicat nobis D. Jureconsultus, quomodo omne genu cælestium, terrestrium ac subterraneorum flectatur, ipso vel alio quocunque pronuntiante nomen JESUS? item, quid tum omnis lingua profiteatur, *Iesum esse Dominum ad gloriam Dei Patris*? Erudiat etiam nos, quâ ratione cælestes & subterranei genua flectant, quibus destituuntur? Implebuntur autem tandem hæc die iudicii manifestissimè: Tunc enim omnes homines, tam cæ-

lestes, i. e. quorum animæ jam sunt in cœlo, & *terrestres*, i. e. qui, Christo veniente, adhuc in terra vivunt, quàm *subterranei*, i. e. quorum animæ jam sunt in abyſſo inferni, ſummam nominis JESU ſublinitatem, in quam ipſum Deus extulit, quàmque aliqui duntaxat ex parte agnovère, plurimi autem agnoſcere noluère, maniſeſtiſſimè, quàmvis ratione & modo longè diverſiſſimo, agnoſcent & confitebuntur. Quæ hîc verborum Pauli detorſio D. Jurisconſulte? Cùm cœleſtes & ſubterranei deſtituantur genibus, ſungus ſit, oportet, qui non videat, Paulum, reſpectu hujus vitæ, non intelligere genuflexionem in nomine Jeſu externam & propriè dictam. Hoc demum noſtrates urgent: Et tantum abeſt, ut tu jure eludas, dicendo; *hoc a què belle procedere, ac ſi dicerem, Deus, utpote Spiritus Job. 4. 24. brachiis, alis & facie deſtituitur, Luc. 24. 38. quare neceſſe non habeo, Deum precari, ut faciem ſuam à peccatis meis abſcondat, quod David precatus fuit Pf. 50. 15. aut Deus me non adjuvat extento brachio, quo adjutus fuit Moſes Deut. 4. 34. aut cauſam non habeo, me ſub alas ejus recipiendi cum Davide Pf. 17. 8. ut potiuste aliorum ludibrio exponas: nam dum ita cum Sanctis iſtis viris precaris, aut attribuis Deo membra illa propriè aut impropriè? Si propriè, Anthropomorphitarum numerum augebis: Si impropriè (ut S. illi viri, locuti ita ἀνθρωπομορφως) non contra, ſed pro Noſtratibus concludis, qui, quia cœleſtes & ſubterreanei propriè dictis genibus deſtituuntur, pariter internam & impropriè dictam genuflexionem hic intelligunt, Nec minùs ridiculus es, dum ais, ad pronuntiationem nominis JESU diabolum fugere. O ſimplicem Diabolum, qui ſe quinque literis fugari patitur! Cui nomen *Jeſus* frequentius in ore, quàm*

quàm ipsis Sagis & Magis, at nihilominus sunt & manent mancipia diaboli. Quid respondebat ipse diabolus Judæis, malos Spiritus adjurantibus per Jesum? Jesum inquit novi & Paulum scio, vos autem qui estis? Act. 19. 15. Certè non externâ nominis JESU pronuntiatione, sed internâ cordis in JESUM fide diabolo resistimus. Hoc nos docet Petrus 1. cap. 5. 9.

XV. 8. Verum est, Dan. 4. 27. *haberi peccata tua justitiâ abrumpe & iniquitates tuas gratiâ erga afflictos*, & Matth. 19. 21. à Christo ad juvenem, ex ipso, quid sibi ad obtinendam salutem faciendum sit, quærentem, dici; *Si vis perfectus esse, abi, vende, quæ habes & da pauperibus, & habebis thesaurum in celo &c.* Sed quid inde? si hæc loca tam clara sunt, quod scribis, ut vel pueri ea capere queant, cur ergo adducuntur, ad probandum, Scripturam, in ipsis etiam essentialibus, obscuram esse? Illis autem Reformatos, cantando, *die gute Wercke helffen nicht / sie mögen nicht behüten &c.* Item docendo ex Catechismo Heidelbergensi quæst. 62. *nostra etiam præstantissima quaque opera in hac vita esse imperfecta, atque adeò peccatis inquinata*, alienum affingere sensum, tuum est figmentum. Cùm docemus, bona opera nihil conferre ad salutem, intelligimus non *de salute obtinenda* (agnoscimus enim, eos, qui bona opera negligunt aut rejiciunt, à salutis viâ deflectere, nec ad eam pervenire posse, si peccatis indulgeant) sed *de salute efficienda vel acquirenda de jure*. Verbo: bona opera requirimus, tanquam necessarios fidei effectus, *viam ad regnū non tãquam regnandi causas*. Et inter alias hujus doctrinæ nostræ causas, etiam hæc suum obtinet locum, quòd *nostra etiam præstantissima quaque opera in hac vita sint imperfecta,*

Et, atque adeo peccatis inquinata. Observa, nos non dicere, omnia opera nostra esse peccata (hoc Pontificii per calumniam nobis affingunt) sed in operibus, etiam bonis, hominem ex infirmitate peccata admiscere, seu, ut Catechesis nostra loquitur, *opera nostra esse peccatis inquinata. Quæ* duo toto cœlo differunt. Didicit autem posterius Catechesis ex Jesaia cap. 64. 4. *facti sumus, ut immundi omnes, & omnes nostra justitia sunt instar panni menstruata* (ad quæ Bernardus Serm. 5. de verb. Jes. Cernere est, quam sit justitia illa sublimis, quam sicut montes Dei Prophetæ esse miratur. Nostra enim si quæ est humilis justitia, recta forsitan, sed NB. non pura. Nisi forte meliores esse nos credimus, quam Patres nostros, qui non minus veraciter quam humiliter agebant; Omnes justitia nostra, tanquam pannus menstruata mulieris. Quomodo enim pura justitia, ubi adhuc non potest culpa deesse!) nec non ex quotidianis precibus Sanctorum, de sua imperfectiōne in hac vita Rom. 7. 16. 1. Joh. 1. 8. 9. querentium, ejusque veniam petentium Psal. 143. 2. Matth. 6. 22. &c. Hanc humilitatem, quam novi Pharisei impietatem vocant, jam facile capiet D. Jureconsultus non repugnare Danieli loc. cit. aut Christo, juveni illi bona opera commendanti (quamvis interim hoc fuerit præceptum personale & exploratorium ad illius factum retundendum & hypocrisin detegendam) cum neuter operum merita commendet, nec sequatur, si fideles adhuc infirmi, in operibus suis bonis aliquid humani admisceant, eos propterea poenitentiam (non tanquam causâ meritoriam vel poenæ satisfactoriam, sed tanquam conditione annexâ) peccatorum suorum cursum non abrumpere, aut opera fidelium, quâ fidelium, non esse bona & Deo per Christum accepta,

pta, quamvis ad eam perfectionem non accedant in se, quæ à lege præscribitur.

XVI. 7. Concedimus in Locorum S. Scripturæ collatione plus posse doctos, quàm minùs exercitatos: Interim tamen certum, cum, ut loquitur Augustinus Epist. 3. ad Voluf. *Scriptura eadem habeat in promptis, quæ in reconditis*, Simpliciores habere in locis facilibus unde pascantur, etiam ex simplici lectione, etsi difficiliores non attingerent. Et sanè non rarò talibus Deus suggerit post invocationem nominis sui, quæ Doctoribus rubore suffundendis sufficerent. Audi Josephum à Costa, Jesuitam. *Vidi*, inquit lib. 2. de Christ. revel. cap. 5. *viros prorsus illiteratos & vix Latine scientes, ex Scripturis tanta depromere, sensusque eos afferre, ut penitus miratus sim &c.* Noli ergo ampliùs eos in univèrsam homines animales nuncupare D. Jureconsulte, abutens dicto Pauli 1. Cor. 2. 14. quasi verò solis literatis spiritualitas tribuenda veniat: Sed perpende potius illud Christi Luc. 10. 21. *Gloriam tibi tribuo Pater, Domine cæli & terra, quòd hac absconderis à sapientibus & intelligentibus & detexeris ea infantibus.* Etiam Pater, quia ita placuit tibi. quamvis interim, ut quilibet idiota promiscuè sine omni discrimine & omni consilio Pastorum aut peritiorum lectionem S. Scripturarum instituat, & in difficilibus aut dubiis auxilium Pastorum negligat, non approbemus. Labet huc referre memorabilem & ad suffundendos pudore vos Pontificios, idoneam Hieronymi methodum legendi S. Scripturam in Epist. ad Lætam de Paula filia instituenda. *Discat primò, inquit, psalterium, his se Canticis avocet, & in Proverbiis Salomonis erudiatur ad vitam. In Ecclesiaste consuescat, quæ mundi sunt, calcare. In Jobo virtutis & patientiæ exempla sectetur. Ad Evangelia transeat, nunquam ea positura de*

manibus Apostolorum acta & epistolas totâ cordis imbibat voluntate. Cumque pectoris sui cellarium his opibus locupletaverit, mandet memoria Prophetas. Quid ad hæc D. Jurisconsulte? olim tam exactè inculcabatur ipsis etiam fœminis & virginibus Scripturæ lectio, hodie à vobis nec viris, nec omnibus quidem Clericis conceditur. Certè si Timotheus, qui à puero sacras literas didicit 2. Tim. 3. 14. 15. & Berœenses, qui quotidie scrutabantur Scripturas Act. 17. 11. quique ea propter à Sp. Sancto laudantur, inter vos pontificios vixissent, parum laudis, eò quòd non erant Doctores sed plebeji, à vobis reportassent! Verum est, Davidem petere sibi oculos reteri, ut videant mirabilia legis Psal. 119. At inde non sequitur, Scripturam in rebus ad salutem necessariis esse obscuram, sed tantum, eam sine ope Spiritus S. salutariter non intelligi, quod ultrò concedimus. Verum etiam est, discipulos non intellexisse statim sensum Scripturarum, Joh. 20. 9. intellexerunt autem, cùm illis Dominus eum aperuit: Ita nec nos intelligimus eum ad salutem, nisi aperiante eo, qui habet clavem Davidis, qui aperit & nemo claudit, qui claudit & nemo aperit Apoc. 3. 7. Hoc utique nihil detrahit Scripturarum perspicuitati, sed humanam, ut supra diximus, arguit tarditatem. De Phariseis, Sadduceis, aliisque, quos citas, idē habeto respōsū.

XVII. 8. Locus Christi Joh. 5. *Scrutamini Scripturas* &c. quātum vos Pontificios urat, liquet ex manifesta violentia, quā illum ad solos Judæorum Doctores detorque-re laboratis, cùm tamen in toto illo capite ne verbulo quidem fiat mentio Phariseorum aut Scribarum. Certè etiam Doctores non fuerunt Judæi illi Berœenses, quotidie *ἀναπύοντες* scrutantes Scripturas, ad verbum *διιδύσκαντες*, videlicet ex mutua locorum collatione, an, quæ Paulus

las dicebat, ita se haberent A^{ct.} 17. 11. Quomodo, quæso, Laici in Papatu Berœensium vestigia premunt? qui ferè nihil rariùs vident quàm Biblia, haud multùm dissimiles illi Sorbonico, cui Robertus Stephanus hoc præclarum adscribit apophtegma, *miror, quòd isti juvenes allegant nobis Novum Testamentum. Per dicm, ego habebam plusquam quinquaginta annos, quòd nesciebam, quid esset N. Testamentum.* Si Judæi Laici tempore Christi & Apostolorum laudabiliter legerunt S. Literas: quare & hodie non Christiani Laici? Num forte hodie illud Pauli monitum, quò Colossenses suos alloquitur, *Sermo Christi inhabitet in vobis copiose cum omni sapientia* Coloss. 3. 16. non ampliùs obtinet?

XVIII. 9. Eunuchus ille, cujus fit mentio A^{ct.} 8. 28. nonne etiam laudabiliter, licet Laicus, Jesaiam legit? cur ergò idem & hodie Laicis non liceret? Regeris (1) inde non sequi, *quemlibet fungum & insulsum ad Scripturarum p^{er}sonam admittendum esse.* Sed quis Reformationum hoc unquam docuit aut approbavit? Sequitur tamen, quod tu ipse diffiteri non potes, *homines prudentes* (quales utique non soli Clerici, sed etiam Laici sunt) *Biblia usurpare & legere posse.* Et hoc est, quod volumus. Si autem, quod prætendis, Laici verum Scripturarum sensum non capiunt, sed iis ad varios errores & hæreses abutuntur, ad quid ipsis Bibliorum lectio? Ad dis quidem restrictionem, dummodo pura & incorrupta versione utantur, sed futilissimâ. Quasi verò idem abusus apud eos etiam, qui incorruptissimâ utuntur, non obtinere queat! Si qui in varios errores incidant, ex uno Scripturæ loco male intellecto, alterius sensum evertentes, id quidem ad suam ipsorum perniciem faciunt, sed nihil propterea de Scripturæ dignitate, veritate & facilitate decedit. Regeris (2) *Eunuchum le-*

gisse quidem, sed non intellexisse: cum interrogatus, num etiam intelligeret, quæ legeret, rotundè negaverit. At quid inde D. Jurisconsulte? Erat Eunuchus ille profelytus in pietatis Doctrina, nondum admodum longè progressus. Ab eo igitur ad alios (Sutores etiam & Sartores, quos sæpius nominas, qui fuerunt in Religione Christiana educati & abineunte ætate partim privatim, partim publicè cum Timotheo sacras literas didicere) vel contra Scripturæ claritatem quomodo procedit argumentum? (2) Agitur tantum de uno loco Jesaiæ, à quo ad totum Scripturæ corpus quæ consequentia? Locus Petri 2. c. 1. v. 20. quid etiam ad rem? Rejicit ille privatas Scripturæ Interpretationes, i. e. quas homines ex cerebris suis & pro libitu fingunt, non in Laicis tantum, sed etiam in ipsis Doctoribus ut patet v. 21. Et has nos etiam quàm maximè rejicimus, habentes interim firmissimum illum sermonem propheticum, quem bene facimus quod attendamus, velut lucernam splendens in obscuro loco, &c. ut idem Petrus (commendans omnibus Scripturæ lectionem) v. præcedenti 19. loquitur. Eiusdem farinae est, cum provocas ad locum ejusdem Apostoli 2. c. 3. 16. Nam (1) Petrus non dicit tibi, Epistolas Pauli esse obscuras & intellectu difficiles, sed quasdam res in iis contentas (ἰσθὶς ἱεὶς δύσκολὰ τινὰ, inquit, non ἰσθὶς, scil. ἱερολαίς.) Quis autem ferat ita ratiocinantem; In Epistolis Pauli sunt quædam difficultia, Ergo Epistola Pauli in universum sunt difficiles: nēdum sic disputantem; In Epistolis Pauli sunt quædam difficultia: Ergo sacra Scriptura in universum est obscura, vel, nō tradit perspicuè ea, quæ ad salutem sunt necessaria? (2) Quid addit Apostolus? quæ indocti, inquit parumque stabiles detorquent &c. Non ergo hoc faciunt fideles, docti à Deo, & in fide stabiles. (3) Si δύσκολὰ τινὰ quædam tantum in Epistola

pistolis Pauli sunt difficultia, sequitur, reliqua esse *τυρόνια*, adeoque perspicua. Ad Mysteria, alibi in Scripturis obvia, pariter frustra provocas: nam non est quaestio de *obscuritate rerum seu mysteriorum*, cum utrimque fateamur mysteria pleraque, in Scripturis tradi solita, adeo sublimia esse, ut longissimè captum non duntaxat Laicorum, sed etiam ipsorummet Doctorum, superent: sed de *obscuritate modi*. Scriptura licet tradat mysteria, tradit tamen ita & tam mirabili *συγκατάβασι*, ut fideles, oculis mentis illustratis praediti, ea, in quantum ipsis ad salutem necesse, capere queant. V. G. Mysteriū SS. Trinitatē annon arduum & sublime? At Scrip. clarè satis docet, Deū esse unū & trinū 1. Joh. 5. 7. &c.

XIX. 10. Conatu æquè irritò jam transis ad verba Pauli Heb. 5. 11. *De quo (Sacerdotali Christi officio) nobis multa sunt dicenda, sed difficultia &c.* Apostolum enim hīc non loqui de *obscuritate Objecti*, seu Scripturæ sed *Subjecti* seu personarum, liquet ex verbis, proximè subnexis: *quandoquidem segnes facti estis auribus* Reponis, *Num etiam plurimi, maxime illiterati prudentiores hodie erunt illis Iudeis in intelligenda Scriptura?* R. (1) Quidni? cum fuerint nati, educati, & à pueritia instituti in Religione Christiana, quod utiq; illis Iudeis recens conversis non obtigerat? (2) Si tamen non essent; quid inde? Num fortè abstrahendi à Scripturæ lectione, ut cum vestra plebe Pontificia jugiter in crassissimis ignorantiae tenebris verterentur? absit! sed potius exemplo ejusdem Apostoli (qui Iudeos de eodem Sacerdotali Christi officio secundum Ordinem Melchisedek, quod, quia *πολλοὶ τῶν ἀνοήτων* factierant, initio capere non poterant, plenius erudit Heb. 7.) instituendi & ad industriam instigandi? (3) Quid inde etiam contra perspicuitatem Scripturæ? num obscuritas Subjecti inferet etiam obscuritatem Objecti?

XX. 11. Sed pergis; *ne quidem patere ex Bibliis, quale principium intelligendum sit Gen. 1. 1. Prov. 8. 23. 1. Joh. 3. 8. Joh. 8. 44. 1oh. 1. 1. Apoc. 13. 8. R. 1.* Quale principium locis illis intelligendum veniat, vide commodè demonstratum in *Notis marginal. ad Biblia Basileensia. 2.* Posito interim tamen, solidè demonstrari non posse, quid inde inferes? num forte, Scripturam non esse omnibus in locis intellectu facilem? vanus es; nam nemo nostrum hoc unquam affirmavit: an fortassis, Scripturam in rebus ad salutem scitu necessariis non esse perspicuam? ridiculus es: nam quis sanæ mentis asserat, ignorantiam *הוא שיהיה* inferre illicò periculum non consequendæ salutis?

XXI. 12. Numerum articulorum fundamentalium etiam frustra à nobis efflagitas; hunc enim definire esset (1) *temerarium*, cum Scriptura eum nusquam definiat. (2) *Modestia Christiana contrarium*, cum, quantum quisque teneatur scire & credere veritatis divinæ, ut salvetur, non aliunde, quàm à libero Dei pendeat arbitrio ac determinatione, quam ille arcano suo decreto, respectu omnium & singulorum hominum, fecit: & varia sit illa pro ratione hominum, locorum, temporum aliarumque circumstantiarum, ad sciendum & credendum dogmata necessaria, obligatio. (3) *perniciosum*, quia illa articulorum definitio præberet hypocritis idoneam ansam securè indormiscendi illi cogitationi, se jam pervenisse ad metam & dicere posse, *nulla re opus habeo Apoc. 3. 17.* Nec etiam (4) *necessarium*? sufficit, si possumus ex Scriptura evincere, quod facile possumus, vos Pontificios in fundamento errare: et si constitutum non habeamus, quot præcisè sint articuli fundamentales. Sic convicerunt olim Christus & Apostoli Phariseos, Scribas & Sadduceos errorum fundamē-

talium, licet definitus articulorum fundamentalium in V. T. non occurreret numerus. Si Theologi nostri aliquando articulos fundamentales paucos esse statuunt, constituent eos V. G. in cognitione communium istarum Ecclesiæ formularum, Symboli Apostolici, Decalogi, Orationis Dominicæ, & institutionis Baptismi ac S. Cænæ, non loquuntur de quantitate eorum minimâ, sed maximâ. Sed en D. Jurisconsulte, flagitas à nobis nostros articulos fundamentales per Scripturam definitos; flagitamus & à te vestros, definitos per antiquam Ecclesiam aut Concilia. Tu nihil agnoscis pro articulo fidei, nisi quod Ecclesia (licet nescias, quid per Ecclesiam intelligere debeas) tanquam articulum fidei definivit. Dic as ergo nobis, in quo Concilio, ante Tridentinum, paulò ante 100. annos demum habitum, illi articuli fidei, quos contra nos defenditis (exceptâ mutilatione S. cænæ) definiti & vobis sub gravi anathemate credendi propositi fuerint? certè ne unicum quidem nominare poteris. Ergo vestri, vobis hodie definiti, fidei articuli ante centum annos demum, & quidem in furno cerebri humani, pisti sunt.

XXII. 13. Oggannis porro; *Si Scriptura adeò perspicua est, ad quid tot commentarii & in concionibus interpretationes?* Verùm facilis responsio. Concinnantur commentarii, non quòd sine iis Scriptura nullo modo intelligi queat (nam Apollo erat *δυνατός ἐν ταῖς γραφαῖς* Act. 18. 24. nec tamen vel Apostolorum, vel, quod sciamus, commentariorum operâ usus fuerat: huic conjunge Berœenses Act. 17. & Timotheum 2. Tim. 3. 15.) sed ut intelligatur tanto facilius. Idem habeto responsum de nostris coram populo interpretationibus. Sunt illæ testes non Scripturæ obscuritatis, sed hominum infirmitatis ac tarditatis. Fiunt illæ

illæ (1) ut, quæ sine illis intelliguntur mediocriter, intelligantur tantò melius, etiam à rudioribus (2) ut difficiliora cum clarioribus collata rectius intelligantur. (3) ut intellecta rectè applicentur.

XXIII. 14. Quid etiam ad rem, quod, eandem cramben recoquendo, replicas; *Si Scriptura adeò perspicua est, cur tot ex prava Bibliorum interpretatione oriuntur hæreses?* Respondum modò satis ad hæc suprà thes. 9. Hæreses non nascuntur vitio Scripturæ, sed depravatæ hominum naturæ. Nec hæreses periculum tam à populo, quam ab ipsis Doctoribus imminet. Num propter quorundam abusum tollendus usus à Deo præceptus & semper in Ecclesia Dei continuatus? Cur non potius imagines à conspectu vulgi, qui earum aspectu & cultu, vestratibus ipsis farentibus, in gravissimam idololatriam incidit, removeris? nimirum mavultis usum imaginum, licet prohibitum, quam Scripturæ, quia illæ, ad hæreses vestras silent, hæc autem eas detegit. Hem eximiam prudentiam! Hæreses trecentas, quas in Anglia ex Scripturæ lectione ortas dicis, imaginariæ sunt, & non tam in regno isto, quam in tuo cerebro occurrunt. Nimirum cum Theologi nostri in hoc vel illo difficili & obscuro Scripturæ loco explicando dissentiant, consentientes licet cæteroquin in essentialibus omnibus, illico vobis apud nos novæ hæreses enatæ dicuntur. Hinc Cudsemio, itidem Apostata, alia apud nos est hæresis Voëriana, Gomariana, Piscatoriāna, &c. Ridemus has nugas: & quot, quæso, ejusmodi hæreses apud vos facili negotio non inveniri possent? imò longè graviores; cum demonstrare queamus, vestros Theologos ne quidem in ipsis fidei articulis conspirare. Sed posito, verum esse, quod dicis, quid inde? num ex quorundam

dam abusu rei alioqui bonæ usum aliis interdicere convenit? Non suadet hoc S. Augustin. quem citas; carpit tantum abusum Scripturæ, quem & nos carpiamus, maxime improbantes, si quis Scripturam pro cerebri sui lubitu interpretetur, Audi interim, quam parum idem S. Pater vobis assentiatur. *Magnificè & salubriter*, inquit lib. 2. de doct. Christ. c. 6. *Sp. S. ita Scripturas sanctas modificavit, ut locis apertioribus fami occurreret, obscurioribus autem fastidia detergeret.* Nihil enim serè de illis obscuritatibus eruitur, quod non planissime dictum alibi reperiatur. Et cap. 6. de Utilitate credendi. *Quicquid est, mihi crede, in Scripturis illis, altum & divinum est. Inest omnino veritas & reficiendis instaurandisque animis accommodatissima disciplina & planè ita modificata NB. ut nemo inde haurire non possit, quod sibi satis est, si modò ad hauriendum devotè ac piè, ut vera Religio possit, accedat.* Audi & S. Chrysost. *Omnia*, inquit homil. 3. in 2. Thess. *clara sunt & plana in Scripturis divinis. Quæcunque necessaria sunt manifesta sunt.* Et hom. 3. de Lazaro. *Etiamsi non intelligas illic recondita; tamen ex ipsa lectione multa oritur sanctimoniam.* Et homil. 33. in Acta. *Venit Gentilis ac dicit: Vellem fieri Christianus, sed nescio cui adhæream. Multa sunt inter vos pugna, seditiones ac tumultus. Nescio, quod dogma eligam, quod præferam. Singuli dicunt, ego verum dico. Cui credam nescio, cum ego Scripturarum sim ignarus, & illi utrinque idem prætexant.* Quid verò Chrysostom. ad hanc hominis Gentilis propositionem respondet? Non postulat Scripturam obscuritatis: non mittit eum ad Ecclesiam Romanam: non ablegat eum ad Papam, tanquam infallibilem controversiarum in rebus fidei iudicem, quod à te & Monachis tuis ablegatus fuisset. Sed respondet. *Sanè hoc multum pro nobis: Nam, si quidem diceremus, rationibus nos credere, merito perturbaberis. Sed cum Scripturas accipimus, & illa sint simplices & vera, facile tibi fuerit judicare. Si quis illis consentit, Christianus est. Si quis contra illas pugnat, procul est ab illo canone.* Quid tibi videtur de hac Chrysostomi methode D. Jurisconsulte? nonne hodierna Bellarmini, Suarezii, Vasquesii, Veroni, Cottoni, Gretseri, Bailii, Keddi, Walenburgiorum, aliorumque tuorum *ἐδνῶν*, ad ravim usque licet antiquitatem crepantium, praxis ab ea toto cælo differt?

XXIV. 15. Concordant cum his duobus in commendanda Scripturæ in essentialibus perspicuitate & inculcanda ejusdem omnibus

E

fide-

fidelibus lectione etiā reliqui Patres, quorum testimonia apud Whittakerum, Mornæum, Chamierum, & Rivetum legi possunt. Vos soli estis lucifugi illi, qui Scripturam nō tantum imperfectionis nominetraducunt, prætendentes, eam non esse necessariam, non esse Dei mandato scriptam, esse mutilam, imò, quod horrendum auditulei sine autoritate Ecclesiæ non plus fidei esse adhibendum, quàm ethnico Scriptori Tiro Livio (quæ Jesuitæ Bailii est modestia *Catechis. Controvers. q. 12.*) imò quàm fabulis Æsopi, ut Hosius blasphematur, lib. 3. de aut. script. fol. 27. Unde verbum Dei non erit verbū Dei, nisi Romæ placuerit: sed etiam obscuritatis accusatam vulgi manibus eripiunt. Revera signum mala causæ: certe indoles non verorum Christianorum (his enim utpotè filiis, religio est Testamentum patris sui tam parvi putare) sed potius veterum hæreticorum! de quibus ita Irenæus lib. 3. cap. 2. *Cum ex Scripturis arguuntur, in accusationem convertuntur ipsarum Scripturarum, quasi non rectè habeant, neque sint ex auctoritate, & quia variè sint dictæ, & quia non possit ex his inveniri veritas ab iis, qui nesciant traditionem.* En egregios Antecessores vestros! Verbo: Papa dissuadet lucem Scripturæ, ne populus, emergendo ex tenebris ignorantia, deferat communionem suæ Ecclesiæ.

XXV. 16. Prævit Sanctis illis Patribus suo exemplo Ecclesiæ, cum Judaica, tum Apostolica. Ad illam quod attinet, quàm non fuit diligens in lectitanda S. Script. ? Ipse vester Arias Montanus *præf. in Masor.* testatur, libros sacros ab omnibus fuisse lectitatos, & hūc in finem plurima exemplaria, Josia Rege jubente, fuisse descripta & populo tradita. Hanc quod spectat, vide praxin Timothei 2. c. 3. 14. 15. Bercepsium Act. 17. 11. & Apollinis Act. 18. Perpende imprimis mādātum Dei ad omnes & singulos Deut. 9. 6. & 31. 11. 12. & commendationem Christi Joh. 5. 39. & Pauli Col. 3. 16. Observa, Apostolos epistolæ suas scripsisse ad omnes Sanct. Romanos, Corinth. Ephesios &c. Rom. 2. 7. Eph. 5. 1. Col. 4. 16. Et dic tandem, quem in finem verbum Dei sit scripto mandatum, nonne ut cognoscatur ab omnibus ad salutem? at id sit legendo & meditando. *Hæc scripta sunt, inquit Joh. cep. 20. 31. ut credatis, Iesum esse illum Christum, Filium Dei, & ut credentes vitam habeatis per nomen ejus.* Et Paulus Rom. 15. 4. *Quæ ante scripta sunt, ad nos docendos ante scripta sunt &c.* Confer. 2. Tim. 3. 16.

XXVI. 17. Quid ad hæc D. Jurisconf. Regeris (1) *Scripturā quidem populo judaico fuisse publicē & ita altē atq; distinctē prelectā, ut quilibet audire & intelligere potuerit: verū explicationē ejus illi petendā fuisse ab Esra.* At miscellū hoc est *ἡρατοῦς ἡρατοῦς* nā (1) Judæis non tantū publicē prælegebatur Scriptura (quando autem hoc fit vestris Laicis?) sed etiam illi ipsi eam privatim meditabantur, ut suprà modò probatū: x Deut. 6. 6. cui adde Deut. 10. 18. & 17. 18. Jos. 1. 8. Pl. 1. Joh. 5. 39. & c. (2) Quod populus explicationem petere debuerit ab Esra falsissimum est: Nec probatur Nehem. 8. 14. Illic enim non populus, sed *primores paternarū familiarum totius populi Sacerdotes & Leviæ ad Esram congregati fuisse dicuntur, idq; ad intellectum habendum in verbis legis*, nempe quod ad uniuscujusq; munus attinebat: adeoq; ratione circūstantiarum: nam aliās ipsi essentialia legis satis intelligebant, utpote qui hætenus laudabiliter populo legem explicuerant ut videre est v. 9. Intellige, ubi in lege (intellecta aliās à viris & mulieribus v. 2. 3.) difficultas aliqua occurrit. His quæ (2) addis ex 2. Chron. 19. 8. 11. ejusdē sunt valoris: nam illic quidē dicitur *Amaria* (non Amasias) *constitutus esse summus Sacerdos in negotio Jehova*, (ut scil. judicaret lites & certamina inter fratres orta, quemadmodū liquet v. 10.) sed quòd laici legis à se lectæ sensū (tanquam ratione illius bruti) ab ipso petere deberint, id è *ἡρατοῦς* Hoc tuum est figmētum. Quin, si vel maxime populus in hoc vel illo legis, loco explicationem ejus desiderāset, quid hoc pro vobis? cū, multa adhuc difficilia in Script. occurrere, nemo nostrū unquā negaverit.

XXVII. 18. Scimus, Christum *discipulorum mentem aperuisse, ut intelligerent Scripturas* Luc. 24. 45. Sed quid inde pro vobis? Hinc quidem liquet humana tarditas, sed non Scripturarū in rebus ad salutē necessariis obscuritas. Imperitis utiq; & incipientibus, quales discipuli Christi cum temporis erant, omnia sunt difficilia. Conf. Thes. 16. 19. Cui enim crambe totius cocta fastidū nō pariat? Audi interim tuos Jesuitas. *Sunt loca*, inquit Josephus à Costa cap. 3 de Christ. Revel. *aper- ta sunt obscura & quæ ad salutem omnibus necessaria sunt, planissimē in Scriptura posita sunt.* Et Costerus Enchir. c. 1. p. 48. *Non inficiamur præcipua illa fidei capita, quæ omnibus Christianis cognita sunt ad salutem necessaria, perspicue satis esse Apostolicis scriptis comprehensa & c.* En Papistæ os ob- structum per Papistas! En vim veritatis erumpentē è medio Papatus!

XXVIII. 19. Non dicit David Ps. 119. 130. *declarationem illuminare Dei verbum*: sed, פתחתי את פי ופירשתי את דבריך *aditus verborum tuorum illuminat*, innuēs, tam perspicuam esse doctrinæ lucem in verbo, ut primo statim & lectionis & meditationis accessu illuminet. (2) Sed admittis etiam Vulgati vestri versione וְפָתַח, *per declarationem*, quid inde? num, neminem posse habere verum Scripturæ sensum *sine declaratione Ecclesiæ*? 16. gē falleris. Ipse Bellarm. vester in *Comment.* fatetur, hanc *declarationem* referti posse ad infusionē luminis divini: Et hoc bene: nā sine illo lumine nemo Scripturā, etiā in locis maximē perspicuis, salutariter intelliget. Intelligi tamē etiā potest de verbo alibi proposito, quemadmodum August. dicit lib. 2. de doct. Chrīst. c. 2. *ad obscuriores locaciones illustrādas de manifestis sumēda esse exempla*. Et Basil. in asceticis nu. 267. *qua ambigū & obscurē videntur dici in quibusdam locis Scripturæ, ab iis, qui in aliis locis aperta & perspicua sunt, explicari*. Et Chrysost. in Gen. hom. 11. *Scripturam se ipsā exponere, neminem errare sinere*. Veræ Christi Ecclesiæ in interpretanda Scriptura non negamus suas esse partes, præferēdas etiā iudicio privato quamdiu de veritate nondū sumus plenē persuasi: sed demū ministeriales, publicas quidē, sed nō summas & infallibiles (Talis enim si daretur Iudex & Interpres, tūc nullæ possēt dari hæreses, cōtra illud Paul. 1. Cor. 11. 19. 2. Thes. 2. 11.) Sed scimus quoq; & suas esse cuius privato Rō. 14. 5. 1. Cor. 10. 15. 1. Thes. 5. 21. 1. Joh. 4. 1.

XXIX. 20. Pergis. *Si magni Ecclesiæ Doctores in explicandis Bibliis errare poterunt: ergo multo magis alii, tot & tantis à Deo donis non exornati, errare poterunt*. Atqui verum Antecedēs, ergo & cōsequens. Assumptū probas 1. exemplo Chiliastarū: 2. Cypriani infātes ab hæreticis baptizatos rebaptizandos opinati. 3. August. iplis etiā infantibus S. cœnā administrandā esse defendere conati. R. Concedendo totū argumentū: qui d enim contra nos D. Juriscons. qui quoad externam objecti demonstrationē nullam Scripturæ, præter ipsā Script. seu Deum in ea loquentē, infallibilē interpretē agnoscimus. Ab hac norma quia S. Patres hisce in pūctis deflexerunt, errarunt, & nos quoq; si ab ea deflectemus, errabimus. Locus Apoc. 20. 3. 4. ad quem Chiliastæ provocarunt, obscurus, & variis interpretationibus obnoxius est, adeoq; impar fundandæ opinioni, quæ pugnat cū plurimis aliis expressis Scripturæ locis. Faverint aliqui Reformati Chiliaismo, quid tum postea? quamvis erraverint, non arietarunt tamen, prout ipsi explicarunt suā opinio-

opinionem, in fundamentum salutis. Etiam ei faverunt plerique, S. Patres huc induci autoritate Papæ, imò, teste Iustino *contr. Tryphon*. cōmunis ille olim omnium Catholicorum fuit error (unde obiter observa, Patres in controversiis non posse sedere iudices, neq; haberi infallibiles Scripturæ Interpretes, cū non singuli tantū seorsim, sed cōplures simul in controversiis, quæ vobis iudicatur momentosa, hallucinationis manifestæ sint comperti) quos tu eapropter pro tua modestia hæreseos nomine traducere nō dubitas, nescius distinguere inter Chiliaistas *Crassiores*, quales erant Cerinthiani (quorum Chiliaismus, cū habuerit plurimū tū de Epicureismo, tum de Judaismo, iure merito in Synodo Antiochena damnatus fuit) & *subtiliores*, quales fuere Patres. Nobis meritò Religio est, dānare ut hæreticos, tot S. Doctores & Martyres, imò totam Ecclesiam Christianam, quæ Iustini Martyris tempore, ut suprà audivimus, in hūc errorem implicita fuit. Sic ipse August. falsè quidem ridet hunc errorem, sed non dānat. Ita enim ait de C. D. XX. 7. *Hac opinio (de regno millenario) esset utcumque tolerabilis, si aliqua delicia spirituales in illo Sabbato, scilicet, mille annorum, affusura Sanctis per Domini præsentiam crederentur. Nam etiā nos hoc opinati sumus aliquando.* Nec etiā eum dānare sustinet Hieron. quē vid. l. 4 in *Ier.*

XXX. 21. Ad Cyprian, quod attinet, non peccavit ille ad Scripturā provocando, sed Scripturā abutendo, Paulū enim, cū ait Tit. 3. 10. *hominē hæreticum reijce*, non loqui de infantibus, evidentissimè patet ex verbis adjunctis *post unam & alteram commensationem*, Num id in infantes cadit? Præterea distinguendum est inter hæreticos. Alii enim essentialia baptismi corrūpunt & formā institutionis mutāt. Alii verò illa retinent, & verā doctrinam de SS. Trinit. in formula baptismi contentam, teneant. Priores demum (quales sunt omnes Antitrinitarii) non autem posteriores (quorum numerum olim adaugere Novatiani & hodie Pontificii) hac in parte, id est, quantum ad baptismum, sunt *arbores mala & emarsida* ut Christus Matth. 7. 17. & Judas v. 12. loquitur. Hanc distinctionē si observassent Cyprian. Episc. Carthaginensis, & Stephanus, Episc. Rom. in quæstione illa de iteratione baptismi, facili negotio uterq; se expedire potuisset. Dixisset ille rectè, baptizatos à prioribus rebaptizādos. Nec hic (Stephanus, qui affirmabat recipiendos esse baptizatos ab hæreticis sine nova tinctione) dixisset malè, baptizatos à posterioribus nō esse rebaptizādos.

Frustra autem à nobis flagitas D. Jurisconsul. decretum ex Scriptura, quò liqueat contra Cyprianum, ejusmodi baptisma non esse iterandum. Nam sufficit nobis, nullum deiteratione baptismi in Scriptura extare mandatum, nullum argumentum, nullum exemplum, ut de S. cœna 1. Cor. 11. 26. Accedit, quòd circumcisio, in cujus locum Baptismus successit Col. 2. 11. nō fuit iterata. Præterea baptismus est signum regenerationis: homo autem tantum semel regeneratur, quemadmodum semel nascitur. Sed quid nobis hac in re molestiam creas D. Jurisconsul. ? cū in indice Bibliorum jussu Sixti editorum ita legas; *Baptismus non est iterandus ad Ephes. 4. 5. ad Hebræos 6. v. 6. cap. 10. 26. &c* En tibi ab ipso Papa tuo ex Scriptura probatam baptismatis irreiterabilitatem! Ne jam addam, hoc dogma, baptizatos ab hæreticis non repaptizandos esse, non esse ad salutem scitu necessarium, cū non dubitandum sit, quin multi, hujus controversiæ protus ignari, cœlum fuerint ingressi! imò spes sit, aliquos jam inter cœlites agere, qui negarunt: quos inter locum obtinet Cyprianus, cujus hac in re error à Patribus notatur, salus autem indubium non vocatur. Observa interim hîc obiter, quàm parum veteres ἀναμάρτητοι Episcopi Romani agnoverint.

XXXL 2. Verba Christi Joh. 6. 53., *Nisi ederis carnem filii hominis & biberis ejus sanguinem, non habebis vitam in vobis*, sententiæ Augustini de S. cœnâ infantibus ministrandâ non favent 1. Quia Christus ibi non agit de manducatione externâ & sacramentali cœnæ, ut pote quæ tum temporis nondum erat instituta, nec adeò strictè & absolute ad salutem necessaria; sed de spirituali, ut patet ex v. 35. 40. 47. 48. 51. 2. Si etiam de eâ ageret, non tamen sequeretur, infantibus esse S. cœnam ministrandam, cū Christus ibi expressè Judæos adultos alloquatur ut liquet v. 41. Obstant etiam huic sententiæ alia loca clarissima: Nam fruiturus S. cœna tenetur *seipsum explorare* 1. Cor. 11. 28. tenetur *accipere, edere panem & bibere poculum* v. 23. 24. 25. tenetur *mortem Domini annuntiare, usquequo venerit*. 26. 27. Quæ utique in infantes non cadunt. Nonne hæc satis clarent D. Juris consulte? Sed interim observa *ἐν τῷ πύδῳ*, non solum Augustinum, sed etiam papam vestrum, Innocentium I. hanc erroneam opinionem amplexum fuisse, ut Maldonatus vester pluribus demonstrat in cap. 6. Joh. addens, hanc eorum sententiam *sexcentos circiter annos etiam*

etiam in Ecclesiâ viguisse: Concilium autem Tridentinum hanc antiquorum sententiam anathemate percutit, Sess. 21. can. 4. ebulliens: *Si quis dixerit, parvulus, antequam ad annos discretionis pervenerint, necessariam esse Eucharistia communionem, anathema sit.* Sic ergo Concilium istud non tantum Augustinum, & sex priorum seculorum Ecclesiam, sed etiam (quod risu dignissimum) suum ipsius Papam anathematis fulmine petiit. Arrige aures D. Jurisconsulte & mirare tuorum Paparum in Papas (ne dum in S. Patres) furorem!

XXXII, 23. Nos homines vi cogere ad nostras Scripturæ interpretationes, aut, ni eas acceptent, excommunicare, falsissimum est. Nos nulli in rebus fidem inferimus, qui novimus, nemini mortalium dominium in alterius conscientiam, ad quam fides & Religio pertinet, competere 2. Cor. 1. 24. nec ignoramus, *Religionis non esse cogere ad Religionem*, ut pote *qua sponte suscipi debet, non vi*, ut Tertulianus loquitur ad Scapul. cap. 2. Nec contrarium probas exemplo Arminianorum; eos enim Synodus Dordracena non *armis carnalibus*, i. e. igni & ferro, ut vos soletis, cœgit, sed armis *divinis* τῶν Θεῶν i. e. evidentia & demonstratione veritatis (hæc enim conveniunt demum militiæ Christianæ 2. Cor. 10. 4. 5.) errorum gravissimorum convicit, & tandem, postquam se incorrigibiles præbuerunt, omnibus subsidiis lenioribus instans adhibitis, ex Ecclesiæ nostræ communionem eliminavit; secuta monitum Apostoli Tit. 3. 10. 11. *Hominem hæreticum post unum & alteram communem factionem rejice &c.* Vide & Rom. 16. 17. Ab hac autem praxi nostrâ vestra toto cœlo differt. Vos enim in omnes promiscuè errantes, sive sint seductores sive seducti, sive infirmi sive contumaces, sive ignorantes, sive ex malitia peccantes crudelissimè sævitis! imò in pios Dei cultores, qui hæresis nunquam fuisse convicti, nec ullius erroris rei possunt peragi, nisi quod sua iugo Papali colla nolunt subdere, gladium stringitis, ut tristis experientia nimis docuit, ac fuse referunt Martyrologia: Imò hæc nostras nuper adhuc in Galia istiusmodi tristissima exempla ad pudorem Religionis vestræ vidit. Est ne hoc Christianorum, homines crinibus, igni & ferro ad Religionem pertrahere? Est ne hoc imitari Christum mansuetissimum & nobis mansuetudinem tantopere commendantem? Matth. 11. 29. Annon potius Meretricem Bâbylonicam, *ebriam sanguine Sanctorum & Martyrum Jesu*, Apoc. 17. 6. Offende nobis D. Jurisconsulte vel unicum ex Scriptura aut ex Orthodoxa Antiquitate exemplum hujus praxis vestræ in homines; etiam ipso actu hæresis convictos (nisi fuerint simul factiosi & blasphemæ) certè in æternum non poteris, Antiqua orthodoxa Conelia non carnalibus, quæ violenter cogant, sed spiritualibus, quæ mentem forriter persuadent, in hæreticos usa fuere armis. Vos soli stringitis gladium carnis. Quem autem hoc passu potius imitemini, num Christum, an verò Antichristum, tu ipse Judicaveris?

XXXIII 24. Ridiculus es, dum provocas ad Concilium Apostolicum Act. 15. nam in illo de enarratâ suprà praxi vestrà altissimùm silentium. Leguntur ibi Apostoli convenisse propter controversiam Antiochiæ exortam de circumcissione gentium fidem Christianam amplectarum & de justificatione: quid hoc pro vobis? quid contra nos?

qui

qui hujus exemplo, postulante id necessitate, ipsimet ejusmodi concilia cogere solemus, ut te Synodus Dordracena docere poterat. Quemadmodum autem concilia in hunc finem coguntur, ut controversiæ tollantur & omnis ἀταξία in Ecclesia Dei abrogetur: ita etiam ea hoc nomine reveremur, audientes illa libenter, in quantum ipsa audiunt Dei verbum: ab hoc autem si desectunt, uti vestra desecerunt (Exemplo tibi jam brevitatis gratia duntaxat sit mutilatio S. cœnz in Concil. Constantiensis introducta) abist à nobis, ut ea audiamus, credentes illis, quemadmodum quatuor Evangelistis, ut vult Jesu- ita Baillius Catechis. Controv. Tract. 2. Quæst. 6. Cum oves Christi non vocem hominum in sebus fidei, sed vocem Christi duntaxat audire oporteat Joh. 10. 27.

XXXIV. 25. Quod jam subjungia, nos Biblia nullius esse ab Ecclesiâ Romanâ, patiter fal- sum est. Nam 1. quantum ad V. Testamentum, illud habemus à Judæis, quibus concre- dita fuerunt λόγια τῶ Θεοῦ Rom. 3. 2. id est, interprete Toletio Comment. in h. l. Oracula divina in S. Scripturis contenta. Si tale quid de R. Ecclesiâ extarer, quis insula- tiones vestras sustineret? Ad N. verò Testamentum quod attinet, fuit illud hæctenus in Ecclesiâ Græcis conservatum, quod non solum ex exemplaribus quàm plurimis vene- randæ antiquitatis, quorum nonnulla in manus postorum pervenerunt, sed etiam ex Chrysostomi, Procopii, Theodoret, aliorumque Græcorum Commentariis liquet, ut proinde necesse non fuerit, illud à sola Eccl. Romanâ petere. 2. Qui haberemus Textum Hebraicum & Græcum à vobis, quibus solus Latinus est authenticus? Sed daro interrim, nos ab Eccl. Romana codices Scripturarum accepisse, quid luci ex hac nostra confessione vobis accederet? certe non majus quàm Judæis, dum utrimque confitemur, nos ab illis V. T. nactos esse. Etenim 1. quis nescit, evenire non raro inter partes litigantes, ut una imprudens alteri suppediret instrumenta, quibus in judicio adversus se obtineat? 2. Quia imo idem, quod olim Augustinus Judæis, occineremus, idque planè eodem jure. Propterea adhuc sunt Judæi, (Pontificii) ut libros nostros portant ad confusionem suam Eccl. Codicem portat judæi (Pontificii) unde et edis Christianus Reformatus. Librarii nostri falsi sunt, quomodo solent servi post dominum codices ferre, ut illi portando deficiant, ipsi legendo proficiant. Tom. 2. in Psal. 50.

XXV. 26. Quod Calvinus & Chemnitius locis à te cit. dicunt, nimirum Deum non minus hodie ac olim Magistros præfocisse, quorum opera in intelligenda Scriptura adjuvemur. Item, non decere, ut quisque fingat & præsumat sibi peculiariorē, quàm ampliori & tueri ve- li, sententiam &c. sed ut doctiores in verbo Dei, insistenti de controversiis inquisitione, fontes & fundamenta vera sententia alii ita præmonstrant, ut spiritus corda illustrante, ipsi agnoscere & intelligere possint, quæ sententia ut orthodoxa sit amplectenda à qua verè opiniones, ut falsæ, sint fugienda, bene se habet. At loquuntur de controversiis, loquuntur de iis, quæ inscrip- turis sunt intellectu difficilia, ad quæ intelligenda, omnino consultum est publicos Ec- clesiæ Doctores, utpote quibus jus interpretandi ministeriale, idque publicum, conven- nit, audire: non tamen absolute & quasi infallibilibus, qualem vos Papam & Concilia fingitis, illis credere: sed quatenus Sensum Scripturæ ex Scripturâ ad convictionem con- scientiæ (à qua ad aliū interpretem aut Judicem non datur provocatio) demonstrant. Unde supra ex Act. 17. audivimus, Berœenses olim fuisse quotidie ἀνακρίνοντας, an, quæ Paulus dicebat, Domineum administrasse in assumptâ carne, reperirentur τοῖς τῶν ἀλλοτρίων θεωρητῶν λόγους συνάδοντα, ut Theophylactus loquitur in Act. 8. 17. Tale jus privatum Scripturam pro ingenii modulo ex Scriptura (non ex cerebri lubitu: cum non sit ἰδίαις ἰσχυρίσεως 2. pet. 1. 20.) ἀνακρίνειν, omnibus fidelibus compe- tere supra modo probatum dedimus. Cæterum summus & infallibilis Scripturæ Inter- pres & Controversiarum Judex est solus Spiritus Sanctus in Scriptura loquens. Hunc si Ecclesia Romana audisset & loco Scripturæ hominibus hæreticas suas traditiones non obtrussisset, Luthero & Calvino Romanam Religionem deserere Religio fuisset. Sed oportet esse hæresi (non ut textum mutilas, ut jussi probentur, sed) ut qui prohi sunt mani- festi sunt. L. Coc. II. 19.

CAPVT II.

DE

Vocatione Ministrorum Ecclesie.

CUM olim Pharisei doctrinæ Johannis & Christi expugnandæ non sufficerent, litem ipsis movebant de vocatione, illum sic adorientes, *Cur baptizas, si non es Christus, nec Elias, nec Propheta* Joh. 1. 25. hunc autem ita aggredientes; *Qua auctoritate facis ista? & quis tibi dedit istam auctoritatem?* Matth. 21. 23. Phariseorum veterum vestigia fideliter premunt hodie Jesuitæ (novus Papismi, ut illi quondam Judaismi, ordo) Cum, incensis liget hactenus ad doctrinam nostram expugnandam omnibus nervis, eam tamen expugnare haud valeant, ad Phariseorum artem veteratorem conversi, Doctorum nostrorum vocationem adoriuntur, visuri, an sic forte aliquid, cum alias nihil possint, adversus Evangelicos obtineant: At, quocunque etiam se vertant Domini isti, non minus semper Sityphi saxum volvunt, non magis contra nos obtinentes, quam olim Pharisei contra Johannem & Christum: cum eandem cum illis etiamnum, per Dei gratiam, profiteamur doctrinam. Ac proinde Adversariis *ἀντιρρήματα* nobis importunius proponentibus; unde Calvinus, Lutherus alique Reformatores istam reformatæ Ecclesiæ nacti fuerint auctoritatem, nos per opportunum *ἀντιρρήματα* replicare possumus, vicissim, exemplo Christi, interrogantes; *num do-*

Et rina Reformatorum fuerit à cælo, an ex hominibus? Si prius: cur ei non præbent assensum? cur eam student expugnare? Si posterius: cur id non demonstrant? cur missa doctrina ad vocationem eorum transiliunt?

II. Possemus igitur in humeros D. Jurisconsulti nostri, veteratoriam istam Phariseorum artem à Jesuitis edocti, id negotii devolvere, ut prius nos convinceret falsæ doctrinæ, quam de vocatione litem moveat (quemadmodum ipse Christus, interrogatus de vocatione sua, Phariseos vicissim interrogando de baptismo & doctrina Johannis, innuit; quæstionem de doctrina quæstioni de vocatione præmittendam esse) verum ne videamur vadimonium deserere velle, agedum excutiamus, quæ adversus vocationem effutiit. Totius argumenti, quod fule & confuse hoc capite tractat, lumina huc credit. *Quicumque destituuntur legitima vocatione, non sunt veri Pastores: atqui Lutherus, Zwinglius, Calvinus aliique Reformatores, ut & hodierni ministri Evangelici destituuntur legitima vocatione: Ergo non sunt veri Pastores. Respondemus, Majorem languere & Minorem infirmam imo falsissimam esse.*

III. (a) Major, quæ agit de necessitate vocationis, ita universaliter accepta languet. Cum procedat de-
mum de *Ecclesia constituta & bene ordinata*, non pariter de *perturbata & constituenda*. In illa vocatio specialis est necessaria ad vitandam *anarchiam*, ut omnia fiant in Ecclesia *in quibus & ceteris*, 1. Cor. 14. 40. In hac, nimirum *perturbata* non item. Sed in ea etiam licet privato & qui specialiter ab Ecclesia non est vocatus, sacra tractare. Sic Apollos edoctus viam Dei per Priscillam & Aquilam,
nulla

nulla alia munitus vocatione, Judæos convicit per Scripturas demonstrando, Jesum esse Christum Act. 18. 25. 26. Sic alii quoque fideles, vento persecutionis huc illuc dispersi, Evangelium prædicasse leguntur Act. 8. 4. & 11. 19. 20. Et certe, cum vocatio generalis Christianorum & charitatis lex hoc unicuique imponat, ut, quibuscunque potest modis, & suam & proximi promoveat salutem, mirum videri non debet, si quis oblata ad id exequendum uratur occasione; maxime si necessitatis (quæ multa, cæteroquin culpanda, reddit legitima) ratio id exigit. Dices, *οὐκ ἐπὶ τὴν ἐκκλησίαν ἀλλὰ τὸν λαόν*; Rom. 10. 15. R. 1. Apostolum loqui non de Ecclesia perturbata, sed bene ordinata; 2. Missio non semper fit externè & mediate ab hominibus; sed aliquando internè & immediate à Deo. Si quis in regionem barbaram, omnique Religionis Christianæ vestigio destitutam deportaretur, an illi non liceret hominibus barbaris Evangelium prædicare, licet legitima Ecclesiæ vocatione destitueretur? Num patrias oras prius repetere teneretur, ut ritibus consuetis consecraretur? Quid si redeundi ipsi non daretur facultas? an nullæ ibi possent constitui Ecclesiæ, iisque à primo illo Præcone præfici pastores? Probaret haud dubie Papa mere Laicorum conatus, qui oblata occasione Religionem Pontificiam in regiones toto orbe divisas inferrent, ibique, collectis Ecclesiis, sacris operarentur, antequam tanti operis fama huc pertingeret.

IV. (β) Infirmior autem est Minor, imo absolute falsa. Nam & Reformatores Lutherum, Zwinglium & alios quod attinet, suam illi habuerunt vocationem

ab Ecclesia Romana , more & ordine in ea recepto : Non utique reprehendendi , quod potestate sibi concessa , ad Ecclesiæ Reformationem in gregibus curæ suæ concreditis , fuerunt bene usi ; sed potius laudandi ; cum sic vocationem suam ad legitimū ejus finem , à Christo intentum , retulerint.

V. Calvinum nostrum *in specie* quod spectat , ille (ut bene observat D. Jureconsultus contra suum Bellarminum *lib. 1. de Cler. c. 3.* scribentem , *In Ecclesia Catholica neque Lutherum , neque Zwinglium , neque Calvinum Episcopos fuisse , sed tantum presbyteros*) nunquam in Ecclesia Rom. egit presbyterum : Sed primitus juris , deinde S. Theologiæ studiosus fuit , & , postquam è Papatûs tenebris in lucem veritatis Evangelicæ emerisit , à Farello & Vireto , ipsius in Evangelico Ecclesiæ Genevensis ministerio , antecessoribus , præmisso cum vitæ tum doctrinæ examine , ordinatus & juxta ordinem in memorata Ecclesia receptum vocatus fuit , ita ut missio ipsius fuerit ordinaria , qualis & nostra , secundum regulas Apostoli ad Timotheum & Titum scribentis instituta. Vid. 1. Tim. 3. 2. Tit. 1. 8. Falsum proinde est , quod Bellarminus l. cit. addit , primum Eccl. Genevensis Pastorem fuisse Calvinum ; cum eum illic antecesserint Farellus Delphinus & Viretus Orbensis , ut ipse Gaulterus ex Beza refert in *Tab. Chronogr. ad ann. 1600. c. 15.* Falsum etiam est , quod effuxit D. Jureconsultus , *Calvinum esse Religionis nostræ Ducem & Auctorem , nec ante ipsum quenquam fuisse Reformatum , sed meros Catholicos* , id est , Pontificios : Etenim nullum alium præter DOMINUM JESUM *fidei nostræ Ducem ac Consummatorem* inueniunt cum Paulo Hebr.

Hebr. 12. 2. à nullorum hominum, in Religionis negotio, auctoritate dependentes, nec verum esse, quod docent, credentes, nisi id persuadeant ex S. Literis. De Calvino etsi, ut de eximio Dei Ministro honorificè sentiamus, absit tamen, ut eum *Religionis nostræ Ducem* agnoscamus! absit, ut de ipso dicamus, quod Santius Jesuita in *Epist. dedic. Commentar. in Ies.* effutire de Lojolâ haud erubescit, *ejus judicium, majori jam illustratum lumine, nihil omnino discrepare à drvino.* Absit, ut, quod Bellarminus l. 4. de R. Pontif. c. 5. de Papa scribit, *teneri in rebus dubiis Ecclesiam acquiescere ejus judicio, & facere, quod ille precipit, & non facere, quod ille prohibet, ac ne forte contra conscientiam agat, teneri credere, bonum esse, quod ille precipit, malum, quod ille prohibet,* de Calvino enuntiemus! Scriptis ejus eam adhibemus fidem, quam Augustinus aliorum Catholicorum Scriptis non canonicis *Epist. 19. ad Hier.* non credentes, *quia Calvinus dixit, sed quia ex verbo Dei ipsimet audivimus & scimus, hunc, quem Calvinus prædicavit, esse vere Servatorem illum mundi, Christum* Jolt. 4 42. *parati secundum illam viam, quam heresi dicunt novi Pharisei, ita servire patrio Deo, ut credamus omnibus, quæ in lege & Prophetis, addimus, in Evangeliiis & Apostolicis omnibus libris, scripta sunt Act. 24 15.* Verum est, ante Calvinum aliosque Reformatores non fuisse Reformatos *ὁρθόδοξους*, id est, homines, hoc nomine insignitos: sed falsum, tales non fuisse *ὁρθοί*, id est, homines, qui eadem cum Calvino, aliisque Reformatoribus docuerint. Tales fuerunt Waldenses, Albigenſes, Wiclefite, Hussite, qui se jugiter constantissime Papatui opposuerunt. Tales fuerunt Augustini, Hieronymi, Am-

brofii, Chryfoftomi, & quicquid ejus ætatis Patrum eft. Imo tales fuerunt omnes priorum feculorum fancti homines. Qui ante mille annos templa & monafteria extruxerunt, nunquam id eo fecerunt fine, ut homines, quales hodierni veftri monachi funt, alerent. Cultum Dei promovere allaborârunt: verum ingrata pofteritas, ut experientia ad hodierni Papatûs pudorem teftatur, longe ab eorum institutis (id quod cap. 3. §. V. evidentiffime à nobis demonftrabitur) recessit. Frufta ergo clamas, nullum nominari poffe, qui ante tempora Reformationis Catholice, id eft, Pontificiæ, Religionis non fuerit & idem cum Reformatis in omnibus illis punctis, in quibus ab Ecclefia Rom. diffident, fenferit. Quali vero tibi non conftet, Berengarium, Wiclefum, Huflum, Hieronymum Pragenfem, Bohemos, Waldentes, aliosque innumeros longo ante Reformationem tempore fidem noſtram profeſſos eſſe! Docere intetim te id poteſt Reynerus veſter *Lib. de VValdenſ. à Greſſero edit. & recuſ. in Bibl. Patr. tom. 4. part. 2.* ſcribens; Inter omnes ſectas, quæ adhuc ſunt vel fuerunt, non eſt pernicioſior Eccleſia (Papifticæ) quam Leoniftarum (id eſt, Waldenſium, contra quos tractatus ejus directe inferibitur) Et hoc tribus de cauſis. Prima eſt, quia eſt diuturna; aliqui enim dicunt, quod duravit à tempore Sylveſtri, aliqui à NB. tempore Apoſtolorum. Secunda, quia eſt generalior; ſerè enim NB. nulla eſt terra, in qua hæc ſecta non ſit. Tertia, quia cum omnes alia ſecta immanitate blaſphemiæ in Deum audientibus horrorem inducant, hæc magnam habet ſpectem pietatis, eo quod NB. coram hominibus juſte vivant, & bene omnia de Deo credant, & omnes articulos, qui in Symbolo continentur, obſervent: ſolummodo

do Rom. Ecclesiam blasphemant & Clerum &c. Arrige aures D. Jurisconsulte & mirare, à tuis Pontificiis (quorum alteri, nimirum Greflero evenit, quod Bilheamo, ut asina, quam inequitat, adversus ipsum loquatur) tibi fido prolelyto tam palam os obstrui. Adjunge interim his duobus & Eckium vestrum, qui *Loc. Commun. cap. 28.* expresse fatetur, *Lutherum nihil aliud fecisse, quam haereses in VValdensibus, Hussitibus & aliis pridem damnatas revocare.*

VI. I nunc D. Jurisconsulte, &, novitatis notam nobis inustus, clamita, Ecclesias nostras heri ac nudius tertius demum natas esse! Dicas autem nobis, qui passim crepas antiquitatem, vicissim; ubi vestra fuerit Ecclesia tempore Apostolorum? quo adhuc altissimum silentium de Missa, Purgatorio, Indulgentiis, Transsubstantiatione, cultu imaginum, invocatione Sanctorum, ceterisque dogmatibus Papalibus omnibus: Nomines nobis vel unum, non dicam, primo, secundo, tertio, quarto sed demum quinto (ut spatium sat amplum tibi figam) post Christum natum seculo, qui hodiernos fidei vestrae articulos omnes fuerit amplexus? & eris nobis vestro Christophoro magno major. Instruas nos insuper, cujus Religionis fuerint sancti illi viri, qui Symbolum Apostolicum construxerunt? aut enim fuerunt vestrae Religionis? aut non fuerunt? *Si posterius:* ubi tum temporis fuit vestra Religio? *Si prius:* ubi ergo reliquerunt pontificios vestros articulos (v. gr. articulum de Missae sacrificio, de Purgatorio, de Papae jusque auctoritate, de Transsubstantiatione &c.) juxta vos tam necessarios, ut nos, quia eos amplecti renuimus ad

adorcum relegetis? Porro redde nos certiores, ubi Ecclesia vestra fuerit seculo illo X, quod *ferreum* à Baronio vocatur, quo, ut ipse Genebrardus vester fatetur, plusquam 50. Pontifices sibi mutuo succedentes, non tam *Apostolici* quam *Apostatici* extiterunt?

VII. 2 Quemadmodum autem primis nostris Reformatoribus non defuit, ita nec hodiernis nostris Pastoribus deest legitima vocatio. Nam (1) legitime promisso cum doctrinæ tum vitæ examine, ad sacrum suum munus vocantur, & quidem ab iis, penes quos est potestas, id est ab Ecclesia cum consensu Magistratus veræ Religionis addicti: Idque secundum praxin Apostolicam Act. 1. 23. Sic tota piorum multitudo septem Diaconos elegit, qui impositione manuum fuere confirmati per Apostolos Act. 6. 3. 5. 6. Sic Apostoli leguntur oppidatim constituisse presbyteros per populi *ἡ πόλις* seu suffragium (voce deducta à more Græcorum, qui extensis manibus suffragia ferebant) Act. 14. 23. Confer Act. 15. 22. 25. & 1. Cor. 16. 3. (2.) Ordinantur & initiantur per manuum impositionem: idque rursum ex praxi Apostolica 1. Tim. 4. 14. & 5. 22. 2. Tim. 1. 6. Act. 13. 3. Sed quid opus verborum ambagibus? cum ipsi Pontificii, velint nolint, fateri cogantur, pastores nostros legitima vocatione non destitui. Nam 1. probant baptismum, ab ipsis administratum, ita ut eos, qui ab ipsis fuere baptizati, dum ad Pontificios transeunt, de novo baptizare haud necesse ducant. Ubi autem est verus baptismus, ibi debet esse legitima administrandi potestas, ubi est illa potestas, ibi est etiam vera vocatio: nemo enim sigilla tractare potest, nisi sigillorum custos, nemo custos,

ftos, nisi vocatus: Ita nemo Sacramenta, quæ sunt sigilla
federis, potest administrare, nisi cui tabulæ federis sunt
commiffæ. 2. Credunt etiam copulationem, ab ipsis
peractam, esse legitimam: unde copulatos in Ecclesiis
Reformatis de novo non copulant: si autem hoc: qui
dubitarent de legitima pastorum nostrorum vocatione,
cum nulli, nisi pastori legitime vocato conjuges copula-
re haud licere statuant?

VIII. Et hoc Tu in primis perpendere debebas
D. Jurisconsulte, qui à Pastore Reformato & baptizatus
& cum Coniuge tua copulatus fuisti. Si verum est,
quod dicis, nimirum Reformatos Pastores, ex defectu
vocationis, legitime non posse administrare Sacramen-
ta, ergo evidentissime sequitur, nec te nec ullum apo-
statam, qui paritecum calumnia Pastorum nostrorum
vocationem adoritur, legitime baptizatum, adeoque
nec verum Christianum esse. Num regetes, valere et-
iam baptismum muliercularum? in casum: nam, præ-
terquam quod sit falsissimum, Papistæ tui de casu neces-
sitatis, quem fingunt, id affirmant: negant autem de lo-
lenni baptismo extra casum necessitatis: Vide *Rufenhan-
mii Medullam Theolog. Moral. lib. 6. tract. 3. c. 1. Art. 2. (2.)* Te
cum coniuge tua non legitime copulatum esse, adeoque
Te hætenus in matrimonio illegitimo vixisse. En fru-
strum apostatis ex suis temerariis & inconsideratis ca-
lumniis expectandum!

IX. Sed audiamus, quomodo negatam à nobis
supra Minorem probare conetur D. Jurisconsultus. *n*
Prius Minoris membrum, quod spectat Reformatores,
in hunc modum, ut conjicio, probare intendit. Si ali-

G

quam

quam habuissent vocationem Reformatores, ea vel fuisset ordinaria vel extraordinaria. Ordinaria fuisse dici non potest, cum Ecclesia heretica & Antichristiana, qualis juxta Reformatos est Ecclesia Pontificia, legitime vocandi jure destitatur. Extraordinaria etiam dici non potest, cum extraordinariam vocationem semper comitentur miracula, quibus tamen patrands illi fuerunt impares: Sequitur ergo, illos nullam habuisse vocationem. R. Negando Minorem. Sunt enim vocati & ordinarie & extraordinarie. Ordinarie quoad *rd materiale* seu functiones ordinarias, quatenus ab Ecclesia Romana vocati fuerunt ad verbum Dei prædicandum & Sacramenta administranda. Extraordinarie quoad *rd formale* seu functionis exercitium & applicationem, quatenus eos Deus extra ordinem suscitavit, donisque heroicis instruxit ad Ecclesiam suam reformandam. Negata Minor rationibus adjectis non probatur. Nam 1. falsum est, miracula semper comitata fuisse extraordinariam vocationem. Annon enim varii Prophetæ, ut Hoseas, Joël, Amos, Obadias, extraordinariè fuere vocati, qui tamen vocationem suam miraculis non confirmârunt? Annon etiam Johannes Baptista extraordinarie vocatus fuit, qui tamen *signum nullum edidit* Joh. 10. 41. Fatetur hoc Costerus in *Enchirid.* Fatetur etiam Salmero *tom. 4. hist. Evang. p. 2.* scribens: *Johannes, ut & alii multi Prophetæ, signum non edidit.* Ubi nova doctrina prædicatur, non pariter, ubi (ut factum à Reformatoribus) vetus repurgatur, opus est miraculis, agnoscente eodem Jesuita Salmerone *Tractat. 13. tom. cit.* Adde, quod successus mirabilis, quem Deus Reformatorum laboribus largitus est, ita ut

ut (quod ipse Bellarminus non sine stupore fateri cogitur in præfat. Disputat. de Controv. Ch. Fid.) doctrina Evangelica in Saxonia paulo ante orta mox Germaniam per totam occupaverit: inde ad Aquilonem & Orientem profecta Daniam Norvegiam, Sueciam, Gothiam, Pannoniam, Hungariam retecerit: tum ad Occidentem & Meridiem pari celeritate delata, & Galliam, Angliam, Scotiam brevi tempore ingressa, ad extremum alpes transcendens & in Italiam usque penetraverit, habuit rationem miraculi, quo Deus palam fecit, talem vocationem, quæ tantum opus perfecit, non potuisse non à se processisse. Verum est, & Arianæ doctrinam breviter temporis spatio adeo increvisse ut ingemuerit orbis & miraretur se factum esse Arianum: At brachio seculari, quo Reformatores non nitebantur. Non flagitabat Lutherus patrociniū principum, ne quidem Electoris Saxoniz. Imo cum ex eremo Wittenbergam esset rediturus, aperte scribebar, se ab eo non petere patrociniū. Falsum etiam est 2. Ecclesiam hæreticam & Anti-Christianam Ecclesiam legitime vocandi jure destitui: Nam non omne, quod in Ecclesiis hæreticis reperitur, illico absolute rejiciendum; siquidem jugiter aliquid boni retinere possunt, quod cum Orthodoxis habeant commune. Audi S. Augustinum: Sicut (inquit ille l. 2. contr. Ep. Parmen. c. 13.) habent (qui recedunt ab Ecclesia) in baptismo, quod per eos dari possit; sic in ordinatione jus dandi, utrumque quidem ad perniciem suam, quamdiu charitatem non habent unitatis. Sed tamen aliud est, prorsus non habere, aliud perniciosè habere, aliud salubriter habere &c. Annon Judaicum Sacerdotium tempore Christi variis hæresibus erat infectum, & tamen

Sacerdotum ordinatio & vocatio , ut & ab ipsis perfecta circumcisio nunquam , tanquam invalida , in dubium fuerunt vocata ? Quin ipse Christus eorum ministerium & in cathedra Moſis ſeſſionem agnovit Matth. 23. 3. ſub eorum etiam ministerio circumciſus. Arianos pariter & Neſtorianos fuiſſe hæreticam Eccleſiam quis neget ? plures tamen Episcopos vocabant, quos Orthodoxi, poſtquam errores agnoverunt, pro legitimis ſine ulla nova ordinatione & vocatione receperunt, ut videre eſt apud Socratem l. 2. c. 12. & Sozomenum l. 3. c. 4. 7. 9.

X. Instantia, quam formas à dicto Chriſti Matth. 7. 18. *Non poſſe arborem bonam malos fructus ferre, neque arborem putrem poſſe ferre fructus bonos*, nulla eſt : nam Chriſtus ibi non loquitur de quolibetſcunque fructibus , etiam *vocationis*, ut loqueris (nam ille ipſe Phariſæorum, quamvis malarum arborum, vocationem adhuc legitimam agnovit, ut ſupra demonſtratum) ſed de fructibus vitæ, maxime vero doctrinæ, ut patet ex Luc. 6. 45. Et hinc S. Johannes ait 2. Ep. 7. 9. 10. *Omnis, qui recedit & non permanet in doctrina Chriſti, Deum non habet: qui permanet in doctrina, hic & Patrem & Filium habet. Si quis venit ad vos, & hanc doctrinam non adfert, nolite recipere eum in Domum &c.* Quod & Paulus confirmat Gal. 1. 8. (2.) Arbor dicitur vel *absolute* putris vel *ſecundum quid*, vel ita, ut nihil in ea ſit boni, vel ut contraxerit quidem putredinem , præter putredinem tamen adhuc aliquid boni habeat. Sicut & contrario arbor dicitur vel *perfecte* bona, vel *inchoate*. Poſteriori ſenſu eſt nobis Eccleſia Pontificia arbor mala: non priori.

XI. Ur-

XI. Urges, *quæ ratione fieri potest, ut ille (Anti-Christus) qui Christum non respicit &c. qui mendax est, negans Patrem & Filium 1. Ioh. 2. 22. negans Christum uenisse in carne 2. Ioh. 7. legitimos Pastores & operarios vocet in vineam Domini?* R. Distinguiamus inter Papam, qualem & Ecclesiam, supra quam sedes Papalis est erecta. A Papa tanquam ipsissimo Antichristo nos nihil derivamus ministerii, vocationis, doctrinæ, successionis, salutis: Is enim, quæ talis omni vocatione destituitur, imo ipse, quæ talis, revera nihil est, istius scilicet, quod se esse dicit; eo sensu, quo *idolum in mundo nihil esse* dicitur ab Apostolo 1. Cor. 8. 4. Ecclesia, supra quam sedes Papalis est erecta, habuit adhuc aliquam ministerii Ecclesiastici & missionis rationem, non quatenus Papæ aut Sedi Romanæ unita, aut in ordine & respectu suo ad illam sedem, tanquam centrum aut radicem, sed in ordine & respectu ad Christum. Non ergo collocamus potestatem illam Ecclesiasticam in Anti-christianismo, in erroribus, idololatria & vitis, à sede Romana in Ecclesias Papæ subiectas derivatis; sed in articulis & veritate fidei Christianæ, quæ ipsis adhuc reliqua erat.

XII. His ita distinctè expositis, nemo non videt, irrita esse omnia, quæ à D. Jureconsulto de Anti-Christo, ad infringendam exinde Reformationum vocationem toties regeuntur. Papæ, ut dictum, nos nunquam tale quid tribuimus. Neque etiam illi magis tribui posset, quam functiones vitales aut naturales in corpore morbo alicui aut symptomatici, corpus illud obsidentia & vexanti tribuerentur. Noveris interim, ut, quæ adducis

Scripturæ loca, recte intelligas, aliam esse Christi negationem *occultam*, aliam *apertam*; aliam *realem*, aliam *verbalem*. Prior cadit in Anti christum, non item posterior: nam bestia illa Apocalypica licet loquatur ut draco, (i. e. introducat doctrinas demoniorum, dicente Paulo 1. Tim. 4. 1) habet tamen duo cornua similia agno Apoc. 12. 11. id est, interprete Primasio in Apoc. c. 11. *agnum fingit, ut agnum, id est, Christi corpus invadat*. Licet proinde Anti-Christus reipsa sit lupus rapax, & ipso opere neget, *Christum venisse in carne* (1. aliud sacrificium *ilacundum*, quam Christi, fingendo. 2. Præter verbum Christi, aliud introducendo. 3. Maximam redemptionis partem Christo surreptam in alias res transferendo. 4. Justificationem per solam in Christum fidem obtinendam negando. 5. Mediatoris officium aliis etiam commune reddendo. &c.) nihilominus tamen, quia id non facit aperte, directe & verbis; sed è contrario varia Religionis Christianæ fundamenta (V. G. Verbum Dei & publicam ejus prædicationem, Symbolum Apostolicum, Decalogum, Orationem Dominicam &c.) saltem extenus & quoad externam professionem (utpote, sine quibus ipse constare non posset: ut enim gangræna tollitur corporis necesse, & veneni nulla est propinatio crudi, sed in cibo vel potu; sic nulla esset Anti-Christi vis, nisi templum Dei clamaret, hac specie populo illudendo & hoc vinculo conscientias illaqueando) in Ecclesiâ sibi subjectâ relinquit, vocatione ordinariâ illa non destituitur, quemadmodum hæreticas Judæorum tempore Christi, item Arianorum & Nestorianorum Eccle-

clesias eadem non destitutas fuisse , supra audivimus.

XIII. Aliam longe esse hodiernæ Judaicæ, Turcicæ & Ethnicæ Ecclesiarum, ad quas provocas, rationem, nullus non videt : nam illæ Christianismi fundamenta prorsus negant : At Ecclesia Antichristiana Christi nomen, saltem externè, adhuc profitetur & varia Christianismi dogmata, quamvis varie corrupta, adhuc retinet ; plane ut olim idololatræ in Judaica Ecclesia Baalis cultum cum divino conjungebant, ut *jurarent per Deum & Milchom*, Ammonitarum idolum *Sophon c. 1. 5.* & ut Achaz altare Damascenum in templo juxta altare Dei collocavit 2. Reg. 16. Ita in Papatu ad principia Christianismi tot adjunxerunt depravationes & corruptelas, ut vere templum Dei cum idolis, lux cum tenebris & veritas cum mendacio consociata dici queant. Atque hoc est discrimen, quod inter hanc & alias falsas religiones, hæreses & schismata observari potest, quod *Mahumedismus, Indæismus & Gentilismus* Christianismi fundamenta negent. Hæreses articulos singulares fidei lædant & pervertant : *Schismata* charitatis vinculum solvant : Sed illud *Anti-Christianismi* proprium, ut subjectum retineat, sine quo constare non potest.

XIV. Sed agedum pressius cum D. Jureconsulto nostro agamus. Dicat nobis, num vocatio Luthèri, aliorumque Reformatorum, quâ Pontificiis fatentibus (vide Bellarminum *lib. 1. de Cler. c. 3.* & Volusium *Caschism Bibl. p. 237.*) primitus ab Ecclesia Romana instructi fuere ad docendum, fuerit vera & legitima, an vero falsa

&

& illegitima. Si *primus*: ergo nostri, qui ea instructi opus Reformationis sunt aggressi, non sine vera vocatione hoc fecerunt. Si *posterius*: ergo vel ipso farente, Ecclesia Romana erit falsa Ecclesia; cum arbor bona malos fructus, quibus & vocationem ille ipse annumerat, non possit ferre. Nec est, quod dicas, illos non vocatos fuisse, ut adversus Papam prædicarent, sed ut Pontificiam & non aliam populo proponerent doctrinam: nam etiam Arianæ Episcopos & Pastores non consecraverant, ut ad Orthodoxos se converterent, & illi tamen se eo laudabiliter converterunt, recepti etiã ab Orthodoxis sine nova ordinatione, ut supra ex Sozomeno audivimus. Nimirum distinguendus est hîc *finis primarius* Dei ac Christi vocantis & *secundarius* hominum, quorum ministerio Deus usus est ad vocationem illam conferendam. Haud inficiamus, eorum, qui vocationem ipsis contulerant, scopum & intentionem non fuisse, ut à doctrina recepta recederent: verum Reformatores ad finem primarium Dei vocantis & ad officii sui primævam obligationem respexerunt, nimirum ut non Papisticè, sed verè Catholice docendo traditam à Christo & Apostolis doctrinam, puram & illibatam auditoribus suis instillarent; annon laude dignum hoc ipsorum factum D. Jurisconsulte? certe non minus quam eorum, qui ab Arianis vocati in castra Orthodoxorum pedem intulerunt. Quis enim culpet? quis non potius laudet eos, qui, missis hominum corruptelis & erroribus, omnia ad Christi institutum revocant? Dices, Reformatores obligatos fuisse docere ex intentione *vocantis & ordinantis Ecclesie*

fiat. Ergo si Ecclesia intenderet hæresin, omnis rite vocatus teneretur hæresin docere? Et si Episcopus ordinans esset schismaticus aut Simoniacus, non liceret Ordinatis damnare in illo Schisma, Simoniam & sic porro? quis non videat, hæc absorta & insulsa esse?

XV. *Dices porro*, Reformatores ab Ecclesiâ Romana fuisse excommunicatos, adeoque eorum vocationem irritam evasisse. Verum respondeo 1. primos Reformatores fuisse quidem excommunicatos, sed non statim: Multi enim modo ad illos confluxerant, antequam Pontifex Romanus excommunicationis fulmen in eos vibraret. 2. Licet etiam statim fuissent excommunicati, quid tum? Excommunicatio injusta, ut brutum fulmen, suo illos non potuit privare jure, nec illos tetigit magis, quam Apostolos excommunicatio Synedrii Judaici, aut Athanasium aliosque vere Catholicos excommunicatio Arianorum. Si Pontificii crederent, doctrinam salutis vigere apud nos, excrementa autem Antichristi hære in Ecclesiis suis; num excommunicationis Papalis fulmina à limpidis Reformatæ Ecclesiæ fontibus eos abstraherent?

XVI. Verum est, eos, qui ejurato Papismo ad Reformatos se recipiunt, plerunque (plerunque dico; nam id non semper fit, neque etiam fieri adeo necesse est) de novo ordinari: Sed quid inde? Num forte vocationem, ipsis in Ecclesiâ Pontificia collatam, non legitimam agnoscere? erras, si tam *de substantia*, quam *de modo* intelligis. Agnoscimus, ipsorum vocationem *quoad substantiam* legitimam fuisse; sed, cum *quoad modum* varie inquinatam sciamus, illos de novo ordinandos judicamus, ut falsum à vero eò evidentius discernatur Quæ proinde repurgatio prioris potius, quam nova ordinatio dici meretur. Et

H

quid

quid opus est verbis? Ipsi Pontificii, dum eos, qui à nostratibus fuerunt reordinati, postquam ad monasteria & collegia regressi palinodiam canunt, de novo non ordinant, fatentur, primam ordinationem in Papatu factam per novam Reformatorem ordinationem non evasisse irritam. *In Episcopo heretico*, inquit Asorius Institut. Moral. lib. 8. c. 19, *manet potestas conferendi ordines, quia id facit nomine, institutione & auctoritate Christi: Ideoque ab heretico Episcopo ordinati & ad Ecclesiam redeuntes non iterum ordinantur.* Aliqui etiam tenent, hereticos Episcopos potestatem quoque jurisdictionis non amittere. Hoc si veritati congruit, licet nobis Episcopi Pontificii sint hæretici, non propterea nulla erit eorum ordinatione. Quod si nostros, quibus in Ecclesia Pontificia ordinatione collata fuit, hæreticos censeant, manet tamen in illis ex Pontificiorum hypothese jus ordinationis.

XVII. Lutheri, aliorumque Reformatorem vocationem fuisse immediatam, qualis erat Prophetarum & Apostolorum, nemo nostrum docet, aut hactenus unquam docuit: Sed tuum, tuorumque Jesuitarum est figmentum. Hoc autem est, quod docemus, fuisse aliquid in ipsorum munere extraordinarii & supra communem Ministrorum sortem, quatenus videlicet contra intentionem ordinantis tanto Zelo fuere Papatum aggressi. Nec est, quod objicias Lutheri & Calvinii inconstantiam, aut etiam utriusque à se invicem dissensum. Nam, ad primum quod attinet, distinguendus est Lutherus incipiens à Luthero proficiente. Faterur ipse Lutherus, se ab initio multa concessisse Papati, quæ postea revocavit. *Hæc*, inquit in libr. contr. Reg. Angliæ, *veritas agnita, coactus sum quadam eorum immutare, sicubi bona de Papatu & de iis, quæ extra Scripturam docentur, scripsi.* Denique adhuc

adhuc revoco, & ex animo doleo, si quam syllabam pro bono Papatu & regni sui unquam scripsi, rogoque meos Lectores, dignentur prudenter meos ejusmodi errores cavere. Dicis, spiritus Dei, quem ipsi tribuitis, non est inconstans & mutabilis. *¶* Concedimus: Sed interim operatio ejus in subiectis fidelibus quandoque minor, quandoque major est. An negas? en Augustinum! en alios Patres! annon Spiritum Dei habebant, & tamen scripserunt libros Retractationum? En ipsum Petrum! annon Dei Spiritu prædictus erat? & tamen initio non recto pede incedebat: Unde & Paulus ei in os obstitisse legitur, quod condemnandus esset Gal. 2. 11. Calvinum nostrum quod spectat, fuitis, ut & Lutherus proficiens, contra Papatum constantissimus, nec ullum habet inter Reformatos in Religionis negotio à se dissentientem. Ex scriptura ipsa ita ipse scripturam est interpretatus, ut inter æquos rerum arbitros doctissimi Interpretis nomen sit jure meritis; adeo etiam, ut insensissimi ipsius hostes se continere non potuerint, quin hoc ei testimonium (quod mirandum sane) præberent, Sane, inquit Stapletonus vester (quamvis subinde iniquus) præfat. ad Antidot. Evangel. Oper. Tom. 3. præter accuratam Catholicorum dogmatum vel refutationem vel reprehensionem (quo nomine suis mirabiliter places) ubi ea aut refutandi aut reprehendendi locus non est, ita in reliquis quoad litteram, interpretis est DILIGENS, ita MORALIS, ita ELEGANS & SUAVIS est, ut hac varia esca proposita, & veluti in aureo poculo propinato veneno, etiam ab ipsis Orthodoxis AVIDE interdum legatur qui in DITIONE PURA doctrinam vix cavent impuram, quos etiam aliquando exoptare audivi, ut rescriptis, que contra Ecclesiam & fidem dissuasantur, castratus prodiret; sic enim commentarios ejus perniciosos fore. Ad secundum quod attinet, verum est, Lutherum à Calvino & Calvinum à Lu-

thero hinc inde dissensisse : At interim non minus verum, in præcipua Papatus causa & in fidei orthodoxæ & salvificæ fundamento (id est, in iis doctrinæ Christianæ capitibus, quæ universis & singulis fidelibus ad salutem æternam in Christo consequendam scitu credituque sunt necessaria, & absque quorum fide nemo servabitur) eos, licet locorum distantia à se invicem sejunctissimos conspirasse quam optime. Quæ de re vide sis *Irenicum Cl. Paraicap. 12. & seq.* Interim parumper tecum habita D. Jureconsulte, & dum nostrum nobis objicis dissensum, vestrum Pontificiorum, qui tamen de concordia & consensu semper adeo gloriâmini, prius perpende. Fidei mutatio apud vos adeo certa est, ut etiam non desint ex Vestratibus, qui publice defendere non dubitant, penes Romanam Ecclesiam esse, fidem prohibitu mutare. Defendendum in se hoc suscipit Cardinalis Perronius lib. 3. cap. 3. Imo ante ipsum Cardinalis Cusanus ausus fuit scribere (Epist. 2. & 3. de Comm. sub una specie ad Bohemos) *Scripturas esse ad tempus adaptatas & varie intellectas, ita ut uno tempore secundum currentem universalem ritum exponerentur, mutato ritu iterum sententia mutaretur, ac mutato judicio Ecclesia, mutatum esse & Dei judicium* : Quod certe horrendum est cogitatu, nedum publice à Cardinale doctu. Hisce jam Cardinalibus tuis ingemina illud tuum; *Spiritus Dei non inconstans est ac mutabilis, ut hodie hoc, cras aliud cordi indat.* Et quot quæso D. Jureconsulte, inter vos Papistas seles non offerunt sectæ, concertationes veterum & recentium, non de ritibus solum & ceremoniis (ut extenuare soletis) sed & de gravissimis fidei articulis ? Maximi momenti quæstio est; *Quæ proprie sit immediata regula & norma fidei nostra? Ad nos quod attinet, statuimus, verbum Dei scriptum*

prum esse unice hanc regulam & normam: Vos e contrario provocatis ad iudicium Ecclesie, tanto autem cum consensu, quantus reperitur inter capita vulpium Simlonis: Quibusdam hoc iudicium Papæ, aliis autem Concilio tribuentibus: Id est, his Concilium papæ, illis vero Papam Concilio præferentibus. Concilium præferendum esse Papæ, ante 400. annos modo conata est probare Sorbona Parisiensis, & etiamnum hodie perseverat in sua sententia, quam olim etiam duo Concilia Generalia nempe Basileense & Constantiense (hoc Sess. 14. illud Sess. 2. 3. 8.) confirmarunt. Alii è contrario, imprimis Jesuitæ, simul atque superiori seculo lucem viderunt, superioritatem Papæ supra Concilium defendere allaborarunt, eum in finem Papæ in decidendis fidei controversis infallibilitatem tribuere ausi. Memoratu dignum, quod paucis ante annis hac super re contigit. A Jesuitis Parisiensibus die 12. Decembris anni 1661. in Collegio Claromontano publice affixa fuit hæc Thesis; *Christum nos ita caput agnoscimus, ut illius regimen, dum in celos abiit, primum Petro, tum deinde Successoribus commiserit, & N.B. eandem, quam habebat ipse, infallibilitatem concesserit, quoties ex cathedra loqueretur. Datur ergo, in Ecclesia Romana controversiarum fides Iudex infallibilis, etiam extra Concilium Generale, tum in questionibus juris, tum facti.* Per hoc Jesuitæ, tanquam articulum fidei proposuerunt, Papam ejusdem infallibilitatis participem esse, cujus & ipse Christus particeps fuerit, & quidem non tantum in questionibus juris, sed etiam facti, quod posterius antehac, vel ipsis Cardinalibus Bellarmino & Baronio (hoc ad An. 681. num. 30, illo de Summ. Pontif. lib. 4. 2.) testibus, nemo credere voluit. Paulo post contra hanc temerariam Jesuitarum doctrinam in Galliâ à sanioribus Religionis

Pontificiæ Theologis libellus prodiit, cui titulus erat: *Nova hæresis Jesuitarum, defensa publicè Parisiis in Collegio Claromontano d. 12. Dec. 1. 661.* Hujus libelli verba inter alia hæc sunt: *Quod igitur notum sit universa Ecclesia: Dies est XII Decembris An. 1661, quæ primum in lucem produxit monstruosam Jesuitarum opinionem quam tot jam annis foverunt; dies est, quæ illi velut assertionem Catholicam publice statuerunt; Papam, quoties ex cathedra loquitur, eandem habere infallibilitatem, quam habuerit Jesus Christus, non solum in questionibus juris, sed etiam facti, & fide divina credi posse quinque propositiones esse Jansenii. Assertionem illam nuncupant errorem non simplicem, nec vulgarem hæresin, sed errorum maximorum originem & generalem hæresin, quæ totam Religionem evertit.* En eximium Papistarum censensum! en Jesuitas, ipso Papistarum judicio, hæreticos! Non dicam jam brevitatis gratia de implacabilibus Sectis Dominicanorum & Franciscanorum (quibus ultimis & tandem accessere Jesuitæ) quantum ad immaculatam conceptionem B. V. Mariæ. Notum est, alteram ab altera non semel eapropter fuisse hæreseos accusatam. Nec ignota etiam miserabilis Dominicanorum, cum bonam causam pessimis & diabolicis artibus confirmare satagerent, Bernæ ann. 1509. combustorum, tragœdia. Non tangam etiam gravissimas earundem sectarum concertationes in doctrina de Gratia Dei & libero hominis arbitrio, de quibus fusiùs modernum Theologorum Helvetiorum Decus, Celeb. Heideggerus *Dissert. Select. 7.* Non quoque verba faciam de litigio vehementissimo, hoc seculo Cornelium Jansenium ejusq; affeclas inter & Jesuitas orto, & tanta animorum exacerbatione agitato, ut illi hos *Semipelagianorum & hostium gratia Dei*; hi vero illos *sacerda-*

tum diaboli & Portarum inferni nomine traduxerint. Silentio pariter præteribo nota schismata ipsorum met Ecclesie Romanæ Paparum; quorum meminit Onuphrius in Chron. R. Pontif. numero triginta, quorum vigesimum nonum 50. integros annos duravit, in quo Papa suum Antipapam Antichristi & præcursoris Antichristi nomine non raro insignavit. Evoluturus unicum Bellarminum, ad minimum ducentas & quinquaginta, ab eodem annotatas non logomachias, sed reales & veras Doctorum Pontificiorum contradictiones deprehendet, & quidem in præcipuis punctis Religionis; Ex. gr. de S. Scriptura, de Deo, de Angelis, de gratia primi hominis, de amissione gratie & statu peccati, de peccato originali, de Christo, de providentia Dei, de justificatione, de operibus eorumque meritis &c. Non est ergo. D. Jure consulte, quod de dissensu Lutheri & Calvini, qui exiguus est, dicas; in ipsum Ecclesie vestre sinum descende, & passim passus Cadmeorum fratrum videbis. Quod si Lutheri & Calvini vocatio eapropter est nulla, quid ergo de vocatione Cadmeorum vestrorum fratrum dicendum? testucam in oculo nostro monstras, & trabem in tuo ipsius oculo non cernis.

XVIII. 2. Sed audiamus jam etiam, quomodo secundum membrum negatæ à nobis supra Minoris, quod hodiernos Ministros Evangelicos spectat, D. J.C. probet. Omnisejus probatio huc redit. *Quicumque succedunt Calvino & Luthero in ministerio, illi destituuntur legitima vocatione. Atqui hodierni Ministri Evangelici succedunt Calvino & Luthero in ministerio. Ergo destituuntur legitima vocatione.* 2. Maior falsissima est: unde eam probabis? Num forte
hinc,

hinc, quod ipsi caruerint legitima vocatione? At hoc falsissimum esse supra demonstravimus. Posito autem, non tamen concessio, Lutherum, Calvinum, aliosque Reformatores à se ipsis ortos usurpasse ministerium sed acceptionem ac dispensationem Ecclesiz de post facto aut confirmasse, aut de novo & legitime illis imposuisse totam ministerii potestatem, aut etiam quidquid auctoritatis ac potestatis decrat, sive nostro sive vestro sensu, id totum supplevisse; quid inde sacrilegii ad nos manare potuisset magis, quam ferrei istius seculi Baroniani diabolicæ artes, meretricia *ῥαιδύματα*, secularis tyrannis, Simoniaca pestis à capite, radice & sede Romana in universum Clerum Papalem ejusque sacerdotium nunc redundant? Norunt Pontifices, quibus successerint, à quibus sint orti; à Johanne scil. XI. spurio Papæ Sergii & meretricis Maroziz: An nollent omnes dici filii meretricum & spuriorum & Ecclesiastice ex adulterio & incestu noti. An forsitan inde, quod non fuerint ordinati ab Episcopo? At vero ordinationem non nisi ab Episcopo (opposite ad pastorem & presbyterum) legitime fieri posse, probari vellemus D. Jure consulte: Eosdem esse jure divino presbyteros & Episcopos, nec nisi solis nominibus differre, ex Scriptura patet quam evidentissime. Sic Paulus Tit. 1. v. 7. nuncupat illos Episcopos, quos præcedente v. 5. nuncuparat presbyteros. Sic idem Apostolus eosdem Ecclesiz Ephesinz præfectos, quos Act. 20. v. 17. vocaverat presbyteros, v. 28. vocat Episcopos. Et hinc idem 1. Tim. 3. 2. postquam Episcoporum officium descripserat & præscripserat, nulla presbyterorum mentione facta, ad Diaconos transit, quia nimirum presbyterorum & Episcoporum munus commune & idem erat Apostolorum tempore. Vide & Phil. 1. v. 1. Et quid? An non

non Paulus discrete dicit, 1. Tim. 4. 14. *Ne negligas donum quod in te est, quod datum est tibi per prophetiam* *manus impositionis* *et cetera* *per prophetiam*. Ergo ordinatio presbyterio specialiter competit. Paulo ac Barnabæ manus imposita est à Prophetis & Doctoribus Antiochenis A. 13. v. 1. 2. 3. Ubi tum erat Episcopus Papalis, potestate ordinandi instructus? Assensum nobis præbent S. Patres, Tertullianus, Justinus, Cyprianus, Hieronymus, & alii, quorum testimonia vide apud Celeb. Voetium in *desperas. Caus. Papatus lib. 2. sect. 1.* Agnoscunt etiam hic nobiscum veritatem ex ipsis adversarius Carthusianus, Azotius, Durantes, Lombardus, & imprimis Jesuita Zanchez *Comment. in Act. 13.* Qui etiam probat ex A. 20. Phil 1. 1. Tim. 4. Tit. 1. *Primus Ecclesia temporibus Synonymas fuisse voces presbyterio & Episcopi.*

XIX. Exemplum, quod Parisiis, in quodam Ecclesie Reformatæ Ministro, Beaulieu dicto, ad decrepitam usque senectutem munere pastoralis functo, sed à nullis Pastoribus ad illud per impositionem manuum ordinato, contigisse narras, opimam tabulam (qualibus Papatus abundat) redolet. Dicis, *referri id à magni nominis Theologo de Verono in Tract. de Ecclesiis pag. 663.* Quis ergo, maxime cum Veronius fuerit Jesuita (& quidem tam felix in fingendo, ut etiam Catholicis suis novam methodum, Veronianam dictam, veteribus prorsus ignotam, ad illaqueandos hæreticos, effinxerit) non credat? At quid frequentius apud Jesuitas quam, missa veritate, Evangelicis, ad avertendos, ab eorum Religione, aliorum animos, aliena affingere? hoc sine Jesuita Bailius Religionem Reformatam *sentinam omnium hæresum* nuncupare non erubescit. Jesuita Sylvester scribere non veretur pag. 26. *Lutherum fuisse, venteris statum de-*
monia

monia ejicienda esse: Ima Lutherum opera demonis incubi genitum esse, pag. 113. Jesuita Lessius eructare non dubitat, Calvinum fuisse Sodomitam & Novioduni ob hoc crimen ferro candente stigma ei inustum fuisse. Addit Jesuita Sylvester, cap. 16. Eundem Calvinum (qui tamen & natus & vixit) filium suum ad S. Hubertum misisse, ut à morfu rabidi canis curaretur. Et quis omnes rancidas nœnias, quas Jesuitæ cum de Reformatoribus, & Pastoribus tum de Religione Reformata hætenus, ad eam coram mundo denigrandam, occinuerunt, enarret? Appello autem hîc fidem tuam D. Jureconsulte: Num mihi Papicolas tuos fidem habituros autumares, si hæc aut illa ad denigrandam Religionem vestram enattatem, aut in Papam vel Cardinales vestros opprobria jactarem, non alio sulta testimonio, quam Lutheri, Calvinii aut alius Pastoris Reformati? annon me potius eachinno quam fide excepturi essent? Ad quid Tu ergo cum tuo exemplo Jesuitico? Quanto rectius nos vobiscum agimus, qui, quæcunque de corruptelis Ecclesiæ vestræ & vitiis Pontificum asserimus, ex ipsis Auctoribus Pontificiis, acerrimis Papatus Assertoribus, depromimus ad æternum vestrum vestræque Religionis pudorem. Tu quoque si simile contra nos, & eris nobis Theologis vestris, qui hoc hætenus non potuerunt, major. Posito intèrim, exemplum, quod narras, vere contigisse; quid tum postea? Cum enim jus vocandi non competat solis Episcopis, ut supra demonstratum, sed toti Ecclesiæ, ut infra thes. XXV. fusiùs probabitur, nec etiã impositio manuum quæ à solis presbyteris peragitur, sit de essentia Ministerii, quid obstat, quominus Ecclesiæ, seu Seniores nomine Ecclesiæ in casu necessitatis, ubi Pastores defunt, nec haberi possunt, per se conferant vocationem immediate? Num dicēs, vocationem sic

non

non esse plenam & sufficientem: Frustra. Nam vocatio, spectatur vel in se seu ratione essentiae, quae consistit in triplici consensu, Dei scilicet, Ecclesiae & vocati, vel respectu modi eam conferendi, nimirum caeremoniarum & rituum: Licet vocatio non sit plena & sufficiens quoad modum sine pastoribus; est tamen plena & sufficiens quoad essentialia. Ritus & caeremoniae vocationis ubi observari possunt, ut possunt in Ecclesia rite ordinata, obtinere debent: At ubi observari non possunt, ut semper non possunt in Ecclesia collapsa & reformanda, ministerium, cum non sint de illius essentia, propterea non est nullum. Frustra quæres, quomodo Laici, utpote non pastores, queant constituere pastores: Nam proficiscitur hæc papicolarum questio ex falsa hypothesi, quasi vocatio sit ali-quod Sacramentum Ordinis, imprimens Characterem indelebilem, qui sit qualitas physica inhaerens menti pastoris, quæ est vocationis idea falsissima: Vocatio, ut infra audiemus, pertinet ad totam Ecclesiam, quæ licet ministerium non habeat quoad exercitium, implendo illius partes, habet tamen quoad ius collationis, ita ut eius auctoritate & consensu, ministerii functiones existant validæ ex institutione Christi. Licet proinde illud exemplum vere contigisset, quod jam ponimus, quid tum D. Jureconsultus? quid inde lucratus fueris? Annon vos ipsemet in vocatione & ordinatione Ministrorum casibus necessitatis locum conceditis? Sic enim Gerson vester Part. 2. *Fis autem missio aut per Deum immediate &c. Aut per Deum mediante superiorum auctoritate &c. sit rursus nonnunquam ex ipsa necessitate lege: Quando non aliter posset fidei seu morum veritas inviolata servari. Ubi verum est illud: Pasce fove morientem, non parvisti, occidisti.* Et Antoninus p. 1. tit. 20. In argumentum morale nequeunt, quæ propter necessitatem aliquando sunt

dosunt concessa. Etiam extra casum necessitatis, cum alii presbyteri haberi possunt, dispensatis tamen de plerisque irregularitatibus, excogitantes aliquod quid pro quo, ut defectus ille suppleatur. Cui virilia sunt abscissa, inquit Toletus lib. 1. c. 63. potest eascum portare in pulverem redacta aut sicca, ita erit membris scilicet integer per analogiam eandem, qua cadaver est homo. Noli ergo amplius exclamare D. Jureconsulte, o miseros Pastores, quos supra dictus ille Beaulieu ordinaverit! O misera Sacramenta, quae & ordinantur & ab ipso ordinati administrantur! Vestrum potius exultet finum. Vos docetis, sacramentum Baptismi (cujus tamen administratio Jure divino Pastoribus mandata legitur Matth. 28. vers. 19.) in casu necessitatis etiam ab anibus, imo Judzis & Paganis administrari posse; etiam in urina (Sic enim quidam Doctores sentiunt, ut refert Guido de monte Rocherii in Manip. Curator de Baptis. c. 2. fol. 7.) in lixivio, in brodio carnum & piscium, vide Tolet. lib. 2. c. 18. Item, infantem morientem conjici posse in flumen vel puteum profundum, quamvis mox suffocandum, referente Sylvestro, in voce Baptismus num. 14. & 10. En egregiam Papicolarum doctrinam! ad quam si Matrona d' Ameur dicta (ita turbata, ut refert, postquam percipit, dictum Beaulieu sine impositione manuum hactenus munus pastorale obiisse, ut etiam nulum ipsamplius infantem baptizandum tradere voluerit sed tandem una cum Conjuge suo ad Pontificios transierit) se contulit, incidit certe in scyllam, dum voluit vitare charybdin. Tu interim D. Jureconsulte, quia tam libenter figura exclamandi uteris, hic perge exclamare, o miserum baptisma, quod etiam ab anibus, Judzis & Paganis administratur, imo etiam in urina, lixivio & brodio carnum & piscium peragi potest! o miseram cenam, cujus valor ab in-

rentione alicujus sacrificuli dependet l'omiserum creatorem, qui
decreatur a creatur: Eousque enim temeritatis procedere
vestros Doctores, ut sic loqui non erubescant, infra au-
dicimus.

XX. Sed en D. Jurisconsulte placuit tibi hacte-
nus de vocatione Primorum Reformatorum ut & ho-
diernorum Pastorum nostrorum litem nobis movere :
placuit tibi interrogare, *Tu Calvine, Tu Luthere, quis es? Unde venisti?* Placet jam & nobis vicissim interrogare
Papam, Cardinales, Episcopos qua papales, Monachos
et sacerdotes vestros, *qui sint & unde venerint*, et quidem
non duntaxat ratione ipsorummet munerum, utpote
novorum et S. Scripturæ ignotorum: Cum è contrario
vos Reformatorum et Pastorum nostrorum munus, ut
sic, disputare non audeatis. Tu igitur Papa, *quis es? Unde*
venisti? Papam qui hodie dicit, notat Ecclesiæ universa-
lis Monarcham infallibilem, sedentem in templo Dei
ac si Deus esset, & cui subesse sit omnino de necessitate
salutis, ut definit Bonifacius VIII. *cap. Unam, Sanctam, Ex-*
tra de major. & obed. At unde Sanctissimus ille Pater? Ubi
munus ipsius Monarchicum legitur in scriptura institu-
tum? Dicit Apostolus Eph. 4. 11. *Christum dedisse alios*
quidem Apostolos, alios vero prophetas, alios autem Evan-
gelistas, alios autem pastores & Doctores. Ubi autem reliquit
Papam, tanquam infallibilem Ecclesiæ Monarcham? Ille
utique omnium primo fuisset commemorandus? Posito
autem, non tamen concessio, Christum ejusmodi munus
Monarchicum in Ecclesia sua instituisse? quis Episco-
pum Romanum ad illud vocavit? quis elegit? An dicis
Cardinales: At quæro similiter, Vos Cardinales *quis estis?*
Unde venistis? quis munus vestrum in Ecclesia instituit?
Quis vos vocavit? de Cardinalatu ne quidem in S. Li-
teris.

teris. Faciunt sibi Domini isti (à 500. demum circiter annis nati) jus ut Apotheoscon omnium, ita speciatim *supremum illud interius Numen* per prensationes, largitiones, ambitum & Simoniam multiplicem eligendi ac creandi; adeo ut, *nisi istis hominibus placueris, nec sit Deus, & apud eos de humano arbitratu omnia divinitas pensetur*, ut loquar cum Tertulliano *Apol. c. 5.* Quid? sunt isti Domini Cardinales ex hypothesi Pontificiorum supra Papam: Cum enim Papa tantum possit in Missa creare *supremum in caelis Numen* pro lubitu suo; illi etiam insuper creare pro arbitratu suo possunt *supremum in terris Numen*, uti blasphemae Stapletono dicitur Pontifex Romanus? quis haec istorum hominum qualitates non admiretur? Ex hinc forte intolerabilis ista eorum imaginatio & superbia, de qua conqueritur Nicolaus à Clemangis, Archidiaconus Bajocensis, de *Corrupt. Eccles. stat. cap. 13.* scribens; *Cardinalium, qui Papae assident, verba summentia & gestus tam sunt insolentes, ut, si artifex quispiam vellet superbie simulacrum effingere, nulla congruentius ratione id facere posset, quam Cardinalis effigiem oculis intuentium objectando.* Ex fortis tamen infima clericatu, in hanc elationem cum sedis Apostolicae pompatis incrementis pervenerunt, quippe quibus olim erat negotiis, ut efferendus mortuus sepultusque mandandis inservirent. Cum jam vocatio, electio & ordinatio Papae dependeat à Cardinalibus: Cardinales autem ipsi met legitima vocatione destituantur, quomodo ergo Papam (posito non tamen concessa, munus ipsius legitimum esse) legitime vocabunt?

XXI. At Episcopos Pontificios si transcamus, rursus quaerendianam habemus, *usque istis? Unde veniunt? Obtenet quidem Episcopatus in scriptura, sed non Pontificius: Nam praeter alia etiam maxime ab Episcopo exi-*

exigit Paulus, ut verbum Dei prædicet, in festis tempestive, in tempestive, arguat, obijurat, exhortetur cum omni animi patientia & doctrina 2. Tim. 4. 2. Tit. 2. 7. 8. Quod adeo etiam necessarium ducunt reliqui Apostoli, ut etiam aliis functionibus Ecclesiasticis præferant Act. 6. 2. 1. Cor. 1. 17. 9. 16. Hoc autem tam necessarium munus Episcopalis requisitum ubi ab Episcopis Pontificiis observatur? ubi & quando illi Evangelium Christi publice prædicant? ubi peragunt opus Evangelistæ? ut Paulus requirit 2. Tim. 4. 5. Annon sunt Principes & Domini certarum regionum, quibus regendis vacant, non secus ac alii Principes? Ubi autem ejusmodi munus Episcopale institutum legitur in Scriptura? unde nacti ad id vocationem? an ab Archiepiscopis? At vellemus scire, quinam & illi sint & unde venerint.

XXII. Præterea vos suffraganei, qui estis? Unde venistis? vos ordinatis Sacerdotes & conferitis illis nomine Episcopi potestatem legendi Missas: At ubi legitur hoc vestrum munus in scriptura? quis vos vocavit? an Episcopi Pontificii? at illi, quæ Pontificii, ipsimet vocatione carent. Ne jam addam, Episcopis haud licere, munia sibi propria in alios transferre: Hinc et talem abutum ipse Papa Damasus Ep. 4. varie reprehendit et ejusmodi Episcopos meretricibus comparat, quæ postquam pepererunt, infantes suos aliis lactandos tradunt, quo de novo voluptatibus vacare possint.

XXIII. Tandem vos Monachi, qui estis? unde venistis? novi vos esse cucullatos fratres, at quis vos vocavit? quis ordines vestros confirmavit? an l'apa? at caret sanctissimus ille Pater vester ipse et vocatione, ut supra audivimus: sitamen haberet, quæ vos vocaret ad statum S. Scripturæ ignotum, priscis Christianis inaudicum, imò ver-

verbo Dei contrarium? ut in sequentibus evidentissime demonstrabitur.

XXIV. Vos deniq; Sacerdotes pontifici in genere, *qui estis? unde venistis?* Novi, vos ex hypothefi Pontificia esse homines perquam artificiosos: nam scitis coram altari vos mox huc mox illuc vertere, mox corpus inclinare, mox rursus erigere, mox frontes, mox pectora signo crucis ornare, & quidem tanta promptitudine, ut credam, ipsos A postolos, si reviviscerent, & mirros vestros gestus & vestes viderent, Missæ vestræ admiratione summa affectum iri: scitis præterea ex parva hostiola Christum & Deum vestrum facere: quoties vobis lubet, simul enim atq; hæc quinque verba *hoc est enim corp^{us} meum* pronuntiastis, substantia hostiolæ (ut pie Catholici vestri credunt) in corpus & sanguinem Domini convertitur, atque paulo post huncce Deum vestrum, postquam satis à populo adoratus est, vos soli (vobis enim forte solis debetur: quia licet populus concurrerit ad ejus adorationem, non tamen ad creationem) & quidem oppido devore comeditis. Hinc f. Archiepiscopus vester Rovenius Reipubl. Christ. lib. 1. c. 10. scribit. *Qua major esse potest dignitas quam representare personam Christi & Dei, cum potestate consecrandi, offerendi & distribuendi corpus & sanguinem D. N. J. Christi. Quid hoc aliud est, quam esse NB. quodammodo Deum & factorem sui factoris, non semel sed quoties lubet in altari sacrificare & quinque verbis prolatis panem in corpus Domini & paulo pluribus vinum in sanguinem ejusdem convertere, Deo obediente voci hominis? Sic ergo juxta testimonium hujus Archiepiscopi estis quodammodo Dii, item factores vestri factoris, ita ut possitis (ceu refert Gabriel Biel super Can. Lect. 4) dicere; *Qui creavit me, dedit mihi creare se: Et qui creavit me sine me, is creatur nunc mediante me.**

me. Hem eximios artifices! Sed quid? vos ipsa B. Virgine, quæ tamen Ecclesiæ Catholicæ Alpha & Omega est, majores estis: *B. enim virgo*, inquit idem Rovenius loc. supra cit. *semel Christum nobis protulit: sacerdos eundem sapius nobis sistit & communicat.* Denique licet omnes Catholici peccata sua in vos conjiciant, vos tamen tam artificiose scitis ea confarcinare, ut ne quidem bajulando defatigemini. Hoc, inquam, artificium vestrum novi & sapius vidi. Sed latet me interim, qui sitis ratione hujus muneris & vocationis vestræ ad illud: Id est 1. Ubi legatur sacerdotium vestrum in S. Scriptura? ubi vel minimum *3^o* in S. literis de sacrificio vestro Missatico? Si illud tanti momenti est, ut, quod prætenditis, sine eo Religio Christiana stare non possit, cur ergo Christus & Apostoli *discrevit* doctrinam, adeo cognitu necessariam omnibus fidelibus, tacere voluissent? legimus quidem, Christum emisisse Apostolos suos ad prædicandum Evangelium Matth. 28. Legimus etiam, Apostolos in prædicando Evangelio perquam operosos fuisse: Act. 6. At eos vel emisissos fuisse ad legendam Missam, vel unquam etiam Missam legisse, velim mihi ostendi. 2. Posito, non concessio, sacrificium Missæ à Christo institutum esse, quis vos ad illud vocavit? quis vobis dedit istam auctoritatem? Nonne Episcopi vestri? at illi ipsi carent vocatione, ut supra audivimus, quomodo ergo vestra vocatio & ordinatio, ab ipsis facta, valida esse posset?

XXV. Præterea duo adhuc occurrunt culpanda circa vocationem Doctorum Pontificiorum. 1. Quod sine consensu populi & Magistratus vocentur, qui tamen olim præcise fuit requisitus, adeo etiam, ut ne quidem Papa, quem hodie soli Cardinales eligunt (quod tamen demum statutum ab Alexandro III. in Concilio

Lateranensi circa ann. M.C.LIX.) sine suffragio populi & consensu Magistratus, teste Rovenio lib.1. cap.15. eligi posset. Competit utique jus eligendi & vocandi Pastores toti Ecclesie (non solis Episcopis, ut hodie Papicollis lubet) & hoc quidem 1. Quia potestas Clavium, ad quam jus vocandi omnino pertinet, commissa est toti Ecclesie, uti patet ex Matth. 16. 19. & 18. 15. ad 18. Ubi non Petro soli claves regni cœlorum promittuntur, sed toti Ecclesie, *cujus personam Petrus gerebat figurata generalitate propter Apostolatus sui primatum*, ut loquitur Augustinus Tract. 12. 4. in Johan. Agnoscunt hoc ex ipsismet Adversariis Tostatus quæst. 48. in cap. 15. Num. & Ferus in cap. 16. Matth. (2) Quia toti Ecclesie competit probare Spiritus & discernere veros Doctores à falsis Matth. 7. 15, 1. Joh. 4. 1. Ergo illi etiam competit jus eligendi & vocandi. Si enim Auditores debent sibi cavere à falsis Doctoribus, debent etiam eò laborare, ut veri Doctores eligantur & vocentur. (3) Quia Ecclesia apostolica hunc vocandi ordinem observavit. Sic Apostoli ad multitudinem fidelium retulerunt de supplendo loco vacante post interitum Judæ Act. 1. 14. 15. & Matthias communibus calculis dicitur electus cum undecim Apostolis verl. 26. Similiter ad multitudinem retulerunt de eligendis Diaconis Act. 6. 2. 3. Iterum Paulus & Barnabas dicuntur per suffragia constituisse presbyteros Act. 14. 23. (4) Quia jus vocandi pastores vindicant Ecclesie 1. Conciliorum decreta, in primis Nicæni primi (vide Epist. Synod. apud Theodoret. lib. 1. c. 9.) (2) Patrum testimonia, quæ congesta lege apud Celeb. Turretin. part. 3. Loc. 18. thel. 14 (3) Ipsæ ipsorummet Pontificiorum confessiones haud obscuræ, quas legere est *in aurea Confessione Catholic. Cl. Gerhardi l. 2. part. 2. Art. 6. c. 1.*

XXVI. 2. Secundum, quod circa Vocationem Pontificiam culpandum, est, quod valor ordinationis (quemadmodum & aliorum omnium sacramentorum) præcise restringatur ad intentionem Ordinantis, ita ut si illa desit, ordinatio desinat esse vera & legitima. *Si quis dixerit*, inquit Concilium Tridentinum sess. 7 can. 11. *in Ministris, dum Sacramentum conficiunt, & conferunt, non requiri intentionem* (intellige ex necessitate Sacramenti, ut omnes subsequuti Scholastici verba Concilii, alias dubia, explicant) *saltem faciendi, quod facit Ecclesia, Anathema sit.* Qua doctrina quid, quæso, absurdius? Cum enim intentio Episcopi ordinantis sit interna & abscondita, de qua nemo, tanquam de re sibi certo comperta, potest testari (quis enim hominum scit, quæ sunt hominis, nisi Spiritus hominis, qui est in ipso? inquit Paulus. 1. Cor. 2. 11.) quomodo ordinatus certus esse potest, se esse verum & legitimum sacerdotem? ac proinde, quomodo munera sacerdotalia abfolvendo à peccatis & administrando sacramenta, peragere potest? Non nescio quidem, Papicolas, quod eis semel excidit de necessitate intentionis Ministri ad veritatem Sacramenti, progressu temporis emollire quævisse, prætendendo, à Conc. Tridentino intelligi non intentionem *actualem*, neque etiam *habitualement*, sed *virtualem*, quæ recensente Bellarmino lib. 1. de Sac. in gen. cap. 27. dicitur, cum *actualis intentio in presenti non adest ob aliquam evagationem mentis, tamen paulo ante adsuit & in virtute illius fit operatio.* Verum frustra: cum ordinatus de intentione ordinantis sic non minus dubius hæreat, ipsomet etiam post Catharinum lib. de Intent. (qui se Concilio Tridentino hac super re vehementissime opposuit) agnoscen-

te Bellarmino *lib. 3. de justificat. cap. 8.* Hæcenim sunt ipsius verba (uncialibus characteribus scribi digna.) *Neque potest quis certus esse certitudine fidei, se percepisse verum Sacramentum : Cum Sacramentum non conficiatur sine intentione ministri, & intentionem alterius nemo videre possit.* Hæc doctrina papistas præsentissimo idololatriæ periculo exponit: nam si sacerdotem intentio non subiit consecrandi hostiam, adorant tantum frustulum panis: Quis autem illos certos reddidit de intentione sacerdotis? Imo juxta hanc doctrinam ipse Papa, nedum alii homines, potest esse certus, se esse vere baptizatum, adeoque esse Christianum, cum potuerit in sacerdote baptizante defuisse intentio baptizandi. Nullus etiam Papicolarum, quancunque etiam faciant papam, potest esse certus papam suum esse verum Papam: cum eos Cardinalium, qui illum ad papatum evexerunt, lateat intentio. Et quis omnes Sacramentorum nullitates, quæ inde oriuntur & totum Papatum reddunt incetrum, enarret? quas etiam supracitatus Catharinus in ipso Concil. Tridentino non parum urfit. Defendunt etiam Sententiarum effatum hoc adeo languide, ut eos illius suppedere satis appareat. Id ex Thoma & Scoto inter se commissis ostendentem vide Cl. Forbesium *Instruct. Histor. Theolog. lib. 10. c. 1.* Præ aliis tamen hic ridiculus est Bellarminus, dum loco supra cit. scribere, non dubitat, *sufficere intentionem facienda, quod facit Ecclesia aliqua particularis & falsa, quam ipse putat veram, ut Genevensem.* Sic enim sacerdotes Pontificii baptizantes infantulos, potuerunt habere intentionem baptizandi adultos: hanc enim intentionem habent Ecclesiæ Anabaptisticæ, aut non baptizandi *in nomine Patris, Filii & Sp. Sancti*: hæcenim intentio subit omnes Socinianos & Arianos: imo sic fiet transubstantiatio à Missificæ, quum

quum nihil minus intendit quam Transubstantiationem, quemadmodum Ecclesiam Genevensensem ab intentione Transubstantiationis alienissimam esse extra dubium est.

XXVII. Nihil ergo erat D. Jureconsulte, quod nobis litem moveres de vocatione Lutheri, Calvini, aliorumque Reformatorum, ut & hodiernorum Pastorum nostrorum: habebas domi satis, quod ageres in examinanda vocatione vestrorum Sacerdotum, Episcoporum qua papalium, Monachorum, imo ipsiusmet Papæ qua Papæ: huic ergo demonstrandæ in posterum prius vacare poteris, quam ad nostrorum vocationem traducendam te convertas. Num dices, me ipsum vocationem Lutheri & aliorum, quam superius ex Papatu adstructum iverim, sic destruere? longe falleris: Nam quicquid boni fuit in vocatione Reformatorum & proinde etiam in ordinatione (sumimus enim vocem late, prout includit electionem, ordinationem, præsentationem & alia) non derivamus ex Ecclesia Pontificia, qua Pontificia, sed qua Christiana: ut supra pluribus demonstratum.

CAPVT III.

PARAG. I.

DE

Traditionibus in genere.

§. I.

DE statu controversiæ quædam sunt præmittendæ, antequam ad diluenda D. Juris-Consulti sophismata

progrediamur. Vociferatur ille mox à limine hujus
 capitis, *notissimum esse, quòd Reformati traditiones rejiciant
 & execrentur.* Quod dum ita simpliciter, nullaque ad-
 hibita distinctione Reformatis attribuit, non parum in
 eos injuriotus existit. Distinguunt illi sedulo inter tra-
 ditiones historicas, rituales & dogmaticas. *Historicas*, si
 fide dignis proficiscantur & cum S. Literis non pugnent,
 non rejiciunt, imo ultro amplectuntur. Nec etiam *ri-
 tuales*, quæ agunt de ritibus & ceremoniis adiaphoris, re-
 spuunt. Sed de *traditionibus dogmaticis*, i. e. quæ vel fi-
 dem vel mores spectant, seu de traditione ejusmodi dida-
 ctica, quæ complicat hominum commenta cum textu
 indubitato, ad supplendum illius defectum in articulis
 quibusdam necessariis, tantum controversia est, adeo-
 que quæstio inter nos & Pontificios huc credit; *An præ-
 ter S. Scripturam detur aliquod Dei verbum non scriptum, seu
 traditio, quæ pari pietatis affectu & reverentia cum Scriptura
 sit recipienda?* Affirmant hoc Pontificii. *Vide Concil. Trid.
 sess. 4. & Bellarm. lib. 4. de V. Deic. 2. & 3.* Sed nos merito
 negamus (1.) quia verbum scriptum vetat sibi quicquam
 addi vel detrahi Deut. 4. 2. & 12. 32. Jos. 1. 7. 1. Cor. 4. 6.
 (2.) quia sola S. Scriptura perfecta & apta est, *ut hominem
 Dei possit sapientem reddere ad salutem*, imo perfectum & ad
 omne bonum opus perfecte instructum 2. Tim. 3. 15. 16. 17.
 Joh. 20. 31. (3.) quia nihil omiserunt Scriptores Sacri
nobis revelare de voluntate & consilio Dei Act. 20. 27. Imo san-
 ctus idem Apostolus protestatur, se nihil docuisse *extra
 ea, quæ Prophetæ ac Moses prædixerant futura* Act. 26. 22. (4.)
 quia Salvator ipse nos ad solam Scripturam remittit Joh.
 5. 39. Luc. 16. 21. (5.) quia *ultra & præter id, quod scriptum
 est, sapere* prohibetur 1. Cor. 4. 6. Gal. 1. 8. (6.) quia S. Scri-
 ptura data est, ut salutem & vitam ex ea habeamus Joh.

20. 31. 1. Joh. 5. 13. Rom. 15. 4. (7.) quia rejiciantur omnes traditiones dogmaticæ extra Scripturam Math. 15. 3. Coloss. 2. 8.

II. Præluxerunt Papicollis in traditionum amplexu Judæi, qui non minus præter legem scriptam maximè gloriantur lege orali, quam משה קבל מסיני ומסרה ליהושע ויהושע לזקנים וזקנים לנביאים ונביאים מסרו למשי כנסת הגדולה Moses in monte Sinai acceptam tradiderit Iosua: hic LXX. Senioribus: Hi Prophetis: Propheta Synagoga magna: & sic deinceps, donec tandem in Talmud relata sit. Vide Pirke Abbot c. 1. En eximios Papicolarum in Traditionibus Antecessores, qui etiam non minus, ut Pontificii hodie, παρὰ τὸν νόμον ἐκ τοῦ λόγου τοῦ κυρίου ἔχουσιν Matt. 15. 3. Sed audiamus quomodo D. Jureconsultus dogmaticas suas traditiones prober. Provocat [4] ad locum illum πάλαι δόξαντες. 2. Thess. 2. 15. *Fratres tenete traditiones, quas edocti estis, sive per sermonem, sive per epistolam nostram.* At frustra: Nam [1.] Apostolus ipsam Epistolam seu Scripturam complectitur sub vocabulo ἑδδοται, tanquam sub genere: ergo vocabulum illud non hic tantum notat *verbum non scriptum*, quod sensu Pontificii usurpari volunt. [2.] Vocula disjunctiva ἢ (quæ tamen etiam copulativè accipi potest, ut 1. Cor. 15. 8. Coloss. 1. 20.) non semper infert diversitatem rei, sed tantum diversitatem modi tradendi eandem rem. Sicut enim unus idemque est homo, qui ore docet præsens & scripto absens, sic potest scripto docere absense eandem doctrinam, quam ore exposuit. Thomas, Angelicus ille Ecclesiæ Pontificiæ Doctor, in Epist. ad Phil. 3. vers. 1. hæc Apostoli verba recensens, *Eadem scribere mihi quidem non est pigrum, vobis autem necessarium est, Eadem, inquit, quæ dixi in præsentia, non est mihi pigrum vobis scribere in absen-*
tia

tia: verba enim de facili transeunt, sed scripta manent. Unde obvium, Apostolos in absentia eandem doctrinam scripsisse, quam ore praesentes auditoribus suis instillaverant. [3.] Sed demus, Paulum Thessalonicensibus suis multa, eaque ad salutem necessaria, vivâ voce proposuisse, quæ in Epistolis ad Thessalonicenses non continentur, quid inde lucri Pontificiis? quæ enim, quælo, consequentia, *Non omnia dogmata fidei sunt scripta ad Thessalonicenses: ergo non in toto sacro codice?* Norunt fideles distinguere inter partem canonis & totum canonem. In una Epistola ad Romanos multa occurrunt, quæ in Epist. ad Thessalonicenses non leguntur: quanto plura in toto canone? Et quid? annon ipse Apostolus testatur, *se nihil dixisse tam parvis quàm magnis extra ea, quæ Propheta & Moses futura prædixerant* Act. 26. 22. Ergo in Mose & in Prophetis, quæ Paulus tradebat, modo scripta extabant. Unde & idem alibi dicit: *Tradidi vobis secundum scripturas* 1. Corinth. 15. v. 3.

III. [β] Nihil etiam ad rem vestram verba Petri 2. C. 3. v. 1. 2. *Hæc jam alteras vobis literas scribo, dilecti, quibus sinceram mentem vestram per communem actionem vestram excito, ut memores sitis verborum, quæ prædicta sunt à sanctis Prophetis, & mandati illius nostri, qui sumus Apostoli Domini & Servatoris.* Nam ubi hic vel minimus color pro Pontificiorum traditionibus? quærisne eas in voce mandati seu [ut Vulgatus vester reddit] *præceptorum?* Audi tuum Jesuitam Salmeronem. *Præcepta seu mandata* [inquit ille Disp. IV. in cap. 3. postea. Ep. Petr.] *Petrus vocat illa dilectionis Dei & proximi; ad quæ duo præcepta omnia alia referenda sunt.* An hæc autem non scripta sunt D. Juris Consulto?

IV. [γ] Concilium Apostolicum, Hierosolymis ha-

habitu, traditionibus Pontificiis etiam nulla ratione favet. Nam 1. Apostoli dicentes, *Visam est Spiritui Sancto & nobis, nihil ultra vobis imponere oneris, nisi hac necessaria: ut abstinere ab iis, quae sunt immolata simulacris, & sanguine & suffocato & fornicatione, novam legem, ut vult Bellarminus, non condunt: sed potius veterem repetunt, quae in Ecclesiâ Israeliticâ vigeat. Hanc Apostoli volunt interim & ad tempus observari, donec abique scandalo penitus omitti queat. Chrysostomus, ἀπὸ τοῦ νόμου τὰ ὅλα λαμβάνουσιν, à lege hæc accipiunt. Oecumenius, ἀπὸ τοῦ νόμου τὰ ὅλα λίσουσιν, ex lege hæc dicunt. Atqui vetera retinere, longè aliud est, quàm nova instituere. 2. Ab Apostolis ad reliquos Ecclesiæ Pastores, quæ consequentia D. Jurisconsulte? Illis aderat extra ordinem Spiritus sanctus, adeò ut, quæ ipsi proponerent, à Deo simpliciter manarent: his autem assistentia Spiritus nulla extra ordinem: sed de his paulò plura infra.*

V. (8) Verum est, Paulum, cum unà cum Timotheo pertransiret urbes, tradidisse eis observanda placita illa, quæ decreta fuerant ab Apostolis & Presbyteris, qui erant Hierosolymis. Act. 16. 4. At quid inde pro traditionibus Pontificiorum non scriptis? cum Apostolorum decreta fuerint scripta: ajunt Jesuitæ, hoc factum esse à Paulo, ut disceret populus non semper ad Scripturas provocare. Imò, respondemus nos, ut disceret populus scriptis Apostolicis inhærere, nominatim verò *Epistola ab Apostolis scripta fratribus, qui erant Antiochia, & in Syria & in Cilicia. Act. 15. 23. In qua habebantur dogmata, à Paulo prædicante commendata. Sic bonus noster Jureconsultus cum imprudentibus suis Jesuitis suo se jugulat gladio.*

VI. (1) Verum etiam est, eundem Apostolum laudare Corinthios suos, quod sicut illi tradiderat, tradi-

niones retinebant. 1. Cor. 11. 2. At 1. non loquitur de traditionibus *dogmaticis*, de quibus nobis est quaestio, sed de *ritualibus*, quas, ut supra dictum, nos ultrò amplectimur: Loquitur, inquam, de indifferentibus ceremoniis & ritibus, ad ordinem tamen & decorum pertinentibus, ut ex sequentibus patet. Et hinc addit sub finem vers. 34. *Cetera, cum venero, disponam*: promittit, se nonnulla coram dispositurum: *Idem*; autem illa non ad dogma, sed ad ordinem pertinet. Agnoscit hoc maxima pars Veterum Interpretum, Chrysostomus, Occumenius, Theophylactus, Ambrosius, Anselmus, &c. quos citatos vide apud celeb. Chamierum *Tom. 1. pag. 138.* (2) Sed demus D. Jureconsulto, A postolo hîc sermonem esse de rebus ad salutem necessariis, quid inde lucri ad ipsum redibit: cùm constet, ipsam sacram Scripturam crebrò *traditionis* nomine non modò apud S. Patres, sed & in ipsis sacris Literis venire. Si nescit, legat 1. Cor. 15. 3. Act. 6. 14. &c. Audiat in super suum Jesuitam Lorinum in hunc ult. loc. *Constat*, inquit ille, *voce Traditionis doctrinam quoque scriptam significari*. Videat eundem Lorinum ad Act. XVI. 4.

VII. (2) Verba Pauli ad Timotheum, *Ea, quae audivisti à me per multos testes, committe fidei hominibus, qui sint idonei ad alios quoque docendos.* 2. Tim. 2. 2. incassum quoque allegat D. Jureconsultus ad stabiliendum traditiones non scriptas: Nam quæ, quæto, cõsequentiâ, Apostolus Timotheo suo commendat ea, quæ ab ipso audiverat per multos testes, ergò commendat ei traditiones non scriptas, ad salutem necessarias? An ergò positio prædicationis de aliquo fidei dogmate illico insert negationem de ejusdem scripture? An non ipse Paulus testatur, se nihil docuisse extra ea, quæ Prophetae ac Moyses futura prædixerant.

dixerant. Act. 26. 22? Ergo quæ Timotheus à Paulo audi-
vit, modò scripta extabant in Mose & Prophetis. No-
tant hoc in hunc ipsum locum, ad quem D. Jure consul-
tus hîc provocat, ex ipsius Pauli verbis Interpretes inter
Pontificios non infimæ fortis. *Glossa, per multos testes,
id est, per Prophetas confirmata. Lyranus, confirmata per
Prophetas, legem & Hagiographa. Anselmus, per multo-
rum testimonia Prophetarum confirmata. Thomas, quæ au-
divisti à me, & ego à Christo, & dico à me non singulariter,
sed confirmata per multos testes, id est, legem & Prophetas.*
En Angelicum & subtilem Doctorem vestrum! quàm sub-
tiliter tibi occludit os? ut ne *angulus* quidem remaneat.

VIII. Infers tandem. *Quod Apostolus licuit, quid
ni & liceret ipsorum successoribus? At qui Apostolis (sic enim
vis ex mente ratorum Jesuitarum subitum) licuit novæ
leges ferre obligantes conscientiam, & precipere, quæ jure divi-
no non erant sancita. Ergo, &c. Resp. Negâdo Majorem
& Minorem. Majorem, quia Apostoli erant ministri ex-
traordinarii, & sic etiam eorum potestas extraordinaria:
adeoque ab illis ad eorum in munere pastoralis successo-
res, tanquam ordinarios Nov. Test. ministros nulla est
consequentia. Sic cùm Dominus ad discipulos suos di-
xit Luc. 10. 16. *Qui vos audit, me audit, &c.* Id in consequen-
tiam trahi non debet, nec omnibus Pastoribus cômune
fieri: Illi enim certis privilegiis præ reliquis gaudebant:
Et quamvis id communiter ad omnes pastores se exten-
deret, considerandum tamen, eos non audiendos esse,
nisi in quantum & ipsi audiunt Christum, in verbo suo
loquentem. Minorem etiam falsissimam esse, suprà mo-
do audivimus. Apostoli quidem nonnulla præcepe-
runt, quæ jure divino non erant sancita, at non sub ra-
tione cultûs, ut sit in Papatu, sed quæ servarentur pro-*

pter ordinem & scandali evitandi causâ. Decretum de sanguine & suffocato, non tam erat nova lex, quam (ut suprâ audivimus modo) veteris repetitio & commendatio. Nec est, quod regeras vel 1. *veterem Legem fuisse modo abrogatam*: nam abrogata quidem erat morte Christi, ne obligaret, poterat tamen ad tempus commendari: Sicut Augustinus Epist. 19. scribit, *Paulum & alios recte fidei Christianos, tunc illa vetera Sacramenta paululum observanda veraciter commendare debuisse, ne putarentur ista Prophetica significationis observationes à piissimis Patribus custodita, tanquam sacrilegia diabolica, à posteris detestata. Vel 2. illa cum scortationis prohibitione conjungi, quæ sit juris perpetui*: nam non statim sequitur esse ejusdem generis, cum sæpe disparia conjungantur, & moralia cum ceremonialibus, ut Luc. 1. 6. 1. Tim. 3. 2. Possunt ergo moralia cum positivis cōbinari, maximè cum talia ejusdem generis esse ex sensu hominum existimantur, quomodo scortatio à paganis ferè pro re adiaphora habebatur, præsertim apud Græcos, apud quos scortari, ut ait Comicus, flagitium non erat.

PARAG. II.

DE

Jejunio.

Persuadere nobis vult D. Jureconsultus noster, Jejunium quadragesimale, in Ecclesiâ Pontificiâ usitatum, ab ipsis Apostolis institutum esse: At hallucinatur bonus ille vir: Apostoli nihil de Jejunio isto noverunt. Audi Augustinum. *Quibus diebus*, ait ille Epist. 86. ad Casulanum,

lanum, non oporteat jejunare, & quibus oporteat, praecepto Domini vel Apostolorum non invenio definitum. Socrates quoque Historicus taretur, lectionem nullam de hoc inveniri antiquam, adeoque Apostolos hoc singulorum reliquisse sententia, ut unusquisque operetur non timore & necessitate, quod bonum est. Consentiant his Chrylостomus, Cassianus, Isidorus, Hispalensis, Rabanus Maurus, Rupertus Tuitiensis, & alii, quos citatos vide apud Cl. Dallæum de *Jejun. & Quadrage.* l. 3. cap. 14. Dicemus amplius, illud (*Quadragesimale Papisticum*) ne Christianis quidem secundis, imò & tertij seculi fuisse cognitum, vel ex solius, si ceteri decissent, Irenæi ac Tertulliani obiter inspectis Tabulis constare posse. Irenæi notabilis est locus in Epistola ejus ad Victorem, Episcopum Romanum, cujus fragmentum Eusebio debemus, qui ex eodem retulit: *Non enim solum de die (Paschæ videlicet) sed etiam de ratione & modo est instituta ista controversia. Quidam namq. unum diem se jejunare oportere existimant, alij duos, non pauci plures, si di* παραπάνω αἵμας ἡμερῶν τε καὶ νυκτῶν συμμεινέται τὸν ἡμέραν αὐτῶν. Quæ Bellarminus bellè reddit. *Quidam autē quadraginta horis diurnis & nocturnis metuntur suum diem.* Nam si post vocem παραπάνω distinctionem affixeris, ut non pauci solent, nullus erit sensus. Quò enim verba sequentia αἵμας ἡμερῶν καὶ νυκτῶν &c. referentur? Num ad illos, qui unum diem, an ad hos, qui quadraginta dies jejunant? Videntur sanè ad ultimos referenda. Ad quos si retuleris, necessario consequetur, eos, qui 40. dies jejunasse dicuntur, toto illo tempore nihil omnino comeditisse, quandoquidem, Irenæo teste, αἵμας ἡμερῶν τε καὶ νυκτῶν horas tam diurnas quàm nocturnas jejunio deputabant; Ne jam addam, cum Irenæus dixerit, alios uno die, alios duobus, alios verò pluribus jejunare, non

neceſſe fuiſſe addere, *alios 40. dies jejunare*, cùm in eo, quòd plures dies dixit, quadraginta ſatis comprehendantur. Extra dubium ergò eſt, hanc eſſe Irenzi mentem, *quoſdam uno, quoſdam duobus, quoſdam pluribus diebus, quoſdam vero continuis 40. diurnis ſimul ac nocturnis horis jejunaffe.* (Habet ergò *Quadrageſima* nomen, non à totidem diebus, ſed horis. Nimirum, quia Chriſtus dixit Matth. 9. *Veniet tempus, quo Sponſus ab illis auferetur, & tunc jejunabunt*, veteres proximum ante Paſcha tempus, cùm eo fuerit Sponſus ablatus, jejunio deſtinârunt; Cùm verò illud tempus ſe ferè extendat ad 42. horas, hinc illud jejunium dictum fuit *Quadrageſima*. Die autem Solis non jejunârunt, quia illo Sponſus fuit redditus.) Ignoravit itaque ſuo tempore hodiernum Paſtiſtarum jejunium *Quadrageſimale* Irenæus, dicturus aliàs, *quoſdam jejunaffe integros quadraginta dies*. Producimur inſuper illuſtre Tertulliani teſtimonium atque argumentum, quod integro libro de Jejunio adverſus Catholicos perſecutus eſt: Quanquam verò in Montani deliria prolapſus contra Eccleſiam deinceps calamum ſtringens à Proclo obtentu Paracleti ſui demeritatus nova iſta jejunia & aſteritatem vitæ juſtò nimis extulerit; ita tamen pro Montani jejuniiſ diſputavit, ut Catholicos jejunantes nihili eſtimaverit. Quo argumenti genere non niſi ſtupidus uti potuiſſet, ſi moderna Romanorum *Quadrageſima* inter Catholicos cognita aut in uſu fuiſſet. Excerptemus ex diſputatione illa, quæ ad rem præſentem faciunt. Volens itaque Montaniſtarum jejunia defendere Tertullianus, ait (Oper. fol. m. Edit. Baſil. 1562. cum not. Rhénani 770.) *Arguunt nos (Catholici) quòd jejunia propria cuſtodiamus: quòd ſtationes plerumque in veſperas producimus, quòd etiam*

iam Xenophagias observemus, sicantes cibum ab omni carne
 & omni jurulentia & viridioribus quibusque pomis, nec quid
 vinositatis vel edamus vel bibamus. Infans sit, qui non
 videatur Catholicos tale quid non potuisse prudenter ob-
 jicere Montanistis, si inter ipsosmet Quadragesimale,
 prout nunc est, majus longe Jejunium obtinisset. Pa-
 rata enim Tertulliano, circumspetto disputatori, erat
 retorsio. Dicit ulterius fol. 770. & seq. *Catholici dif-
 ferenter jejunandum putant ex arbitrio, non ex imperio no-
 va disciplina pro temporibus & causis uniuscujusque.* Et vicis-
 sim fol. 779. *Convenio vos (Catholicos) interdū pane & a-
 qua visitantes, ut cuique visum est. Denique responderis, has
 ex arbitrio agenda, non ex imperio.* At Romanorum ho-
 dierna Quadragesima non ex arbitrio, sed ex lege & im-
 perio: nec pro temporibus & causis privatis singulo-
 rum, sed ex præcepto totius Ecclesie necessario observā-
 da est ab universis. Ergo ea à Catholicis Tertulliani ævo
 non observata fuit. Porro ex Catholicorū personā sub-
 jicit ibid. *Sic & Apostolos observasse, nullum aliud imponentes
 jugum certorum & in commune omnibus obeundorum Jeju-
 niorum.* Igitur Apostoli hanc Papistarum Quadrage-
 simam nec observarunt ipsi, nec aliis observandam
 imposuerunt, fatentibus ipsis Catholicis, Tertulliani
 ætate. Et quæso te, D. Jureconsulte, Quæ Apostoli
 Jejunium istud instituisent? qui expresse dicunt: *Vi-
 sum fuisse Spiritui Sancto, & sibi non imponere discipulorum
 cervicis majora onera, præter prohibitionem in Epistola
 Synodali scriptam, quam pro tempore necessariam ju-
 dicarunt.* Hinc itaq; sequitur, ipsos Quadragesimæ, ut-
 pote oneris majoris ac non necessarii, auctores non fuisse.

II Quæ hic (eandem crambem recoquendo)
 replicas de sanguinis & suffocati prohibitionem, facta ab

Apo

Apostolis, aliena partim sunt : nam Judæi, cum abstinebant à suffocato & sanguine, non jejunabant ; imò ipse Paulus abstinentiam Idolothytorum præcipiebat in mediis conviviiis : partim etiam ad ea, quantum satis, responsum supra.

III. Ut totares clarior evadat, formandus est, antequam ulterius progrediamur, verus controversiæ nos inter & Pontificios status, quem D. Jureconsultus, ut possit eò liberius extra septa vagari, pro more suo declinat. Non ergò hoc in quæstione est ; An aliquam Jejunia indicendi & constituendi Ecclesia habeat potestatem. Nemo enim Reformatorū negat, posse Ecclesiam, ubi id conveniens est, & necessitas efflagitat, Jejunium indicare & insuper etiā circumstantias loci, temporis & personarum definire : praxis quoque Ecclesiarum nostrarum ea in re omnium oculis est exposita, quæ id testatur. Sed hoc quæritur 1. An stata, & perpetua singulis hebdomadis, mensibus, vel annis recurrentia Jejunia sub peccato mortali lege Ecclesiæ indici possint? 2. An Ecclesia abstinentiam à carnibus præcipere queat & debeat, quasi earum usus vero Jejunio esset contrarius, eaque abstinentia ad pietatem utilis admodum esset ac penè necessaria? Affirmant Pontificii utrumque, sed nos negamus. 1. Quia ea est Jejunii natura, ut non nisi tempora tristitia exigat Joël. 1. 14. *Venient dies, inquit ipse Dominus, quando ablati ab ipsis eris Sponsus, & tunc jejunabunt.* Matth. 9. 15. Marc. 2. 20. Ergò stata esse non possunt. 2. Quia discrimina dierum sub Nov. Test. sunt abrogata. Gal. 4. 10. Coloss. 2. 16. 3. Quia etiam discrimen ciborum, quod lex ceremonialis Vet. Testamenti exigebat, jam sub Novo Test. est sublatum, atq. adeò libertati Christianæ contrarium,

matium. Coloss. 2. 16. 17. Quia à Deo omnium ci-
 borum, quos ipse condidit, fidelibus suis jam sub Nov.
 Test. usus ordinatus. Cor. 10. 25. 26. *Quicquid in
 metallo venditur, edite nihil discriminantes propter conscien-
 tiam: Domini enim est terra & plenitudo ejus.* Vide & Luc.
 10. 7. Coloss. 2. 20-27. Quia apostatis ac decepto-
 ribus, qui doctrinas demoniorum sectantur, tribuitur,
 quod jubeant abstinere à cibis, quos Deus condidit, &c.
 1. Tim. 4. 4. 5. Vide etiam Rom. 14. 3. 4. 6. 14. 17. 20.
 Tit. 1. 11. Matth. 5. 11.

IV. His præmissis, cuius statim patefecit, infirma
 esse & frivola omnia illa, quæ D. Jurisconsultus magno
 molimine in nos congerit argumena, utpote quæ vix
 attingunt id, quod propriè est in quaestione. Dicit,
Mosen jejunasse 40. dies & noctes. Non negamus, sed
 quid inde pro Pontificiis? Moses 1. per vitam semel
 jejunavit 40. dies & noctes: Pontificii autem Quadra-
 gesimam suam singulis annis repetunt. 2. Moses ita je-
 junabat, ut nec panem nec aquam sumeret Deut. 9. 18.
 Pontificii autem quomodo jejunant? constituunt jeju-
 nium suum in carniū abstinentiā, de cætero vix quic-
 quam de culinæ apparatū mutantēs; Estne hoc imita-
 ri Moſen, D. Jurisconsulte? Dicis, *Annon & bodie li-
 citum esset imitari Moſen?* Respondeat tibi Bellarminus
 tuus: Sic autem ille lib. 2. de Bon. Op. c. 16. *Nusquam
 legitur Moſes datus Hebrais in exemplum.* Si non Hebræis,
 quomodo Christianis? Erat hic actus Moſis singularis
 & extraordinarius, in quo si quis cum imitari veller,
 æquè ridendus veniret ac ille, qui ad imitandum Mo-
 ſen conareretur virgam suam in serpentem transmutare,
 mare diffundere, aut solum ad murmurantes absorben-
 dum appetire.

V. Nihil etiam praesidii pro Jejunii Pontificiis in Jejunio Israelitarum. Jud. 20. 26. Civium Jabesensium, 1. Sam. 31. 13. Davidis & Comitum ipsius. 2. Sam. 1. 12. & 2. Sam. 12. 16. Nehem. c. 1. 4. Danielis c. 9. 3. &c. Nam patet quidem locis citatis, homines illos ad tempus aliquod, exigente id dierum difficultate, Jejunia suscepisse: id quod etiam Reformati faciunt, prout videtur consultum & loco & tempori opportunum: sed de statis & perpetuis Jejuniis, ut & de delectu ciborum &c. Quâ ergo fronte hæc & his similia exempla D. Jureconsultus nobis opponit? quasi nos essemus Jejuniorum hostes! cùm tamen & doctrinâ nostrâ & praxi absolvamur apud homines pietatis amantes & in calamitatibus, siue publicis siue privatis ad Jejunia, faccum & cinerem eundum non verbis tantum, sed & exemplo testemur.

VI. Verum est, Johannem Baptistam nec edidisse panem, nec bibisse vinum: Sed quid inde? num propterea putandus jejunasse? *ate dicit locustas & met sylvestre* Matth. 3. 4. Marc. 1. 6. Imò Matthæus diserte ait, *et non comedere cibum ejus*; Quæ phrasîs utique sonat rationem non jejunandi, sed potius vescendi. Si tamen jejunavit, haud dubiè jejunavit, ut ipsius discipuli, qui Jejunium suum non collocabant in delectu ciborum, more Pontificiorum, sed in abstinentiâ ab omni cibo: *Non enim edebant, nec bibebant*, ejus contrarium propterea exprobrabatur discipulis Christi Luc. 5. 33. Dicis, *Johannem de hoc vitæ instituto non habuisse mandatum*. Resp. Johannis institutum peculiare fuisse, & tale esse debuisse; patet 1. ex vocatione extraordinariâ ad munus extraordinarium tum prodromi, tum præconis Christi; quod & prædictum à Malachia c. 3. 1. & 4. 5. & repetitum ab

ab Angelo Luc. 1. 16. 17. (2.) Ex Naziratu Johannis prædicto & indicto ab Angelo Luc. 1. 15. *Vinum & ficeram non bibit, & Spiritu sancto implebitur ab utero matris sue.* Unde & ad similem temperantiam Johannes neminem adegit, secus ac consuetum est mitratis, qui verè Saliaribus & Pontificalibus epulis ventrem suum explentes, reliquæ Christianorum turbæ abstinentiæ legem figunt. Quæris, quis Reformatorum in sacco, vel, quod eodem redit, in cilicio agit penitentiam, ut à Catholicis Evangelio convenienter sit Luc. 10. 13. Quæro vicissim 1. Quis Pontificiorum locustas & mel silvestre edit, quæ tamen Johannes, quem imitari volunt, edisse legitur, Matth. 3. 4? (2) Quis Pontificiorum in cinere agit penitentiam, cujus non minus ac sacci loco cit. nimir. Luc. 10. 13. Christus ex consuetudine populorum Orientalium facit mentionem? Verum est, Pontificiorum Sacerdotes initio Quadragesimæ frontem hominum cinere adspargere: at hæc ceremonia pristino Orientalium mori (ad quem Christus loco cit. alludit) nullatenus respondet: Nam 1. Constat, Orientales, cum cinerem adhibuerunt, per totum penitentis & Jejunii tempus vel caput habuisse aspersum cinere, vel in cinere sedisse: at Pontificii non nisi ad exiguum tempus cinere asperguntur, & nunquam in cinere sedent: Præterea parum cineris tantum, idque non ab ipso penitente, sed à sacerdote in crucis formam fronti imponitur, recitatis hæc verbis: *Memento homo, quia pulvis es, & in pulverem reverteris* (quæ desumpta ex Gen. 3. 19. etiam non appositè ad hanc actionem usurpantur, cum in illis agatur, non de cinere focali, sed de cinere terre) 2. Quid? ipsi Pontificii hanc actionem ludibrio habent, vel teste Bonifacio VIII. qui, referente tum Platina, tum Sabellico Ennead. 9. l. 7. Porchetum, Genus Antistitem

tistitem, partes Gibellinorum adversarias Pontifici tenentem, proprio quadragenarii jejunii die signaturus cinere, ita est allocutus: *Memento homo, quia Gibellinus es, & cum Gibellino in cinerem vertetur, &c.* Quæro 3. Quis Pontificiorum cineri sacrum adjungit, vestes lacerat? cum tamen constet veteres hoc fecisse.

VII. Addis: *Hæc & his similia pœnitentia opera Reformati abrogarunt, acquiescentes in sola fide, & nihilominus volunt contra Evangelium esse Evangelici.* Itane D. Jure consulte? Ubi ergo hæc & horum similia pœnitentia opera (ritus vis dicere) leguntur instituta? Nusquam certè. Deus de iis nunquam aliquid in verbo suo observandum injunxit. Si autem nunquam fuerunt instituta, quomodo ergo à Reformatis abrogata? Fuerunt quidem in usu apud populos Orientales: at libero: Quo si adhuc hodie usurparetur à fidelibus sine hypocrisi & superbia, sine aliquâ consuetudine dicis gratiâ, sine superstitione & opinione meriti, viruperari hoc nomine non possent. *Acquiescere nos in sola fide*, oppositè ad veram pœnitentiam aliaque bona opera, nefanda est Pontificiorum calumnia, profecta ab eo, qui nomen gerit à calumnia. Toti in eo sumus, ut populum hortemur ad pœnitentiam & alia bona opera, tanquam ad rem ad eò necessariam, ut sine ea nemo salutem adipisci queat. Imò tantum abest, ut *in sola fide acquiescamus*, exclusivè ad opera, ut ne quidem eam, quæ bonis operibus destituitur, fidem fidei nomine dignam cum Jacobo credamus, sed latram fidei tantum & titulum statuamus. Verum est, nos docere, hominem coram Deo solâ fide justificari: At longè aliud est *solâ fide & solitaria fide*, id est separatâ ab operibus. De quo pluribus, volente DEO, seq. Cap. XII. Quomodo jam sumus Evangelici contra
Evan-

Evangelium? edoce nos D. Jureconsulte? ostende nobis locum ex Evangelio, quo antiqui illi ritus præcipiuntur? & eris nobis magnus Apollo.

VIII. Rectius nos dicimus, *vos esse Catholicos contra Catholicam veritatem.* Gaudetis nomine, caretis nomine. Nomines enim nobis vel unicum ex Scripturâ Catholicum, id est, pium Dei hominem, qui vestram Pontificiorum praxin in cultu divino exercuerit, invocando Sanctos, venerando, imagines, adorando hostiam, jactando propria merita, audiendo Missas, & quæ sunt id genus alia? Nullum nominare poteris; adeoque vos habetis peculiarem (si ita loqui liceat) Catholicismum, veræ antiquitati ignotum, id est, non nisi nominalem. *Quid autem est* (elegantè inquit Salvianus lib. 4. de Provid.) *aliud vocabulum sanctum sine merito, nisi ornamentum in luto?* Sed ut intralimites materiæ de Jejunio maneamus; Dic nobis D. Jureconsulte, quis Catholicorum opinione sanctitatis & cultus divini per se aut opinione meriti & satisfactionis, ut faciunt Pontificii, unquam jejunaverit? Quis poenitentium tergum flagellis diverberaverit, corpus cruentaverit & immanis quantitatis cruces per plateas traxerit ad satisfaciendum non tantum pro suo ipsius peccato, sed etiam pro alienis? Nullum nominare poteris; adeoque Papistarum hoc proprium est, nisi fortè in consortium accersere placeat flamines & sacerdotes Baali: Hi enim aequè devoti, si non devotiores, erant: Laniabant enim se cultellis, ut idolo suo gratificarentur 1. Reg. 18. 28. Rem, credite egregiam! Polluerit aliquis se adulterio aut homicidio, præstò est remedium accommodatissimum. Conducit enim pretio aliquem, qui se flagellis diverberet & pro emptore satisfaciens aliena peccata in se transferat: Sic Deo abunde satisficit. S. An-

con. in vit. S. dominici refert, Dominicum sibi corpus quotidie ter diverberasse catenâ ferreâ, semel pro suis ipsius peccatis, quæ fuerint paucissima, deinde pro peccatis hominum in terra degentiû tertio pro animabus purgatorii. O magnam sanctitatem ! sed antiquitati Catholicæ planè ignotam ! Cui similem etiam præstitit S. Franciscus Assisens. Is enim, ceu ex Legendis ipsius constat, aded devotus fuit in Jejunio suo, ut se etiam volverit in luto, formaverit sibi uxorem ex nive & pediculos, de vestimento suo forte in terram delapsos, illico re collectos vestimento apposuerit. Quis has nugas non rideat ? Defendere interim eas conatur Jesuita Forerus in sua Antiquitat. Patris exemplo Pauli, utpote qui etiam corpus suum castigaverit. Egregiè sanè ! quasi verò *ἡρώδης ἢ αἰῶν* (hac enim phrasî utitur Paulus) idem sit, quod se in luto volvere, uxorem sibi ex nive formare, aut pediculos delapsos recolligere ! cui hæc cachinnata non moveant ?

IX. Locus Pauli 1. Tim. 4. 1, 2, 3, rectissime adducitur à Molinzo nostro adversus Pontificiorum Jejunia. Spiritus autem, inquit Apostolus, disertè dicit fore, ut posterioribus præstitutis temporibus desciscant quidam à fide, attenti spiritibus deceptoribus ac doctrinis demoniorum, per hypocrisin falsiloquorû, quorum conscientia cauterio resecta est, prohibentium contrahere matrimonium, jubentiû abstinere à cibis, quos Deus condidit ad participandum cum gratiarum actione fidelibus & ijs, qui agnoverunt veritatem. Hinc Cl. Mo'inzus & nos cum ipso ita arguimus. Qui prohibent contrahere matrimonium, & jubent abstinere à cibis, quos Deus condidit ad participandum cum gratiarum actione fidelibus, illi censentur ab Apostolo defectores à fide, &c. Atqui hoc faciunt Pontificii. Ergo, &c. Annon benè ita argumentamur D. Jureconsulte ? Dicis : Minorem esse falsam ; Itane ? An ergo non sacer-

sacerdotibus vestris interdicitis matrimonio? Annon Jesuitæ vestri docent, quod sacerdos, si fornicetur, aut domi concubinam foveat, tamen si gravi sacrilegio se obstringat, gravius tamen peccat, si contrahat matrimonium? Vide Costerum in Enchirid. Tract. de Celibus. Dices fortè eum Jesuita Bailio Cat. Controv. Tract. 2. q. 24. Ecclesiam neminem, ut ad sacerdotalem dignitatē aspires, cogere: at frustra: Annon enim Ecclesia prohibet matrimoniū, cum omnes ad sacerdotium aspirantes matrimonio renuntiare cogit, & cunctos à sacris ordinibus arcet conjugatos, atque ad eos votum cœlibatus, tanquam necessariam conditionem, requirit? Præterea annon etiam hominibus certis temporibus esu carnium interdicitis? quâ fronte ergo Minorem negas?

X. Cribro aquam hauriunt, qui cum Jesuitâ Salmone Tom. 13. diff. 13. excipiunt, damnari tantum ab Apostolo Manichæos, Marcionitas, Encratitas, & horum similes hæreticos, qui cibos quosdam absolute prohibuerint, tanquam ex se immundos; non verò Catholicos, qui Jejunii tempore tantum carniū usum vetent: nam ubi Scriptura non distinguit, hominum non est distinguere. Loquitur Apostolus in genere de doctrinis quorumcunque Religionis causâ jubemium abstinere à cibis quibusdam, siue id fiat sub prætextu immunditici, ut à suprâ dictis hæreticis, siue sub schemate obedientie Ecclesie, ut à Papicolis. Rationes ab Apostolo additæ 1. Quod Deus condiderit cibos ad participandum. 2. Quod, quicquid Deus condidit, bonum sit, nec quicquam rejiciendum, si non iniquius sumatur, non minus stringunt contra hos, quàm contra illa. Futile etiam est commentum Jesuitæ Costeri, qui participium *non videtur* prohibentium construi vult cum verbo *abstinere*, ut sic

sic non Pontificios, sed Evangelicos faciat ab Apostolo
damnari: nam verbum *καλυψάντες* jubentium, oppositum *καλύπτειν*, hic subaudiri, paret cum ex proximè sequentibus,
quos Deus condidit ad participandum, quæ utique non con-
tinent rationē dānationis *καλύψαντες*, sed *καλυψάντες* à πείρασ-
μοις. (id quod faceret Cajetanus, contra præceptum ab-
stinētiæ à cibis, inquit, adfert Paulus rationem ex insti-
tutione divina. Et Thomas, dicens: Improbatur Apostolus
hanc erroneam doctrinam dupliciter, scilicet ex intentione Dei
creantis, secundo ex conditione creature.) tum ex versione
Syriacā, *καλυψάντες* id est *καλύπτειν* & faciunt abstinere à
cibis. *καλυψάντες* id est *καλύπτειν* & faciunt abstinere à
cibis. **XI.** Sed quid? nostro ipsorum cultro D. Juris-
consultus nobis jugulum petere conatur? Dicit, Refor-
matus etiam jejunare, se hoc non semel in regione, ubi ha-
bitavit, comperisse, &c. Sic est, D. Jurisconsulte, Non
improbamus Jejunia: sed appendices illas tantum re-
motas volumus, quas Jejunis annexuit superstitio, opini-
onem necessitatis, opinionem sanctitatis & cultus divini per
se, & opinionem meriti & satisfactionis, & quæ sunt alia
humanae fabricæ & *κατασκευασμάτων*. Jejunamus, inquam,
etiam: at non ut vos, lautissimo interim genere panis,
omnisque generis piscibus vescendo, ac illis non raro
largum vini Massici & Theologici haustum superadden-
do. Quæso te D. Jurisconsulte, optimis piscibus
vesci & pane, estne jejunare? Vestri Monachi jeju-
nia colunt, ut votam suam paupertatem: Sunt paupe-
res sine defectu: jejunant sine fame. Si hoc est jejunare,
tunc etiam populus, quem Christus pane & piscibus satu-
ravit Joh. 6. revera jejunasset: Jejunassent etiam per-
petuò antediluviani, qui à carnibus juxta Bellarminum
lib. 2. de Bon. Oper. cap. 8. abstinere. Præterea potu ge-
neroso

neroso, piscibus Eois, leguminibus & herbis delicate apparatis ingluviem stomachumve oblectare estne hoc carnem mortificare? Audi elogia jejunii vestri ex Martino Peresio vestro. putamus, inquit Tom. I. de Tradit. P. 3. fol. 244. nos jejunare, si semel in die usque ad ingluviem prandium faciamus, probe poti & melius pasti, sumentes cibos non pro natura sustentatione, aut unius diei duntaxat, sed in tanta quantitate, ut vel Miloni olim pro tribus diebus potuisset sufficere: Taceo qualitatem & differentiam cibariorum & condimentorum. Iam enim neque mare, neque terra, neque aer, neque salsamentarii sufficiunt gula nostra. Et utcumque tolerabile esset, si hac ingluvie contagio solos Laicos comprehenderet, & non potius multos nostri ordinis sacerdotes, religiosos & prelatos Ecclesia pervaderet, quos video huic rei tantum invigilare, ut potius ad ventris voracitatem natos esse dixeris, quam ad Apostolicam modestiam, in fraudem pauperum & destructionem castitatis, quae cum sanctis jejniis terras jam videtur reliquisse. Huic adjunge Bernhardum de monasticis jejniis Apolog. ad Wilh. Abbat. fol. Inter prandendum, inquit ille, quantum fauces dapibus, tantum aures pascuntur rumoribus, quibus totus intentus modum nescias in edendo &c. Interim autem fercula ferculis apponuntur, & pro solis carnibus, à quibus abstinetur, grandia piscium corpora duplicantur, cumque prioribus fueris satius, si secundos attigeris, videberis tibi nondum gustasse pisces. Tanta quippe accuratione & arte coquorum cuncta apparantur, quatenus quatuor aut quinque ferculis ac voratus prima non impediunt novissima, nec satietas minuat appetitum. En devota Catholicorum tuorum jejunia! quae devotius adhuc, nimirum Bacchanalia vivendo, inchoant: Audi enim ex Vestro Stapletono, alioqui vera dicere non assueto, quomodo ad Quadragesimam suam celebrandam accedant. *Quadragesimale* (inquit Prompt.

Moral. Domin. quinquages. in parte hyemali) *jejunium*, jam jam incepturi, nos interea totos ingurgitamus, ventrique & abdomini servimus, quasi post biduum non Christo, sed Veneri sacra facturi. En devotos Catholicos ! Non male sub finem Jesuita, si bene ejus dictum intelligatur, voluptuosam libertatem causam fuisse, quod multi è Romana Ecclesia castris egressi sint : At noster D. Jureconsultus è contrario, hac Catholicorum haud dubiè devotione motus, pedem suum in Ecclesia Romana castra intulit. Quod interim Domini Monachi & Sacerdotes tempore jejuniorum, quicquid mare ac flumina delicati continent, consumunt, largum subinde vini Theologalis Cratera superaddentes, relictis pauperum civium & rusticorum turbae halebibus & trichiis rancidis, non adeo mirandum; cum alioqui peccata populi, quæ quotidie devorant, commodè digerere in stomachis non possent !

XII. Ejusmodi jejunia absint à nobis ! Jejunium propriè dictum est *abstinentia ab omni cibo & potu* (figuratum à vitii) unde in N. Test. *ὅτι ἐστὶν ἡμετέριον*, quod est *Dei tibi dicitur, à non comedendo* dicitur : Et apud Suidam *ἡσυχία & ἀσκήσις*, *impastus, qui nihil edit*. Quod jejunii genus *ἡσυχία* seu *afflictio animæ* vocatur. Scripturæ enim phrasi *animam affligere* idem est ac *jejunare* Levit. 16. 32. Num. 29. 7. Sic jejunârunt oblatâ occasione omnes fideles cum V. tum N. Testamenti. Et ad illorum exempla solent etiam Reformati, quum videtur id consultum, & tempus ac occasio requirit, jejunare. At regeris ; Si nostra jejunia damnantur ab Apostolo loc. supra citato. Ergo & Reformatorum. Et Apostolus non damnat verum jejunium, consistens in omnimodâ abstinentiâ à quolibet cibi & potus genere, quale continet apud Reformatos (alioqui non aliorum fidelium duntaxat, sed & suam ipsius pra-

praxin damnaret, vide Act. 14. 23. 1. Cor. 7. 5. 2. Cor. 11. 27. Act. 9. 9. 11.) Sed fictum, consistens in delectu ciborum, quale apud vos obtinere supra audivimus.

XIII. Locus Pauli Coloss. 2. 16. 17. rectissime etiam à Celeb. Molinæo contra vos urgetur. Vult Apostolus, *ne quis nos damnet ob cibum vel potum, aut respectu festi, aut novilunii, aut Sabbatorum.* Hoc autem vos facitis, dum propter comesas diebus vetitis carnes homines mortaliter peccare prætenditis. Adjungit Apostolus mox rationem; *Quæ sunt umbra rerum futurarum; at corpus est Christi,* innuens, discrimen ciborum non convenire temporibus N. Testamenti. Et non longe post denuo sine exceptione vetat adstringi ejusmodi placitis, *ne esis aris, neque gustas aris, neque tetigeris.* Atqui talia sunt quoque placita Papicolarum. Paulo post porro delineat hæc placita v. 21. 22. dicens; *Quæ omnia sunt ad corruptionem ipso usu, ex præceptis & doctrinis hominum. Quæ rationem quidem habent sapientia in cultu voluntario & submissione animi, & in eo, quod corpori non parcant.* Quis non videat, hæc ita quadrare in Pontificios, ut ovum ovo non sit similis? Dicis; *Apostolum loqui de antiquis Traditionibus Judaicis.* Verus hæc Papicolarum cantilena est: At proflus *arum judaicas.* Reprehendi Judaicas observantias, verum; sed non nisi Judaicas, falsum. Verba Apostoli generalia sunt, & loquuntur de ejusmodi placitis, quæ sunt *ex præceptis & doctrinis hominum*; hæc autem non minus cadunt in Pontificios quam Judæos. Dixit Paulus (ais) v. 17. *Quæ sunt umbræ rerum futurarum; at corpus Christi:* Ergo improbat Judæos. Sed dixit idem, *Quæ rationem quidem habent sapientia in cultu voluntario & animi submissione, & in eo, quod corpori non parcant*; alios ergo improbat præter Judæos: Neque enim Judæis hæc fuere abstinendi ullæ causæ: Qui-

nam autem illi? num Philosophi aut hæretici illi, qui cibos suâ naturâ immundos arbitrabantur? at his nullis etiam ex abstinendi causâ. Damnavit igitur Pontificios, quia his abstinendi causâ cultus voluntarius & *dondia Cû-*
mat: has enim proferunt & jactant.

XIV. Quemadmodum autem Apostolus in genere & citra exceptionem de discrimine ciborum: ita etiam in genere loquitur de observatione temporum religiosa. Nuncupat autem eam hîc *umbram rerum futurarum* & Gal. 4. 10. *elementa* respectu populi judaici, ut simul præoccupet objectionem, quæ à Judaizantibus poterat moveri, observationem temporum ab ipso Deo fuisse institutam, & dehortationem suam eo fortius adstringeret. Hæc nimirum Apostoli mens est, male observari tempora, quando quidem tum etiam, quando tempora observanda ab ipso Deo præscripta fuerunt, fuerint hæc tantum *elementa & umbra rerum*. Verba itaque *elementa, umbra rerum*, non restringunt res damnatas, sed rationem continent damnationis. Denique hæc ratio talis est, ut contra quamcunque observationem religiosam temporum valeat, destitutam præcepto divino. Verum est, observare & Ecclesias Reformatas nonnullos dies festos, ut dies circumcisionis, Nativitatis, Passionis, resurrectionis, ascensionis Christi &c. Nec falsum, eas etiam non raro dies supplicationis & Eucharisticos celebrare; at non observant & celebrant hosce dies tanquam festa propriè dicta (de quibus hîc sermo est) id est, non celebrant eos *ratione mysterii*, non sunt apud ipsas verè *aliis sanctiores & sacratiores*, nec pars quadam divini cultus: quæ Bellarminus lib. 3. de Cult. Sanct. cap. 10. ad festa propriè dicta requirit (nam talia festa propriè dicta, quæ sint de necessitate fidei, obligantia per se & sub ratione ministerii No-

vum

rum Testamentum ignorat; imo disiecta voce Evangelii abrogantur Rom. 14. 5. 6. Gal. 4. 10.) sed libere, ratione ordinis & Politiz Ecclesiasticæ tantum. Christi beneficia, omniaque in Evangelio memoratu digna mysteria diligenter recolenda esse, nemo negat: at ut id fiat speciali temporis anniversarii ad id deputatione, nulla exigit necessitas. Potest enim fieri, quoties sacri cœtus habentur.

XV. Ad diem Dominicum quod attinet, patet satis praxis & usus Ecclesiæ Apostolicæ ex Act. 20. 7. 1. Cor. 16. 2. quem merito sequimur. Desinat ergo D. Jureconsultus obicere nobis illius diei observationem, velut non scriptam Traditionem. Quamvis interim causæ nostræ minimè obesset, si ex sola Scriptura quaestio hæc decidi non posset; cum non sit de dogmatibus fidei & morum, sed publici cultus quadam circumstantia.

XVI. Ad Ecclesiam provocare & in ejus auctoritatem unice transcribere omnem delectus rationem, frivolum est. Habet quidem Ecclesia potestatem, ut supra audivimus, jejunia indicendi, etiam, quamdiu jejunandum sit, definiendi: sed inde non sequitur, quod vult D. Jureconsultus: *ergo etiam potestatem habet, hominibus, certis diebus, carne interdicens*: nam, ut supra demonstratum modo, delectus ciborum, si fiat religionis causâ; in N. Testamento damnatus est & omne discrimen ciborum sublatum, ita ut Christianis liceat edere, *quicquid in macello venditur absq. disquisitione propter conscientiam*, imo *quicquid ipsis apponitur* 1. Cor. 10. 25. 27. Luc. 10. 7. Nulla autem Ecclesia eam habet potestatem, ut libertatem hominibus jure divino concessam stricta lege abroget & observationem delectus faciat actum obedientiæ & cultus divini. Imo quæ hoc sibi imperium sumit Ecclesia, o-

ſcendit, ſe non eſſe veram Eccleſiam, præcipiendo id, quod Deus dæminat, tanquam doctrinam *deſicientium à fide, in dæmoniorum* 1. Tim. 4. 1. 3. Nec huc facit Jonadab, patris Rechabitarum, mandatum ad filios ſuos *de non bibendo viuo*. Nam 1. Jonadabus iſtis abſtinentiam vini *religionis cauſa & ad cultum* (de quali abſtinentia nobis quaſtio eſt) non commendavit, ſed propter cauſas temporales & politicas, ut ſatenrur & Hebraei & Chriſtiani Interpretes plerique, etiam Pontificii nonnulli, inprimis Caſpar Sanctius *Comment. in Ierem. 35.* (2.) Si valeret argumentum, poſſet ſimili ratione Eccleſia præcipere, ne quiſquam *exſtruat domum, ſer at ſementē, plantet vineam, ut omnes habitent in tabernaculis* (hæc enim etiam à Rechabitis ex præcepto patris obſervabantur) ſed etiam, ne ullus Chriſtianorum unquam carnibus veſcatur, cum Jonadabus rebus ſupra nominatis in perpetuum filiis ſuis interdixerit. Quid viderur D. Jureconſulte? num putas, Eccleſiam, ſi diſſimam Matrem veſtram id præcipere poſſe? non permetteret forte *Matris veſtre* vel potius *Patris Romani* (nam per metamorphoſin miram ex Matre veſtra fit Pater, demonſtrante Bellarmino lib. 2. de Concil. Auct. c. 19.) in vos indulgentia, quæ non raro tanta eſt, ut temperariam jejunii legem mitiget, qui ergo perpetuam vobis imponeret? Quis enim omnes Papæ circa jejunia veſtra diſpenſationes recenſeat? Vide interim ſus Toletum de Inſtr. Sacerd. cap. 1. 6. & Laymannum Theol. Moral. l. 4. tr. 8 c. 3. Niſi forte dicas, *Matrem illam* ad largas hæc diſpenſationes moveri amore pecuniæ inde corradendæ, aſteritate alioqui non ceſſuram *Patri* Rechabitarum. Cui rei fidem facit, quod legitur in Taxa Cancellariæ Romanæ fol. 3. & 4. *Licentia comedendi carnes pro una perſona groſſis decem. Item quod*

quod laicus non teneatur jejunare diebus, quibus per Ecclesiam
 afflictus existit, & quod possit uti casca, grossis viginti. Quod
 quidam comes propter infirmitatem diaboli vasis possit, uti car-
 nibus & ovis, grossis duodecim. Et pro familiaribus sibi ser-
 vientibus, addatur pro quolibet unum. Addendum erat,
 quantum mariti, qui non possunt uxoribus debitum jejunando
 reddere, (circa hos enim etiam dispensatio obtinet, ut vult
 Laymannus, Toletus & Sanchez l. 9. disp. 3.) dare te-
 neantur! Sed ad priora. (3.) Jonadabi & Ecclesie N. Te-
 stamenti ratio est diversissima. Nusquam enim legi-
 tur Deus vetuisse in V. Testamento, ne vel Jonadabus
 vel alius filiis suis vini usum prohiberet: At audivimus su-
 pra, Deum per Apostolum in N. Testamento prohi-
 buisse, ne quis Christianos à certis cibis abstinere jubeat.
 Nec est, quod regeas, factum hoc laudari Jerem. 35. v. 18.
 nam laudatur quidem obedientia filiorum; at non con-
 siliu Patris. Potest quis autem recte obedire, etiam si al-
 ter durius imperet, quomodo Petrus servos vult obedire
 dominis non solum bonis & aequis, sed etiam quoad ius iniquis, pra-
 vis, c. 2. 18. Verbo. Est hæc actio singularis, quæ in exem-
 plum trahi non debet, nec cultum, de quo disputamus,
 attingit.

XVII. Editum Regium, in Angliâ de non co-
 medendis per Quadragesimam carnibus publicatum,
 cum non prodierit religionis causa, incassum à D. Jure-
 consulto adducitur. Incassum etiam (eandem cram-
 ben ad nauseam recoquendo) ad festa Nativitatis, Pa-
 schatis, Pentecostes, Ascensionis relabitur. Si adhuc Re-
 formatus essem, inquit, præberet mihi Textus ad Coloss. 3. 16.
 à Molinao ad infringendum Catholicorum jejunium male cita-
 tus ansam persuasissimum habendi, quod violatores horum fe-
 storum non peccent &c. Sed quid ita D. Jurisconsulte?

Pau.

Paulus loco cit. damnat sub N. Testamento festa proprie dicta, qualia obtinebant in V. Testamento, ut supra audivimus: Talia autem non sunt festa Nativitatis, Resurrectionis & alia. Non enim adiguntur homines ad eorum observationem sub peccato mortali, nisi in generali; non constituunt ea necessariam cultus divini partem, non sunt ipsis dies in se ceteris sanctiores, nec celebrantur ab ipsis sub ratione mysteriorum, sed ordinis duntaxat & Politicæ Ecclesiasticæ. Ut verbo absolvam, habentur pro institutis humanis, & ut auctoritate humanâ sunt constituta, ita etiam eâdem abrogari possunt & mutari, si utilitas aut necessitas Ecclesiæ id efflagitaverit. Si proinde quædam Ecclesiæ Reformatæ festa illa abrogarunt, quid tum D. Jurisconsulte? hoc utique, cum divinitus non sint instituta & præcepta, libertati cujusvis Ecclesiæ est relictum. Non interim negligunt beneficiorum Dei in nos & mysteriorum Christi ad salutem nobis acquirendam patrum memoriam recolere diebus Dominicis: nec etiam damnant alias Ecclesias, quæ festa illa sine superstitione adhuc retinent & celebrant: sed utraq; statuunt, sicut olim Augustinus de jejunio monuit, *ejusmodi rerum dissonantiam non tollere fidei consonantiam.* Nec sequitur, te, si adhuc Reformatus esses (quantum vero naufragium tuo ad Pontificios transitu Ecclesia Reformata fecit!) violando festa illa, non peccaturum: licet enim legum Ecclesiasticarum transgressio non inducat culpam per se, quæ est *droμία* & legis solum divinæ violatio: inducit tamen per accidens propter turbatum ordinem & scandalum Ecclesiæ datum. Vide 1. Cor. 14. 40. Hebr. 13. 17.

XVIII. Verum est, veteres etiam festa quædam celebrasse: at non affixerunt ipsis aliquam sanctitatem, nec

nec vim & efficaciam illis inesse crediderunt, quasi reliquis diebus multò essent sanctiores : non etiam celebrarunt ea ex necessitate fidei, ut fit in Papatu ; sed pro arbitratu & consuetudine. Audiamus Socratem. *Nusquam*, inquit ille lib. 5. Histor. Eccles. cap. 22. *Apostoli, nec ipsa Evangelia jugum servitutis illis imponunt, qui ad predicationem accedunt, sed Paschatis festum & alios dies festos, ipsi homines suis quisque locis propter remissionem laborum & memoriam salutiferæ Passionis.* NB. Pro suo arbitratu (Græcè ὡς ἑβληθήσεται, sicut voluerunt) ex consuetudine quadam celebrarunt. Neque Servator aut Apostoli hoc nobis lege aliqua observandum esse mandarunt, neque pœnam nobis aut supplicium Evangelia aut Apostoli, sicut Iudæis lex Moysis, comminantur. Et, paucis interjectis, addit ; Namque Apostolis propositum fuit ἡ περὶ ἡμῶν ἰσότητων νομοθετεῖν non de festis diebus celebrandis leges ferre, sed pietatis & rectè vivendi rationem nobis præscribere. Ac mihi quidem videtur, sicut alia multa per singula loca ex more quodā introducta sunt, ità etiam ἡ τῷ πάχῃ ἑορτῇ παρ' ἑκάστοις ἐκ συνήθειας πρὸς ἰδιαίτους ἔχει τὴν παρατήρησιν Paschatis festum ex quadam consuetudine apud singulos populos observationem privatam habuisse, διὰ τὸ μὴ εἶναι τῶν ἀποστόλων ἐκ τῆς νομοθετικῆς, ἐὸν quòd nullus Apostolorum ulli de eo legem tulerat. Eadem etiam apud Nicephorum leguntur lib. 12. c. 32. Unde nemini non obvium, pietatem & vitam Christianam optimè posse consistere sine festorum celebratione, ac proinde in Ecclesia Christianâ ad pietatem veramque vitæ sanctimoniam festorum institutionem haud necessariam esse.

XIX. Dicis, annon autem horrendum auditu & lectu, quòd persona Ecclesiastica natalem Regis sui cælestis abrogare, eique æternum vale dicere haud erubescant ! O devotum Jurisconsultum ! Si is tempore Apostolorum, qui natalem

talem Christi nec celebrâsse, nec aliis necessariò celebrandum commendâsse leguntur, vixisset, eâdem haud dubiè indignatione in eos invehctus fuisset; *Annon horrendum auditu, quòd persona Ecclesiastica (Apostolicæ) natalem Regis sui cœlestis non celebrent!* O te devotum Catholicum! Dicas autem nobis D. Jurisconsulte, quis natalem Christi celebrari præceperit? num Christus ipse? demonstra: an Apostoli? ostende. Quod addis, *si Princeps hujus mundi hâc à subditis suis afficeretur ignominiâ, cum severissimè in illos animadversurum esse*, vanum ac frivolum est, quamdiu non demonstraveris, quod certè in æternum non poteris, Christum natalem suum à nobis necessariò celebrari velle; quemadmodum Principes hujus mundi à subditis, præsertim à ministris aulicis suos celebrari volunt. Quanto ipsis Apostolis vos sapientiores & devotiores venitis censendi, qui, dum illi ne hodierna quidem Christi festa Ecclesiæ necessaria ducebant, è contrario etiam Sanctis demortuis dies festos consecratis, & quidem tot numero, ut festa vestra (præter magnum eorum numerum, quæ certis Episcopatibus & Parochiis sunt peculiaria) cum diebus Dominicis ferè tertiam anni partem constituent, adeoque Ecclesiam Christianam longè pluribus observationibus oneratis, quàm olim judaica hac in parte onerata fuit. Quomodo verò illa celebratis? tempus matutinū audiendæ Missæ impenditis, tempus verò pomeridianum in multram usq; noctem Baccho & abdomini suo inservièdo pleriq; consumunt, gravissimè puniendi, si opera manuum exercerent, ad suam inde familiam sustentandum, & ut possent impertiri, cui opus fuerit Eph. 4. 28. Audi vestratium gravissimas è medio Papatus querelas. *Quàm olim* (inquit Polyd. Vergilius de Inventor. rerum lib. 6. 8.)

ex usu fuerit festa instituire, tam nunc prestare videtur, eadem antiquari, cum bona pars hominum otium istud festorum non ad orandum, sed ad omnifariam bonorum morum corruptionem augendam in dies magis magisque impudenter consumat. Nicolaus de Clemangis lib. de novis Festivitatibus an. 1416. edito inter alia probat, vetera potius Festa aliqua abolenda esse propter ingentem abusum, quam nova instituenda. Queritur etiam, tam multa de Sanctis legi & dici in templis, ut NB. S. Literarum lectio planè omittatur. In antiqua Ecclesia planè diversum fuisse morem. Itaque Deum jam suo loco detru- sum & deturbatum esse, & Sanctos pro eo in Templis regnare. Vide & Petrum de Alliaco de Reformat. Eccles.

XX. Paschatis sanè Festum antiquum est ; At illud à Christo vel Apostolis institutum, aut etiam à sa- nâ antiquitate unquam celebratum esse ex necessitate fidei, nunquã certè probabitur : imò contrarium modò suprà à nobis demonstratũ ex Socrate lib. 5. Hist. Eccl. c. 22. Ridiculus autem est D. Jureconsultus, dum, eò quòd in Germania suprà nominata Christi festa Reformati adhuc observant, sequi vult, illis admittendas esse Tradi- tiones à Molinæo rejectas : Nam aut intelligit Tradi- tiones rituales & historicas, aut dogmaticas : Si priores, vanus est : nam illas, ut suprà dictum, ultro amplecti- mur. Si posteriores, apertè falsus : quia festos illos dies, ut etiam suprà dictum, non celebramus ex necessitate fidei, non sunt nobis pars cultus divini, nec in se aliis die- bus sanctiores, ut Pontificiis ; sed spontanæ observa- tionis, id est, celebramus eos pro arbitratu & ex consuetudi- ne quadam, ut etiam vetetes fecisse, suprà ex Socrate audi- vimus.

XXI. Baptismum, administratum ab hæreticis, qui essentialia baptismi retinèt & verã doctrinam, in formu-

lâ baptisimi contentam tuentur, non iterandum esse, supra Cap. 1. Thes. 30. satis probatum dedimus ex ipsa Scriptura, unde, ut idem hîc repetamus, haud necesse. Sitamen hoc non pateret ex Scriptura, quid inde D. Ju- reconsulte? Num fortè, Scripturam ergò non com- plecti omnia ad salutem scitu necessaria, adeoq; recur- rendum esse ad Traditiones dogmaticas? longè falleris. Probandum tibi prius, hoc dogma, *baptizatos ab here- tîcis non rebaptizandos esse*, ad salutem scitu esse necessa- rium.

XXII. Crambe de Sabbato & die Dominica toties cocta & recocta ad quid? Est nobis quæstio de dogmatibus fidei & mörum; non proprie de temporis circumstantiâ. Patet interim satis ex verbis Pauli Co- lossi 2. 16. 17. *Ne quis vos damnet ob cibum vel potum, aut respectu Festi aut Novilunii aut Sabbatorum, quæ sunt umbra rerum futurarum*, nos sub Novo Test. ab observatione veterum Sabbatorum liberos esse. Constat etiam ex Act. 20. 7. 1. Cor. 16: 2. & Apoc. 1. 10. diem Domini- eam, quam hodie celebramus, ab Ecclesiâ Apostolicâ celebratam fuisse. Audi tuum Jesuitam Laymannum Theol. Moral. lib. 4. Traët. 7. c. 1. Porro, inquit ille, *hanc unius integri diei ex quavis hebdomade, ad Dei cultû designationem, tanquã naturali æquitati maximè cõsonam, Ecclesia mox Apostolorum tempore recepit, & hætenus studiosè serva- vit: Præterquam, quòd sublato Sabbatho, tanquam pertinen- te ad Judaicam legem & umbratiles figuras, quibus nova lex non astringitur, imò nec uti debet (sicuti Apostolus ad Galat. ostendit & admonet Laociden. Concil. c. 29.) ejus loco Domini- cam diem instituit, &c. Quemadmodum Act. 20. legimus, una Sabbathi, id est, prima die hebdomadæ (secundum Hebrai- cam phrasin, qualis etiam legitur apud S. Marcum cap. 16.*
Chri-

Christum resurrexisse una, id est, prima Sabbathi) convenisse fideles ad frangendum panem. Regeris, loco citato ex actis Apostolorum non nisi Sabbati mentionem fieri. Ridiculum sane! Annon legis, ἐν τῇ μὲν τῶν σαββάτων, primo autem die Sabbatorum in plurali, quomodo ergo dicis, non nisi Sabbati mentionem fieri? Vocabulo autem σαββάτων quid intelligitur D. Jureconsulite? si nescis, discce ex tuo Laymanno jam citato: Ipsa, ut ille benedicit, intelligitur hebdomada, ex consuetudine Hebræorum, apud quos plurali numero שבעה vocatur septimana, ut Levit. 23. 15. & 23. 8. &c. Convenerunt ergo discipuli Christi primo die hebdomadæ. Vulgata vestra reddit una autem Sabbati: Erasmus, uno autem die Sabbatorum. Vide Matth. 28. 1. quò minus autè possimus interpretari, quoaam die, obstat 1. quòδ μὲν σαββάτων pro σαββάτῳ πνὶ nusquam occurrat: 2. quòδ articulus adjunctus declarer hanc particulam indefinite accipi non posse. Primus itaque dies septimanæ hîc omnino intelligendus venit. Nec diffitetur hoc præter Laymannum vester Cornelius à Lapide Comment. in. h. loc. scribens; Una autem Sabbati, id est, prima die hebdomada (qua à præcipua die vocatur Sabbatum) vel prima die post Sabbatum, puta Dominicâ: Unde in eâ Paulus celebravit Eucharistiam, ad quam fideles de more convenerunt. Ita sanct. Chrysostomus, Beda & S. Augustinus Epist. 80.

XXIII. Quæ regeris ad locum Apoc. 1. 10. ubi Johannes dicit, se raptum fuisse in spiritu τῇ κλειανῇ ἡμέρᾳ die Dominicâ, pariter frivola sunt. Si Johannes intelligi voluisset Sabbatum Judæorum, quidni illud nominâset? Num temporibus Johannis & Pauli celebratio diei primæ in usu fuerit, quia dubitas, discce ex vestro Jesuitâ Riberâ, qui in hunc locum annotat, ex eo clarè perspicui,

etiā tempore Apostolorum Sabbati solemnitatem mutatam fuisse in Dominicā diem, Resurrectione Domini consecratam : cujus meminit Paulus 1. Cor. 16. jubens, ut in ea collectæ fiant, quoniam tunc omnes ad Ecclesiam conveniebant solemnitatis diei causā. Consentit huic Laymannus, ut supra audivimus, & Viegas cap. 1. sect. 22. Imò ipse Catechismus Romanus cap. 4. §. 7. colligit ex tribus supra adductis Scripturæ locis, quod Apostoli diem Dominicum pro Sabbatho colendum ordinauerint. Desine ergo tandem illius diei observationem (quam cum Molinæus doctrinam ad salutem non necessariam vocat, subaudit, cum opinione cultus, & sanctitatis in se) velut non scriptam traditionem nobis objicere.

XXIV. Sanctissimam Matrem Christi Mariam fuisse Virginem ante partum & in partu, est articulus fidei, vel ipsis Pontificiis fatentibus, satis apertè in Scripturā positus. An vero post partum manserit virgo, cum Scriptura non definiat, non est articulus fidei. Interim id pie credimus, fide humana, assensum præbentes iis, qui de sanctā hāc Virgine, tanquam selectissimo Dei templo, unde Salvator noster in hunc ingressus est mundum, sanctissimè sentiunt. Credimus, inquam, contra Helvidium ejusque affeclas, uterum illum, qui GLO-RIOSISSIMUM JESUM nostrum novem menses gestavit, tanto hospite ita consecratum fuisse, ut Maria intacta viro SEMPER manserit, sed fide humanā, fide non adeo necessariā, quā prius illud credimus, in Scripturis tam clare expressum; seu, ut Cl. Molinæus noster loco à te cit. bene dicit, μάλλον εὐσεβείας ἢ ἀνάγκης ἔχει. Photinum & Bonosum in Concilio Arelateni negatæ ἀνπαρδείας Marianæ ergo hæreseos damnatos esse, dicit quidem D. Jureconsultus, sed non probat. Ostendatur Canon: demon-

demonstrentur verba, & erit nobis, quod respondeamus. Audi interim Basilium Homil. de Nativitate Dom. *Non enim, inquit, cognovit eam, donec peperit filium suum primogenitum.* Hoc verò nunc suspicionem generat, ne forsan, postquam puritate sua generationi Dominica, per Spiritum S. administrata, servavit, tum demum nuptialia opera viro Maria non negaverit. Nos verò in τοῦ μὲν τῷ τῷ εὐσεβείας ἀπαλυσμαίνου λόγῳ licet hoc nihil doctrina pietatis officiat, nam donec dispensabatur Christi generatio, necessaria erat virginitas: quid verò postea factum sit, ad mysterij hujus doctrina non anxie conquirendum est. Veruntamen ne hoc eorum, qui Christum amant, ferre cogantur aures, quòd genitrix DEI aliquando desierit esse virgo, has rationes sufficere putamus, &c. Audis, Basilium aperte docere, non officere doctrinæ pietatis, si quis dicat, Mariam post natum Christum operam dedisse liberis? Sed quid D. Jurisconsulte? An non vestra Pontificiorum communis est sententia, B. Mariam, eò quòd dixerit; *Virum non cognosco* Luc. 1. 34. professam esse, se perpetuam vovisse virginitatem? Voverat Maria, inquit Nicolaus Papa 18. quæst. 2. cap. *se virginem perseveraturam.* Unde ait Angelo: *Quomodo fiet istud, quoniam virum non cognosco?* id est, me non cognituram proposui. Hoc autem si verum, patet utiq; secundum vos Pontificios ex Scriptura, Mariam semper mansisse Virginem, nisi velitis dicere, quod impium esset, eam fœditragam fuisse. Etiam Jesuita Salmero tom. 3. tr. 4. scribit, *Maria PERPETUAM Virginitatem fuisse prædictam à Isaiâ 6. 7.* Fuisse etiam tantum Virginitatis donum præfiguratum multis Prophetarum oraculis. Etiam non longè post reprehendit Brentium, Petrum Martyrem & Centuriatores, quòd non agnoscant, eam in Scripturis doceri: Ergò juxta hunc Jesuitam, Mariæ ἀπαρβία ex Scripturis liquet. En ergò

ergò , quam aptum attuleris causæ tuæ exemplum!

XXV. *Æquè autè conveniens est illud, quod promissis de canone Scripturæ. Illum, inquis, non nisi ex traditione habemus.* *Æ.* Si sumis *traditionem activè*, pro actione tradentis, concedo. Traditio autem talis non est dogma diversum à scripto canone, de quo nobis est quæstio, sed fidelitas Ecclesiæ, cui concredita λογία τοῦ Θεοῦ, ut eorum sit præco & custos. Si autem sumis *passivè & materialiter* pro doctrinâ & quidem ore tantum traditâ, nego. Quotempore libri Nov. Test. cœperint scribi, ex antiquitate non certò constat: interim nostra nihil refert. *Fuerit Novum Testamentum demum post elapsos ab Ascensione Christi quinquaginta annos scriptum*, quod dicis; quid tum? Causa nostra inde non læditur. Non enim sequitur, primos Christianos propterea credere debuisse ex Traditione sine ullâ Scripturâ. Audi S. Petrum. *Habemus*, inquit ille 2. cap. 1. 19. *firmissimum sermonem Propheticum, cui rectè facitis, quòd attendatis velut lucerna splendens in loco obscuro, &c.* An hinc non liquet, primos Christianos non credidisse sine Scripturis? Annon & Paulus contestatur, *se nihil quicquam dixisse parvis & magnis extracæ, quæ Moses ac Propheta futura prædixerint?* Act. 26. 22. Annon Apollo legitur fuisse *potens in Scripturis* Act. 18. 24? Annon Beroënse, auditâ Pauli concione, *scrutabantur Scripturas* Act. 17. 11? Quomodo autem potuissent Scripturas scrutari, si nullas habuissent? En quàm longè à veritatis tramite aberres D. Jurisconsulte! Quid si autem daremus, primævos Christianos ex sola traditione sine ullâ Scripturâ credidisse, quid inde lucri causæ vestræ? quæ consequentia ad Ecclesiam hodiernam? habebant illi familiariter & immediatè sibi assistentes Apostolos, viros διονόους,

viros

viros αὐτῶντες καὶ ὑπακούοντες τῷ λόγῳ Luc. 1. 2. An nos etiam adhuc hodie illos immediatè audimus? Dicis, *Apostolos etiam fuisse homines & errare potuisse.* Vah! quid audio? potueruntne illi in docendo errare, quos Spiritus veritatis deduxit in omnem veritatem Joh. 16. 13? & quos idem ille Spiritus docuerat, & fecerat commemorasse omnium, quæ dixerat ipsis Jesus Joh. 14. 26? Fuerunt homines, ais: quis negat? Concedimus etiam, eos peccasse quandoque in vita & conversatione Gal. 2. 14. At negamus, illos in docendo peccare potuisse. Vide autem, quò prolaberis D. Jureconsulte? Apostolis, qui tamen Spiritu Dei afflati, ex ipsius quasi ore loquebantur & scribebant, in docendo infallibilitatem derogas, quam tamen Papæ tuo affingis! Rem egregiam & Papatui valde honorificam! scilicet!

XXVI. Verum est, Lucam ea scripisse, quæ ex traditione eorum, qui fuerant αὐτῶντες καὶ ὑπακούοντες τῷ λόγῳ spectatores & ministri verbi (non Sacrificuli seu Missifices) noverat: At dubium interim non est, eum præter auditionem τῶν τῶν ὑπακούοντων, quæcunq; in Evangelio & Actis scripsit, scripsisse dictante Spiritu S. cui aliorum relatione non fuit opus. Audi Jesuitam Salmeronem. *Deus Luca*, inquit Tom. 2. Tract. 32. *per Spiritum S. astitit, ne in scribendo errare posset.*

XXVII. *Non speraverim*, inquis, *ullum Christianorum ed temeritatis & impietatis processurum, ut non credat, in Biblijs unicam, ad obtinendam salutem per Christum patefactam viam, hoc est, sanctum Dei verbum nobis proponi, &c.* Quibus verbis, nescio, quantus S. Scripturæ æstimator vis videri: sed sunt hæc concinnata ad palpum simplicibus obtrudendum. Profigeris utiq; Religionem Pontificiam D. Jureconsulte? Ergò credis, S. Scripturam non
P esse

esse necessariam: non esse Dei jussu scriptam: esse obscuram: esse plebi lectu perniciosam: esse haesum matrem & semen: esse imperfectam & inutilem: esse mutam, voce Papa animandam: esse instar nasi cerei flexibilem, & quæ sunt id genus alia convicia, in Jesuitarum libris non tardò obvia, non alium in finem in Scripturam conjecta, quàm ut, illà sic de ponte dejectà, solus Papa, ceu alter Apollo, Pythius, pro arbitratu suo oracula fundere & ex divite scrinii sui penu mysteria promere queat. Enjam Jesuitas! En JCrum Scripturæ æstimatorem! Si in Bibliis unica (quod scribis) ad obtinendam salutem via, h. e. Dei verbum proponitur; quì ergò non sunt necessaria? quì non scripta Dei jussu? quì imperfecta, quì lectu perniciofa? Verum est, vos fatèri, in Bibliis contineri Dei verbum: at externis duntaxat verbis, re ipsa negatis. An vis probari? quid factu facilius? Audi vestrum Andradium: dicit ille lib. 2. defenf. Concil. Trid. pag. 675. sine rubore; Nihil inesse divinitatis quicquã in illis libris, quibus sacra mysteria conscripta sunt, nec inveniri aliquid in ijs libris, quod nos Religione cogat & constringat ad credendum, qua in illis continentur, sed Ecclesia tantam esse vim & amplitudinem, ut nemo sine maximâ impietatis notâ repugnare possit. Audis D. Jureconsulte? si Scripturæ nihil inest divinitatis & nihil invenitur in eâ, quod nos Religione cogat ad credendum, &c. quomodo ergò est Dei verbum? Sed audi & Jesuitam Bailium. Ad Ecclesiam, inquit il. e. Tract. 1. Catech. quæst. 12. pertinet de libris Canonicis determinare, sine cujus auctoritate non plus fidei adhiberem Matthæo, quàm Tito Livio. En eximium Jesu socium, qui Jesu per Matthæum loquenti non plus fidei adhibet sine Ecclesiæ, id est, Papæ auctoritate, quàm Tito Livio, scriptori Ethnico! Quin reperiuntur in Papatu, qui eructare non dubitant, Scripturas va-
lere,

lere, quantum *Æsopi fabulæ*, si destituantur auctoritate Ecclesie. Cujus dicti licet videatur pudere Hosium, allaborat tamen incrustare & comprobare, dum asserit lib. 3. de Auctor. Scriptur. contra Brent. fol. 271. illud pio sensu dici posse. Nec etiam suprà citatus Bailius huic blasphemiz calculum suum renuit, dum quæst. 17. Tract. 1. sic loqui non erubescit; *Quis vobis dixit, Scripturam divinam esse? & ei potius credendum, quàm historicus profanis & fabulis?* Quis hanc istorum homuncionum blasphemiam & impietatem non horrescat? Titum Livium & fabulas *Æsopi* pares faciunt cum Scriptura; ita ut Ecclesia, si vellet, eandem illis auctoritatem apud Pontificios & fidem conciliaret. Frustra igitur speras D. Jureconsulte, non repertum iri ejusmodi temerarios & impios homines: Reperiuntur enim in medio Ecclesie vestre humane: Reperiuntur, inquam, qui credunt, illud, quod in Bibliis proponitur, quoad se, non magis esse Dei verbum quàm fabulas *Æsopi*. Nominavi suprà tales. Num vis videri plures? Converte oculos tuos in Eckium vestrum. *Scriptura*, inquit ille de Auctor. Eccles. non est authentica, nisi auctoritate Ecclesie. Intuere Stapletonum, qui lib. 1. cap. 7. advers. Witaker. rotundè scribit, sic attestari Scripturam, ut non secus Ecclesia testimonio credere debeamus; ac Christi testimonio crediderunt Apostoli, & non credi Deum esse, nisi propter Ecclesiam. Audi denique & ipsum Bellarminum. *Esse*, inquit ille lib. 4. de Verb. Dei c. 4. Scriptura dicat, libros Prophetarum & Apostolorum esse divinos, tamen non credam id certo, nisi prius credidero, Scripturam, quæ hoc dicit, esse divinam. Nam etiam in Alcorano Mahumeti passim legimus, ipsum Alcoranum à calo à Deo missum, & tamen non credimus. Quid hæc tibi volunt aliud, quàm Scripturam omnem auctoritatem habere à solâ Ecclesiâ?

Qui enim credit, Lunam non esse luminosam, nisi lumine Solis, is certè credit, Lunam omne lumen habere à solo Sole. Verum est, non paucos ex recentioribus Ecclesie Pontificie Doctoribus progressu temporis durarum & crudarum istarum locutionum pudore suffusos, cautiùs loqui cœpisse, ita mentem suam explicando, ut facti fuerint, Scripturam quidem *absolute* & *quoad se* authenticam & divinam esse, sed tamen *relative* & *quoad nos* ista auctoritate non pollere, nisi propter testimonium Ecclesie. Et hac distinctione se etiam elapsurum opinatur D. Jureconsultus noster, dum ait pag. 63. *Et si quidem Ecclesia Traditio libros Biblicos quoad se non reddat sanctos, nihilominus tamen quoad nos talem illis conciliat auctoritatem, ut fide persuasi esse debeamus, omnes libros, quos S. Ecclesia nobis proponit, esse Canonicos, &c.* Verùm si rem rite putemus, liquebit, D. Jureconsultum cum hodiernis suis Jesuitis nihil aliud reipsa efflare, quàm quod ipsorum antecessores affirmarunt, adeoque hanc distinctionem duntaxat excogitatam esse. Etenim quis nescit, omnem auctoritatem esse relativam & in ordine ad alios, qui eam obligantur: imò id, quod auctoritatis nomine designari solet, est ejusmodi, ut neque dici neque esse possit citra respectum ad aliquem, apud quem valere debet: Si jam Scriptura est authentica *quoad se*, est etià authentica *quoad nos*. Quis enim neget, nos, eo ipso, quo scimus, Scripturam esse divinitus inspiratam & divinæ auctoritatis *quoad se*, eo ipso, inquam, & eadem de causa sufficiens planè habere fundamentum acceptandi illam Scripturam & doctrinam in normam fidei & morum? Sin verò Scriptura nullam habet auctoritatem *quoad nos* sine testimonio Ecclesie: Ergò nec habet auctoritatem *quoad se*, sine ejusdem Ecclesie testimonio. Quem igitur jam lateat, quanto opere Scriptura

ptura obstricta sit Ecclesiæ Romanæ, verbum Dei verbo Apollinis Romani? Verbum Dei, nisi ipsi allubuerit, verbum Dei non erit. Poterit ille pro arbitratu *Vetus Testamentum* in Alcoranum, *Novum* in Titum Livium, aut etiam *utrumq.* in fabulas Æsopi mutare. Saltem id efficere, ut apud D. J. Crum nostrum (qui venerationis, quâ se Biblia prolequi dicebat, jam immemor pag. 60. eructare non dubitat; *Biblia summi Dei mandata & leges, nullos verò errores complecti, aliunde non scimus, nisi ex traditione, id est, quia Ecclesia ejusque Doctores dicunt.*) aliosque Pontificios plus auctoritatis non habeat. Hem Ecclesiam artificiosam! ad quam proinde quòd se D. J. no-ster contulerit, quis miretur?

XXVIII. Ad nos quod attinet, tria in hac controversiâ accuratè distinguenda (non interim divellenda) censemus. 1. Scripturæ auctoritatem. 2. Ecclesiæ in eâ prædicandâ officium. 3. Spiritus S. testimonium, seu beneficium, quo corda nostra perfundit. Quantum ad primum, nempe Scripturæ auctoritatem, statuimus, eam nec quoad se, nec quoad nos pendere à testimonio Ecclesiæ, & probamus 1. Quia Scriptura ipsa fert secum divinitatis suæ certitudinem independentem ab ullius cœtus judicio. *Qui volueris facere voluntatem illius, qui misit me, cognosces de hac doctrina, an ex Deo sit, an de me loquar*, inquit ipse Servator Joh. 7. 17. Vide & 1. Cor. 2. 4. 5. 1. Thess. 2. 13. Rom. 1. 16. E. (2.) Quia vera Ecclesia exstructa est super fundamento Apostolorum & Prophetarum Ephes. 2. 10. & sanctificata in veritate Dei, quæ est verbum ipsius Joh. 17. 17. Non ergò verbum Dei scriptum ejusque auctoritas obligatoria nititur Ecclesiæ; sed è contrario Ecclesia in fide suâ nititur Dei verbo, per Prophetas & Apostolos exhibito. (3.) Quia verbum

P 3

Dei,

Dei, antequam scripto traderetur, per se erat authenticum iis, ad quos perferebatur, nec externum aliquod testimonium exigebatur, ut ei fides haberetur: Ubi nam enim erat externum tribunal, quod S. Patriarchæ aliique fideles, ad quos fiebat Dei verbum, consulerent? Cum lex à Deo è Sinai promulgaretur, an expectandum erat iudicium Ecclesiæ iis, qui audiebant? Annon statim pro divina agnita fuit? annon statim omnes obligavit ad sui observationem? Ergò nec hodie, postquam scripto consignatum, opus tali Ecclesiæ testimonio ad ei auctoritatem conciliandam: cum per scriptionem nihil auctoritatis amiserit. *Vide 2. Timoth. 3. 16. 2. Petr. 1. 21.*

(4.) Quia Christus dicit, *se testimonium ab homine non capere Joh. 5. 34.* Accepit quidem à Johanne testimonium, sed non auctoritativum: Unde addit, *ego majus testimonium habeo testimonio Johannis* vers. 36. Idem ergò tenendum de Deo aut Christo, loquente in verbo suo scripto. *Confer. 1. Joh. 5. 9.*

(5.) Quia Deus omnibus principiis notas indidit, quibus ab omnibus cognoscantur: qui ergò tales non posuisset in sancto hoc Principio, ad salutem summè necessario? Agnovit eas in eo David Psal. 19. 9. dicens; *Mandata Iehovæ sunt recta, latificantia animum: Præceptum Iehovæ purum, illustrans oculos.* Et vers. 8, *Sapientiam asserens imperito.* Agnovit etiam illas Petrus, dum Scriptura ei est veluti lucerna splendens in obscuro loco 2. Cor. 1. 19. ità ut necesse non sit testi alicui externo innazere, qui ei testimonio suo auctoritatem apud nos conciliet, sed sufficiat, aperiendo oculos, luci ipsi, tam potenter sese ingerenti, intentum esse. Agnovit non minùs etiam Paulus Hebr. 4. 12. scribens. *Verbum est sermo Dei & efflux; & penetrantior quovis gladio ancipiti, & pertingit usque ad divisionem animæ ac spiritus, compagum,*

& medullarum, & dijudicat cogitationes & conceptus cordis.
 (6.) Quia Scripturæ auctoritatem suspendere ab Eccle-
 siæ testimonio, nihil aliud est, quàm auctoritatem huma-
 nam divinæ præferre: quo nihil absurdius esse, nemo
 non videt. Dicebat quondam Servator ad Judæos: Si
 Scripturis Moysi non creditis, quomodo mihi creditis? Joh.
 5. 47. At Ecclesia Romana inverso ordine dicit: Si
 verbis meis non creditis, quomodo creditis Scriptis Moysi &
 reliquorum etiam Prophetarum? Si testimonium hominum,
 ait S. Johannes 1. c. 5. 9. accipimus, testimonium Dei majus
 est. At Papicolis nostris è contratio testimonium ho-
 minum majus est testimonio Dei, cùm illud juxta ipsos
 huic vim & auctoritatem largiatur. Antea, cùm adhuc
 Reformatus esset D. Jureconsultus noster, credebatur, Je-
 sum ex Virgine esse natum, dari resurrectionem mortuorum,
 & vitam æternam, &c. ob Scripturæ hoc asserentis aucto-
 ritatem: Jam verò, ex quo evasit Papicola, non magis
 hoc crederet, quàm Turcarum Mahumetem esse magnum
 Prophetam, nisi accederet Papæ Romani, idem asseren-
 tis, auctoritas: Nimirum Papa, postquam pedem in
 ipsius castra intulit, dignior ipsi est fide, quàm ipse Deus.
 Si bonus ille vir tempore Thessalonicensium vixisset, dil-
 suasisset illis haud dubiè, ut acceptum de Deo sermonem, quem
 audiebant ex Paulo, exciperent (sicut expressè leguntur ex-
 cepisse 1. Thess. 2. 13.) ut sermonem Dei, sine auctoritate Ec-
 clesiæ. (7.) Quia manifestus committitur circulus; dum
 Ecclesiæ auctoritas probatur ex Scriptura, & vicissim au-
 thoritas Scripturæ ex Ecclesia. Quid? Pontificii, sic au-
 thoritatem Scripturæ suspendendo ab auctoritate Ec-
 clesiæ, caulam ipsi suam produnt & Ecclesiæ Romanæ
 fundamenta subruunt. Interrogati enim, cur tantam
 Ecclesiæ suæ auctoritatem concedant, eamque infalli-
 bilem prædicent, respondent, se ideo id facere, quòd
 sciant,

sciant, Spiritum S. eam deducere in omnem veritatem : interrogati porro, unde id noverint, illico provocant ad dicta Joh. 16. 13. Matth. 16. 18. & 28. 20. Hæc autem quotiescunque adhibent ad præsidium suæ causæ, vel invitati huc rediguntur, ut fateantur, auctoritate Scripturæ, utpote quæ Ecclesiam probat, niti auctoritatem Ecclesiæ, adeoq; illam hac, quæ ex Scriptura probatur, certiore & majorē esse. (8.) Agnovit hanc hinc nobiscū veritatē Jesuita de Valētiā. *Cum multa, inquit ille Anal. fidei l. 1. c. 25. sint in ipsa Christiana doctrinā, quæ ipsa per se fidem illi & auctoritatē conciliare possunt : tamen mihi maximum illud esse videtur (ut à Clement. Alex. & à Lactant. & ab aliis est observatum) quod suā nescio, quā admirabili vi, divinē prorsus hominum animos afficit atque ad virtutem impellit. Est scripta verbis simplicibus & caret ferè artificio orationis & ornamentis. Nihilominus ita vehementer lectoris mentem commovet, ut nulla alia doctrina. Quod argumento est, illius auctoritatem omnino divinam, non humanā esse: hac enim sine verborū arte & orationis quasi tenocinis ad efficiendum animorū motum, non valet. Agnovit & eandem Canus Loc. Theol. l. 2. c. 8. Veniat ergo Bellarminus cum suo Alcorano, Bailius cum suo Tito Livio, Hosius cum suis Æsopi fabulis, & hisce collegis suis admirabilem istam virtutem, quā verbum Dei hominum animos afficit, in profanis illis Auctoribus demonstrent! Observa interim hinc D. Jureconsulte, antequam progrediaris, frædam & vertiginosam Bellarmini, Coryphæi vestri contradictionem. Lib. 4. de verb. Dei c. 4. palā negat, ex Scriptura ipsa ullo modo haberi posse, libros sacros esse divinos : at lib. 1. cap. 2. argumentis validis asserit, ex Scriptura ipsa absque Traditione, libros sacros esse divinos. Quin & aliam adhuc hoc capite eructat contradictionem : asserit enim, sacris Scripturis, quæ Prophetici & Apostolici literis continentur, nihil esse notius, ni-*
hil

hil certius. Alibi autem, nempe *lib. 4. c. 2. de Not. Eccles.* id ipsum rursus elidit apertis verbis; *Respondeo, Ecclesiam simpliciter esse priorem & notio-rem, quàm sit Scriptura.* Hæc nonne cœdissima contradictio? Nimirum ubi contra Fanaticos agit, vetitatem nobiscum adstruit: at ubi contra nos, eandem, sui immemor, rursus destruit.

XXIX. Concedimus interim & Ecclesiæ suas partes, sed tantum ministeriales. Est ipsius officium. (1.) λόγια πᾶσι sibi concedita asservare *Rom. 3. 2.* (2.) Verum eorum sensum scrutari κατὰ τὴν ἀναλογίαν τῆς πίστεως *Rom. 12. 6.* (3.) Ea tueri & vindicare 1. *Timoth. 3. 16.* (4.) Ea promulgare & testari, &c. Sed ista omnia Ecclesiam *Ministram*, non *Magistram* constituunt. Testatur illa quidem de luce; sed non est lux ipsa aut lucis causa: Verum luce collustrata testimonium ei apud alios perhibet. Credimus δὲ Ἐκκλησίᾳ per Ecclesiam, sed non δὲ Ἐκκλησίᾳ propter Ecclesiam. vide *Ioh. 1. 7. 8.* Conatur quidem D. Jureconsultus hæc eludere, sed conatu planè irritò. Dicit, S. Apostolos & Evangelistas etiam fuisse testes vitæ & Passionis Christi *Act. 1. 8. & 10. 39. 1. Petr. 5. 1. &c.* Sic est D. Jureconsulte: sed quid inde? Quemadmodum jam, inquis, Scriptis à discipulis Christi relictis nihilominus credimus, &c. sic etiam licet Ecclesiæ traditio libros Biblicos quoad se non reddat sanctiores, ijs tamen quoad nos talem conciliat auctoritatem, ut nos fide persuasos esse oporteat, omnes libros, quos S. Ecclesia nobis proponit, esse verè Canonicos, &c. Nugæ nugacissimæ! Si libri Biblici quoad se sunt sancti & authentici, ita ut Ecclesia suo testimonio non reddat sanctiores, quæ ergò Jesuitæ tui docent, illis sine auctoritate Ecclesiæ nihil inesse divinitatis, iisque sine hac non magis credendum quàm Tito Livio? &c. Item,

Q

quæ

quî, quod *quoad se* est Canonicum, non erit *quoad nos* Canonicum? Hoc tantum quæro, an Apostoli, relictis à se scriptis istam, quam *quoad nos* habent, auctoritatem contulerint, ut nos propter illos tanquam dominos oporteat credere? Si *affirmas*, tibi ipsi contradicis; cum expressè fatearis, *Apostolos redemptioni per Christum factæ* (quæ utique etiam in relictis ipsorum scriptis memoratur) *non conferre vim & auctoritatem*. 2. Falsuses: nam non credimus propter Apostolos, sed *per Apostolos*: Audi Paulum. Sic de nobis, inquit ille 1. Cor. 4. 1. *reputet homo, ut de ministris Christi & dispensatoribus mysteriorum Dei*. Audi & Johannem. *Is venit*, ait de Baptista, *ad testimonium, ut testaretur de illa luce, ut omnes si autem per ipsum* (non si autem propter ipsum) *crederent*, Joh. 1. 7. Si negas, quorsum tua *analogia*? 2. Quæ comparatio (posito, non concessio, Apostolos Scripturæ Nov. Test. eam, quam *quoad nos* habet, auctoritatem contulisse) Apostolorum & Evangelistarum cum hodiernis Romanæ Ecclesiæ Doctoribus? virorum *συνεταρον* cum viris errori obnoxiiis? Quod addis; Si Ecclesia nos, quemadmodum Iudai per Talmudem, & Turce per Alcoranum decipiuntur, decessisset, hoc est, loco veri Messia maledictum Mahumetem obtrusisset, &c. actum fuisset de nobis in æternum, aut intelligis de nobis, ut modò Christianis, aut adhuc infidelibus, quales quondam omnes eramus: Si *prius*, longè falleris; nam si Ecclesia aliqua, imò ipsi Angeli, nobis loco sanctæ hujus Scripturæ Talmudem aut Alcoranum obtrusissent, vel etiam num obtruderent, pronuntiassemus, & etiam num pronuntiaremus in ejusmodi Ecclesiam & Angelos anathema cum Paulo Galat. 1. 8. Si *posterius*: verum quidem dicis: sed quid inde D. Jureconsulte? *Hinc*, inquis, *sequitur evidentissimè, ab omnibus Christianis fundamen-*

damentum vitæ aeternæ in ijs libris, quas Ecclesia illis, tanquam Dei verbum, credendos commendat, collocandum esse. Hem virum ! Quis Reformatorum hoc negat ? Sic inferre debebas, contra nos concludurus. Hinc sequitur, libros Biblicos non esse divinæ auctoritatis quoad nos, nisi ex traditione, id est, propter testimonium Ecclesiæ. Sed hæc consequentia est falsissima: Sequitur enim tantum, eos, qui nondum Spiritu Dei sunt illuminati, Ecclesiæ testimonio ad docilitatem induci, ut Christi fidem ex Evangelio sustineant, atque ità hoc modo Ecclesiæ auctoritatem esse isagogen, quâ ad fidem Evangelii præparamur. Quo sensu & olim S. Augustinus dixit contra *Epist. fund. cap. 5.* *Ego non crederem (i. e. non credidissem : quæ est phrasis apud Afros usu recepta : vide eundem Tom. i. de vit. beat. cap. 483. & Retract. lib. i. c. 3.) Evangelio, nisi me Ecclesia Catholica auctoritas commoveret (i. e. commovisset)* Loquitur sanctus ille vir de se, ut adhuc Manichæo, & ostendit, quòd occasione Ecclesiæ, tanquam manu ductricis, invenerit veritatem, ad modum civium Samaritanorum ad veritatem Christianam deductorum voce mulieris Samaritanæ de Christo testificantis Joh. 4. 39. 40. 41. 42.

XXX. Ad tertium quod attinet, Spiritus S. testimonium omni exceptione majus esse docemus, quo Canonicas agnoscimus Scripturas. Sine hoc enim testimonium Ecclesiæ, cui alioquin suas hîc etiam esse partes, suprâ dictum modò, prorsus esset inefficax. Quis namque Judæorum aut Turcarum libris nostris fidem habet, licet ipsis probè constet, eos commendari ab Ecclesia ? Johannes olim Christo perhibebat testimonium Joh. 1. 7. sed qui propterea ex primoribus credidit in eum, aut ex Phariseis ? Joh. 7. 48. Si proinde quærat,ur,

*cur vel propter quid credamus, Scripturam esse divinam, respondemus, propter notas divinitatis Scripturæ infitas. Si quæritur, unde seu à quo credamus; responde-
mus, à Spiritu sancto, qui hyperphysicâ efficaciam nos idoneos reddidit ad percipiendos & agnoscendos istos divinitatis characteres. Unctio enim, teste Johanne 1. c. 2. 27. docet nos de omnibus: ergò maxime & primo de principio Religionis Christianæ. Vide & 1. Cor. 2. 12. Si denique quæritur, quo seu per quod medium hoc credamus, respondemus, per Ecclesiam: hanc enim Deus in promulganda & tuendâ Scripturâ utitur: quare & à Paulo ἐν ᾧ καὶ ἡ δρασμία τῆς ἀληθείας appellatur 1. Tim. 3. 15.*

XXXI. Hanc internam Spiritus operationem & testificationem D. J. periculosam judicat, & magis consistere in imaginatione, quàm in opere ipso. Alii lepidum somnium, elusionem & diverticulum nuncupant. Sed quare D. Jureconsulte? Si unctio, ut supra ex 1. Joh. 2. 27. audivimus, nos docet de omnibus: Quis ergò non de principio Religionis Christianæ? Non acceperunt utique fideles spiritum mundi, sed spiritum, qui est ex Deo, ut SCIENT, qua Deus ipsis est gratificatus 1. Cor. 2. 12. unde Psalter ait, eos בָּאוּר מִלְּפָנֵי דֵּי in lumine Dei (i. e. efficaci illuminatione Spiritus sancti) videre אֹר לumen (nempe sancti ipsius verbi) & spiritus & verbum individuo nexu in fœdere gratiæ conjunguntur Jes. 59. 21. Spiritus Dei, inquit Paulus Rom 8 16. συμμαρτυρεῖ testatur unà cum spiritu nostro, nos esse filios Dei: si testatur de nostra viοδοσία, quomodo nō de nostra fide? cūm per eam simus υἱοὶ τοῦ Θεοῦ filij Dei Joh. 1. 12. Imò idem ille Dei Spiritus ducit fideles suos (gradu licet inferiori quàm Apostolos) in omnē veritatem Joh. 16. 13. Si in omnem veritatē: ergò utiq; etiam in hanc cardinalem veritatē, hos scilicet & illos S. Scriptura libros esse

*esse infallibile Dei verbum. Addis, Iudeos & Turcas etiam interna motione, ratione Scriptorum suorum, gloriari : ejusmodi stolta quoque somnia Enthusiasticis, Weigelianis alijsque innumeris sectis perquam familiaria esse. En Catholicam Catholici Jurisconsulti in verbum Dei reverentiam ! Si is tempore Johannis vixisset, dissuadisset haud dubie fidelibus credere, se ab unitione doceri de omnibus, quod Johannes ipsis prædicabat : cum Judæi & Turcæ de eadem re gloriari possint : num ergo statim idem est, verè habere rem, & gloriari de re ? Num vana Judæorum & Turcarum imaginatio tollet firmam fidelium Christianorum persuasionem ? Num propter Sedechiam Pseudopphetam Micheas, cui contradicebat, desinit esse *Dei verbum* ? Num Lydiæ cor Deus ideo non aperuit, quia Simon Magus fidem aliquamdiu simulavit ? Num, quemadmodum verè fidelis agnitos illos divinitatis characteres perspicuè monstrare potest, ita & Judæus in suo Talmude & Turca in suo Alcorano ? Seden D. Jureconsulte, laqueum, quem nobis parâsti, tuo ipsius collo apto. Quæro exte, num Ecclesia Romana, id est, Papa vester, cum vos docet, hoc, quod habetis, esse Dei verbum, habeat certam probationem, notas & *apirâpiâ*, per quas ipsi certò constet, esse Dei verbum & non Talmudem vel Alcoranum, an verò non habeat ? Si non habet : Libri Biblici juxta Ecclesiam vestram sunt Dei verbum, quia sic vult, sic mandat, stat pro ratione voluntas. Quod utiq; omni absurdo absurdus est. Si habet. Quænam illa ? Estne testimonium alterius Ecclesiæ ? at sic daretur progressus in infinitum : Aut est forte afflatus immediatus ? at hoc esset litare Enthusiasmum, à quo D. Jureconsultus suam Ecclesiam vult esse quàm alienissimam. Quid ergo tandem, D. Jureconsulte :*

Num dices, Ecclesiam hoc ex infallibilibus verbi divini notis cognovisse ope Spiritus sancti? quemadmodum omnes vestri fatentur, qui Ecclesiam Scripturam non facere authenticam concedunt, sed solum declarare, adeoque prius eam talem esse; sic autem Papam tuum non minus ferit objectio tua, si esset alicujus momenti, quàm nos. Si pergis jam quærere ex nobis cum Jesuitis tuis, unde sciamus, Evangelium Matthæi esse verum Evangelium, potiùs quàm Evangelium Bartholomæi aut Barnabæ: quærimus vicissim; unde Ecclesia vestra hoc sciat? Si responderis, Ecclesiam hoc cognoscere ex Scripturæ notis per testificationem Spiritus sancti, respondemus, & nos inde hoc cognoscere. Hic enim est *Spiritus sapientie & revelationis*, quem DEUS omnibus suis fidelibus largitur 1. Johan. 4. 13. Unde Paulus ad Philippenses tuos ait cap. 2. 1. 2. *Si qua igitur consolatio est in Christo, si quod solamen charitatis, si qua communio spiritus, &c. explete gaudium meum, ut eodem sitis affectu, eandem charitatem habentes, unanimes & sententiis unum:* Et ad Corinthios 2. c. 4. 13. *Quoniam habemus eundem Spiritum fidei, &c. nos quoque credimus.*

XXXII. Patet ex iis, quæ diximus, quàm evidentissimè, nos à spiritu privato & Enthusiastico, quem D. Jureconsultus nobis affingit, abesse quàm longissimè. Quì enim nobis conveniat Enthusiasmus, qui hoc Spiritus sancti testimonium non statuimus quærendum esse extra verbum in immediatis afflatibus aut rapibus, sed in & cum Scriptura esse conjunctissimum, Quì etiam nobis tribuatur spiritus privatus, qui nullum alium spiritum nos habere credimus, quàm spiritum omnibus fidelibus communem? *Eundem spiritum fidei omnes habemus* 2. Cor. 4. 13. 1. Cor. 2. 12, Sed en
D. Jure-

D. Jureconsulte , dum volebas loqui de spiritu privato & Enthusiastico , oculos tuos Romam ad Apollinem vestrum vertere te oportebat ; Nam quis est *spiritus privatus* , nisi qui attribuitur illi soli *privatim* , sive jam in cathedrâ sive extra eam loquenti ? Et is spiritus ideo non est Spiritus S. sed Enthusiasticus & erroris , quia non ab omnibus explorari potest , hoc est , quia juxta eam regulam , quæ omnibus tradita est , non potest se probare spiritû lucis omni conscientiæ. Vellem discere ex te D. J. Cte , qualis fuerit ille spiritus , cujus ductu Concilia , Basileense & Constantiense , decreverint , Concilium esse supra Papam ? Et qualis è contrario fuerit ille , qui Concilium Lateranense ultimum induxit ad statuendum , Papam esse supra concilium ? unum eorû manifestè falsum docuit : cùm autem Spiritus D. E. I. falsum non doceat ; fuerit , oportet *spiritus privatus*.

XXXIII. Quamvis autem unus idemque sit Spiritus , qui in fidelibus operatur , non est tamen æqualis illius in omnibus operatio : posito ergò , *inter pios & in Scriptura benè exercitatos Reformatos* , ut loqueris , reperiri , qui in divinitate librorum Biblicorû dijudicâda non per omnia cõsentirent , si de ea interrogatêtur , quid tum ? sicut enim ille Dei Spiritus non conceditur omnibus æqualiter , ita nec omnes cognitionis luce æqualiter ab ipso perfunduntur , vel æquali efficacîâ ad assensum permoventur. Hæsitaverit ergò Lutherus initio circa Epistolâ Jacobi , vocaverit illam stramineam : quid ad rem ? factum id , quia nondum satis illustratus erat lumine Spiritus sancti. Ostendant autem nobis Pontificii , si possint , post annum M. D. XXVI. in ullâ editione Bibliorum *stramineam Epistolam* : Si lapsus judicio fuit Lutherus , nonne cilicuit (quemadmodum multis ex
Vete-

Veteribus idem licuit) sententiam corrigere? Lutheranos à nostratibus in dijudicandis libris Canonicis dissentire non *quotidiana experientia*, sed à veritate aliena Jesuitarum lingua docet. Nemo eorum (quod ego sciam) hodie est, quin libros Apocryphos rejiciat, alios verò cùm Veteris tum Novi Testamenti, qui nobis sunt Canonici, nobiscum pro Canonicis agnoscat: dubitationem superioris temporis non ad *auctoritatem*, sed ad *auctorem* referunt. *Disputatum apud quosdam fuit, inquit Cl. Rudrauffius, Theologus Gissenfis Theol. tripart. pag. 74. non de auctoritate, sed auctore, quo scribente ad Ecclesiam venerint, utpote Epistola ad Hebraeos, posterior Petri, secunda & tertia Iohannis, Iacobi & Iude Epistola & Apocalypsis Iohannis, &c. sed potius erant pia scrutinia & disquisitiones, quàm eorundem librorum rejectiones. Erant dubia non de re, vel doctrina sanctitate, sed de testimoniorum & iudiciorum humanorum qualitate & varietate. Ne ergò tibi amplius risum moveat D. Jureconsulte Spiritus Lutheranus à Reformatorum Spiritu hac in re dissensus: nullus enim est: Quod si tibi interim ridere porro volupe, rectius effundes istum risum tuum in Papas vestros, Sixtum V. & Clementem VIII. qui authenticam pronuntiarunt Vulg. versionem, quàm vulgò, sed falsò Hieronymi vocant, scatentem licet vitiorum millibus. Dicas enim nobis D. Jureconsulte, qualis ille fuerit Spiritus, qui Sixtum Papam impulit ad hanc Versionem authenticam pronuntiandam? Num fuit Spiritus sanctus? At ille Papas juxta vos ducit in omnem veritatem: Sixtum autem errasse, agnovit successor ejus Clemens VIII. dum ejus versionem à multis vitiis emendavit. Clemens VIII. inquit Sorbona Parisiensis in Censur. edit. die 3. Febr. Ann. 1665. nunquam suppressurus fuisset & Biblia, quæ*

que Sixtus V. imprimi curaverat, & Bullam, quã approbabat illorum editionem, nisi hic Papa errasset tam in uno, quã in altero. Quæro autem porro, qualis Spiritus Clementem moverit ad hanc eandem versionem deinceps de novo authenticam declarandam? Num ei Spiritus immediatè per internum afflatum & instinctum; an verò mediatè revelavit? *Primo* vix dixeris: augeret forte alioquin Sanctissimus Pater, quem ab Enthusiasmo alienum vis, Enthusiastarum numerum: Si autem *posterius*: Aut ergò Clemens ille exactè intellexit linguam Hebraicam & Græcam; aut non intellexit. Si non intellexit, quomodo potuit ille de Versione authentica judicare? Si intellexit: cur ergò tot etiamnum scateret ipsius versio vitiis & erroribus? de quibus vide supra cap. I. num. VII. Num fortè dices, quod Papa non intellexerit, intellexisse concilium? frustra: nam, præterquam quòd hoc non daretur laudi Sanctissimo Patri vestro, sic credidisset Papa, quod Concilium; & Concilium, quod Papa: utraque autem pars de fidei suæ fundamento dubia hæssisset.

XXXIV. Gratias autem debemus D. Jureconsulto nostro, quòd fateatur, dari inter Reformatos etiam *pios homines*. Quòd si pii: ergò etiam salvandi: cùm, teste Apostolo 1. Tim. 4. 8. *Pietas habeat promissionem vite presentis & futura*. Hoc autem si ei cordi est, quid judicaverint de ipso Jesuitæ sui, qui omnes Reformatos & Lutheranos, *exceptis iis, qui laborant ignorantia invincibili*, ut loquuntur, i. e. qui melius capere non possunt, æternum damnant. *Dieses ist ein hartes Nüßlein zu krachen* / (inquit Jesuita Elßius in suo Cathol. Simpl. ad quaestionem, sollen dann alle Lutherische und Reformirten verlohren gehen?) muß gleichwohl gekrachtet seyn / ic.

Ja/ Ja alle Un-Catholische gehen verlohren. Ich rede nicht von den kleinen Kindern der Evangelisch- und Reformirten/ die vor dem Gebrauch der menschlichen Vernunft/ nach empfangener Tauff sterben/ dann selbige durch den Tauff von der Erb-Sünd befrejet/ und mit keiner andern würclichen Todssünd beschmizet/ seynd Kinder des ewigen Lebens. Ich rede auch nit von denen auffgewachsenen Lutherisch- und Reformirten/ qui laborant ignorantia invincibili, &c. Von welchen rede ich dann? Ich rede von den auffgewachsenen vernünfftigen Menschen/ welche anhangen der Evangelischen oder Reformirten Religion/ und wissen wohl/ daß ihre Religion nicht recht sey/ oder aber können es leichtlich besser wissen/ und haben darzu genugsame Gelegenheit/ gehen täglich mit uns Catholischen umb/ &c. Solche/ solche seynd verlohren ewig. Et ante ipsum Jesuita Costerus in lib. Sodal. mox abinit. Extra hanc fidem Catholicam (id est professionem fidei juxta decretū Concil. Tridentini editam) nemo saluus esse potest. Et quid frequentius in concionibus Jesuitarum & Monachorum, quā Lutherum & Lutheranos, Calvinum & Calvinistas, ut loquiamant, æternis Inferni ignibus adjudicare? Quoties ego ipse non audiui cani hanc cantilenam? Imò quoties mihi ipsi, ex quo scholas Papisticas frequentavi, non ingeminatum; *Ad orcum, ad orcum relegaberis, nisi amplexus fueris fidem Catholicam*, id est, Papisticam. Vah pectora non Christiana, sed prorsus Antichristiana! Ubi hinc charitas Christiana, quæ, dicente Apostolo, omnia sperat I. Cor. 13. 7. Viderint autem novi isti Pharisæi (quorum damnationem non plaris facimus, quā olim

olim Pharizorum veterum , Apostoli) ne , dum adeò prompti sunt in aliis damnandis , ipsi aliis damnationi sint propinquiore. Mitius hinc D. J. nostri iudicium, fortè autè in gratiam uxoris suæ, matronæ honestissimæ, cujus honoris ergò hinc memini: hæc enim cùm , quantopere ipse etiam cum Jesuitis suis ei Papismum commendaret, in Religione Evangelicâ semper manserit, & etiamnum maneat constantissima, voluit hinc à cæteris Papicolis dissentire, ne in propriæ uxoris damnationem consentiret.

XXXV. Quòd libros, qui vulgò Apocryphi vocantur (quales sunt libri Tobiz, Judithæ, Sapientiz, Ecclesiastici, Maccabæorum, Baruchi, additamenta ad Danielelem & Esteram, &c.) in censum Canonicorum non referamus, rationes sese nobis offerunt variz. ¶ Quia Ecclesia Judaica, cui tamen fuerunt concredita Λογια τῶ Θεοῦ Rom. 3. 2. hos libros nunquam agnovit pro Canonicis, sed in eodem nobiscum Canone, teste Josepho lib. 1. contr. Appionem, acquiescit, non effugiturâ certè Christi & Apostolorum reprehensionem, si ei libelli suprâ dicti non minus ac alii concrediti fuissent. 2. Quia nec Christus nec Apostoli suprâ nominatos libros in defensione & declaratione doctrinæ suæ unquam citârunt: nunquam etiam populum ad eos ablegârunt; adeoque nec illos pro Canonicis agnoverunt: Sed è contrario ipse Servator omnes V. T. libros in Legem, Psalmos, & Prophetas Luc. 24. 44. distribuendo, Canonem Judæorum apertè approbavit. 3. Quia Πᾶσαι θεῶν βιβλῆαι τῆς παλαιᾶς διαθήκης τῆ ἑβραίων γλώττης ἐξ ἀρχῆς ἦσαν συντεταγµέναι, ut Chrysostomus loquitur Hom. 4. in Genes. i. e. omnes divini libri V. T. primitus linguâ Hebraicâ fuerunt conscripti: hi autem exarati sunt non Hebraicâ, sed Græcâ. 4.

Quia non sunt compositi à Viris Prophetis, sicut alii Rom. 16. 26. 2. Petr. 1. 19. cum prodierint post Malachiam (ut liquet ex Josepho lib. 1. contra Appion. ex Eusebio *Demonstrat. lib. 8.* Imò ex ipsis Apocryphis. 1. *Maccab. 9. 27.*) quem fuisse Prophetarum ultimum constat ex *Malachia 4. 6.* & fatetur vetus Ecclesia, apud Hieronymum *libro 13. Comment. in Esai. cap. 49.* in hæc erumpens verba; *Post Aggeum & Zachariam & Malachiam nullos alios Prophetas, usque ad Iohannem Baptistam videram.* ¶ Quia à veteri Ecclesiâ Christiana nulli libri, nisi quos & jam nos agnoscimus, pro Canonicis fuerunt agniti; liquet id ex Hieronymo in *Prolog. Galeat.* Athanasio in *Synops.* Epiphanio in *Hæres. Epicuraor.* in primis ex *Concil. Laodic. cap. 59.* ¶ Quia complectuntur multa suspecta, tradunt varia mendacia & fabulas, continent non pauca *abúsata*, quæ pluribus demonstrata vide in *prefat. Belg. Interpr. ad libr. Apocryph.* Confer interim jam in *capit. Sapient. 8. 19. 20. Ecclesiastic. 46. 20. Esdr. 6. 40. Tob. 5. 12. & 6. 8. Iudith. 9. 2. 2. Macchab. 14. 42. & 16. 39. cum 2. Macchab. 24. & discas ex his paucis, cuius farinae sint reliqua.*

XXXVI. Cl. Molinzo, dum hanc ultimam rationem in primis urget, respondet D. Jureconsultus, etiam in aliis libris, ejusmodi absurda, *abúsata & contradictoria*, si rationi velimus locum esse, occurrere, qui tamen nihilominus à nobis pro Canonicis agnoscantur. Itane D. Jureconsulte? Videamus, quæ probes: pius Lotus, inquis, suas ipsius filias, aliis viris modo desponsas, Sodomitis ad impudicitiam obtulit *Genes. 19. 8.* Rex Abimelechus Saram uxorem Abrahami, cum jam senex esset & vergeret ad ætatem, imò illud vivendo affecta tempus, quo ei desierat esse secundum consuetudinem mulierum, affectus ipsius pulchritudine, ad se assum-

assumpsit Gen. 20. 2. quod utique de mulieribus tanta aetatis gradum affectis auditu mirabile. Ejusmodi exempla plurima in sequentibus adfers, ut de Isaac, qui interrogatus de Rebecca, praemotum responderis, illam esse suam sororem, quod tamen non verum fuerit Gen. 11. 27. & cap. 22. De Jacobo, qui, extinctum matris, se coram patre suo pro Esau vendidit Gen. 27. De gallicinio, de alabastro unguenti, de itinere Jacobi in Aegyptum, de quibus inter Sacros Scriptores non conveniat. &c. Ad quae antequam respondeam, quaero ex D. Jureconso, num *ἀντιλογίαι*, quas in libris nobis Canonicis occurrere dicit, existimet esse verae tales, an verò apparenter tantum: Si prius: pugnat cum ipso Deo, utpote ex cujus Spiritu libri illi inspirati sunt, ac proinde de libris, quos Pontificii & quae ac nos pro Canonicis agnoscunt, blasphemè loquitur. Si posterius: nihil dicit: nam sic, ipso fatente, in libris nostris verae contradictiones, quales occurrunt in Apocryphis, non reperiuntur. Ad loca, quae demonstrandae *ἀντιλογίαι* ergò adfert, facilis responsio. Nam 1. quod attinet ad Gallicinium, dicit quidem Matthaeus cap. 26. 34. Christum dixisse Petro, *ista nocte, antequam gallus vocem emittat, ter me abnegabis*: dicit etiam Lucas c. 22. 34. Christum dixisse eidem, *nequaquam emittet vocem hodie gallus, priusquam ter neges, quòd tu me noveris*. Marcus verò dicit, Dominum dixisse, *priusquam bis gallus vocem miserit, ter abnegabis me* cap. 14. 30. Quae autem hinc contradictio D. Jureconso? Solec gallus duobus distinctis temporibus canere: nimirum 1. à media nocte. 2. medio inter *μισσηύκτιον* & auroram spatio: unde adagium vetus apud Parmenographos, de quo multa Erasmus; *πρὶν ἢ τὸ δεύτερον ἀλεκτρυὼν ἐρδῆταιτο*, priusquam gallus secundo canat, id est, summo mane. Hoc ultimum gallicinium semper

intelligendum est, si quid legitur factum esse sub gallicinium, sine numeri adjectione: quod sic nuncupatur καὶ ἰσχυρὸν, vel quia tum galli alacriores sunt incanendo, vel, quia hominibus tum majorem utilitatem, revocando scilicet eos ad consueta negotia, præbent, vel denique, quia prioris gallicinii tempus alio, nimirum μεσσηνίου nomine insigniri solet, vide Macrobiū *Saturnal. lib. 1. cap. 3.* & Celsū *Orinum cap. 19.* Liquet hinc, Marcum optimè conspirare cum cæteris Evangelistis. Nimirum cum Petrus Christum primā vice abnegaret, circiter mediam noctem, tum gallus primò cecinit: cum verò ipsum tertiā vice abnegaret, nimirum sub illud tempus, quod vocari solet *gallicinium*, gallus secundo cecinit. Quæ hîc pugna? Cæteri Evangelistæ, cum gallicinium simpliciter nominent, intelligunt secundum, ut suprà demonstratum: Hoc autem, cum disertè expresserit Marcus, optima omnium est conspiratio. Dicit quidem D. Jureconsultus, trinam Petri abnegationem antecessisse primum gallicinium: at sine ulla veritate: desidero probationem: γ. 69. & seqq. cap. 26. Matthæi & vers. 34. cap. 22. Lucæ, ad quos provocat, nihil tale liquet.

XXXVII. Pugna, quam prætendis Matthæum inter & Marcum & Johannem de unguento à Maria in caput Christi effulo intercedere, pariter imaginaria est: Matthæus c. 26. 7. refert, fuisse ἀλάβαστρον μύρου βαρυτίμου, *alabastrum unguenti gravis pretii*: idem, vel te fatente, testatur Marcus, qui & addit, ἄρδην πικτικῆς πολυτίμου cap. 14. 3. Cum his vero quomodo pugnat Johannes, cum ait: Mariam accepisse λίτρον μύρου ἄρδην πικτικῆς πολυτίμου *libram unguenti, nardi liquide, multi pretii*? quis, licet vel ipse Argus, hîc viderit contradictionem? videt tamen D.

Jure-

Jureconsultus noster. *Johannes contra refert, ait, non fuisse aquam, sed unguentum.* At quid est adversus solem loqui, si hoc non est. Testantur Matthæus & Marcus non minus quàm Johannes, fuisse *μύρον unguentum* & ille tamen non nisi apud Johannem *unguentum* legi, prætere non erubescit. Verum est, Johannem dicere, *Mariam* hoc unguento *unxisse pedes Iesu*, sed non dicit, *solos pedes*: an repugnat, utrumque ab illa factum esse? Sed respondeat tibi Jesuita vester Salmero; Epiphanius (inquit ille Part. 3. Traët. 29.) addit *lib. de ponder. & mensuris*, *alabastrum mensuram esse olei, libram capientem, non quidem ponderalem, sed mensuralem: ut ita mirifice conspirare videantur duo Evangelista priores cum Johanne.* Nam quod illi vocant *alabastrum unguenti*, alter vocat *libram unguenti*.

XXXVIII. Cùm Paulus dicit Aët. 27. 33. ad eos qui cum ipso in navi erant; *dies est hic decimus quartus, ex quo expectantes, jejuni permanetis, μηδὲ προσλαβόμενοι nihil cibi accipientes*, sensus est, *quasi nihil*: ut liquet verlu 21. ejusdem capituli; *πολλὰ δὲ ἡμέρας ὑπάρχοντες*, existente autem multa inedia seu cibi defectu. Non est intelligendum, nihil omnino accepisse, inquit idem Jesuita vester Salmero Tom. 12. Traët. 57. *quia vitam protrahere non potuissent: sed humano modo & more loquitur, quo dicimus, eas non edere, qui parum edunt: quemadmodum Iohannes Baptista venisse dicitur, neque manducans, neque bibens, & quod id, quod parum admodum est, quasi nihil solet reputari.* Discis ergo ex ipso Jesuita tuo, qua ratione verba Pauli non pugnent cum natura.

XXXIX. Nulla etiam pugna Stephani Aët. 7. 14. dicentis, *Iosephum accersisse patrem suum Iacobum, omnemque cognationem, capitum 75. cum Mose, afficiente Gen. 46. 27.*
omnes

omnes animas familia Jacobi, qua venerit in Ægyptum, fuisse septuaginta: nam Moses genealogiam Jacobi, eorumque, qui ex lumbis ejus descenderunt, describit ab amplitudine; quàm ampla nimirum familia Jacobi fuerit tempore ingressus ipsius in Ægyptum: Omnes anima familia Jacobi, inquit, הַבָּאֵר מִצִּיּוֹן qua venit in Ægyptum, fuerunt 70. Stephanus autem recenset, quales Josephus in Ægyptum curaverit adducendos, & quàm ampla tum temporis fuerit universa Josephi cognatio in terra Canaan, nimirum 75. Hoc numero excluditur Jacobus ipse, utpote qui speciatim hîc memoratur; præterea Josephus & ambo ejus filii, tanquam modo in Ægypto degentes; porro filii Pharesii, Hezrom & Hamul, utpote nondum nati. Sic remanent undecim Josephi fratres cum sorore Dina & suis 52. liberis. Horum undecim cuiusvis si jam sua adnumeretur uxor (nam uxores ad hanc etiam *עֲרֻבֵימָוֶה* pertinuisse, quis ierit inficias?) prodibunt 75. animæ.

XL. 2. Sam. 23. 8. nihil quoque occurrit, quod repugnet loco 1. Chron. 11. vers. 11. illic enim non dicitur filius Hachmoni (seu Tachcemonita) occingentos viros hastâ confodisse, ut tu scribis, sed dicitur *occingentos viros in va fuisse animo confodiendi*: Ita enim habet Hebraica veritas הָיוּ עֲדֵינוּ הַעֲצָנוּ עַל שִׁמְנֵה מֵאוֹת חֲלִיל בַּפֶּעַם אַחַת huic gratum fuit hastam suam (arripere) adversus occingentos viros, qui una vice confossi sunt: hîc autem (1. Chron. 11. 11. dicitur trecentos confodisse. Quæ pugna? occingentos invasit sed trecentos confodit: hos ille solus, cæteros autem alii confoderunt.

XLI. Imaginariz ergò tantum sunt D. J. contradictiones, quas monstrare hætenus allaborasti, non veræ: id quod tu ipse negare non potes, nisi inter blasphemæ:

phemos referri velis : In suprâ dictis autem Apocryphis innumera ferè *deuota* & contradictoria occurrunt, verè & reipsa talia : & quidem non rarò tam manifesta, ut manibus quasi palpari queant. Demonstratum mihi, & quidem per singulos libros esset facillimum, nisi ad alia instituti mei me vocaret ratio. Inspiciamus jam brevitatis gratiâ parûper libros Macchabæorum ; quot in eis non *deuota* ? quot absurda ? quot contradictoria ? v. c. 2. Macch. 1. 16. dicitur Antiochus in templo Nanæ lapidatus fuisse & in partes dissectus : contrâ 1. Macch. cap. 6. 8. 16. dicitur idem decumbens lecto incidisse in infirmitatem ex tristitia, & hinc diem suum supremum obiisse Babylone. Alibi autem, nim. 2. Macch. 9. 28. dicitur idem peregrinus in monte, postquam ob immedicabilem viscerum dolorem de corpore ipsius vermes eruperint, miserrimè vitam finivisse. Porro 2. Macchab. 10. 2. 3. legitur templum purgatum fuisse post obitum Antiochi : contrâ 1. Macch. 4. 36. legitur id factum esse à juda, postquam ille adversus Lyfiam victoriam reportaverit, ac proinde ante mortem Antiochi, utpote quæ demum sequitur cap. sext. Porro 1. Macch. 9. 3. 18. Judas Macchabæus dicitur in prælio interiisse anno centesimo, quinquagesimo secundo : contra 2. Macch. 1. 1. 9. 10. dicitur idem anno 188. literas exarâsse in Ægyptum (in textu enim originali illic versu 10. non habetur *Iohannes*, sed *Judas*) Plures ejusmodi palmarias cōtradictiones vid. in *præf. Belg. Interpr. ad libr. Apocryphos*. Quid ? non duntaxat sibi, sed & ipsi Dei verbo expressè hic Auctor contradicit : nam 2. Macchab. cap. 14. 37. 41. 42. dilaudat factum Rhazis, qui contra præceptum sextum Exod. 20. 13. sibi ipsi vitam ademitt. (2.) 2. Macch. 2. 4-5. narrat, Jeremiam invenisse domicilium

cilium in spelunca factum, & tentorium & arcam atque altare suffitus intulisse illuc, usque ad reditum populi, contra illud, quod legitur Jerem. 3. 16. Plura hujus commatis vide 2. Mac. 1. 18. 22. & 2. Mac. 12. 43. Tegumenta, quæ hic quærit Bellarminus vester, verè siculnea sunt, ut pluribus contra ipsum ostendit Cl. Chamierus noster lib. 5. de Can. cap. 8. Et quid tandem opus verborum ambagibus? Cum ipse Auctor fateatur, se non ex inspiratione divina scripsisse. 2. Macch. 2. 24. dicit, *se tentasse uno volumine contrahere, quæ à Iasone Cyrenæo (qui utique Propheta non fuit) declarata libris quinque fuerint, & quidem in hunc finem, ut volentibus legere exhiberetur delectatio.* Illène jam est liber divinus, qui ex libro profano ad concitandam lectori delectationem compilatus est? Postea sub finem cap. 19. vers. 39. dubitat, an rectè scripserit: *Si quidem, inquit, benè & prout compositionem perstringi convenit, præstitero, hoc etiam volui: si si iura iuris præstitero. Sin autem exiliter & tenuiter, hoc tamen est, quod potui assequi.* Cæcior talpa sit, oportet, qui non videat, hæc merè humana esse; adeoque hunc librum ex inspiratione Spiritus sancti, utpote qui de opere suo non dubitat, an benè fecerit, non prodiisse. Imò secundum vulgatam Pontificiorum versionem, petit Auctor ab hominibus veniã, si fortè lapsus fuerit. *si quidem bene, inquit, & ut historia competis, hoc & ipse velim: si autem minus dignè, concedendum est mihi.* Quæso te D. Ju-reconsulte, num Spiritui sancto convenit, labi posse? an eidem convenit, homines veniam lapsuum rogare?

XLII. Ex hoc jam de Macchabæorum libris specimen discite etiam metiri dignitatem aliorum. Verum est, etiam in libris Canonicis mendacia, impia & absurda

absurda recenteri. At longè aliud est, *absurda & impia recensere* : & aliud , *ea laudare & approbare*. Prius quidem etiam in libris Canonicis obtinet (recensent enim facti Scriptores non rarò hominum dicta mendacia & facta impia, quæ aliàs ignorâssemus) At non *posterius* : obtinet autem id quàm evidentissimè in libris Apocryphis. Exemplo nobis jam sit , quem iple citas, liber Judithæ: præterquam quòd in eo occurrant manifestæ pugnæ cum Scripturâ Dei Canonicâ (V. G. cap. 9. 2. legitur Juditha eadem in Sichemitis à Simeone commissam laudâsse ; cùm è contrario Jacobus eam fuerit detestatus Genes. 49. 5. 6. &c.) Auctòr hujus libri non duntaxat blasphemias , mendacia & fraudes Judithæ, quibus circumvenit Holofernem, recentet (V. G. quòd ad Deum dixerit ; *percutite hunc servum fraude labiorum* c. 9. ver. 12. Item, *ὁ δὲ λόγος μοι καὶ ἀπ' αὐτοῦ*, *da mihi sermonem & fraudem*. 7. 18. &c.) sed etiam approbat per totum ; imò etiam eam introducit , *tanquam feminam per quam predicabilem, qua Deum timuerit valde, nec fuerit, qui eam ullius rei infimularet* cap. 8. 8. Ostende nobis simile quid in Auctòribus Canonicis D. Jureconsulte ? Verum est, ut suprà modo dictum , etiam illos de sanctis hominibus recensere, quæ Legi Dei contrariantur : At aliud longè est aliorum peccata referre *ἰγνοῦσαι τὰ κακά*, aliud *ἀνυμνεῖν* : tantum abest, ut illi impia aliorum facta extollant (quemadmodù hic Auctòr mendacia & fraudes Judithæ in decipiendo Holoferne laudibus ubiq; extollit) ut è contrario illa reprehendant aut Dei judicia, quæ eos propterea corripuerint, enarrent, ac proinde eorum errores sic quasi clam redarguant. Ne jam addam, tale nunquam peccatum à sancto homine per Spiritum Dei acto commissum legi, ut non tantum peccet,

tierit, ut Deus benediceret fraudi & mendacio, sed etiam, ut sibi fraudem inspiraret. Quod quid aliud est, quàm Deum in Sataniam convertere?

XLIII. Sed unum adhuc est D. Jute consulte, de quo, antequam ad alia progrediar, à te erudiri vellem: nimirum, quare Concilium Tridentinum, cùm occuparetur in libris Apocryphis canonizandis, non etiam in censum librorum Canonicorum retulerit reliquos libros Apocryphos, ut *tertium & quartum librum Esdrae*, item *tertium & quartum librum Macchabaeorum* & *Orationem Manassis*, &c. Nos hosce libros rejicimus ob easdem causas, ob quas & alii Apocryphi dicti, à nobis rejiciuntur, supra numero XXXV. recensitas: sed cur Concilium vestrum Tridentinum potius rejecerit librum 3. & 4. Macchabaeorum, quàm primum & secundum, & sic deinceps: ex te discere vellem. Aut enim dictum jam Concilium habuit causam librorum illos præ aliis rejiciendis, aut non habuit. Quod non habuerit, non dixeris. Si habuit, monstrari mihi velim, quid in illis divini observaverit præ his. Quanto Papicolæ oculatiores sunt ipsis S. Patribus: qui hos libros non minùs allegant (adeoq; non minoris autoritatis esse agnoscunt) quàm etiam alios Apocryphos. Sic Ambrosius *de bono mortis cap. 10.* sub titulo *S. Scripturae* allegat quartum librum Esdrae. Tertium & quartum etiam allegant Athanasius *Serm. 3. contr. Arianos*, & Cyprianus *advers. Demet.* Sic quoque Appendix Jobi à variis Patribus Origene, Augustino, Chrysostomo, Athanasio & aliis, teste Jesuita Bonfrenio, *Prælog. in S. Script. cap. 5.* citatur. Dicant autem nobis Pontificii, num argumentum, quod à citatione S. Patrum desumunt ad probandum alios libros Apocryphos, quos ipsi habent pro Canonicis, esse Cano-

Canonicos, agnoscant validum, an verò non: *Siposterius*: quare eo utuntur? *Siprius*: liquet eodem, non minus hos libros, quos ipsum Concilium Tridentinum tanquam Apocryphos rejicit, esse Canonicos. GENEBRARDUS vester non dubitavit etiam hos libros pro Canonicis venditare: qui eapropter vapulat à Bellarmino lib. 3. de Verb. Dei c. 26. At Bellarmino non major causa erat reprehendendi GENEBRARDUM, quàm ipsum Concilium Tridentinum, utpote quod quidem hos libros justè ex Canone exclusit, sed è contrario alios Apocryphos, qui melioris non sunt còmatis, inclusit. Fortè ut ad inclusionem illorum, sic ad exclusionem horum movit sanctos illos Patres Tridentinos illud tritum: *Sic volo, sic jubeo, stat proratione volumus.*

XLIV. Devolvit tandem D. J. omnia in Ecclesiam, existimans longè tutius esse, ut in omnibus alijs salutem aeternam concernentibus rebus, ita quoque in hac, communi à tot centeniis multorum seculorum Patribus factò, & usque ad adventum Lutheri sine interruptione observato S. Ecclesia decreto, quàm uni aut alteri personæ privatae, erroribus magis, quàm toti in nomine Dei congregati Patres, obnoxia, adherere & sequi. Ad quæ multa reponi possent: quæ tamen (commodiori loco reservata) jam, brevitati intenti, præterimus. Vult, ut hac in re audiamus veterem Ecclesiam, Concilia & Patres: Non renuimus: sed nihil eertè lucri inde ad ipsum redibit. Syllogismus ex ipsius mente erit talis. *Libri, qui à veteri Ecclesia pro Canonicis fuerunt agniti, verè sunt Canonici: atqui libri, quos Reformati vocant Apocryphos, sunt libri, qui à veteri Ecclesia pro Canonicis fuerunt agniti: Ergò libri, quos Reformati vocant Apocryphos, verè sunt Canonici.* Minor falsissima est: Univerſa Ecclesia cùm judæorum, tum Christianorum dictos libros in enu-

meratione Canonicoꝝ omisit, aut expresse rejecit. De Ecclesia Judaica id supra *num. 35.* demonstravimus: de Christianâ idem etiam & quidem de seculo in seculum contra Jesuitam Ottonem nuper adhuc peculiari Tractatu, qui ab ipso inscribitur *ΗΑΛΗΘΕΙΑ ΠΑΝΔΑΜΑΤΩΡ*, evidentissime demonstravit Celeb. Heideggerus noster, quod brevitate gratiâ te ablegatû volo. **Wer hat einem außgesprungenen Mönch** (interrogat Jesuita Elffius lib. supra cit. Tract. 2. cap. 1.) **nemblich dem Luther/ und einem von uns abtrinnigen Noviodunischen Capellan/ nemblich dem Calvino die Gewalt geben/ jetzt erzehlte Bücher/ gegen den Schluß und Meinung der Allgemeinen Kirchen auß dem Wort Gottes nach ihrem Belieben außzumustern?** En papisticam modestiam! En Jesuiticam veritatem! Lutheri & Calvini nomen vix exprimere possunt sine bile & contumacia de ipsis naniarum occentu: Interrogamus autem interrogantem vicissim: quis Jesuita, à Lutheranis apostata, dedit potestatem ita aperte mentiendi? nam mendaciû est, Calvinum fuisse Novioduni Capellanum, seu Diaconum: mendacium etiam est, eundem cum Luthero supra dictos libros adversus decretum & sententiam Ecclesie Catholicae ex verbo Dei pro lubitu suo expunxisse. Qui enim, quæso, Lutherus & Calvinus supra dictos libros ex Canone expunxissent, adversus sententiam Catholicæ Ecclesie, qui nunquam ex mente veteris verèq; Catholicæ Ecclesie fuerunt in Canone sacro? Audi Hieronymum. *Hic prologus, inquit ille in prolog. galeat. Scripturarû quasi galeatum principium, omnibus libris, quos de Hebræo vertimus in Latinum, convenire potest, ut scire valeamus, quicquid extra hos est, inter APOCRYPHA esse reponendum. Tgitur Sapientia, quæ vulgò Salomonis inscribitur, & resu filij*
Sirach

Sirach liber & Iudith, & Tobias & Pastor, NON SUNT IN CANONE. Macchabaeorum primum Hebraicum reperi. Secundus Graecus est. In praefat. in Efdr. Quae non habentur apud Hebraeos, nec de XXIV. senioribus sunt, sunt rejicienda. Et in praefat. in Proverb. Sicut ergo Iudith & Macchabaeorum libros legit quidem Ecclesia, sed eos inter Canonicas Scripturas non recepit: sic & haec duo volumina (loquitur de Jesu filii Sirach libro & de alio pseudepigrapho) legat ad edificationem plebis, non ad auctoritatem Ecclesiasticorum dogmatum confirmandam. Idem (veterem scilicet Ecclesiam eosdem nobiscum & non alios libros canonicos agnovisse) patet ex Concil. Laodic. cap. 59. Melitone Sardeni Episcopo, qui vixit An. Ch. 16. apud Eusebium Hist. lib. 4. cap. 25. Epiphania in haeres. Epicur. Athanasio in Synopsi, &c. Sed quid nos fundimus verba? Jesuitis affirmantibus incumbit probatio. Pro bent illi supra negatam Minorem: probent illi veterem Ecclesiam libros, quos nos Apocryphos dicimus, agnovisse pro Canonicis.

XIV. Ad Concilium Carthaginense tertium, habitum Ann. Christi 397. frustra provocat Elsius cum suo Bellarmino: nam 1. Canon 47. quem allegat, huic Concilio falso adscribitur, agnoscente ipsomet Cardinale Baronio ad A. 419. n. 95. cum meminerit Papae Bonifacii, qui demum Ann. 22. post habitum Concil. Carthaginense tertium Papa evasit. Unde à Surio Carthusiano Monacho Tom. 1. Concil. hic Canon non huic tertio, sed septimo Carthaginensi Concilio vindicatur. (2.) Hoc Concilium non fuit universale, sed nationale, quod nihil determinare potuit in praedictum totius Christianismi, nisi velint Domini Jesuitae Africæ Episcopos potuisse leges ferre universali Ecclesiae. (3.) Concilium

cilium hoc (ac proinde etiam Augustinus, qui huic Concilio ipse interfuit) cum dictos libros Canonicos vocat, non sumit vocem *Canonis strictè & propriè* de Canone fidei, sed latè, quo sensu catalogum librorum omnium, qui in Ecclesia ædificationis qualiscunque gratiâ legebantur, notat, oppositè ad illos libros, qui cum impii & scandalosi publicè rejecti fuere, adeò ut ne digni quidem in Ecclesiâ lectu iudicati fuerint : cujusmodi erant illi, qui sub nomine Adami, Abrahami, Moïsi & aliorum à variis Sycophantibus venditati fuerunt, quos ea propter etiam Augustinus expressè *Apocryphos* nuncupavit *lib. 11. contr. Manich. cap. 5. & lib. 5. de C. Dei cap. 24.* Hanc esse mentem hujus Concilii in suprà dicto Canone 47. non uno modo evincitur. (1.) Quia ante illud Concil. eos nemo inter Canonicos propriè dictos retulit, & post illud Gregorius Romanus, & promulgatores Bibliorum omnium per Occidentales Ecclesias, quibus Hièronymi prologus Galeatus præfixus est, Glossæ ordinariæ & Decreta, Hilarius, Damascenus, Lyranus, Abulensis & alii, quoties accuratè locuti sunt, Hieronymi Canonem fuerunt secuti. (2.) Libris Canonicis etiam *passiones Martyrum* annumerat. *Liceat & legi passiones Martyrum*, inquit, *cum Anniversarij eorum dies celebrantur.* Paulò ante autem dixerat. *Placuit, ut præter Scripturas Canonicas nihil in Ecclesia legatur.* Unde evidentissimè patet, supra memoratum Concilium vocem *Canonis* non *strictè & propriè* (quo sensu utique vel ipsis Pontificiis fatentibus *passiones Martyrum* Canonicis adscribi nequeunt) sed *latè & inclusivè ad Canonem Ecclesiasticum usurpasse.* (3.) Idem etiam ex Augustino, qui Ecclesiæ Aphricæ primas tenuit, liquet : includit ille *lib. 2. de Doctrinâ Christ. cap. 8.* Canonem S. Scripturæ etiam

etiam libros Apocryphos: Quod autē vocem *Canonis* summat sensu latiori, quo etiā complectitur libros humanos, qui cum fructu in Ecclesiā legi possunt, ex eo haud obscure patet, quod non solū libros Canonicos opponit illis, qui periculosis mendaciis atq; phantasmatibus eludunt (adeoque Ecclesiā nihil utilitatis præstant) & huic Canonī inserit Syraciden & libros Macchabæorum, cū tamen *Retract. l. X. 11. 10.* post scriptum suprà dictum librum de Doctrina Christi. expressè dicat, se Syraciden ejusque verba non habere Prophetica: Et *Contr. Epist. Gaud. lib. 11. 23.* Scripturam Macchabæorum ab Ecclesia esse receptam non inutiliter, si sobriè legatur vel audiat, maxime propter illos Macchabæos, qui pro lege Dei sicut verè Martyres à persecutoribus tam indigna atque horrenda perpeffi sunt: sed etiam in enumeratione hujus Canonis expressè distinguit; Tenebit, inquit, igitur hunc modum in Scripturis Canonicis, ut eas, quæ ab omnibus accipiuntur Ecclesiis Catholicis, præponat eis, quæ quadam non accipiunt. In eis verò, quæ non accipiuntur ab omnibus, præponat eas, quæ plures gravioresque accipiunt, eis, quæ pauciores minorisque auctoritatis Ecclesia tenent, &c. Ubi nemo non videt, Augustinum à mente Tridentinorum, qui Apocryphos pari pietatis effectū recipi volunt cum Canonicis, abfuisse quàm longissimè. Sed quid multis? Audiat Jesuita Cardinalem suum: Est is Cajetanus, qui in *fin. Comment. in V. Test.* ita ait. Ne turberis, si alicubi reperies libros istos (Apocryphos) inter Canonicos supputari, vel à S. Conciliis vel à Doctōribus. Nam ad Hieronymi limam reducenda sunt tam verba Conciliorum, quàm Doctōrum: Et juxta illius sententiam ad Chromatium & Heliodorum Episcopos libri isti (& si qui alij sunt in Canone Biblicæ similes) non sunt Canonici, id est, non sunt regulares ad formandum ea, quæ sunt fides: possunt

T

tamen

tamen dici Canonici, id est, regulares ad adificationem fidelium, utpote in Canone Biblie ad hoc recepti & authorati. Cum hac distinctione (arrige aures D. Elffii) discernere poteris dicta Augustini & scripta in Provinciali Concilio Carthaginensi. Cesset ergo Bellarminus scribere lib. 1. de Verb. Dei cap. 20. Augustinum non fuisse aequè certum de omnibus libris, quos enumeraverat, an essent Canonici.

XLVI. Huic distinctioni si D. Elffio suam de Protocanonicis & Deuterocanonicis libris accommodare placeat, per nos quidè licebit, dumodo id non tam referatur ad temporis, quàm ad auctoritatis gradus, ut suprà etiam hanc inæqualitatem ex Augustino audivimus. Aliàs sensu Papistico vulgari (quo volunt in Ecclesia Christianà diu de quibusdam libris utriusque Testamenti dubitatum esse, eos autem, quos Ecclesia primùm receperit, nuncupatos fuisse Protocanonicos, alios verò Deuterocanonicos) falsissima est & toti antiquitati ignota. Et redarguitur etiam ex professo à Driedone Professore Lovaniensi eruditionis nomine celeberrimo, dum ait de Catal. S. Scripturæ lib. 1. cap. 2. Ceterò cognoscimus primitivam Ecclesiam, immediatè à Christo & ab Apostolis edoctam, nonnullis etiam Apostolis adhuc viventibus easdem habuisse Scripturas. Porro. Concors omnium Patrum professio secundum successionis seriem, unanimiter utentium sacrosanctis 4. Evangelis, aliisque Scripturis Apostolicis, in nostro Canone designatis, efficax est argumentum, hunc, quem nunc habemus Scripturarum Canonem, esse verum & Apostolicum Canonem, certis suis libris & terminis definitum.

XLVII. Frustra porro provocat D. Elffius ad Innocentium I. Gelasium & Concilium Florentinum, tanquam à quibus Canon supradictus fuerit confirmatus: Nam 1. ad Gelasium quod attinet, adjungit ille qui-

quidē libros Apocryphos reliquis V. T. libris (omisso tamen Baruchi & alterutro Macchabæorū libro) at sine ulla mentione, an pari cum aliis dignitatis gradu recipiendos censeat. Titulus itā se habet. *Ordo librorū V. T. quem S. & Catholica Rom. suscipit & veneratur Ecclesia, digestus à Gelasio Papa cum 70. Episcopis.* Quis autē Reformatorū negat, libros Apocryphos esse libros Ver. Test. & quidem (eō quod multa utilia complectantur) dignos veneratione?

2. Concilium Florentinum quod spectat, id 1. non fuit Concilium Oecumenicum. 2. etiam in hoc Concilio ne *pro* quidem de Canone S. Scripturæ occurrit: ut hoc ex hujus Concilii Actis à Surio, Binio & aliis conscriptis liquet. Sed demus D. Elffio, Gelasium, demus, hoc Concilium, demus, deniq; Innocentium I. quem adjungit (qui tamen in enumeratione librorum manifestum commisit errorem, dum numeravit 5. libros Salomonis, adeoque Sapientię & Sirachi libros Salomoni attribuit) suprad. Canonem Conc. Carthagenensis confirmasse, quid inde pro Pontificiis? Acceperunt vocem *Canonis* non *strictè* & *proprie*, quatenus Catalogum librorum absolute divinorum ad confirmationem dogmatum fidei & morum valentium, significat: sed *late* & *improprie* pro Catalogo librorum omnium, qui in Ecclesia ædificationis qualiscunque gratiā legebantur, quō latiori sensu etiam Concilium Carthagenense & Augustinum vocem *Canonis* accepisse supra audivimus.

XLVIII. Inaudita proinde audacia fuit Concilii Tridentini, quā, & quidem presentibus tantum 70. Concilii membris, iisque præcipue Hispanis aut Italis, nec ipsis hac in re satis conspirantibus (contradixisse enim huic temeritati non infimæ sortis Theologos Pontificios, ipse testatur Paulus Suave Polanus Pontificius Hist.

Concil. Trid. lib. 2. pag. 134.) libros Apocryphos tanquam divinos & *patri pietatis affectu* suscipiendos test. 4. Ann. 1546. die 8. Aprilis Ecclesie obtrudere non erubuit. Ostendite nobis, vos Domini Jesuitz, ex tota antiquitate vel ullum Concilium, vel ullum S. Patrum, qui scripserit, Apocryphos esse *patri pietatis affectu ac reverentia* cum Canonicis suscipiendos? nullum nominare poteritis. Solius Concilii Tridentini vestri id opus est: illud hic more solito adilitatem gessit sine iustis, suo arbitrio Divinitatem dispensavit, adeoque in Deum ipsius involavit.

PARAG. III.

DE

Cœlibatu & vitâ Monasticâ.

I.

MOnachi & Moniales, quales hodie in Romana Ecclesia conspiciuntur, quorumque Religionem Bellarminus lib. 2. de Monach. cap. 2. definit, quod sit *status hominum ad perfectionem Christianam per paupertatem, continentiam & obedientiam vota tendentium*, nova sunt orbis Christiani monstra, Scripturæ & veræ antiquitati prorsus ignota, quantumcunque etiam D. Jureconsultus noster nobis vitæ Monasticæ antiquitatem commendare allaboret! Quis enim quælo, Apostolorum temporibus aut seculis ea proximè secutis ejusmodi cucullatos aut discalceatos Monachos ostenderit, qui, nuncupato triplici voto, imaginatione singularis meriti turguerint?

guerint! Sed quicquid sit de vestibus corporisque habitu, de quibus plura deinceps: dicemus jam tantum de essentialibus Monachatus, id est, tribus votis, quæ statui Religioso, teste Zanchez tom. 2. oper. moral. lib. 5. cap. 1. ita sunt annexa, ut illis sublatis, & iste tollatur: unde & ab Azorio Inst. moral. tom. 1. lib. 11. cap. 32. substantialia dicuntur. Rationem suppeditat Bellarminus lib. 3. de Monach. cap. 2. quia tres illæ virtutes, Paupertas, Continentia & Obedientia sunt instrumenta aptissima atq. utilissima ad Monachis propositam perfectionem acquirendam. Concupiscentiam carnis tollit Continentia, concupiscentiam oculorum Paupertas, superbiam vita Obedientia. Lynceis si quis prioribus Christianismi seculis instructus fuisset oculis, tamen ejusmodi Monachos Pontificios videre non potuisset.

II. Persuadere tamen nobis conatur D. Jureconsultus, multos tales non modo Apostolorum temporibus, sed etiam ante eorum tempora extitisse: imò ipsos Apostolos tales fuisse: Fateri etiam Theologos & Historicos cum Reformatos tum Lutheranos, sacrum illum statum, quemadmodum in personis Apostolorum fuerit inchoatus, ita non longè post Ascensionem Christi à seculo ad seculum sine interruptione fuisse continuatum, imò à plerique S. Patrum servatum, &c. Inter Monachos antiquissimos in sequentibus speciatim refert Eliam & Eliazum. Nugæ sanè nugacissimæ! Sed respondeat ei Rovenius, Archiepiscopus Philippensis Reipubl. Christ. lib. 1. c. 31. Quidam, inquis, (ut sunt Zanchez, Capuchinus, Stellarius & alii.) nimis alè initia Monachatus petunt ab initio prope mundi. Sed hi advertere debuerunt, non idem esse virtutes Monasticas exercere & esse Monachum: nam rectè quidem dicitur, optimum quemque fuisse continentia, frugalitate, tolerantia, mortificationis,

T 3

pietas.

pietatis, familiaritatis cum Deo (qua vera sunt Monachorum ornamenta) amantissimum; nemo tamen inde sapienter concludet, NB. institutum illud & consilium Monasticum, quod nunc viget, ab illis hominibus initium sumpsisse. Si Seth, Enos, Noë Dei nomen invocârunt; quidam etiam castitatem coluerunt, an idèd Monachi extiterunt? In Nazareis aliqua figura posset agnosci Monachatus, ed quòd sanctioris vita causa se separabant, votum austerioris disciplinae mittebant, certos ritus abstinentia observabant. At voracorum us plurimū erant temporaria, & nemo propter ista vota ad Cælibatum tenebatur. Ex paulò post. Hieronymus quidem Epist. 4. & 13. Monastice vitæ institutum ad Eliam & Eliseum ac filios Prophetarum refert, alibi tamen in Epistola ad Eustoch. ad Paulum primum Eremitam. Sed certè imaginem quandam Monachismi in Elia & Eliseo & filijs Prophetarum quoad abstinentiam & austeram vitam, imò & communem vitam, agnoscimus, non autem vota paupertatis, castitatis & obedientie. Si autem non vota, ergò nec vitam Religiosam cum hodiernis communem: siquidem teste Bellarmino, essentia vitæ Religiosa in votis illis ab omnibus hujus temporis Religiosis constituitur. Mirum autem, cum Elias & Eliseus inter veteres Monachos referendi veniant, cur ergò cum alijs Monachorum Patronis non colantur templis, aris & imaginibus? cur nullæ orationes peculiariter ad eos dirigantur? cur in Litanijs non æquè dicatur: Sancte Elia, sancte Eliseus, quàm S. Franciscus, S. Dominicus, &c. Ora pro nobis? Fortè hoc fit, quia Elias & Eliseus tria vota Monastica, Monachatus essentialia, fuerunt obliti: aut quia sanctitatem suam debent Deo, cum Franciscus, Dominicus & alij Monachorum Patroni suam soli Papæ debeant.

III. Johannes Baptista & Apostoli Christi si fuerunt

runt monachi, ubi leguntur ipsorum vota? quæ utique, ut supra ex Zanchefio audivimus, statui religioso ita sunt annexa, ut illis sublati, tollantur. Audi interim rursus verbum Archiepiscopum Rovenium. Si ad N. Test. trans-
eamus, inquit ille l. supra cit. sunt qui primum aut horem observantia Monachalis Christum Dominum ponant: quem acriter contendunt tribus etiã votis persunctum, castitate, obedientia, paupertate. Hunc secutos esse Apostolos, de quibus dicitur Matth. 19. Ecce nos reliquimus omnia, & secuti sumus te. Proinde Christum & Apostolos verè Monasticum vivendi ritum exorfos. Christum enim etiam adolescenti consilium dedisse, si vis perfectus esse, vade & vende omnia, quæ habes, & da pauperibus, &c. Multo magis Apostolos id consilii sectatos, ut Christianorum ad perfectionem duces. Unde D. Thomas 2.2. q. 88. art. 4. ad 3. Apostoli, inquit, intelliguntur voluisse pertinentia ad perfectionis statum, quãdo Christum relictis omnibus sunt secuti; veruntamẽ hinc non efficaciter concludetur, illam Religiosa vita formam, qualis nunc est in Regularibus, in Elia, Elisao, Iohanne Baptista, Christo Domino, Apostolis, ac primis Apostolorum discipulis præcessisse, &c. Et paulò post. Dicere primos illos fideles cum Apostolis & Discipulis fuisse veros Monachos vel Canobitas, parum habet fundamenti. Nisi fortasse dum plebs Christiana continentia & sobrietati ad tempus vocat (ut olim Nazarai) vel dum puerè castèq; imperatam sibi Quadragesimam observat, ac divino servitio instat, Monachari dicenda sit: velleos, qui ad tempus exercitia domestica habent, Monachos factos dicamus, etiam si etiam conjugati fuerint, quales nonnullos ex primis fidelibus fuisse constat. Rectius forte Pontificii, ad tollenda ista de Monachorum origine inter solitigia, ad Diogenem Cynicum provocarent: eum enim, cum fugerit aliorum hominum consortia, imò adeò amaverit solitudinem, ut
vitz

vitz suz tempus in cranio, tanquam in monasteriolo transigere maluerit, quàm aliorum hominum consortio interesse, quis putet indignum esse, qui Monachorum Pater ac Princeps salutetur? Restamen planior evadet, si ab ipsis Phariseis Monachismus suum deducant. Respondet enim optimè & nomen & omen. 1. Nomen *Phariseorum* adeo respondet, ut etiam hodie adhuc Judæi Monachos פרושים nuncupent: nec immeritò, cùm utrique ostendant in oculis hominum פרושים פרושים פרושים *se esse separatos à mundo, & homines justos.* ut notat Kimchi ad Zachar. 2. Pharisei volebant cæteris esse sanctiores Luc. 16. 15. & 18. 11. Idem & Monachos facere; notius est, quàm ut dicere sit necesse. 3. Pharisei libero arbitrio ἀναγοεῖαν ad utrumque oppositorum tribuebant, contendentes, licere homini facere, quæcunque velit, τὸ μὲν παράττειν τὰ δίκαια καὶ μὴ ἀλλὰ τὰ πλεῖστον ἐνὶ τοῖς ἀνθρώποις νεύειν Joseph. l. 11. de bell. jud. c. 12. Annon gemina etiamnum hodie à Monachis urgentur? 4. Pharisei ex spiritali fastu gaudebant vocari patres Matth. 23. 9. Monachis hodiernis quid etiam hoc titulo gratus? quem interim illis non invidemus, ut nec Poeta ille, qui cecinit;

*Non male sunt Monachis grata indita nomina Patris,
Cùm numerent natos hic & ubique suos.*

5. Pharisei circuibant mare & aridam, ut facerent unum profelytum Matth. 23. 15. Annon idem adhuc hodie præstant Monachi per Missionarios suos? Annon mare & terram circumeunt, in hoc unum intenti, ut Ecclesiam Papalem augeant? 6. Pharisei quantopere non cathedrâ Moïsis gloriabantur? Annon eadem adhuc hodie præscriptione utuntur Monachi? 7. Pharisei passim crepabant suas Traditiones, quas deinde Seniorum nomine

mine speciosè venditabâr, opinantes, nō omnia dogmata cōtineri in Scripturâ, sed attendendas esse traditiones Seniorum, quibus Scripturârū defectus suppleatur. Vide Matth. 5. 15. 23. & 15. 2. Luc. 11. & alibi. Annon idem faciunt hodie Monachi? An ovum ovo similius? dum non contenti Verbo DEI scripto passim crepant suas Traditiones seu verbum non scriptum, cujus additione Scripturæ defectus suppleatur. 8. Pharisei studiosius observabant suas Traditiones quàm legem scriptam, & transgrediebantur, & irritum faciebant mandatum Dei per Traditionem suam Matth. 15. 3. Idem faciunt Monachi, putantes se gravius peccare, si ineant matrimonium, quàm si scortentur. 9. Pharisei vestibus volebant distinguere ab aliis Matth. 23. 5. sic & Monachi. 10. Pharisei opera supererogatoria jactabant: sic & Monachis nostris quid frequentius, quàm jactare opera supererogationis? quibus non tantum sibi eminentissimum in cœlo gradum, sed etiam aliis se mereri posse gloriantur. Discipuli Christi, factis licet omnibus, quæ ipsis erant præcepta, dicere nihilominus debebant ex mandato Christi: *servi inutiles sumus: nam fecimus, quod debuimus facere* Luc. 17. 10. At Monachi nostri hoc dicere non habent necesse, cum plura faciant, quàm ex præcepto tenentur: sunt proinde servi valde utiles. 11. Pharisei dilatabant phylacteria tua, & omnia opera sua faciebant, ut spectarentur ab hominibus Matth. 23. 5. Idem & Monachos facere, nemo, nisi qui illos non novit, negaverit. Phylacteriis optimè repondent à cingulis & manibus eorum propendentia Rosaria, quæ eò majora sunt, quod illi cæteris hominibus volunt haberi sanctiores: ad horum calculos per publicas plateas & in angulis, maxime autem, ubi aliqua vel crucis vel B. Mariæ imago offertur,

ferrat, quasi attoniti stantes, preculas suas demurmurât, signo crucis toties se munientes, ut necesse sit, diabolum quàm ocysimè fugam capere. 12. Pharisei bis hebdomade jejunabant Luc. 18. 12. jejunant & bis Monachi, nimirum die Veneris & Saturni. Non dicam jam brevitatis gratiâ de domorum viduarum, obtentu longarum precum, expilatione, votorum professione, & quæ sunt id genus alia, hodiernis Monachis ad eò respondentiâ, ut ovum ovo & lac lacti non existat similis. Quidni ergò D. Jureconsultus noster Monachorum suorum ortum rectius à Phariseis quàm Eliâ, Eliséo, Johanne Baptistâ aut Apostolis (qui utique insuper fuerunt Ministri extraordinarii, ut proinde ab illis ad ordinarios non procedat consequentiâ) deduceret?

IV. Fateri Reformatos & Lutheranos Theologos ac Historicos, hodiernorum Monachorum statum in Apostolis fuisse inchoatum, ac deinceps à seculo ad seculum continuatum, falsissimum est. Nullus hoc fateretur: sed distinguunt illi sedulò inter Monachum & Monachum: inter Monachos veteris ævi & inter Monachos posteriorum ac hodiernorum maximè temporum. Monachos fuisse olim, sed demum seculo quarto, Auctoribus Paulo & Antonio, (quem posteriorem D. J. falsò dicit Anno 295. obiisse, cum demum, vel ipso Jesuita Bebio teste *Chronolog. Append. 5. Anno 361. mortem oppetierit*) non negant, sed tales fuisse, quales hodie sunt in Ecclesia Rôm. omnes negant: & quidem merito. Hodierni enim à veteribus non minus differunt, quàm simia ab hominibus. Nam 1. Monachi veteres solitudinem quærebant & eremum procul ab urbium negotiis & strepitu (Hinc *Mixæ* Græcis etiam *παρὰ* dicunt, qui solitariam vitam agit, cum Poëta

Poëta Bellerophonte ipse suum cor edens, hominum vestigia vitans. Ipse Antonius, Monachorum princeps, testetur Zomeno lib. 1. Hist. Eccles. c. 12. ait, ita eremum Monachus, ut piscibus aquas convenire. At verò hodie Monachi gregatim vivunt (forte, quia dicente Davide Psal. 133. 1. Bonum est & jucundum habitare fratres in unum) splendidis suis palatiis urbes replentes & primas in earum strepitu tenentes. Olim, fatente Archiepiscopo Rovenio loc. supr. cit. vastos eremi secessus penetrare non timebant, imò quò horridior & incultior erat eremus, eò convenientior Monachorum habitationi censebatur: at hodie quò mollius & felicius in Europa solum, eò frequentius Monachorum in eo habitaculum; dixerit licet Hieronymus ad Heliodorum; Interpretare vocabulum Monachi, hoc est tuum: quid facis in turba, qui solus es? Et ad Paulinum: Si cupis esse, quod diceris, id est, solus, quid facis in urbibus? quæ utiq; non sunt solorum habitacula, sed multorum? Cui concinit & illud Isidori Orig. lib. 17. cap. 13. Si solitarius interpretatur vocabulum Monachi, quid facis in turba, qui solus es? 2. Vetères Monachi, teste Augustino cap. 31. de Morib. Eccl. Cath. operabantur manibus, quibus & corpus pasci posset, & à Deo mens impediri non posset. At hodierni aut malunt mendicare quàm fodere, aut benè dotati otio litant; ut deliret Bellarminus c. 41. de Monach. cum sibi sumit probandum, licere Monachis manibus operari, cum id omnino ex præseco Monachorum instituto necessarium sit. Scripsit olim B. Augustinus librum de LABORE MONACHORUM: hodie si viveret, grandioreni necesse haberet scribere de MONACHORUM OTIO & MENDICITATE. Ostendat nobis D. Jureconsultus ante Dominicum & Franciscum (qui Ordines suos, teste Be-

bio, demum Anno 1209. instituerunt) ullum Monachum, qui Religionem fuerit professus ex tribus votis, ut hodierni solent! 3. Veteres Monachi humi dormiebant: potus erataqua: cibus, panis, herbae ac radice: praecipue lautitiae in oleo & ciceribus, ut praeter Gregorium Nazianzenum, Basilium & Chrysostomum, Augustinus tradit cap. 31. de morib. Eccles. Cathol. At hodie vix ulli tam austeri reperiuntur *Patres*, quorum palato praeter opima & opipara fescula, ros ille *Liberi Patris* non arrideat. Quod haud dubie Poëtam illum non latuit, dum tam suaviter ipsis cecinit:

Vos Monachi, stomachi vestri sunt amphora Bacchi:

Vos estis, Deus est testis, te exrema pestis.

Num forte ad hanc Monachorum laginam alluserint illi in Papatu, qui S. Antonio, primo Monachorum conditori, appinxerunt porcum, eique (ut S. Eligio equorum, S. Huberto canum, S. Feriolo anserum, S. Gallogallinarum, &c.) tutelam porcorum commiserunt, D. Jureconsulto nostro paulò penitus perpendendum reliquimus. 4. Veterum Monachorum, ut notat Erasmus in vit. Hieron. vestitus simplex fuit, neque tamen praescriptus, sed suo cuique arbitrio sumptus. Ipse Hieronymus ad Eustoch. scribit. *Vestis nec sis munda nec sordida* & NB. nulla diversitate notabilis, ne ad te obviam praerecurrentium turba consistat & digito monstretur. At in hodiernis quanta non habituum diversitas? quis praerecurrentium ad variegatos mirosque eorum cucullos non consistat, eosque digito monstret? Paulò post idem Hieronymus ait. *Sunt, quae ciliois vestiuntur & cucullis fabricatis, ut ad infantiam redeant, imis autur nocturnas & bubones; sed ne tantum videar disputare de feminis, viros quoque fuge, quos videris catenatos, quibus faminei contra Apostolum,*

Solum, crines: hircorum barba, nigrum pallium & nudi patientia frigoris pedes. Diceret hos exorbitantes, quos Hieronymus hic reprehendit, præcursores fuisse hodiernorum Capucinatorum, Carmelitarum, Franciscanorum, aliorumve cucullatorum Fratrum. Quid autem hodie dicturum bonum illum Patrem & reliquos cum ipso putemus, si audirent (teste Azorio Instit. Moral. tom. 1. lib. 12. cap. 3.) in Papatu aperte doceri, *per habitum vite Monastica susceptum restitui hominem ad eum statum, in quo est quispiam, cum sacro baptismo renascitur: nec Monachum rationem redditurum de peccatis ante monasticam vitam admissis, &c.* Si viderent, nonnullos eò superstitionis esse progressos, ut virtutem singularem sanandi morbos cucullis Monachorum, præsertim Franciscanorum tribuant. Scriptor vite Bernhardi lib. 4. c. 1. refert, Monachum quendam ægrotantem, cucullo Bernhardi imposito, illicò convaluisse, ejusdemque stolâ diabolum ex quodam viro ejectum esse. Narrat etiam Vincentius in Spec. historiali lib. 31. cap. 104. Petri Mediolanensis capâ nobilis cujusdam filium angina laborantem sanitati restitutum esse. Quin sanctitatis habitus Franciscani opinio ad eò invaluit, ut non tantum pueri infirmi ab in eunte ætate eò induantur, sed & Imperatores & Reges illo sepeliri voluerint. Mirum, quòd Jesuiticus non præferatur, cum is haud dubiè tanto sit sanctior, quanto ipsi, utpote *Socij Jesu*, cæteros Monachos superant. Et quid? Annon Carmelitarum cappa Franciscanorum cucullo præferenda? cum ipsa B. V. Maria hæc induta non duntaxat comparuerit Johanni XXI. sed etiamnum eadem singulis diebus Sabbati induta descendat in purgatorium ad eripiendos Carmelitas, uti hoc pluribus legere est in libello Ann. 1660. Coloniz impresso, inscripto

Marianischer Gnaden-Schatz cap. 3. Bellarminus
 iudicans necessarium esse, ut semper novi Ordines exoriantur,
 hanc dat lib. 2. de Monachis c. 3. rationem, cum omnis
 Ordo in initio ferueat, & mutatos homines ad pietatem excitet:
 potuisset & hanc addere; quia per novos Ordines novi ori-
 untur cuculli, quorum virtute hominum sanitati consulitur.
 Quod fortè non observavit Innocentius III. non fa-
 cturus aliàs in generali Concilio Decretalem hanc Extr.
 lib. 3. de Relig. c. 9. *Nenimia Religionum diversitas gra-
 vem in Ecclesia Dei confusionem inducat, firmiter prohibe-
 mus, ne quis de cetero novam Religionem inveniat; sed qui-
 cunque ad Religionem se converti voluerit, unam de probatis
 assumat. Sed sufficit nobis, Christum sub ejusmodi ha-
 bitu non latere. Vix fallacia eorum, inquit Cardinalis
 Cusanus Ex. lib. 7. qui sub habitu Christi apparent, potest
 sciri ob suam varietatem. Nam alius quidem sub hac veste,
 alius sub capitis, alius sub hoc Religionis signo, alius sub alio,
 Christo se militare asserit: licet penè omnes, non quæ Christi,
 sed quæ sua sunt, quarant. Omnes enim student avaritia, à
 maximo usque ad minimum. Et in omnibus una doctrina com-
 petit in eorum fallaciam, scilicet ex fructibus eorum cognoscetis
 eos. 5. Olim monastica collegia erant veluti semina-
 ria Ecclesiæ, in quibus juvenus informabatur & dirige-
 batur in timore Dei: Unde Chrylostomus narrat, suo
 tempore ad ea juventutem fuisse missam. Ergò, ait
 lib. 3. adv. vitup. vitæ monast. ne intempestivè liberos nostros
 à deserti commoratione revocemus, verum celestis studij disci-
 plinam in eis solidam promittamus, aliisque radicibus arbusæ
 firmari, & si decem annos sive etiam viginti nutriendi sint in mo-
 nasterio, non perturbemur. Dicit & Mutius in Chron. Germi-
 non alio proposito Carolum Magnum tot fundasse monasteria,
 nisi ut juvenus bene in illis instituta, utilis esset exemplo & do-
 ctrina*

Strinamini. Hodie verò sunt vel non secularum apum, sed ignavorum fucorum alvearia, vel spurcitia lustra, vel ambiciosorum scholæ, unde ad Prælaturas aliasque Ecclesiasticas dignitates anhelant, in quibus postmodum liberius Libero Patri & Veneri serviant. In pristino instituto si Monachi perseverassent, Reformati eos, dummodo votorum laquei & superstitio nemini vim fecissent, nunquam rejecissent. Audiat interrim D. Jureconsultus noster Cardinalium à Paulo III. ad Reformationem electorum sententiam (Exat Concil. Tom. 3. pag. 819.) *Alius abusus corrigendus est in Ordinibus Religiosorum, quò adeò multi deformati sunt, ut magno sine scandalo Secularibus, exemploque plurimum noceant. Conventuales Ordines abolendos esse putamus omnes, non tamen, ut alicui fiat injuria, sed prohibendo, ne novos possint admittere: sic enim sine ullius injuria cito deleberentur, & boni & Religiosi eù substitui possent. Nunc verò putamus optimum fore, si omnes pueri, qui non sunt professi, ab eorum Monasterio repellerentur. En tibi Monachos reiectos, non à Reformatis solum, sed etiam ab ipsismet Pontificiis.*

V. In tribus votis, ut suprà audivimus, putatitia vitæ monastica consistit perfectio, in voto (1) *paupertatis voluntaria*. (2) *Continentia*, seu (ut Petrus Canisius in suo *Catechis.* loquitur) *Castitatis perpetua*. (3) *Obedientia integra*. In primo elucet *Stultitia*, in secundo *impossibilitas*, in tertio *brutalitas*. Ut à paupertatis voto initium sumam, quis non videat, Monachos vovete paupertatem, ut paupertatem fugiant? nuncupare votum paupertatis in particulari, ut divitiis abundant in communi? Testantur id magnifica eorum ædificia, testantur ingentes reditus, testantur denique saginati ipso-

ipforum ventres. Uno verbo, existunt pauperes sine defectu. Deus prohibuit olim mendicitatem in populo suo Deut. 15. 4. At nostri mendicitatem opus supererogatorium constituunt. Mendicitatem & egestatem deprecatus est olim Sapiens Prov. 30. 8. dicens; *Paupertatem aut divitias ne des mihi, ale me cibo de mensi mei:* at isti paupertatem precantur & vovent. Paulus inculcat Act. 20. 35. *Beatius esse dare, quàm accipere*, sed cuculati nostri, axiomate Apostoli inverso, asserunt, *beatius esse, accipere & mendicare, quàm dare.* Idem Apostolus mavult manibus suis laborare, quàm mendicare, aut alienis cœtibus oneri esse, 1. Thess. 2. 9. & 2. Thess. 3. 8. Sed votarii nostri malunt mendicare & aliis oneri esse, quàm laborare. Hem votum Verbo Dei admodum conforme!

VI. Alterum est votum perpetuæ castitatis, per quod, ut loquitur Johannes Cruz de stat. Religionis cap. 5. fol. 37. *Religiosus abdicat à se omnes Venereorum delectationes, etiam sibi alias in statu conjugali licitas.* Hoc dum Sacrificuli vovent, perinde faciunt, ac qui vovent se prophetaturos, miracula edituros, aut novis linguis locuturos esse, siquidem donum continentiaæ æquè extraordinarium est, ac illa. Ut rem ordine absolvamus, fatentur 1. ipsimet Pontificii, votum esse earum rerum, quæ sunt nostri arbitrii: at cœlibatus non est donum omnibus commune sed singulare Matth. 19. 11. 1. Cor. 7. 7. quomodo ergò ab hominibus voveri potest? Non latuit hoc Fridericum Nauseam, Episcopum Viennensem: hinc in Catech suo Catholico lib. 4. cap. 9. Sacrificulos suos temeritatis postulat, scribens; *Ejusmodi votum videntur facere sacerdotes incautè vaneq., qui perpetuam vovent castitatem, & quidem maxime cum conditione,*
dicen-

dicentes, quatenus per carnis infirmitatem possint. Sed quid si carnis infirmitas non admittat & ipsi sint de iu, qui secundum Christum, verbum castitatis capere non possunt, nec donum continentia habere? Utrum melius uxorem ducere, an (quod absit) scortari: quod sub pena mortis à Deo prohibitum est. 2. Apostolus dicit, si se non continent, contrahant matrimonium: Nam melius est, matrimonium contrahere, quam uri, 1. Cor. 7. 9. At nostris votariis matrimonium contrahere non licet, quamvis se non contineant: Statuit namque Papa, melius esse uri, quam matrimonium contrahere. 3. Horribilem ac execrandam impuritatem votum hoc invehit in Ecclesiam, de qua maximè ipso- rummet Adversariorum, Gersonis, Petri de Aliaco, Alvari Pelagii & aliorum extant querelæ. Sed de his in sequentibus. Jam tantum exhibeo verba Lotharii Diaconi, postea Innocentii III. de contempt. mundi lib. 2. c. 12. Invadit (inquit ille, loquens de prava concupiscentia) senes & juvenes, mares & feminas, prudentes ac simplices, superiores & inferiores, ad extremam generationem etiam, sacerdotes. Qui nocte Venerem amplexantur, mane Virginem venerantur. Turpe dictu, sed turpissimum actu: Dici liceat, quod agi non liceat. NB. Noctè filium Veneris agitant in cubilibus, mane vero filium Virginis offerunt in altari.

VII. Monachus colophon est votum obedientia, quod aliàs ab adjuncto proprio dicitur cæca obedientia. Debet enim Monachus, inquit Bellarminus lib. 2. de Monach. c. 21. preposito parere & non discutere quid sit, quod precipitur, modo non sit manifeste peccatum, ac breviter talem se exhibere preposito, quales sunt oves ad pastorem & instrumenta ad opificem comparata. Et hoc Ignatius Lojola, Jesuitarum Coryphæus, ipsis fuscè inculcat in Epis. ad fratres in Lusit. de obed. virtute sect. 9. & 12, maxime vero sect. 18. ubi

sic ait. *Postrema subjiciendi judicij ratio est cum facilius tu-
tiorque, tum etiam apud S. Patres in more posita: Ut statuas
vobiscum ipsi, quicquid superior precipit, ipsius Dei preceptum
esse & voluntatem: Atque ut ad credenda, quae catholica fides
proponit, toto animo assensus, vestro statim incumbitis: Sic ad
ea facienda, quaecumque superior dixeris, NB. cæco quodam impe-
tu voluntatis parendi cupida, sine ulla prorsus disquisitione fe-
ramini. Sic egisse credendus est Abraham, filium suum Isaac
immolare jussus. En Lojola, veterani militis, pietatem!
quam sibi ex bello claudo pedere dux attulit. Eandem
obedientiam, quam Abrahamus DEO præstitit, Jesuitæ
Superioribus suis præstare tenentur: Vah cæcam obedi-
entiam vere cæcam! Deus & homo ratione obedientiæ
apud Monachos nostros sunt in pari gradu: Ut divina,
ita hominis voluntati sine ulla prorsus disquisitione, paren-
dum est. Vovent isti domini Deo, se ipsius loco in
posterum hominem habituros esse: Annon hoc egre-
gium votum! Dicit Paulus 1. Cor. 7. 23. *Prelio empti estis,
ne fiat is servi hominum* (scilicet servitute conscientiae) At
ecce hodie Christianos, qui se pretio sanguinis Christi
emptos profitentur, jugum tamen hominum tubeunt,
cæcoque impetu volucatis omnibus eorum imperiis ac jugis cer-
vicem plusquam servilem semper submittentes! Idem
Apostolus Gal. 3. 28. asserit in statu N. Testamenti non
esse *servum & liberum* (id est, quod atti-
net ad religiosam servitutem, non dari discrimen servi &
liberi) at si oculos in Monachos conjicis, videbis dari
adhuc juxta ipsos maximum fervorum & liberorum dis-
crimen. Jussit sane idem Apostolus captivari intelle-
ctum nostrum, sed *in obsequium Christi*, non in obsequi-
um hominis: At Monachi hoc voto non inter vos tan-
tum, sed etiam in bestias transformantur, dum se omni
volun-*

voluntate ac intelligentia privantes, unius miseri hominis, Dei loco habiti, libidini subijciunt. Sunt autem, quæ Domini Patres discipulis suis mandant, vel necessaria, vel non necessaria ad salutem. Si *primum*: cur Laicos eadem religione non astringunt? Si *posterius*, tenentur utique manifestæ impietatis, dum res ab homine præceptas & verbo Dei non contentas & ad salutem non necessarias à suis discipulis excipi volunt ut Dei ipsius mandata & pari religione & obedientia observari. Non addam jam, cæcam illam obedientiam non minus ac sigillum confessionis esse scaturiginem criminum desperatorum, ab iis committendorum, qui iussa Præpositorum *in omnibus* (ut loquitur Jesuita Orlandinus *Histor. Societ. Jesu lib. 10. p. 312.*) *sine ulla prorsus disquisitione* exequi tenentur, adeoque de iis, bona ne, an mala sunt, judicare non audent.

VIII. En tibi Monachos tuos Dn. Jurisconsulte! Quos quod tanto fervore quæras defendere, qui tibi det vitio, cum haud dubie, ex quo ejurata Reformata Religione peccata tua in aures eorum ingessimus, fidi & patientes eorum jugiter extiterint bajuli: Audiamus autem, quàm bellè eos, eorumque statum tuearis! Provocas. ad dictum Christi Matth. 19. 12. dicens; *Christum ibi recensere triplices Eunuchos, quosdam, qui ex utero materno tales nati, quosdam, qui manibus hominum tales facti, & denique, quosdam, qui se ipsos castrarunt propter regnum cælorum.* Ita est D. Jurisconsulte: Sed quid inde pro Monachis tuis? Num ergo illi, *qui se ipsos castrant propter regnum cælorum*, illico Monachi sunt? Annon requiruntur vota, Monachatus essentialia? Dicis, subaudiri verba, *voto perpetue Virginitatis.* Hæc quidem tua glossa est, sed falsissima, Quæro enim 1. Annon id, quod vovetur,

debeat esse in nostra potestate? Non negaveris, credo: Cum teste Bellarmino votum sit *res libera voluntatis & arbitrij nostri*. Atqui perpetua continentia non est in nostra potestate, quod liquet ex verbis Christi proximo antecedentibus; *Non omnes capaces sunt hujus sermonis, sed ij, quibus datum est*. Quæro 2. Annon Paulus se ipsum castraverit propter regnum cœlorum? Ipse fateris hoc in sequentibus: Atqui tamen non fecit votum. An negas? Audi Archiepiscopum vestrum Rovenium loc. supra cit. *Constat, nullum existere testimonium de tali solemnibus votorum emissionem ab Apostolis facta, Præterea hac emissio votorum in D. Paulo non poterit verificari*. Ergo hæc sui ipsius castratio non infert votum, adeoque nec Monachismum. Quid ergo? inquires. *Æ. firmum duntaxat propositum in cœlibatu permanendi, quamdiu donum illud divinum certis characteribus sese exerit, non minus quam si corpore eunuchi essent*. Audi ipsum Apostolum ita explicantem illud *ἡλικονία*. *Qui vero perstat, inquit 1. Cor. 7. 37. Stabilis in corde, nec addigitur necessitate, sed in potestate habet propriam voluntatem & hoc NB. decrevit in corde, ut conservet suam virginem, bene facit*. Dicis, Christum adpicere, signum attentionis, dicendo; *Qui potest capere, capiat*. Rem acu tangis, scilicet! Non dicit Christus, *qui vult capere*, sed *qui potest capere*, id est, qui donum ac vocationem in se sentit, seu, ut loquitur Maldonatus vester in c. 19. Matth. *qui capax est tantæ virtutis, ut sine uxore vivere possit, capiat*, id est, eo dono ac vocatione utatur. An hinc quid pro te D. jurisconsulte? Atqui cœlibatus, de quo hic Christo sermo, est præceptus & necessarius iis, quos Dominus dono illo ac vocatione instruxit. Mandatum enim est expressum in illis ipsis, ad quæ provocas, verbis; *Qui potest capere,*

capere, capiat, id est, qui Dei dono continere potest, debet continere; ad hoc enim à Deo vocatur, cui vocationi si resistit, peccat: donum enim Dei contemnit, nec eam sequitur vitæ rationem, ad quam per Dei donum vocatur. Cui responder illud Pauli 1. Cor. 7. 17. *Sed ut unicuique donum partitus est Deus, ut unumquemque vocaveris Dominus, ita ambulet*?

IX. Verum est, discipulos Christi reliquisse omnia: Dicit enim Petrus; *Ecce nos reliquimus omnia, & secuti sumus te* Matth. 19. 27. Atverò 1. non fecerunt hoc sponte sua & per paupertatis votum, ut Monachi Papales, sed iussi à Domino, ut vocationi, in qua nullos habuerunt successores, vacare possent. 2. Non reliquerunt omnia *simpliciter* (aliàs etiam vestimenta relinquere debuissent. Non abdicarunt se omnium possessione & usu. Testatur enim Lucas, Mathæum *derelictis omnibus*, surrexisse & secutum esse Christum, & nihilominus tamē cum paulò post in ædibus suis magno epulo excepisse cap. 5. 28. 29. Johannem quoque matrem Domini *et matrem* recepisse, ex ipsius Evangelio liquet cap. 19. 27. Imò ipse Petrus, postquam dixisset, *Ecce, reliquimus omnia*, reti suo arrepto absque ullo scrupulo cum aliis Apostolis piscatum abiit Joh. 19. 3. Ergò *relinquere omnia & habere propria*, atque aded uti propriis, non erant opposita, utcunque somniarint succedentibus temporibus Monachorum mendicabula) Sed *omnia*, quæ vel ordinarium promptumque eorum ministerium, vel liberam Christi vel Evangelii ipsius confessionem impediabant, cujusmodi utique dici nequeunt uxores legitimæ, quæ solatio & confirmationi fidei esse poterant. Et quæ Apostoli uxores suas reliquissent, qui jamjam ex ore Magistri sui audiverant,

uxorem non nisi ob scortationem dimittendam esse : Item, hominem derelicturum patrem & matrem, & agglutinatum iri uxori sue, &c., qui duo fuerant, fore eis capita plura, in carnem unam; adeo ut dicente Paulo 1. Cor. 7. 4. 5. vir proprium corpus non habeat in potestate, sed uxor, & le alter alteri subducere non debeat, nisi ex consensu ad tempus quoddam, & tum rursus simul convenire. Imò quod Apostoli non reliquerint uxores suas, expressè Paulus innuit 1. Cor. 9. 5. scribens; *Annon licet nobis adhaerere uxorem uxorem circumducere, ut & reliqui Apostoli & fratres Domini & Cephas?* Si Apostoli circumduxerunt uxores; Ergò non reliquerunt. Novi, quid regerant adversarii. Clamant, Paulum loqui de mulieribus quibusdam devotis & fidelibus, Apostolis, ut ancilla heris suis servientibus: vel de matronis quibusdam, quae ex pietatis zelo con fuerint secuta, ut ipsos in necessitatibus iuvarent, quemadmodum multa S. matrona Christum secuta legantur Luc. 8. Sic Bellarminus, Salmero, Bailius, Masenius & plerique alii. At clament ad ravim usque, incassum tamen clament. Nam 1. Apostolos proprias uxores dereliquisse & peregrinas circumduxisse, quis sanæ mentis credat? qui sic vitare potuissent suspiciones, maximè in tanto cum Judæorum tum Gentilium odio? Annon etiam id fuisset contra decorum & publicam ædificationem? *Fuerunt, inquit, mulieres devotæ.* Fortè tam devotæ, quàm Jesuitæ, quæ magnâ devotione Jesuitas sequuntur! At Canonistarum doctrina, quòd, *quamvis tactus & oscula sunt praludia incontinentia in Laicis, secus tamen sit in Clericis; cum Clericus presumatur ista facere pro charitate & bono zelo* (vid. Ravennas extr. de immunit. Eccles.) tempore Apostolorum nondum erat nota. Necdum didicerant Apostoli eorundem glossam 11. q. 3. can.

Si ergo amplectitur Clericus mulierem, interpretabitur, quod causa benedicendi eam, hoc faciat. Verum est, pias quasdam mulieres Christum fuisse secutas : At (1) Christus non circumducebat unam mulierem, sed à mulieribus colebatur, stipatus aliorum multitudine, quæ suspicioni, per solitudinem excitari solitæ, obstare poterat. (2) Mulieres illæ non solebant Christum ordinariè sequi, quod liquet ex admiratione, quæ incessabat ejus discipulos, cum viderent, eum cum muliere loqui Joh. 4. 27. (3) Mulieres, quæ Christum sequebantur, Christo *subministrabant exiis, quæ ipsis suppetebant* : His autem si similes fuissent eæ, quas Apostoli circumduxerunt ; Paulus profus contra scopum suum argumentaretur : testatur enim, se idè non circumduxisse uxorem, ne gravaret Ecclesiam Corinthiacam : at si tales, quales Christum sequebantur, circumduxisset mulieres, non utique gravasset, sed potius sublevasset Ecclesiam per eas, utpote quæ de suis Paulo fuissent subministraturæ : Necesse est ergo, intelligi conjuges legitimas, quod nos volumus. Et hoc etiam porro patet ex constructione Græca. Non dicit Apostolus, ἀλλὰ οὐκ ἑνὴν γυναῖκα in plurali, sed ἀλλὰ οὐκ ἑνὴν γυναῖκα in singulari, ut singulas singulis, non plures singulis adjungi intelligas. Non dicit etiam γυναῖκα ἀλλὰ οὐκ ἑνὴν uxorem sororem, seu (ut præter Salmeronem Jesuita Masenius *Medic. concord. art. 24.* ad causæ Pontificiæ splendorem conciliandum reddit) *mulierem sororem* ; sed ἀλλὰ οὐκ ἑνὴν γυναῖκα sororem uxorem, id est, quæ mihi sit in uxorem. Futilia sunt, quæ hîc regert Salmero tom. 14. disp. 16. *quæ ratione, inquit, uxor soror diceretur, si de uxore esset sermo ? & cur non addidit advocem mulierem articulum τὴν γυναῖκα, ut signifieret uxorem & non mulierem in communi ?* R. Sororem vocat

cat Apostolus propter communem fidei professionem propter quam & Paulus Thessalonicenses suos *Fratres* vocat 2. cap. 2. v. 15. Articulus autem, quae lege debuit praeire? Jesuiticâ: certè non Græcâ: Num ergo vox *γυνή*, destituta articulo, uxorem designare non potest? Erudiat Jesuitas (ut jam alia N. T. loca præteream Matt. 19. 29. Luc. 14. 12.) idem Apostolus. *ἵνα* (inquit 1. Cor. 5. 1.) *γυνῆα πατρὸς καὶ μητρὸς ἔχωι*, Ita ut uxorem Patris aliquis habeat. Vide & eundem 1. Cor. 7. 10. & 11. & 27. Eadem loquendi formula etiam aliis Græcis est usitatissima. Audi Diodorum Siculum lib. 12. *ἄλλοις βιβνύσται τῇ ἡλικίᾳ τοῖς ἔχωι γυναῖκα νεώτερην*, quidam proveciorum aetate cum haberet uxore junio-rem. Vide & Aristotelem Oeconomic. 1. c. 3. & LXX. Interpretes Ruth. 1. 4. Jud. 21. 23. &c. Sed dicite nobis Domini Jesuitæ: Si hic Apostolus per *sororem* intelligit mulierem, cur ergo addit *γυνῆα*? Num *soror* forte mas esse potest, ut lexum exprimi necesse fuerit? aut num forte in antecessu nō cōstat, sororē esse mulierē? Bellarminus lib. 1. de Cleric. cap. 20. Sic vocari sorores mulieres, sicut *Ἀδελφῶν* i. dicuntur viri, fratres. En bellam & Cardinale dignā responsionem! num dicitur, fratres viri, uti hic *soror* uxor? An non ordine præpostero ἀδελφὰς ἀδελφῶν? En Jesuitas ad incitas redactos! Patres nobis incassum opponuntur: Nam ut ut sint haud pauci, qui de alienis mulieribus interpretantur; Sunt tamen etiam, qui nobis assensum præbent. Inter hos est, ipso dicente Salmerone, Clemens Alexandrinus, lib. 3. Strom. Et præter hunc Eusebius lib. 3. hist. Eccles. c. 27. & Tertullianus lib. 1. de Exhort. ad cast. c. 8. Imo ex ipsismet Pontificiis Valla, Quid opus est, inquit ille Comment. in h. loc. addere mulierem, cum dictum sit sororem? Quare putat transferendum fuisse uxorem, cum præsertim dicatur numero singulari *γυνῆα*.

X. Subjungit quidem Dominus *ꝑ. 29.* *Et quis*
quis reliquerit domos aut fratres aut sorores aut patrem aut ma-
trēm aut uxorem, aut liberos aut agros, nominis mei causa, cen-
tuplicia accipiet & vitam aeternam hereditatu jure possidebit.
 At quis, licet alter Argus, hic videat vota Monachalia?
 Arbitrantur Domini isti hunc illorum Christi verborum
 esse sensum, quisquis, etiam sine necessitate & speciali
 vocatione, relictis patre, matre, uxore, liberis &c. statum
 monasticum elegerit, *ille* in hac vita *centuplicia accipiet*, id
 est, ex gregatio Monacho Prior, Abbas aut Praelatus, ex
 paupere Nobili dives Canonicus, Suffraganeus aut Epi-
 scopus evadet, & *vitam aeternam*, id est, coelestem aureo-
 lam possidebit: Quae interpretatio haecenus omnia mo-
 nasteria Monachis ac Monialibus; et omnes dioeceses
 Praelatis explevit. Res sane egregia! Si sicutur ad *astra*,
 via certe non est *aspera*! Verum hoc non est *in iustis tū iniquis*
et tū xpiis, sed sine necessitate ex temporaria libidine
relinquere patrem, matrem, uxorem, liberos &c. Multo mi-
 nus est, *relinquere domos, agros &c.* Etenim amplexuri vi-
 tam monasticam, domos, agros & pecuniam suam mo-
 nasteriis ac proinde etiam sibi, tanquam eorum mem-
 bris asservant, dicentes nihilominus; *pauperes sumus; vo-*
vimus Deo paupertatem. Haec sane non est mens Christi;
 Non vult ipse, ut quis relinquat uxorem & liberos &c. si-
 ne necessitate, imo ejusmodi derelictionem in eodem
 capite damnat *ꝑ. 6.* Sed hoc vult, nihil nimirum tam
 charum nobis esse debere, quin, efflagitante Dei gloria,
 ejus iacturam æquo feramus animo. V. G. Si uxor infide-
 lis marito suo cohabitare detrectet, nisi fidem abnegot,
 potius uxorem & liberos esse relinquendos, quam fidem
 abnegandam. Hanc esse Christi mentem, inter alia ex
 eo constat, quia, quod hic dicit ad Apostolos, *Luce 14. 26.*

Y

ad

ad omnes discipulos extendit, dicens; *Si quis venit ad me & non odit patrem suum & matrem & uxorem & liberos, & fratres & sorores, atque adeo suam ipsius vitam, non potest meus esse discipulus.* Aut igitur omnes Christi discipuli tenentur conjugio vale dicere; Aut Apostoli ex hac forma non tenentur. Agnoscunt hic nobiscum veritatem ex Pontificiis Maldonatus, scribens; *Non vult Christus matrimonium dissolvi, sed vult se uxori præferri, & si uxor virum impediat, quo minus Christum sequatur, uxorem relinqui;* Et Janfenius in Concord. Evang. c. 100. inquires; *Quemadmodum dixit Dominus, qui perdidit animam suam, inveniet eam, non hoc dixit, ut nos interimamus, sed ut ipsi etiam anima nostra fidem, quæ in illum est & amorem præponamus: Ita & nunc dicens, qui reliquerit uxorem, non hoc dixit, ut nuptias penitus dividat, sed ut ipsi quoque conjugii præponamus & ipsum & Evangelium & regnum Dei.*

XI. Dicit sane Paulus I Cor. 7. 1. *Bonum esse homini, mulierem non attingere:* At addit statim 7. 2. *Sed propter scortationes suam quisque uxorem habeto & proprium quæ, virum habeto.* Explicat etiam in sequentibus, quæ ratione hoc homini bonum sit, non quasi cœlibatus per se Deo placeat, tanquam sanctius vitæ genus, quàm conjugium, ut fingunt Adversarii, sed ob instantem necessitatem (hoc est, persecutionem Christianorum) 7. 26. & ob immunitatem ab afflictionibus in carne (id est, omnis generis curis & molestiis, quibus conjuges obnoxii sūt) 7. 28. Et hæc etiam sunt rationes, quare optat 7. 7. *ut omnes homines sint sicut ipse, id est, (non in perpetua continentia, ut D. J. vult: Sic enim humani generis interitus intra breve tempus expectandus fuisset) caelibes,* ad tempus scilicet, durantibus illis persecutionibus: Addit autem statim; *Sed unusquisque proprium donum habet ex Deo,*
alius

alius quidem ita, alius autem ita. Quo innuit, optationi suæ locum non dari, siquidem cœlibatus non dependeat à libero hominis arbitrio, sed à singulari Dei dono, quod huic sit concessum, illi vero non. Aberat proinde quæ longissime à mente eorum, qui cœlibatuum cujusvis libero arbitrio adscribunt. *Sed Apostolus iteratò dicit, inquit D. J. bonum esse, si perpetuo sic manerent.* En falsarium! Ut causæ suæ consulat, textum depravare haud dubitat, inferendo voculam *perpetuo* apud Paulum non obviam! Sed ad quid plura? Cum Apostolus toto hoc capite de fidelibus Christianis in genere, non de personis Ecclesiasticis in specie agat.

XII. Locus Apoc. 14. 4. s. etiam nullo modo causæ Pontificiorum favet: Nam *illi, qui illic dicuntur secum mulieribus non inquinasse, & ideo virgines appellantur, non sunt Monachi & Moniales, aut alii, qui per votum vitam cœlibem agunt: Sequeretur enim alias 1. nullos conjugatos, sed solos cœlibes salvatum iri, cum St. Johannes expressè dicat: hos emtos esse ex hominibus, primicias Deo & agno, & canticum illud novum non potuisse cantari à quoquam, nisi ab illis centum quadraginta quatuor millibus: Sequeretur etiam 2. conjugium esse pollutionem, contra illud Pauli Heb. 13. 4. Honorabile inter quosvis conjugium & cubile impollutum.* Quæ utique absurdissima sunt. Non igitur hic sermo est de corporali, sed potius spiritali virginitate, communi omnibus fidelibus: Unde & Paulus virgines appellat promiscue fideles, dicens 2. Cor. 11. *Præparavi vos, quos uni viro, ut virginem puram sistam, nempe Christo.* An nescit D. Jureconsultus ejusque Jesuitæ, alias etiam dari mulieres, cum quibus homines se inquinare possint? *Viderat utique idem St. Johannes mulierem, insidentem bestia coccinea, in cujus fron-*

te nomen scriptum: *Mysterium: Babylon illa magna, Mater illa fornicationum & abominationum terre* Apoc. 17. 3. 5. Cum hac forte plurimum se inquinant, qui de corporali virginitate plurimum gloriantur.

XIII. Quid etiam ad Monachitium statummandum, quod Paulus dicit Heb. 11. 37. *Oberrasse quosdam cum ovillis & caprinis pellibus &c.* Loquitur Apostolus de Prophetis V. T. ut liquet 32. & ad extollendam ipsorum fidem narrat, quot ac quantis calamitatibus fuerint obnoxii. In specie 37, quem D. J. allegat, ait, quosdam *fuisse lapidatos* (ut Zacharias, filius Jojadae 2. Chron. 24. 21.) quosdam *dissectos* (uti ex antiquitate Judaica constat de Jesaia) quosdam *tentatos*: aliquos *gladio casos* (ut factum tempore Manassis 2. Regum. 21. 16.) nonnullos *oberrasse cum ovillis & caprinis pellibus &c.* Quomodo autem, quaso, hæc in Monachos, aliosque votarios quadrant? Cum hi sancti Dei homines hoc fecerint necessitate adacti: ut manifestissimum est ex verbis proxime sequentibus, *afflicti male habitati, in desertis errantes, & montibus ac speluncis & cavernis terra*: Monachi autem faciant per votum spontaneum, ex superstitione & opinione meriti. Sed forte D. Jureconsultus alludit ad caprinas Monachorum, in primis Capucinatorum & Minoritarum barbas & vestes eorum ovillas sensu metaphorico, quo & Christus de *vestibus ovillis* loquitur Matth. 7. 15. Si hæc sit ipse mens, non opus erat Scripturam adeò torquere, cum nos Monachis has ovillas & caprinas pelles & crines non disputemus.

XIV. Nihil erat etiam, quod Dominus Jureconsultus ordinum Monasticorum diversitatem adeo creparet, nobis ejusmodi virorum defectu objiceret. Novimus enim, innumerabilem Monachorum in Papatu dari

dari multitudinem. Sola Francisci familia totum orbem adeo implevit, ut, dicente Rovenio Reip. Christ. l. 1. c. 12. *Magister istius Ordinis ausus fuerit aliquando Pontifici P. I. O. expeditionem in Turcas paranti, ex S. Francisci familia offerre 30000. bellatorum, qui bellica munera graviter obire possent, nihil Sacrorum cultui interpellato.* Addit ibidem, unum Observantium ordinem proximis annis centum fere millia Religiosorum habuisse. Novimus, dari Antonianos, Augustinianos, Franciscanos, Benedictinos, Bernhardinos, Carmelitas, Carthusianos, Cistercienses, Præmonstratenses, imo tot ordines, ut omnes, fatente eodem Rovenio, difficile sit numerare. Novimus, inquam, hæc D. Jurisconsulte, nec invidemus vobis etiam prærogativam, qua hæc in parte gaudetis præ Judæis, (quos alias ceremoniarum multitudine adæquare studetis) utpote qui tres duntaxat ejusmodi ordines habebant, nimirum Pharisæicum, Sadducaicum & Essæicum. Sed hoc vellemus ex rescire, ubi legantur in S. Scriptura ejusmodi Ordines instituti? Ubi mentio fiat ejusmodi hominum, qui tribus votis se adstrinxerint ad vitam monasticam, & quidem ex opinione meritali ejus singularis. Improbabat S. Paulus suo tempore, reperiri in Ecclesia Christiana, qui dicerent, *Ego sum Pauli, ego sum Apollos, ego sum Cephe* 1. Cor. 1. 12. At Papa vester, forte sapientior Paulo, hoc maxime in Monachis suis probat. B. Hieronymus quondam dicebat in Dialog. contra Luciferan. *Sicubi audieris eos, qui dicuntur Christiani, non à Domino Jesu Christo, sed à quoquo alio nuncupari, ut Marcionitas, Valentinianos. Scito, non Ecclesiam Christi, sed Antichristi esse Synagogam.* Subsume jam D. Jurisconsulte: At qui Antonius, Dominicus, Franciscus &c. unde Monachi denominantur, sunt homines: Ergo

secundum Hieronymum sunt AntiChristi Synagoga. Militent ergo Monachi tui & tu cum ipsis sub vexillo Francisci, Dominici & aliorum Papæ Sanctorum : Nos sub vexillo DOMINI IESU unice militabimus, *à simplicitate, quæ*, teste Paulo 2. Cor. 11. 3. *in ipso est*, nos nec à Papa nec ab ejus ministris abduci passuri.

XV. Verum est, Jesuitas non velle ex Ignatio, Patrono suo, dici *Ignatianos* (quemadmodum admiratores Francisci & Dominici, Franciscani & Dominicani dici volunt) sed è *societate Iesu*: At in hoc ipso intolerabilis istorum hominum sese exserit arrogantia; Qui communi *Christianorum* nomine, quo primævi Christi discipuli contenti fuisse leguntur Act. 11. 26. non contenti, à nōine Iesu se *Iesuitas* appellari volunt. Sed unde Jesuitæ hoc nomen nacti? Mōtaignes *de la verité defend. chapp. 66.* præten- dit, à Paulo III, Pontifice Romano, ad quem Ignatius Lojola (postquam, ut Thuanus loquitur lib. 37. ad ann. 1565. *ex militia redux nullum aliud decus aut emolumentum, quam membrorum mutilationem reportaverat*) sacrum Ordinem inchoaturus, se contulerat, hoc nomen impositum esse. Alii autem, inter quos est Maffejus lib. 11. *de vit. Ignat. cap. 5.* & Ribadeneira lib. 11. *de ead. c. 12.* eam exinde sibi deberi appellationem contendunt, quod Ignatio cum Sociis Fabro & Lainio Romam proficiscenti Deus Pater comparuerit, qui Iesu, filio suo crucem bājulanti, Ignatium cum Sociis amicissime commendaverit, quos Iesus etiam illico in suam societatem receperit, Ignatium hisce affatus verbis; *Ego vobis Roma propitius ero.* Alii, quibus accedit Nicolaus Orlandinus *Hist. Societ. Jes. lib. 2. n. 63.* volunt, Ignatio hujus appellationis occasionem præbuisse usum militare: Cum enim societates militares, quæ vulgo compaigniæ dicuntur, suorum ferè Ducum nomina gerant, judicasse eum, rectè etiam

sibi nomen, quod ne Apostoli quidem, ne dum alii Christiani, usurparunt, nec etiam usurpare voluerunt, haud ignari, nomen *IESU* in sensu suo formali esse incommunicabile, eique soli debere, qui solus populum suum à peccatis salvare potest. At est ille *Iesuitismus ex consilio Christi*, inquit Gretserus: Ubi autem extat illud Christi consilium Gretseri? Apostoli igitur istud consilium Christi aut sunt secuti, aut non secuti. Si sunt: Quare ergo etiam non voluerunt dici Jesuitæ seu Socii Jelu? Si non sunt; quanto igitur majores Apostolis existunt Jesuitæ: quam longe eos superant sanctitate Lojola discipuli! Cum eis non sufficiat præceptum Christi ut Christum sequantur; Sed insuper etiam ex consilio ipsius, peculiari studio eum sectentur. Sed cur Jesuitæ Societatem suam solo nomine *Iesu* insigniunt? Cur non etiam nomine Christi? Liquet hinc, Dominos illos se velle dici *Iesuitas*, non tantum quod, ut ait Gretserus, speciali instituto Jesum sectentur: Sic enim utique nihil obstaret, quo minus Ordinem suum etiam nuncuparent *Societatem Christi* (quod nunquam faciunt) sed quod una cum *JESU* velint esse *Salvatores*. Et quid hoc absurdi apud eos, quibus absurdum non est cum Bellarmino lib. 1. de Indulg. c. 4. asserere, viros sanctos aliquo modo *Redemptores nostros* esse, quique ratione sanctitatis & perfectionis reliquis Monachorum Ordinibus, qui tamen etiam se peculiari instituto Jesum sectari dicunt, se longe præferre non dubitant. *Incusant nos* (inquiunt Auctores libri de excellentia & perfectione Patrum Societatis *Jesu* pag. 33.) *superbia, quod Sociorum titulum usurpemus, & aliorum ordinum homines vix servorum nomine dignemur, quasi quisquam sit, qui sincero animo judicans non intelligat (audi & mirare horum Lojola filiorum arrogantiam) nos divina providentia*

dentia in normam & correctionem aliorum electos esse; ideoque
justum, dilectâ hanc congregatiōem ejus insigni & specioso aliquo
vocabulo à tot Monachorum & Fraternitatum N.B. inutilibus
sectis distingui. En Jesuitas, telluris utilia pondera!

XVI. Conjugium ministris sacris licitum esse, nemo
ignorat, nisi qui ignorat ipsam S. Script. *Honorabile est,*
inquit Paulus Hebr. 13. 4. *conjugium in p̄senti inter omnes,*
(sic vertunt ex ipsismet Pontificis Bellarminus, salmero,
Estius, Cajetanus & alii) & *torus impollutus;*
Scortatores autem & adulteros condemnabit Deus. Quo lo-
co etiam ipse Paphnutius contra cœlibatum Clericorum
est usus in Concilio Niceno, dicens; *Nolite grave ju-*
gum cervicibus illorum imponere, qui sacris sunt initiati: ho-
norabile enim est conjugium in omnibus. Audi & eundem
Paulum 1. Cor. 7. 2. *Ob scortationes,* inquit (nullâ pro-
fus nisi doni continentiae adhibita distinctione & limita-
tione) *ut & unusquisque suam habeat uxorem. Et 9. Quod*
si se non continent, ineant matrimonium: prestat enim inire
matrimonium, quàm uri. Et porro 1. Tim. 3. 2. *Oportet*
igitur Episcopum irreprehensibilem esse, unius uxoris virum,
vigilantem, temperantem, compositum, hospitalem, aptum ad
docendum; Non quasi Episcopus necessariò debeat esse
conjugatus, sed quòd si velit esse conjugatus, non nisi
unius uxoris vir debeat esse. Nec est, quòd adversarii
prædant, *ab Apostolis homines conjugatos urgente neces-*
sitate ex hominum cœlibum ad Ecclesia gubernationem apto-
rum defectu, promotos fuisse: nostrorum temporum aliam esse
rationem, quod in primis urget Jesuita Cusanus *in seiner*
Christlichen Zucht-Schul part. 6. cap. 11. Nam 1. si
temporibus Apostolorum, quæ fuerunt tempora virgi-
nitatis Ecclesiæ, Episcopis licuit esse conjugatis, quidni
iisdem & hodie liceret? siue velint, siue nolint, faten-
dum

dum adversariis est, per Canones Apostolicos, matrimonium & Episcopatum non esse, ut loquuntur, *impossibilia*. 2. Christus Dominus noster annon ad Apostolatum vocavit homines, quorum plerique erant conjugati? Quid autem eum ad hoc coëgit? An fortè hominum ad sacrum illud munus aptorum defectus? nequaquam certè. Cùm enim omnium corda in manu haberet, eaque donis necessariis instituere valeret, facile, si ipsi volupe fuisset, duodecim cœli bum animos ad Apostolatum permovisset. Præterea idem Apostolus. 1. Tim. 4. 1. 2. 3. interdictum matrimonii expressè refert inter notas apostasiæ novissimorum temporum, imò vocat *didascaliam & apostoliam doctrinam demoniorum*: Si nullus alius præter hunc in S. Codice occurreret locus, causæ Pontificiæ contrarius, quorum tamen multa supra adduximus, posset hic unicus ei pessundandæ sufficere. Latibula, quæ hîc D. Jureconsultus cum suis Monachis quærit, ficulnea sunt. Dicit, *damnari hîc ab Apostolo non Catholicos (id est, Pontificios) sed Encratitas & Montanistas, tanquam osiores conjugij*. At 1. quis ipsum docuit limitare & distinguere, ubi Scriptura non limitat & distinguit? Non loquitur Apostolus in specie de quibusdam, qui prohibeant matrimonium, tanquam *rem in se malam*, sed in genere de doctrinis quorumcunque Religionis causâ jubentium abstinere à cibis, prohibentium contrahere matrimonium: hoc autem cùm æquè faciant hodierni Pontificii ac veteres hæretici, non minùs damnat illos, quàm hos. 2. Etiam Montanistæ, teste Tertulliano cap. 25. de jejun. prætendebant, se non rejicere nuptias, ut malas, sed existimare, abstinendū ab iis esse majoris sanctitatis specie, adeoq; hoc Pauli oraculū non in se, sed in Tacianum Encratitarum Patrem & Marcionem potius quadrare

drare (quæ ipsissima ferè hodiernorum Papicolarum cantilena est) Damnatitamen à veteri Ecclesia Montanus & Montanistæ fuerunt , eisque hoc Pauli vaticinium accommodatum, ceuliquet in *Concil. Gangr. in præfat. & cap. 4. & 10.*

XVII. Sed inquit D. Jureconsultus, *Catholici, quantum ex ipsorum libris & experientia didici, non contemnunt matrimonium, potius referunt illud inter S. Sacramenta, &c.* R. Absolutè non rejiciunt, concedo : cùm illud approbent in Laicis, cujuscunque etiam sint conditionis : At rejiciunt & contemnunt illud in Clericis : Ita veteres Hæretici, Manichæi non damnabant nuptias absolutè, sed prohibebant eas suis Electis, teste Augustino *lib. 2. de morib. Manicheor. cap. 18.* Quanti à vobis fiat matrimonium, est in aprico. Nihil novi est in Papatu, imitari subindè veteres Judæos, qui Christum honorabant hisce verbis, *Salve Rex Judæorum*, eique interrim colaphos infrangebant. Nonne P'apa vester Siricius sub finè quarti seculi clericis matrimonio interdixit, abutus effato Apostoli Rom. 8. 8. *Qui in carne sunt, Deo placere non queunt?* (vide *Siric. Epist. 1. ad Himerium cap. 7.*) Nonne & Innocentius II. AN. 1130. iisdem matrimonium prohibuit ex eo, quòd minùs conveniens sit, ut ii, qui templis & altaribus destinati sunt, cubilibus & lasciviis vacent? (vide *Dist. 28. cap. 2.*) Nonne deniq; & Alex. III. ait, neminè posse simul voluptatib; & concupiscentiis carnalibus & cultui Religioso vacare? (vid. *Alex. 3. Extra de Cler. conj.*) Ergò secundùm hos sanctissimos Patres vestros vivere in conjugio est vivere in carne, vacare cubilibus, servire voluptatibus & concupiscentiis carnalibus. En quàm eximiè apud vos honoretur conjugium ! Scribit Cardinalis Bellarminus, Re-

ligiosos suum castitatis votum frangere, si ineant matrimonium, non autem, si fornicentur : Rationem addit lib. 2. de Monach. c. 30. *Quod se per matrimonium red-
dant impotentes ad servandum votum, quod non faciant, qui
fornicentur.* En matrimonium Papistis honoratum! Et
quid opus pluribus? quanti apud vos sit matrimonium,
tu ipse haud obscure innuis, dum illud passim castitati
opponis, & eos, qui vivunt in matrimonio, *inquinari* sta-
tuis pag. 47. Est ne hoc honorare matrimonium? Di-
cis, *Catholicos matrimonium referre inter Sacramenta a. 82.* Sed
perquam absurde & ridicule. Nam 1. matrimonium
exitit longe ante Christi nativitatem & quidem eodem
plane modo, quo jam sub N. Testamento, qui igitur dici
potest Sacramentum N. Testamenti? Nec est quod præ-
texant, *exitisse quidem matrimonium ante Christum, sed po-
stea immutatum fuisse à Christo & in sacramentum constitu-
tum.* Ubi enim, quælo, illa immutatio à Christo facta?
Ostendatur nobis vel unicus Scripturæ locus? Et quid,
quælo, signi & sacri, quid promissionis gratiæ hodie con-
stituitur à Pontificiis in matrimonio, quod non pari mo-
do repertum fuit sub Vet. Testamento? Fatetur ipse
Lombardus, Magister Sententiarum lib. 2. dist. 2. lit. 4.
*fuisse conjugium ante peccatum institutum, non utig. propter
remedium, sed ad Sacramentum & officium.* Videre etiam
est apud Becanum de Sacram. Matrim. cap. 44. quæst 4.
citatos varios ex Pontificiis, qui, ut ipse loquitur, *asserunt
matrimonium in V. T. fuisse etiam Sacramentum, ac proinde à
Christo non tam institutum esse, quam confirmatum, neque esse
proprium Nova Legis.* Imo ipse Leo I. Papa Epistol. 10.
ad Rustic. asserit, *Societatem nuptiarum ab initio constitu-
tam esse, ut præter sexuum conjunctionem haberet in se Christi
& Ecclesia Sacramentum.* 2. Ubi in matrimonio requisi-

ta veri Sacramenti? Ubi institutio divina? Ubi elementum? Ubi verbum promissionis gratiæ, matrimonio peculiariter annexum, ut per illud confirmetur & applicetur? Ubi materia & forma? De quibus omnibus tanta ipsismet Pontificiis intercedit convenientia, quanta capitibus vulpium Simsonis, caudis unitarum, à se invicem averfis. Matrimonium, etiam in V. T. institutum esse Sacramentum, præter supra citatos, affirmant Catharinus, Petrus à Soto, Alphonsus à Castro: Negant autem concilium Florentinum, Thomas, Scotus, Alensis; Imo ipsum Concilium Tridentinum sess. 24 can. 1. Sacramentum hoc conferre gratiam adjutricem, asserunt Thomas & Bonaventura, quibus calculum suum addunt Tridentini: At negant Lombardus & Canonistæ. Canus, Guilielmus Parisiensis & Canonistæ fere omnes volunt, benedictionem Sacerdotalem esse de essentia hujus Sacramenti: At hoc displicet Bellarmino, Majori & plerisque Scholasticis. Verba consensum testantia, esse *formam* & actus subjectos esse *materiam* hujus Sacramenti pertendit Thomas: At negat Major. Copulam carnalem huic Sacramento esse essentialem, statuunt Gerdolphus, Gratianus & alii: Renuunt autem calculum Canus, Thomas, Lombardus, Bonaventura. En Cadmeos fratres! Quorum litigia si quis penitius cognoscere desideret, consulat Celeb. Forbesium *lib. 9. Histor. Theolog. cap. 81.* Dicit quidem Paulus ad Ephel. 5. 32. juxta Vulgatum Interpretem; *Sacramentum hoc magnum est* (quo loco unice nuntur Papicolæ) At 1. Versio Vulgati vitiosa est: Cum in textu Græco habeatur, τὸ μυστήριον τοῦ τοῦ μέ-
γα ἐστίν, *mysterium hoc magnum est.* 2. Posito tamen, hanc versionem bonam esse, quid inde pro sententia Pontificiorum? Cum (a) Apostolus non loquatur de matrimo-

nio humano, sed de mystico Christi cum Ecclesia: Ipse enim subdit statim. *Dico autem de Christo & Ecclesia.* (8) Vulgatus Interpres Eph. 1. v. 9. & 3. v. 3. *Mysterium Evangelii nuncupat Sacramentum.* 1. Tim. 3. 16. pietatem seu incarnationem Christi vocat *Sacramentum magnum.* Apoc. 17. 7. *mysterium* Meretricis magnæ appellat *Sacramentum.* Dicant jam mihi Pontificii, num vox *puerior* istis locis obvia, denoter Sacramentum N. T. proprie dictum; An vero non? Si non denotat; dicant porro, cur hic ergo denoter? Si denotat; Pontificii non septem tantum sed decem, imo plura, habebunt proprie dicta Sacramenta & Meretrix magna erit Sacramentum Ecclesie Romanæ. 3. Sed quid opus est verbis? cum verbis illis Pauli describi Sacramentum proprie dictum N. T. Testamenti diserte negent viri præstantissimi ex ipsis et Pontificiis, Scotus 4. sent. dist. 26. q. 1. n. 12. Durandus *ibid.* quest. 3. Cajetanus *Commentar. in h. l.* & alii. Ut verbo, coque rotundo absolvam, referunt Pontifici Matrimonium inter Sacramenta proprie dicta N. T. non ex peculiari ejus cultu (notum enim est, multis parasangis ei cœlibatum ab illis præferri) sed ut adimerent Magistratui Politico in causis matrimonialibus notitiam & jurisdictionem (idque maxime propter emolumenta, inde ad ipsos quotidie redeuntia) quemadmodum eadem Curie Romanæ astutia Clericis prohibuit matrimonium, ut in tuto collocaret bona ecclesiastica, vide *Distinct. 28. Canon. de Syracusan.*

XVIII. Effugium, quod hic D. J. quærit prætendendo, *Ecclesiam Romanam nemini prohibere matrimonium, sed eos, qui vitam ecclesiasticam agere decreverint, post elapsos Novitatus seu probationis annos sponte sua vivere cœlibatum, vanissimum est:* Nam 1. annon ille, qui præcipit alicui extra

extra conjugium vivere, eo ipso ei prohibet conjugium?
 Certe æquè ac ille, qui præcipit alicui venenum bibere
 (ut olim Athenienses Socrati) eo ipso ei præcipit mori.
 Jam vero Ecclesia Romana omnibus Clericis præcipit
 extra conjugium vivere. *Vid. ult. Canon. Synod. Augustan.*
 Imo Concilium Tridentinum Sess. 29. can. 9. anathema-
 te percutit dicentem, *Clericos in sacris Ordinibus constitu-*
tos, vel regulares castitatem professos posse matrimonium con-
trahere, contractumque validum reddere, non obstante lege Ec-
clesiastica &c. Ergo agnoscit legem Ecclesiasticam, qua
 præcipitur, ut omnes, qui Ecclesie ministerium affe-
 ctant, extra conjugium vivant. 2. Nonne satis prohibe-
 tur conjugium, cum à sacris Ordinibus arcentur conju-
 gati, & ad eos votum cœlibatus, tanquam necessaria
 conditio, requiritur? Atqui hoc fecit Gregorius VII, Pa-
 pa Romanus; Ecclesie Ministros uxoribus privavit &
 sub excommunicationis pœna Clericis cœlibatus vo-
 tum præcepit; Instituta in hunc finem primitus Romæ
 Concilio, in quo decretum fuit, *ne quis Conjugati Sacerdo-*
tis Missam audiret aut ei decimas persolveret (ut testantur A-
 vent. lib. 5. p. 448. & Sigebertus Gemblac. An. 1074.) &
 missis deinceps in Germaniam literis, quibus Episcopis
 Germanis imposuit, *operam darent, ut Clerici conjugati vel*
uxores repudient vel muneribus suis priventur. Tacebo jam
 brevitatis gratia aliorum Paparum statuta. An hoc au-
 tem non est prohibere Clericis Matrimonium? Quod
 addis, eos, qui vitam Ecclesiasticam agere intendunt, sponte sua
 vovere cœlibatum, pariter futile est: Nam 1. præstant qui-
 dem cœlibatus votum Monachi & Moniales; Non au-
 tem item alii Clerici: Hi enim abstinent à conjugio non
 ex voto cœlibatus, sed ex lege Ecclesie: Audiuid non
 semel ex ipsis Sacerdotibus, quos ea propter interroga-
 vi:

vi : Nec contrarium liquet ex Ritualibus Pontificijs. Probant etiam Ecclesiæ Romanæ Doctores, Durandus & Scotus, quod Sacerdotibus non liceat in conjugio vivere, non voto sed legi Ecclesiæ unice adscribendum esse. 2. Votum, quod hic fit, non est liberum & spontaneum, ac proinde etiam non verum. Probo : Illi, qui internis ad Ecclesiæ ministerium donis ac vocatione instructus, illud affectat, aut licet inire matrimonium aut non licet. *Si licet*, habemus quod volumus : *Si non licet* : Ergo etiam liberum ac proinde verum non potest emitte-
 re votum. Concedat Papa vester iis, quos sacris Ordinibus consecrari voluit, libertatem vel contrahendi vel non contrahendi matrimonii, & nihilominus in statu religioso perseverandi, & illico liquebit, an omnes ii, qui in sacros Ordines recipiuntur, liberum & spontaneum coelibatus votum facturi sint, necne. Tempus Novitatus, sive jam ad unum (ut plerunque) sive ad duos annos extendatur, nihil confert ad libertatem hujus voti : nam, præterquam quod plerunque juvenes, nondum sui compotes, recipiantur, quod ego ipse sæpe vidi; illi, qui se per annum unum aut plures explorarunt, deprehendunt vel in se donum continentia, vel non deprehendunt : *Si non deprehendunt*, quomodo libere Deo vovere possunt continentiam, quam non habent ? *Si deprehendunt*, qui eam Deo vovere possunt in perpetuum ? Cum non sit in ipsorum potestate, nec sciant, an in perpetuum sint retenturi. Confer supra num. 6. Novi hic effugium Dominorum Jesuitarum. Dicunt, donum istud omnibus petentibus dari, hominesq; se ad id astringere posse, eo quod Deum rogantibus non denegetur juxta illud Christi, petite & dabitur vobis : Quemadmodum fidem, licet Dei donum sit, pollicemur : At hoc perquam jejunum est : Et possent
 Domini

Domini isti æque prudenter vovere, se Reges vel Principes evasuros, aut se divitias Cræsi nacturos, aut se Mathusalemum vivendo adæquatuos esse (quæ tria vota ipsis eriam perquam utilia essent: Nam sic possent aulis, quibus tamen delectantur, semper interesse, divitiis, quas valde amant, saturari, & hæreticorum, quos vocant, conversioni diutius invigilare) cum non minus & hic illud *petite & dabitur vobis*, si sine restrictione & de rebus ad salutem non necessariis intelligendum est, obtinere queat. Dicant autem nobis Domini Jesuitæ, an Votarii Papistici à Deo hoc donum petant, an non? *Si non petunt*, valde utique redarguendi sunt, quod preces tam utiles sibi, tamque necessarias negligant. *Si petunt*, preces ipsorum in auribus Dei perquam exiguae efficaciz sint, oportet; Cum & experienciâ & ipsis Pontificiorum confessionibus, quas in sequentibus audiemus, liqueat, ipsos magis Veneræ libidini quam Virgineæ castitati vacare. Dicant nobis porro, si donum continentiz tam facile precibus obtinetur, cur ergo ad conservandam virginitatem Origines se ipsum corporaliter castraverit? cur, ut supra audivimus, ad suppressendas libidines St. Franciscus in nive & St. Benedictus nudato corpore per duos & carduos se volutaverint? Fidei, charitatis & similium donorum ratio est diversissima; Illa enim ad salutem sunt necessaria: Hoc autem (scil. donum continentiz) non item: Illa sunt nostri officii & communis vocationis; Hoc vocationis peculiaris: *Non enim omnes sunt capaces hujus sermonis, sed ij, quibus datum est*, inquit ipse Salvator Matth. 19. v. 11. illa promitti possunt, quia omnibus præcipiuntur ac cum impetrationis certitudine, utpote quæ omnibus petentibus sunt promissa, à Deo peti possunt: Hoc quibusdam tantum, iisque paucis est

promissum. Generalis illa promissio *petite & dabitur vobiscum* restrictione à Domino in parabola posita, *Surgite & quantum opus erit, largietur*, est intelligenda. De necessitate autem illa non opinionis nostræ, sed divinæ sapientię est judicare. Sanè si hæc & huic similes promissiones generales sufficerent ad probandum, omnibus & singulis, modo petant, continentiam obtentu possibilem esse, Paulus utique, cui haud dubie illud præ aliis notum fuisset, non dixisset, *si se non continent, matrimonium contrahant*, sed, *si se non continent, petant & dabitur ipsis*.

XIX. Paulus. Cor. 7. 37. *rotundis verbis*, ut loqueris, non dicit, *quod dependeat à libera hominis voluntate perpetua continentia*: Sed tu rotundè hoc fingis D. Jureconsulte: Dixerat Apostolus versu præced. *Si quis se se existimat aliquid non decens in Virginem suam committere, si florem ætatis excedat, & ita debet fieri: quod vult, faciat! non peccat; jungatur matrimonio*: Jam vero subjungit; *Qui vero perstat stabilis in corde, nec adigitur necessitate, sed in potestate habet propriam voluntatem & hoc decrevit in corde suo, ut conservet suam virginem, benefacit*. Ubi hîc, quod homo habeat liberam voluntatem continendi in perpetuum? Observa, Apostolum elocaturò virginem suam, unam proponere conditionem, nimirum propriam voluntatem, *si putet indecens, virginem non nubere*, sed destituito virginem cœlibatui non hanc tantum proponit, *ut ita decrevit sed præterea, ut non adigatur necessitate, sed in potestate habeat propriam voluntatem*, id est, ut exponit Jesuita vester Salmero Disput. XIV. in 1. ad Corinth. 7. *Si non cogitur à filia ut contrarium faciat: nam si vides mores aut opera filia cogere ipsum ad elocandum, non debet ipsam cogere ad servandam virginis aetatem. Virginis enim voluntaria esse debet,*

debet, non coacta. Unde evidens est, non sicut omnes possunt elocare virgines, qui volunt, sic omnes posse coelibatui destinare, qui volunt: ac proinde quosdam velle, qui tamen non possint. Quid clarius in rem nostram? Constat quippe hinc evidentissime, non dari optionem ex æquo, id est, supposita sola voluntate, ut volunt Papi- colæ.

XX. Loca Deut. 23. 21. 22. & 27. Psal. 50. 14. & Num. 30. 3. in casum allegat D. Jureconsultus ad proban- dum, votum coelibatus obligare voventes: nam locis illis sermo est de votis legitimis: hoc autem, nimirum coelibatus votum, quale à Monachis & Monialibus vo- vetur, illegitimum est 1. quia diserte repugnat verbo Dei 1. Cor. 7. 2. & 7. Impium est votum, quo astringitur homo ad violandam Dei legem, ut morem gerat legi huma- næ. Lex divina est. *Si non continent, uxores ducant*, Lex humana. *Monachus non continens uxorem ne ducat, quia voluit coelibatum.* 2. Quia, fatentibus ipsis met Pontifi- ciis, Thoma 2. 2. q. 88. §. 6. & 8. & Jesuitâ Layman- no lib. 4. Tract. 4. cap. 2. id quod vovetur, debet *esse in potestate voventis*: At continentia est Dei donum, quod non ex arbitrio voventis dispensatur, sed paucis conceditur, Matth. 19. 11. 1. Cor. 7. 7. (3) Quia ejusmodi votum Deum tentat eique illudit: Perinde enim agit homo non continens, dum vovet continentiam, ac æ- ger, dum promitteret Deo, se non usurum remediis, quæ præcipiat ac porrigat. (4) Quia pugnat cum Chri- stiana libertate, in qua perstare nos jubet Paulus Gal. 5. 1. Cum enim potestatem matrimonii in casu necessitatis ineundi tollat, liquet sane, laqueum injici conscientiis contra voluntatem Pauli 1. Cor. 7. 35. (5) Non pauci ex ipsis met Adversariis statuunt, Papam non tantum in

voto simplici, sed etiam solemnī (quorum hoc, quia factum solemnibus ceremoniis, ab illo differre volunt, quodd post *illud* Matrimonium contractum in tantum valeat, ut rescindi non queat, post *hoc* autem prorsus sit invalidum ac nullum, ita ut ejusmodi Votarius, dum vivit in matrimonio, sit censendus vivere in continua scortatione) dispensare posse. Sic censet Tiraquellus *præfat. lib. de pœnit. num. 48.* Sic Jesuita Maldonatus *in summ. q. 12. art. 7.* & Azorius *Instit. Moral. lib. 12. 7.* Imo est hæc communis opinio Scholasticorum contra Thomam. Si jam Monachis & Monialibus, prævia Papæ dispensatione & beneplacito, non obstante ipsorum voto, matrimonium contrahere licet cur ergo iisdem, dum se dono continentia destitutos vident, per legem divinam, quæ vult, ut, *si non continent, matrimonium contrahant*, non liceat, non obstante eodem voto, matrimonium contrahere? Num forte verbum Papæ majus aut efficacius, quàm verbum Dei omnipotentis? *Melius est*, inquit Epiphanius Hæres. 61. *lapsus à cursu, palam sibi sumere uxorem secundum legem, & à Virginitate multo tempore pœnitentiam agere & sic rursus in Ecclesiam induci, velut qui mala operatus est, velut lapsus & fractus & obligatione opus habentem, & non quotidie occulte jaculū sauciari ab improbitate, quæ ipsi à Diabolo infertur: Sic novit Ecclesia prædicare.* At hæc non est Ecclesia Papistica: illa quippe rectius ducit, ut semel à cursu lapsus, eundemque lapsum repetens sæpius, in idem crimen incidat, quam ut matrimonio à Deo ordinato lublevetur. Audite Bellarminum. *Etiā post votum simplex*, inquit ille lib. 2. de Monach. c. 34. *aliquo modo est majus malum sic nubere, quàm fornicari: quia qui ita nubis, reddit se inhabilem ad votum servandum, quod non facit, qui fornicatur.* Audire & Jesuitam Costerum: Sacer-

dos,

dos, inquit is Enchirid. Tractat. de cœlib. *si fornicetur, aut domi concubinam foveat, tamen si gravi sacrilegio se obstringat, gravius tamen peccat, si contrahat matrimonium.* En pietatem papisticam !

XXI. Votum Jephthæ etiam cœlibatus voto in Papatu non faver ; Si enim Jephtha filiam suam in holocaustum obtulit, ut vult D. Jureconsultus contra alios Pontificios, Lyranum, Vatablum, Estium & alios (qui censent, eum filiam suam à mundo abstractam Deo consecrâsse) ergo non vovit cœlibatum filix, sed potius oblationem in holocaustum. Dices, *exinde tamen patere, quòd votum, Deo semel nuncupatum, sit servandum :* R. Si sit legitimû, quis in dubium vocat ? quamvis interim hoc exemplo, utpote singulari & extraordinario non sit standum : sequeretur enim, & hodie parentibus potestatem esse liberos suos mactandi & in holocausta offerendi, quod D. Jureconsultus non facile concesserit.

XXII. Dices, *Quòd castitatem vovere malum sit, repugnat Dei verbo, & quia Reformati nihil credunt, nisi expresse fundatum sit in S. Scriptura, vellem mihi de hoc (à Molinzo) allegato interdicto locum Biblicum citari.* Parum observans juris est D. noster Jureconsultus. Bisenim paucis hisce lineis injuriam nobis infert. Nam 1. Reformatos docere *malum esse, castitatem vovere*, ita simpliciter positum, falsum est. Castitas est virtus, omnibus regenitis communis, quam non negant DEO voveri posse, ita nempe, ut pius Christianus se in illo statu, ad quem à Deo vocatur, sive jam sit cœlibatus, sive conjugium, castè, piè & sanctè victurum & *vas suum possessorum cum sanctimonîa & honestate* 1. Tim. 4. 4. Deo polliceatur & voveat : quod votum etiam in communi baptismatis voto includitur. Hæc castitas non opponitur conjugio,

sed impuritati, ut ipse innuit Paulus, Hebr. 13. 4. *Honorable est conjugium inter quos vos, sed non est adulterium & concubile impollutum: Scortatores autem & adulteros condemnabit Deus.* Sic Susanna fuit casta, licet conjugata. Nec sperem, te dicturum, quod, ex quo in matrimonio vixisti, castitati valedixeris, licet Papa vester Siricius Conjugibus illud Pauli applicet; *Qui in carne sunt, Deo placere non possunt* Rom. 8. 8. Si vero tibi hinc idem est castum esse, quod continere (quemadmodum vocabula *castitas* & *continentia* saepius confundi, notum est.) Verum quidem est, Reformatos docere, quod malum sit, & verbo Dei repugnet simpliciter, absolute & irrevocabiliter, ut in Papatu sit, vovere castitatem: at etiam non minus verum, eos praecunte verbo divino ita docere. Vide num. 6. 11. 18. & 20. Praeterea etiam falsissimum, *Reformatos nihil credere, nisi expresse fundatum sit in S. Scriptura*: Ex quo Reformatorum hoc audivisti? ubi legisti? Tunc tamdiu professus es Reformatam Religionem, & nondum didicisti, quid Reformati statuunt? Num in adverbio *expresse* quæres effugium? frustraneus eris: quocunque enim modo illud accipias (sive pro eo, quod totidem verbis in Scriptura continetur, sive etiam pro eo, quod è Scripturis necessario inferitur & concluditur) semper in nos injurius existes: cum plura credamus, licet non tanquam ad salutem necessaria, quam illa, quæ sic in Scriptura continentur.

XXIII. Verum est, *Christum voluisse nasci ex Virgine, quæ & ipsa servaverit castitatem*: sed & non minus verum, ipsum voluisse nasci ex Virgine viro desponsa Matth. 1. 8. adeoque non ex tali, quæ fecisset votum coelibatus, ut Pontificii de B. Mariâ nugantur. Nam si Maria ejusmodi votum nuncupasset, fecisset hoc aut ante, aut post

post sponsalia cum Josepho : Neutrum autem dici potest : ergo tale votum non nuncupavit. Non ante : nam aliàs se Josepho despondere non potuisset, & quidem ita, ut ante revelatum sibi mysterium constituisset conjugalter ei cohabitare. Ita enim S. Scriptura disertè ait Matth. 1. 18. *Quum enim mater ejus Maria desponsa esset Josepho, priusquam ipsi convenissent, inventa est gravida esse ex Spiritu sancto.* Fuit proinde Josephi & Mariæ post sponsalia propositum convenire, id est, in conjugali societate vivere, quo sensu & Paulus verbum *συνιζήσαντες* usurpat 1. Cor. 7. 5. Agnoscit hoc ex Pontificiis Abulensis Quæst. 30. in Matth. Non post contracta sponsalia, cum non amplius fuerit suæ spontis B. Virgo, nec id voti genus ratum esse potuerit sine consensu sponsi, cum sponsa pro uxore quoad vinculi obligationem habita fuerit inter Judæos Num. 30. 13. Nec favent ejusmodi voto verba, quæ sanctissima hæc Virgo fecit ad Angelum Luc 1. 34. *Quomodo istud fiet, inquit, ἀνδρα ἢ γινώσκω. siquidem virum non cognosco?* Non enim dicit, non possum propter factum votum virum cognoscere, aut, ego in futurum non cognoscam virum : sed dicit, virum (nimirum in præsens) non cognosco, quæ verba non moralem impotentiam ob votum aliquod interveniens, sed tantum ejus virginitatem innuunt; quasi diceret : *Quomodo istud fiet, cum desponsa quidem sim viro : at nondum ei conjugalter cohabitarem?* Et quid? Quis non existimet, hanc beatissimam Virginem, si tale votum nuncupasset, Angelo, nativitatis nuncio, statim rotundis verbis dicturam fuisse, se non posse propter nuncupatum votum ulli nubere, adeoque nec filium parere?

XXIV. Verum etiam est, Sacerdotibus Vet. Testamenti

menti non nisi virgines ducere uxores licuisse : at quid inde pro voto cœlibatus D. Jure consulte ? Si duxerunt uxores, non voverunt utique cœlibatum. Optat quidem etiam Paulus, *ut omnes homines sint sicut ipse* 1. Cor. 7. 7. At addit y. eod. *Sed unusquisque proprium donum habet ex Deo, alius quidem ita ; alius autem ita.* Confer num. 11. Dicit quoque Christus juveni illi, *abi, quacunque habes, vende & da pauperibus, &c. & sequere me* Marc. 10. 21. at non dicit, *in cœlibatu* : hoc non legitur in textu : sed tuum est figmentum. Vixit quidem Servator noster cœlebs (quia nimirum non venerat genus humanum carnaligeneratione propagaturus, sed per sui ipsius oblationem sibi semen spirituale acquisiturus Jes. 53. 10.) at neminem jussit se sequi in cœlibatu, nisi continentiz donum à Deo singulariter nactum : secundum ipsum non aliter relinquendæ sunt uxores, quàm parentes ac liberi, idque ab omnibus æquè ac Ministris 18. 29. Præterea verba illa Christi ad juvenem non sunt *consilij*, ut volunt Pontificii, (Non enim per modum consilii proponatur, quæ sequi vel non sequi positum fuerit in ejus arbitrio, sed per modum præcepti, *abi, vende, sequere.*) sed speciale quoddam probationis seu explorationis mandatum continent, ei eo sine injunctum, ut testam superbiam & hypocrisin ipsi detegeret, quod obedientia omnibus mandatis præstira gloriaretur, cum tamen illorum mentem minimè intelligeret. *Laudat* quidem *Christus eum* : at tantum ratione *desiderij*, quod testabatur vitæ æternæ obtinendæ, & *studij* in implenda lege impensæ, licet nævis suis non destituti : non quasi, quod jactabat, à juventute legem observasset : nam tristitia, quam ex præcepto Christi concepit, satis testatur, quod amor ejus erga Deum perfectus non fuerit. *Vis tibi*

tibi homines, simile quid præstantes inter Reformatos monstrari, cum è contrario inter Catholicos multa millia reperiantur. Fatemur hîc lubentes paupertatem nostram D. Jureconsulte: Non habemus, & si haberemus, non amamus ejusmodi turgidos & perfectam legis observacionem pharisaicè jactantes Socienos, sive sint juvenes, sive senes: vos sit tot millia in Monasteriis vestris habetis, vobis prærogativam non invidemus, dicturi interim, dum ipsi cum Phariseo illo opera sua jactant, eorumque merita crepant, cum Publicano, Deus propitius esto nobis peccatoribus. Luc. 18. 13.

XXV. Non negamus etiam, contingere non raro in emporiis aliisque magnis urbibus, ut conjux negotiationum suarum ergo à conjuge profectus, integrum annum, aut quandoque etiam plures apud externos agat. At quid inde D. Jureconsulte? Dicis, si jam conjuges ejusmodi, locorum distantia à se invicem separati, licet continentia votum non nuncupaverint, gratia Dei nihilominus contineant, ut &, qui toro viduo cubare tenentur; quidni & isti, qui, postquâ se diu explorârunt, indefinèter hanc gratiâ a deo petunt, continerent? Verum frustra: nam D. Jureconsultus non ignorare debebat, hoc in casu ejusmodi conjugem à Deo ad continentiam vocari, ac proinde certò confidere posse, se, cum societate citra culpam suam destituatur, Deo autem omnis impuritas displiceat, in precibus suis, ratione continentia ad Deum fundendis, infallibiliter exauditum iri. Cum enim illi hoc in casu continentia ad salutem sit necessaria, nec aliud ei pro ratione istius temporis remedium suppetat, quàm ardentes preces, valet hîc divina promissio. *Quicquid petieritis in nomine meo, hoc faciam Joh. 14. 13.* Verum quid hoc ad illos, qui sine divina vocatione contra Dei

institutionem ejusque voluntatem precantur; sine necessitate, sed ex merâ petulantia & propria phantasia, tantum ut (ceu ipsi loquuntur) *caelestem aureolam mereantur?*

XXVI. Apostolos fere omnes in cœlibatu vixisse, falsissimum esse, supra modo demonstratum est, num. 9. Philippum quoque Evangelistam conjugatum fuisse, quatuor, quas habuit, filia extra dubium ponunt Act. 21. 9. Has quidem fuisse virgines, cum prophetarent, Scriptura asserit; sed quod tales semper manserint & quidem ex voto (de quo nobis quaestio est) ubi habetur D. Jureconsulte? Ubi habetur etiam, plurimos Patrum fuisse Monachos? Ubi leguntur tria ipsorum vota, monachatum constituenta? Si Sancti illi Viri viderent hodiernos vestros cucullatos Votarios, merito operum turgentes, abhorrerent ab illis tanquam à monstris, *vide num. 4.* Verum est, multos eorum, ut Augustinum, Ambrosium, Epiphanium, Cyprianum, Cyrillum, Hieronymum, Athanasium & alios cœlibes vixisse: at etiam non minus verum, multo plures fuisse conjugatos, ut sunt, Hilarius, Gregorius Nazianzenus Gregorii Theologi Pater, Gregorius Nyssenus frater Basilii, Clemens Romanus, Spiridion, Polycrates, Polycarpus, Prosper Aquitanus, Sidonius Appollinaris, aliiq; innumeri, quorum exempla refert & vindicat, præter Celeb. Molinæum in *Novis. Pap. lib. 7. c. 8.*, eruditissimus Chamierus *lib. 16. c. 13.*

XXVII. Videntur suaves, intra cœlibatus Papistici sepra progèrmare soliti flores D. Jureconsulto suboluisse, quod statim subjungit; *Verius forte est juxta, quosdam Monachos & Moniales statui suo religioso non convenienter vivere, ut decet.* Rem acu tangis D. Jureconsulte! Non

Non sunt autem talium *quidam* tantum, ut scribis, sed *plurimi*. Ne autem putes, me per calumniam hoc Religiosis vestris affingere; En, ex propriis Auctoribus vestris (quodd haud dubie non ægre feres) id quam evidentissime probatum dabo. *Inter multos Religiosos, inquit Imperator Maximilianus apud Thuan. lib. 35. vix unus reperitur, qui puram castitatem servet: Inter centum Sacerdotes vix tres aut quatuor reperiri, qui non cum concubinis se inquant, falsus est Bavariz legatus in ipso Concilio Tridentino, vide Suar. Polanum Hist. C. T. lib. 6. Fatetur & Petrus de Alliaco in Lib. de Ref. Eccles. Monachos suis immundis Ecclesiam commaculasse; & Gerson in tract. declar. defect. Eccles. claustra Monialium esse prostibula meretricum. Alvarus Pelagius inter vulgaria Monachorum scelera hæc refert de planct. Eccles. lib. 2. art. 24. quod incautam familiaritatem habeant cum mulieribus, quas sibi commatres faciant. Item, quod incaute cum Monialibus conversentur: Ut jam brevitatis gratia fileam horrendas Gersonis, Nicolai de Clemangis & aliorum hac de re querelas. Unde & ipse Pius II. referente Platina in ejus vita, Sacerdotibus magna ratione ademptum conjugium existimavit majori restituum. Ac proinde ex usu foret Reipublicæ, ut Monachi, dum inter castratos referri volunt, primis duobus modis à Domino citatis se castrarent, ne, dum tertium simulantes, mane filium Virginis offerunt in Altari, ceu supra audivimus loquentem Innocentium III, nocte filium Veneris agitarent in cubili.*

XXVIII. Regeris, inter conjuges etiam, imo inter ipsos quoque Pastores Reformatos conjugatos reperiri, qui adulteria committant; at in cassum: Nam ad Pastores nostros quod attinet, si vel maxime tales reperirentur, nulla tamen exinde culpa Ecclesiæ nostræ in-

cüberet, quæadmodum vestra; siquidem nostra non tantum nullam ad ejusmodi scelera ansam præbet, sicuti vestra per prohibitum matrimonium: sed etiam ejusmodi scandalosos homines a sacro illo munere removet & in perpetuum relegat. Lustra & perlustra D. Jurisconsulte omnes parochias nostras, & ne unicum quidem invenes, qui scortationis aut adulterii convictus & simul Pastor esse queat. E Contrario Ecclesia vestra Romana non duntaxat ad ejusmodi impuritates ansam præbet per suum conjugii interdictum, sed etiam sceleratis illis variè connivet & munera sua una eademque ratione obire patitur, verens forte, ne, si omnes istos removeat, paucos retentura sit. Agnoscit enim expresse Papa Alexander III. *Decret. Gregor. lib. 2. tit. 1. cap. 4.* Episcopos in adulterio aliisque eo minoribus Sacerdotum peccatis post præstitam pœnitentiam dispensare posse. Et postquam Papa Pius V. Bullam emisit, cujus titulus est *contra Clericos Sodomitas* (vide *Montalt. Epist. Provinc. 6. & Not. 2.*) Casuista, maxime Jesuita Escobarus *Tr. 1. Exam. 3. num. 102.* eam tam lato sensu explicarunt, ut verecundia mihi prohibeat illam ex propriis eorum scriptis hic enarrare. D. Jureconsultus dignetur ipse videre, quid jam memoratus Jesuita loc. cit. ad hanc quaestionem; *Num Bulla Pij V. contra Clericos Sodomitas obliget in foro conscientia?* respondeat, & tum secum perpendere, quid prudens neutrique parti addictus ejusdem lector de Clero Romano censere possit aut debeat. Nec interim probari poterit, quod Adversarii prætendunt, adulterii crimen adeo inter Pastores nostros commune esse. Imò contra affirmare ausim, in magna quadam & memorabili regione intra Seculum tot exempla impiorum prædicantium non occurrere, quot intra seculum exempla ejus-

ejusmodi Paparum tantum, qui, testantibus ipsismet Ecclesie Romanæ Scriptoribus, impure vixerunt, occurrunt. Inter alios etiam conjuges si talia quandoque se offerunt exempla, quid, quaeso, ad rem? Num propter malum unius aut alterius exemplum, conjugium, cum bonus & sanctus Dei ordo, abrogandum? sed contra esset æquum & salubre, ut, propter vulgaria & passim ferè inter Clericos obinentia impuritatis scelera, conjugii interdictum & vota Monastica, utpote quæ sacro isti Dei ordini repugnant & non parum ad ejusmodi impuritates contribuant, penitus abrogarentur.

XXIX. Tandem etiam D. Jureconsultus noster inter traditiones refert pædobaptismum, autumans eum solide ex sola Scriptura probari non posse contra anabaptistas, edocet id forte ex Jesuita Elmsio, at idè apostata sed non est, quod ego vobis respondeam, eum fuisse ex Jesuitis vestris, qui hoc evidentissime probant ex S. S. contra Anabaptistas. Adite Catechismum Romanum: Adite Becanum *part. 3. Theol. Scholast. tr. 2. c. 10*: Adite imprimis ipsum Bellarminum vestrum, qui lib. 1. de Bapt. c. 9. expressè dicit, *quod licet non inveniamus expresse mandatum, ut baptizemus infantes, tamen id colligatur SATIS APERTE ex Scriptura*. Et capite præcedente octavo varia argumenta ad idem probandum ex Scriptura suppeditat. Possum ergo ego hoc labore superledere, donec audivero, à vestris Doctoribus Sectæ Anabapticæ non satis fieri. En interim, quam eximia inter vos Pontificios, qui semper consensum vestrum crepatis, sit conventientia!

XXX. Dicis, si tandem juxta adversariorum sententiam & doctrinam Scriptura adeo accuratè & presse est insistent-

sistendum, eique nihil addendum, nihil demendum, ergo etiam pastores cum prolixis capillis suggestum conscendere non decet, cum Apostolus I. Cor. II. 14. expresse dicat, naturam docere nos, quod viro quidem comatum esse dedecori sit. Risum tenetis amici ! putâram, nobis sermonem esse de articulis fidei; sed D. Jureconsultus devenit ad capillos : Num ergo etiam capilli inter articulos fidei referendi ? Apostolus, cum dicit, ipsam naturam docere, quod viro dedecori sit comatum esse, non prohibet simpliciter comam alere, sed alere comam muliebri more promissam: hoc enim græcis doctoribus est usu. Audi Jesuitam vestrum Salmeronem. Et quod ait Apostolus (inquit Disput. N. III. in I. ad Corinth.) si comam nutriat, intellige instar mulieris, qua nimis longos producit capillos. Quis autem ex Reformatis pastoribus hoc facit D. Jureconsulte ? Quin si quidam eorum facerent, quis approbat ? Indecens esset, inquit Cl. Riverus noster in h. pauli loc. si Dei servi id quod omnes viri modesti facere tenentur, omitterent. Sed en D. Jureconsulte ! non est hic Apostolo sermo ad solos Pastores, sed (quod negare non potes) ad Corinthios in genere. Tu ergo ipse quare hactenus gestasti prolixum, crispatum & muliebriter per humeros ac tergum fluens caliendum ? Si ipsa natura docet, quod viro dedecori sit comatum esse ; Quomodo tu ergo hactenus contra naturam peccare non dubitasti ? Nonne turpe est Doctori, cum culpa redarguit ipsum ? Verum est, dari etiam inter pastores Reformatos, qui ejusmodi caliendragentent, sed necessitate adacti, sed modesta, non more muliebri per humeros ac tergum defluentia: si secus à quopiam fieret, non eo nomine laudandus veniret. Medium ut in aliis, ita & in hoc tenuere beati. Ut Apostolus non vult ali comas nimis promissas, ita etiam eas non vult ad cutem tonderi, agnoscante Salmerone : Unde

Unde ergo tonſa Monachorum veſtrorum coronæ ? Num forte ad revocandam ſibi in memoriam coronam Chriſti ſpineam ? Scio, hoc vulgo prætendi. At quis eos docuit, ſic ſibi in memoriam Chriſti ſpineam coronam revocare ? Ubi præceptum in S. Scriptura ? Ubi exemplum in tota ſana antiquitate ? Et certè ſi hæc ratio valeret: Omnibus Chriſtianis æque ac Monachis circularis corona gerenda eſſet, cum omnes ſpinarum Chriſti memoriam colere oporteat. Suſpicio D. Jureconſultum noſtrum, quando Paſtoribus noſtris capillos ſatis diſputaverit, etiam Capucinis & Minoritis ſuis promiſſas barbas diſputaturum eſſe, maxime ſi intellexerit, Concilium Conſtantienſe ad ſubducendum Laicis in S. Coena calicem, inter alias rationes, etiam promiſſis Laicorum barbis, utpote quibus facile aliquid ſanguinis poſſit adhæreſcere, fuiſſe motum, cum & idem Sacerdotibus barbatis poſſet accidere: *Certè, inquit ipſe Jeſuita Salmero loc. ſupr. cit. ſi conſulamus rationē, ſacerdotes ad ſacrificandum & percipiendum Chriſti corpus, mundius eſſet barba carere, maxime proluxa, quia purius ſanguinem Chriſti haurirent.*

XXXI. Verba Pauli 1. Tim. 2. 8. 9. quibus vult, ut viri precentur in quovis loco, puras manus attolentes abſq. ira & diſceptatione, & ut iſidem mulieres amictu honeſto, cum verecundia & moderatione ſe ſe orment, non cincinnis, vel auro vel margaritis vel pretioſo veſtitu, nos non latent. Sed ubi, inquis, hodie id mulieribus, maxime qua ad aliquem dignitatus gradum elata ſunt, prohibetur ? Sinon apud vos, qui verbum Dei non magni facitis, præferentes centū concionibus unā Miſſā : apud nos ſæpius, & quidem ſuggeſtibus. *Exiſtimem autem, inquis, Paſtorum uxores, ſi modo per ſubſidia liceres, omnium maxime ſe ſe ornaturas eſſe.* Incidit

cidit mihi hîc inter scribendum illud Virgilii ; *Pariunt montes, nascetur ridiculus mus.* Putabam, nescio, quid magni & singulare ad probandas suas Traditiones dogmaticas à D. Jureconsulto allatum iri ; sed en, adfort capillos Pastorum & vestes mulierum, quasi verò hæc inter articulos fidei (de quibus nobis unice quæstio est) referenda veniant. Sed en D. Jureconsulte, aut intelligis omnes Pastorum uxores, aut quasdam tantum. Si prius : 1. temerarius es, quia omnes non nôsti. 2. falsus es : cum sint multæ, quibus subsidia non desunt, & tibi & mihi notæ, honestissimo habitu (nam abusus vestium Paulus tantum improbat) incedentes : Si posterius : quid, quæso, ad rem ? cum abusus, quem nos non approbamus, etiam in Pastorum ædes irrepere queat. Rectius fortè, dum de abusu vestium loqui volebas, oculos tuos convertisses ad urbem Romam, in qua, teste Mantuano Sylv. lib. 1. *omnia cum liceant, non licet esse pium* : in ea enim meretrices Clericorum, quò horum Missificum amorem in se eò magis derivent, habitu luxuriosissimo incedunt. Dabis veniam, ut, ne medicas mentiri, verbis ruorum Catholicorum probem. Sunt ii delecti à Paulo III. Cardinales. *In hac etiam urbe, inquit illi (vide Concilium delector. Cardinal. Tom. 3. pag. 823.) meretrices NB. ut matrone incedunt per urbem, suam mulam vehuntur, quas affertantur de media die nobiles, familiares Cardinalium, Clericique.* Et hinc est, quod exclamat Mullus, Episcopus Bipontinus Orat. habit. in Concil. Trid. Sess. 2. *Quibus turpitudinum monstrum, qua sordium colluvie, qua peste non sunt sedati, non corrupti in Ecclesia sancta Dei populus & sacerdos ?* A Sanctuario De incipite ; Si ullus jam pudor, si ulla pudicitia, si ulla supererat bene vivendi vel spes vel ratio, si non libido effrenata & indomita, audacia singularis,

larū, si non scelus incredibile. Huc vertat oculos D. Jureconsultus, & sat habebit, quod domi videat, ut necesse non sit alienas Pastorum nostrorum ædes introspicere.

XXXII. Aliud est, cultu & honore prosequendū esse nomen JESUS, *formaliter* lump̄tū pro ipsa voce, ex quinque literis constante: aliud, idem honorandum esse *materialiter* consideratum pro personā, tali nomine insignitā. Posteriori, non priori sensu Apostolus hoc Nomen accipit: cū ait, *datum esse Christo* *ὄνομα τὸ ὄντι* *παῦ ὁνομα, κτλ.* Phil. 2. 10. Confer loca parallela Jes. 45. 22. & Rom. 14. 11. & videbis verissimū esse: cū ibi non statuat̄ externū Nomen JESUS, tanquā objectū genuflexionis, sed Jehova & persona Domini nostri Jesu Christi. Sed de hoc Nomine & honore ei debito satis actū cap. I. num. 14. quò, ne actum agam, D. jureconsultum remitto.

PARAG. IV.

DE

Miraculis.

I. **I**Nter alia dona miraculosa, quæ in Ecclesia primitiva obtinebant, occurrit etiam donum sanationis, de quo hæc apud Marcum cap. 6. verl. 12. 13. *Egressi igitur Apostoli proclamabant, ut resipiscerent, & demonia multa ejiciebant, ungebantque multos male valentes, & sanabant eos: ista verò apud Jacobum c. 5. v. 14. 15. Aegrotat aliquis inter vos? advocato Presbyteros Ecclesia, & precentur pro eo, ungentes enim oleo in nomine Domini, & preces fidei*
C c *serva-*

ervabunt laborantem, erigetque eum Dominus, quod si peccata commiserit, remittentur ei. Ex his duobus locis conantur Pontificii suum Extremæ Unctionis Sacramentum exstruere: sed tali animorum nexu, qualis erat inter capita vulpiū Simsonis. Jesuita Maldonatus in *Comment. & Disp. de Sacram. Extr. Unct.* pro virili contendit, Marcum & Jacobum loqui de una eademque unctione, improbatque quam maxime Catholicorum suorum sententiam, qui dicunt, Marcum non agere de Sacramento extremæ unctionis, sed tantum insinuare, quasi figuram quandam præcedentem. Alii è contrario, inter quos est Bellarminus de *Extrem. unct. c. 2.* Gregorius de Valentia in 3. part. *disp. 8. quest. 1.* & Dominicus à Soto in 4. *dist. 24. q. 1.* contendunt, unctionem, de qua loquitur Marcus, esse diversam ab ea, cujus mentio fit apud Jacobum: Ipsemet Bellarminus non modo enumerat illos è suis qui diserte negant, unctionem Sacramentalem administratā fuisse ab Apostolis, sed & disertas adfert quatuor rationes & subjungit autoritatē Concilii Tridentini, demonstraturus, unctionem, de qua loquitur Marcus, nec fuisse Sacramentalem, nec eandem cum ea, de qua loquitur Jacobus. Contrā vult Cardinalis Cajetanus *Comment in cap. 3. Epist. Iacobi*, nec ipsum Jacobum loqui de Sacramento Extremæ Unctionis. *Verba hæc,* inquit, *nec ex verbis nec ex effectu loquuntur de Sacramento, li unctione Extremæ Unctionis, sed magis de unctione, quam instituit Dominus Iesus in Evangelio, à discipulis exercendam in aegrotis.* En Cadmeos fratres! quorum ridicula hîc possem fusiùs recensere & contradictoria, quæ tū in materia, tū in forma, tū in effectu commentiri huius Sacramenti Pontificii solent requirere & disputare, arguere, nisi subiles D. Juriconsulti nostri quæstiones mihi jã aliud

aliud facerent negotium. Quærit ille, post hæc ci-
tata Marci & Jacobi loca, illico; *Quis Reformatorum, qui
tamen tantopere Scripturam credent, hæc præstet?* & ad re-
sponſionem Cl. Molinæ in *Scuto fidei* Art. 34. ſect. 7. quod
ſcilicet donum miraculoſe curandi ceſſaverit, ac proinde æquè
conveniens ſit, hodie adhuc obſervari hanc unctiōē, ac, ab ho-
mine, qui cæcus evaſerit, uſur pari adhuc ſpecilla, inſtat, ubi
ergo legatur, donum iſtud miraculoſe curandi ceſſaſſe? Hem
ſubtilem quæſtionem! eādē certè dignam reſponſio-
ne, quā illa cæci, ulterius quærentis, ubi legatur, ſibi,
jam oculorum lumine caſſo, non convenire amplius
ſpecilla. Cæcus legat, id eſt, illud obſervet ex defectu
oculorum: Tu autem lege & diſce hoc 1. ex eventu &
defectu facti. Ubi enim hodie ſacerdotes Pontificii (ut
de aliis jam non dicam) per ſuum Oleum Olivarum
(tale enim hodie exigunt, cū tamen Jacobus Olei tan-
tummodo meminerit) licet etiam integrum batum
adhiberent, ægrotis ſanitatē reſtituunt? *Lege & diſce*
hoc 2. ex ore Chriſti, qui quidem primævis Chriſtianis
in ipſum credentibus hoc, ut & multa alia miraculorum
dona promiſit, eosque etiam illis actu exornavit, ſed
nulquam promiſit fore, ut ea ſemper in Eccleſia ſua vi-
geant. *Lege & diſce* hoc 3. ex ceſſatione cauſæ finalis,
quæ erat Meſſiæ manifeſtatio. Ad eam refertur tū præ-
dictio Prophetica Jeſ. 35. 4. 5. tum Chriſti promiſſio
Marc. 16. v. 17. 18. *Lege & diſce* hoc 4. ex tuis Pontificiis.
Sic enim ait Bellarmin. lib. de Sac. Confirm. cap. 2. *Ini-
tio Eccleſia, qui credebant, operabantur miracula, juxta illud
Marc. ult. Signa eos, qui crediderint, hæc ſequentur; ſuper
ægros manus imponent & benchabebunt.* NB. Nunc ceſſavit
iſte effectus fidei. Et Episcopus Roſſenſis de capt. Ba-
byl. adverſ. Lutherum cap. 10. part. 4. *Promiſit Chriſtus,*

ut discipuli demonia ejicerent, quam promissionem (arrige aures D. Jureconsulte) nullum his diebus effectum sortiri, dilucide cernimus. Nullus enim est, qui nunc corporaliter demonium ejicit, aut morbos sanat, & tamen minime ambigimus, quin plurimi sint, qui fidem eandem & aequè magnam cū priscis fidelibus habeant, nec tamen inanis illa promissio fuit, quam NB. noluit efficaciam habere perpetuam, sed pro tempore nascentis & adolescentis Ecclesia. Hisce jam Catholicis tuis oppone multa illa miracula, qua teste Ruffino Hist. Eccl. l. 1 c. 4, (ad quem interim mirum, quòd provoces, cū Papa Gelasius vester c. Sancta dist. 15. opera eius inter apocrypha rejiciat: acculat eum etiam falsitatis Belarminus l. 2. de R. Pontif. c. 13. et ait Script. Eccl. sec. 4. in Ruffin. eum merito erroris accusari a Gelasio Papa) Paphnutius sanando egrotos & eiiciendo demonia, patrauerit, & si tibi non satisfecerint, paratus ero illis succurrere. Lege interrim & discce idem hoc 5. speciatim ex Apostolo vestro Indico, Xaverio: si dona miraculorum adhuc hodie vigent, cur ergo ille non statim Chinenſium lingua locutus? cur ei ab initio, ut ipse fatetur, opus fuit interprete, donec eorum linguam calleret? Cum lingua subsidium, inquit ille Ep. Iapon. pag. 164. nobis, ut speramus, accesserit: tum res multo melius, Deo bene juvante, procedet. Nam nunc quidē inter eos veluti quādā simulacra versamur: multa illi de nobis loquuntur & conferunt inter se: nos videlicet obmutescimus: dumq. ejus lingua elementa percipimus, cogimur quasi re- puerascere. Lege denique & discce idem hoc 6 ex ipso Apolline vestro Romano: ex quo elucerent magis dona miraculorum juxta vos, quàm ex ipso? cū sit vobis Pater Sanctissimus & caput Ecclesiae universale: at fatetur Jesuita Lessius Disp. de Antichr. Dem. 10. eum ne quidem canem mortuum posse excitare, Fatetur etiam Cardinalis Bel-

Bellarminus lib. 3. de Rom. Pontif. c. 21. *Pontifices nec vera nec falsa ulla miracula fecisse neq. hoc seculo neq. superiore.*

II. Dicis, non loqui Jacobum tantum de suo & Apostolorum tempore &c. loquitur de tempore, quo hoc & huic familia miraculorum dona in Ecclesia Christi vigeant. Nec est, quod porrò clames cum Bellarmino tuo, omnia alia, qua habentur in illa Epistola, sive ante hunc locū, sive postea, non ad eos solos pertinent, qui tunc vivebant, sed etiam ad nos, qui postea futuri eramus: Ergo etiam hoc mandatum ad nos pertinet: nam non absurdum est, permisceri quadam certis arctata circumstantiis temporis, loci & personarum. Nonne Paulus, cum Timotheum doceret rationem eligendorum presbyterorum, inseruit 1. Tim. 5. 23. *Ne amplius esto abstemius, sed vino pauculo utere.* Nonne etiam idem Paulus priore ad Corinthios voluit fideles prophetare & loqui linguis in Ecclesia? non semper fanes, sed quamdiu concederetur à Deo; cui mirum ergo, Jacobum hoc loco hortatum esse fideles, ut uterentur eo curationis dono, quamdiu Deo volente vigeret in Ecclesia? Mirare iterum hic D. Jureconsulte tuorum Catholicorum doctrinam! Jacobus hic tribuit effectum orationi fidei, sed illi tribuunt unctiōi: Jacobus adscribit effectum operi operantis: sed illi (ut & in reliquis Sacramentis) operi operato.

III. Dictum Christi Matth. 18. 19. *Si duo ex vobis consenserint in terra de omnire, quam petierint, fiet eis à patre meo, qui est in cælis;* non est simpliciter intelligendum (aliàs D. Jureconsultus, si cum aliquo dilectorum sibi Jesuitarum consentiret, à Deo posset petere, ut ipso Cæso ditior evaderet, item ut staturā superaret magnum Christophorum, item, ut nunquam moreretur: an autem putas, te & tibi consentientem Jesuitam statim à Deo

exauditum iri? annon hoc potius esset tentare Deum?) sed secundum quid, si nimirum petant ex fide Jacob. 1. 6. & secundum Dei voluntatem, 1. Joh. 5. 14. Jam verò donum miraculosæ sanationis Christus nusquam promisit perpetuum fore in sua Ecclesia, quâ igitur fide & quomodo secundum ipsius voluntatem id ab eo peti potest? Dicis, ipsos Reformatos, si agroti, præsertim eminentiores, convalescant, Deo pro restituta sanitate gratias agere. &c. Et hoc merito: quî enim Deo pro benigna precû suarum exauditione non agerent gratias? sed quid ad rem tuam? Addis Cur ergò hodie unctio præscripta à Jacobo olei unâ cum precatione non usurpanda esset? &c. Cùm precatio nobis passim commendetur in Scripturâ & sit præcipua pars ejus, quâ Deus à nobis postulat, gratitudinis; absit, ut eam omittamus: at cû donû miraculosè curandi adhibito oleo hodie cesset, ut suprâ evidentissimè demonstravimus, æquè conveniens est (ut Celeb. Molinæus noster bene loquitur) hanc unctionem hodie adhuc adhiberi, ac ab homines, qui cæcæ evasit, usurpari adhuc specilla. Patres, ad quos provocas, quàm parùm vobis faveant, evidentissimè demonstratum vide apud Cl. Forbesium nostrum *Instr. Histor. Theol. lib. 9. cap. 6.*

IV. Sed nunc arrigite aures vos Theologi Reformati; probabit vobis jam, & quidem evidentissimè, ut ait, ex ipso Dei Verbo Jureconsultus Pontificius, Donum miraculosæ sanationis hodiè adhuc vigere! O Jurisconsultum ipso nupero Miraculario, Marco d' Aviano, (qui tamen, vel ipsis Pontificiis fatentibus, in miraculis patrandis valde mirabilis erat: Jussit enim claudos grallas suas abjicere, antequam iis carere possent) miraculosiorem censendum, qui id præstare valeat! Annon legistis, inquit, quod habetur Joh. 14. 7. 12. ex iplo ore Christi: *A-*
men,

men, Amen dico vobis, qui credit in me, opera, qua ego facio, & ipse faciet & majora istis faciet: Annon etiam vidistis, quod exat Marc. 16. 17. 18. Signa autem eos, qui crediderint, hæc sequentur: per nomen meum demonia ejicient: linguæ loquentur novæ: serpentes tollent: & si quid lethale biberint, nequaquam nocebit eis: male valentibus manus imponent & bene habebunt: Vidimus D. Jureconsulte, legimus & relegimus: At interim non vidimus, nec etiamnum videmus consequentiam tuam, Ergo donum miraculose sanandi hodie non cessavit. Non vident etiam eam ipsimet Pontificii tui, utpote qui, ut supra audivimus, expresse scribunt, hanc Christi promissionem nullum his diebus amplius sortiri effectum. Hic supra citatis adde etiam Stellam vestrum *inc. Luc. c. 11. Jesuitam Maldonatum in Matth. 7. & Ferum Præf. lib. 2. Comment. in Matth. quorum nullus tamen oculatus fuit, ut viderit istam D. Jureconsulti nostri consequentiam. Necessaria, inquit hic posterior, in exordio Evangelii fuerunt hujusmodi miracula, donec Verbum Domini in possessionem, ut ita dicam, veritatis collocaretur. Nunc autem, cum semel jam ab omnibus receptum sit, & creditum, ut verum Verbum Dei, non opus est novis miraculis, sed sufficit proferre miracula, à Christo & Apostolis facta &c. Assentitur quoque Gregorius magnus homil. 29. in Evang. scribens; Nunquid fratres mei, quia miracula ista non facitis, minime creditis? Sed hæc necessaria in exordio Ecclesia fuerunt, ut multitudo ad fidem crederet; quia & nos cum arbuta plantamus, tamdiu eis aquam infundimus, quousque ea in terra coaluisse videamus, & si semel radicem fixerint, irrigatio cessabit.*

V. Falsum est, quod scribis, *χρεισθῆναι* Apostolorum olim operatam esse sensibilem acceptionem S. Sancti: Erat tantum signum & symbolum collationis donorum Spiritus Sancti: Hæc autem miraculorum dona

donā cum hodie non amplius vigeant, recte etiam *χρησ-
τα* in hunc finem cessat: Retinetur quidem in Eccle-
siis Reformatis adhuc in ordinatione Pastorum, sed li-
bere (nemo enim docet, esse absolute necessariam aut de
essentia ministerii) in signum confirmationis, non colla-
tionis donorum miraculorum Sp. Sancti.

VI. Novimus, Dominum Iesum, peracta cena, disci-
pulis suis lavisse pedes, & post eam absolutam expressum man-
datum adjecisse, si ego lavi pedes vestros Dominus & Magister,
vos quoque debetis alii aliorum pedes lavare: Exemplum enim
præbui vobis, ut, prout ego feci vobis, ita & vos faciatis. Joh. 13.
14. 15. Sed quid inde D. Jureconsulte? Anabaptistæ non-
nulli, horumque Antistites, Diricus Philippi & Nico-
laus Johannis hinc peculiare Sacramentum effinxerunt
& cæteris duobus N. T. Sacramentis addiderunt: mirum,
quod Papa vester, qui tamen Sacramentorum multitu-
dine gaudet, etiam de eo non cogitavit: sic enim paria
numero, nimirum octo potuisset habere Sacramenta.
*Quæris, Quis Reformatorum hoc facit? quis eorum his Chri-
sti verbis & mandato morem gerit?* At quæro ego vicissim,
quis Papistarum hoc faciat? Solet quidem Papa vester
die viridium, quem vocatis, singulari pompa XII. Car-
dinalibus pedes abluere: At si hoc mandatum Christi
extra cœtum Apostolicum se extendit, cur Sacerdotes
vestri Sanctissimo illi Patri soli relinquunt hoc negotium
peragendum, & quidem (ne forte lavando & abstergen-
do defatigetur) semel duntaxat in anno? cur non & ipsi,
quoties celebrant cœnam, communicantibus lavant
pedes? Orthodoxi, sicut redarguunt errorem Anabap-
tistarum illorum, qui lotionem pedum Sacramentalem
fuisse contendunt: Ita quoque Paparum, & qui eos imi-
tantur, *καὶ οὕτως* tanquam hypocriticam, rejiciunt. Nam
ut

ut ipse dicit Bellarminus vester lib. 2. de Sacr. cap. 24. non habemus mandatum seu institutionem huius ritus frequentandi, &c: alioquin peccarent fere omnes homines, qui non utuntur ista ceremonia. Et licet fueris hac ceremonia usitata olim in quibusdam Ecclesiis statim post baptismum, tamen non fuit unquam ab omnibus recepta, nec ab ipsa Romana Ecclesia, ut testatur Ambrosius loc. cit. Neque obstat illud mandatum: Exemplum dedi vobis: Item, Et vos deberis alter alterius lavare pedes. Et: Quod ego facio, tu nescis, scies autem postea. Nam hoc mandatum precipit humilitatem & charitatem, ut exponunt Chrysostomus & Cyrillus, non autem IPSAM MATERIALEM LOTIONEM PEDVM, ut patet ex praxi Ecclesie: nunquam enim Christiani putarunt, se habere speciale mandatum de lotionem pedum. Consentit Iesuita Maldonatus. Suo exemplo, inquit, humiles esse docet: sed speciem ponit pro genere: nam per lotionem pedum, quod omnium ministeriorum humillimum est, omnia exempla, omnia ministeria intelligit humilitatis. Eadem lege apud Salmeronem tom. 9. tr. 8. Janlenium in Concord. Evang. c. 130. Ariam Montanum in Iohan. & alios.

VII. Reformatos fateri, Ecclesiam quinque prioribus seculis adhuc puram & sine errore fuisse, ubi conscientia tua, dum scribis, D. Jureconsulte? Nullus Reformatorum hoc dixit, nullus scripsit: sed hoc dicimus cum Calvino nostro lib. 1. Instit. cap. 11. §. 13. Ecclesiam seculis illis prioribus fuisse puriorem, scil. quàm sequentibus, magis adhuc floruisse Religionem, & viguisse sinceriores doctrinam: Posito ergo, ritus illos, quos prolixis verborum anfractibus ex Centuriatoribus Magdeburgensibus cumulas, prioribus illis quinque seculis modo obtinuisse, quid inde pro vobis? quid contra nos? inimicus utique nunquam otiosus est: Unde & illis temporibus, quamvis

triticum, Deo Clementer impediēte, non eradicaverit, *zizania* tamen *inter illud* *sevit*: Viguit quidem inter Patres illorum temporum, Augustinum, Hieronymum, Cyprianum, Ambrosium, Chrysostomum & alios Orthodoxa Religio, sed non sine omni errore & macula, Augustinus (ut jam brevitatis gratia de cæteris nihil speciatim dicam) quantus non Ecclesiæ Christianæ Doctor? Quàm turpiter autem, vel vobis fatentibus; interim non adhuc impegit, dum statuit (ut supra audivimus cap. 1. num. 31) infantes non participes fieri vitæ æternæ nisi prius participes facti fuerint Sacramenti Eucharistiæ: Item, dum docuit, infantes, absque baptismo diem supremum obeuntes, torqueri igne aeterno. Tom. 3. de fide ad Petr. c. 27. Quod contrarium Papiculis, docentibus, ejusmodi infantes non torqueri igne in suo, quem ipsis assignunt, limbo. Sed quid opus est verbis? ipse Bellarminus docet lib. 3. de Verb. Dei c. 10. *principuos ex illis* (Patribus) *in quibusdam non leviter lapsos esse*. Fuerint ergo olim in Baptismate oleum & unguentum usitata: meminerint Tertullianus, Cyprianus & Origenes olei, chrismatis, signi Crucis &c. quid inde quæso contra nos D. Jureconsulte? qui non negamus homines etiam priorum istorum seculorum dormivisse, ita ut tum inimicus eorum venerit & *zizania* *severit inter triticum*, 2. Quid pro vobis? qui plurimos ritus temporibus istis usitados ipsimet rejicitis. Administrabatur tum ipsis infantibus S. cœna, ut supra audivimus, ubi autem id fit in ecclesia pontificia? Præterea baptizati lac ac mel gustabant, teste Tertulliano de Coron. mil. c. 3. ubi hoc fit in Papatu? Porro præbebatur iisdem, præter lac, etiam vinum in Ecclesiis occidentalibus, ut testatur Hieronymus *contr. Luciferian.* ubi idem sit apud Papistas? Habebant veteres suas agas

pasac convivium ex charitate instituta: ubi illa in Papatu?
Si Papicolis licuit hos & his similes veterum ritus omi-
tere, cur idem & nobis non liceat? cur etiam non liceat
nobis omittere hodiernos Papicolarum ritus, qui æquè
infirmâ, imò infirmiori adhuc nituntur basi: cùm contra
utrosque obtineat illud Christi, *ἀπὸ δὲ τοῦ ἁγίου πνεύματος*
Matth. 19. 8.

VIII. Præterea quamvis nonnulli ritus apud
Veteres in usu fuerint, qui etiam hodie apud Pontificios
obtinent, vix tamen illis usitati fuere eodè modo & fine.
Sic non negamus, Veteribus quibusdam usitatum fuisse
signum crucis: Extant enim de eo Cyrilli Hierosolymi-
tani, Tertulliani Augustini & aliorum testimonia aper-
ta. *De cruce Christi*, inquit Augustinus de verb. Apost.
ser. 8. *nobis insultant sapientes hujus mundi & dicunt: Qua-
le cor habetis, qui Deum colitis crucifixum? Apprehendat Za-
chæus Sycomorum, ascendat humilis crucem: parum est ascen-
dat, ne de cruce Domini erubescat, in fronte eam figat, ubi pu-
doris sedes est: ibi omnino, ibi in quo membro erubescitur, ibi
figatur, unde non erubescitur.* Sed veteres signum istud
crucis formâsse eodem fine, quo hodie Papicolæ for-
mant, falsum esse, vel ex hoc eodem Augustini testi-
monio liquet. Nimirum *Christus crucifixus* Judæis erat
scandalum, *Græcis autem stultitia*, uti Paulus loquitur 1. Cor.
1. 23: Hi jam, præsertim Echnici, cùm Christianis, in-
ter se habitantibus, crucem Christi, tanquam rem igno-
miniosam objicerent, Christiani, ad demonstrandum,
tantum abesse ut Christi crucifixi pudore suffunderen-
tur, ut è contrario etiam de eo gloriarentur, fronres su-
as crucis signo notabant: Adeoque illo signo, tanquam
externa quadam professionis suæ tessera utebantur. Te-
statur id præter Augustinum Cyrillus, cùm ait: *Non pu-
deat*

deat igitur nos crucifixum confiteri: sed in fronte nostra mappa in-
confidenter signaculum crucis imprimatur. Præterea eo-
dem crucis ligno Veteres utebantur in benedictionibus
suis omnigenis, ad demonstrandum cùm Judæis tùm
Gentilibus, se in eo & per eum, qui in crucis ligno factus
erat *maledictio*, omnem *benedictionem* exspectare, quod
pro ratione istorum temporum potius laudem quàm re-
prehensionem meretur. At apud hodiernos Papico-
las nostros quantus non *crucis absus*? Tres sunt effectus
crucis mirabiles, inquit Bellarminus lib. 2. de Imag. cap.
30. *Primo terret & fugat demones. Secundo pellit morbos
& omnia mala. Tertio sanctificat ea, quibus imprimitur.*
Quod non intelligit improprie, cum signo crucis res si-
gnificatas complectendo, quo sensu Veteres dixerunt
diabolum signo crucis fugari: sed proptiè de signo &
memoriali absolute sumpto. Vult quidem Vasquez in
3. part. Thom. q. 25, disp. 111 c. 5. *quoties super res aliquas
signum crucis exprimitur, nihil virtutis ipsis imprimi, sed so-
lum signo illo super illa expresso, Christi crucifixi auxilium invo-
cari:* at Bellarminus, loc. cit. ait, *negari non debere, quin
etiam aliqua sanctitas accedat rebus, cum signantur cruce &c.*
Vultq. *signum crucis ex opere operato valere contra diabolum.*
Quo, quæso, quid supersticiosius? Hinc tot nugæ & a-
niles fabulæ in Papatu, quot recensendis vix integer dies
sufficeret. Videri hac super re potest Jesuita Fretzerus
in *Tract. de Cruce*. qui lib. 3. ed stultitiæ procedit, ut etiam
mulierculis vel minimam lactucam ad acetaria carpere,
nisi prius diabolo per signum crucis ex ea effurellato,
dissuadeat, adducto exemplo de quadam Dei famulâ,
quæ, cùm hortum intrâisset &, non prius formato crucis
signo, lactucam gustâset, diabolum lactucæ insidentem
deglutiverit, qui, deinceps per Abbatem Equitium ad-
jura-

juratus, responderit. Ego quid feci? sedebam ibi super lactucam, venit illa & me momordit. Ejusmodi opimas fabellas in aliis etiam Papicolarū libellis non raro est legere. Puer Judæus, inquit Dauroutius in suo Catechis. Historiæ tom. 2. pag. 38. qui postea baptizatus Constantini Nomen tulit, cum matrem suam, nescio, quò euntem sequeretur, vidit hominem Christianum, qui dum in terra scrobem quandam prælaberetur, signum crucis ori imprimebat, cujus puer secutus exemplum & ipse deinceps crucem subinde efformabat, sacrag, tandem Christiana amplexus, ardenti fide persecutus est. Cum puella illum Hebræa (pudori extorquendi causa) invaderet, illam signo crucis repente exanimavit, rursumq, postea in vitam revocavit. Hic cum præfecto monasterii statum vitæ suæ exponeret, jubet ille præferri crucē & ab eo salutari, cujus cum beatus iste pedem osculo libaret, tota a fronte & brachiis veneranda crux sese in sancti pueri verticem submittebat, characterem crucis capiti indelebilem impressit, quem per omnem postea vitam servavit. Dignus ergo baptismatis gratia judicatus, sacris Christianis est initiatus & Constantinus dictus. En mirabilem & fide Papisticā dignum signi crucis in puero Hebræo effectum! Si olim Monachi ita Lutherum & Calvinum signo crucis exanimare potuissent, nunquam forte eos eodem ad exemplum hujus pueri in vitam revocassent! Quin etiamnum hodie non paucos videre est in Papatu, qui, simulatque oscitantur, ad motā manu signum crucis ad oris hiatum formant, quò diabolo ingressum prohibeant, quasi ille aliter non possit cor occupare, nisi per tantum oris hiatum! Si signum crucis ex opere operato, ut vult Bellarminus, valet contra diabolum, mirum, quā Magis in Papatu, ut pote aliis in formanda cruce haud negligentioribus adhuc cohabitare queat! mirum non minus, si ei Romæ, ubi innumera haud du-

biè, & quidem ab ipso etiam Papa, & Cardinalibus, quotidie formantur crucis signa, adhuc locus esse possit!

IX. Ad nos quod attinet, absit à nobis ista superstitio, qui per Dei gratiam aliud remedium habemus contra diabolum & ipsius insidias, & quidem ut præscriptum, ita communicatū ab ipso Spiritu Sancto. Quodnam autem istud? *Vera in Dominum JESUM pro nobis CRUCIFIXUM fides: Sobrii estote, inquit Petrus 1. c. 5. v. 8. 9. & vigilate: nam adversarius ille vester diabolus, ut leorugiens, obambulat, querens, quem devoret. Cui obstitite firmi, quo medio? num forte externo quodam signo crucis? Sic quidem dicit Bellarminus (credens, diabolum, visa cruce, max recordari cruce Christi se victum, spoliatum, ligatum, & enervatum fuisse, ac inde crucem timere & fugere, quomodo canis fugiat lapidem & baculum, quo percussus fuit) At non Petrus (credens, diabolum non externa CRUCE, sed PASSIONE & MORTE CRUCIFIXI victum, & ut loquitur Paulus Heb. 2. 14. abolitum esse) Sed FIDE. Cui obstitite firmi fide, inquit. Quicquid natum est ex Deo, ait Johannes 1. c. 5. v. 4. 5. vincit mundum (ac proinde etiam diabolum, principem mundi) & hac est victoria, qua vincit mundum, nempe FIDES NOSTRA. Quis est, qui vincit mundum, nisi qui credit, JESUM, esse filium Dei. In hac Christi cruce, id est, passione, sanguine & morte unice quærimus & invenimus solatium nostrū & adversus diabolum victoriam cum Paulo dicentes; Absit à nobis gloriari, nisi in cruce Domini nostri Jesu Christi Gal. 6. 14. Veterum interim consuetudinem, illius temporis, personarum ac occasionum respectu, non (ut supra diximus) improbamus, ipsi parati sub talibus circumstantiis in eundem finem crucis signum formare: at cum ejusmodi circumstantiæ nos hodie non tangerent,*

&

& ad miserabilem istam animæ servitutem ventum sit, quæ signa pro rebus accipit (attribuendo externo CRUCIS signo CRUCIFIXI propria) ut loquitur Augustinus lib. 3. de doctr. Chr. c. 5. & quod olim erat symbolum confessionis coram gentilibus; in instrumentum superstitionis ac idololatriæ vertit: varius ille & intolerabilis abusus usum haud necessarium apud nos sustulit: & id non minus justè, quàm olim serpens æneus (qui tamen ab ipso Deo ad Christum crucifixum repræsentandum erigi iussus fuerat) quando cœpit in objectum idololatriæ evadere & populus ei suffusus adoleret (quemadmodum & Pontificii, teste Bellarmino de Triumph. Eccl. l. 3. suas odores cruci offerunt) contractus & à conspectu populi sublatus fuit 2. Reg. 18. 4. Sed de his plura in sequentibus.

X. Non quoque inficias imus, apud Vereres aqua benedicta seu lustralis, mentionem fieri: at non intelligunt aquam salitam & exorcizatam, qualis obtineri in Papatu: sed aquam Baptismi, quam non negamus divinâ institutione benedictam esse. Vide Basilium de Sp. Sanct. c. 27. & Cyrillum Hieros. Catech. 3. Ostendant nobis Pontificii ex sana antiquitate Ministrum Christi, qui cum hodiernis Pontificiis ad faciendam aquam benedictam (Sic loquitur Rituale Romanum pag. 225.) 1. ad salem conversus dixerit; Exorcizo te creatura salis per Deum X. verum, per Deum X. verum per Deum X. Sanctum, per Deum, qui te per Eliseum Prophetam in aquam mitti iussit, ut sanaretur sterilitas aqua: ut efficiaris sal exorcizatum in salutem credentium & sis omnibus sumentibus te sanitas animæ & corporis: & effugias atque discedat à loco, in quo aspersum fueris, omnis phantasia & nequitia vel versutia diabolice fraudis, omnisque Spiritus immundus, &c. &c. 2. conversus ad aquam. Exorcizo te creatura aqua in nomine Dei X. Patris omnipotentis, & in nomine

mine Jesu X. Christi, filiejus, Domini nostri, & in virtute Spiritus X. Sancti: ut fiat aqua exorcizata ad effugandam omnem potestatem inimici, & ipsum inimicum eradicare & explare valeas cum angelis suis apostaticis; per virtutem D. N. Jesu Christi, qui venturus est judicare vivos & mortuos & seculum per ignem &c. Amen. Usus certe vel potius abusus istius aque salite in vetustiori & saniori antiquitate ne minimū certe vestigium. Effectus istius aque, inquit Jesuita Costerus in libell. Sodalitatis lib. 4. c. 8. multi sunt & varii. Quidam spirituales, qui semper sequuntur, quoties qua par est demissione & devotione aspergimur, nisi ex causa ad majorem nostram utilitatem Deo aliud videatur. 1. Itaque profligantur demones ex locis & creaturis. 2. Remittuntur peccata venialia. 3. Phantasmata diabolica &c. excluduntur. 4. Mens à terrenis rebus colligitur. 5. Disponitur animus ad orationem. 6. Gratia, favor & præsens sancti Spiritus impetratur. 7. Preparatur mens hominis, ut rectius divina mysteria peragat, Sacramentaq; suscipiat &c. Atq; ideo solet juxta fores Ecclesie in promptu semper esse aqua benedicta, ut ingressuri ejus asperfione, aivinaq; gratia demonem inanesq; cogitationes & curas excludant &c. Egressuri verò adversus omnes occurrentes peccandi occasiones sese muniant. Alii effectus sunt corporales &c. nam 1. Curatur sterilitas hominum, jumentorum, humanarumque rerum. 2. impetratur bonorum multiplicatio et uberitas. 3. Infirmitates corporum, ne invadant, præcaveantur &c. 4. Noxius aer purgatur, depellitur pestis & omnis contagio. Vult quidem præter Durandum Ration. l. 4. c. 4. Costerus l. cit. originem illius attributam Alexandro I. Episcopo R. eo quòd in Epist. circ. an. Dom. ita scribat. Aquam sale conspersam populis benedicimus, ut eā cuncti aspersi sanctificentur. Quod & omnibus sacerdotibus faciendum esse mandamus. Nam Joënis vidula aspersus populum sanctificabat atq;

mundabat: quanto magis aqua, quae sale aspersa divinisq. precibus sacrata est, populum sanctificat atq. emundat? Et si sale aspersus per Etiseum Prophetam sterilitas aquae sanata est, quanto magis divinis precibus sacrata aqua sterilitatem rerum auferat humanarum, & coinquatos sanctificat atq. purgat & cetera bona multiplicat & insidias diaboli avertit & a phantasmatum versutis hominem defendit. At vero Epistolam illam supposititiam esse præter Celeb. Rivetum nostrum Critic. Sac. lib. 1. cap. 8. varii ex ipsismet Pontificiis, nominatim Cocus in Censur. pag. 30. luculentissimè demonstrarunt. Est interim Auctor istius decreti (ut & omnes, quotquot illud cum Costero approbant) maxime blasphemus: cum non erubescat illa, quæ Paulus Sanguini Christi attribuit, Heb. 9. 13. 14. dicens; Si sanguis taurorum & hircorum & cinis juvencae aspergens inquinatos sanctificat ad carnis puritatem: quanto magis sanguis Christi, qui per Spiritum æternum se ipsum obtulit inculpabilem Deo, emundabit conscientiam vestram à mortuis operibus ad colendum Deum vivum, aquæ exorcizatae adscribere. En saltem & aquam aperte loco sanguinis Christi substitutam!

XI. Non diffitemur etiam, apud Veteres in usu fuisse, candelas cereas in locis conventuum: at non eodem modo & fine. Veteres, quia variis Gentilium persecutionibus fuere obnoxii, coacti fuerunt ante lucem convenire ad Sacra sua peragenda, id quod vel ipse Plinius ethnicus testatur (de eo ab Apostatis certior redditus) lib. 10. Epist. 97. scribens; *Soliti stato die ante lucem convenire: carmenq. Christo quasi Deo dicere secum invicem.* Id circo cæterus ejusmodi nomine cætuum antelucanorum insigniebantur. Perpetuo, inquit Epiphanius lib 3. *fiunt in Ecclesia orationes matutina, lucernalesq. simul Psalmi & orationes.* Sic quoq. Nazianzenus Orat. 2. in sanct. Pat. ch.

Ec

memi-

meminit luminarium in Paschatis vigiliis ad noctem illustrandam accensorum. Hodie autem in Papatu candelæ cereæ accenduntur coram Venerabili, ut loquuntur & coram imaginibus (quæ tamen semper æquæ cæcæ manent) Nominentur nobis ex S. Patribus, qui idem fecerint? Quæ sit utilitas Cereorum, inquit Costerus lib. 4. c. 9. facile cum ex prædictis est intelligere, tum ex orationibus, quibus Ecclesia in eorundem benedictionibus utitur. Orat enim Deum 1. ut cerei valeant ad sanctitatem animarum & corporum terrarumq. 2. Ut de locis, ubi accensi fuerint, demon, & quicquid demonis ars est machinata, depellatur. 3. Ut mentes & corda nostra invisibili igne & splendore sancti Spiritus illustrentur, omniumq. peccatorum & vitiorum cæcitate careant, ut cernere possimus, quæ Deo sunt placita & utilia saluti. 4. Ut ignis charitatis cum lumine fidei in animis nostris accendatur, qui nos ad lumen in deficiens in vitam æternam deducat. Ostendatur similis cereorum usus vel potius abusus apud Veteres? Nominetur nobis Minister Ecclesiæ, qui ad fugandos diabolos cereis benedixerit, cum sacerdotibus Pontificiis ex Rituali Romano p. 228. precatus; Domine Jesu Christe, Fili Dei vivi, benedic X. candelas istas supplicationibus nostris, infunde eis Domine per virtutem sanctæ crucis X. benedictionem cælestem, qui eas ad repellendas tenebras humano generi tribuisti: talemq. benedictionem signaculo sanctæ crucis X. accipiant, ut quibuscumq. locis accensa sive posita fuerint, discedant principes tenebrarum, & contremiscant, & fugiant parvi cum omnibus ministris suis ab habitationibus illis: nec præsumant amplius inquietare, aut molestare servientes tibi omnipotenti Deo. Qui vivis & regnas in sæcula sæculorum. Amen. Veteres tam circumpecti non fuerunt, ut de hisce cereorum utilitatibus cogitassent: usi fuisse illi cereis, ut suprà audivimus, ante lucem, & si sole jam ruti-

rutilante, nunquam tamen *religiosè & mysticè*, ut fit in Papatu.

XII. Ab introductione cereorum devotum est in Papatu ad ceram benedictam, ex qua Agni cerei, vulgò *Agni Dei* dicti, conficiuntur & quidem à solo Papa in primo sui Pontificatus anno, & quolibet deinceps septennio. *Summus Pontifex*, inquit Jesuita Costerus lib. 2. cap. 12. *Christi interitus vicarius, primo sui Pontificatus anno, & quolibet deinceps septennio consecrare solet solenni benedictione orbiculos quosdam cereos, quos à figura impressa vocant Agnos Dei, adhibito sacro Chrismate multisq. insignibus ceremoniis.* Describuntur insignes illæ ceremoniæ in *Ceremoniali Romano* lib. 1. sect. 7. in hunc modum. *Cubicularii ad Papam portant Agnos Dei, quos Pontifex immergit in aquam, & Prelati adstantes eos extrahunt, & in pelvibus argenteis portant super mensas &c. Et omnibus baptizatis per Pontificem vel per ejus prelatos, surgens Pontifex sine mitra dicit super eos has orationes. O alme Spiritus &c. qui in aquarum substantia maxima Sacramenta constituissti, quæ sunt tuo flatu sanctificata atq. imperante lavacri susceptione, S. Trinitatis nomine invocato, omnia peccata diluunt, quæ sumus Domine, hi agni sacra & perenni unda balsamog. sacri Chrismatis perfusi, tu illa benedicere &c.* Annon horribilis ille Baptismi abusus, baptizare orbiculos cereos in nomine S. Trinitatis? Audite autem, *ex eod. Cerem. Rom.* quàm eximiam ex Papæ consecrantis precatione nanciscantur virtutem. Ita Papa consecrans, porro precatur. *Et quemadmodum ille Agnus innocens, tua voluntate immolatus, in ara crucis J. C. filius, protoplastum nostrum de diabolica potestate eripuit: sic isti agni immaculati virtutem illam accipiant, quos consecrandos offerimus in conspectu divinæ Majestatis Tuæ: Tu eos benedicere, sanctificare & consecrare digneris.*

ris, ut tua larga benedictione sanctificati EANDEM virtutem accipiant contra omnes diabolicas versutias & fraudes maligni Spiritus, ut illos devotè super se ferentibus, nulla tempestas eisdem pravealeat, nulla adversitas dominetur, nulla aura pestilens, nulla acris corruptio, nullusque morbus caducus, nulla maris procella & tempestas, nullum incendium, neq. ulla iniquitas dominetur eis &c. En Sanctissimum Patrem Romanum! precatur, ut Agni cerei, à se jam confecti, eandem cum Christo virtutem nanciscantur: quo, quæso, quid blasphemius? Tandem adjicit per Jesum Christum, quasi ad ei illudendum, petens, ut ejus intercessione agnelli, à se jam consecrati, eadem cum ipso virtute induti, juxta ipsum collocentur. Quò & collineant versus Urbani V. Pontificis R. ad Imperatorem Græcum tres Agnos Dei transmittentis; (vid. Cerem. Rom. l. 1. sect. 7.)

*Balsamus & munda cera cum Chrismatis unda
Conficiunt agnum, quod munus do tibi magnum,
Fonte velut natum, per mystica sanctificatum,
Fulgura desursum depellis, & omne malignum:
Peccatum frangit, ut Christi sanguis, & angit:
Pregnans servatur, simul & partus liberatur.
Dona defert dignis, virtutem destruit ignis,
Portatus mundè, de fluctibus eripit unda.*

Quid horridius auditu, quàm agnos cereos abolere peccata, ut illa abolet Sanguis Christi! En Papas fidos Petri successores! hic soli Christi, Agni illius immaculati, sanguini abolitionem peccati tribuit l. c. r. 7. 18. 19. illi autem eodem modo & Agnellis suis cereis! Puduit, ut videtur, hujus blasphemix Papalis Guilhelmu[m] Estium apud Molanum cap. 13. Quare in locum vertus hexametri blasphemici *Peccatum frangit, ut Christi sanguis* & 417-

Et angit, hunc pentametrum substituit; *Et pietas animo surgit, abiq. repon.* Sed (præterquam quod sit audax cæterisq. Pontificiis haud dubie displicens factum, corrigere verba Patris Romani infallibilis) an hoc sit paraphrastem agere, judicent, qui judicare possunt. Ut interim devoti Catholici hosce *Dei Agnos* eò devotius toto pectore exosculentur, gestando eos extra pectus & intra, ut loquitur Jesuita Frusus *prolixo de Agno Dei carmine*, apud Costerum l. 4. cap. 13. varia à Jesuitis, Monachis aliisq. operationum & miraculorum virtute Agnorum Dei patratorum exempla adducuntur, quæ videre est apud Delrionem in *Disquisit. Magicæ lib. 2. quæst. 21. l. 6. c. 2. Molanum cap. 12. in primis Dauroutium Catechis. Histor. tis. 72. Anno Dominica incarnationis*, inquit hic posterior pag. 473. *supramillesimum quingentesimo sexagesimo octavo, cum princeps Auriacus numeroso exercitu in Brabantiam irramperet tentaret, in agro Iuliacensi prope Trajectum ad Mosam quendam Hispanum captivum habuit, quem capitis damnatum milites arbori alligatum sclopetis vel bombardis occidere conabantur. Verum frustra sua in illam emisserant tormenta; tantum enim absuit, ut illum sic arbori alligatum bombardis transverberare, ut nec creberrimis emissionibus ledere potuerint. Quo viso obstupescit, caperunt eum suis spoliare vestibus, arbitantes hominem occultis quibusdam armaturis munitum, quas vis tormentorum penetrare non potuerit: Verum nihil præsidii ab ipsis inventum fuit præter dependens ex collo amuletum Agni, quo eidem sublato, primo ictu bomba exinctus occubuit.* Rem egregiam! Sic milites Pontificii ictus globulorum vereri non habent, præmuniant se tantum dependentibus ex collis Agnorum Dei amuletis, ex monasteriis comparatu facilissimis: tunc globuli non penetrant. Plures ejusmodi historiolas, risu non

fide dignas si cui legere volupe, adeat eundem Dauroutium l. c. Ostendat nobis D. J. ex antiquitate ejusmodi agnos Pontificios, in Nomine S. Trinitatis baptizatos !

XIII. Ostendat nobis etiam, quis Veterum benedixerit, nedum baptizaverit campanas, quemadmodum fit in Papatu: Et quidem ut, scribente Durando Rational. l. i. c. 4. *Per illarum tactum & sonitum fideles invicem invitentur ad præmium, & crescat in eis devotio fidei; fruges, mentes & corpora credentium ferventur, procul pellantur hostiles exercitus & omnes insidie inimici, fragor grandinum, procella turbinum, impetus tempestatum & fulgurum temperentur; infestaque tonitrua & ventorum flamina suspendantur, Spiritus procellarum & aërea potestates prosternantur.* Negat quidem Dauroutius lib. cit. tit. 25. Campanas apud Catholicos baptizari: At frustra. Assignantur 1. campanis susceptores, non minus quam baptizandis hominibus. Tempore Johannis XIII. Pontificis, inquit l. c. ipse Dauroutius, quo Otto Imperator Rome adhuc moraretur, contigit, primariam Lateranensis Ecclesia campanam miræ magnitudinis recens are fusam super campanile elevari: quam prius idem Pontifex sacris ritibus Deo consecravit atq. Iohannis nomine, puta baptista, cujus ecclesia esset usui, nuncupavit. 2. Aquâ in Patris, Filii & Sp. S. nomine lavatur, chrismate, sale & Iputo inungitur, exorcisatur: quid ulterius infantibus baptizandis adhibetur? Sed quid opus verbis? cum in libro Pontificali (edito ab Alberto Castellano 1520) expresse sal exorcisetur ad expellendum ex campana inimicum & aqua, ut omnium pravorum Spirituum nequitiam ejiciat, & Deus rogetur, ut elementum aqua mysterialiter Baptismo commodum S. Spiritus sui sanctificet credas: Atque in Pontificali divulgato Venetiis

netiis 157 r.) fol. 166. dicatur, *Hac commixtio salis & aqua officiat* SACRAMENTUM SALUTARE *in nomine Patris, Filii & Spiritus Sancti. Baptizantur campana*, inquit Durantius lib. i. de Ritib. Eccles. c. 12. *Formula baptizandi sive benedicendi antiqua est. Nomen datur campana*, ait Dauroutius l. c. *ut distingui possit à ceteris, vel quod magis conducit ad pietatem, si voce Sancti alicujus dicatur populus ad Ecclesiam convocari.* Quid, quaeso, est Dei nomine & Sacramentis abuti, si hoc non est? Hunc hodiernorum Romanorum abusum si vidisset Augustinus alique sanioris antiquitatis Patres, nedum S. Apostoli, quid non fuissent dicturi?

XIV. Sed quorsum rapior? si omnia nova Ecclesiae Romanae inventa attingere vellem, ubi dicendi finis inveniendus? Nunquam, ut supra modo dictum, D. J. demonstrabit, omnes illos ritus, quos ex Centuriatoribus Magdeburgensibus colligit, apud Veteres eodem modo & fine fuisse usitatos; quo hodie apud Pontificios: Si tamen fuissent (Si usurpassent signum crucis, aquam benedictam, cereos & alia eodem modo & fine, quo hodie Pontificii) quid inde, contra nos? qui non negamus, inimicum primis quingentis etiam Zizania inter triticum sevisse.

XV. Cum interim D. J. autumat, se in prioribus illis saeculis altaria sua & Missam suam Pontificiam invenisse; videamus, antequam ad alia progrediamur, an hoc verum sit. Veteres altarium meminisse, nulli imus inficias: At eos altaria proprie dicta & qualia hodie in templis Pontificiis conspiciuntur, intellexisse, merito negamus. Nam Celsus, Philosophus ethnicus, Origeni exprobrat, quod Christiani in templis suis altaribus & imaginibus destituantur. Id quod Origenes non negat, sed

sed demonstrat l. 4. & 8. contra Celsum, loco altarium ecclesia esse cor & animum sanctum, ex quo dulces incensum vel odor, vota nimirum & preces ex pura conscientia proveniant & emittantur. Addit lib. 8. Non vides pro aris nobis esse mentem, suam cuique, ex qua sursum feruntur verè ac intelligibiliter suaveolentes suffitus. Conferat igitur, qui vult, aras, quales diximus, cum Celsi aris, & statuas in animis piorum, Deo dicat as, cum statuis phidia & Polycleti, similiumque, & bene sciet, has quidem inanimes esse, obnoxiasque temporum ac tempestatum injuriis. Eandem accusationem etiam post tempora Origenis ab Ethnicis contra Christianos motam fuisse, quod altaria non exstruant, liquet ex Arnobii lib. 4. & 6. Ahbi si altarium occurrit mentio, improprie id intelligendum est de *Mensa Domini*, quæ altare nuncupatur, quia in ea sacrificii Christi fit commemoratio. Cæterum propriè locuti eam *mensa* nomine insigniverunt. Hinc Achanasii in Epist. ad solut. de Arianis querela, quod subscellum, thronum, mensam ligneam, καὶ τὸ βῆλα τῆς ἐκκλησίας & fores Ecclesia & cætera, quæ poterant, foras elata combusserint. *Mensa Domini*, inquit Augustinus de Verb. Dom. sec. Joh. Tom. 10. est illa in medio constituta. Quid causa est & audientes, ut mensam videatis & ad epulas non accedatis? Audis? vocat mensam & quidem in medio templo positam, secus ac altaria vestra, quæ in finibus vel angulis templorum eriguntur. Verba Pauli Heb. 13. 10. dicentis; *Habemus altare, ex quo edendi non habent jus, qui tabernaculo cultum præstant*, quæ insuper toties crepatis, causæ vestræ ne utique favent. Nam hic non intelligi altare propriè dictum, quale Missifices desiderant, patet, ex eo, quod Apostolus loquatur in n. sing. ἔχουσιν ἑνὸς ἁγίου ἡμεῖς ἔχουσιν ἑνὸς ἁγίου habemus altare, non in pl. altaria, quomodo Pontificiis innumera altaria habentibus gratificaturus, dicere necesse habuisset.

2. Quia

2. Quia hoc altare opponit Judaicis: Non ergo materiale, qualia Judæorum erant, sed spirituale intelligit: alioquin præcise uersurus vocem *altaris*, etiam in cælo laxum eriget ex Apoc. 6. 9. & 8. 5. Quodnam ergo altare istud Apostolicum? Christus ipse: is, quemadmodum sacerdos & victima, ita etiam altare nostrum est; Id quod ipse Apostolus innuit in eod. cap. 15. dicens; *Per ipsum igitur assidue ἀνασφύμιον offeramus Deo sacrificium laudis, id est, fructum labiorum, celebrantium nomen eius.* Agnoscunt hîc nobiscum veritatem non pauci ex ipsismet Pontificiis. *Habemus altare*, inquit Nicolaus Lyranus in cap. 13. ad Hebr. *id est, crucem, in qua Christus oblatus est.* Clarius Thomas Aquinas in Ep. ad Hebr. *Istud altare est vel crux Christi, in qua Christus pro nobis immolatus est, vel ipse Christus, in quo & per quem preces nostras Deo offerimus.* Sic Gagnejus, Titelmannus, Estius & alii. Cesset igitur Jesuita Elffius in Catholico suo *Simplici* altaria sua Missatica huic loco, nisi velit oleum & operam perdere, superstruere. *Quia non desunt ex Catholicis*, inquit Bellarminus lib. 1. de Missa c. 14. *qui eo loco per altare intelligant crucem, aut ipsum Christum, non urgeo ipsum locum.*

XVI. Quemadmodum autem saniori antiquitati Pontificiorum ignota fuerunt altaria, ita non min' latuit eam ipsorum Missa. Non negamus, veteres meminisse Missæ: negamus autem eos meminisse Missæ Pontificiæ. Nimirum duplex distinguitur Missa apud Veteres. Alia *Catechumenorum*, alia *Fidelium*. Per illam finita concione ac peracta pro Catechumenis prece cū ventū esset ad celebrationē eucharistiæ & orationes eò pertinentes, dimittebantur ac recedere jubebantur catechumeni, clamante diacono (ut est in Liturgiis Basilii & Chrysostomi) ὁσοι καὶ ἡγούμενοι προίλθιτε. *Post sermonem fit missa catechumenis, fideles manebunt*, inquit Augustinus serm. 237. de temp.

temp. Per hanc dimittebantur *Fideles* (quo nomine insigniebantur omnes baptizati, seu, ut Tertullianus loquitur, *instructi*, qui Clementi Alexandrino lib. 1. *Pædagog.* c. 6. dicuntur *ἐπιφωτισμένοι* illuminati) Nimirum post dimissos Catechumenos, utpote quibus, teste Isidoro Orig. lib. 6. c. 19. *Sacramentis interesse* non licebat, manebant *fideles*: deinde peractis eucharistix mysteriis, fiebat etiam missa fidelibus, *inclamante*, ut ait Aicuinus *de divin. Offic.* c. 40. *diaconos* I TE, MISSA EST, id est, dimissio: Unde ita pergit ibid. Aleuinus, *Missâ ergò nihil aliud intelligitur, quàm dimissio, id est, absolutio, quam celebratis omnibus tunc diaconus esse pronuntiat, cum populus à solenni observatione dimittitur &c.* Etiam Honorius Augustodunensis in *Gemma anima* lib. 1. cap. 90. hæc verba, *Ite, missa est*, interpretatur *licentiam abeundi*. Hinc deinceps accidit, ut hæc vox tribueretur precibus Ecclesiasticis, præsentibus Catechumenis, habitis & liturgiæ ante dimissionem fidelium usitatæ, ita ut toti actioni nomen *Missæ*, id est, dimissionis, sub finem fieri solitæ, sit datum. Qui quidem vocis usus post tempora Augustini (cum in aliis Patribus Latinis antiquioribus rarissimè vox illa legatur usurpata; imò Hieronymum qui tamen Augustino *σύγχρονος* fuit, eam nunquam usum esse, ipse Bellarminus lib. 1. *de Miss.* c. 1. fateatur) adeò increbuit, ut viri docti, Julianus Interpres Novellarum Justiniani, Paulus Diaconus, Auctor historiarum miscellæ & alii plures voces Græcas *ευχαριστία* & *εὐχαριστία* *Missam* interpretarentur. Concedimus itaque D. Jureconsulto vocem *Missæ* perquam antiquam esse, imò antiquiorem, quàm ille sibi forte imaginatur. Olim post celebrata mysteria Isidis, dicebat scriba, *λαός ἀφ' οὗ*, referente Apulejo lib. 11. *Metamorphos.* Inde mutatos esse hunc morem Christianos Latinos ut dicerent, *Ite, Missa est*,

est, ait Polydorus Vergilius lib. 5. de rer. invent. c. 12. Verum non de voce, sed de re est quaestio. Ostende nobis, Augustinum, Hieronymum, Chrysostomum aut ullum alium vetustioris & sanioris seculi vel unquam celebrasse vel commendasse hodiernum vestrum Sacrificium Missaticum, seu propitiatorium pro vivis ac mortuis, sub speciebus panis & vini, & eris nobis magnus Apollo. Novi quidem, Ambrosium scribere lib. 5. Epist. 33. *Ego tamen mansi in munere, Missam facere cepi*: At ridicule hoc Jesuita hodierno suo sacrificio Missatico applicant, hunc istis verbis affingentes sensum, *Missam celebrare incepti*: Nam 1. si *Missam facere* idem esset, quod *celebrare Missam*, sequeretur etiam ex verbis Augustini supra allegatis, *post sermonem fit Missa catechumenis*, Missam quoque Catechumenis celebratam & lectam fuisse, quod tamen Papicolas non admittunt 2. *Missam facere*, ut supra ostensum, apud Veteres *missionem facere* sive *dimittere* significat (quemadmodum & deflorescente latinitate dixerunt *remissam* pro *remissionem*: Id quod Bellarminus l. c. ultro agnoscit, confutans suos Catholicos, qui ostendere conantur, nomen *Missae* non esse latinum, sed Hebraicum) ac proinde hoc innuere vult Ambrosius; *Ego mansi in meo munere & incepti dimittere Catechumenos*. Sed de Missa plura suo loco.

Appendix de statu monastico ex Centuriat. Magdeburgensibus.

1. Monachos & moniales fuisse intra primos quingentos annos non negamus: at fuisse tales, quales hodie repetiuntur in papatu, negavimus supra & etiam nunc negamus maxime: quamvis tamen, si & hoc de-

monstrare posset D. J. nihil etiam, ut supra ostensum, contra nos efficeret. Incaſſum proinde cadunt omnia ſpicula, quæ ex Centuriatoribus in nos vibrare allaborat. Notet interim, Egeſippi, ad quem provocat, libros juxta Salmeronem tom. 4. tract. 31. *apud eruditos in controverſia eſſe poſitos*, & ſecundum Bellarminum lib. 4. de V. D. cap. 7. *ejus quinque libros, quorum Eusebius meminit, hodie non extare*. Ea, quæ referuntur à Papicolis de Longino, riſu digniora ſunt quam fide. Nugantur, eum fuiſſe militem, qui lanceâ Chriſto aperuerit latus, ex quo vulnere illico ſanguis Chriſti per eam lanceam in ipſius oculos, vel ſenio vel morbo caligantes, fuerit illapſus, cujus virtute ſtatim viſum receperit. Hoc miraculo uſuiſſe volunt Chriſtianum, vale dixiſſe militiæ, vitamque monaſticam excoluiſſe annos viginti octo: denique deprehenſo ab Octaviano præſide dentes excuſſos, linguam abſciſſam, nec minus tamen prædiçaſſe: Imo accepta ſecuri idola omnia conquaſſaſſe, è quibus diabolos more luporum ululantes egreſſos obſediſſe præſidem eique adſtantes, qui inſanientes coram Longino in genua procidendo ſalvi evaſerint: Poſtmodum ipſum Octavianum excæcatum fuiſſe: Perſuaſiſſe autem ei Longinum, liberari non poſſe, niſi ſe interfeceſſet; ita enim martyrem factum pro ipſo interceſſurum: itaque juſſiſſe præſidem capite eum plecti, deinde ^{ad} corpus acceſſiſſe & acta pænitentia, uſum oculorum recepiffe. Vide liſ Jacob, de Voragine Legendam auream, Mantuanum in Faſtis, Malleolum in lib. de Stigmatibus Chriſti pag. 419. Hanc lepidam fabellam ſi D. J. tanquam Catholicam veritatem digerere poteſt, nã ſatis Catholicus, i. e. Pontificius ipſi eſt ſtomachus. Ipſe Baronius in annal. an. 34. §. 39. ſſ. ſatis oſtendit, ſe ei fidem non habere, indicato Simeone Metaphraſte ſine ulla approbatione. Et quis non videat, S. illum Longinum enatum eſſe è græca voce λονχον lancea,

lancea, quæ veteri pronuntiatione *Lonchi* effertur; ita ut *S. Longinus* longè absit à Sanctorum verorum numero, sed poti⁹ adscribendus veniat Sanctis à *Longurione Romano* confectis, cujusmodi *Non-entia* plura (ut *S. Hippolytus*, *S. Ursula*, *S. Martialis*, *S. Christophorus magnus*, *S. Georgius*, ab ipso *Baronio* inter *Non-entia* abjectus &c) in Papatu inter Sanctos referuntur: de quibus in sequentibus plura. At, inquis, ipse *Vincentius*, (id quod ipse *Centuriatores* testantur) refert hanc historiam. R. Referat, quid tum? Num propterea non erit fabula? Fuit ille Monasterii *Lerinenfis* presbyter, maximè de *Semipelagianismo* suspectus, imò forte idem, à quo objectiones illæ propositæ, quas *Vincentianas* nuncupat *Prosper*, easque confutat: ita ut merito *Cl. Dailé* apud *Celeb. Rivetum Critic. Sacr.* pag. 468, miretur audaciam *Cardin. Perronii*, qui *Vincentium* illum de heresi suspectum Sanctum appellat. Vixit non seculo primo, sed demum quinto, quo, quamvis Ecclesia fuerit purior, quàm sequentibus, copiosius tamen, quàm præcedentibus, lolium inter triticum progerminare cepit. Sed retundamus *Vincentium* ex ipso *Vincentio*. Loquitur ille sic de Sanctis Patribus cap. 39. Quibus tamen hac lege credendum est, ut, quicquid vel omnes vel plures uno eodemque sensu manifeste, frequenter, perseveranter, velut quodam consentiente sibi magistrorum Concilio, accipiendo, tenendo, tradendo firmaverunt, id pro indubitato certo, ratoque habeatur. Quicquid vero, quamvis ille sanctus & doctus, quamvis Episcopus, quamvis confessor & martyr, præter omnes aut etiam contra omnes senserit, id inter proprias & occultas & privatas opiniunculas, à communis & publicæ & generalis sententiæ autoritate secretum sit. Atqui (subsumo jam) ipse *Vincentius* hac sua de *S. Longino* historiola sentit præter & contra omnes (ne-

mo enim ex puriorum seculorum Doctoribus de hac re vel somniavit quidem) Ergo inter privatas ipsius opinunculas, seu potius fabellas, debet esse secreta. Idem responsum habeto ad ea, quæ Petrus de Natalibus lib. 8. c. 110. & idem Vincentius lib. 9. c. 47. fabulantur de Thecla, quod scilicet Iconii à Paulo conversa, sponso Thamiro renuntiaverit datam connubii fidem & professâ sit virginitatem: Et ob eam causam à matre accusata & unâ cum Paulo in carcerem ducta, & Paulo Iconio ejecto, ipsa in ignem coniecta: Sed, pluviam ignem extinguente, evaserit incolumis, & ad Paulum redierit & se ad NB. habitum viri tonderi voluerit, ut Paulum libere sequi posset: Verum à Paulo id facere non sit permissa. Et quod ab Alexandro, cum ejus libidinem explere nollit, accusata variis suppliciorum generibus frustra afflictâ, tandem superstes manserit: Et tonsa & NB. virilem vestem indusa, commisit anibus quibusdam juvenibus, ad Paulum profecta sit: Et denique ab eo discedens, Seleuciam pervenerit, ibique mortua sit. Redolent hæc (ut bene notant Centuriatores) opimas Monachorum fabulas & probatorum & antiquiorum auctorum destituuntur testimoniis & à doctrina Pauli alienissima sunt. Neque enim is matrimonia solvi, neque feminam virili toga indulgere & tonderi debere, utpiam docuit, sed contrarium 1. Cor. 7. & 1. Cor. 11. affirmavit. Interim D. Jureconsultus noster non gravatur hanc Theclam nuncupare Sanctam. O bonum Catholicum stomachum, qui hanc ut & cæteras, quas Petrus de Natalibus lib. 8. c. 29. de Euphemia, Dorothea & aliis (quæ apud D. J. nostrum etiam Sancta audiunt) recenset, fabellas concoquere potest!

II. Ignatium, ad quem provocas, quod spectat; laudat ille quidem apud Centuriatores cœlibatum; at non minus, citantibus iisdem, extollit etiam matrimonium

nium in iis, qui continentia dono destituuntur. *Non detraho*, inquit ad Philadelph. *beatis qui nuptiis copulati fuerant*. Item, *si quis corruptionem & coinquinationem vocat legitimum commixtionem & filiorum procreationem, huiusmodi habes cohabitatores Draconem Apostatam*. Atqui hoc Papa vestri, Innocentius II. Alexander III. Siricius & alii (qui posterior in hunc finem non erubescit abuti dicto Apostoli Rom, 8. 8. *Qui in carnesunt, Deo placere non possunt*) fecerunt, ut supra Parag. 3. nam. 17. demonstratum Ergo : Conclude tu jam ipse ex verbis Ignatii, quem assistentem habuerint & etiamnum habent Spiritum Pontifices & Pontificii *prophetae*. Porro ait idem in eadem ad Philadelph. Epist. *Opto Deo dignus inveniri, sicut Petrus & Paulus & reliqui Apostoli, qui nuptiis fuerunt sociati &c.* En quam eximie causam vestram Ignatius patrocinetur!

III. Ad ceteros S. Patres, Justinum, Cyprianum, Athanasium, Basilium, Ambrosium, Hieronymum, & alios à te ex Centuriatoribus citatos quod attinet, verum quidem est illos (alterum tamen magis, alterum minus) fuisse coelibatui: At illi Christo & Apostolis, à quibus, matrimonii incundi libertas omnibus conceditur, ut supra demonstratum, totique adeo Ecclesiae praescribere nequaquam possunt. Illi non sunt infallibiles in fidei controversiis Iudices, sed sola S. Scriptura seu Sp. Sanctus in cœlo quens : Nam tota Scriptura teste Apostolo 2. Tim. 3. 16, *divinitus est inspirata & utilis est ad DOCTRINAM (veritatis) ad REDARGUTIONEM (errorum) ad CORRECTIONEM (vitae, per inculcationem fidei & Christianarum Virtutum) ad DISCIPLINAM (eorum, qui impiam & scandalosam in hoc mundo degunt vitam) quae est iustitia*. Quid praeterea requiritur ad eruditionem Christianam vos Papicolae nihil certe : Hinc Apostolus statim

tim addit y. 17. *Ut homo Dei sit perfectus, ad omne opus bonum perfecte instructus.* (2) Patrum quidam in hac materia nimis dure fuerunt locuti. Sic apud Hieronymum, qui vixit anno 380. quam duræ non de conjugio occurrunt locutiones? lib. 1. ad v. Jovin. scribere non veretur, *conjugium explere terram, sed Virginitatem paradysum.* Plures ejusdem commatis in ejus de hac materia scriptis non raro obvia. Ante ipsum etiam Tertullianus ann. 203. scribere non dubitavit *lib. de Exhort. Castit. c. 9. Matrimonium affine esse stupro &c.* Et Origines ann. 230. (qui se ipsum etiam, motus Christi verbis Matth. 19. 12. male intellectis, corporaliter castravit, referente Eusebio *Histor. Eccles. lib. 6. c. 7.*) *homil. 17. in Luc. Nunc & secunda & tertia & quarta nuptia, ut de pluribus taceam, reperiuntur : Et non ignoramus, quod tale conjugium ejiciet nos de regno Dei &c.* Quæso te D. Jureconsulte, hæc ne consona sunt S. Scripturæ? hæc ne respondent Paulo, Heb. 13. 4. dicenti; *honorabile esse inter quosvis conjugium & cubile impollutum &c.* Nonne scio, hodiernos Monachos validis instructos esse stomachis, ut ejusmodi duras locutiones & sententias, in conjugii contumeliam facile concoquant : At, præterquam quod expresse Dei verbo repugnent, non pauci sunt ex ipsismet Pontificiis doctioribus, quibus duræ istæ horum & his assentientium Patrum sententiæ displicent; ex quorum numero est Ludovicus Vives *Comment. in August. de C. Dei. l. 16. c. 34.* B. Rhenanus in *Arg. lib. Tertull. Exhort. ad Cast.* Virvesius in *Conf. August. art. 23.* Quibus se quoque adjungit Jesuita A. costa de *Christ. revel. c. 20.* scribens ; Hieronymum in medio certamine positum, ardore ferient adversarios, premere interdum etiam socios, conjugio iniquiorem. (3) Patribus in hac de Conjugio & cœlibatu materia Scripta quædam falso adscribuntur.

Sic

Sic liber *de bono pudicitia*, in quo sub Cypriani Nomine *Virginitas aequatur angelis*, vel ipso Bellarmino teste de *Sc. Eccles. tit. Cyp.* non est Cypriani. Idem fere est ejusdem judicium de libro *de singularit. Clericorum*, etiam Cypriano tribui solito, in quo eodem modo *Virginitas* vocatur *status qualitatis Angelica*. Quin librum illum non esse Cypriani præter Pamelium Erasm^o apud Rivetum Crit. Sacr. l. 2. c. 15. jamdiu certis argumentis demonstravit. Sic librum *de Virgin.* quem vulgo attribuunt Athanasio (in quo inter alia ita legitur: *ô virginitas, opulencia indeficiens: ô virginitas, corona immarcescibilis: ô virginitas, templum Dei & domicilium Sp. Sancti &c. O continentia, mortem & infernum profligans & quæ ab immortalitate possidetur: ô continentia gaudium Prophetarum & Apostolorum gloriatio &c.*) Athanasio falso attribui solidè præter Erasmum & Sculterum demonstrat idem Rivetus lib. 3. c. 4. (4) S. illi Patres peremptorium & irrevocabile cum abjuratone matrimonii conjunctum votum, quale obtinet in Papatu, nusquam suaserunt. (5) Sed quid hîc opus ambagibus? Opponimus Patribus Patres: Si multi commendarunt virginitatem & ipsimet in cœlibatu vixerunt: plures tamen adhuc vixerunt in conjugio, ut Hilarius, Gregorius Nazianzenus Gregorii Theologi Pater, Gregorius Nyssenus, Clemens Romanus, Spiridion, Polycrate, Polycarpus, Prosper Aquitanus, Sidonius Appollinaris, & alii, de quibus supra.

IV. Instituit quidem Christus Sacram cœnam hisce verbis: *Accipite, edite: hoc est corpus meum*, sed non hisce solis: multo enim plura eum usurpasse, poterant te præter Paulum, docere tres, ad quos provocas, Evangelistæ. *At his verbis, ais, hoc est corpus meum, Christus nobis certam consecrandi formam reliquit, quæ à Reformatis non ad-*

hibetur. At si his quatuor vocibus fit consecratio, quare ergo in *Canone Missæ* inseritur quinta enim? ubi quæso legitur Christus dixisse, *hoc est enim corpus meum*, ut Sacerdotes vestri dicunt? hæc, siue quatuor siue quinque verba esse formam consecrationis, falsissimum est: Nam (*) verba Christi de calice non uno eodemq; modo adducuntur à Sacris Scriptoribus: apud Paulum & Lucam legitur. *Hoc poculum est N. Testamentum per meum sanguinem*: apud Matthæum: *Hoc est enim sanguis meus N. Testamenti*: apud Marcum autem omiſſa voculâ enim: *hoc est sanguis meus N. Testamenti*: Si consecratio panis præcisè illis verbis, *Hoc est enim corpus meum*, ut vultis, continetur, quibus præcisè continebitur consecratio vini? cum sit verborum varietas apud S. Scriptores. In *Canone Missæ* hæc profertur consecrationis forma; *Hic est enim calix sanguinis mei: novi & æterni testamenti: mysterium fidei: qui pro vobis & pro multis effundetur in remissionem peccatorum*: At apud quem S. Scriptorem illa ita legitur? Volunt Bonaventura, Suarez, Bellarminus & alii, hæc tantum esse essentialia; *Hic est calix sanguinis mei* (vel, *hic est sanguis meus*) negant autem Thomas & Thomistæ apud Jesuitam Bubenbaumium *Medull. Theolog. l. 6. tr. 3. c. 1. D. 6. (6)* Consecrationem quis dicat fieri posse sine precatione? imo consistit in precatione: At in verbis illis, *hoc est enim corpus meum* quæ precationis forma? cum non ad Deum sed ad Apostolos sint directæ. Ad Apostolos enim dixit, *Accipite, edite, hoc est corpus meum* (7) Vos docetis (quamvis non sine aliorum contradictione, ut in sequentibus patebit) per primam voculam *Hoc* intelligi ipsum Christi corpus: quod si verum: non possunt utique quinque illa verba esse forma consecrandi, cum conversio modo facta sit, antequam illa verba sint pronuntiata. (8) Christum

stum verbis illis consecrationem peregrisse, absonum est, cum, priusquam illa proferret, *panem benedixisse*, adeoque consecrâsse commemoretur Matth. 26. 26. Marc. 14. 22. ut rum non amplius panis communis, sed sacer ac benedictus fuerit, qui proinde à Christo in corporis sui Symbolum ac pignus tradebatur, dicente; *hoc est corpus meum*. Sed ad quid verborum ambagès? Obstruant Pontificio Jureconsulto os ipsimet Pontificii Theologi. *Patet*, inquit Odo Camera in exposit. Canon. dist. 3. *quòd panis accepta benedictione factus sit corpus Christi; non enim post benedictionem dixisset, hoc est corpus meum, nisi in benedictione fieret corpus Christi*. Et postea de Calice: *Benedixit, id est, sanguinem suum fecit*. Et mox: *Similiter hic patet, quòd benedictione fuerit factus sanguis*. Et paulo post. *Pertinet ad fidem Catholicam credere, post benedictionem esse verum sanguinem, ut infidelis sit, qui hoc non crediderit*. Quomodo arrident hæc palato tuo D. Jureconsulte? Ergo iudice hoc Episcopo vestro Cameracensi, à te non tenetur fides Catholica, imò neque tu, neque ulli Papistæ, quorquor hodie cum Bellarmino, Coryphæo vestro statuunt, supra dicta quinque verba esse sufficientem consecrationis formam, inter fideles sunt referendi. Audi interim & Doctorem vestrum Christophorum de Capite Fontium. *Licet*, inquit ille Tractat. 1. c. 3. fol. 22. *super hac questione, quâ queritur, quibus verbis Christus consecravit; quatuor aut quinque sint diverse opiniones, quibusdam dicentibus, quòd verbis id fecerit nobis ignotis, aliis, quòd nullis verbis usus sit, aliis, quòd his, Hoc est corpus meum, benedixerit: in hoc tamen omnes convenerunt semper, usque ad recentia tempora Cajetani* (En ergò quam constans sit fides vestra Catholica!) *quòd Christus N.B. benedictione consecravit, quibuscumque tandem verbis usus sit, dum benediceret*. Ideo hoc

N.B. ex eis summus pro infallibili veritate, videl. Christum, dum benedixit, consecrasse. Cui & N.B. Scriptura & Concilia & tota antiquitas testimonium dat irrefragabile. Idem Archiepiscopus vester Tract. 4. totam antiquitatem sibi vendicat & tuam ac communem hodie vestram sententiam prorsus novam esse demonstrat: Unde nota v. n. p. d. Jureconsulte, quàm injuriosi vos Papicolæ existatis in S. Patres & totam antiquitatem? Ut novis & absonis sententiis vestris splendorem aliquem concilietis, crepatis semper antiquitatem, detorquentes dicta S. Patrum in sensum alienum. Bellarminus vester ut rucatur, solis quinque verbis fieri consecrationem, ad ravim usq; lib. 4. de Euch. c. 13. crepat antiquitatem: At hic Archiepiscopus vester prolixè demonstrat, totam antiquitatem ab hac sententia vestrà alienissimam esse. En quàm belle inter vos conveniat de antiquitate! Sed de hoc alibi plura.

V. Idem Archiepiscopus vester Tract. 5. fol. 108. etiam Innocentium III. lib. 3. de Offic. Missæ sibi assentientem adducit. *Afferit, inquit, magnus ille & doctissimus Pontifex, Christum benedictione consecrasse & non per ista verba, hoc est corpus meum. Et mox addit. Innocentius quartus, Gabriel Biel super Missæ canonem, Godefridus Pičtaviensis, Episcopus Minatensis & Franciscus de Maronis, Innocentii 3. opinionem sequuntur & justinent. En jam eximium, non tantum Pontificiorum, sed & ipsorummet Pontificum de forma consecrationis consensum! quid videtur jam D. Jureconsulte; Reformatorum (negantium, verborum, hoc est corpus meus, pronuntiatione fieri consecrationem) sententia num vera est an falsa? si vera: cur Pius V eam rejecit? cur & vos hodierni Papicolæ ei non datis locum? Si falsa: cur ergo Papa vester Innocentius III. cum multis aliis, imò cum tota antiquitate eam defendit? Ubi hîc Papa-*

Paparam vestrorum infallibilitas? Si mihi Pii V auctoritatem (sic pergit Archiepiscopus vester fol. 123.) opponant, opponam illis non minoris auctoritatis & sanctitatis, eruditionis autem nomine majoris, Innocentii III. sententiam, oppositum sentientis. Nunc si unus pontifex dicat, Christum consecrasse per ista verba, Hoc est corpus meum; alter vere dicat, quod non, cui eorum fidem adhibiturus sum? quantum ad naturam, ambo homines sunt: quantum ad dignitatem, ambo summi pontifes: quantum ad auctoritatem, eadem est utriusque. NB. ambo verum dicere, impossibile est. Cujus hic ego sententiam sequar? NB. Ambobus credere non possum, cum contraria dicant. Certe video, cujus sententia magis cum Scriptura vel conciliorum decretis conveniat, & illam sequar. In sequentibus rejicit sententiam Pii V. adoptatâ sententiâ Innocentii III. adeoque agnoscit & Pium errasse & modernam fidem vestram papisticam, quâ creditis suprâ citata quatuor aut quinque verba esse formam consecrationis, esse novam, vanam & falsam.

VI. Sed si his quinque verbis, *inquit*, Christus non per-
egit consecrationem, quibus ergo? At noli interrogare,
ubi S. Scrip. non respondet: legitur *benedixisse*: At qua cõ-
ceptâ formulâ ignoratur; & doctè ignoratur; quia Scri-
ptura eã silet. Judæis, inter quos Christus est versatus, hæc
est ordiãria super pane benedictio, יהוה אלהינו ברוך אתה
מלך העולם המציא לחם מן הארץ *Benedictus sis tu Domine
Deus noster, Rex mundi, qui producis panem à terra*: Et super
vino ista, יהוה אלהינו ברוך אתה מלך העולם ברוך פרי הגפן :
*Benedictus sis tu Domine Deus noster, Rex mundi, qui creas
fructum vitis. Vid. Berach. fol. 35.* Sed, cùm S. cœna non fue-
rit epulum ordinarium, sed Sacramentum, à Christo de
novo institutum, non videtur dubitandum, quin Chri-
stus hîc suâ singulari & quidem antehac ab ipso non u-

surpatâ *εὐλογία*, atque ad rem præsentem accommodatâ fuerit utus, per quam Symbola sacramentalia consecravit atque ab usu communi ad novum & mysticum separavit, constante ex precibus & gratiarum actione. Apud S. Scriptores duæ occurrunt voces, apud Matthæum & Marcum *εὐλογεῖτε*, apud Lucam verò & Paulum *εὐχαριστεῖτε*, quibus promiscuè utuntur, partim quòd hebraicum *ברך* utrumque denotet, partim etiam, quòd unius sacræ actionis duæ sint partes, precatio scil. & gratiarum actio. Egit nimirum Christus Deo gratias pro instantis redemptionis beneficio & per gratiarum actionem, ad junctis cum eâ precibus Symbola *benedixit*, id est, sanctificavit, consecravit & ad usum mysticum separavit. Eodemque modo, & hodie in Ecclesiis Reformatis Symbolorum consecratio peragitur, partim instituti Christi commemoratione, partim precibus ac gratiarum actione, denique totius istius actionis ad exemplum Christi compositione. Obtinuit idem etiam consecrandi mos apud Veteres. Justinus cùm 2. *Apol.* modum consecrandi Eucharistiam fusissimè explicat, eum per gratiarum actionem & sacerdotis preces describit: Idem faciunt & alii à supradicto Archiepiscopo vestro tract. 4. citati. Imo omnes, ut suprà modò audivimus ex eodem, in hoc convenerunt semper usque ad recentia Cajetani tempora, quod Christus benedictione consecravit, quibuscunque tandem verbis usus sit, dum benediceret.

VII. Verum est, Pastores Reformatos hinc in locis inter distribuendum sacra symbola uti verbis Pauli 1. Cor. 10. 16. *Poculum benedictionis*, cui benedicimus, nonne communio sanguinis Christi est? Panis, quem frangimus, nonne communio corporis Christi est? At ubi legisti D. Jureconsulte, quòd hæc verba (quibus Paulus & ipsi

& ipsi ex ore Pauli naturam & finem mysterii S. cœnæ declarant) Reformatis sint certa & sufficiens consecrandi forma, quemadmodum vobis sunt verba *hoc est corpus meum*? nusquam certè, nisi in libro cerebri tui : Adeo in Religione Reformata, quam tot annos professus es, fundatus fuisti ! Noli ergo amplius interrogare nos, *Num velimus esse sapientiores esse Christo*? &c. sed si placet porrò interrogare, ex mente Papæ vestri Innocentii negantis, Christum per verba ista, *hoc est corpus meum*, consecrasse, interroga hoc hodiernam Ecclesiam vestram Papisticam, quæ per hæc sola verba Christum consecrasse asserit, eaque certam & sufficientem consecrandi formam constituit contra totam (ut supra ex ore Archiepiscopi vestri audivimus) antiquitatem.

VIII. Quæstio, quam porrò moves, *ubi nimirum legamus in Dei verbo, quòd si vinum consecratum ob communicantium frequentiam deficiat* (quod te non semel observasse, oculisque tuis vidisse dicis) & *novum adferri necesse sit, novum istud vinum sine ulla nova super eo pronuntiata benedictione ad cœnam sit aptum* ? ex falsa hypothesi papistica & itidem ex Reformatæ Religionis ignorantia proficiscitur. In sacra Reformatorum cœnâ cum benedicuntur panis & vinum, id est, sanctificantur, consecrantur & ad usum sacrum destinantur, ut sint Symbola corporis & sanguinis Christi (quod fit precibus, gratiarum actione & clara ac perspicuâ recitatione verborum mandati & institutionis S. cœnæ, non autem, ut apud vos tacitâ quadam quinque verborum murmuratione) benedicuntur omnis panis & omne vinum, quæ in totâ illa actione sacra sunt adhibenda & usurpanda (destinatur enim benedictio toti actioni) adeoque *etiam illud vinum, quod de novo adfertur* : Ut proinde novâ benedictione non sit opus.

Ap-

Appendix de jejunio ex Cen- turiatoribus Magdeburgensibus.

I.

Dixerat supra D. I Ctus *paragr. 2.* quadragesimam ab ipsis Apostolis institutam & nobis relictam esse; cujus probationem avidè exspectabamus ex sequentibus: At frustra: probare non potuit. Transit jam ad Patres probaturus eam ex illis: at non minus frustra: nam (præterquam quòd nobis neutiquam obesset, si vel maximè demonstrari posset, ut supra ostensum) quadragesimæ jejunium intra tria priora secula incognitum fuisse ex Irenæi & Tertulliani testimoniis supra adductis quàm evidentissimè liquet. Dicit quidem Ignatius *ad Philad.* apud Centuriatores *Cent. 2. cap. 4. pag. 65.* (tu citas Justinum, cujus tamen nulla *loc. cit. in b. mat.* mentio) *dies festos nolite inhonorare, quadragesimam vero nolite pro nihilo habere, imitationem enim continet Dei conversationis. Hebdomadam etiam passionis nolite despicere. Quarta vero & sexta feria jejunate, reliquias pauperibus porrigentes.* Item, *Quicumque Dominicam aut sabbatum jejunaverit, præter unum sabbatum Pascha, ipse est Christi interfector.* Sed in illa *ad Philad.* Epistola, ut bene observat Cl. Rivetus Critic. Sacr. lib. 2. cap. 2. totus locus de jejunio quadragesimæ & quartæ sextæq; feræ post passionis dominicæ septimanam, ex Constitutionibus Clementis assutus est, ut videre est lib. 5. c. 23. & lib. 7. c. 24. In quibus eadem toridem verbis habentur. Non esse autem hanc constitutionem
Apo.

Apostolicam , vel ab Ignatio homine Apostolico , Apostolorum nomine commendatam , Augustinus aperte docet *Epist. 86. Quibus diebus non oporteat jejunare & quibus oporteat , praecepto Domini vel Apostolorum , non invenio definitum.* Ergo non viderat constitutiones illas vel non legerat apud Ignatium , quæ hoc tempore ejus nomine venditantur. Quid ? quod interpolator ille tanquam *Χριστοκτόνον Christi interfectorem* ibidem pronuntiet ; qui Sabbato uno excepto jejunârit ? cùm tamen *Papistæ Sabbato jejunent.*

II. Verum est , Eusebium referre ex Clemente Alexandrino de Johanne Apostolo , quod *adoleſcentem pravo consortio corruptum & factum latronem ad Ecclesiam reduxerit : Ubi assiduis precibus pro eo orarint ac continuis jejniis decertarint :* Sed quid quæſo inde pro jejunio vestro quadragesimali , stato , sub peccato mortali indicto , consistente in delectu ciborum ? quid contra nos , qui , exigente id necessitate , etiam jejunia continuamus , non abstinentes à sola carne , ut vos , sed ab omnicibo.

III. Quid etiam decretum Synodi VI. apud Ostroënam (nominas Cæsaream) pro quadragesimâ vestrâ ? decrevit illa , *nullo unquam alio die quàm Dominico mysterium resurrectionis Domini celebrandum atque in eo sôlo jejunia Paschatis solvenda esse.* Ubi hîc vestra quadragesima , consistens in delectu ciborum ?

IV. Verum est , *Tertullianum jejunio tribuisse meritum :* At novisse debebas , eum hoc fecisse ut adhuc Montanistam , non ut jam Catholicum : librum enim de jejunio adversus Psychicos , (quo nomine , fatente Bellarmino *lib. 2. de bon. op. c. 2.* insignit Catholicos) in quo jejunio meritum tribuere legitur

Cent. 3. cap. 4. pag. 86. scripsit, adhuc erroribus Montani implicitus. *Vide Hieronym. de Script. Eccles.* Rem ergo acu tetigisti D. Ictus! scilicet! Origenis homilia in Leviticum, in qua mentio fit *dierum quadragesimalium jejuniis consecratorum*, Græcè non extat, sed Latine ab alio translata; adeò incerti auctoris, ut Cyrilli nomine ab adversariis non semel & laudata & excusa fuerit. Meminit alibi (*homil. 6. in Ezech.*) olei, quo se veteres, jejunaturi, perunxerint: Ubi ille ritus in Papatu? Dicit quidem Cyprianus, *Christianos frequentissimè jejunasse*: At non dicit, eos *observasse quadragesimam*, non dicit, eos *jejunium suum in delectu ciborum constituisse*: quid ergo ad rem? Nos dicimus cum eodem Cypriano ad Pompej. Unde ista traditio? utrumne ex Evangelica autoritate descendens, an de Apostolorum mandatis atque epistolis veniens? Ea enim facienda, qua scripta sunt, Deus testatur. Descendit ab Apostolis, inquit D. J. noster. Nos cum Cypriano. Si ergo aut in Evangelio precipitur, aut in Apostolorum Epistolis aut Actibus continetur &c. observetur divina hac & sancta traditio. Sed hinc prorsus hæret D. Ictus cum Jesuitis suis.

V. Ignotum ergo fuit jejunium quadragesimale Christianis trium priorum seculorum: Ad seculum quartum & quintum quod attinet, fatemur, in eis à quibusdā Christianis jejunium quadragesimale observatū esse, sed liberè, prout quis volebat & poterat, teste Augustino contra *Faust. Man. l. 50. c. 5.* Non ex necessitate & lege Ecclesiæ sub peccato mortali. Etiam Gregorius Nazianz. Athanasius, Hieronymus & alii, quadragesimæ mentionem facientes, nemini necessitatem imponunt, non alieni à mente Prosperi, de *Vit. contemplat. l. 2. c. 24.* dicentis; *Veruntamen sic jejunare vel abstinere debemus, ut nos non jeju-*

*jejunandi vel abstinendi NB. necessitati subdamus : ne jam de-
devoti sed invitati, rem voluntariam faciamus.*

VI. Scribit Bellarminus (citante & laudante
Launojo, Theologo Parisiensi *Dissertat. de veteri cib. de-
lect.*) lib. 2. de B. Oper. c. 2. eos veterum more jejunare, qui
non ante vespertinam cibum capiunt. Quis ergo Pontificio-
rum, veterum more, adhuc jejunat? Saltem ego, licet
quatuor annos cum illis versatus, nullum ita jejunantem
novi. Non tantum prandium admittit jejunium Pa-
pisticum, sed etiam liberale illud. Sanè Viringus, Pres-
byter Atrebatensis lib. 3. de Jejun. c. 3. pag. 52. testatur, cau-
tum esse in Synodo Machliniensi, ne ultra duas horas sal-
tem Ecclesiastici prandium prorogarent. Estne hoc jejuna-
re? estne hoc imitari veteres? certè ejusmodi jejunium,
cùm geniali prandio conjunctum, apud veteres chimæ-
ra, tragelaphus aut merum prodigium habitum fuisset,
Docet supradictus Launojus fol. 56. ex Epiphania & aliis,
abstinuisse veteres in jejunio etiam à piscibus : At num
etiam hodie jejunatores quadragesimales? annon ut
idem loquitur Launojus, delicatissimos pisces, lucios, carpio-
nes, salmones, piperata insuper ostrea manducant & generosum
vinum bibunt? Placeat D. Icto audire suum Episco-
pum Peresium. Putamus, ait is Tom. 1. de Tradit.
P. 3. fol. 244. nos jejunare, si semel in die utque ad ingluviem
prandium faciamus, probè poti & melius pasti, sumentes cibos
non pro natura sustentatione, aut unius diei duntaxat, sed
in tanta quantitate, ut vel Miloni olim pro tribus diebus po-
tuisse sufficere. Taceo qualitatem & differentiam cibario-
rum & condimentorum. Jam enim neque mare neque terra,
neque aer, neque salsamentarii sufficiunt gula nostre. Et ut-
cunque tolerabile esset, si hæc ingluviæ contagio solos Laicos

comprehenderet, & non potius multos nostri ordinis sacerdotes, religiosos & prelatos Ecclesia pervaderet, quos video huic rei tantum invigilare, ut potius ad ventris voracitatem natos esse dixeris, quam ad Apostolicam modestiam, in fraudem pauperum & destructionem castitatis, quae cum sanctis jejniis terras jam videtur reliquisse. En devota Catholicorum hodiernorum jejunia! Ne interim boni Catholici tam acerbo jejunio scilicet! (id est, delicatissimorum eduliorum abundantia & per quadragesimam affluxu) emaciat, fortè animi deliquium patiantur, LÆTARE DOMINICALE intervenit. In hunc enim finem quarta seu media Quadragesima Dominica, juxta hos Dominos, LÆTARE nomine insignita, ut Laici pariter ac Clerici, hactenus jejuniorum asperitate infirmati, cupediis se reficiendo, semel latari queant. In hac Dominica, inquit Durandus Rational. lib. 6. cap. 53. fol. mihi 222. R. Pontifex celebraturus ad Ecclesiam pergens & rediens ab eadem auream in manu sub aspectu populi fert rosam. Circa quod duplex insurgit ratio, una secundum literam, altera secundum Spiritum. Secundum literam: ne fidelis populus propter quadragesimalis observantia asperitatem sub continuo labore deficiat, quia quod caret alterna requie, durable non est. Ideo in hac mediana quadragesima quoddam recreationis solatium interponitur, ut anxietas temperata levius suffragatur, juxta illud; Interpone tuis interdum gaudia curis. Et hinc etiam haud dubiè boni isti Catholici Quadragesimam tam devotè (nempe Bacchanalia vivendo, id est, se totos ingurgitando, ventrique & abdomini serviendo, quasi post biduum non Christo, sed Veneri sacra facturi, ut supra parag. 2. n. 11. Stapletonum loquentem audivimus) inchoant, ut scilicet grave istud onus facilius sustinere possint.

CA-

CAPVT IV.

De

Cultu imaginum & reliquia-
rum Sanctorum.*Licetne imagines, item reli-
quias Sanctorum habere, adorare
aut venerari?*

DUx hic occurrunt quaestiones : prima est de imaginibus, altera de reliquiis Sanctorum : quia verò D. Iureconsulto nostro placet utramque conjunctim proponere, placet & nobis ad utramque conjunctim respondere. Quae sit Papicolarum de imaginibus & reliquiis Sanctorum sententia, colligitur ex Tridentinorum verbis sess. 25. cum ibi ita loquuntur. *Isdem (Episcopis Synodus) mandat, ut doceant Sanctorum invocationem, reliquiarum honorem & imaginum usum, et eos, qui aliter docent, impie sentire pradicent. Id quod Conciliorum, praesertim vero secunda Nicena Synodi decretis contra imaginum oppugnatores est sancitum. Si quis autem his decretis contraria docuerit aut fenserit, Anathema sit.* Licet enim hic, ut et alibi in gratiam dissentientium ambigüe loquantur, de mente tamen ipsorum haud obscure constat ex Con. Niceno II. ad quod provocant, habito an. 787 & inter oecumenica ab ipsis relato. Hoc enim aperte statuit, imagines esse adorandas, esse illas aequè

*venerabiles ac Evangelia: Imo Actione 7. omnes; quia-
dorationem imaginum in dubium vocant, anathemate
percutit. Gloriosorum Angelorum & Sanctorum imagines a-
dorandas putamus. Si quis verò ita non est animatus, sed circa
venerandarum imaginum adorationem laborat & dubitat, eū
anathematizat sancta & veneranda Synodus. Cum jam Con-
cil. Tridentinum ad hoc Nicenum (quod tamen Con-
francofurtense 300. Episcoporum an. 794. hac in re ex-
presse damnavit) provocet, & quicquid de imaginibus
in eo sancitum est, approbet, liquet eandem Tridenti-
norum fuisse mentem. Imagines & reliquias eodem modo
adorandas esse probat Vasquez lib. 3. de Ado. disp. 2. c. 1. 2.
Prævit hic pariter Papicolis idem Con. Nicenum II.
Ossa, inquit A&. IV. cineres, pannos, sanguinem, sepulchra de-
niq. adorantes, illis tamen non sacrificamus.*

II. Ut ut autem Pontificii statuunt, adorandas
esse imagines: de modo tamen adorationis multiplex
inter eos se se offert dissensus. Bellarminus l. 2. de imag. c.
20. tres recenset sententias. Quidam statuunt, imagi-
nem non esse ullo modo in se colendam, sed solum coram imagine
colendum exemplar. Et horum sententia placet Durando
in 3. sent. dist. 9. q. 2. Nec displicuisse videtur, præter
Alphonsum à Castro, ipsi Alexandro 3. part. q. 30. art. ult.
Ita etiam sensisse videtur auctor Versuum, qui referun-
tur à Sabellico lib. 8. Æneadis 8.

Nam Deus est, quod imago docet, non est Deus ipsa:

Hanc videas, sed mente colas, quod cernis in ipsa.

III. Alii dicunt, eundem honorem deberi imagini &
exemplari, & proinde imaginem Christi esse adorandam cultu
latría, B. Maria cultu hyperdulie, Sanctorum aliorum cultu du-
lie. Ita Cajetanus, Bonaventura, Marfilius, Almayn
Carthusianus, Capreolus, in primis Thomas 3. q. 25. art.

1. scri-

scribens; Cum ergo Christus adoretur adoratione latriæ, consequens est, quòd ejus imago sit adoratione latriæ adoranda, Quem præter supra citatos sequitur Biel in Can. Miss. lect. 49. *Sifuerint imagines Christi, adorentur eâdem specie quâ Christus, id est, adoratione latriæ.* Imò hæc sententia est plerorumque Scholasticorum, scribitque Vasques in 3. Thom. disp. III. c. 2. Catholicam fidem & Doctrinam esse, quod *non solum crux illa, in qua Christus mortuus est, sed & quæcunque crucis figura, vel in materia permanentiter sculpta aut depicta, vel in aere aut manu, aut digitis expressa, excolenda & adoranda est.*

IV. Alii volunt, ipsas imagines in se proprie honorari debere, sed honore minori, quam ipsum exemplar & proinde nullam imaginem adorandam esse cultu latriæ. Ita Peresius, Catharinus, Sanderus & alii, quos citatos vide apud Bellarm. *l. cit.* En fratres Cadmeos! Nulli tamen horum se ab idololatriæ crimine purgaverint unquam. Non primi, quia contra Dei interdictum coram imaginibus se incurvant tamen. Non secundi, quia eundem cultum Deo & imaginibus præstare, palpabilis idololatria est. Non tertii, quia honor ille minor, quem statuunt, opinione ipsa colentium non civilis, sed religiosus, adeoque Divinus semper est. Atqui cultus religiosus & Divinus imaginum idololatria est.

V. Secundo Decalogi præcepto, quali sacro tonitru omnes prosteruntur; *Ne sculpas tibi simulacrum, nec ullam imaginem effingas eorum, quæ aut supra sunt in cælo, aut infra in terra, aut in aquis sub terra, neque incurves te illis, neque colas ea &c.* Quid enim his verbis contra idololatriam Pontificios clarius? Sed en viros astutos! cum sentirent, se hoc secundo præcepto maximè premi, versâ in ipsam legem indignatione suâ, illud expunxerunt, ne sibi

amplius negotium facesseret : quo audaci facto quid impium magis ? Sic in Officio V. Mariæ tam Latino, quam Gallico, impresso Parisiis cum privilegio Sixti V. & post emendationem ex mandato Pii V. factam, habetur; *Non habebis Deos alienos coram me. Non assumes nomen Dei tui in vanum.* Sic in Decalogo, Concilio Augustano an. 1548. inserto, ne pro quidem de secundo præcepto occurrit. Vah audaciam execrandam! Num censent Domini isti, se, quod popelli oculis subducunt, etiam oculis Dei subducere posse? Ostendant nobis, cum *semper* crepent antiquitatem, quinam Sanctorum Patrum tale quid fuerint ausi? prætendunt vulgo, hoc secundum præceptum comprehendit sub primo, tanquam illius appendicem (unde & hodie priora hujus præcepti verba, quamvis mutilata, primo præcepto solent adicere; *Non facies tibi sculptile, ut adores illud. Vide Catechism. Canisii cap. 3.*) At frustra: nam 1. posito hoc verum esse, unde Pontificiis potestas expungendi, quod ab ipso Deo positum? Falsissimum interim: & quarto ex Adversariis, num autement, Deum, cum initio Decalogum populo Israelitico dedit, præceptum istud eodem modo sub primo comprehendisse: an verò velint, fuisse tum distinctum à primo, quemadmodum nobis hodie est distinctum *posterius*: petulanter utique tractant Dei verbum & in sensum alienum detorquent, id, quod Deus disjungi & distingui voluit, conjungentes & confundentes. Si *primum*: ipsum Deum haud obscure postulant insipientiæ, ut qui in brevi norma vitæ humanæ usus sit super vacuis bartologiis & inani repetitione. Nempe, cum Deus promulgavit legem in Horeb, defuit monitor, qui ipsum submoneret, ut sermonis faceret compendium & superfluis clausulis abstineret: 2. Constituunt ista verba præ-

præceptum à primo distinctissimum : nam ut in primo præcepto *cultus objectum* sancivit legislator , ut nullus præter solum Deum adoraretur , ita hinc *modum cultus ipsius* præscripsit, ne scilicet colatur in imagine vel similitudine ulla. Argumentor ita contra Adversarios. Si in primum præceptum potest peccari, incolumi secundo : Item in secundum, primo utcumque manente : Ergo sunt distincta præcepta. Atqui verum prius : Ergo & posterius. Ratio consequentiæ est manifesta : si enim essent eadem præcepta ; eadem etiam transgressione violarentur. Assumpti autem prius membrum patet Lacedæmoniorum, Romanorum, Persarumque diuturno exemplo, qui, teste Herodoto *lib. 1.* simulacra aversati, verum Deum tamen nec agnoscebant, nec colebant. Quod Cornelius Tacitus etiam notat in Germanis *lib. 1. de morib. German.* Posterius autem claret exemplo Israelitarum, Micæ, Ieroboami & aliorum, qui, ut in sequentibus liquebit, in fustibus & simulacris suis verum Deum colere voluerunt, adeoque non propriè in primum, sed in secundum præceptum peccârunt.

VI. Quia verò non possunt verba ipsa è lege delere, varia captare solent effugia, quibusteli istius vim quacunque ratione declinare conantur. Quidam, inter quos est Catharinus *Opusc. de imagin.* Vasquez *Disp. 4. c. 3.* Lorinus & alii, prætendunt, præceptum de imaginibus esse tantum *juris positivi*, quod Judæos duntaxat obligârit, non verò *naturales*, quo omnes obligentur : At hoc est revera prodere causam desperatam. Ostendant nobis Jesuitæ ex Scripturâ, hoc præceptum esse abrogatum ? Certè Paulus hoc nescivit : Disputat enim ex principio, deducto ex hoc mandato, audacter in Areopago contra gentiles *Act. 17. 28. 29.* Ostenditque, cum

Dei genus simus, non debere nos existimare, auro, argento aut lapidi sculptura artis aut cogitationis hominis, simile esse *non debet*. Si autem quod adoratur, poruisset aliqua ratione per imagines representari, non fuisset id absolute rejiciendum ab Apostolo, sed demonstrandum potius, quis esset legitimus imaginum usus: Hoc autem cum non fuerit factum ab Apostolo, sed absolute homines illi a sensibili representatione Numinis abducti, sequitur preceptum illud, quod gentes convertendas obligare debuit, esse naturale & ad mores pertinere. Sed agite Papicolæ! Si secundum preceptum tempore V. T. fuit ceremoniale, ita ut jam Christianos non amplius obliget: Ergo verba precepti nobis decimi vel constituerunt duo precepta, vel unum tantum: Si prius: Deus non dedit decem, sed undecim precepta, contra quod clamat tota scriptura: Si posterius: quis reddidit vos tam audaces, ut ex eo, quod est ex mente Dei unum preceptum, efficiatis duo? Sed refutet Pontificius Pontificios. *Hac opinio Catharini*, inquit Bellarm. l. 2. de Imag. c. 7. nobis non probatur, tum propter argumenta facta contra Judæos, tum etiam, quia S. Irenæus l. 4. c. 31. & 32. disertè docet, decalogum esse legem naturalem, excepto precepto de Sabbatho, & Tertullianus l. de Idololat. toto contendit, nunc maxime observandum hoc preceptum. Idem docentes porro allegat Cyprianum, Augustinum & Thomam.

VII. Alii dicunt, lege prohiberi idola; non verò imagines: idola esse rerum non existentium: imagines autem rerum existentium. Quam distinctionem prolixè Catholicis suis commendat Bellarminus lib. cit. cap. 5. Et amplectuntur illam Rovenius Reip. Christ. l. 2. sect. 2. Richeomus *Tract. de imag.* & alii. Nulla autem nititur hæc distinctio veritatis basi, siue hæc voces Grammaticè:
siue

sive Ecclesiasticè spectentur : Id quod nuper peculiari
disputatione fufius demonstravimus. Grammaticè *ido-*
lum & *imago* (ut & *simulacrum*) sunt *συμῶμα*. Etiam *συτανύ-*
μα à probatissimis cùm Græcis tum Latinis Auctoris
frequentissime usurpantur. Sic Glossarium *imago*,
εἰκὼν, *εἰδωλον*, & Hesychius *εἰδωλον*, *ὁμοίωμα*, *εἰκὼν*. Sic Dio-
dorus Siculus Philippi *εἰδωλον* nuncupat ejus statuam *lib.*
16. & Plutarchus in *Anton.* ἐν τῷ θριάμβῳ, inquit, τῷ Κλεοπάτρας
αὐτῷ εἰδωλον ἐκομίζετο, in triumpho Cleopatra ipsius idolum gesta-
batur. Vide & Ælianum *lib. 12. c. 64.* Platonem in *Sophist.*
Euripedem in *Hercul.* Nec aliter hæc vocabula apud ve-
teres Latinos usurpata leguntur. Sic Cicero *Lib. 1. de*
Finib. imaginem & idolum eo tantum vult differre, quod
illud Latinum, hoc Græcum sit. Eadem mens est Ter-
tulliani *cap. 3. de Idolol.* Et Hieronymi *Epist. ad Marcell.*
Sed quid ad aliorum provocamus testimonia, cum apud
ipsum Pontificios promiscuus harum vocum sese of-
ferat usus? Non male Nomenclator, inquit Molanus *ad c.*
de Supell. Eccles. Imaginem, simulacrum & idolum pro iisdem
accipit. Sic Cardinali Cajetano Cherubini, quos Jesui-
ta Bailius *Summ. Controv. Tr. 2. q. 34.* imagines vult voca-
ri, idola dicuntur. *Perspicuum est*, inquit in *cap. 20. Exodi,*
in tabernaculo Dei fuisse idola Cherubinorum. Eodem sen-
su vocem idolum usurpat Durandus *Rational. in Summar.*
cap. 3. lib. 1. n. 4. Nec abludit Jesuita Lorinus in *cap. 17. Act.*
v. 18. scribens: vox *εἰδωλον* apud profanos Auctores aque late
patet atque τὸ εἰκόνος, & si Latinitate utraque donetur, eadem
est significatio idoli, & iconis, sive imaginis.

VIII. Ad Ecclesiasticum earum usum quod attri-
net, dari quandam inter eas differentiam, haud imus in-
ficias; cum plerunque imago latius pateat idolo & in
bonam partem non raro accipiat; ita ut omne quidem
ido-

rat, se sanctificasse omnino istud argentum Jehovæ, dimissurum
 è manu sua filio suo ad faciendum sculptrile & fusile; sed & ipse
 Mica, invento ad peragendum istud ministerium Levi-
 tæ, addat; *Nunc novi, Jehovam benefacturum esse mihi, eò quòd
 est mihi Levita in sacerdotem.* 3. Nonne etiam vituli, Dane
 & Bethele à Jeroboamo erecti 1. Reg. 12. 28. 32. Idola e-
 erant? destinatos autem fuisse repræsentando vero Deo,
 quis in dubium vocet? Cum liqueat id ex scopo Jero-
 boami quàm evidentissimè: Is namque non erat Jero-
 bam abnegare, sed cultum ipsius Dane & Bethele con-
 stituere, ne populus ad præstandum cultum divinum
 Hierosolymam profectus atque ita ad Regem Judæ re-
 verlus à se deficeret. Atque id discriminis inter Acha-
 bi & Jeroboami reliquorumque Regum Israelis idolo-
 latriam intercessit, quòd hic & alii, violato secundo præ-
 cepto, verum Deum per imagines coluerunt; ille autem
 transgressus primum præceptum, alienum Deum, Baa-
 lem puta, cultu religioso afficiendum proposuit: Unde
 & Achabus dicitur plus & pejus fecisse, quam cæteri o-
 mnes Reges Israelis 1. Reg. 16. 30. 33.

IX. Quemadmodum autem falsum est (ut ha-
 ænus evictum dedimus) idolum esse falsam similitudi-
 nem, id est, quæ repræsentet tantum id, quod revera non
 est: Sic non minus à vero alienum, *simulacrum* esse tan-
 tum rei fictæ, ut idem Bellarminus contendit. Annon
 enim Suetonius Tranq. in *Jul. cæs. c. 76.* imagines Julii Cæ-
 saris, adhuc superstitis, in templis collocatas nominat si-
 mulacra? Annon A. Gellius *Noct. Attic. lib. 10. c. 27.* simili-
 tudines hastæ, quæ Romanis erat belli signum, in tesse-
 rula incisas, appellat *simulacra* hastæ? Annon Minutius
 Felix in Octav. inquit; *Quod simulacrum Deo fingam? cum,
 si rectè existimes, sit Dei homo ipse simulacrum?* Annon deni-

que & Christianorum Latinissimus, Lactantius lib. 2. c. 10. ipsum etiam hominem vocat *simulacrum Dei*? Vide & Ethnicorum Latinissimum, Ciceronem *Epist. Famil. lib. 5. Ep. 12.* Sed quid multis opus? ipse Catech. Romanus voces *simulacri* & *imaginis* indifferenter usurpat Part. 3. c. 2. q. 10. inquit; *Nam in Scripturis jussu Dei simulacra & imagines effectas legimus; Cherubin, serpentis anei: superest igitur, ut imagines ob eam rem veritas interpretemur, ne quid simulacrus, quasi Diis colendis, de vero Dei cultu detraheretur.* Falsissimum proinde est, quod asserit Bellarminus, *simulacrum* esse tantum rei fictæ, & falsi Dei representationem.

X. Sed neque verum, quod idem quoque affirmat, semper, ubi Vulg. Interpres posuit *simulacra*, apud LXX. Interpretes, & in N. T. esse in Græco εἰδωλα. Locorum enim contrarium demonstrantium haud parvus se se offert numerus. Sic. Exod. 34. 13. Vulgatus verba וְהָיָה לְךָ אֱלֹהִים reddidit, & *adoraverint simulacra eorum*: LXX. autem (multo convenientius textui Hebræo) καὶ θύωσι τοῖς θεοῖς αὐτῶν. Levit. 26. 30. Vulgatus verba וְהָיָה אֲרָץ חֲמִיכָה וְהָיָה אֲרָץ חֲמִיכָה reddidit; *Destruam excelsa vestra, & simulacra confringam*: LXX. vero, καὶ ἐρημώσω τοὺς ὑψέας ὑμῶν, καὶ ἐξολοθρεύσω τὰ εἰδωλα χυροποιήματα ὑμῶν. Num. 23. 25. Vulgatus verba לֹא הָיָה אֱלֹהִים בְּיַעֲקֹב וְלֹא רָאָה בְּיִשְׂרָאֵל reddidit; *Non est idolum in Jacob, nec videtur simulacrum in Israhel*: LXX. autem, οὐκ ἦν εἰδωλόν ἐν Ἰακώβ, οὐδὲ ἐφάνη εἰδωλόν ἐν Ἰσραὴλ. Sic non minus vox *simulacrum* apud Vulgatum obvia. Sam. 19. 16. 1. Reg. 15. 13. 2. Chron. 31. 1. & 33. 15. & 34. 3. & 4. Es. 2. 10. & 10. 10. & 19. 3. & 40. 20. & 41. 29. & 46. 1. Ezech. 6. 4. & 7. 20. & 30. 13. Of. 10. 1. Zach. 10. 2. Macch. 2. 2. &c. Ubine minima quidem vocabuli εἰδωλον apud LXX. Interpretes mentio. Impudentissimum proinde

inde Bellarmini est mendacium, *semper, ubi Latinus Interpres posuit simulacrum, in Græco esse εἰδωλα*. De N. T. idem non minus falsum. Etenim Act. 17. 23. (ut jam brevitatis gratiâ alia silentio præterveham loca) Vulgatus vocabulum *simulacrum* adhibet (*præteriens enim, inquit, & videns simulacra vestra, inveni & aram, in qua scriptum erat, IGNOTO DEO*) ubi in textu Græco à Paulo usurpatur non vox εἰδωλον, sed εἰβάσμα.

XI. Gregorius de Valentia, Jesuitarum haud potestremus, videns causam Pontificiorum sic miserè admodum & jejunè defendi, admittit *lib. 2. de Idololatr. c. 7.* Scilicet quidem idololatrias vocari posse; verùm idololatriam distinguit in *licitam* & *illicitam*, adducto ad tam nefarium commentum statuminandum loco Petri 1. c. 4. 3. Ubi damnantur *ἱδὲ μὴ εἰδωλα τρεῖς*, id est, Interprete Vulgato, *illiciti simulacrorum cultus*, quasi *illicitam* duntaxat idololatriam Lex divina prohiberet, non verò *licitam*, quæ à Catholicis exerceatur. Monstrum sanè doctrinæ! cui quod olim in *Exerc. nostris Philologico-Theolog. c. 7. quæst. 6.* opposuimus, jam repetere liceat, *epitheta* scilicet, ut interdum distinguendi, sic etiam quandoque amplificandi gratiâ adhiberi, alioquin Jesuitas eodem acumine illaturus, peccata quedam esse pia: Cum juxta prophetiam Enochii Jud. v. 15. *judicium futurum sit ob omnia dura, quæ adversus Dominum loquuntur peccatores impii, & scelus quoddam esse amabile*, eo quod Quintilianus dicat *lib. 8. c. 6.* *O scelus abominandum! ac denique, si præter quoddam esse sanctum, alioquin haud opus fuisse, ut Cic. 2. in Catil. culparet nefaria stupra Catilina.*

XII. Videamus jam, quid responsi D. J. noster adferat; placet ipsi responsio eorum, qui pertendunt *prohibitum*, adeoque non licitum esse, facere imagines in hunc finem, *ut quis servari eis, tanquam Divis: siquidem maledictus sit ille,*

qui sculpsit, aliamve imaginem faciat, ut eam adoret, aut pro Deo habeat, more Israelitarum Ies. 44. 15. & 19. Exod. 32. 8. Levit. 19. 4. & 26. 1. &c. At sic nequaquam elabitur bonus ille Vir: nam 1. si prohiberentur tantum imagines, quæ haberentur pro Diis, ageretur non de modo, sed duntaxat de objecto cultus, & sic fieret confusio primi præcepti cum secundo. Confer supra num. 5. (2) Si valeret hæc exceptio, nec ipsis Ethnicis, si non omnibus, saltem plurimis, crimen idololatriæ impingi posset, utpote sæpe profitentibus, se non habere idola sua pro Diis. Origenes disputans adversus Celsum lib. 7. *Καὶ ὅς, inquit, οὐκ ἔστιν ἡμῶν θεὸς, ἀλλὰ θεὸν ἀγαθὴν μὲν, ἀλλὰ θεὸν ἀγαθὴν μὲν*. Et apud Arnobium lib. 6. Ethnicis sic loquuntur: *Erras & laberis; nam neque nos ara, neque auri argentique materias, esse per se Deos & religiofa censemus numina, sed Deos ex his colimus.* Eulebius præf. in 4. lib. præp. Evang. *Evidens est, inquit, ipsis Ethnicis statuas inanimes non esse Deos.* Ejusmodi Ethnicorum responsa occurrunt etiam apud Lactantium lib. 2. c. 2. Et apud Augustinum in Psal. 113. *Videntur, inquit ille, sibi purgatiore esse religionis, qui dicunt, nec simulacrum nec demonia colo, sed per effigiem corporalem ejus rei signum intueor, quam colere debeo.* Item, non hoc visibile colo, sed numen quod illic invisibiliter habitat. Nonne hæc ipsissima Papicolarum lingua? Sed num propterea Ethnici ex Idololatriarum numero eximendi? Licet proinde à Papicolis imagines non colerentur pro Diis, non ramen idololatriæ crimen à se amolirentur. Nec aliam fuisse mentem Israelitarum, vitulum aureum adorantium, supra modo evictum dedimus, & quidē ex loco, quem allegas ex Ex. 32. Verum est, Israelitas dicere Aaroni, *fac nobis Elohim*. verū etiam est, Scripturā locis à te citatis & alibi sæpe invehiri in cultores Deorū aureorum & argenteorum Deorū: At non minus etiam verum, in Scripturā sæpe signis nomi-

na rerum significatarum tribui : ipse Deuse eâdem phrasi Moſem affatur Num 21.8. *Fac tibi preſterem*, id eſt, imaginem preſteris. (3) Verba legiſtalem exceptionem reſpiciunt; *Cùm prohibeant imagines colere & ſe coram illis incurvare*: Num colere aliquid & ſe coram eo incurvare, eſt ſtatim illud habere pro Deo D. J. Cte? Ergo dum vos Sanctos & Angelos colitis & coram illis procumbitis, eos pro Diis habetis. Quid abſurdius?

XIII. Ut ſtatus quæſtionis rectè intelligatur, notandum, non quæritur: *an omnes in univerſum imagines ſint prohibita?* nec etiam; *An dari queant imagines, qua aliquo in pretio apud nos eſſe debeant vel poſſint?* Nemo enim noſtrum hoc negat. Sed hoc quæritur 1. *An liceat Deum ipſum & Trinitatis perſonas imagine aliqua repræſentare?* 2. *An Chriſti, Mariæ, aliorumque Sanctorum imagines in templis habenda, iſque cultus aliquis religioſus ſit deferendus, ſive jam adoratio, ſive veneratio dicatur?* Catecheſis noſtra & nos cum ea negamus utrumque: vos autem affirmatis, licet non ſine aliorum diſſenſu. Licitum eſſe, fabricare imaginem SS. Trinitatis, affirmat Bellarminus l. cit. c. 8. & alii (hinc SS. Trinitatis imagines hodie frequentiffimæ in Papatu: Fabricant autem plerunque ita, ut pingant *Patrem in forma ſenis barbati, veſte papali induti*; forte ut credatur Papa eſſe aliquid Deo ſimile: *Filium, affixum cruci*, quam duabus manibus tenet ſenex ille, & *S. S. in forma columbæ*,) Negant autem ex ipſis Papiſcolis Abulenſis in cap. 4. *Deus*. Durandus in 3. diſt. 9. q. 2. Pereſius de Trad. part. 3. & c. Et merito: (*) *Quia Deus nulla ſimilitudine repræſentari poteſt. Cui aſſimilabitis Deum ſortem, aut quam imaginem ei ponetis?* inquit Jeſaias c. 40. 18. *Parati ſunt pontificii Iconolatrarum reſpondere. Aſſimilabimus ipſum Seni, papali veſte induto, ponemus*

ei imaginem juvenis crucifixi & columbae. (B) Quia imagines tales Deus severissime prohibuit Exod. 20. *Nefacito tibi sculptile, aut ullam similitudinem eorum, quae sunt in caelis supra, aut quae sunt in terra infra, aut quae in aquis sub terra. Ne adorato ea, neq. colito.* Vbi duo prohibentur. *facere imagines religionis causa, 2. colere eas.* Non enim dicit Deus, *Non facies tibi sculptile, ut adores illud,* ut habetur in Catechesi vestra: sed duo clarè & distinctè vetat: alterum, *Nefacito tibi sculptile, aut ullam similitudinem eorum, quae sunt in caelis, aut eorum, quae sunt in terra, aut eorum, quae sunt in aquis:* Ergo nec Dei nec Sanctorum: nam Deus est in caelis, & in terris, & in undis: Sancti autem in corpore terras incolunt: exuti autem coelum: Alterum, *ne adorato, neque colito ea.* Confer Deut. 4. 15. Excipiunt quidem Papiolae, prohiberi i.e. imagines tales, quibus homines arbitrentur, se posse perfectè exprimere essentiam aut perfectam Dei similitudinem: non autem tales, quibus vel Deus vel Sancti in apparitionibus representantur: At frustra: nam 1. prohibetur expressè omnis similitudo, vel imago. *Nefacito tibi sculptile aut ullam similitudinem &c.* Ergo non unius tantum generis. (2) Prohibetur illius generis imago, à qua debemus nobis ea vere valde, ut liquet Deut. 4. 15. *Qua propter cavebitis vobis ipsis valde,* inquit ibi De⁹, *nā non animadvertitis ullam similitudinem, quo die allocutus est vos Jehova &c.* At vero ab imagine, quae exprimat Dei essentiam aut (ut loquitur Bellarminus l. c. 3) *perfectam similitudinem ejus naturae,* non opus est, ut nobis tam sollicitè caveamus, cum talis dari non queat. (3) si mens Dei esset, hoc præcepto duntaxat vetare imagines, per quas Dei essentia exprimitur, legem tulisset inanem, cum nemo eo stultitiæ procedat, ut spirituales Dei essentiam per Symbolum aliquod corporeum representare conetur. (7)

Quia

Quia imaginibus talibus homines à cognitione veri Dei abducuntur. Quæso enim te D. ICre, quæ post visam Dei qualemcunque imaginem potest esse vulgi de Deo cogitatio? quomodo ex contemplatione Patris senis & juvenis crucifixi & columbæ discet Trinitatem personarum & unitatem essentia? cum columba non sit persona, nec cum homine possit esse una eademque substantia? Itane vulgi animus ad contemplationem naturæ divinæ attollitur? Egregii sanè *idiotarum libri*! nempe non quia *erudiunt*, sed *rudiores reddunt* plebem! prout & sculptile מרר שקר *Doctor mendacii* audit Hab. 2. 18. Jer. 10. 14. (8) Ipsa Synodus Nicæna, cui se in imaginum cultu conformare placuit Conc. Tridentino Act. IV. & VI. negat, *Deum pingi posse*. Quin ipse Georgius II. in illa Epistola, quam Græcè edidit Baronius *Annal. Tom. 9. an. 726.* ad quæstionem; *Cur tamen Patrem D. N. J. Christi non oculis subjicimus?* respondet, *quoniam Dei natura spectanda proponi non potest, ac fingi.* Annotat quidem Baronius, *postea usu venisse, ut pingatur in Ecclesia Pater & Sp. Sanctus*: At quando venit ille usus aut potius abusus? nimirum quando recentioribus Papis contra Dei verbum, & totam sanam antiquitatem placuit. Rectissimè præter Damascenum *Orth. fid. lib. 4. c. 17.* Durandus Papista, hodiernos Papistas hoc in passu ridens, *dist. 9. l. 3. 4. 2.* ait, *fatuum esse, imagines Dei & Sp. Sancti facere.* A quo haud abit Thomas 3. P. Sum. q. 23. art. 3. scribens, *ipsi Deo, cum sit incorporalis, nulla imago corporalis poterat poni: quia, ut Damascenus dicit, insipientia summæ est & impietatis figurare, quod divinum est.*

XIV. Verum est, Deum quandoque sub forma visibili apparuisse: At num propterea ita pingendus? Obstat. i. expressum Dei verbum Exod. 20. Deut. 4. & 5.

(2) Quòd illi ipsi, quibus Deus ita apparuit, non intellexerunt libi licitum esse Deum sub ejusmodi specie visibili pingere. Num Pontificii forte prudentiores illis? Unde ipsi nacti hanc licentiam?

XV. Videamus jam, quomodo secundè quæstionis de veneratione imaginum Angelorum, Christi & Sanctorum, circa quas in primis occupatur, affirmativâ tueatur D. J. noster: provocat 1. ad Cherubinos & ornamenta templi Salomonis: at frustra: nam 1. unde constat, quod vult D. J. Cherubinos fuisse imagines Angelorum? ubi quælo, D. J. hoc legit? Dicat nobis, quorum ergo Angelorû fuerint imagines? Num Gabrielis? an Michaelis? an alterius alicuj⁹ angeli? At hoc sine summa temeritate affirmari non potest. Num ferent etiam Pontificii imaginem S. Anonymi? 2. Quicquid fuerint, facti erant (a) jussu Dei: num etiam imagines vestræ? (b) Erant extra populi conspectum, loco quem solus Pontifex quotannis semel ingrediebatur: imo si fides habeatur Jesuitæ Cornelio & aliis in cap. 25. Exod. alis adeò faciem & corpus obvelabant, ut nullo modo à quoquam visi, aut internosci, ne quidem à summo pontifice possent: hoc ne quadrat in imagines vestras, omnium conspectui, & quidem, ut vultis, ad excitandam devotionem, expositas? (c) num etiam leguntur adorati ac cultu religioso affecti? Ubi D. Jureconsulte? & à quo? Audi Clem. Alexandrinum: *Moses, inquit ille Strom. lib. 5. qui pradiitusest ratione, in templo nullum posuit colendum simulacrum, & idcirco.* Sed conjiciant in fugam pontificium Jureconsultum pontificii Theologi: *De Cherubinis jussu Dei factis, inquit Jesuita Lorin in c. XVII. Act. & de aliis imaginibus à Salomone, dicendum, fuisse duntaxat appendicem & additamentum ornatus alterius rei, non verò per se propositas modo accommodato ad adorationem, quam constat quoque ab*
Heb-

Hebrais ipsis non fuisse exhibitam: quod utrumque docet Tertullianus. Eritque id magis verum, si verum est, Cherubim ore, manibus, cruribus, erectione corporis humanam, jubeis à pectore & cervice pendentibus leoninam, alis aquilinam, ungulis pedum vitulinam figuram retulisse. Negat etiam Vasquez Tom. 1. in. 3. p. disp. 94. Cherubinis honorem aur adorationem adhibitam fuisse, additque, omnes illas figuras fuisse in ornamentum aliarum rerum. En ergo quàm eximium attuleris causæ tuæ argumentum! scilicet!

XVI. Quod D. J. addit, *Ezechielem c. 41. 18. 25. de novo templo, quod hodie in Ecclesia Christiana invenitur, aque, ut in veteri fuerint, vaticinatum fuisse, in ejus parietibus angelos Cherubinorum fore, titulo non responso dignum est. Probet nobis D. J. Ezechieli illic loci sermonem esse de templo materiali, quale obtinebat in V. T! Demonstret, per Cherubinos intelligi imagines angelorum! Quod Christus ipse Regi Agbaro (seu Abagaro) ejus videndi cupido imaginem suam transmiserit, opima est tabula, cujus vanitas redarguitur Apostolorum & Evangelistarum, omniumque Christianorum per integra ferè sex secula de isto commento, alto silentio. Evagrius enim, ad cujus lib. 4. cap. 27. provocas, historiam suam terminat ann. Christi 595, quo tempore constat, multis fabulis fidem esse habitam. Legitur quidem apud Eusebium lib. 1. c. 13. Abagarum Edessæ norum Regem misisse ad Christum epistolam & aliam à Christo recepisse; deinde post Christi ascensionem Thaddæum, unum ex Christi discipulis, Edessam profectum esse, ibique curationes multas perfecisse, Evangeliumque prædicasse: At novisse debes D. J. hanc epistolam accenseri scriptis Apocryphis & vitandis, & quidem ab ipso Papa Gelasio cum Synodo LXX. Episcoporum, ut legere est apud Gra-*

tianum dist. 19. quamvis illam fabulam tueri non dubitet
 Papa Adrianus I. in Resp. ad Capitulare Caroli M. c. 18. (ubi
 nota Paparum vestrorum ἀντιλογίαι) *Eusebius refert, in-*
quit Jesuita Costerus Enchir. cap. 1. Christum scripsisse ad
Abagarum Regem, sed neque litera illa propria manu Christi
extant, neque unquam ab Ecclesia pro hujusmodi accepta sunt.
 Melchior Canus loc. Theol. lib. 11. c. 6. ait; *Cur autem Ge-*
lasius historiam Eusebii apocrypham pronuntiavit, causa sunt
sanè plures atque vehementes. Primum in 1. libro refert Eu-
sebius epistolam Iesu ad Abagarum scriptam, quam Gelasius ea-
dem distinctione explodit. Sed si vel maximè genuina esset
Eusebii relatio, quid inde pro imaginibus, cum nulla ul-
lius imaginis ibi fiat mentio?

XVII. Ait quidem idem Eusebius lib. 7. c. 17.
extitisse Paneade & sibi visam esse imaginem ancæ mulieris
in genua procumbentis: deinde è regione hujus aliam extitisse
erectam viri imaginem, manum mulieri porrigentem &c.
 At 1. *cujus illa fuerit imago, narrat ex relatione alio-*
rum. Hanc statnam, inquit, imaginem Jesu habere dicunt.
 2. *Non ait se illi supplicasse; se coram illa in genua pro-*
eidisse more hodiernorum Pontificiorum: non ait et-
tiam, in templo collocatam esse imaginem illam aut à
quoquam adoratam: certe si Christiani tum temporis
fuisent Pontificii, non passi fuissent eam imbribus aliis-
que æris incommodis sub dio exponi, sed illico in tem-
plum illatam cultu religioso affecissent. Quid? ait ex-
presse Eusebius, imaginem illam erectam fuisse ibi, & ov-
ruib; gentili quadam consuetudine. Sic enim pergit. Nec
mirum videri debet, eos, qui ex gentibus olim à Servatore no-
stro curati sunt, ista fecisse, quando & Apostolorum illius imagi-
nes, Pauli videlicet & Petri, denique & ipsius Christi in tabulis
coloribus depictas asservari vidimus, quod veteres N.B. ex gen-
tili consuetudine eos, quos Servatores putarunt, ad hunc modum
 boni

honorare soliti fuerint. Quæ verba addere debebat D.J. Sed de industria omisit bonus Vir, ne malam causam suam, quæ his verbis aperte proditur (liquet enim hinc, antiquitatem Christianam ab usu & cultu imaginum fuisse alienissimam) ipse proderet.

XVIII. Verum est, Sozomenum lib. 5. cap. 20. (non cap. 21.) referre, statuam illam à Juliano Apostata destruatam esse, ejusque loco positam esse statuam ipsius Juliani, quo factò. statuam illam julianicæ litus igne percussam esse & capite colloque truncatam; inde gentiles statuam Christianam cum violentia traxisse, ut eam confregerint: Christianos vero postea collegisse ejus fragmenta & in Ecclesia posuisse: At Sozomeni relationibus non multum tribuendum: liquebit id in sequentibus ex ipsis Pontificiorum testimoniis. (2) quid inde pro Pontificiis? dicuntur quidem Christiani collecta istius imaginis fragmenta posuisse in Ecclesia: at non dicuntur ea adorasse: quæso te D. Jure consulte, Si isti Christiani fuissent Pontificii, quales vos estis, quàm frequentes processiones non fuissent instituturi ad illam Ecclesiam (seu potius templum) quanto cultu ista fragmenta non affecturi? quam devotè ea non osculaturi? at tale nihil leguntur fecisse: Addit quidem Nicephorus, hanc historiarum partem repetens ex Sozomeno, hanc Christi statuam à Christianis in diaconicum Ecclesiæ translata & cultu convenienti affectam esse: At addit hoc, suo more, de suo Nicephorus, sine ullo antiquo auctore: Vixit ille demum post. ann. Chr. millesimum trecentesium & in ejus historia non paucos errores occurrere monent ex Baronio Bellarminus l. de Scr. Ecc. & Possevinus in Appar. sacr.

XIX. Verum etiam est, Theodorum Lectorem lib. 1. referre, Eudoxiam B. Deipara imaginem, à Luca pictam, Pulcheria Hierosolymam dono misisse: At non minus

quoque verum , tempore Theodori Lectoris nimiam fuisse multorum facilitatem, tum in admittendis, tum in referendis commentis : Num hæc sufficiens probatio, post altum sexcentorum circiter annorum silentium , celeberrimisque sequentium etiam temporum historicis in silentium descendentibus ? Non addit interim, Pulcheriam Imperatricem donatam sibi Mariæ imaginem in templo collocasse & cultu religioso prosecutam esse, ut in Papatu fit : quid ergo ad rem ?

XX. Quod Evagrius lib. 5. c. 18. refert de imagine quadam B. Virginis, qua ab Anatolio quodam supplicante indignabunda se averterit, ejusdem est commatis: Terminat ille historiam suam post absolutum ferè seculum sextum, ubi neminem latet, multas modo fabellas obtinuisse. Ubi autem refert, veteres hanc imaginem cultu religioso prosecutos fuisse, quo vos vestras, licet stent immotæ & se nec admoveant nec amoveant ab hominib', prosequimini? Multæ etiam ejusmodi fabellæ occurrunt apud Metaphrasten, qui teste Baronio in *Annal.* & Bellarmino *l. de Script. Ecclesiast.* vixit circ. ann. Chr. 859. & in conscribendis vitis Sanctorum multa addidit (ut & Evagrius) ex proprio ingenio, quæ fidem non merentur. De omnibus istiusmodi relationibus enuntiamus, quod olim Papa Gelasius de scriptis de inventione crucis & capitis Joh. Baptistæ; *novella quidem revelationes sunt & nonnulli eas Catholici legunt, sed quum hæc ad Catholicorum manus pervenerint, B. Pauli Apostoli sententia præsedat; Omnia probate, quod bonum est retinete. dist. 15. can. Sanct. Rom.*

XXI. Coccius vester, ad quem provocas, incassum conatur iconolatriæ vestræ ab antiquitate splendorem conciliare: Imaginum enim cultus quatuor primis secu-

seculis in Ecclesia Christiana plane incognitus fuit : id quod in sequentibus evidentissimè à nobis demonstrabitur. Vide interrim Coccio vestro os obstruendum Celeb. Dallzum *lib. 1. de Imag.*

XXII. Argumentatio, quam multis verborum ambagibus instituis à terra sancta Exod. 3. 5. (de qua postea n. 26.) & à cultu Nominis Dei, plane frivola est. Aut enim nomen Dei sumis pro syllabis & literis, aut pro re per nomen significatâ. Si prius: abuteris locis allegatis utpote in quibus non syllabæ & literæ, sed res significata intelligenda est. Et quid? annon syllabis & literis religiosum cultum deferre, magiam saperet? Si posterius: quid ad rem? Si licet nomen Jesu, inquis, si E. G. in conclavi alicujus pulchrè depictum occurrat, docente Paulo Phil. 2. 10. genuflexione aut alio cultu prosequi, cur non etiam Christi imaginem? En eximiam argumentationem! Ubi verò dicit Paulus D.J. nomen Jesus, si pulchrè depictum est, genuflexione colendum esse? Dicit quidem loco cit. *in nomine Jesu flectendum esse omne genu*: At non dicit, *in nomine Jesu pulchrè depicto*: non sumit nomen pro syllabis & literis sed pro ipsa persona: ut supra evidentissimè demonstravimus. Et quid, quæso, sibi volunt hæc verba D.J. *Si pulchrè depictum est*? Num ergo nomen JESUS si non adeò pulchrè pictum est, non est colendum? Nimirum devotio vestra erga nomen Jesus te conformat artificio pictorio, ut & erga imagines. Imagines quæ artificiose sunt pictæ & statuæ, quæ magis nitent auro aut splendidi⁹ amictæ sunt, coluntur impensius: At quæ non fulgent, sed araneis obsitæ sunt, licet etiam sint imagines Mariæ vel ipsiusmet Dei, illis ne minimus quidem cereus accenditur: ut manifestum sit, imaginem colî, non San-

etum. Constat ex S. Literis, B. V. Mariam fuisse pauperem, adeoque non dubium, quin, dum viveret, fuerit tenuiter vestita: At imago ipsius apud vos sæpe fulget auro & serico: num hæc respondent statui ipsius? Mortua ornatur vestibus pretiosis, quas viva nec habuit, nec desideravit. Bestiolis quanta non in Papatu accreuit dignitas? cum enim earum imagines quandoq; sint appositæ imaginibus hominum (nam adstat S. Roco *canis*, S. Eustatio *cervus*, S. Antonio *porcus*, S. Radegundæ *mulieres* &c. Jillis perinde adoletur thus & accenduntur cerei. Unum adhuc est, quod, antequam ad alia progrediar, doceri velim à D. J. Cto, nimirum, cum imago sit quasi *imitago*, id est, *imitatio prototypi*, cui⁹ rei *imitago*, i. e. imitatio sit imago S. Longini, S. Martialis, S. Margarete, S. Ursulæ, S. Christophori, S. Georgii, equitis &c. cum sint sancti ficti & qui nunquam fuerunt in vivis? id quod de duobus ultimis haud obscure concedunt ipse Baronius in *Not. ad Martyrolog. Roman.* & Villavincencius *lib. 3. de stud. Theolog. c. 7.*

XXIII. Verum est, etiam Reformatos in ædibus suis asservare parentum suorum, Principum & aliorum imagines & honorare etiam: at quid hoc ad rem D. J. Cte? Longè utique aliud est, imaginem asservare eamque vel ratione materiæ vel antiquitatis, vel etiam propter prototypum, si sit vir alicujus nominis, vel nobis carus, honorare seu æstimare: Aliud eam cultu religioso prosequi, coram ea in genua procidere, ei thus adolere, cereos accendere. Dicis, *Salvatoris nostri & dilectæ matris ipsius imagines tantum rejiciuntur & contemnuntur à Reformatis, an hoc non irrationale?* Illorum (scilicet parentum & aliorum) *imagines habere & honorare, licitum censetur: horum autem non: imo in ignem conjiciuntur: an hoc*
non

non impium? O devotum Catholicum! At i. ubi apud vos vera Christi & B. Mariæ imago D. J. C. te? nusquam illam demonstrabitis: lineamentis corporis Christi & Mariæ ad vivum nunc repræsentari non possunt, cum nulla extet eorum imago ita expressa, ut eos plane referat, quod etiam liquet ex variis eorum figuris, in quibus est magna dissimilitudo lineamentorum, coloris, statuz &c. (2) Si tamen vel maximè veræ essent imagines, merito à Reformatis, ubi ipsis exhibetur cultus religiosus, rejiciuntur: nam cultus religiosus imagini exhibitus ex ea facit idolum: idola autem debent aboleri. Serpens olim Dei ipsiusmet mandato ad figurandum Christum in deserto erectus Num. 21. 9. quamdiu aliter non usurpabatur; erat imago Christi typica Joh. 3. Quando autem accessit superstitio, evasit idolum: & quemadmodum eam Moses laudabiliter, Deo sic jubente, instituerat; ita etiam laudabiliter, accedente superstitione (incipiebant enim Israelitæ ei adolere, quemadmodum Pontificii adolent suis imaginib⁹) destruebat Ezechias 2. Reg. 18. 4. Dices cū Jesuitis tuis, ignominiam imagini illatam in eum cujus sit imago, redundare: at frustra: nam quemadmodum honor imaginis non transit ad Exemplar, nisi id ipse voluerit aut instituerit, qui exemplar est: ita nec ignominia imaginis redundat in eum, contra cujus voluntatem imago prostat ad cultum. Princeps minime læditur, licet à ministro publico moneta adulterina sua imagine aut charactere notata Vulcano tradatur: quia ea ab ipso non approbatur & non ignorat eam, non ad auctoritatem suam spernendam, sed confirmandam Vulcano tradi: sic Christus non spernitur sed potius honoratur idolorum vituperatione, licet ipsum ac Sanctos referre dicantur: cum ea ab ipso non approbentur, sed cultum
 ipsis

ipsis exhibitum maxime derestetur. Nec hinc valet prætextus bonæ intentionis, cum de bonitate operis ex mandato Legislatoris, non ex intentione facientis iudicandum sit.

XXIV. *Silicetum erat, inquis, Phariseis sine peccato edificare sepulchra Prophetarum & ornare monumenta justorum Matth. 23. 17: quidni & nobis liceret idem facere eorum imaginibus?* En, quàm hæreat D. Jcto nostro aqua! cum ipsi desit, ad probandum cultum imaginum praxis justorum, confugit ad injustos & maximos hypocritas, Phariseos. Vosne vultis comparari Phariseis? Reperitur quidem, quod negare non possumus & supra etiam, ubi de Monachis egimus, demonstravimus, inter Phariseos & Monachos vestros eximia convenientia: At interim, qui per ipsos vester cultus imaginum promoveatur, nullus video. Quæ enim, quæso consequentia D. J. *Phariseis sine peccato licitum erat sepulchra Prophetarum edificare & monumenta justorum ornare: Ergo & Christianis licet imagines cultu religioso prosequi, coram illis procumbere, illis thurs adolere, cereos accendere?* hæc ne sibi correspondent D. Jcte? Ne jam addam, apud vos ne quidem imagines Eliæ, Elisæi aliorumque Prophetarum, quorum sepulchra Pharisei ædificabant, inveniri: Saltem ego non memini, me unquam tales vidisse: Nullæ etiam preces diriguntur peculiariter ad Eliam, Elisæum &c. nulli Davidi aut Eliaze &c. accenduntur cerei: imo verò dicere in Litania S. Elisæum aut S. Samuelem, sermo esset hodiernis auribus valde insolens. Horum locum occupant imagines Sanctorum novitiorum, Francisci, Dominici & aliorum, qui Papæ debent sanctitatis suæ honorem, quemadmodum & nuper adhuc eodem dignatus est Petrum de Alcanthara, cuius

jus eapropter imaginem Franciscani meo apud ipsos
 studiorum tempore hac, aureis characteribus expressa,
 Scripturâ admodum devotè colebant; S. PETRE DE
 ALCANTHARA, ORA PRO NOBIS. Pergis, si
 licitum erat, cadavera & reliquias Sanctorum pulchris exi-
 miisque monumentis honorare, cur ergo Reformati Ecclesiam
 Catholicam, reliquias Martyrum aliorumque Sanctorum ho-
 norantem contemnunt? R. Reformatos veras Martyrum
 aliorumve Sanctorum reliquias contemnere, falsissi-
 mum est: ostende mihi vel unicum, qui hoc vel fecerit,
 vel faciendum esse docuerit? Honorem veris martyrum
 reliquiis deberi, lubentes fatemur omnes. *Honorem di-*
co 1. non adorationem, non cultum religiosum: quæ utique
longe differunt. Dico 2. Veris, non fictis & supposititiis.
 Ecclesiam Pontificiam, si veras honoraret martyrum
 reliquias, hoc in passu non contemneremus:
 At quia reliquias Sanctorum honore & cultu
 religioso prosequitur & quidem etiam fictas & suppo-
 sititias, merito à nobis hoc nomine perstringitur. Cer-
 tum enim est, immensam illam reliquiarum
 vestrarum farraginem, apud vos ostentari & cultu reli-
 gioso affici solitam, supposititiam esse, & de nullis earum
 posse constare vel probabiliter, quod sint veræ, & illæ
 quæ feruntur esse & verorum Sanctorum: Ipse Cassan-
 der vester *Consult. cap. de Venerat. Reliq.* non diffitetur,
avaritiæ causâ ad simplicem popellam alliciendum, falsas re-
liquias suppositas esse, & ficta miracula predicata
& iis miraculis aliam superstitionem &c. Vix in toto
 Papatu jactantur celebriores reliquæ reliquiis S. Jacobi
 Majoris, quas Compostellæ asservari ferunt. Narrant,
 partitione ab Apostolis facta statim post ascensionem Domini

Jacobo obtigisse Hispaniam, eumque in eam regionem Evangelium, imperante ibi Regina Lupâ, intulisse: deinde Hierosolymam reversum Herodis servitiâ & gladio vivere desisse: Corpus ejus navi impositum à discipulis delatum esse Compostellam, sine rectore & veltoribus, immenso circuitu; postea discipulos Lupam Reginam adisse, ei que dixisse: Jesus Christus mittit ad te corpus discipuli sui, ut, quem noluisse suscipere virum, suscipias mortuum: Reginam autem, quamvis nihil non fuerit, ne obstruderetur invisa translatum, causata; omnibus tamen miraculosissime discussis, ad fidem tandem conversam, non tantum à se petitiū dedisse locum: verum etiam de suo palatio S. Jacobi reliquias Ecclesiam iussisse dedicatum: Vide Johan. Belesh. in Rational. cap. 140. Jacobus de Voragin. Legend. 94. Vincent. lib. 9. Hæc tantisper in dubium vocare quantum non esset crimen inter Hispanos? (Hinc fratres Jacobæ cum suis conchis & pectinibus, ex vicino mari in peregrinationis suæ argumentum secum relatis) At quæ, quæso, fabella hæc major? Nam 1. ex quo historico fide digno constar, ullam unquam fuisse Lupam reginam Hispaniæ? 2. Paulo legitur commissum fuisse ministerium inter gentes, non autem Jacobo Gal. 2. (3) Jacobus Hierosolymis capite plexus legitur Act. 12. quomodo ergo ab ipso Hispani ad Christum conversi sunt? num dices, hoc factum fuisse ante ipsius decollationem? frustra: Constat enim ex Patrum & Scriptorum Ecclesiasticorum consensu, martyrium subisse ante factam Apostolorum divisionem, quam rationem etiam urget Baronius in notis ad Martyrolog. In annalib. addit, ex antiquitate constare, Petrum & Paulum prædicasse Hispanis Evangelium. (4) Jacobum, nunquam fuisse in Hispania, sed Sacerdotes à Petro & Successoribus ejus constitutos instituisse in ea Ecclesias, contendit ipse Papa, Innocentius III. Verba ipsius

ipſius in Diſt. 12. Can. qui nesciat hæc ſunt. Praeſertim cum
manifeſtum ſit, in omnem Italiam, Galliam, Hiſpaniam &
Africam nullum inſtituiſſe Eccleſias, niſi eos, quos venerabilis
Apoſtolus Petrus aut ſucceſſores ejus conſtituerunt Sacerdotes.
Legant autem, ſi in his provinciis alius Apoſtolus invenitur
aut legitur docuiſſe. Quod ſi non legunt, quia nuſquam in-
veniunt, oportet hoc eos ſequi, quod Eccleſia Romana cuſtodit.
Videas hic Romanam ambitionem (quæ monarchiam
ſuam papalem in Hiſpanicas Eccleſias hoc Achille ſibi
vindicat, quod B. Petrus ad Hiſpaniam convertendam
ſeptem Episcopos ordinavit) conſiſtentem cum Hi-
ſpanicâ ſuperſtitione (5) Præter Eraſmum & Boſchum
ipſe Cardinalis Baronius in notis ad Martyrol. Rom. 25. Jul.
& in annal. ad an. 816. Compoſtellanum iſtud Palladium
ridet, & pluribus argumentis confundit. His autem
ridentibus, Catholici Hiſpani reliquias ſuas Jacobæas
devotè adorant. En Cadmeos fratres! en concor-
dem Papicolarum devotionem! Ad alias reliquiarum
quiſquilias ſiabite liberet, ubi dicendi ſinis invenien-
dus? Refert Jeſuita Sylveſter in Balzaci Apolog. cap. 16. p.
169. quòd Neapoli Sancti Januarii ſanguis incluſus phiala
bulliat, quando admoveatur cranium ejusdem Sancti. Barri de
genu Nicolai proſtuet Manna, unde ampulle millene & centena
impleantur. Cadaveri Catharina creſcant ungues & pili.
In monte Falio oſtendantur tres globuli carnei, formati cœlitus
in corde S. Clarae ad probandum, Deum eſſe unum & trinum,
quorum tres non ſint majoris ponderis quam unus. Edicu-
la virginis ex Illyrico ſit trans mare Adriaticum translata in
agrum Picenum. Acrebatiſis candela, quæ anniverſarius ce-
lebratibus accendatur ſed nunquam minuat. Potuiſſet
addere Jeſuita, in Papatu dari imagines crucifixi, quæ ex
manibus, pedibus & latere emittant ſanguinem: talem

ego ipse vidi. Latent sub ejusmodi reliquiis & miraculis mille fraudes monachorum & aliorum. Exemplum occurrit apud Socratem lib. 7. c. 14. de Ammonio quodam Monacho & Latrone, qui diu Sancti nomine & cultu affectus est. Gregorius Turon. lib. 9. hist. c. 6. testatur, in Sancti cujusdam capsula inventas fuisse radices, dentes talpa, ossa murium & vulpium ungues conditos. Et quo, quælo, indicio demonstrabit Sylvester, hæc non esse de eo genere miraculorum, cum quibus venturum *in vultu a noliis* præmonuit Apostolus 2. Theff. 2. 3. Sane in S. Codice nulla alia novissimis temporibus leguntur prædicta miracula, quàm quæ erunt ad imposturam comparata. Miraculis ab Apostolis & Prophetis patris magna adjuncta erat utilitas: At cui bono cadaveris Catharina crescant (Si tamen crescant) ungues & pili? Cui bono sanguis bullit? aut candela ardet, quæ nunquam minuitur? (minuitur autem nunquam, quia custodes reliquiarum clanculum supponunt oleum, ut meo tempore elabenti ex quinque vulneribus excavatae imaginis crucifixi sanguini clam aliam affundebant.)

XXV. Eò superstitionis plebs in Papatu processit, ut credat, ostendi adhuc verum sac. Mariæ & Christi lacrymam: imò, quod magis, verum Josephi halitum, exceptum ab angelo ex ipso inter asciandum anhelantis ore: asservatur enim adhuc & devotè colitur prope Blesas in pago, cui nomen *Courchiverini*, ampullæ inclusus: De putatitio ligno crucis quid dicam? tanta frustorum ejus congeries passim occurrit, ut vix navis oneraria illis vehendis sufficiat, vel, ut Calvinus noster loquitur, vix trecenti homines gestare queant, quod unus Simon Cyrenius gestare potuit. Baronius, postquam probaverat, *trium crucu Christi clavorum unum in Constantini equi*

equi francoꝝ alterum corona ejusdem immixtum , tertium in mare Hadriaticum projectum fuisse , gnarus, non exiguum adhuc clavorum numerum (à Calvino 14. numerantur in Invent. Reliq.) ostendi, responder Annal. Tom. 3. ad an 326. Fortasse accidit, ut ex aliquo clavorum Christi modica singulis accesseris ferri portio, vel potius, deperditis antiquioribus rem testantibus, monumentis, clavi illi, quibus compacta sunt ligna sanctissima crucis, crediti ipsi fuerint, quibus Christi membra cruci fuerint infixa: nisi forte alicubi accidit, ut clavus aliquis inter sacras reliquias asservatus, quo mystica membra Christi, nempe martyr quispiam confixus est, idem unum ex ipsis passionis Christi Clavis fuerit existimas? Quicquid sit, fides (quod ait Ambrosius) purgat facinus. Videtis, quàm firmis Romanorum devotio nitatur fulcris? Cardinalis suo FORTASSE & FORTE absolvit rem totam. Reliqua reliquiarum scruta si susciperem executienda, quando essem perventurus ad dicendi finem? Ex his de reliquis fiat judicium: Audi D. Jctæ Cassandrum vestrum. Hodie, inquit ille Consult. artic. 22. Cum omnia Sanctorum reliquie plena esse videantur, verendum est, ne diligenti examinatione adhibita, NB. detestanda impostura patefiant, quemadmodum in nonnullis locis patefactum est, ut olim B. Martino accidit, qui in loco nomine martyris celebri, deprehendit non martyr, sed scelerati latronis monumentum. Multo consultius videtur, ut NB. ab omni reliquiarum ostentatione absteineatur, & populus ad veras reliquias colendas, id est, ad exempla sanctitatis, & virtutum, quæ in Scripturis, vel ab ipsis Apostolis, de ipsis extant, imitanda provocetur. Si salutari huic consilio daretis locum D. J. haberetis nos consentientes: At proh dolor! populo subducitis Scripta Apostolorum & ostentatis ipsi fictas eorum & aliorum reliquias: nempe quia Scripta Apostolica Papæ contradicunt: re-

liquit autem mutae sunt, nec periculum est, ne aliquid hilcant in Papam. Prudenter rem vestram instituitis: scilicet more Pharisaeorum, ad quos etiam provocasti, qui Prophetarum & iustorum doctrinam contemnebant & nihilominus tamen eorum sepulchra aedificabant & exornabant. Matth. 23. 29.

XXVI. Verum est Exod. 3. 5. terram dici sanctam: verum etiam, templum & arcam fuisse honorata: At quid inde D. J. Cre pro imaginibus vestris? Sancta & honorata haec omnia erant ob Dei singularem in iis praesentiam: At ubi Deus dixit, se singulariter praesentem fore in imaginibus vestris? 2. licet haec terra & instrumenta essent sancta & honorata, & quidem ex instituto & iussu ipsiusmet Dei, quod vos de imaginibus vestris non potestis dicere: quis interim fidelium legitur ea cultu religioso profecutus esse? Dicis, per imaginem Christi aequè praefigurari Salvatorem, ac olim per templum & arcam fœderis praefiguratus fuerit. Na. fallissimum hoc esse: praefiguratio Christi per templum & arcam erat ex Dei institutione: sed per imaginem ex hominum imaginatione & libidine. 2. posito, interim hoc verum esse, cur adoratis imaginem Christi, cum nemo adoraverit templum & arcam? Dicit quidem David Ps. 99. 5. *לְאֵלֵינוּ נִשְׁתָּחֵוּ* adorare ad scabellum pedum ejus: At non dicit, adorare scabellum pedum ejus, ut Vulgatus vester habet. Locus publicae adorationis, non objectum designatur. In quem modum etiam à Paraphraste Chaldaeo redditur *וְנִשְׁתָּחֵוּ בְּבֵיתֵנוּ* adorare in domo vel ad domum sanctuarii ejus.

XXVII. Addis (ad commendandas simul Processiones vestras) arcam fœderis fuisse saepe circumgestatam in processibus Jos. 6. 1. 1. Chron. 13. 27 &c. Totam domum Israelis fuisse in processione adhibetur variis instrumentis, nempe *וְהָאֵלֵּים*, nablis &c. 2. Sam. 6. 5. Imo ipsum Davidem saltasse

*ſe &c. v. 15, deſtitutum licet divino id ſciciendi mandato: At incaſum: nam i. circumgeſtatio arca, populiſque coram ea plauſus expreſſo nititur Dei mandato Joſ. 6. 4. 1. Paralip. 13. 1. An ſic etiam circumgeſtatio imaginum veſtrarū? Ad Davidem in ſpecie quod attinet, præditus ille erat Spiritu Prophetico, quomodo ergo ſine Dei verbo? Etiam liquet 1. Paralip. 13. 1. eum in deportanda arca conſilio Dei uſum eſſe. (2) Nullibi hæc proceſſio Pontificia: Eſt ergo luſus homonymiæ. Ab eſt enim & formale & requiſita primaria ac neceſſaria, de quibus vide ſis Celeſti Voçium *part. 3. Diſp. Theol.* Ut paucis dicam, Religioſis veſtris proceſſionibus & peregrinationibus veſtris, loci unius præſidio majori ſanctitati innitemibus, conditio Eccleſiæ N. T. evenitur. In V. quidem Teſtamento locum loco fuiſſe ſacrationem in aprico eſt: At in N. locorum diſcrimen ſublaturum eſſe docet ipſe Chriſtus Joh. 4. 21. 23. 24. & Paulus 1. Tim. 2. 8. *Non dixit Dominus, inquit Auguſtinus Serm. 3. de Martyr. Vade in orientem & quare juſtitiam, naviga ſuque ad occidentem, ut accipias indulgentiam, dimitte inimicis & dimittetur tibi. Nihil te extrate quare.* Optime interim proſpectum eſt Papæ in proceſſionibus: ille enim in iis, (forte ne pedem ad lapidem offendar) corporibus hominum, ceu vehiculo nobiliſſimo vehitur. *Præſertim Pontificem, ait Diana de Ador. P. P. 10. reverenter adoramus; cum in quibudam diebus ſolemnioribus procedit ad Capellam, geſtatur ſuper humeros cum tiara in capite &c.* Quod ſi ipſi quandoque libeat vehi equo, (quemadmodum varietas delectat) maximis inter præſentes Dominis, ſtapham equi, ut commodius conſcendar, tenere convenit. *Cum Papa, inquit Marcellus Cerem. l. x. tit. 2. per ſcalam, quam ſuperius diximus, aſcendit equum, major Princeps, qui præſens aſeſt, etiam ſi Rex eſſet aut Imperator, ſtapham equi Papalis tenet, & deinde**

inde ducit equum per frenum aliquantulum. Res commodissima ! Addit : Si vero Pontifex non equo, sed sella veheretur, quatuor majores Principes, etiamsi inter eos Imperator aut Princeps maximus adesset, in honorem Salvatoris I. C. sellam ipsam cum Pontifice NB. humeris suis portare aliquantulum debent. En honorem Papæ ! at an idem etiam hostiæ, quam Christum suum esse credunt, in processione illa papali exhibetur ? neutiquam. Post eos ducitur, inquit idem Cerem. l. 1. p. 16. per familiarem Sacrista rubro etiam indutum & baculum in sinistrâ habentem equus albus, mansuetus, portans Sacramentum, habens ad collum tintinnabulum bene tinniens & supra portatur baldachinum cum insignibus Papæ. En quanto major Papa ipso (juxta Pontificios) Christo ! Papæ si lubet sellâ vehi, humeris Imperatoris, Regis aut Principum portatur : Christus autem dorso bestię. Equum, quo Papa vehitur, ducit manus Imperatoris aut Regis : At equum, quo vehitur Christus, ducit famulus Sacristę ! Egregie sanè ! quia nimirum Paulus prædixit 2. Thess. 2. 4. *ὁ ἀντικείμενος* se se elaturum esse *ἐν τῷ λόφῳ* *ἐν τῷ ὄρει* *ἐν τῷ οὐρανῷ*.

XXVIII. Papæ : ais, si hodie in locis Reformati Sacerdos Catholicus in processione (ubi Christus in Sacramento circumgestatur) exemplo Davidis &c. plaudendo, saltando, ludendo & jubilando procederet, quot & quanta Adversarii cum Michale, uxore Davidis (qua Davidi illudit, eumque hoc nomine despexit : Ergo in hoc passu Reformati fuit :) è suggestibus coram imperit a plebe de idololatria non essent facturi, verba ? Non tam de idololatria, nisi accederet hostiæ adoratio, essemus verba facturi, quam de de idololatria & cultus vestri vanitate. Circumgestatio arcę, Davidisque coram ea saltatio, nitebatur Dei verbo, ut supra audivimus : At circumgestatio hostiæ ve-

stræ nititur verbo Papæ contra verbum Dei : Quæso enim D. J. Cte, ubi Christus discipulis suis mandavit hostiam circumgestare ? annon præbuit panem manducandum, non verò circumgestandum ? annon dixit, *accipite, edite*: ubi vero, *accipite, circumgestate* ? Ubi quæso Ecclesia Apostolica, ubi Ecclesia primitiva legitur circumgestasse vel ostentasse panem Eucharisticum ? Porro, adoratio eucharistiæ vestræ quo nititur mandato ? quo exemplo ? mandavit quidem Christus Apostolis, *ut acciperent, ederent, biberent & facerent hoc in sui memoriam* : At ubi, *ut panem adorarent* ? cum tamen de adoratione panis, utpote re novâ, multo magis admonendi fuissent, quàm de manducatione : Ubi etiam Apostoli ? ubi primitiva Ecclesia legitur panem Eucharisticum adorasse ? Papæ & vobis Papistis hæc *ἀπολα τρεῖς* propria est. Hanc jam superstitionem & idololatriam vestram dum carpinus, & despiciamus, quî similes sumus Michali, Davidem, arcam non adorantem, sed coram ea jussu Dei circumgestatâ, singulari ejus, qui in Prophetiserat, Spiritus impulsu saltantem despicienti ? Hæc mulier potius *hoc in passu Pontificia* fuit, utpote quæ, quemadmodum nos Pontificii in vero Dei cultu despiciunt & in eo, ubi possunt, interturbant, Davidem, Deum verè colentem, despexit & interturbare allaboravit.

XXIX. Ad disporrò, Johannes honorabat corrigiã solearũ Christi Marc. 1. 7. & primi Christiani sudaria, Pauli & umbram Petri: annon ergò æquè, imò magis adhuc, honoranda essent horũ, ut & cæterorum Apostolorum & Sanctorum, maxime B. V. Mariæ, imagines ? Bz. 1. da veram Christi, da B. Mariæ, da Apostolorum & aliorum verè Sanctorum imagines & eas honorabimus : At dare non poteris: quia apud vos

Nn

non

non sunt, ut suprademonstratum: *honorabimus*, inquam, i. e. erunt apud nos in pretio & loco honesto: At non exponemus eas loco publico & sacro, ut sint libri laicorum: cum Deus non velit suam Ecclesiam imaginibus, sed verbo suo erudiri? multo minus coram iis procumbemus, thui adolebimus, cereos accendemus, ut vos soletis: alioquin eas in idola converteremus. 1. *Honoraverit Johannes corrigias, honoraverint alii sudaria Pauli &c.* quid ad rem? Longe utique aliud est *honorare*, aliud *adorare*: Ubi Johannes adoravit corrigias? ubi Apostoli leguntur mandasse hominibus adorare? ubi leguntur homines adorasse *umbram & sudaria*? An Petrus, qui noluit adorari vivus à Cornelio Act. 10. 25. mandare voluisset adorationem sui cadaveris? (3) *Sudaria Pauli* Act. 19. 11. & *umbra Petri* Act. 5. 15. non habebant in se inclusam virtutem sanandi morbos, sed erant extraordinariæ & Dei virtute factæ sanationis symbola. Ipse Petrus, ut claudus ab ipso erat erectus, negat, id *sua virtute aut pietate factum esse* Act. 3. 12. qui ergo corporis sui umbræ hanc virtutem attribui concessisset? Incluserunt Papicolæ reliquiario suo habitum Iosephi, ut supra audivimus, mirum, quod non cogitaverint etiam de includenda eidem hac Petri umbra!

XXX. Hæmorrhœissa, cujus mentio fit Matth. 9. 21. ubi legitur corporis sui sanationem adscripsisse vestimento Christi D. J. Cte? Verum est, eam dixisse apud se: *si solum tetigero vestimentum ejus, liberabor*: At quid inde? num propterea putanda est credidisse, virtutem sanandi latere in veste Christi? non certe: Dicit, *liberabor*, sed non addit, *virtute vestis vel fimbriæ*: credebat se, si vel fimbriam tangeret, virtute Christi sanatum iri: *hec enim virtus* legitur à Christo egressa, non è fimbria Luc. 6. 48. sed 2. D. J. Cte, quæ comparatio vestimenti Christi cum vestris reliquiis? 3. Si hæc hæmorrhœissa fuit *Catholica* (id est,

est Pontificia) quod scribis; cur ergo non adoravit vestem Christi, ut vos reliquias vestras? *Hanc itaque fimbriam*, inquis, *in & cum eâ vero precipue Christum ipsum, ut non minus etiam imaginem ejus venerata est, quam, ut supra dictum in beneficii sibi exhibiti memoriam Servatori nostro ex ære parandam & ante ades suas collocandam curaverat.* R. Mulierem hanc Christum veneratione religiosâ profecutam esse, dubitare nos non sinit vera, quâ ipsum amplectebatur, fides: At illam eâdem profecutam esse ipsius vel fimbriam vel imaginem, nunquam probabit nobis D. J. Ctus, adeoque nec demonstrabit, eam fuisse Pontificiam. Quid? ne quidem certum est, eam imaginem ab illa muliere fuisse erectam: non enim dicit Eusebius, se vidisse, sed tantum id memorari: quamvis si ab eâ factum esset, non propterea fuisset pontificia: quia eam cultu religioso non est profecuta: interim erecta non fuit *Catholica sed ethnica consuetudine*, ut supra ex Eusebio audivimus.

XXXI. *Christus autem, addis, respondebat illi, in fimbriâ suâ fiduciam collocanti eamque hinc ad impetrandam sanitatem suam tangenti, mulieri, abi, fides tua te servavit: fimbriam venerata est & tetigit; sed Christum ipsum putavit: Eadem est ratio imaginum Catholicarum: has habent & venerantur quidem: non autem imaginem aut ejus colorem venerantur, sed id quod eâ designatur & significatur, adeoque sequuntur exempla, à Christo ejusque discipulis in S. Scriptura approbata &c. Res acuta & D. J. Cte, scilicet! At 1. Ubi legitur mulier illa fiduciam suam in fimbriâ Christi collocasse? Num etiam in ullo præter solum Deum fiducia collocanda? negat Jeremias c. 17. 5. Patet hinc, quam speciem honoris & venerationis (quam hactenus texeras, generali & ambigua voce usus) intelligas, nimirum religioso: quam*

& alii non pauci generalibus & ambiguis vocibus proponunt, partim quia, quod corde foveant, verbis disertis exprimere erubescunt: partim ut, ad tegendum fucum suū & denigrandam religionem nostram coram plebe, nos aggredi queant, tanquam Sanctorum corporibus debitum honorem negantes, adeoque ea afficientes contumeliā: quā quidem in re nobis maximam inferunt injuriam. Dent illi nobis vera Apostolorum, aliorumque verē Sanctorum corpora aut reliquias, & venerabimur, id est, non insepulta abjiciemus, non contumeliā afficiemus: ab sit hoc à nobis! sed honorificē terrā mandabimus: quemadmodum, quoties in V. vel N. T. mortuorum memorantur exempla, illorum corpora terrā mandata dicuntur. En Abrahamum, Isaacum, Jacobum, Josuam, Davidem, Johannem Baptistam, Stephanum, aliosque in V. & N. T. mortuos: num eorum corpora aut reliquiae circumgestatae religionis ergo? num ostentatae? num veneratione religiosa affectae? Quin Moisis corpus ab ipso Deo sepultum Deut. 34. 6. ne à Judæis propter viri sanctitatem & miracula ad ejusmodi cultum raperetur. De vestris insuper reliquiis, quas circumfertis, quae vobis certitudo? nulla: nemini enim de illis constare potest, quales vel illae sint, vel hi fuerint, quibus tribuuntur, hoc tempore, quo nullus hujusmodi miraculorum, si vel vera, quae jactantur, forent, nisi ad incrementum superstitionis, usus: obtinet proinde, quod Christus olim dicebat ad Mulierem Samaritanam, maximè etiam num apud vos: *adoratis, quod nescitis, nos adoramus, quod scimus* Job. 4. 22.

XXXII. Dicis, *Vos eodem modo agere cum imaginibus, quo hac mulier cum simbria Christi*: Admodum bellè! Ergo fiduciam vestram collocatis in imaginibus, ut ea eam

eam juxta te in fimbriâ Christi collocaverat. Quo quid quæro dari potest absurdius? Addis, *eam fimbriam veneratam esse, sed Christum ipsum putasse*: At probari vellemus utrumque: unde probabitur, *mulierem veneratam esse* (religiose scilicet, fiduciam in eâ collocando, ut scribis,) *fimbriam*? Unde & demonstrabitur, *eam, si vel maxime ita fimbriam venerata esset, Christum ipsum putasse*?

XXXIII. Catholicis, pergis, imagines habent & venerantur quidem: non verò imaginem & ejus colorem venerantur, sed id quod imagine designatur & significatur. Quis non videat, D. J. Cto nostro hic hæere aquam? Catholicis, inquit, *imagines habent & venerantur quidem*. Admodum timide loquitur bonus Vir, gnarus, Catholicos suos, ceu Babelis istius mysticæ operarios, de veneratione imaginum diversis magis linguis loqui, quàm priscæ Babelis architectos. Quæro autem 1. ex te D. J. Cte. Num Catholicis, quos vocas, dum venerantur imagines, venerentur eas in se, an verò nullo modo venerentur in se, sed tantum coram imagine exemplar? Si prius: Catholicis hoc in passu non sunt vestri præstantissimi Doctores, Durandus, Alphonsus à Castro, & alii quos citat Bellarminus lib. 2. de imag. c. 20: Statuunt enim, vel ipso Bell. teste, *imaginem non esse ullo modo in se colendam*. Si posterius: Iterum Catholicis non sunt Religionis vestræ antesignani, Cajetanus, Marfilus, Almayn, Carthusianus, Capreolus, Bonaventura, Thomas (qui duo posteriores à Papa relati sunt in album Sanctorum: ergo utique boni Catholicis) nam illi, teste eodem Bellarmino docent, *eundem honorem debere imagini & exemplari, & proinde imaginem Christi esse adorandam cultu laetitia, B. Maria cultu hyperdulia, & Sanctorum aliorum cultu dulia*. Quæro 2. An Catholicis, dum venerantur ima-

gines, venerentur eas propriè, ità ut ipsæ terminent adorationem : an vero impropriè : Si *posterius* : Catholicorum numerum non augebit amplius ipse Bellarminus vester : nam ille scribit lib. 2. cap. 21. *imagines Christi & Sanctorum venerandas esse, non solum per accidens vel impropriè, sed etiam per se & propriè, ita ut ipsæ terminent venerationem, ut in se considerantur, & non solum, ut vicem gerunt exemplaris.* Si *prius* : Catholicorum numero eximentur Gerson, Major, Holchorus, Sicus Mirandulanus & alii apud Raphaëlem de la Torre in *Summ. de Religion. q. 49. art. 2. disp. 6.* utpote qui strenuè negant, *imagines propriè coli posse, ut terminent venerationem.* Quæro 3. An Catholici, dum venerantur imagines, venerentur eas eodem, quo exemplar an verò minori cultu ? Si *prius* : quales fuerunt Catholici Peresius, Catharinus, Sanderus & alii, qui, teste Bellarmino, volunt, imaginem esse venerandam minori cultu, quàm ipsum exemplar ? Si *posterius* : quales fuerunt Catholici Thomas & Thomistæ, qui, ut supra audivimus, docent, eundem honorem deberi imagini & exemplari ? En bonos Catholicos tuos D. J. C. tel. incerto ad eò pede cursitantes, ut etiam te, asserentem, non imaginem, sed id, quod imagine designatur, coli non parum recalcitrationibus suis tangant. Sed excutiamus D. J. C. to nostro ulterius soporem : dicit Catholicos habere quidem & venerari imagines : quæro, annon religiose venerentur ? annon adorent ? quid respondes ? Num affirmas, an negas ? Si, *affirmas*, vel te ipso fatente, Catholici tui sunt idololatræ : Si *negas* : Anathemate te percellit Synodus Nicæna II. Audi ipsius verba. *Gloriosorum angelorum, inquit Act. 7. & omnium Sanctorum imagines ADORANDAS putamus. Qui vero ità non est animatus, sed circa venerandarum imaginum adorationem labo-*

rat & dubitat, eum anathematizat Sancta & veneranda Synodus: Scio in Ecclesia Romana non paucos reperiri, præsertim inter Laicos, qui aperte negant adorationem imaginum in Papatu obtinere, aut doceri: imò etiam nos calumniæ insimulant, quòd tale quid Religioni Romanæ imponamus. At boni isti homines ablegandi sunt ad Sacerdotes & Doctores suos, ut melius in Religione Romana informentur. Audiant interim eandem Synodum. Omnes, inquit ea A. 4. *Qui se sacras imagines venerari confitentur, ADORATIONEM autem recusant, à sancto Patre Anastasio redarguntur ut hypocritæ, Nam cum verè adorationem, quod est honoris Symbolum recusant, contrarium facere cognoscuntur, nimirum Sanctis convitia dicere.* Nota bene hæc verba D. J. Cte: Aut tu igitur, dum hæcenus veneratus es imagines in Papatu, eas sub illa veneratione adorasti, aut non: Si adorasti, fuisti idololatra: si non adorasti, fuisti, juxta hoc Concilium, hypocrita. Ne autem præendas, recentiores ab ista impietate recessisse, audi Thomam vestrum. Sequitur, inquit ille Summ. part. 3. q. 25. art. 3. *quòd eadem reverentia exhibetur imagini Christi & ipsi Christo; Cum ergo Christus adoratur adoratione latria, consequens est, quod ejus imago sit adoratione latria adoranda.* Thomam sequuntur Gabriel Biel *Letf. 49. in Can. Miss.* Cajetanus *in Notis*, & citante Vasquezio *lib. 2. de Adorat. disp. 8. c. 3.* Azor, Alexander, Bonaventura, Ricardus, Paludanus, Capreolus, Alphonsus de Castro & alii plurimi. En hic divorcium Laicorum à Clericis! Volunt hi imagines adorari: At illi nolunt, saltem quidam & prudentiores: Alias quod attinet ad popelli faciem; quis neget, ab eâ adorari imagines? *Eo insania*, inquit Polydorus Vergilius *lib. 6. c. 13. deventum est, ut hæc pietas pars parum differat ab impietate:*
sunt

sunt enim bene multi rudiores stupidioreque, qui saxeas vel ligneas, marmoreas, aneas, seu in parietibus pictas, variisque coloribus litas imagines colant, non ut figuras, sed perinde quasi ipsa sensum aliquem habeant, & eis magis fideant quam Christo, vel aliis deis, quibus dicata sunt. Verum est, esse & inter Clericos, qui in vulgaribus libellis Polemicis, vernaculo aut latino sermone conscriptis, prætendant, Pontificios non adorare imagines, sed in iis demum tanquam mediis & adminiculis id, quod designant, adorare: Annuerantur his Waddingus, Bailius, Becanus, Coppensteinus, Volusius & alii. At hos bonos viros puder doctrinæ matris suæ: hinc fingunt & refingunt, ut lethales nostrorum iactus declinent; quamvis & hic idololatriæ crimen neutriquam à se amoliantur, ut suo loco demonstrabitur. Sunt interim, dum imaginibus adorationem derogant, juxta Conc. Nicenum Act. 4. *hypocrita*, & juxta Cardinalem Baronium Tom. 9. ann. 794. sect. 3. 9. *heretici*. Et quis Papicolarum hoc in dubium vocet, cum Thomas, Angelicus ille Ecclesiæ Romanæ Doctor (in cujus sententiam promptissime concessit turba ingens Doctorum, quos ad triginta usque enumerat Valquez lib. 2. de Adorat. disp. 8. cap. 3.) disertè doceat, eundem honorem deberi *imagini & exemplari*, & addat (part. 3. q. 25. artic. 4.) *hanc esse sententiam Ecclesiæ*? Si autem est sententia Ecclesiæ, quis contradicat? quis obloquatur Thomæ, Doctori Angelico, in Album Sanctorum relato, ad quem (quod admodum devotè credunt Papicolæ) ipse Christus per divinam revelationem dixit, *Rectè de me scripsisti Thoma*? Et quid? annon etiam Bellarminus, Coryphæus vester, lib. 2. de imag. c. 21. expresse, docet, *imagines Christi & Sanctorum venerandas esse*, id est, adorandas (probat enim hanc suam sententiam ex Conc. Niceno, adorationi,

tionem, ut supra audivimus, faventissimo) *non solum per accidens vel improprie, sed etiam per se & proprie, ita ut ipsa terminent venerationem (adorationem) ut in se considerantur & non solum, ut vicem gerunt exemplaris.* En Papistas imagines proprie adoratione religiosa, in ipsamet imagine terminata, adorantes! Quam fronte ergo scribunt hodierni Jesuitae & cum illis D. J. Crux nostra, omnem inter eos imaginum cultum esse relativum? Verum est, eundem Bellarminum, etsi fateatur imagines per se & proprie adorandas esse, negare tamen, eas adorandas esse eodem cultu, quo exemplar. *Quantum ad modum loquendi, inquit lib. 2. c. 22. praesertim in concione ad populum, non est dicendum, imagines ullas adorari debere latría, sed è contrario non debere sic adorari.* Addit paulo post. *Imaginem Christi vel crucem adorandam esse latría cultu, illo ipso, quo adoratur Deus, non caret magno periculo, nam qui defendunt imagines adorari latría, coguntur uti subtilissimis distinctionibus, quas vix ipsimet (audi Thoma, Doctor Angelice, audite Doctores Scholastici qui adhuc ad Scholas ablegemini à vestro Cardinale) intelligunt, nedum populus imperitus.* At bonus ille Cardinalis sic salvus non evadit: nam 1. Scriptura unum adorandum, unum cultum religiosum nobis proponit: Unde ergo Pontificia cultus in inferiorem & superiorem distinctio? (2) Bellarminum Thomae contradicentem confutant Jesuitae. *In veneratione Christi imaginum, ait Greg. de Valentia lib. 1. de Idol. c. 5. adeoque etiam crucis idem cultus, quo honoratur Christus ipse, id est, divinus, usurpatur.* Et Costerus Enchirid. Tr. de Imag. Ex quo, ait, non obscure consequitur, omnem honorem, qui prototypo debetur, etiam exhiberi imagini posse. (3) Si imagines sunt colendae inferiori & diverso à cultu exemplaris, agedum dicant nobis Papicolae, quis sit ille

cultus inferior, quo V. G. prosequuntur imaginem Christi? num *dulia*, an verò *hyperdulia*? Si *dulia*: quo ergò cultu afficient imagines Sanctorum, cum juxta ipsos *dulia* sit infimum adorationis genus? Item quomodo *dulia* potest in Christo terminari, cui debetur latria? præterea, illa *dulia*, quâ prosequuntur imagines Sanctorum, aut est inferior *duliâ* ipsorummet Sanctorum, aut non est: *si est inferior*, dabuntur duæ *duliæ* species, dabitur cultu infimo inferior, quod utique absurdum & contradictorium: *si non est*: imagines Sanctorum non coluntur cultu inferiori, quam ipsa Exemplaria, quod tamen contendit Bellarminus. Si *hyperdulia*: quo ergo cultu afficient imaginem Mariæ, imò ipsam Mariam, cum ei soli hunc cultum destinârint? Ne jam addam, ipsos vana hac distinctione B. Mariam supra Deum efferre: Cum enim, teste Scriptura, Deo debeatur *dulia* Rom. 12. 11. Matth. 6. 24. & c. ipsi Mariæ *hyperduliam* tribuunt; quâ Theologiâ quid absurdius? (4) Ipse tandem Bellarminus ex animi angustia eodem capite mutat sententiam & agnoscit, *imagines adorari posse cultu latriæ, modo adorentur cultu latriæ per accidens & improprie*. Hem Cardinalem, risu dignissimum! Re ipsa igitur, quam vis per accidens ex ipsius confessione, Papicolæ sunt idololatræ. Unde autem constat Cardinali, populum, dum coram imaginibus procumbit adorabundus, eas osculatur, ad eas affricat Sphæras suas precatorias, imagines adorare cultu latriæ per accidens? Dicit; *id non esse efferendum in vulgus & in concione ad populum abstinendum ab hoc loquendi modo*. Quis, quæso, à cachinno sibi temperet? pudet ergo Papicolas dicere, quod facere non pudet. Addit rationem, *quia Concilia non affirmant sed simpliciter negant, imagines adorari latriâ*: quâ fronte tu ergo contra Concilia

cilia affirmas, *imagines adorari posse latría per accidens* ? Adjicit tandem. *Cultus qui per se, proprie debetur imaginibus, est cultus quidam imperfectus, qui analogice & reductivè pertinet ad speciem ejus cultus, qui debetur exemplari. Itaque imaginibus Sanctorum non debetur propriè dulia, sed cultus inferior, qui dici potest dulia secundum quid, vel dulia analogice sive reductivè. Similiter imaginibus B. Virginis non debetur hyperdulia simpliciter, sed secundum quid, sive analogice & reductivè. Denique imaginibus Christi non debetur latría vera & simpliciter, sed cultus sine comparatione inferior, qui tamen reducitur ad latríam, ut imperfectum ad perfectum. En quàm bellè Bellarminus rusticos & vetulas instruat ! Debent quidem adorare imaginem Christi latríá, sed analogice demum & reductivè. Quomodo, per Deum immortalem, misellus Rusticus aut imperita muliercula, coram imagine procidens, dum prototypo aut latríam, aut duliám aut hyperduliám exhibere tenebitur, eodem simul tempore, alium nescio quem cultum reductivum concipere debebit, analogice ad latríam & duliám, quæ exhibetur exemplari ? qui tamen nec *latreuticus* nec *dulenticus* debeat nuncupari ? Reprehendit Cardinalis, ut supra audivimus, Catholicos suos, qui defendunt, *imagines adorari latríá*, eò quòd cogantur uti subtilissimis distinctionibus, quas vix ipsimet intelligant, nedum populus imperitus : At debebat bonus ille vir in suum ipsius sinum descendere. Cudit ille híc ex animi angustia distinctiones, quas nec popellus (quomodo enim is capiet, quid sit latría analogica & reductiva, item quid sit, *colere imaginem hyperdulia simpliciter & secundum quid* ?) nec ipsemet intelligit : Excogitavit cultum *analogicum*, qui nec sit *latreuticus*, nec *dulenticus* nec *hyperdulenticus*, sed tamen *religiosus* : quem ille non scit exprimere, concipi*

tamen vult ab anibus, se se à periculo idololatriæ vindicaturis. Quid? annon bonus ille Cardinalis sibi manifestè contradicit? Determinaverat cap. 21. *imagines colendas per se & propriè, ita ut ipsa terminent illum cultum*: Hic autem c. 25. asserit, *non competere ipsis propriè latrîam, dulciâ, hyperduliâ, aut cultum aliûm, qui conveniat naturæ intelligenti*. En viri constantiam! Sed excutiamus ipsi cerebri vertiginem. Dicat nobis, an latrîa *analogica & reductiva*, quam excogitavit, sit vera latrîa nec ne: Si *non est vera*, falsus est cultus: Si *est vera*, Bellarminus, dum vult, ut homines imaginibus Christideferant *latrîam analogicam & reductivam*, eo ipso vult, ut honorem soli Deo debitum imaginibus propriè tribuant, adeoque, ut sint idololatræ.

XXXIV. Distinctio inter *cultum absolutum & relativum*, quâ D. J. Ctus cum quibusdam aliis elabi quærit, vanissima est: nam 1. falsum esse, quòd Pontificii *cultum relativum* tantum imaginibus deferant, suprà modo demonstratum. Si *imago*, inquit Bellarminus lib. 2. c. 20. *non est veneranda nisi improprie, quia nimirum coram illâ vel in illa aut per illam adoratur Exemplar, certe licebit simpliciter negare, imagines esse venerandas. Quod enim non dicitur nisi improprie, simpliciter negari potest. At Conc. VII. aet. 7. anathema dicit illis, qui negant imagines esse venerandas.* (2) Ubi Deus cultum illum relativum instituit D. J. Cte? quis vos docuit distinguere, ubi lex non distinguit? Annon eâdem distinctione se olim excusare potuissent Israëlitarum molcholatræ? Volebant enim per conflatum vitulum (cujus figuram potius elegerunt quàm hominis aut alterius animalis, quia, ut Visorius vester scribit, viderant Ægyptios sub bovis imagine colere vel Apim regem, suum olim benefactorem, quem inter Deos

Deos relatum imaginabantur, vel Nilum, cujus inundatione terra Ægypti fecundabatur) colere verum Deum, ut supra probavimus: sed an propterea non erant idololatræ? Quid? ipsorum met gentilium, saltem plurimum, cultus annon quoque ex ipsorum mente relativus erat? demonstravimus id supra evidentissimè: Sed an ideo crassæ idololatriæ culpa illi vacârunt?

XX XV. Verum est, *Paulum in cruce Christi gloriari Gal. 6. 14.* Verum etiam, eundem dicere *1. Cor. 1. 18.* *Sermo ille de cruce iis quidem, qui pereunt, stultitia est: iis autem, qui servantur, id est, nobis, potentia Dei est.* Sed quid inde D. J Cte? Num hîc Paulo sermo est de ligno crucis? Non audes asserere: ad quid ergo loca illa? Respondent, inquis, *Reformati, Paulum his verbis non intellexisse crucem materiale, sed eum, qui cruci fuerit affixus: agedum, idem etiam faciunt Catholici: venerantur quidem imaginem, intelligunt autem sub hac veneratione eum, quem imago designat.* Rem acu tangis D. J Cte! scilicet! at 1. ubi Paulus legitur nominâsse imaginem? ubi legitur veneratus esse crucem & sub hac veneratione intellexisse crucifixum, quod Catholicos tuos facere dicis? 2. Quam eximîa sit inter Catholicos tuos harmonia, hætenus satis audivimus. Dissident magis à se invicem boni tui Catholici, quàm capita vulpium Simsonis, caudis unitarum, à se invicem averla. Dicas mihi, Num tu Catholicus Jurisconsultus, dum veneraris imagines, imaginibus tribuas eundem cultum, quem exemplari, an verò non tribuas: *Sinon tribuas, pungeris à Catholicis tuis Theologis, Thoma, Bonaventura, Alexandro, Cajetano, Marùlio, Almayno, Carthusiano, Capreolo & aliis; utpote qui, teste Bellarmino l. c. docent, quod idem honor debeatur imagini & exemplari, Rationem dant, quia*

honor imaginis transit ad exemplar. Si tribuis, pungeris rur-
sus à Catholicis tuis Theologis, Durando, Alphonso à
Castro, Perefio, Catharino, Sanderò, Gabriele & aliis
quorum quidam, eodem teste Bellarmino, docent, ima-
ginem in se nullo modo esse colendam, alii, ipsas imagines in se
& proprie honorari debere, sed honore minori, quam
ipsum exemplar. Quò se jam vertat Catholicus Jure-
consultus, ità vulneratus à Catholicis suis Theologis?
Quid? Constans, ait Jesuita Azorius lib. 9. c. 6. est Theolo-
gorum sententia, imaginem eodem honore & cultu honorari &
coli, quo colitur id, cujus est imago. Mihi unus tantum cul-
tus videtur imagini debitus, idem nempe qui debetur exem-
plari: Hoc si verum, quia asseris, Catholicos tuos sub vene-
ratione imaginis non intelligere ipsam imaginem, sed exem-
plar? Nempe perplexus hæret D. J. C. tus: enatare co-
natur, at nescit, quo modo; sufflaminante eum, ab una
parte, idololatriâ, ab alterâ Theologorum dissensu. Sic
non minus in tota hac explicatione cultus imaginum
Bellarminus funambulū agit religionis, pendente ve-
stigio ingreditur, juxta præcipitium turpissimæ idolola-
triæ: plebem rudem vult secum ducere, quæ subtilibus
distinctionibus nescit gradus suos vibrare: Quid hoc
est aliud, quàm ludere cum Deo & hominum anima-
bus?

XXXVI. Ubi interim conscientia tua D. J. C. te,
 dum Reformatos, tanquam *superstitiosos* & contemptores
 crucis traducis? Crucem nullum nostrum odit aut con-
 temnit, sed duntaxat ejus abusum; qui apud vos maxi-
 mus est: recepta enim apud vos est sententia, cultu latræ,
 qui soli Deo debetur, crucem ejusque imaginem esse
 afficiendam; *Si loquamur de ipsa cruce*, inquit Thomas p. 3.
 q. 25. art. 4. *in qua Christus crucifixus est, utroque modo est à*

nobis veneranda, uno scilicet modo, in quantum representat nobis figuram Christi extanti in ea, alio modo ex contactu ad membra Christi, & ex hoc quod ejus sanguine est perfusa; unde utroque modo adoratur eadem adoratione cum Christo, scilicet adoratione latriæ; & propter hoc crucem alloquimur & deprecamur quasi ipsum crucifixum: Si verò loquamur de effigie crucis Christi in quacunque alia materia, puta lapidis vel ligni, argenti vel auri, sic veneramur crucem tantum ut imaginem Christi, quem veneramur adoratione latriæ: Huic sententiæ Thomæ calculum suum addunt plerique Scholastici: imò scribit Vasquez in 3. Thomæ disp. 91. c. 2. Catholicam fidem & doctrinam esse, Quod non solum crux illa, in qua Christus mortuus est, sed & quacunque Crucis figura, vel in materia permanenter sculpta aut depicta, vel in aëre aut manu, aut digitis expressa, exosculanda & adoranda est. Quin & ipse Papa crucem, simulatque consecrata est (consecratur autem nova ab ipso inter alia hisce verbis; Digneris benedicere hoc lignum crucis, ut sit remedium salutare generi humano, sit soliditas fidei, profectus bonorum operum, redemptio animarum, sit solamen & protectio ac tutela contra sava jacula inimicorum. Vide Pontif. Rom. pag. 359. & Ritual. p. 375.) flexis ante eam genibus devotè adorat & osculatur. Nec alia est praxis Papicolarum: Illi, inquit Thomas p. 3. q. 25. art. 4. exhibemus latriæ cultum, in quo ponimus spem salutis, sed in cruce Christi ponimus spem salutis: Cantat enim Ecclesia Domini de passione Domini in hymno. O crux arve spes unica, E. crux Christi adoranda est adoratione latriæ. Quomodo hæc sapiunt palato tuo D. JCre? si hoc non est idololatriam crassam committere, non video, quid sit idololatria. Conatur quidem Bellarminus lib. 2. de Imag. c. 24. elabi, prætendendo crucem ibi accipi pro ipso Christo crucifixo: at frustra: nam intelligendam esse ipsam cru.

crucem, ex verbis præcedentibus (*in Brev. Rom. dom. pass.*) patet quàm evidentissimè.

<i>Arbor decora & fulgida-</i>	<i>Ornata regis purpura</i>
<i>Electa digno stipite-</i>	<i>Tam sancta membrat angere.</i>
<i>Beata cujus brachiis-</i>	<i>Seculi pependit pretium:</i>
<i>Statera facta corporis-</i>	<i>Prædamque tulit tartari.</i>
<i>O Crux ave spes unica-</i>	<i>Hoc passionis tempore,</i>
<i>Auge piis justitiam-</i>	<i>Reisque dona veniam</i>

Audi etiam devotam orationem ex *Breviar. Rom. p. 892.* qua 3. die Maji (hoc enim crucem ab Helenâ inventam credunt stauolatræ) crucem adorant; *O Crux splendidior cunctis astris, mundo celebris, hominibus multum amabilis, sanctior univrsis, quæ sola fuisti digna portare talè tum mundi, dulcelignum, dulces clavos, dulcia fereps pondera:* NB. *Salva præsentem catervam, in tuis hodie laudibus congregatam. Quæ hic relinquitur adorationi Christi ipsius & imaginis crucis ejus differentia D. J. C. te? Noli ergo nos amplius traducere tanquam saupoultous: Vos potius tales estis, dum illam, ut jam audivimus, in idolum convertitis. Nos detestamur tantum illum abusum, qui paulatim irrepsit, quo, quod Crucifixo proprium, tributum est cruci materiali. Quæres forte ex me; cur ergo ex templis vestris cruces ejecistis, si illas non odistis & contemnitis? quæro vicissim ex te, cur olim Ezechias serpentem æneum, ipsius tamen Dei jussu erectum, fregit & abjecit, cum tamen eum per se, ut rem materiale, non odisset? Si ad Ezechiaë factum scis respondere, habes & responsum ad nostrum. Nimirum abjecit Ezechias serpentem æneum, quia fuerat & in posterum esse poterat objectum idololatriæ: sic etiam nos cruces (quas alias in rebus civilibus formare & gestare rem indifferenter judicamus) è templis ejicimus, quia in vehendæ*

su-

superstitioni & idololatriæ hætenus inservierunt , & in posterum servire possunt.

XXXVII. Quod D. J. dicit, fore ut die judicii signum crucis in nubibus appareat, id nunquam ex Scriptura probabit. Verum est, veterum quosdam, ut Theophylactum & alios signum, cuius meminit Matthæus cap. 24. 30 dicens; *Tunc apparebit signum filii hominis in cælo*, intellexisse de signo crucis: At etiam non minus verum, id eos asseruisse sine fundamento. Hieronymus interim in h. l. aut de signo crucis aut de vexillo victoriæ triumphantis intelligit. Origenes in h. l. Tract. 24. per signum filii hominis nihil aliud præter adventus Christi claritatem & gloriam intelligit, altumque apud ipsum de cruce silentium. Mendax ergo est Bellarminus, dum lib. 2. de Imag. c. 28. scribere non veretur, omnes veteres ad unum exponere hunc locum de cruce. Ponamus autem, de cruce intelligendum esse: quid inde lucri Pontificiis? num propterea crux adoranda?

XXXVIII. Quod porro longè petatum it D. J. ex Apoc. 14. 1. & 22. 4. & Ezech. 9. 4. non minus notat extremam omnium probationum inopiam. nam 1. ne minima locis illis crucis mentio. *Centum & quadraginta quatuor millia illa*, quorum mentio fit Apoc. 14. 1. dicuntur quidem habuisse nomen Patris agni scriptum in frontibus suis (quæ phrasis & reperitur Apoc. 22. 4.) sed non crucem: Et quodnam quæso est Patris nomen, D. J. Cte, seu Hebraicum seu Græcum, seu quovis alio idiomate scriptum, quod crucis figuram referat? Nisi forte dicere velis (prout Theologi vestri sunt admodum felices in fingendo) quòd, quemadmodum Hebraicum יהוה, Græcum, θεός. Latinum Deus complectitur 4. literas; sic in cruce sint tignorum capita quatuor prominentia: At si

Theologis ista licent, quis erit ineptiarum finis? Falsissimum est. Ezech. 9. 4. *Deum præcepisse omnes viros Hierosolymitanos mandasse signari signo Tau.* Ubi quæso hoc legisti D.JCte? Ne quidem apud Vulgatum tuum: ita enim ille: & signa tau super frontes virorum gementium, non insertâ voce *signum*, quæ etiam citra manifestam tautologiam subaudiri non potest; cum *Tau* Hebræis significet *signum*: Audi ipsam veritatem Hebraicam: וְהָיָה תָּו על מצחֵת האֲנָשִׁים & signa signum super frontes hominum: Vox enim תָּו, ut diximus, significat *signum* seu *notam*, & notare תָּו in est *signare signo* aliquo in genere. Hinc ita reddunt LXX. Interpretes ista verba, καὶ δὲς ἀνέμοις ἐπὶ τὰ μέτωπα τῶν ἀνδρῶν, & da signum super frontes virorum. Quin, ne longius eamus, ille ipse locus, qui à Bellarmino ceu parallelus citatur ex Apoc. 7. 3. ita illud in *signum* in genere interpretatur. Sed 2. si vel maximè D.JCto nostro concederemus, hîc intelligendam esse literam ט, quid inde lucraturus esset? dicit, *literam Tau referre crucem: ð. Latinam, T. verum est: Hebraicam ט, fallum*: at Deus per Ezechielem suum non est locutus Latine sed Hebraicè. *De serpente aneo responsum supra.*

XXXIX. Dictum etiam & demonstratum supra, Pontificios non posse nobis sistere veras Christi & Sanctorum imagines: Adde jam, idem eis obijci posse, quod olim Ethnicis de imaginibus suis apud Arnobium lib. 6. Unde novissimè scitis, an simulachra hac omnia, quæ Diis immortalibus (Sanctis) vicariâ substitutione formati, similitudinem habeant, referantque divinam (Sanctorum?) Potest enim fieri, ut barbatus in cælo sit (re ipsa fuerit) qui esse à vobis effingitur lavis; potest ut senectute provectior, cui puerilem commodatis aetatem; potest ut hic flavus sit, qui in veritate

tate habet oculos caecos: dispoſas ut geſtiet nares, quem eſſe vos facitis figuratiſque naſicam. Neque enim eſt dicere aut appellare ſimulachrum, quod non pariles lineas principali ab ore traducat. Quam regulam ſi applices imaginibus Pontificiorum, patebit, apud eos nullas veras imagines eſſe, niſi forte novorum Sanctorum ultimis hiſce temporibus depictorum. Quid ad hæc D J Cte noster? Dicit angelos eſſe ſpiritus ſint adcoque ſecundum naturam ſuam depingi non poſſint, nihilominus tamen jūſſu ipſius Dei figurâ aliqua externâ, verus Cherubinus nullo modo reſpondente, fuiſſe repræſentatos. Exod. 25. 18. &c. Cherubinos, fuiſſe imagines perſonales, Angelorum repræſentivas, ad adorationem propoſitas, unde demonſtrabis D J Cte? non credunt Jeſuitæ tui Lorinus & Vaſquez, ut ſuprà audivimus n. 15. Num putabimus cum Synodo Nicena II. *Angelos eſſe corporeos, eorumque corpora eſſe aërea aut ignea* Aët. V. ? Non crediderim, hoc Concilium, quod tibi aliâs infallibile, hac in ſententiâ infallibile viſum iri. Fuerunt potius *figura Symbolica & Emblematica* officii angelici, à quibus quæ quæſo conſequentia D J Cte ad *imagines perſonales* Sanctorum? Occurrit apud vos imago perſonalis S. Nicolai, S. Laurentii, S. Sebaſtiani, S. Jacobi, S. Pauli & aliorum; At unde vobis conſtat, hanc, quam colitis pro imagine Pauli, Petri &c. eſſe veram Pauli aut Petri imaginem? De mille imaginibus ejusdem Sancti vix duas reperias eandem faciem referentes. Imaginem V. G. S. Mariz in templis veſtris frequentiſſimam aliâ Colonia, aliâ Conſluentiz (imò aliâ atque aliâ in eodem templo: quod non ſemel obſervavi) videbis facie. Verbo: finguntur imagines ad libitum pictorum & Statuariorum, aut ut forſtulit: Et quò devotius ab artificibus pinguntur, eò etiam devotius boni Catholici eas venerantur.

Cum è contrario boni Patroni , qui jam senescunt aut quibus color decedit, locum in angulo aliquo occupare teheantur araneis obfiti. Imò in non paucis imaginibus non alia quam barbæ aut insignium deprehenditur differentia: si S. Sebastiani imagini demas sagittas, S. Laurentii craticulam, S. Jacobi conchas imbricas , pro quibuslibet aliis Sanctis venditare poteris. Deme Petro claves & facile in Paulum mutabitur. Quin, quod ridiculum, similes sæpe imagines sunt hominibus notis, *χθὲς ἢ πρῶτον* natis, quandoque insignitè improbis, quos sic honor & cultus ille contingeret. Mirum, quòd artifices pontificii, qui tam artificiosè lacrymam Mariæ & halitum Iosephi incluserunt, etiam de odontalgia imagini Apolloniæ, & febrì imagini *Petronella* &c. appingenda non cogitaverint! Sic enim facile ab aliarum Patronarum imaginibus distingui potuissent!

XL. Quantopere Deo *ἰδολοθρῆσκαία*, quam jam tueri conatur D. J. Ctus, displiceat, sequentibus Scripturæ dictis haud obscurè liquet. Deut. 12. 8 & 23. *Non facietis secundum omnia, quæ nos hic facimus hodie, quisque sicut rectum videtur in oculis suis. Sed quod ego præcipio tibi, hoc tantum facito, nec addas quicquam, nec minuas ex eo.* Matth. 15. 9. *Frustra me colunt docentes doctrinas, quæ sunt mandata hominum.* Videatur & Coloff. 2. 23. Hinc jam ita argumentamur. Omnis *ἰδολοθρῆσκαία* ab Ecclesia Dei est eliminanda: Imaginum cultus est *ἰδολοθρῆσκαία*. Ergo &c. Major liquet locis cit. quàm evidentissimè. Minor inde patet: quia cultus imaginum institutione promissione & approbatione in Dei verbo destituitur. Quod non diffitetur D. J. dum ad fovendam Iconolatriam, ipse ad *ἰδολοθρῆσκαίαν* confugit, probans illud Iconolatarum, Act. VI. *Omne quod in recordationem Dei erigitur, acceptum illi esse constat.* At hoc falsum esse, nisi fiat ex Dei

Dei præcepto, supra testantem audivimus Scripturam. Verum est, locis citatis rejici fabulas & traditiones Judaicas: at rejici judaicas tantum, est falsissimum: quis te docuit distinguere, ubi non distinguit Scriptura? Rejiciuntur in genere omnes doctrinæ, quæ ab hominibus docentur extra legem & testimonium, ad quæ revocantur omnes fideles & exitium denuntiaturi iis, qui juxta illa non fuerint locuti Jes. 8. 20. Rectissime proinde à Pastoribus nostris (quorum quidam si fratres ignorantie sunt, ut scribis, quid pro nobis? præstat esse ignorantem, quam idololatram: quasi interim verò monasteria vestra fratribus ignorantia non abundant! & diœceses vestræ non scatant Canonicis, quorum scientia se ultra Breviarium & Missæ lectionem non extendit!) hæc loca contra vos urgentur: Dicis rem indifferentem esse apud Catholicos, Angelum aut Sanctum invocare, aut eorum imagines habere & venerari; ac proinde stultum esse, in hac materia illis multa Scriptura loca de præcepto agentia objicere, cum nullum unquam de imaginibus habendis & colendis præceptum Ecclesia dederit &c. 2. Sive vos ab Ecclesia vestra habeatis mandatum invocandi Sanctos, eorumque imaginibus cultum religiosum deferendi, sive non; perinde est: sufficit nobis praxis vestra: cujus cum nullum ex Scriptura vel mandatum vel exemplum possitis demonstrare, estis ἰδιώδης νομοί. 2. Quomodo apud vos e. i. res indifferens, quam, ut supra audivimus, Deus severissime prohibuit. 3. Faciendas esse imagines Christi & Sanctorum, pertinet, docente Bellarmino l. 2. de Imag. c. 8. ad fidem (cum dicente eodem, an facienda sint imagines Trinitatis, tam certum non sit) quæ ergo tu asseris, esse rem indifferentem? Quid? Synodus Nicæna Act. 7. anathemate percutit

cos, qui vel tantisper dubitant, an imagines sint adoranda?
quomodo ergo est res indifferens?

XLI. Quæris, quis præcepit ante Legem Caino, Abeli
& Noacho offerre sacrificia Gen. 4. & 8. quis Jacobo, erectum
lapidem oleo perfundere & illic votum nuncupare Gen. 28. 18.
22? quis Davidi, coram arca saltare 2. Sam. 6. 15? quis Jonadabo,
vitam monasticam colere, domos non exstruere Jer 35. 6. 7? quis
Hanna, filium suum status Ecclesiastico consecrare 1. Sam. 1.?
quis Jephtha, primum sibi obvium Deo in holocaustum offerre
Jud. 11. 30? quis Paulo, radere suum caput Act. 18. 18? &c. quis
Elia, ponere faciem suam inter genua 1. Reg. 18. 42? &c. quis
Johanni Baptista in eremo degere Matth 3. 4. &c. quis Davidi,
nudis pedibus incedere 1. Sam. 15. 30. &c. &c. 1. distingue cul-
tum Dei à circumstantiis cultus & rebus mediis. Va-
rias cultus divini circumstantias & res alias medias ob-
servari posse laudabiliter, etiam sine præcepto, non ne-
gamus: at vero cultus ipse religiosus; de quo nobis hîc
quæstio, non potest esse sine Dei præcepto, ut suprà de-
monstratum. 2. Exempla, quæ adfers, non sunt unius
generis: quædam ad res per se indifferentes (quæ pro
ratione circumstantiarum fiunt bonæ & malæ) quædam
ad Dei cultum pertinent: quædam prorsus aliena sunt.
Præterea ab Elia, Davide, Johanne Baptista, viris Dei ex-
traordinariis, quæ consequentia ad nos D. J. Cte? annon
scis: ipsos præditos fuisse Spiritu Prophetico, vixisse in
extraordinaria vocatione, verbumque Dei ad ipsos fa-
ctum esse extra ordinem? si ergo non habuerunt man-
datum Dei externum, certè interno destituti non fuerunt,
φῆροντες αὐτὸς πνεῦμα & ὁ λόγος 2. Pet. 1. 21. Confer Paragr.
1. num. 6. Ad sacrificia Abelis & Noachi quod attinet, ea
quoque Dei mandato non destituuntur: cum oblata
fuerint per fidem, sicut expresse dicitur Heb. 11. 47. nam
fides

fides est ex auditu verbi Dei Rom. 10. ac proinde opera, quæ fiunt per fidem non fiunt absque Dei mandato. Quid quod ante diluvium occurrit distinctio animalium mundorum & immundorum, haud dubiè à Deo instituta eo potissimum fine, ut sacrificiis inserviat. *Abel*, inquit Athanasius in Decret. Syn. Nic. *que ab Adamo perceperat, Deo obtulit; Adamus autem magisterio Dei instructus fuit.* Ubi & discite, unde Cain suum sacrificandi morem hauserit. Jacobi lapidem erectum oleo inungentis eadem, quæ Abelis & Noachi sacrificantium, est ratio. Falsum est, quod vult Bellarminus *l. 3. de cult. Sanct. c. 5. cum hoc fecisse ex natura instinctu*, quomodo enim id placuisset Deo post naturam corruptam? sed id cum fecerit ex fide, nulla autem sit fides, verbo Dei non præeunte, sequitur, ab ipso id factum esse, præeunte verbo. Ad Hannam quod spectat, consecrabat illa filium suum divino ministerio, quia Deo hoc voverat 1. Sam. 1. 11. convenienter ejus verbo Num 30. 7. 8. Rasura Pauli & quatuor aliorum cum ipso virorum processit etiam ex facto voto & quidem Nasiræorum, de quo vide Num. 6. 5. 18. Verum est *Judaicas ceremonias fuisse jam modo per mortem Christi abrogatas*: attamen earum observatio tanquam res, non quidem necessaria, sed media & indifferens ad tempus aliquod apud Christianos, accommodantes se judæorum infirmitati, tolerata fuit usque ad honorificam Synagogæ sepulturam. Jonadabi & Jephthæ exempla quæ huc quadrant? Ubi enim ille (Jonadabus) legitur vitam monasticam egisse? Ubi filiis suis præcepisse abstinentiam vini &c. *religionis causa & ad cultum*? quid ergo ad rem? cessante hac conditione filii, tanquam in re indifferenti, rectè obediebant: quorum obedientia etiam laudatur, non autem consilium Patris. De hujus (Jephthæ)

(Jephthæ) voto audi Theodoretum in *Judic. quest. 20.* *Ἀντίος ἀγῶν*, inquit, *ἡ εὐ' ἰσθμῶν ὑμῶν*; *stolida nimirum erat Jephthæ pollicitatio.*

XLII. Pergis, ubi legunt Reformati, *imaginum cultores & scandaalos à S. cœna esse abstrahendos?* R. Legunt hoc Matth. 7. 6. *Ne date, quod sanctum est canibus, nec projicite margaritas vestras coram porcis &c.* Legunt 1. Cor. 5. 11. *Nunc autem scripsi vobis, ne commisceamini, id est, si quis cum fratre nominetur, sit scortator, aut alieni avidus, aut idololatra, aut convitiator, aut ebriosus, aut rapax: cum ejusmodi inquam, ne edatis quidem.* Legunt 2. Thess. 3. 6. 14. 15. &c. Dicis, *Christum hunc modum non servasse?* R. 1. quid tum? non habebat inter communicantes suos ejusmodi scandalosos & imaginum cultores seu idololatras. 2. Observari tamen voluit à discipulis suis, ut patet locis citatis. Ad ea, quæ addis de observatione præceptorum, responsum vide Cap. IX.

XLIII. De templis eorumque ornatu, quæ multis verborum ambagibus cumulas, ad quid? Conveniens esse, imò necessarium, ut fideles in loco, quantum fieri potest, commodo ad cultum divinum peragendum, conveniant; haud diffitemur: sed ut locus ille præcisè sit templum, qualia hodie reperiuntur, non est de necessitate: Posset cultus divinus peragi sub dio, posset in privatis ædibus, si ita ferret occasio: nihil nobis hîc præscriptum in Dei verbo: Etiam apud Christianos nec tempore Apostolorum templa fuerunt in usu (ut liquet ex Act. 1. 13. & 2. 46. & 12. 12. & 20. 7. 8.) nec etiam per aliquot secula post eorum tempora: Unde Cælius apud Arnobium lib. 8. ad v. gentes de illis dicebat; *Cur nullas aras habent, templa nulla, nulla nota simulacra?* A Constantini temporibus demum templa splendide ædificari apud

apud illos ceperunt, ut videre est apud Eusebium H. E. lib. 8. c. 1. & 10. c. 2. Quæ nos & hodie, tanquam rem indifferentem, faciles admittimus, improbanter tantum papalem circa ea superstitionem & abusum. *Consecrabantur olim, teste Eusebio in Orat. de laud. Constant. uni omnium Deo & universali rerum Domino.* Addit, unde etiam Domini nomen obtinuerunt, ita ut dicantur *xv. c. xvi. Dominica.* At ubi hodie apud vos templa, quæ Dei nomine vocentur? vix ullum invenias, quod non Sancti alicujus nomen gerat. *Sacredimus, inquit Bellarminus lib. 3. c. 4. non solum Deo, sed etiam Sanctis rectè ædificantur.* En quàm bellè Bellarminus! dixerat paulo antè, *Ecclesias Christianorum ad sacrificia offerenda institutas esse, & ideo verè & propriè templa appellari posse.* Sacrificia autem inferunt cultum latriæ: ergo, dum Papicollæ Sanctis ædificant templa, exhibentis cultum latriæ: quæ utique manifesta est idololatria. Sed audi, quàm bellè se expediat. *Effer, inquit, idololatria erigere eis templa sub ratione templi, non autem est, sub ratione Basilicæ.* Distinctio vanissima, in tanta antiquitate nusquam obvia: nusquam illa talem inter templum & Basilicam differentiam agnoscit, sed passim his vocibus eorum utitur. Audiant Papicollæ Augustinum: *Nomen, inquit ille l. 1. contr. Maxim. si templum alicui sancto Angelo excellentissimo de lignis & lapidibus faceremus, anathematisaremur a veritate Christi & ab Ecclesia Dei, quoniam creatura exhiberemus eam servitutem, quæ uni tantum deberetur Deo?*

XLIV. Ornatum templorum etiam non improbamus, modò non sit superstitiosus & idololatricus, qualis in vestris obtinet, vel aliàs modum excedat. Argumenti, quod instituit à palatiis Regum, si procedat consequentiæ, imagines Christi & Sanctorum non duntaxat,

taxat, sed & ipsa altaria vobis è templis vestris sunt eliminanda, utpote quæ in palatiis non obtinent: Palatia Regum splendidissime ornantur 1. ex Regum mandato: at ubi Deus iussit sibi exstrui & ornari templum in N. Testamento? 2. ob Regum in illis præsentiam & habitationem: at Deus non est magis in templo manufacto, à cœtu fidelium separato, quam alibi, post templum legale sublatum vide Joh. 4. 21. 23. Præterea aut est de necessitate, ut templa passim quàm splendidissime exornentur, aut non est: si *posterius*: quare ergo hoc nomine nobis molestus es: Si *prius*: cur vos ipsimet id non passim præstatis? quor enim apud vos non obvia templa, non duntaxat in pagis, sed etiam in Urbibus, mihi bene nota, quorum ornatus admodum friger, araneis passim invalescentibus & ne quidem imaginum oculis, quamvis semper apertis, parcentibus. Dicis, *esse saltem æquum*. R. 1. Si intelligis de ornatu imaginum & altarium, dicimus, esse iniquum & contra Dei verbum: si de Ornamento, non repugnamus: inservit enim Fidelium in templis convenientium commoditati, ut ea, quantum potest, nitida teneantur. Approbamus cum Ambrosio decorem, non luxum. *Quicquid*, inquit ille 2. *Offic. lib. 2. c. 21. ex affectu puro ac sincero promittitur, hoc est decorum, non superfluas adificationes aggredi, nec prætermittere necessarias: Quod deinceps ad Ecclesiarum ornatum refert, dicens: Et maxime sacerdoti hoc convenit, ornare Dei templum decore congruo, ut etiam hoc cultu aula Domini resplendat, impensas misericordia frequentare, quantum oporteat, largiri peregrinis, non superflua, sed competentia.* 2. Si *æquum est*, ædificare & exornare templa lignea & lapidea; *magis tamen æquum*, ædificare & exornare Ecclesiam seu fideles, quæ sunt templum Dei vivū 1. Cor. 3. 16. Si in his tem-
plis

plis, ædificandis & veritate Evangelica magis magisque
exornandis. Monachi & Jesuitæ tam occuparentur,
quàm illos occupatos videmus in ædificandis & immo-
dico luxu exornandis templis lapideis, laude utique hoc
nomine digni essent, quid faciunt Domini isti lapidea
imaginibus mutis exornant, & viva secundum imaginem Dei
creata negligunt. Expendant quæso, quod scribit
Chrysostomus lib. 2. Epist. 246. Illud ex me discat, quòd
Apostolorum tempore, cum Ecclesia, & spiritualibus gratiis
abundaret, & vite splendore afflueret, nulla templa erant: at
nostra tempestate templa, plus quam par sit, exornata sunt: Ec-
clesia autem, ne quid gravius dicam, nuda, & sicut, comicis carvil-
li incessitur. Ego verò si mihi optio daretur, temporibus illis
fuisse mallet, in quibus templa quidem non perinde ornata e-
rant: Ecclesia autem divinis ac celestibus gratiis undique cin-
cta, & redimisa erat, quàm huius nostris, in quibus templa qui-
dem omnis generis marmoribus cohonestata sunt; Ecclesia au-
tem spiritualibus illis gratiis nuda & vacua est. (3) Si æquum
est exornare templa lapidea, magis tamen æquum subve-
nire egestati pauperum, templorum vivorum: Si Mo-
nachi & Jesuitæ superfluos illos sumptus, quos templis
exornandis impendunt, impenderent in pauperum
subsidium, rem Deo longè gratiorem facerent. Audiant
Hieronymum, Athi, inquit ille ad Demetriad. Ep. 8, c. 7.
adificent Ecclesias, vestiant parietes marmorum crustis, co-
lumnarum moles advehant, earumque decorent capita, pretio-
sum arnatum non sentientia. ebore argentoque valvas &
gemmis aurata distinguant altaria &c. sed tibi aliud propo-
situm sit, Christum vestire in pauperibus &c.

XLV. Verum est, templum Salomonis fuisse
admodum splendidum & magnificum: at i. tale erat ex
præscripto ipsius Dei 1. Chron. 22. 5. ut nimirum ornatus

Ille splendidissimus summam Christi venturi dignita-
tem, Ecclesiaeque Christianae praestantiam adumbraret:
2. Quid inde pro te? *Aequum est, inquis, illud in edifican-
dis & exornandis templis nostris sollicitè imitari.* Misere-
re mei D. J. Cte: nuper delapsus es ad Papismū jam parum
abest quin delabaris ad Judaismū, Messiamq; adhuc ex-
spectes: Si ornamenta templi iudaici sunt introducenda,
Ergo Christus adhuc expectandus: nam illa respicie-
bant Christum venturum. Audi Hieronymum. *Ne-
que verò, ait is ad Nepotian. c. 12. aliquis mihi opponat dives
in Judaea templū, mensam, lucernas &c. Tunc haec probabantur
à Domino, quando Sacerdotes hostias immolabant &c. Nunc
verò, cum paupertatem domus suae pauper Dominus dedicasset, co-
gitemus crucē ejus & divitias lutum putabimus &c. Alioquin si
tantum literam sequimur, & in auro atq; divitiis simplex dele-
ctet historia, cum auro observem⁹ & cetera.* Optime! si orna-
menta templi sunt sollicitè imitanda & observanda, qua-
re non & cetera Judaeorum caeremonialia? Addis, *Tem-
plum Salomonis fuisse signum templorum nostrorum.* At ubi
hoc didicisti D. J. Cte? in Schola Jesuitarum; non certe in
Schola S. Scripturae: illa enim omnem tabernaculi,
adeoque etiam templi, utpote ad formam ejus compo-
siti, figuram unicè ad Christum refert Heb. 9. Et quæso
D. J. Cte, ubi Christus templa in N. T. fieri curavit? Si
proinde Templum ejusque ornamenta figurarunt no-
stra templa, sequitur, eum veteris legis typos non im-
plevisse. En quò delabaris à veritate Religionis Re-
formatae delapsus!

XLVI. Addis, *Reformatorum templa non nisi men-
tum imposito illi nigro panno ad administrandum sacramen-
ta suggestu, parietibus & scaminis intus ornata esse.* H. Veri-
tatem loqueris D. J. Cte: non ergo contradico: at quid
tum?

tum? num male? demonstra: an bene? cur carpis? *At ubi scriptum, inquis, domum Dei suggestu, scamnis, panno nigro &c. exornandam & obvelata pileo facie in ea precandum esse? ridicula sane! tunc tamdiu versatus inter Reformatos & nescis, hæc illis indifferentia esse? Si autem indifferentia, quæ ergo præceptum à nobis requiris? præstat interim insidendo scamno audire Dei verbum, quam genua flectendo adorare imagines! præstat operata pileo facie (operimus autem, ne per externa objecta à devotione abstrahamur) invocare Deum, quam apertâ invocare Sanctos! præstat è suggestibus percipere Dei verbum (en ornamentum ornamentorum!) quàm ex altaribus capi traditionibus hominum!*

XLVII. Magna cum devotione & reverentiâ Sacramentum S. cœnæ tractandum esse omnes fatemur: num interim flexo poplite, an verò stantè pede accipere adum sit, cum in verbo Dei definitum non invenitur, relinquitur libertati Ecclesiæ. Genuflexionem, modò absit superstitio, non improbamus. Ad dies & tempora, judaico more alligati non sunt Christiani, sed suâ hinc gaudent libertate Cal. 4. 10. Verum est, Christum celebrasse S. Cœnam *ἐν τῇ νύκτι ἧ παραδίδοτο*: at inde non sequitur, nobis quoque nocte celebrandam esse, quia id factum est ex accidenti, quòd pascha citius, lege obstante, non potuerit manducare, & diutius, prodizione ejus imminente, S. cœnæ institutionem non differre. Hæc & his similia inter adiaphora ponenda censemus, adeoque frustra D. J. Crus querit, *ubi scriptum, S. cœnam tempore diurno & non nocturno celebrandam esse?* quære ex Apostolis, quære ex discipulis Christi, qui nulla habita ratione temporis, licet illos non lateret, Christum nocte instituisse, S. cœnam administrârunt, Act. 2. 46. 20. 7. 1. Cor. 10. & 11. De lotionepedum satis supra responsum.

XLVIII. Quod nos S. Patrum auctoritatem pedibus calcemus & doctrinam eorum torqueamus pro nostro libitu, Jesuitica est veritas: S. Patres à nobis magni sunt, imò longè pluris quàm à vobis, et si (ad conciliandum erroribus vestris ab antiquitate splendorem) patros semper crepetis: Credimus interim illis non propter se, quemadmodum Scripturæ, sed propter consensum cum Scripturâ: Cum hac si consentiunt, admittimus; Ab hac si quandoque abeunt, bona cum ipsorum veniâ, ab ipsis abimus. Hæc nobis lex ab ipsis met Patribus præfixa. Nemini, inquit Cyrillus Hieros. Catech. 4. ea tibi proferenti NB. simpliciter fidem adhibeas, nisi de divinis Scripturis eorum, qua dicam, demonstrationem accipias. Nam fidei nostra salus & conservatio non orationis facundia nititur, sed Scripturarum divinarum comprobatione. Audi & Augustinum. Ego, inquit ille Epist. 19. ad Hieron. fateor charitati tuæ solis iis Scripturarum libris, qui jam canonici appellantur, didici hunc honorem timoremque deferre, ut nullum eorum autorum scribendo aliquid errasse, firmissimè credam. Ac si aliquid in eis offendero literis, quod videatur contrarium veritati, nihil aliud, quàm vel mendacem esse codicem, vel interpretem non affecutum esse, quod dictum est, vel minimè intellexisse non ambigam. Alios autem ita lego, ut NB. quantalibet sanctis atque doctrinaque præpolleant, non ideo verum putem, quia ipsi ita senserunt, sed quia mihi vel per illos auctores canonicos, vel probabiliratione, quòd à vero non abhorreant, persuadere poterunt. Nec te, mi frater, aliquid aliter sentire existimo, prorsus, inquam, non arbitror sic legi tuos libros velle, tanquam Prophetarum vel Apostolorum, de quorum Scriptis, quod omni errore careant, dubitare nefarium est. En Patres, præxin nostram circa Patrum Scripta approbantes, Papiolarum verò, qui doctrinam Patrum S. Literis adæquare non

non erubescunt (quorum numerum auget ineptus decreti Glossator, *Gloss. in Canon. Noli meis dist. 9.* scribens, hodie omnia Augustini & aliorum sanctorum Patrum scripta tenenda usque ad ultimum jota & ad unguem usque esse observanda) temeritatem maximè improbant: Eadem, quæ nostra, de S. Patribus mens est, ex Pontificiis, Thomæ, cum *1. part. q. 1. art. 8. ad. 2.* ita ait; *Sacra doctrina auctoritatibus canonica. Scriptura propriè ex necessitate argumentando: auctoritatibus vero aliorum Doctorum Ecclesiæ, quasi argumentando ex propriis, sed probabiliter.* Innuitur enim fides nostræ revelationi Prophetis & Apostolis facta, qui canonicos libros scripserunt, non autem revelationi, si qua fuit aliis Doctoribus facta. Tuus ubi igitur candor D. Jcæ, dum scribis, nos Patrum auctoritatem pedibus calcare?

XLIX. Verum est, magnam esse apud vos de Patribus jactantiam: at quàm vana sit & inanis, præter alios & à me in meo *Anti-Cornio* (id est, libro Jesuitæ Corni opposito) *part. 3.* est demonstratum. Audiamus jam quædam tantum ex solo Bellarmino: scribitis *lib. 3. de verb. Dei c. 10.* disertè quosdam ex præcipuis Patrum in quibusdam non leviter lapsos esse. Alibi (*de Purg. lib. 2. c. 18.*) dum urgetur testimonio Prudentii; nihil aliud dico, ait, nisi more poetico lusisse Prudentium. Lactantii dum ipsi opponitur auctoritas, scribit *lib. 1. de Sanct. beat. c. 5.* eum in plurimos errores esse lapsum, præsertim circa futurum seculum; cum esset magis librorum Ciceronis, quàm S. Scripturarum peritus. Tertulliani verbis si premitur, respondet *lib. cit.* eum fuisse hæresiarcham: Addit ibid. Victorinum fuisse quidem martyrem, sed ei defuisse eruditionem, licet eruditionis voluntas non defuerit. Alibi (*lib. 1. de Sanct. Beat. c. 4.*) de Euthymio dicit, eum non esse in hac re (nim. de Sanct. beat.) usq. ad eò magni faciendum. Tertullianus, Procopius, Eucherius,

cherius, Isidorus & alii, cùm ipsi in sententia de limbo Patrum opponuntur, respondet lib. 2. de Purg. c. 6. *omnes aut esse incertos aut obscuros.* En Papisticam erga S. Patres reverentiam! In eodem lib. c. 8. Origenes ex, nescio, qua revelatione, cum Ario & Nestorio æterno igni ab ipso adjudicatur. En charitatem Jesuiticam! Ex his jam, tanquam ex fimbriâ judicium feratur de texturâ totâ.

L. Dicis, Catholicos (Pontificios) S. Patrum doctrinam in omnibus amplecti & sequi. Quàm verum hoc sit, patet ex dictis; liquet etiam ex his Cardinalis Baronii verbis Tom. 1. an. 34. sect. 213. *Sanctissimos Patres, quos Doctores Ecclesia ob sublimem eorum eruditionem merito nominamus, quantumlibet ea Sp. Sancti gratia imbutos esse liqueat, in interpretatione Scripturarum non semper, nec NB. in omnibus sequitur Ecclesia Catholica.* En quàm vorax sis in verbis tuis! Audi interim & Jesuitam vestrum Tannerum: An forte inquit ille Hypothes. de Patr. 17. Theol. 83. S. Patres jam demortui, Patrumque monumenta, judices erunt? neque hoc: tum quia non minus aliquando de Patrum, quam de Scriptura Sententiâ propter ambiguitatem & obscuritatem dubitari potest, tum quia singuli Patres fallere possunt, omnia monumenta vel non extant vel dubie fidei esse possunt; tum quia nova semper oriri possunt controversia in antiquorum Patrum monumentis, vix aut ne vix quidem agitata. Num dices, vos in omnibus sequi Patres, in quibus contentiant? æque frustra: nam 1. Docent, teste ex vestris Melchiorre Cano de loc. Theol. lib. 7. cap. 1. num. 3. *omnes patres, qui in ejus rei mentionem inciderunt, & uno ore asseverant, B. V. Mariam in peccato Originali esse conceptam:* Ubi verò hanc ipsorum communem doctrinam sequimini? Nonne vobis, qui idem docent cum S. Patribus, hodie hæretici sunt?

sunt? (2) Omnes Patres unanimi consensu (excepto Augustino) docent, quatuor esse primæ tabulæ Decalogicæ & secundæ sex præcepta : quis autem vestrum illos sequitur? vos mavultis unum Augustinum sequi (qui tamen vobis non favet : nam ille tria in primâ tabulâ numeravit præcepta , conjunctis duobus primis propter mysterium SS. Trinitatis : vos autem tria nominatis, expuncto secundo, ad fovendum cultum imaginum. *Vide Dissertat. meam de Divis. Decal. thes. 9.*) quàm Patrum omnium aliorum consensum. (3) Constans totius antiquitatis consensus est, sub utraque specie communicandum esse : Audi angelicum Doctorem vestrum Thomam : *Secundum Ecclesia antiqua consuetudinem*, inquit in c. 6. Joh. *sicut omnes communicabant corpori, ita & communicabant sanguini.* Audi & Tapperum vestrum. *Apostolus, ait, testatur, Corinthios sub utraque specie communicasse: Et longissimâ consuetudine hunc morem in Ecclesiis Apostolicis fuisse observatum in Africa, Asia & Roma, testantur Dionys. Areop. Tertullianus, Cyprianus, Hieronymus, Ambrosius, Augustinus tom. 2. art. 13.* Item, *Ostendimus hanc consuetudinem obtinuisse non solum in Ecclesiis Africanis Orientalibus & Græcis, verum etiam in Eccl. Romanâ.* Olim per multa secula, inquit Alphonfus à Castro hæref. ult. de Euch. *scilicet apud omnes Catholicos usitatum esse (cœnam scilicet sub utraque specie præbere) ex multis Sanctorum Scripturis didicimus.* His adde Cassandrum vestrum, qui lib. de Commun. ait. *Non puto demonstrari posse totis mille amplius annis in ulla Catholica Ecclesia parte sacro-sanctum hoc Eucharistia Sacramentum aliter in S. Synaxi è mensa Dominica fidei populo, quàm sub utroque panis vinique symbolo administratum fuisse.* Item, *Cur non in illum ritum potius convenimus, quem Christus instituit, Apostolus tradidit, Ecclesia universa tot se-*

culis tenent, Orientalis verò universa, atque imprimis insignis illa Æthiopica Ecclesia in hunc usque diem retinet? Ubi hodie Ecclesia vestra hos Patres & consentientem antiquitatem sequitur? (4) Statuunt omnes Patres, teste vestro Christophoro à Capite Fontium Tract. 4. *Christum prius consecrâsse, quàm ista verba, hoc est enim corpus meum, diceret: At vos hodie statuitis, per hæc sola verba fieri consecrationem.* En ergò quàm accuratè S. Patrum vestigia prematis!

LI. Novi hîc D. Jesuitarum effugium: prætendunt, *Patrum auctoritatem admittendam esse, quatenus approbetur ab Ecclesia; Patres in rebus fidei iudicio Papa opera sua submisisse:* At hoc 1. ridiculum 2. falsissimum. Clamant, ut notum est, Domini isti (cùm hoc vel illo Scripturæ dicto à nostratibus urgèntur) ad ravim usque Patres, Patres (idque admodum prudenter in rem suam: sic enim 1. populo persuadent, quasi nostra Scripturæ Expositio sit planè nova, sanæque antiquitati ignota 2. fucosas merces suas ei sub antiquitatis paucissimis accessibilis mangonio facilius vendunt) & tamen cùm ad rem ventum est, *Patres omnes fîcto Patrum Patri submittunt, ut nihil in veris Patribus fide dignum sit, quod non à Patre fîcto sit approbatum: quis hoc non rideat?* At interim, cum ad Pedes Papæ jaceat ipsa S. Scriptura, ut possit dispensare contra Apostolum & V. Testamentum, ut habet Glossa Canon, Lector. Diss. 34. & Ecclesia (i.e. Papa) sit majoris auctoritatis quàm Evangelium, ut blasphematur Gabr. Biel Lect. 22. in C. Miss. quis miretur, quòd ejus etiam pedibus subjiçiantur S. Patres! Cur hodie à Papicolis integra Concilia, ut Francofurtense, Constantiense, Basileense & alia rejiciuntur? Ratio est, quia Papa non approbavit (cur autem ipsi non placuit approbare? quia illud cultum imaginum,

num in Niceno approbatum damnavit: hæc autem decreverunt, *Concilium esse supra Papam*) ex Papæ ergo auctoritate dependent omnia; imò omnium salus ex ejus unius auctoritate pendet, ut loquitur Andræus lib. 1. de defensione fidei. Trid. Vivis rem, ut in se est, depingit coloribus Cornelius Mussus, Episcopus Biton. *A quo*, inquit, in Ep. ad Rom. c. 14. p. 606. *quærenda sunt divina consilia, nisi ab illis, quibus mysteriorum Dei dispensatio credita est? Quem ergo NB. pro Deo habemus in his quæ Dei sunt, quicquid ipse dixerit, tanquam Deum audire debemus.* Ego (ut ingenuè fatear) NB. plus uni summo Pontifici crederem in his, quæ fidei mysteria tangunt, quàm NB. mille Augustinis, Hieronymis, Gregoriis, me dicam, Richardis, Scotis, Gulielmis. Credo enim & scio, quod summus Pontifex in his, quæ fidei sunt, errare non potest, quoniam auctoritas determinandi, quæ ad fidem spectant, in Pontifice residet. En Papalem in Patres reverentiam! Verbo: Subdolanus est omnis vester erga Patres & patrum Concilia honos; id quod ex nostratibus peculiari libro evidentissimè demonstravit Jacob. Laurentius: Et expertus id ipsum fatetur Archiepiscopus vester, Christoph. de Capite Fontium, quando Traët. 7. refert, quid sibi acciderit in disputationibus cum iis, qui cum hodiernis Papicolis statuunt verbis istis, *hoc est enim corpus meum*, fieri consecrationem. *Allegant*, inquit, *Ambrosium & ex allegato testimonio partem rejiciunt.* *Allego & ego illum, idem quod ego docentem; tum dicunt, NB. non habendam illi fidem.* Nonne hoc est, non suas opiniones ad Sanctorum doctrinam corrigere, Sed Sanctorum sententias ad normam suæ opinionis emendare? Hæc hodie adhuc tui ipsiusmet Papæ mens est O Archiepiscopo! hæc ejus mancipiorum ordinara hodie praxis! Auctoritas patrum juxta ipsos nulla est, nisi à Papa approbetur, ad ejus arbitrii normam omnes

omnes Patrum sententias revocant : imò etiam eorum scripta mutilant & varia expungunt, ut *Indices Expurgatorii* plus satis testantur. At, inquiunt, *S. Patres ipsi submiserunt opera sua Iudicio Ecclesie*, id est, Papæ: Ubi vero hoc & quando? probate & credemus. A nemine illorum iudicium supremum omnium controversiarum in Papæ decisione constitutum: à nemine vel ille solus vel tota Ecclesia in universali Concilio coacta, norma fidei agnita: vestrum hoc figmentum est. Ad *S. Scripturam* unice provocarunt, huic nisi conformia essent dicta sua, noluerunt eis adhiberi fidem. Audi Ambrosium. *Nolo, inquit ille de Incarn. Dom. sacram. c. 3. nobis credatur, Scripturæ recitatur: non ego dico à me, in principio erat verbum, sed audio; non effingo, sed lego.* Audi & Cyrillum Hierosol. *Ne meus, ait is, Catech. 11. inpropterea attende; posses enim forte decipi: sed nisi de singulis Prophetarum testimonia acceperis, ne credas dictis.* En: non dicit, *ne credas dictis, nisi ab Episcopo Romano, vel ab Eccl. Romana fuerint approbata*, ut ipsi juxta vos dicendum fuisset, sed *nisi de singulis Prophetarum testimonia acceperis.*

LII. Quæ jam multis verborum ambagibus cumulas (vocans nos *Bibilistas*, quasi verò non magis honorificum esset, *vocari Bibilistam, quàm Papislam*!) de lotionibus pedum, unctione ægrotorum, baptismo hæreticorum, ornatu sepulchrorum, cruce, sudariis & umbra Apostolorum & aliis, sunt crambe bis, si non ter, cocta: responsum ad ea, quantum satis, supra. Quod addis, *Davidis reliquias adeò honoratas fuisse, ut etiam sepulchrum ejus adhuc tempore Apostolorum repertum fuerit Act. 2. 29.* Satanam è contrario adeò servasse in corpus Moïsi, ut etiam Archangelus Michaël de eo cum ipso disceptaverit *Jud. 5. 9. &c.* quid quæso ad rem? quis enim Reformatorum unquam negavit

gavit, veras verè Sanctorum reliquias esse honorandas ? sed quaestio est de specie honoris: queritur, an Sanctorum corpora & reliquia religioso cultu sint veneranda? Hoc vos, ut supra audivimus, affirmatis, sed nos negamus. Tujam affirmativam proba, & eris nobis magnus Apollo: Ma- ne autem domi cum exemplis supra adductis: alias causa tua pessimè consules: Honoratum fuisse corpus Davidis, verum est: ast quomodo? num forte reliquiae ejus circumgestatae, ostentatae, adoratae, ut apud vos usitatum est nihil horum: quid ergo? corpus ejus honestè fuit sepultum, ut ipse fateris: quid ergo contra nos? num ergo corpora Sanctorum abjicienda & ludibrio habenda cum eorum reliquiis censemus? *Satanam corpus Moysi serviter persecutum esse*, loc. cit. non legitur: quod etiam si legeretur, num nobis applicandum D. JCre? num nos corpora Sanctorum ignominiâ afficimus, ut Davidem de hostibus sui temporis querentem introducis ex Psal. 78: ubi quæsto conscientia tua? Non alia fuit causa jurgii inter Michaëlem & Satanam, quàm quod Satan cada- ver Moysi vellet promi & adorari, quemadmodum ad- huc hodie apud vos fit; Michaël verò vellet premi & i- gnorari. Audi tuum Jesuitam Salmcronem; Si de vera Moysis corpore, inquit is Comm. in hanc Ep. p. 342, fuit alteratio cum angelo; intellige Michaëlem ejus corpus sustin- lisse, ne populus Israel ad idololatriam prostruis illud coleret. Diabolus autem laborabat, ut in terra remaneret, quò posset il- lud inventum adorationi exponere: unde c. ult. Deut. habetur: Et non cognovit homo sepulchrum ejus inque in praesentem diem, quod cerè hanc altercationem insinuare videtur. Per- pende jam quæsto D. Jurconsulte, utri corpora & reli- quias Sanctorum magis honorent: Num nos, an verò vos? Nos circa ea facimus, quod Scriptura jubet, imò

ipse Deus fecit circa corpus Moſis, id eſt, honeſtè ſepelitus: *Deus ipſe*, inquit Bellarminus lib. 2. de Eccl. Triumph. c. 3. *honoravit corpus Moſis, dum illud propriis manibus ſepelivit.* At vos, (quod, fatente Salmerone, Sathanas circa corpus Moſis fieri volebat) *laboratis, ut in terrâ remaneant, quod adorationi exponantur.* Eſt ne hoc honorare Sanctorum reliquias? Sed unum adhuc eſt, de quo, antequam ad alia deſcendam, à te erudiri velim D. JCre: Nimirum an, cum Eccleſia veſtra adoret reliquias Sanctorum verſas in cinerem, an, inquam, ſi reliquię (ut non rarò fit) pariter vertantur in vermes, hi vermes perinde accineres ſint adorandi? Negativam tuetur Henricus veſter *Quodlibet. decimo queſt. 6.* autumans, hominis Chriſtiani non eſſe rem tam fœdam adorare: At bonus iſte Henricus hoc nomine non parùm exagitur à Jeſuita Vaſquez. Diſp. 13. cap. 8. dicente: *Henrici ſententiam futilem eſſe & inanem: parum enim referre hoc an illo modo fiat corruptio &c.* Ergo tam ſub hac forma (vermium) quàm ſub illa cinerum partes & reliquias Sanctorum adorare poſſumus. Tua & cæterorum Papicolarum ſi eadem, quæ hujus Jeſuitæ, ſit ſententia; augetis numerum veſtrarum reliquiarum: ſic enim non tantum habetis Sanctos Cineres, ſed etiam Sanctos Vermes. Mirum, quod cineres murium, qui devocarunt hoſtiam conſecratam, non expreſſiùs jubeantur adorari. Si hoſtia conſecrata, inquit Miſſale de Ritib. celebr. Miſſ. pag. 23. *diſpareat vel caſu aliquo, ut vento, aut miraculo, vel à mure accepta, vel alio animali & nequeat reperiri: tunc altera conſecretur & illud animal, ſi capi poteſt, occidatur & comburatur & cineres ejiciantur in ſacrarium vel ſub altari.* Nec minus mirum, quòd in Miſſalibus non fuerit ſancitus canon de ventriculis ſacerdotum demortuorum, qui utique ex doctrina Eccl. Ro-

ma-

manæ fuerunt quotidianum corporis Christi domici-
lium, adorandis

LIII. Miracula frustra à nobis exigis: nam 1. vel ipso teste Bellarmino lib. 4. de Eccl. c. 14. *miracula de-
mum necessaria sunt ad novam fidem*: at nos *novam fidem*
non prædicamus, sed ad veterem, quæ Christi & Apo-
stolorum miraculis est confirmata, revocamus: Vos pro-
inde dum adhuc hodie crepatis miracula, eo ipso osten-
ditis vestram doctrinam esse novam, non veterem Chri-
sti & Apostolorum. (2) Donum miraculorum hodie in
Ecclesia cessavit, uti hoc supra *Paragr. IV. num. 1. & seq.*
evidentissime demonstravimus. Incassum opponis ver-
ba Christi Joh. 14. 12. *Amen, amen, dico vobis, qui credit in
me, opera, quæ ego facio, & ipse faciet, & majora istis faciet,*
nam non loquitur de omnibus omnium temporum cre-
dentibus, cum non omnes credentes, ut constat, dono
miraculorum sint instructi, sed de Apostolis, aliisque
ministis suis, quorum ministerio regnum Satanæ de-
struatur, suamque Ecclesiam inter gentes erecturuse-
rat. Majora isti faciebant opera quam Christus, quate-
nus Evangelio, quod Christus in Judæa tantum predica-
verat, per universum orbem disseminato gentes mirabiliter
convertebant &, destructo regno Satana, ad regnum Christi
adducebant. Audi Augustinum. *Cur, inquit (inquit ille
lib. 22. de C. D. c. 8.) nunc illa miracula, quæ predicatus facta
esse, non sunt? Possem quidem dicere, necessaria fuisse prius,
quàm crederet mundus, ad hoc ut crederet mundus. Quis-
quis adhuc NB. prodigium, ut credat, inquit, magnum est ipse
prodigium, qui mundo credente, non credit.* Nota hoc D.
J. Cte; vos ergo, dum prodigia & miracula hodie requiri-
tis, iudice Augustino, prodigium estis. Audi interim
& Chrysostomum. *Nonne & nunc quoque ait is homil.*

23. in Job. signorum petitio, tentantium est? sunt sanè NB. & hac nostra atate qui querant, quare & nunc signa non sunt? Si fidelis es, ut oportet, si Christum diligis, ut diligendus est, non indiges signis, signa enim incredulis dantur. Queres, quando ergo dona miraculorum in Ecclesia vigere desierunt? R. Post religionem Christianam propagatam & Gentilismum ac Judæismum satis triumphatum: Audi eundem Chrysostomum. Nunc, inquit homil. 49. in Matth. signorum operatio omnino levata est: magis autem apud eos invenitur, qui falsi sunt Christiani, fieri ficta. Et in cap. 17. Adest fides iustificans sed ea, qua miraculorum dicitur, iam desit. Audi & Augustinum. Cum enim Ecclesia Catholica, ait de Ver. Rel. c. 25. per totum orbem diffusa atque fundata sit, nec miracula illa in nostra tempora durare permessa sint: ne anima semper visibilia queres & eorum consuetudine frigeret genus humanum, quorum novitate flagravat. (3) S. Scriptura nulla alia novissimis temporibus miracula prædixit, quàm quæ erunt comparata ad imposturam Vide 2. Thess. 2. 9. Apoc. 13. 13. Exsurgens, inquit ipse Christus Matth. 24. 24. Pseudochristi & Pseudopropheta & edent signa magna & prodigia, ita ut seducant (si fieri possit) etiam electos. (4) Miracula Papi- colarum sunt rigata Iudæ. Probo: (a) Quia ad erroris & mendacii confirmationem adhibentur. Audi, quàm eximium miraculum (quod & ego à Monachis vestris commendari audi) ad confirmandam fictam Trans- substantiationem vestram, Bellarminus referat. Dispu- tante, inquit lib. 3. de Euch. c. 8. S. Antonia de Padua de ve- ritate corporis Domini in Eucharistia cum heretico quodam in partibus Tolosanæ, petitis hereticus ab Antonio, quem moverat dona miraculorum præditum esse, ejusmodi signum: Habeo, in- quit, jumentum, cui per integrum triduum cibum non dabo. Exacte triduo adsistens tu cum Sacramento, ego ad eam jumentum, atque

atque ante illud hordeum effundam; si jumentum hordeo derelicto ad Sacramenti venerationem accesserit, credam. Factum est, ut ille voluit, & triduo exacto, S. Antonius, turbis fidelium comitatus & venerabile Sacramentum manu tenens, sic adjumentum locutus est: In virtute & nomine Creatoris tui, quem in manibus, licet indignus, veraciter teneo, tibi dico animal & precipio, ut confestim venias humiliter modo tuo & ei reverentiam exhibeas: ut ex hoc cognoscat heretica pravitas, quod omnis creatura suo subditur creatori, quem sacerdotalis dignitas jugiter tractat in altari. His verbis prolatis, jumentum (alium fuisse, mihi Monachi retulerunt) hordei ante se effusi & famis oblitum ad Sanctum accurrit, & capite inclinato ac genibus curvatis, eo modo quo potuit, Dominum adoravit & hereticum confisus est. En miraculum, quo etiam bestiis suus adorandi modus datur! Ejusdem commatis miracula, ad confirmanda alia erronea Papicolarum dogmata, V. G. purgatorium, confessionem auricularem, invocationem Sanctorum, cultum imaginum &c. quot ac quanta non ficta à Monachis & Jesuitis? Adeat tantum B. Lector Catechismum Historicalem Jesuitæ Dauroutii Tom. II. & licet vel alter Heraclitus, sine cachinno non redibit. (S) quia maxima ex parte sunt illusiones & vel malorum spirituum vel impiorum hominum præstigiæ, ad quæstum adornatæ: Incurvant se (quod ipse vidi) quandoque vestræ imagines & extendunt brachia, sed opetrochleæ: loquuntur, sed monachi post altare latentis voce: lachrymantur, sed lachrymis farmentorum. Ego inquit Polyd. Vergilius lib. 3. vidi simulacrum Dei paræ, ejusmodi lamentatione insigne; quippe quod cujusdam monachi pecuniam ita corradentis artificio, in annos singulos, mense Martio lachrymabat, palmite vitis ætergo in foramen, quod ad imaginis oculos pertinebat, inserto: sed dolo comperto, scelus auctori

fraudi fuit. Quid? annon & Gentilium imagines & statuarum esse locutas, interrogatas respondisse, sese inclinasse, capita, brachia & pedes motasse, se in gyrum vertisse leguntur apud *Valer. Max. lib. 1. c. ult. Tacitum l. 4. histor. & lib. 2. Annal.* Toti orbi notæ & apud Adversarios etiam in confesso sunt prodigiola Dominicanorum, contra adversarios suos, Franciscanos, conceptionem B. V. Mariæ miraculis adstruere satagentium, vivicomburio autem deinceps publicè ann. 1509. à Senatu Bernensi affectorum, fraudes. Sed quid ad superius seculum excurro? in præsentì quot non à Sacrificulis ficta miracula seu potius prodigiosa mendacia? quæ omnia si recensere vellem, equidem me chartæ deficerent. Non possum tamen, quin unum, idque recentissimum, hîc adjiciam. Transit ante octennium, ejurato Papismo, ad Reformatos *Claudius Schobingerus*, hætenus *Monachus Capucinus*: de hoc, progressu temporis ad ministerium Ecclesiasticum Tiguri elato, quid non finxere Pontificis Romani Gnathones? inter alia, eum non ita dudum in odium Religionis Papisticae duas hostias secum in suggestum sumpsisse earumque alteram in conspectu totius populi, more sacerdotibus Pontificiis consueto, consecratam in terram projecisse, pedibus populi ex ipsius mente & jussu conculcandam: hostiam verò illico sanguine intermistam abiis, quos eam conculcandi subierit voluntas, semper ad passus latitudinem recessisse & tandem penitus disparuisse. Quo factò, & post biduum concionatorem à partem factum esse, & haud dubiè à diabolo (*חם ושלום*) ablatum: siquidem nigri coloris canis post ipsius abitum non duntaxat in ejus adibus, sed etiam in ipso suggestu sese præbuerit conspiciendum. Hæc autem, quamvis à Monachis, eorumque gnathonibus longe lateque disseminata, ab omni veritate aliena esse, Magistratus Tigurinus ann. superiore 92. publico programme,

mate, quod mihi etiamnum admanum, est attestatus. Hem Sycophantæ qui apertis mendaciis Religioni suæ splendorem conciliare haud erubescunt! Qualis illa jam sit Religio, quæ partim aperta vi & tyrannide, partim apertis mendaciis propagatur, tu ipse judicaveris D. JCte. Quæritis vos Papistæ miracula, sed sine causa: vos ipsi piis estis miraculo, qui fictis Monachorum miraculis tam facilem præbetis assensum! Miraculum miraculorum est Dei longanimitas, quâ tam nefandis miraculorum mangonibus connivere dignatur! Audi quàm eximiè quidam vestratium miracula vestra commendent! *Nostri*, inquit Melchior Canus lib. 2. Loc. Theol. *plerique vel affectibus inserviunt, vel de industria quoque ita multa confingunt, ut eorum non solum pudeat, sed etiam rideat.* Subjicit postea de Legenda aurea: *In illa NB: miraculorum monstra sæpius legas, quàm vera miracula: hanc homo scripsit ferrei oris, plumbei cordis, animi certè parum severi & prudentis!* Huic adde & Lyranum vestrum. Aliquando, ait is in cap. 14. *Dan. fit in Ecclesia deceptio populi maxima in miraculis fictis à Sacerdotibus vel eis adherentibus, propter lucrum temporale.* (2) quia si veri aliquid subest, hoc non superat totius naturæ vires, sed referendum ad portenta dæmonum. *Potesst, demon*, inquit Jesuita Pererius Disp. 4. in Exod. c. 7 *facere, ut statua vel alie res inanimata ambulent & incedant more hominum, damone videlicet eas movente.* Sic est factum, quod ex Philastro supra commemoravimus de tripodibus lapideis & pincernis æreis, qui apud Jarcham. præsentente Apollonio, in convivio per se movebantur & more famulorum ministrantium mensis, pocula conviviis in loco ac tempore præbebant. Quin potest facere, ut vel statua, vel arbores vel animalia loquantur more hominum: qua ratione factum est, quod narrat Valerius Max. lib. 1. c. ult. de simula. bro Juna-

nis Moneta: quod interrogatum quasi per jocum à militibus, an Romam migrare vellet, velle se respondit. Et simulacrum Fortuna muliebris matronis Romanis, à quibus fuerat consecratum, dixisse fertur; RITE ME VIDISTIS, RITE ME CONSECRASTIS. Addere debebat Jesuita, liquere hinc, qua ratione imago illa Pontificia ad Thomam Aquinatem, ejus Scripta utroque pollice laudando, dixerit; BENE SCRIPSISTI DE ME THOMA. Nimirum rectè scribit Biel in Can. Miss. cap. 49. Miracula fieri hominibus ad imagines confluentibus, nonnunquam operatione demonum, ad fallendum inordinatos cultores, Deo permittente, exigente talium infidelitate. (4) Quid? si daremus, omnia quæ jactatis esse vera miracula: an propterea sequetur, apud vos dari veritatem doctrinæ & Religionis? Negat hoc Jesuita vester Maldonatus, dum in cap. 7. Matth. agnoscit, ex miraculis necessarium veritatis argumentum sumi non posse; neque sequi eam, in qua frequentia & quasi ordinaria miracula fiant, esse Ecclesiam veram. Negat etiam Jesuita A Costa, dum de temp. Noviss. lib. 3. c. 3. ita scribit; Prima Ecclesia miraculis abundavit, cum essent infideles vocandi: at ultima Ecclesia, cum fideles vocati jam sint, plus Scriptura, quàm miraculis nitetur. Quin etiam audacter dixerim, miracula omnia vana esse & inania, nisi Scripturâ approbentur, hoc est, doctrinam habeant Scripturæ conformem: Scriptura verò ipsa per se firmissimum veritatis argumentum est: Negat quoque Jesuita Deltio, dum Disquis. Mag. l. 2. q. 7. scribit, a malis etiam & perperam de fide sentientibus nonnunquam miracula edita fuisse, &c. Item, consequentiam non esse bonam: Fecit miraculum: Ergo fides ejus est vera. Adjunge huic, si placet, Diegam Payvam ab Andrada. Augustinus, inquitis Defens. fid. Trid. l. 2. fol. 44. contendit, Ecclesia certa atque firma indicia è sacris literis petenda esse, quia ab omni sunt falsi-

falsitatis suspitione libera. Nam cum miracula stupendaque prodigia, quae saepe à viris sunt sanctissimis, demonum opera à perditis etiam & facinorosis fieri posse dicat, futurarum rerum praedictiones, non modo piis quoque & flagitiosis hominibus accidere aliquando possint, falsa profecto sunt haec plerumque, infirma etiam semper, Ecclesia vera indicia. Apostoli certe nihil confirmarunt miraculis, nisi etiam illud, quod confirmatum volebant, apertissimè traderent & docerent Act. 20. 20. 27. & 26. 22. collat. cum Heb. 2. 3. 4. Imò hæc est natura miraculorum, non ut sint *μαρτυρία*, sed ut sint *εὐμαρτυρία*. Heb. 2. 4.

LIV. Urget in primis D. Jctus dictum Christi Marc. 16. 17. 18. Signa autem eos, qui crediderint, hæc consequentur: per nomen meum demonia ejicient: linguis loquentur novis: serpentes tollent: & si quid lethale biberint, nequaquam nocebit eis: malè valentibus manum imponent & bene habebunt. At quam irritò conatu, suprà parag. 4. num. 4. ex tuis ipsismet Pontificiis audivimus: Si Reformati, inquis, sunt Orthodoxi, cur ergo nulla apud eos audiuntur miracula? Syllogisticè mens tua huc redit. Vera & Orthodoxa Christi Ecclesia patrat miracula: At Reformata Ecclesia non patrat miracula: Ergo Reformata Ecclesia non est vera & Orthodoxa Christi Ecclesia. Quam vacillet Major, intellecta simpliciter & de omni tempore, demonstratum est suprà latis superque. Num ei ulterius vis inhærere D. Jcte? En retorqueo. Vera & Orthodoxa Christi Ecclesia patrat miracula: At Papistica Ecclesia non patrat miracula: Ergo Papistica Ecclesia non est vera & Orthodoxa Christi Ecclesia. Major est tua. Minor est in Confesso apud præstantissimos Theologos vestros, Episcopum Roffensem, Maldonatum, Ferum, Jesuitam à Costa & alios, quorum verba suprà audivimus. Unus

Sf 3

Gre-

Gregorius, cognomento magnus & R. Pontifex, instar multorum esse potest. Nota ejus verba. *Numquid, inquit homil. 29. in Evang. Marc. fratres mei, quia miracula ista non facitis, minimè creditis? sed hæc necessaria in Exordio Ecclesiæ fuerunt: ut enim ad fidem cresceret multitudo credentium, miraculis fuerat nutrienda; quia & nos, cum arbuta plantamus, tamdiu eis aquam infundimus, quousque ea in terra jam coaluisse videamus, & si semel radicem fixerint, irrigatio cessabit.* Probat eandem Minorem 2. experientia. Ubi enim videntur Papicolæ patrare miracula? Ubi videmus, eos damonia ejicere? loqui linguis novis? serpentes tollere? non nocere eis, si quid lethale biberint? Ubi audimus, eos male valentibus manus imponere & bene habere? Papa vester, juxta vos Christi vicarius & Petri Successor, annon præ omnibus clarere deberet veris miraculis? at, secundum Jesuitam Lessium Disp. de Ant. Dem 10. *ne quidem mortuum canem excitare potest: & secundum Bellarminum l. 3. de P. R. c. 21. Pontifices nec vera nec falsa ulla miracula fecerunt.* Retorqueo ergo verba D. J. Cte; Si Papista sunt Orthodoxi, cur ergo nulla apud eos audiantur vera miracula? Tentavit nuper quid Marcus vester D. Aviano, imaginans sibi cum Simone mago *εἶναι τὴν ἰσχυρὴν δύναμιν* Act. 8. 9. At effectum tam prospero, ut Evangelicis risum, pontificiis autem sui pudorem reliquerit. Claudis, quos sanare volebat, grallas suas recipientibus, bonus ille Marcus Venetias se recepit, imaginatus sibi forte, Marcum, Venetorum Patronum, jam senio esse confectum, dignum se esse (maximè postquam tam eximia in bonum Catholicæ suæ Religionis patrauerit passim miracula) qui in ipsius locum succedat!

LV. Monachi & Jesuitæ cùm videant, se non posse patrare miracula, ablegant læpe simplices ad corpora & reliquias demortuorum & ad imagines, maxime
ad

ad hanc vel illam imaginem B. Virginis, fingentes plaustra *miraculorum* (potius *mendaciorum*) quæ mox hîc , mox illic contigerint. Commendant in primis Mariam *Lauretanam, Provenzanam, Vicanam, Tungrensem, Cignaciensem, Sueffoniensem, Hallensem, Eberhards-Clausianam* &c. tot, si monachis credas, miraculis celebres, ut חמור נושע ספרהם (prout loqui placet Rabbi Abr. Seba in חמור צור Parash. Jethro) ne asinus conscriptos de illis libros veheret. Notatu digna in primis sunt verba, quæ adscripserunt imagini Mariæ Eberhards-Clausianæ: *DE PLENITUDINE EIVS ACCIPIUNT OMNES: ÆGRISANITATEM, CLAVDI GRESSVM COECI VISVM, MVTI LOQVELAM, INCANTATI CVRATIONEM, CAPTIVI ET DAEMONIACI LIBERATIONEM, MORTVI VITAM.* En devotos Catholicos, qui, quod S. Scriptura Christo tribuit, imagini Marianæ tribuunt! Audivimus supra Christum dicentem, *credentes esse miracula patraturus*: At monachis nostris, cum ipsi adeò credentes non sint, ut possint, mutæ imagines miracula patrant: num forte etiam imagines credunt?

LVI. Prudenter admodum post tempora Reformationis rem suam instituunt Catholicis! dum Miracula, quæ hodie præstari dicuntur, ad terras remotissimas rejiciunt, ne fraus patefiat. Cur ante oculos Reformationum? Cur in civitatibus Evangelicis non patrant miracula? ut *heretici*, quos vocant, *miraculorum majestate confundantur & disputationum nebula, factorum luce, dispellantur*, ceu loqui placet Lipsio in *sua Virgine Aspricoll. cap. 2.* Hoc miraculariis nostris non placet: quare autem non? quia verentur, ne miraculorum suorum fraudes detegantur. Hanc veram esse causam, talpâ cœcior sit, oportet, qui non videat: cur enim aliàs, si vera possent patrare miracula, ea in conspectu Evangelii-

gelicorum, quorum ad fidem Papisticam conversionem tantopere desiderant, non patrarent? Mittunt nos interim Lauretum, ablegant nos ad montem Serratum & in Iaponiam. *Ite*, inquit, *ad hæc & alia remota loca, & multa videbitis Catholicorum miracula.* Res risu dignissima: Si Jesuitæ irent cum Jesu, haberentque fidem Apostolorum, mitterent nos, eorum exemplo, ad Scripturam Joh. 5. 39. Luc. 16. 29. 2. Petr. 1. 19. &c. At mittunt nos lucifugæ ad locorum remotissimorum tenebras. Sciunt, nos non ituros: alias ne quidem hoc dicerent. *Ibat meo apud ipsos studiorum tempore cæcus*, quem bene novi: sed *cæcus etiam redibat.* Quid? si iremus, quo indicio nobis Jesuitæ probarent jactata miracula non esse de eo miraculorum genere, cum quibus venturos Pseudoprophetas & filium perditionis præmonuerunt Christus *Matth. 24.* & Paulus *2. Thess. 2.* Nobis ne Jesuitæ, cum de rebus nobis præsentibus gestis impudentissimè mentiantur, ea, quæ tam procul facta esse clamant, persuadeant? Bellarmino, cum diligentissimè inquireret, an esset, qui superiori seculo miraculorum dono polluerit, nemo occurtebat præter unum Xaverium, quem *Novella historia Maphæi, Ribadinira, Tursellini* reterunt viginti quinque mortuos in India excitasse. At negant miracula ibi facta esse aut fieri alii Pontificii, Josephus à Costa *lib. 6. de Indor. Salute c. 4. & 12. & l. 2. c. 9.* Franciscus de *Victoria Relect. 5. prop. 5. Benzo lib. 2. hist. nov. orb. c. 18.* Adde, quod Xaverius miraculorum, ab aliis de ipso jactatorum, nusquam mentionem faciat. Nec est, quod Jesuitæ prætexant, id tribuendum esse ipsius modestiæ: Num enim Apostoli, ea, qua Deus per ipsos effecerat *Act. 14. 27. 15. 14.* memorando, extra limites modestiæ abiisse putandi? Et quid? si Xaverius dono miraculorum polluisset, annon id in eo ostendendum maximè fuisset, ut
sine

sine molestiâ loqueretur barbarorum linguâ? At quanta cum difficultate ei discenda fuerit illorum lingua, audivimus supra ex ipsius ore *Paragr. IV. num. 1.*

LVII. Effugium, quo hic D. JESUS noster elabizaretur, vanissimum est: *Christus ipse*, inquit, *ob incredulitatem hominum in patria sua nullam virtutem edere potuit, nisi quod, cum paucis agrotis imposuisset manus, sanavit eos Marc. 6. 5. quod etiam discipulis ipsius contigit Marc. 9. 18. & Luc. 9. 40. &c. Non ergo mirum, vult dicere, quod Catholici inter Reformatos & Lutheranos, tanquam incredulos, miracula edere non possint.* Res acu tacta! scilicet! Verum est, Christum non potuisse in patriâ suâ miracula multa edere: at quomodo non potuit? an forte ex defectu virium? non dixeris. *Non potuit ergo edere, id est, (ut Gregorius Homil. 2. bene exponit) non æquum aut conveniens judicavit: cum miracula fiant, ut confirmetur fides in Dominum JESUM: ubi autem nulla in ipsum fides: ad quid miracula? Quo sensu & ipse Christus alibi dicit, οὐ δύναται ὁ υἱὸς τοῦ πατρὸς ποιῆσαι τὰ αὐτοῦ ἔργα, ἵνα ὁ πατὴρ μὴ ἀγαθὴν ἴσῃ τὴν δόξαν, non possunt, sive æquum non est, ut lugeant.* At qui hæc quadrant in Evangelicos, qui firmissimâ utique fide amplectuntur D. JESUM: qui ergo eorum incredulitas thaumaturgis vestris obstaret? 2. Christus licet non multa miracula fecerit in patriâ suâ, fecit tamen aliqua, ut patet loc. cit. At quis vestrum hætenus in conspectu Evangelicorum edidit miraculum? (3) Si Thaumaturgi vestri non possunt edere miracula inter Evangelicos & quidem ob eorum incredulitatem: cur ergo saltem talia non edunt inter Catholicos Evangelicis vicinos? Nolunt hoc Domini, quare? quia reipla non possunt, verenturque ne fraus detegatur & hominum ludibrio exponantur: consultius judicant nos ablegare ad Italos,

Tt

Hisp-

Hispanos & ultimos Indos, scientes de eiusmodi rebus tutius ibi mendacia spargi, difficilius confutari. (4) Sed interim Catholicum istum Jureconsultum in fugam conjiciant Catholici Theologi (a) Bellarminus, utpote qui narrat, S. Antonium eximium miraculum (à nobis supra num. 53. relatum) coram hæretico edidisse, eumq; per id confutasse. (β) Baronius, qui ad ann. 1192. refert, *aquam per commixtionem corporis Christi, in sanguinem Christi prope Erfurdiam esse transsubstantiatam, & paulo post precibus Moguntini Episcopi & Sacerdotum pristinam formam recuperasse. Addit, per hoc miraculum confutatam fuisse hæresin, isto seculo obortam, negantium, aquam vino mixtam mutari in sanguinem.* (γ) Bzovius, qui, citante Cl. Crocio *Anti-Becan. Controv. 3. Sect. 11.* scribit ad an. 1199. num. 43. *Berengarianam hæresin in Germania repullulantem miraculis repressam esse.* Idem ad an. 1204. num. 23. & seq. dicit, *S. Dominicum vicisse Albigeneses, igne confessionem utriusque partis probante.* Ad an. 1232. num. 6. refert, *Petrum Veronensem, Catharorum Episcopum, superasse miraculo nubes, sereno cælo, auditores obducentis.* Si Berengarianorum, Albigenium & Catharorum incredulitas Papistis in edendis miraculis non obstitit, quâ hodie iisdem Evangelicorum incredulitas obstarer?

LVIII. Relabitur jam Jctus noster ad imagines & reliquias suas, prætendens, hunc articulum à Catholica primorum quingentorum Ecclesia semper ita creditum esse &c. At quid quæso est adversus solem loqui, si hoc non est? Imaginum cultum incognitum fuisse in Ecclesia quatuor primis seculis, ex testimoniis Patrum liquet quàm evidentissimè, Irenæi *lib. 1. contra hæreses.* Tertulliani *Apologes. c. 11.* Origenis *contr. Celsum lib. 3.* Clem. Alexandrini in *Protreps.* Lactantii *lib. 2. c. 1.* Augustini in *Psal.*

113. &c. quorum verba vide apud Cl. Forbesium *Instr. Hist. Theol.* l. 7. c. 8. Sed obstruant os Pontificio Pontificii. *Certum est*, inquit Cassander Consult. Tit. de Imag. initio prædicati Evangelii aliquanto tempore inter Christianos præsertim in Ecclesiis imaginum usum non fuisse. Erporro. Quantum autem veteres initio Ecclesiæ ab omni veneratione imaginum abhorruerint, declarat unus Origenes &c. Illud certè non prætermittam, ait Gyraldus Syntag. lib. de Diis Gent. nos, dico Christianos, ut aliquando Romanos, fuisse sine imaginibus in primitiva, qua vocatur, Ecclesiæ. Simulachrorum cultum, inquit Polyd. Vergilius de Inv. rerum lib. 6. c. 13. omnes ferme veteres Sancti Patres, teste Hieronymo, damnabant ob metum idololatria, qua nullum execrabilius scelus esse potest.

LIX. Ad Centuriatores incassum provocas : nam scribit quidem apud illos Eusebius lib. 7. c. 18. vidisse se asservari à fratribus aliquibus in Asia imagines Apostolorum Petri & Pauli, ipsiusque Christi : sed (quod etiam addunt Centuriatores) in locis publicis invocationis aut cultuum Christianorum, tantum abest, ut ad severet collocari solitas, ut etiam ab ethnicis hunc ipsum privatum imaginum usum inventum dicat, qui, quos pro servatoribus habuerint, imaginibus & statuis honorare consueverint. En quàm faventem se præbeat causæ vestræ Eusebius! Eodem modo & ei favet Lampridius, scribens apud eodem Centur. Imperatorem Severum imagines Christi & Abrahami habuisse: nam factum id fuit à Severo ἰδὺν ἡμῶν θεῶν, ut supra ex Eusebio audivimus : Et quæso D. J. Cte, num exemplum Ethnici Imperatoris idonea est regula divini cultus? Verum est, Christianos cruce in locis publicorum congressuum (tu scribis in publicis plateis, quod de tuo est) & privatim usos esse : Sed quid inde contra nos? qui

& ipsi, si sub iisdem, cum veteribus Christianis, temporis loci & personarum circumstantiis viveremus, parati essemus signo crucis uti, ut supra dictum. Nota interim D. J. Cte cum tuis Catholicis, quod in eodem *Apologetico*, unde superiora desumpta sunt, scribit, *Christianos nimirum eo tempore maxime odisse solitos statuas cum suis ornamentis.*

LX. Verum est, *Sozomenum lib. 5. c. 21. ornamentis imaginum in templis meminisse*: Sed an propterea, quia *Sozomenus* id ita refert, statim verum est? Non credit *Gregorius magnus*: dicit enim *lib. 6. Registr. Episc. 31. tom. 2. Sozomenum multa mentiri*. Non credit etiam *Jesuita de Valentia*, quia, inquit de *Cœlib. c. 6. p. 869. Sozomenus multa alioqui mentitur. Non debet illis auctoribus (Socrati & Sozomeno) credi*, inquit *Bellarminus lib. 1. Cler. c. 20. quia Sozomeni historia à Gregorio reprobatur &c. Et porro ibid. Magis credendum est Epiphanio quàm Socrati aut Sozomeno hæreticis & multo recentioribus. Claudicat*, inquit *Baronius in præf. annal. veritas in Socrate & Sozomeno &c. 2. Si hæc Sozomeni relata etiam vera essent, quid inde pro imaginum cultu?*

LXI. Meminit quidem *apud eosdem Centur. Athanasius* imaginis Christi, sed non dicit, à quòquam Christianorum fuisse religiosè cultam, ut apud vos fit. Probandum prius D. J. Cte, *libellum de passione imaginis Domini*, ex quo hæc referuntur, esse *Athanasii*. Dubitat de eo *Bellarminus l. 2. de Imag. c. 10. Dubitat etiam Possévinus apparat. tom. 1. p. 127. Imo in Catal. Scr. Eccles. expressè scribit Bellarminus, librum illum esse auctoris multo recentioris.*

LXII. Per multa quidem *Lactantius* tradit *l. 4. c. 27. de efficaciâ imaginis crucis Christi*; sed, ut *Centuriatores* bene

bene addunt, *superstitiosa ac anilia*. Opera Lactantii variis erroribus deformata esse, fatetur ipse Bellarminus *vester de Script. Eccles. sec. 3*. Addit idem l. 1. de Sanct. beat. c. 5. *Lactantius in plurimos errores lapsus est*.

LXII. Commemoratur quidem in Athanasii libello de passione imag. Christi, *Judaos in Syria, in urbe Berytho, imaginem Christi olim à Nicodemo compositam & vastatà Hierosolyma in Syriam translatam crucifixisse: & lanceà dextrum ejus latus perfossim, aquam & sanguinem emisisse & hydriam compleruisse. Eo autem cruore Judaos unxisse paralyticum & alios quam plurimos agrotantes, eosque subito pristina valetudini restitutos esse. &c.* At negamus, libellum citatum esse Athanasii. Negat idem nobiscum ex Pontificiis Nannius *præf. in Athanas.* Dubitant etiam de eo Bellarminus & Possevinus, ut supra audivimus. Jacobus de Voragine refert hanc fabulam in annum 750. *in hist. Lombard. Legend. 136. f. 277.*

LXIV. Dicit quidem Chrysostomus in homil. de nativ. Dom. tom. 2. *Os mihi liceret videre illud præsepe, in quo Dominus jacuit. Nam nos Christiani quasi pro honore tulimus luteum & posuimus argenteum.* At quid quæso ad rem? ubi hîc quid de religioso cultu imaginum, de quo nobis est quæstio? Adhæc citata homilia supposititia est. *Vide Erasmus in resp. ad notat. Eduardi Leis tom. 9. oper. pag. 133.*

LXV. Nicephorus (qui demum vixit an. 1300.) qua fide dignus sit, discere ex vestro Casaubono, *Nicephorus ait is Exerc. 1. ad Baron. c. 12. p. 92. auctor est vanissimus, futilissimus, fabulosissimus, nec ουρησφικς, sed μύθων καὶ λήρων παλαιοῖς merito suo dicendus, cui ipse Baronius, quoties animum intendit, fidem omnem abrogat.* Eadem fide dignus est Antoninus, quem adjungis, ordinis Prædicat. ac postea

Florentiæ Episcopus, mortuus an. 1459. ab Adriano VI. vel (ut alii volunt) à Clemente VII. in numerum Sanctorum relatus.

LXVI. Ad seculum quintum quod attinet, non negamus, sub illius initium fuisse, qui picturas quasdam historicas in templis fieri curaverint, quamvis non in hunc finem, ut religiose colerentur, sed duntaxat, ut essent historica symbola nec non templorum ornamenta, ut liquet ex Ep. 13. Paulini ad Severum. Tantum ergò abest, ut DJCTus noster demonstret, quatuor prioribus seculis imagines fuisse cultas, quemadmodum hodie coluntur in Papatu, ut ne quidem demonstrare queat, Veteres illos ullas unquam imagines in templis habuisse.

LXVII. Ad λειψανολατρείαν quod attinet, fuit illa quoque Ecclesiæ trium primorum seculorum prorsus incognita. Probat id vel una Epistola Ecclesiæ Smyrnenfis apud Eusebium Hist. Eccl. 4. 15. quæ agit de Polycarpi ossibus terræ reconditis, cum protestatione, illa colinon posse. Ne ea, quæ adfers, contrarium evincunt. *Honorârunt quidem Veteres*, testibus Centuriatoribus, *acceptas S. Polycarpi reliquias*: at quomodo? an forte circumgestando aut religiose venerando? nullatenus: sed *condendo*, ubi id fieri decebat. Ità & vos facite; & sic demum veterum vestigia premetis.

LXVIII. Reliquias Ignatii à sociis Antiochiam esse translatas, refert quidem Nicephorus apud Centuriatores: at 1. non multum ipsius relationi tribuendum, jam suprâ audivimus: Refert idem apud eosdem (sui immemor) lib. 14. c. 24. *Theodosium hoc fecisse. Et Evagrius lib. 1. c. 16. idem asserit. Hieronymus eum ante portam Daphniticam jacere indicat.* 2. Sed ponamus verum esse, quod Nicephorus refert, quid lucri inde Papicolis? translata
fue-

fuerunt ossa & reliquæ ej⁹ non ut religiosè colerètur, sed ut furiis hostium eriperètur. Ad seculum quartum quod attinet, fatemur, aliquam illo circa Sanctorum reliquias superstitionem apud quosdam invaluisse, etiam quosdā S. Patrum sibi liberius aliquid indulgisse, & quædam, quæ non probârunt, tolerasse teste Augustino *Epist. 119. & de C. D. 22. 8.* At interim tamen nullus eorum eas cultu religioso afficiendas docuit. S. Ambrosius, ad quem provocas, Sanctorum corpora honoranda esse contendit: nos ei calculum nostrum addimus: sed de honore queritur. Hieronymus etiam, etsi alibi liberius loquatur, vobis tamen non faver. Audi & nota ipsius verba. Nos inquit *Epist. 53. ad Ripar. non dico Martyrum reliquias, sed ne solem quidem & lunam, non Angelos, non Archangelos, non Cherubim, non Seraphim & omne nomen, quod nominatur in presenti seculo & in futuro, colimus & adoramus, ne serviamus creaturæ potius quam creatori &c.* Quid videtur D. JCre: nonne hæc comparatio vobis hodie hæresin saperet, qui pro religioso reliquiarum cultu, tanquam pro aris & focis, decertatis? Scribit quidem Augustinus l. i. de C. D. c. 26. *celeberrimâ veneratione martyria quarundam faminarum frequentari:* At scribit etiam, se dubitare, numnam hoc rectè factū sit. Verum est, Deum aliquando ad corporū Martyrum contactum miracula edidisse: sed 1. *quid inde contra nos?* qui id non negamus, non negamus inquam, id quandoq; factum esse, ut sic doctrinæ, ob quam à Sanctis sanguis effusus, testimonium redderetur, fidelibusque, ad constantiam ac martyria in persecutionibus subeunda, animus adderetur: stultum autem est, imaginari sibi, virtutem illam latuisse in Sanctorum ossibus: stultius adhuc, putare, ossa illa semper talem miraculorum vim retinuisse. Resuscitavit Deus per Elisæi ossa alium quen-

quendam mortuum 2. Reg. 13. quis verò ossibus illis potestatem virtutem ordinariam attribuit? 2. *Quid inde pro nobis?* Num forte id, per quod Deus miracula edit, statim religiosè venerandum aut adorandum? Ergo etiam adorari debuisset aqua Jordanis, qua usus est, Deus ad sanandum Naamanum & sputum Christi & umbra Petri. Mandibulam asini, qua Simson millia Philistæorum profligavit, num etiam adorare vellent, si hodie adhuc inveniretur, Monachis perpendendum relinquo.

CAPVT V.

De

Confessione auriculari & indulgentiis.

TOtus jam Dominus Ictus noster in eo est, ut nobis commendet *confessionem auricularem & indulgentias* Papales: quàm bene, videamus *Christus* inquit, *homines à lepra sanatos misit ad sacerdotes, ut ut se eis ostenderent* Luc. 17. 14. *Matth. 1. 44. &c.* Ergò spiritualis lepra est sacerdotibus N. T. ostendenda, sive peccata per confessionem auricularem exponenda. Argutè! (scilicet! Misit 1. Christus homines ad Sacerdotes: at quomodo exinde sequitur hodie adhuc mittendos esse ad sacerdotes, cum N. Testamentum Sacerdotes (proprie dictos) ignoret? 2. In quem finem misit ad Sacerdotes? ut pro eis tecundum

dum legem Ceremonialem, quæ tunc nondum erat abrogata, fieret Levit. 14. Marc. 1. 44. Num ergo & hodie forte apud Pontificios Lex Ceremonialis in usu? 3. Quæ quæso hoc in Confessionem vestram auricularem quadrat D. J. Ctes? Illi, quos Christus mittebat ad Sacerdotes, modò à lepra erant sanati: vos autem in quem finem ad Sacerdotes mittimini? ut à lepra (spirituali) per illos sanemini: En ergo, quàm eximiè hinc stabilias Confessionem vestram auricularem! Quàm parum etiam eidem favcant loca Joh. 20. 23. & Matth. 18. 18. insequentibus liquebit.

II. Mandatum, quod extat Jacob. 5. 16. *ἑαμφοτέρωθεν ἀλλήλοις τὰ παραπτώματα*, quæ etiam huc quadrat, Apostolo enim ibi sermonem non esse de confessione secretâ, in aurem sacerdotis susurratâ, quis non videat, partim ex voculâ *ἀλλήλοις* *invicem* seu *alii aliis* (Versio vestra Vulgata pro more suo barbarè reddit, *confitemini ergo alterutrum peccata vestra*: Unde & merito eluditur à Valla vestro *Annotat. in h. l. p. 889.*) quàm mutuam offensarum indigitat confessionem, id est, vult ut notitas infirmitates alter alteri detegentes consilio & consolatione mutuâ nos juvemus: partim ex verbis proximiè sequentibus, *καὶ ἑνὴς ὑπὲρ ἀλλήλων* & *precamini alii pro aliis*: ubi, quemadmodum Apostolus non jubet preces fundi pro solis presbyteris, ita nec jubet confiteri solis presbyteris, sed vult hæc officia inter pios esse reciproca. Certè si ibi ageretur de confessione, quæ sacerdoti susurratur in aurem, deberet ut confitens confessario, ita vicissim confessarius confitenti peccata sua confiteri. Audiat D. J. Ctus suum Cardinalem Cajetanum. *Nec hic*, inquit ille in c. 5. Ep. Jacobi, *sermo est de confessione Sacramentali, ut patet ex eo, quod dicit, confitemini invicem. Sacerdo-*

talis enim non fit invicem, sed Sacerdotibus tantum. Sed de confessione, qua mutuò fatemur nos peccatores, ut oretur pro nobis &c. En tibi os obstructum à Cardinale tuo! cum quo etiam sentiant Valquez in 3. Thom. q. 90. art. 1. & Melchior Canus Relect. de pœnitent. part. 6. Audi hujus posterioris verba. *Alia*, inquit, *quæ solent afferri, ut est illud Jacobi c. 5. Confitemini alterutrum. Et illud Luc. 17. Ite & ostendite vos sacerdoti, non adeò firma videntur adversus hereticos testimonia.* En ergò, quàm firmiter Confessionem vestram adstruxeris ex locis adductis!

III. Verum est, multos eorum, qui crediderant, venisse confitentes & indicantes τὰς πράξεις αὐτῶν Act. 19. 18. At miserè falleris, dum hinc (ut & ex Matth. 3. 6. Ubi dicuntur baptizati à Johanne in Jordane confitentes peccata sua), confessioni vestræ auriculari patrocinium quæris. Nam 1. eorum confessio non erat clancularia in aurem & particulâris omnium & singulorum peccatorum cum suis circumstantiis, ut ipse agnoscit Cardinalis Cajetanus in cap. 19. Act. scribens. *Quemadmodum ad baptismum Joannis concurrebant confitentes peccata sua, ita describuntur hic confitentes facta sua, procul dubio in genere aut publicè. Neutra enim fuit NB. confessio Sacramentalis, sed professio pœnitentiæ vitæ præteritæ.* 2. Confitentes illi nondum erant baptizati, ut præter eundem Cajetanum fatetur & rationibus probat haud contemnendis Jesuita Lorinus in Act. 19. At verò Sacramentum pœnitentiæ non conferitur nisi baptizatis, dicente Canisio Catechism. c. 4. *Quî ergo tu cum Bellarmino tuo hunc locum tantopere crepas? quâ fronte audet Baronius Annal. Tom. 1. an. 16. sect. 14. scribere. Certum est, locum hunc intelligendum esse de confessione Sacramentali. Quam certum sit, audiat à se & suæ locio Jesuita Lorino. Non ausim, inquit ille loc. cit. usurâ*

usurpare Baronii CERTVM EST. Nam excipere quisquam posset, sermonem non esse de jam baptizatis, sed de Catechumenis &c.

IV. Dicit D. J. C. *us, hanc auricularem confessionem à Christo ducere originem & tempore Apostolorum modò fuisse usitatam. Quàm verum hoc sit, liquebit è sequentibus. Nos dicimus esse*

Monstrum horrendum, informe, ingens, cui lumen ademptum.

Nam $\alpha\gamma\epsilon\alpha\theta$: Nusquam enim legitur instituta, nusquam commendata nusquam usurpata, quod omnino tamen factum oportuit, si ea ad salutem *absolutè*, ut Pontificiis persuasum, fuit necessaria. Quis namque credat, Christum & Apostolos doctrinam adeò necessariam cognitu, adeò utilem scitu singulis fidelibus silentio prætermittere voluisse? Quis sibi persuadeat, eos, qui in Scriptis suis Religionis Christianæ capita quàm accuratissimè passim sunt executi, ne minimum quidem verbum de re tanti momenti voluisse facere? Eoque magis, quòd præter rei momentum accedebat tum *ejus novitas*: cum fatentibus Adversariis, in V. T. non fuerit exercita (vide Forerum *Tom. 4. Tract. 4.*) tum difficultas eam exercendi; siquidem, ut loquitur ipse Bellarminus lib. 3. de Pœnit. c. 12. *si quæ res est in Ecclesia Catholica, quæ gravis ac difficilis videatur, sine dubitatione ulla confessio auricularis est.*

V. α Sed quid? Non duntaxat $\alpha\gamma\epsilon\alpha\theta$, sed etiam $\alpha\lambda\iota\gamma\epsilon\alpha\theta$ est hæc Papicolarum confessio. 1. enim S. Scriptura omnibus verè resipiscenibus sine ulla tali peccatorum in aurem sacerdotis enumeratione remissionem pollicetur Prov. 28. 13. Psal. 32. 5. 1. Joh. 1. 9. &c. Exempla passim obvia, ut Paralyci Matth. 9. 2. Petri

Matth. 26. 75. Zachari Luc. 19. 8. 9. Publicani Luc. 18. 13. &c. Hæc autem omnibus, qui, præteritis Sacerdotibus, Deo directè confitentur, remissionem abjudicat. Solles nit' genug seyn / so man die Sünde Gott beichtet / sich bessert / Bußthut &c. quærit Jesuita Cufanus Zuchtschul part. 4. c. 3. Et respondet. Auff keinerley Weis. Wiewohl jemand sein Lebtag solche Buß würckete &c. Similia occurrunt apud Elffium lib. c. Tr. 4. c. 1. Bellarminum lib. 3. de pæn. c. 2. Becanum Manual. prælud. 2. §. 19. &c. 2. Hæc confessio nititur peccatorum in venialia & mortalia distinctione: eam verò Scriptura improbat Rom. 6. 23. Gal. 3. 10. 1. Joh. 3. 4. Deut. 17. 26. &c. (3) Constituit presbyteros judices, habentes potestatem peccata remittendi judiciariâ auctoritate: at Scriptura eos contra constituit ministros tantum & dispensatores mysteriorum Dei 1. Cor. 4. 1. innuitque, neminem judiciariâ auctoritate posse peccata remittere præter solum Deum. 1. Joh. 1. 9. Prov. 28. 13. El. 43. 25. Marc. 10. 7. Jesuita Vasquez in 3. p. Thom. q. 84. art. 3. eò impietatis adducitur, ut scribere non dubitet; *sententiam Dei, quam pronuntiat in cælo, non absolvere peccatorem, sed tantum approbare sententiam sacerdotis, & non operari remissionem peccatoris.* Mirum, quod Pontificii, quemadmodum ipsis fas est dicere ad Sacerdotem; *Remitte nobis debita nostra*, non pariter dicant ad eundem; *Panem nostrum quotidianum da nobis hodie.* (4) Statuit, nullum esse peccatum irremissibile. *Nullum est tam grave & nefarium scelus*, inquit Catechesis Tridentina de effc. Sac. pæn. *quod penitentia Sacramento non quidem semel, sed iterum & sæpius non deleatur* (ne autem quis objiciat peccatum in Sp. Sanctum, statim addit, *id de difficili admodum venia impetratione intelligendum*

dum esse) at contra Scripturam Matth. 12. 32. Marc. 3. 29. Hebr. 6. 5. & 10. 26.

VI. 3 Est *adversus* : Nemo quippe mortalium in hoc terrarum degit orbe, qui omnium & singulorum peccatorum suorum cum omnibus eorundem circumstantiis queat inire numerum; cum quilibet cum Davide exclamare habeat necesse, *Delicta sua quis intelligat: ab occultis absolvet me Psal. 19.* Præten dit quidem Conc. Tridentinum, ea tantum enumeranda esse, quorum *post diligentem sui discussionem*, memoriam quis habeat: Verum frustra: si enim semel admissum fuerit, remissionem pendere ex enumeratione, conscientia semper dubia erit, an justam diligentiam discussionis adhibuerit. Et quæso te, si confitens confessionem per integrum annum (quod ei per quartum *Pentalogi Romani* præceptum licet) distulerit, cogites, quàm ipsi possibile fuerit ad rationem revocare totius anni acta, & quid singulis diebus peccarit, colligere: cum experientia unumquæque convincat, ubi ad vesperam excutienda sunt unius tantum diei delicta, memoriam confundi. Cogites insuper velim, quomodo Confessarius, cum magna confitentium turba, brevi sæpe spatio expianda, ei sese offert, tot dierum & mensium, imò sæpe annorum peccata brevi adeò auditu excipere & librare, justasque iis pœnas injungere queat.

VII. 7 Est *absolutio*, *absolutio* & *ridicula*. Nam **I. Ecclesia V. T.** quod inficiari non potestis, Deo directè peccata fuit confessa, talis peccatorum in aurem Sacerdotis enumerationis ignara: qui ergò Ecclesia **N. T.** eâ gravaretur? Num putandum, Christum venisse ad prægravandam suam Ecclesiam novis oneribus (rem namq; difficillimam esse hanc confessionem, Bellarminum

Uu 3

suprà

supra audivimus confitentem) ut deterior sit conditio Christianorum quàm olim Israëlitarum? (2) Confessarii instituunt examen in conscientias confitentium non tam secundum decalogum divinum, quàm Pentalogum Romanum. *Vide libell. Societ. Coster. lib. 1.* id est, non tam quærunt, an Deum diligant ex toto corde & proximum sicut se ipsos &c. quam an festa Pontificia hæcenus observaverint, an Rosarium diligenter recitaverint, an Missæ sedulò interfuerint &c. Nonne hoc absolutionum? (3) Absolutus à Sacerdote credere tenetur, sibi esse remissa peccata à Sacerdote, cum ipse Sacerdos profiteatur, se dubitare de remissione suorum peccatorum *juxta Concil. Trid. Sess. 6. can. 13. 15.* Porro idem Concil. *Sess. 14. c. 10.* approbat absolutionem datam per sacerdotem peccato mortali pollutum: Ergò Sacerdos adulter & veneficus remitter adultero & venefico peccatum, cujus ipse sibi conscius est: Nonne hoc ridiculum? (4) Sacerdos absolvens confitentem, aut absolvit eum *absolute* aut *sub conditione*: Si prius, desipit: cum nesciat, num veram contritionem eliciat & pœnas satisfactorias post absolutionem injunctas sit impleturus, nec ne. Si posterius (quod vult Toletus *lib. 3. de Instruct.* & alii) delirat, & eo ipso ostendit, se non esse judicem: cum judex, cui vel mica sanæ mentis, absoluturus innocentem & damnaturus fontem, non dicat, *absolvo te, si, sed quia innocentem te deprehendo, & damno te, si, sed quia convictus es hujus criminis.* Ne jam addam, ridiculè absolutionem à sacerdote præmitti satisfactioni, cum necesse sit ut debitor satisfaciatur, antequam liberetur.

VIII. n *Est profana ac pudori inimica*, quod ex spurcis Confessoriorum quæstionibus & absurdis Casuistarum aphorismis manifestè liquet. Etenim 1. cum non raro

raro contingat, ut confitens delicta sua incruſter aut molliat & multa diſſimulet, confeſſarii ex improba ſæpe curioſitate, in petulantis lalcivæque carnis oblectationem, ſpurcis quaſtionibus ſuis animos conjugum perſequent, & rimando arcana thalami, *non confitendi, ſed peccandi rationem ac normam*, ut ipſe Canus Reſc. de pæn. p. 6. fateri cogitur, docent. Videantur hac ſuper re Toleti inſtructio Sacerdotum, Pænitentiale Romanum, & Navarri Manuale, libri tam ſpurcis erotematibus reſerti, ut ſine pudore vix legi queant. Et quot, Deum immortalem! hujus confeſſionis ſchemate hodie non libidines in Papatu ſoveri exiſtimabimus? Queſtus eſt jam ſuo tempore Alvarus Pelagius de Planct. Eccl. lib. 11. c. 28. de Confeſſariis, quòd ſæpe cum parochianis mulieribus, que ad confeſſionem admittuntur, ſceleſtiſſimè fornicentur. Fateretur etiam Eratmus Exomologei: T. 5. pag. 129. *confitentes in eos ſæpe ſacerdotes incidere, qui ſub prætextu confeſſionis patrent non referenda, proq. Medicis fiant aut ſocii aut magiſtri aut diſcipuli turpitudinis. Et utinam hoc fruſtra videar monuiſſe, ac non tam multa paſſim exempla occurrerent, que nec ſine dolore recorder, nec ſine pudore poſſum referre.* Prodidit abunde Diana Panormitanus Reſol. Part. I. tract. 4. arcana ſedium confeſſionalium. Quærit Reſol. XII. *An confeſſarius, qui ſolicitavit adoleſcentem in confeſſione ſit denunciandus? Se quondam quidem negativè faſiſſe fateretur Diana cum Paramo & aliis, eò quòd lex pænalis, non ſit extendenda, etiamſi militet in alio coſueadem ratio. Sed Pontifices, inquit, laquebantur adverſus ſolicitantes fæminas. Ergò Bulla non erat extendenda adverſus ſolicitantes pueros. Quid videretur D. J. Cre? Pergit. Sed hodie ex conſtitutione Gregorii XV. ceſſat omnis dubitatio, quia ibi pontifex decernit, etiam ſolicitantes viros eſſe denunciandos.* Ergò ſolicitari pote-

poterant pueri à Confessariis ante Constitutionem Gregorii XV. subnectit dein varias quæstiones, piis auribus molestas (V. G. *An si Clericus occultè ponat se in loco confessionibus deputato & inter confessionem fæmina, illam ibi sollicitet, sit denuntiandus? An confessorius, qui ante vel paulo post confessionem fæminam sollicitavit, sit denuntiandus? &c.*) at quas respondet, ante Constitutionem Gregorii XV. negativam plerisque Casuistis attulisse (audi cælum & mirare terra) sed post eam placere affirmativam. Hodie ergò cautiùs (ancastiùs, ipsi viderint) ipsis agendum. 2. Hæc confessio ipsis etiam confitentibus ad scelera fenestram aperit. Quæ enim re major potest fieri peccandi confidentia aut licentia, quàm dum, confessione Sacerdoti facta, homo autumat, se posse tergere os & dicere, *non feci*? Annon voluptuosus instiganti eum carni blandiri perget, cogitans, se posse facile robustum aliquem Sacrificulum peccatorum suorum bajulum constituere?

IX. Ne interim confitentes verecundià à confessione abstrahantur, indictum est Confessariis religiosum silentium, quod sigillum secretæ confessionis in Ritual. Roman. de sacr. pœnis. p. 53. audit. De quo ita Toletus Instr. Sacerd. l. 3. c. 16. *Advertendum est, obligationem sigilli esse tantam, ut nulla prorsus causa, neque etiam propter servandam propriam vitam nec propter salutem Reipublicæ possit confessorius peccatum pœnitentis revelare.* Prudenter admodum in rem sacerdotum! Sic enim muliereculæ in sede confessionali animi sui sensa coram ipsis eò liberius excutunt! Huic sigillo adjiciunt varia exempla, eidem scopo intervientia, seu potius opimas fabellas de hominibus ob occultatum præ verecundià peccatum damnatis, quæ si hic fufius recensere vellemus, quando finis

nis sperandus? Unum ex sexcentis citasse sufficiat! Refert Jesuita Dauroutius Catech. Histor. c. 4. Tr. 12. fuisse mulierem quandam nobilem, qua post commissum scortationis vitium, spretis mundi divitiis, ingressa fuerit monasterium, ad agendam scelus, haecenus occultati, poenitentiam: accidisse autem, ut, cum se maxima dederit abstinencia, vigiliis & precibus, propter peculiarem, quam exercuerit, sanctitatem, evaserit Abbatissa &c. Post multa vero tempora, cum graviter infirmaretur, rogasse eam quandam ex monialibus, ut, si contingeret, eam decedere, sibi post mortem appareret ad intimandum statum suum, quod etiam promiserit. Mortuam igitur, cum moniales expectarent de die in diem miraculis illustrari, apparuisse quidem nocte quadam illi, cui promiserat; at penitus turpem, nigram & tristem, & interrogatam de tam turpis apparitionis causa respondisse; damnata & precipitata sum in ignem aeternum. Cum autem monialis regefferit, quis ergo salutis particeps reddetur, si tu, qua vitam tam singularem & austeram in seculo & monasterio egisti, damnata & respondisse, damnata sum, quia peccatum carnis, in quod in seculo lapsa fui, praeverecundia sacerdoti confiteri nolui. Confiteantur ergo diligenter moniales monachis peccata carnis, & discant inde monachi carnem suam titillare. Similes fabellas (à me ipso non raro auditas) adimendae confitentibus praesertim mulierculis, verecundiae destinatas, vix satis dici potest, quantopere Monachi Catholicis suis commendent!

X. 1. Est conscientiarum carnisfina: Namque 1. vult necessario aperiri non venialia (ea enim confitendi nulla est obligatio, inquit Busenbaum M. Theol. Moral. lib. 6. T. 4. c. 2.) sed tantum peccata mortalia: quotusquisque vero discrimen hoc dextre statuet? maxime cum variis modis, docente eodem Jesuita l. 5. c. 2. contingere quear,

ut peccatum ex genere suo veniale transeat in mortale. Ne jam addam, inter ipsosmet Pontificios, in quo peccatum veniale constituendum sit, non convenire: quibusdam illud *præter non contra legem* (inter quos est Bellarminus *lib. 11. de amiss. gr. c. 11. & Thomas 1. 2. q. 87. art. 5.* quibus se opponit Vasquez *1. 2. Thom. disp. 143. c. 3*) aliis vero esse *contra legem*, (in quorum numerum refertur Durandus, Cajetanus, & Vegas, citante Asorio *Inst. Moral. lib. 4. c. 8.*) afferentibus. Aliis denique, qui mediam sententiam excogitarunt (quorum numerum auget Gerson *3. part. de vit. sp. an. lect. 1. & Almainus Moral. Tr. 3. c. 20.*) adversus alios contendentibus, *omnia peccata esse natura sua mortalia, sed quadam esse venialia ex Dei voluntate*. Hinc ipse Bellarminus *lib. 1. de amiss. gr. c. 3.* ait. *De Discrimine peccati mortalis & venialis non levis controversia est.* Si ipsi Doctores adhuc de hoc discrimine litigant, incerti, ubi pedem figant; quid ergo de Laico, quem vocant, dicemus? quomodo ille se hinc expediet? annon sæpe contingere potest, ut *mortale* negligat sub opinione *venialis*? Quid? si penes confitentem est judicare, quid sit *veniale*, quidve *mortale*, annon facile fieri potest, ut maculatus *peccato mortali*, sibi ipsi adulando, illud pro *veniali* venditet? (2) Cum intentio ministri sit de essentia omnis Sacramenti *juxta C. Trid. Sess. 7. can. 2.* ita ut, si illa absit, Sacramentum sit *irritum & nullum*: unde confitens de remissione impetrata certus esse potest? temper utique dubius hæreat, oportet: cum ei intentio Sacerdotis sit impervestigabilis. Quin, si vel maxime certus esset de Sacerdotis intentione: unde ipsi constabit, Sacerdotem ab Episcopo rite ordinatum esse (de quo & ipse Sacerdos non potest esse certus: imo incertus est, an ipse sit Christianus, cum nesciat, quæ Episcopum, à quo ordi-

ordinatus, & Sacerdotem, à quo fuit baptizatus, subie-
rit intentio. Clara in hanc rem sunt verba Bielii sect. 49.
in Can. Miss. *Nullus Sacerdos, inquit, potest evidenter scire, se
esse baptizatū aut legitime ordinatum*) deficiente autem le-
gitima ordinatione sacerdotem legitimum non esse ad-
eoque confitentem legitime absolvere non posse, apud
Pontificios est in cōfesso. Ut jam nihil addam de scrupu-
lis, quos irregularitas (quæ est, definiente Laymanno,
impedimentum, quo minus quis ordines suscipere aut susceptis
uti possit. Irregulares autem sunt: 1. hermaphroditi, 2. de-
stituti pollice vel indice. 3. Lusci, carentes sinistro oculo.
4. Eunuchi, nisi genitalia de Zona dependula gestave-
rint, in pulverem contrita: At Cynædus & præpostera
libidine intamis censetur habilis, teste Navarro *Tom. 2. in
Cap. Inf. 27. q. 35.* Filii & nepotes hæreticorum, nisi obtine-
rint à Papa dispensationem. Unde ut possent evitare
sacerdotium, Evangelistam Marcum sibi pollicem & S.
Ammonium sibi aurem amputasse, refert Bened. Fische-
rus *Centif. Myst. Conc. 5. p. 42.*) confitentium conscientias
injacere potest. Agnoscit has confitentium anxietates
post Medinam Vasquez in 3. p. Thom. q. 90. art. 1. Imo ipse
Adrianus VI. ab eo citatus, dum ait; *Non est certior via
confessionis; imo est minus certa; quia ex parte Sacerdotis ab-
solvendi multa incerta sunt. An sit sacerdos: an habeat potesta-
tem & jurisdictionem: an habeat intentionem &c.*

XI. 1. Est perniciofa & perniciofa tranquillitati &
secretis aularum, consiliorum & familiarum, Hinc enim sa-
crificulorum auctoritas & divitiæ non modo mirifice
crescunt, sed etiam in familiarum occultas sordes ac in
Regum & Principum occulta penetrant, quippe *scire vo-
lunt secreta domus atque inde timeri.* Atque ita non Ma-
gistratus tantum & imperia terrori Papæ subiguntur, sed

etiam Regum & Principum vita in anceps discrimen ad-
ducitur, dum creditur, *præstare omnes Reges occidi, quam
vel semel sigillum confessionis revelari*, quæ, teste Causabono
in Ep. ad Eudæmon. Ioh. quondam Jesuitæ Bineti
vox fuit : à qua nec ipse Jesuita Eudæmono-
Johannes abit, cùm Apol. pro Graneto cap. 13.
ait. *Nullum tantum potest esse malum, cujus vitandi causa
confessionem prodere liceat* Der Priester muß schweigen/
inquit Elffius l.c. Tr. 4. c. 1, *Wie einer/der 100 Schlosser
auff dem Mund hat.* Assentitur Laymannus Th. Mo-
ral. l. 5. T. 6. c. 15, alique ab ipso citati casuistæ. Ergo si
confessario consilium innotuit in necem Regis & Prin-
cipis, debet potius pati suum Regem & Principem, imo
etiam proprium patrem & matrem occidi, quam sigil-
lum confessionis revelare. Hem Casuistas conscien-
tia carentes ! Oportet utique, sit bipedum nequissimus,
in cujus sinum tutò deponuntur consilia parricidii &
proditionis patriæ. Summa quidem fide erga parridas
& perduelles, sed in Regem, Patrem, patriam summa
perfidia. Cum tamen perjurium lege Dei vetetur, &
honor, obedientia ac fides erga patrem & Regem verbo
Dei præcipiatur: at de sigillo confessionis altum in sacro
codice sit silentium.

XII. Interim tamen apud Jesuitas tantæ sanctita-
tis res non est confessionis sigillum: ut non aliquo in ca-
su queat refigi. De hæresi quid sentiant, constat ex illo
trito. *Hæresis est crimen, quod non confessio celat.* Dixe-
rat quondam Sacrificulus; *Si Christus mortalis in his terris
versaretur & aliquis sibi confessus esset, se mortem illi machina-
ri, se malle pati, ut Christus occidatur, quam confessionis sigil-
lum refigere.* Quod auditu horrendum apophthegma
defendere haud dubitat Perronius lib. adv. Reg. Britann. c.
7. At si quis Jesuitis confiteretur, se Papæ coronam atti-
gisse,

gisse, caveat: tum enim in majori versaretur discrimine, quàm si verbum Dei corrupisset.

XIII. Cum vero accidere non nequeat, ut confessarii dehujus vel illius confessione interrogentur (sic narrat Navarrus l. c. mulierem quandam nobilem confessam esse sacerdoti adulterium, id autem cum tuboluisset ejus marito, traxisset sacerdotem in eremum, & admoti gutturi sica mortem minatum esse, nisi uxoris confessionem aperiret) Jesuitæ opportuno remedio prospexerunt, ne quid inde detrimenti ordini suo inferatur, nimirum æquivocationibus in respondendo & suppressione mentali, negando se quicquam inaudiisse unquam de hac vel illa re, sed supplendo tacite, *ut tibi dicam aut revelem. Si crimen omnino occultum est*, inquit Toletus lib. 4. de Instr. c. 21. de quo quis interrogatur, tum æquivocatione uti poterit in respondendo, nescio: intelligendo tamen intra se, *ut tibi dicam*. Similia occurrunt apud Laymannum & alios. Imo juxta Jesuitam Sa & Busenbaumium l. c. & Ekkium de Confess. Hom. 46. Confessarius jurare potest, se nihil tale audivisse in confessione, subaudiendo, *quod dicere possit vel teneatur*. Eximium scil. oppidoque argutum Jesuitarum inventum! Hac ratione fas erit Christiano Religionem suam ejurare coram judice Ethnico, dicendo: *Non sum Christianus*, sed supplendo tacite secum, *ut tibi dicam*. Si Apostolus Petrus Jesuita fuisset, potuisset Christum abnegare, & nihilominus fidissimus ipsius discipulus manere.

XIV. n. *Est nova & Ecclesia primitiva incognita*, teste Polydoro Vergilio lib. 6. c. 1. & Gratiano C. in penit. dist. 5. In Concilio Lateranensi sub Innocentio III. an. 1215. primum in Ecclesiam introducta & decreto confirmata fuit, quod postea auxit Synodus Tridentina Sess.

14. Antè hoc tempus nullum de ea exiit præceptum in Ecclesia. Quemadmodum ex Gratiano, *de pæn. dist. 1. cap.* qui annis quinquaginta ante Concil. Lateranense vixit, constat. Quin ipse Lombardus *lib. 4. sent. dist. 17.* agnoscit, quod circa hanc quæstionem; *An alicui sufficiat confiteri Deo sine sacerdote* (ad quam paulo post pro affirmativa multa congerit testimonia Chrysostomi) *docti diversa sentire suo tempore invenirentur.* Desinat ergo dicere D. J. Ctus, Confessionem illam à Christo institutam & tempore Apostolorum usitatam fuisse. Quam fuerint libera & diversa citerioribus seculis de confessione iudicia, indicat Auctor glossæ *de pæn. dist. 5.* Dicunt, inquit, *quidam, institutam fuisse in paradiso statim post peccatum.* Alii dicunt, *quod sub lege fuit primo instituta, quando Josua præcepit Achan crimen suum confiteri.* Alii dicunt, *quod in N. T. à Jacobo, &c. sed melius dicitur, eam institutam fuisse à quadam Ecclesia universalis traditione potius quam ex N. vel V. Testamenti auctoritate.* Bonaventura in *4. sent. dist. 17. part. 2. art. 1.* prætendit, eam ab Apostolis, non à Christo esse institutam: cui (licet Canonizato Sancto) contradicere non erubescit D. J. Ctus noster, eam ab ipso Christo deducens. En Cadmèos fratres!

XV. Apud veteres duplicem confessionem in usu fuisse *publicam & privatam*, agnoscimus, nec improbamus, cum etiamnum hodie apud nos obtineat. Si enim peccatum est publicum, convenit, ut publice quoque agnoscatur, quo publicum scandalum auferatur 1. Tim. 5. 20. At quid hoc ad rem tuam D. J. Cre? Probandum tibi juxta promissa, in Ecclesia primitiva obtinuisse Confessionem vestram auricularem. Ad Clementis Romani Epistolas frustra provocas, cum illæ, ut rectè monent à te citati Centuriatores, supposititiæ sint, eique falso

falso adscribantur; Probat id pluribus Celeb. Riverus
 noster *Crit. Sacr. lib. 1. c. 8.* Et fatetur ipse Baronius *Annal.*
Tom. 2. an. 102. sect. 6. Epistolas illas, qua Clementis nomine e-
 dita habentur, diversi plane generis esse ab eis, quarum memi-
 nerunt Hieronymus & Epiphanius & qua, ut addit, *magno*
Ecclesia damno perierunt. Frustra etiam provocas ad alios
 vetustos Patres Cyprianum Tertullianum, Ambrosium,
 Hieronymum & alios: nam 1. loquuntur illi quidem I. c.
 de confessione, sed publica, non auriculari, non Sacra-
 mentali & sacerdotalis silentii sigillo obfignanda. Vide
 hoc pluribus demonstrantem Forbesium nostrum *Instr.*
lib. 12. c. 5. Huic confessioni publicæ in Ecclesia Græca
 adjuncta quidem fuit secreta, qua Sacerdoti peccata
 graviora libere aperiebantur: at non diu obtinuit hic
 mos, sed à Nectario, Ambrosii contemporaneo, (teste
 Socrate *lib. 5. Hist. Eccles. c. 19.* & Sozomeno *lib. 7. c. 16.*) ab-
 rogatus est, abrogationem illam ratam habentibus
 Chrylostomo, aliisque Orientis Episcopis. Dicis, *Nec-*
tarium publicam, non vero secretam, qua facta fueris sacer-
doti, confessionem abrogasse: At hoc falsum est: nam ipse,
 juxta testimonium Socratis & Sozomeni, *consulentibus*
quibusdam, unicuique liberum permisit, prout sibi conscius es-
set & confideret, ad mysteriorum communionem accedere. Su-
 stulit ergo secretam confessionem, quæ fiebat Sacerdoti;
 noluitque, ut sibi quisque eligeret privatum Sa-
 cerdotem pro conscientia, ut Pontificii solent. Quid?
 Nectarium abstulisse confessionem secretam, docent i-
 pși Theologi vestri (à quibus proinde informandus es)
 Sotus in 4. dist. 18. 4. 1. art. 1. Canus in *Relect. de pœnit. p. 5.*
 Waldensis 2. *Tom. c. 141.* (2) Si vel maxime quid ex illis
 Patrum testimoniis extundere posses, probares quidem
 Eccle-

Ecclesiaz, illorum tempore, consuetudinem: nullo modo autem juris divini necessitatem.

XVI. Dicit quidem Christus ad discipulos suos: *Accipite Spiritum Sanctum: Si quorum remiseritis peccata, remittuntur eis, si quorum retinueritis, retenta sunt.* Joh. 20. 22. 23. &c. Sed non dicit, *Si quorum remiseritis peccata, in aurem vobis enumerata.* Nec etiam; *Si quorum remiseritis peccata, judiciaria potestate.* Si verba adeo clara sunt in rem vestram, ut scribis, velim ergo, vel minimum mihi ostendas ex illis de Confessione vestra auriculari: Quæ enim, quæso, consequentia, Dominus dedit Apostolis, eorumque in præconio Evangelico successoribus potestatem peccata remittendi & retinendi: Ergo dedit ipsis potestatem judiciariam: vel ergo ipsis peccata sunt enarranda in aurem? non admittit eam ipse vester Gabriel Biel, dum 4. Sent. dist. 17. 4. 1. scribit, dari Apostolis potestatem judicandi, sed non imponi peccatoribus necessitatem confitendi. Dices cum Jesuitis tuis, sententiam absolventem præsupponere cognitionem peccati: at frustra: nam id demum obtinet in iis, qui proprie judices agunt & à quibus sententia emanat: non in Præconibus: illi enim sententiam promulgant, destituti licet speciali criminum notitia. Et quid? annon Ministri in Baptismo, juxta Jesuitarum confessionem, remittunt omnia peccata, etsi nulla eorum speciali præditi sint notitia?

XVII. Rides Catechesin nostram, dum quæst. 83. claves regni cælorum ad prædicationem Evangelii refert: at nos ridemus ridentem, donec Catechesin falsitatis convincat: Sed en dolum viri! dicit, Catechesin docere, claves regni cælorum consistere tantum in prædicatione Evangelii, cum expressè adjungat disciplinam Ecclesiasticam, ad quæstionem 83. Quid sunt Claves regni cælorum? ita respondens; Prædicatio Evangelii & Ecclesiastica disciplina, quibus

quibus calum credentibus aperitur, infidelibus autem clauditur. Sunt itaque, juxta Catechesin, clavium partes præcipue duæ I. Prædicatio Evangelii, II. Disciplina Ecclesiastica. Utraque parte Ecclesia claudit & aperit, ligat & solvit. Prædicatione verbi claudit & ligat infidelibus & hypocritis, iram Dei, donec resipiscant, denuntiando: aperit verò & solvit, fidelibus & resipiscentibus annuntiando remissionem peccatorum & gratiam Dei propter Christum. Disciplina Ecclesiastica claudit & ligat facinorosos & contumaces excommunicando: aperit verò & solvit, eosdem, si resipiscant, recipiendo. Probat hæc Catechesis ex Ioh. 20. 22. 23. Matth. 16. 19. Matth. 18. 17. 18. Dicis, de annuntiatione nec locis citatis nec alibi in Scriptura quicquam memorari. Non? Ad quid ergo Christus emisit Apostolos suos? annon ad annuntiandum & prædicandum Evangelium? Marc 16. 15. Annon Paulus dicit; Sic de nobis reputet homo, ut de Ministris Christi & dispensatoribus mysteriorum Dei, 1. Cor. 4. 1. Si ergo Apostoli fuerunt ministri Christi, si fuerunt missi ad annuntiandum Evangelium, quò hæc verba Christi ad ipsos dicta; Si quorum remisieris peccata, remittuntur eis, si quorum retinueris, retenta sunt, aliter pertinebunt, quàm ad ministerium verbi & sanctæ disciplinæ exercitium? Ostendat nobis D. J. C. tus, ubi Apostoli, quibus hæc dicta sunt, uspiam ejusmodi Sacramentum administrârint, in quo ipsi peccatorum in aures sibi de murmuratorum & satisfactionis & contritionis merito expiatorum, judices se gesserint? Dicis, ejusmodi potestatem clavium etiam à quovis Laico exerceri posse. R. Oppone Christo, qui hanc publicam (ministerialem) potestatem non cuivis Laico, sed solis Apostolis & eorum in præconio successoribus concessit. Cur

non etiam Laici baptismum ordinariè apud vos ministrant, cum id non minùs possint?

XVIII. Quamvis doceamus *solam fidem justificare*, non tamen docemus, *solitam fidem justificare*, id est, *separatam à ceteris virtutibus*, cum sicne quidem sit vera & viva fides. Hanc fidem, *per charitatem operosam* requirimus cum Paulo Gal. 5. 6. (non enim negamus coexistentiam bonorum operum cum fide in eo, qui justificatur, sed cooperationem in justificatione). Ad quid ergò cumulus locorum, quibus probare vis *solam fidem*, i. e. *separatam à bonis operibus* non sufficere. Quasi verò ullus Reformatorum hoc unquam docuerit! Pudeat Virum in Reformata Religione natum & educatum Reformata Religionem vel non meliùs intellexisse, vel excussa conscientia Reformatis tam aliena affingere. Ad locum interim Jacobi c. 2. 24. & alia partim modò responsum, partim etiam infra cap. 12. respondebitur. Sed en, quã miserè illaqueetur à D. J. C. to. *Si sola fides*, inquit: *justificat*: Ergo non prædicatio Evangelii: *At qui verum antecedens juxta eandem Catechesin quæst. 60. Ergo & consequens.* &c. Si sola fides justificat oppositè & exclusivè ad prædicationem Evangelii, Ergò non prædicatio Evangelii: Sic do consequentiam, sed nego Minorem: nam cum Catechesis docet, *solam fidem nos justificare*, non intelligit id exclusivè vel ad gratiam Dei vel justitiam Christi vel prædicationem verbi & Sacramenta, quibus justificationis beneficium nobis offertur & obsignatur à parte Dei: sed duntaxat exclusivè ad omnem aliam virtutem à parte nostri. Addis, *si per prædicationem verbi peccata remittuntur*, Ergo non opus est fide. Eximia consequentia: cur non sic concludis, *si Patres confessarii peccata remittunt*: Ergò non opus est confitenti? Per verbum à Deo nobis

nobis offertur justificationis beneficium, sed per *solam* fidem apprehendimus & nobis applicamus. Num hæc pugant D.JCte?

XIX. Pergis, si *Reformatus juxta Catechismum suum sola fide justificatus & à peccatis absolutus est*, qui igitur *predicatio verbi remissionem peccatorum*, à quibus cum ante modo fides ejus liberavit, ei adhuc semel operari potest? quod fides semel donavit, id non necesse per predicationem verbi de novo donari. Argutè! Catholici tui, confessi credunt, sibi remissa esse omnia peccata, & tamen adhuc precantur in Oratione Dominica; *Remitte nobis debita nostra, sicut & nos remisimus debitoribus nostris*. Si peccata ipsis sunt remissa, cur ergò adhuc rogant remissionē? Respōde D.JCte? Aliud est, justificationē sæpius applicare: aliud eandem sæpius iterare. Iustificatio et sic remissio peccatorum nostrorū simul & semel peragitur, cum homo primū incipit credere fide salvifica: at ejus applicationem perceptibilem & consolatoriam super peccatis identidem commissis, atque adeo ejus sensum in conscientia, quia sæpius peccamus, nos sæpius iterare oportet, adeoque dicere ex præscripto Christi; *Remitte nobis debita nostra*.

XX. Exemplum turgidi illius juvenis, perfectam legis observationem Pharisaicè jactantis *Matth. 19. 17. & seq.* quàm frustra urgeas, ostensum modò suprà. Fuit ille magnus hypocrita, ut patet ex eo, quòd iussus à Christo *abire, vendere omnia & dare pauperibus*, tristitiā affectus abiit, ostendens se magis diligere divitias quàm Christum: Si jam D.JCto hunc turgidum socienum in numerum Catholicorum suorum recipere lubet, per nos licet.

XXI. Ad liberos & eos, qui inter Papistas habi-

tant destituti Religionis exercitio, quod attinet, verâ tamen fide præditi esse possunt, licet verbum Dei prædicari non audiant: cum verbum Dei domi privatim legere queant: utpote quod siue prædicatum, siue lectum, est, teste Paulo Rom. 1. 16. *potentia Dei curvis credenti ad salutem.* Vult quidem Deus verbum suum ordinariò ad fidem augendam & confirmandam, prædicari: hinc idem Apostolus ait, placuisse Deo salvos facere credentes per *stultitiam prædicationis*, 1. Cor. 1. 21. *Et fidem esse ex auditu, auditum autè ex verbo Dei*, Rom. 10. 17. At nò hoc sensu, quasi *simple opus fides* in *duo* non impleat etiam in illis, qui citra culpam suam ad publicum verbi auditum venire non possunt. At inquis, si ita parentes inter Pontificios habitantes aut Ludimagistri liberos in informatione sua ad fidem perducant, usq; credentibus peccatorum remissionem annuntient, usurpabunt claves regni cælorum. R. 1. Sperem te scire distinguere inter institutionem privatam & concionem publicam. 2. Usurpent, quid tum? usurpant privatim, non publicè: Annon cuilibet privato est libertas proximum suum docendi, eumque monendi & redarguendi, si fortè quid mali committat, adeoque annuntiandi nomine Christi, cælum ei esse clausum, nî respiscat: apertum autem, si pœnitentiam agat? Dicis, *potestatem clavium concessam esse solis Apostolis eorumque successoribus*, R. At hoc ita absolutè dictum falsum esse, liquet illis ipsis, quæ à te citantur, locis Matth. 16. 19. Matth. 18. 17. 18. ubi claves regni cælorum promittuntur Petro & in ejus persona toti Ecclesiæ, utpote in cujus nomine respondet ꝑ. 15. Et Matth. 18. 17. Christus dat Ecclesiæ potestatem ligandi & absolvendi. Haud imus inficias, ab Ecclesiâ hoc jus exerceri per Pastores, sed in eo à Pastoribus exercetur jus, quod est radicaliter totius corporis,

ris, ratione usus tantum & exercitii publici Pastorum. Quæ addis, sunt meræ priorum repetitiones, adeoque ulteriori responso indignæ;

XXII. Hanc Evangelicorum doctrinam esse novam & ante tempora Lutheri inauditam; miror, quòd D. J. C. tus asserere non erubescat. Audi B. Hieronymum. *Fumibus*, inquit ille in Esaiam lib. 6. c. 14. peccatorum suorum unusquisque constringitur, quos funes atque vincula solvere possunt & Apostoli, imitantes Magistrum suum, qui eis dixerat, quacunque solveritis super terram, erunt soluta & in cælo: Solvunt autem eos Apostoli sermone Dei & testimoniis Scripturarum & exhortatione virtutum. En doctrinam nostram longè ante Lutheri tempora usitatam! Cohorruissent certè olim Christiani, ut ad rem nefandam, si vereris Ecclesiæ presbyter cum hodiernis Sacrificulis vestris ad pœnitentem dixisset; *Absolve te à peccatis tuis*. Venit olim mulier quædam (ut narratur in vita Basilii M. script. ab Amphilochio) ad Basilium petens remissionem peccatorum: quid autem Basilius? dixitne cum hodiernis Sacrificulis, *absolve te à peccatis tuis*? neutiquam. Intellexistine ait ò mulier, neminem posse remittere peccata, nisi solum Deum. At juxta hodiernos Sacrificulos nemo absolutus erit, nisi ipsi judicialiter absolverint. Quam in re quàm longè abeant à sana antiquitate, pluribus demonstratum vide apud Cl. Forbesium *Insistunt. lib. 12. c. 5*. Disce interim, quàm suavis sit hac super te inter Doctores vestros harmonia, ex Papa Hadriano VI. *Difficultas*, inquit 4. 5. Quodlibet 1. Cor. fol. 32. magna est inter Doctores, an claves sacerdotii se extendant ad culpæ remissionem. Et certe probatissimi Theologi senserunt, quod non Magister sententiarum dicit, quod N. B. Sacerdotibus non concessit Deus potestatem dimittendi peccata seu ligandi, sed offendem.

ostendendi homines ligatos & solutos. In culpis igitur retinendis & solvendis Ecclesiasticus idem facit, quod in leproso olim legalis &c. At hodie Sacrificuli omnes evaserunt Domini & iudices. si quis dixerit, inquit Conc. Trid. sess. 14. c. 9. *absolutionem sacramentalem Sacerdotis non esse actum judiciale, sed nudum ministerium pronuntiandi & declarandi remissa esse peccata confitenti, modo tantum credat &c. anathema sit.*

XXIII. Progreditur jam D. J. C. tus noster à Confessione auriculari ad indulgentias: nos progredientem sequemur. Indulgentias vocant Papicolæ, teste Bellarmino lib. 1. de indulg. c. 1. *remissiones pœnarum, quæ sepe remanent luenda post remissionem culparum & reconciliationem in Sacramento pœnitentia adeptam; quas remissiones summi Pontifices ex paterna lenitate & condescensione in filios suos, compatiētes eorum infirmitati, certis temporibus & non sine justa aliqua & rationabili causa concedere solent.* En tuavem indulgentiarum descriptionem! sunt remissiones pœnarum &c. sed quarum? num forte aeternarum peccatis debitarum? nequaquam: circa has non versatur indulgentia Romana: an naturalium? Ne hæc sunt indulgentiæ Romanæ materia: an denique earum, quibus Deus eos, quos diligit post peccatum (adeoque pœnæ improprie dictæ sunt) castigat Heb. 12. 6. ? Etiam non. Quarum ergo? earum tantum, quæ in foro pœnitentiario insignuntur. Audi eundem Bellarminum. In libro superiori, inquit l. 2. de Indulg. c. 1. *demonstravimus, per indulgentias non remitti pœnas naturales, quæ sequuntur Originale peccatum & toti generi humano sunt communes: sed pœnas duntaxat, quæ sequuntur peccata personalia. & eas non omnes, sed eas tantum, quarum sumus rei in foro pœnitentiario, non autem eas, quas debemus in foro externo.* Porro pœna, quarum fit men-

210 in Psal. 88. & in Epistolis ad Corinthios & ad Hebræos, ad forum externum pertinent; infliguntur enim à Deo tanquam iudice in externo & criminali foro. Nam si non potest indulgentia tollere pœnam, quâ prator aliquem mulctavit ob furtum vel homicidium, quanto minus tollere poterit eam, quam Deus ipse alicui decrevit: quam igitur, inquires, pœnam tollis indulgentia? illam, qua in foro pœnitentiarum infligitur, quæ VOLUNTARIE adimpletur &c. Hac enim est, per quam Domino satisfacimus, & cui succedit, nisi in presenti Domino satisfiat, purgatorii pœna. Rem egregiam! Frustra ergo Papicolæ, quotquot se indulgentiarum ergò Romam conferunt, ibi culpæ suæ remissionem per indulgentiam expectant: hanc enim indulgentia præsupponit. Quid ergò ibi expectant boni Catholici? remissionem pœnarum in foro pœnitentiarum injunctarum: id est, postquam iis confessarius injunxit orationes, eleëmofynas, jejunia, similesque satisfactiones, quas Conc. Tridentinum Sess. VI. 14. vocat *fructus dignos pœnitentie*, ab iis eos liberant indulgentiæ Romanæ, ac proinde relaxant studium eleëmofynarum, precum, jejunii, seu *fructus dignos pœnitentie*, quos tamen Johannes Baptista tanquam necessarios & prædicavit & imperavit Luc. 3. 8. En dignitatem indulgentiarum Papalium! Possunt illæ homines liberare à studio bonorum operum: Ergò dum Sanctissimus Pater Romanus *filio suo* largitur indulgentias, eos (& quidem *ex paterna lenitate*, ut loquitur Bellarminus l.c.) cohibet à bonis operibus; & illi, dum adipiscuntur indulgentias, adipiscuntur privilegium, ne quis teneatur *facere fructus pœnitentie dignos*.

XXIV. Sed num hoc tantum? tot forte merx ista Papalis non inveniret mercatores, nisi adhuc alio nomine commendaretur: quonam atem? extinguunt etiam

etiam indulgentiæ flammæ purgatorii: quis ergò non emat, maximè cum docentibus Jesuitis, flammæ purgatorii flammam inferni adæquet, eique non cedat, nisi duntaxat ratione durationis? Emite ergò, quotquot flammæ purgatorii (à Papis accensi) effugere vultis! Sed ne obliviscimini pecuniæ. Non enim obtinet in foro Papali illud Jesaïæ cap. 55. 1. *Venite & emite sine pecunia. Reddit* (hunc) *mercatum numerata pecunia gratum.* Si quis forte (sic legitur in Decreto Burchardi lib. XIX. 19.) non potuerit jejunare & habuerit, unde possit redimere, si dives fuerit, pro 7. hebdomadibus des solidos viginti. Si non habuerit, unde totidem dare possit, des solidos decem. Si autem multum pauper fuerit, des solidos tres. Postquam Taxa Sacra Pœnitentiaria prodiit, jam nullum tam tetrum & horrendum excogitari potest scelus, cujus venia parari non potuerit, aut absolutio ac dispensatio non impetrari, dummodo pecunia ad eam rem pro ratione Taxæ necessaria interveniret. Audiamus ex ea quædam tantum. In secundo consanguinitatis vel affinitatis gradu (sic legitur in ejus titulo de Causis matrimonial.) dispensatur tantum per Signoriam Papa, aut sede vacante per Summum Pœnitentiarium: & taxa est turonensium 50. duc. 12. Karl. 6. In primo gradu affinitatis dispensatur in foro conscientie tantum, & taxa est turon. 30. duc. 7. Karl. 6. & c. Titulo de Bestialitate ita legitur. Si vero cum illis petatur absolutio, etiam à crimine commissio contra naturam, vel cum brutis, cum dispensatione, ut supra, & cum inhibitione turon. 90. duc. 12. Karl. 6. Si verò petatur tantum absolutio à crimine contra naturam vel cum brutis, cum dispensatione & cum inhibitione turon. 30. duc. 9. Absolutio promoniali, quæ se permittit à pluribus cognosci intra & extra septa Monasterii, cum rehabilitatione ad dignitates illius ordinis, etiam abbatialem turon. 30. duc. 9. Absol.

*Absolutio pro concubinario cum disp. ad ordines & beneficia
suron. 21. duc. 5. Karl. 6. & cum inhibitione tur. 36. duc. 9. &c.
Quid quæso est sceleratis ad plura scelera fenestram &
januam aperire, si hoc non est? sed en paternam Patris
Sanctissimi in filios suos lenitatem! Non præteritis dun-
taxat, sed futuris etiam peccatis indulgentiarum *passim*
& olim applicare tuevit & hodie solet. Audiamus
unius Ecclesiæ Lateranensis indulgentias. *In ea* (sic li-
ber de Stationibus Roma Anno MCCCC LXXV. Ro-
mæ post ejusdem sec. Ann. XCI. Norimbergæ edi-
tus) quotidie distribuuntur 48. anni indulgentiarum, & toti-
dem quadragesima ac remissio tertia partis omnium peccatorum.
Vnde Bonifacius: Si quis ad sedem nostram Lateranensem de-
votionis, orationis aut peregrinationis causa venit, ille absolvetur
ab omnibus peccatis. In Capella, qua vocatur Sanctum
Sanctorum, quamque mulieribus non ingredi licet, est vera &
plenaria remissio omnium peccatorum. In eadem Capella sunt
gradus 28, qui steterunt ante domum Pilati in Hierusalem:
quicumque hos gradus ascenderit cum devotione, habet pro quo-
libet gradu 9. annos indulgentiarum & totidem quadragesimas
ac remissionem tertia partis omnium peccatorum. Qui verò
geniculando gradus illos ascendit, unam animam, pro qua orat,
liberat ex purgatorio. In die dedicationis, qui vocatur dies
Salvatoris, est ibi plena remissio omnium peccatorum à culpa &
à pena. Cumque Papa primum indulgentiam ibi largiretur,
Angeli, præsentem populo, dixerunt Amen! Item quando
capita Petri & Pauli ibi ostenduntur, tunc Romani habent in-
dulgentiam 3000. annorum, vicini 6000. qui è longinquo vene-
runt 12000. &c.*

XXV. Quibus autem conceduntur hæ Papales
indulgentiæ? num etiam iis, qui destituuntur nummis?

Zz

Neu-

Neutiquam : sunt quidem Romæ teste Mantuano omnia venalia.

(Templa, Sacerdotes, Altaria, Sacra, Corona, Ignis, Thura, Preces, Cælum est venale Deusque)

Sed interveniente pecuniâ : Nota diligenter (sic legitur in Taxa Cancell. T. de matrim. fol. 23.) quod hujusmodi gratia non conceduntur pauperibus: quia non habent, ideo non possunt consulari. Audi hac super re querelam Espenæi vestri. Prostat inquit ille in Epist. ad Tit. c. 1. & in qua stupro meretrice sedet liber palam ac publicè hic impressus, & hodieque, ut olim, venalis, Taxa Camera seu Cancellaria Apostolica inscriptus, in quo NB. plus scelerum discas licet, quam in omnibus omnium vitiorum summis & summaris, & plurimis quidem licentia, omnibus autem absolutio empturientibus proposita, parco nominibus, nam, quod ait nescio quis, Nomina sunt ipso pene timenda sono. Mirum hoc tempore, hoc schismate, non suppressum tot tamque scelerum, tamque horrendorum scelerum velus indicem adeo infamem, ut non putem in Germania, Helvetiâ & ubicunque à Romana fide defectum est, opus prostare majore hujus scandalo, adeo tamen non supprimitur ab Ecclesia Romana fautoribus, ut tantorum ac talium facinorum licentia ac impuritates, in facultatibus legatorum illinc huc venientium, bona ex parte innoventur, atque confirmantur, adversus (si Deo placet) quacunque facta restituerendi, ac etiam quoscunque spurios, Mamsces, Bastardos, ex quocunque illicito coitu &c. cum his, qui se per adulterium polluerint, ut connubere possint, perjuros, Simoniacos, falsarios, raptos, usurarios, schismaticos, hereticos, sed ad cor reversos, non absolvendi tantum, sed & ad ordines, honores, dignitates &c. dispensandi &c. Habeat jam Roma pudorem & tam nullius in frons criminum omne genus catalogum prostitueret definat.

XXVI. Desinat ergo & D. J. C. tus hancce indulgentiam (potiùse indulgentiam) nobis commendare, tanquam perquam bene fundatam in Sacra Scriptura! Cujus illa sit coloris ac valoris, adeòque quàm conformis Sacrae Scripturae, ex dictis patet abunde, imprimis ex supra datâ descriptione Bellarminiana. Supponit illa 1. (ut bene notat Amesius noster contra Bellarminum *Bellar. Enerv. lib. 6. c. 1.*) Remissionem culpa, remanente pœna. 2. Remissionem & culpa & pœna, ab homine pro arbitrio suo factam. 3. Sacramentum novum ab homine introductum. 4. Summos Pontifices cum auctoritate monarchica, etiam in spiritualium rerum dispensatione. 5. Posse Pontifices istos de jure Dei remittere ac dispensare. 6. Lenitatem horum Pontificum majorem esse, quàm quæ in Sacramentis exhibetur. 7. Hac omnia pendere ex rationabili causa, id est, eatenus fieri, quatenus Papa & affectus ejus profunt. Hæc ne conformia sunt Sacrae Scripturae D. J. C. te? Næ omnia ritè expensurus vix ullum totius Theologiae inveniet caput, quod non per indulgentiarum doctrinam lædatur! ut non sine singulari Dei providentiâ Zwinglius & Lutherus (ille Anno 1516. hic 1517.) stabulum papale purgaturi istis indulgentiis destruendis primam admovent manum.

XXVII. Sed audiamus, quid à D. J. C. to indulgentia ex Scripturâ probentur. Annon, inquit, Christus dicebat ad juvenem, qui mandata Dei à juventute sua servaverat Matth. 19, ut ad salutem & indulgentias consequendas, omnia venderet, pauperibusque daret, sic eum fore perfectum & integrum coram Deo? Sic est D. J. C. te, dicebat Christus ad juvenem illum, abi, vende omnia & da pauperibus & habebis thesaurum in celo. Sed vellemus probari, ubi Christus dicat, eum debere hoc facere ad acquirendas sibi indulgentias? quid? annon juvenis ille secundum te

perfectè Præcepta servârat à juventute ? hoc autem si verum, quî Christus dixisset ei, *vende omnia ad acquirendas tibi indulgentias?* Annon *indulgentia*, definentibus Jesuitis, *sunt relaxationes & remissiones pœnarum temporalium*, qua homines in hoc mundo vel in purgatorio manent? quî autem hunc juvenem potuissent manere pœnz temporales vel in hoc mundo vel in purgatorio, cum fuerit sine peccato (qui enim perfectè servat legem, non peccat 1. Joh. 3.) nulla autem queat esse pœna peccati, ubi non est peccatum. En ergò, quàm causæ tuæ conveniens attuleris exemplum! Num provocabis ad pœnas temporales, quæ sequantur peccatum originale? frustra, cum suprâ audiverimus Bellarminum dicentem, *per indulgentias non remitti omnes pœnas, sed eas tantum, quarum Papicollæ in foro pœnitentiarii sint.*

XXVIII. Ad verba Petri Act. 2. 38. dicentis; *Respicite & baptizetur unusquisque vestrum in nomen Iesu Christi in remissionem peccatorum & accipietis donum Spiritus Sancti*, æquè frustra provocas: nam ubi hic vel minima indulgentiarum mentio? Ubi Petrus, primus juxta vos Papa, bullæ suæ hîc meminit? Sed disjiciant in fugam Catholicum] Cuius Catholici Theologi. Multos forassemoves, inquit Episc. Roffensis Artic. XIII. contra Luther.) *indulgentiis non multum fidere, quòdearum usus in Ecclesia videatur recentior & admodum serò repertus inter Christianos. Quibus ego respondeo, non certò constare, à quo primum tradita perunt. De Purgatorio apud Priscos nulla vel rarissima fiebat mentio. Sed & Græcis ad hunc usque diem, non est creditum, purgatorium esse. Nec tam necessaria fuit siue Purgatorii siue indulgentiarum fides in primitiva Ecclesia, atque nunc est. Quamdiu nulla fuerat de Purgatorio cura, nemo quasivit indulgentias. Nam ex illo pen-*
des

det omnis indulgentiarum existimatio. Si tollas purgatorium, quorsum indulgentius opus erit? Cum itaque Purgatorium tam serè cognitum ac receptum fuerit uniuersa Ecclesia, quis jam de indulgentiis mirari potest, quod NB. in principio nascentis Ecclesie nullus fuerit earum usus? Indulgencia ait Prierias aduers. Lutherum in Voc. Indulgentiæ, non innotuere nobis auctoritate Scriptura, sed Eccl. Romana &c. Agnoscit idem Gregorius de Valentia de Indulg. c. 4 Biel Lect. 57. in Can. Missa; Imò ipse Cajetanus, Papæ tempore Lutheri Indulgentiarius à limine ferè libri sui de Indulg. Et nihilominus D. Jctus (forte Theologis hisce oculatior) indulgentias Papales in Scriptura (si superis placet) inuenit!

XXIX. Aegrè fert D. Jctus, quòd indulgentias istas Papales nuncupemus *nundinationes*; potiùs vocari vult *elemosynas*: at quàm commodè hoc nomine veniant, liquet ex Taxa Apostolica & Espencæ vestri de eâ querela, à nobis jam suprâ auditâ. Addis, *elemosynas istas impendi in usus sacros, sepe in bellum Turcicum, ut tempore Lutheri fuerit factum*. At in quos usus sacros D. Jctus: forte ad statum Papalem; nimirum quia mulier illa Apocalypica debebat esse *amicta purpurâ & cocco & inaurata auro & lapidibus pretiosis & margaritis &c.* Apoc. 17. 4. En usus sacros! Quàm benè etiam Papa Leo X. tempore Lutheri *Indulgentias* (potiùs *Emulgentias suas*) sine pudore emulas impenderit, disce ex Guiciardini vestro, Papæ cæteroquin addictissimo, dum ad an. 1520. Lib. XIII. Hist. Ital. de causis, quæ Lutherum, ad se Leoni X. opponendum, commoverint, loquens, postquàm dixerat *Leonem nimis licenter auctoritate Pontificatus usum &c.* addit (nota benè D. Jctus) *qua indulgentia, quia pecunia tantum à mortalibus extorquenda gratia*

concedi notum erat, & à quæstoribus huic negotio præfectis impudenter administrabantur, magnam plerisque in locis indignationem offensionemque concitabant; & præsertim in Germania, ubi à multis ex ejus ministris hujusmodi mortuos pœnis liberandi facultas parvo pretio vendi vel in Cauponum tabernis alea subjici cernebantur; quam indignationem auxit, quòd Pontifex multarum Germania partium ex hujusmodi venia exactionum emolumentum NB. Magdalene sorori sue dono dederat; quæ soror Aremboldum Episcopum, dignum Ministrum huic exactioni præfecit, qui per summam avaritiam & extorsionem munus illud exercebat. En quàm verè dicas, indulgentias tempore Lutheri fuisse in bellum Turcicum impensas! En quoque, quàm congruè easdem Eleëmofynarum nomine insignias! nimirum solvere & exigere linguâ vestrà Romanâ est Eleëmofynas dare non emere!

XXX. Dicis, Reformatos, eò quòd indulgentias omnibus & singulis annuntiant eosque coram Deo justos constituunt, modo credant, arrogare sibi majores indulgentias, quàm Catholicos & tamen Catholicos calumniari. R. 1. Nos non calumniamur Catholicos, quos vocas, sed dolemus eorum in tanta Evangelii luce cœcitatē. Docetis 1. remissa culpa remanere adhuc pœnam temporalem vel in hac vitâ vel in Purgatorio luendam: at hac doctrinâ quid absurdius? cum juxta eam eum maneat pœna, qui est sine culpa. Dico autem mihi D. JCre, an Christus satisfecerit pro omni culpa, an verò pro quadam tantum: Si posterius: quomodo Johannes asserit, Sanguinem Jesu Christi, filii Dei, purgare nos ab omni peccato 1. c. 1. 7. Si prius: quomodo, remissa omni culpa, quæ in se pœnam, cum æternam tum temporalem merebatur, sola temporalis remanet? num sanguis Christi, qui vel vobis fa-

tenti-

tentibus, valet pro pœnâ æternâ, non etiam valebit pro temporali? Dicitur, quomodo Scriptura asserat, Deum *peccata populi sui projicere post tergum, non imputare, delere, non recordari Psal. 32. & 51. & 103. Ierem. 31. Mich. 7. &c.* si eorum adhuc exigit pœnam? Item, quomodo Christus dicatur omnia peccata nostra, subeundo eorum pœnas, in corpore suo tulisse super lignum & à maledictione nos liberâsse, si aliquarum pœnarum reatu tenentur adhuc fideles, pro quo ipsis adhuc satisfaciendum sit? 2. Docetis, unicam sanguinis Christi guttulam sufficisse toti mundo redimendo (quod quid aliud est quàm omnem meriti Christi vim eludere, Deoque crudelitatis notam inurere?) docetis, inquam, hoc, ut videamini dignitatem meriti Christi immane quantum extollere, quam tamen mox ad eò diminutum itis, ut juxta vos ne quidem reatui pœnæ temporalis tollêdo sufficiat. Ad exemplum Davidis frustra provocatis: Fuit enim ipsi quidem ob peccatum, *quo fecerat blasphemare hostes Domini, 2. Sam. 12. 14.* à Nathane pœna annuntiata, sed non *quæ ei* leu pœna proprie dicta. Affecit quidem Deus ipsum, jam sibi reconciliatum, pœnâ, sed non eum in finem, ut vindictam suam contra eum exerceret, vel ut tanquam justus judex justitiæ suæ, saltem ex parte, satisfaceret, præter satisfactionem, quàm à morte filii sui accepit: sed tantum, ut eum, quem pro filio agnoverat, tanquam Benignus Pater corrigeret & emendaret. Ergò non erat pœna propriè dicta (deest enim ei ratio formalis pœnæ, cum non fuerit inflicta ex ira judicis ad ultionem peccati & peccatoris exitium) sed *paterna* id est *paterna castigatio*, de qua porro videt. *Cor. 11. 32. Heb. 12. 8.* Sed quid? posito, non tamen concesso, has fidelium pœnas satisfacere justitiæ Dei, annon ridiculum, quòd Papi-

Papicolæ nobis eas objiciant ad statum inandum pœnas, quas volunt per indulgentias remitti: cùm suprà ex Bellarm. lib. 2. de Indulg. c. 1. audiverimus, *Papam non posse eas condonare pœnas, quæ à Deo tanquam judice infligantur.* Sic proinde indulgentiæ malis Davidi prædictis tollendis non suffecissent. Quid jam de Monachis vestris, negantibus, afflictiones naturales, aliasque à Deo nobis immittas per indulgentias remitti, & tamen eas in hac materiâ, quò simplices ad mercatum inducant, recensentibus censendû sit, tu ipse judicaveris, 3. docetis, in Christi satisfactione esse quid superfluum, multumq; de sanguine ejus superabundare, quod, ne pereat, in Ecclesiæ thesaurum inferatur & à Papa erogetur (quod tam verum est, quàm verum, Papam esse verum Christi vicarium: cùm Scriptura sanguinem Christi non dividat, sed communiter ei redemptionem nostram tribuat) & tamen (quod ore affirmatum, mox ipso opere negando) sanguini Christi, quasi insufficienti, sanguinem Sanctorum admisceris. *Ad hunc thesaurum superfluentium satisfactionum* inquit Bellarminus lib. 1. de Indulg. c. 2. *pertinent etiam passiones B. M. Virginis & omnium aliorum Sanctorum, qui plus passi sunt, quàm eorum peccata requirerent.* En pium Papatum! commiscet passionem filii Dei passionibus hominum, quò Papa habeat thesaurum in cerebrino laborantibus purgatorio applicabilem. Quis, vel minimâ pietatis scintillâ præditus, huc non ingemiscat? quis JESUM suum amans istam impietatem non detestetur? cui etiam in medio Papatus contradixit Durandus in 4. sent. dist. 20 q. 3. Revocavit etiam hunc satisfactionum Christi superfluentium & apud Ecclesiam reconditarum thesaurum in dubium Franciscus Maironis in 4. sent. dist. 19. q. 2. *Observe prætere hæc accuratam*
 Bel-

Bellarmini de pœna peccatis debita notitiam! dicit *Sanctos plus esse passos, quàm eorum peccata requirerent.* Hem virum judiciosum! at ubi & quando ille conscendit in penetrale Dei, ut noverit adedò exactè pœnarum peccatis cujuslibet debitarum quantitatè? (4.) Docetis, *per indulgentias vos non absolvere à reatu culpa ullius nec mortalis nec venialis* (vid. Bellarm. l. 2. c. 1.) Interim tamen Bullis Papalibus absolvuntur homines à culpa & à pœna. Sic indulgentiæ Ecclesiæ Lateranensis, quas *supra num. XXIV.* audivimus, promittunt *in die dedicationis plenam remissionem omnium peccatorum à culpa & à pœna &c.* (5.) Introducitis, ad quæstum augendum remissiones *semiplenas & partiales*, quasi sanguis Jesu nos non purgaret ab omni peccato 1. Joh. 1. 7. (6.) Extenditis illas venias ad annorum centurias & chiliadas; quem alium in finem, quàm ad augendum quæstum? qui *Sanctissimum Patrem*, alio cæteroquin nomine satis liberalem, hîc non parùm durum reddit: nam dum potest omnes omnino animas à purgatorio extrahere, imò & facere, ut à primo statim ingressu, ut Cato olim ex Amphitheatro, egrediantur, eò inhumanitatis hic procedit (adedò *auri sacra fames peccus Papale coëgit!*) ut nonnullas animulas blandulas etiam per annorum myriadem purgatorii cruciati flammis permittat. Interim tamen (quod nota bene D. JCre) tantum abest, ut ignem purgatorium, cujus gratiâ indulgentias repertas esse *suprà modo* ex Episcopo Roffensi intelleximus, hinc adstruatis, ut potiùs destruat. En probo. Docetis, *maculam non pœnam ablutione tolli*, docetis præterea, *maculam, non pœnam, debitorem sordidum facere* (vid. Bellarm. l. 2. de Indulg. c. 3.) Hinc tale nobis prodit argumentum. *Qui non sunt sordidi & maculati: illis non opus est purgatorio: At, qui moriuntur cum remissione culpæ nulla licet præstitâ satisfactiōe pro pœnâ temporali, non sunt sordidi & maculati. Ergo illis non est opus purgatorio.* Major per se patet. Minor liquet ex jam *suprà* citatis. Num dices, *pœnam adhuc restare solvendam*; respondeat tibi Bellarminus: *pœna non facit hominem sordidum.*

XXXI. 2. Ad nos quod attinet, verum quidem est, Pastores nostros credentibus annuntiare, omnia peccata ipsis divinitus propter unius Christi meritum (En Ecclesiæ nostræ Thesaurum, vestro utique Papali millies pretiosiore!) condonari: sed falsissimum, eos hoc annuntiare *solum credentibus*, id est, ut tu nobis affingis, solâ fidei professione gaudentibus. Docemus quidem, ut supra etiam dictum, *solam fidem justificare*, sed non *solitariam*, id est, separatam à bonis operibus: Quemadmodum *solus oculus videt*, sed non *solitarius*, id est separatus à capite. *Sed de his plura suo loco.* Hoc jam tu vel scivisti vel non scivisti D. JCre. Si *posterius*: quî conaris refutare Reformatos, quorum Religionem (quam tamen tot annos professus es) non intelligis? Si *prius*: quî non erubuisti tantâ nos afficere injuriâ? Ridiculum interim, quòd cum Jesuitis tuis doces, neminem posse Indulgentiarum vestrarum participem reddi, nisi sit in gratia & obtinuerit peccatorum suorum remissionem: cùm tamen vestra doctrina sit juxta Bellarminum lib. 3. de Justif. c. 3. neminem posse esse certum *de justitia sua & gratia, nisi peculiarem de ea habuerit revelationem*: Ergo etiam nemo certus erit de utilitate Indulgentiarum vestrarum, quancunque etiam eas emat. Et certè sunt in ipso Papatu, qui de utilitate Indulgentiarum perquam jejune sentiunt. Aliqui, ait Bonaventura in 4. dist. 21. *dixerunt hujusmodi indulgentias aliquid valere; sed nunquam tantum, quantum promittitur: sed aliquid valent modicum, secundum quod meretur fides & devotio.* Prædicat tamen hoc Ecclesia, ut filios suos NB. bona quadam deceptione ad bonum alliciat: sicut mulier filio pomum promittit, quod postea non donat. Arrigite aures boni Catholici, licet indulgentiæ vobis non profint ad purgandas animas animas vestras: profunt tamen Papæ ad purgandas vestras crumenas: vos datis *dona*: ille promittit *poma*, sed non donat. Sed audite porro, quid de earum utilitate Bellarminus adferat. Si quis inquit, *futuri jubilæi in peccatum reservatum sponte inci-*

incidat, an ab eo peccato possit absolvi? Navarrus, Cordubensis & alii affirmant posse. En fructum! homines spe indulgentiæ impetrandæ sponte sua in scelera incidunt! Suadendum forte Papæ esset; ut disceret curare podagram per suas indulgentias: sic line illa bona filiorum suorum deceptione (ut suprâ audivimus loquentem Bonaventuram) Thesaurum suum satis augere posset. Sed unum adhuc, antequam ad alia progrediar, à te notari velim D. J. Cte: Dicentibus nobis, merita Christi nobis imputari in justitiam, eaque à Deo nobis applicari, non secus ac si nos ipsimet ea præstitissemus, clamat, illam esse doctrinam absurdissimam, quamvis in S. Codice sit optimè fundata, ut suo loco demonstrabitur: at hîc asserere non dubitatis, ipsa Sanctorum merita, quâ sunt satisfactoria, nobis donari & applicari, animasque ita purgare, ac si per purgatorium purgati essent: annon hæc fraus aperta?

XXXII. Antiquos Patres confessionem vestram auricularem commendare falsissimum est. Proba & credemus: credemus inquam, salva veritate: cum Patres nobis non sint credendi regula, nec vos ipsi omnia approbetis, quæ à Patribus traduntur. Quàm parum interim vobis faveant, ostensum, quantum satis, supra num. XV. Ostensum etiam præter Chamierum, Rivetum & Forbesium, nuperrimè adhuc à Celeb. Heideggero *Anatom. Conc. Trident. Sess. 14. quest. 7.* Quò te brevitatis gratiâ ablegatum volo.

CAPUT VI.

De S. Cæna.

UT status controversiæ de præsentia corporis & sanguinis Christi in S. Cænâ, de qua D. J. Cto hoc capite agere placet, rectè intelligatur; notandum, non quæri: *An corpus & san-*

sanguis Christi in S. Cæna sit præsens. Hoc enim omnes Reformati affirmant. Nec etiam; *An hæc præsentia corporis & sanguinis Christi in S. Cæna sit realis:* cum nec hoc Reformati dif-
fiteantur & contrarium ipsis per calumniam affingatur. Agnos-
cunt illi 1. *præsentiam Sacramentalem seu Symbolicam*, quâ Chri-
sti corpus & sanguis præsentia sistuntur, adeoque repræsen-
tantur in sacris symbolis, non duntaxat figurantibus, sed
etiam obsignantibus & sano sensu exhibentibus. 2. *Spiritua-*
lem, quâ corpus & sanguis Domini sistuntur præsentia spiritui
communicantis seu fidei, quæ est teste Apostolo Heb. ii. 1. *re-*
præsentatio eorum, quæ sperantur & demonstratio rerum, quæ non
videntur. Negant autem corporalem, id est, eam, quâ
Christus corporaliter & indistanter sub speciebus panis & vini
esse fingitur, ut ore corporis recipi & manducari possit ac de-
beat.

II. Huc igitur redit cardo quæstionis; *An corpus &*
sanguis Domini post consecrationem realiter contineantur sub specie
panis & vini in eodem spatio, quo panis & vinum antea contine-
bantur, ita ut orakiter & à piis & ab impiis accipiantur? Pontifi-
cii affirmant: nos autem negamus. Audiamus igitur, quî
D. J. Ctus Papicolarum affirmativam tueatur! *Veram & realem*
corporis & sanguinis Christi præsentiam, inquit, *omnes Evangeli-*
stæ uno ore asserunt: Sed quid hoc quæso ad rem? cum nos
eandem eam illis uno ore asseramus. Edoceat autem nos
D. J. Ctus vel ex uno Evangelistarum *corporalem & localem cor-*
poris & sanguinis Domini sub speciebus panis & vini præsen-
tiam, quam Papicolæ credunt, & erit nobis magno Papico-
larum Christophoro major! Ne autem pergat, ni velit oleum
& operam perdere, provocare ad caput sextum Johannis:
cum in illo de Sacramentali manducatione & bibitione Chri-
sto non sit sermo: id quod evidentissimè probatum dabo.
Loquitur Dominus 1. de manducatione, sine qua homo non
potest salvari: ut liquet verbis à D. J. Cto citatis v. 53. Amen,

amen

amen dico vobis, nisi ederitis carnem filii hominis & biberitis ejus sanguinem, non habebitis vitam in vobis: Talis autem est sola manducatio spiritualis, non corporalis; nisi D: Jctus velit, omnes eos, qui hostiam non comedunt, damnari. 2. Addit Dominus *vers. seq.* dicens; *Qui edit carnem meam & bibit meum sanguinem, habet vitam aeternam*: at à multis ore percipitur Sacramentum, qui vitam aeternam non habent. 3. Domino sermo est de manducatione, quæ tum temporis fieri poterat: Loquitur enim non in futuro sed in presenti; *Ego sum panis ille vita vers. 35.* non, ego ero. Item *hic est panis ille, qui è caelo descendit, ut, qui edit ex eo, non moriatur vers. 50.* Porro, qui edit carnem meam & bibit meum sanguinem, habet vitam aeternam *vers. 54. &c.* At S. Cæna tum nondum erat instituta, qui ergò commendasset manducationem externam Sacramentalem? Frustra regerit Bellarminus, Dominum loqui *ψ. 51.* de futuro, *Panis, quem dabo &c. manducationem autem per fidem esse rem omnium temporum*: nam (a) apud eundem *Joh. 6. 4. 14.* Christus dicens; *aqua, quam ego dabo, etiam loquitur in futuro de Spiritu, qui tamen omnium temporum fuit, (β) verbo dandi in futuro respexit Dominus ad mortem suam, quæ adhuc futura erat.* 4. Idem ostendit Salvator *ψ. 35.* docens, per fidem sedari famem & extinguere sitim: & *ψ. 63.* dicens; *Spiritus est id quod vivificat, caro non prodest quicquam: verba, quæ ego loquor vobis, Spiritus sunt & vita sunt.* Sed erudiant Catholicum Jctum Catholici Theologi. Sunt eorum numero haud pauci, etuditionis nomine celeberrimi, qui veritatem hinc nobiscum agnoscunt, docentes Christum hoc incipite agere de sola manducatione spirituali. Inter hos est Cardinalis Cusanus *Epist. 7. ad Bohemos*, Tapperus in *Explic. art. 15. Lovanienf.* Hesselius in *lib. de communion. sub utraq. spec.* Jantenius *cap. 59. Concord.* Cajetanus in *3. part. q. 80. art. ult.* Biel *lect. 84. super canon. Miss.* In toto illo capite, inquit hic posterior, Dominus loquitur de manducatione & bibitione spirituali,

non carnali, neque Sacramentali. Sic sentiunt etiam Ferus, Valdensis & alii, quibus adde nuperum Capucinum vestrum Josephum de Lens (cui caput ita contritum à Celeb. Netheno nostro, ut fari non amplius valeat) qui ad Thef. VI. *Disp. de Transubst.* ejusdem Netheni ita responderet. *Est porro notandum, quòd, quando Christus dixit illa verba; nisi manducaveritis &c. nondum instituerat Sacramentum corporis & sanguinis sui sub panis & vini speciebus.* Etiam præter Maldonatum, & Salmeronem, Bellarminus lib. 1. de *Euch. c. 5.* fatetur, Christo usque ad *ψ. 51.* de manducatione spiritali sermonem esse: sed quæ ratio mutati sermonis? utitur utique Christus iisdem vocibus agitque de eadem re. Quin ipsè Papa Pius II. Taboritis, ex hoc capite Johannis restitutionem calicis urgentibus, respondit, *Christum loqui tantum de manducatione spiritali.* Cui etiam concinit Innocentius III. lib. 4. de *Myster. Missæ cap. 14.* In hos jam Papas & Papistas suos *ὑπεραδελφὴν* suam, qua se in nos affici testatur, eò quòd hæc verba non intelligamus & non more Papistico de manducatione orali capiamus, D. J. C. ut effundere potest.

III. Nihil interim D. J. C. ut ex hoc capite adfert, quòd ipsius de præsentia corporali & manducatione orali opinio stabiliatur. Verum est, 1. *carne[m] Christi esse verè cibum & sanguinem ejus esse verè potum ψ. 55.* Sed quid inde pro Papistis? num caro & sanguis Christi non possunt verè esse cibus & potus, nisi corporaliter percipiantur? Christus dicitur *lux vera Joh. 1. 9.* an propterea debet esse *lux visibilis*? Caro Christi est verè cibus, sed *mentis & fides*, non *oris & ventris*; sumitur credendo, non autem mandendo. Audi Augustinum. *Quid parvas dentes & ventrem?* ait is in *Psal. 98.* *crede & manducaſti.* Audi & Cajetanum vestrum. *Dicitur hoc,* ait ille in h. l. *ad significandum, quòd caro sua & sanguis suus naturalis, id est, mors sua non falsò non opinione, sed secundum veritatem, habeat rationem cibi & potus animæ, id est, alimenti perfecti.* Verum etiam est

est 2, Christum esse panem illum vita vers 35. eumque dicere, panem, quem ego dabo, caro mea est, quam ego dabo pro mundi vita ꝑ. 51. Sed quæ quæso inde consequentia? Ergò Christus corporaliter sub speciebus panis est præsens & manducatur ore corporis. Interroga, inquis, puerum vel mediocriter versatum in Catechismo suo, quæ caro pro mundi vita data fuerit? & promptissimè tibi respondebit de vero humano Christi corpore, non autem de figura corporis. Hem virum! quem oppugnat? Interroga & tu puerum, vel mediocriter in Religione Reformatà versatum, quam carnem pro mundi vita datam esse Reformati statuunt & illico tibi respondebit de vero humano Christi corpore, non autem de figura corporis. Distinguendum est inter verba & rem ipsam: verba sunt figurata: res autem significata est verissima, videlicet arctissima cum ipso Christo communio. Sic cùm Christus dicit Joh. 14. & 15. Ego sum vita, ego vitis, modus loquendi est figuratus: sed res verissima est: nam verè nemo ad patrem nisi per Christum venire potest: verè dat fidelibus Spiritum suum, ut vitis succum palmitibus. Sed argumentaris; Christus dixit, panem, quem in S. Cæna daturus erat, esse talem carnem, quam daturus sit pro mundi vita Joh. 6. 51. Atqui Christus veram carnem, non autem figuram carnis pro mundi vita dedit: Ergò sequitur, panem in S. Cæna veram Christi carnem & non figuram carnis Christi esse. Egregium argumentum scilicet: quod laborat quatuor terminis. Intelligit Christus in *Majore* per panem humanam suam naturam, ex B. Virgine assumptam, adeoque rem in S. Cæna significatam: Tu autem in *conclusionè* per panem intelligis panem naturalem & propriè dictum, quem in corpus Christi mutari fingis. Sume vocem panis in *conclusionè*, ut sumitur in *Majore*, & concedemus totum argumentum.

IV. Dicis, Christum duplici jurejurando confirmare, nos suam carnem in S. Cæna ore percipere. Dico ego, D. JCrum dupliciter hîc lædere veritatem: nam 1. falsum est, amen,
amen

amen esse iusjurandum, 2. etiam falsum est, ipsum loqui de manducatione orali. Annon hæc asseverandi formula etiam adhibetur in sententiis figuratis? audi eundem Christum Joh. c. 10. *Amen, amen dico vobis, qui non ingreditur per ostium in ovile &c.* Judæi litigantes ac dicentes *Ÿ. 52. quomodo potest hic nobis carnem suam manducandam dare?* non erant Reformati, ut scribis: sed potius Pontificii: putabant enim, Christum loqui de manducatione orali & corporali: Sed Dominus eos reprehendit *Ÿ. 61. 62. Hoccine vos offendit? si igitur spectaveritis filium hominis ascendentem eò, ubi erat prius? Ubi, quod ex verbis suis offenderentur, id quod de spiritali manducatione dixerat, ad corpoream traducentes, haud obscure illos arguit, eisque, ut ab hac carnali imaginatione abstrahat, & ad manducationem spirituales adducat, futuram suam ascensionem proponit. Vide Augustin. Tract. 27. in Joh.*

V. Quod addis, *Mannam, Agnum paschalem & Petram fuisse figuras S. Cæne*, falsissimum est. Sacramentorum N. Testamenti non fuerunt ullæ figuræ, à quibus ut Sacramenta fuerint præfigurata. Sunt quidem respectu Veterum Sacramentorum *ἀντίτυπα* vel similes figuræ (representant enim eundem Christum, quem etiam veteres representarunt 1. Cor. c. 10. *Ÿ. 3. 4.* ità ut inter ea non detur differentiæ realis, sed tantum gradualis.) Sed non *ἀντίτυπα* vel exemplaria in illis expressa. Loca, quæ citas ex 1. Cor. 10. 5. 6. Heb. 8. 5. & 9. 9. 10. quid quæso ad rem? ubi in illis vel minimum gry, quod Manna, Pascha & Petra fuerint typi nostrorum Sacramentorum? Quid? annon Paulus expresse refert Mannam & agnum Paschalem ad solum Christum 1. Cor. 10. 4. *Petra vero illa erat Christus*, & 1. Cor. 5. 7. *Etenim pascha nostrum pro nobis sacrificatum est, nempe Christus?* Annon & Christus ipse ad se tantum refert Mannam, tanquam ad verum panem vitæ Joh. 6. *Ÿ. 35. &c.*? En quàm abutaris Dei verbo! A Bellarmino l. 1. de Euch. c. 3. etiam sanguis federis, cujus mentio fit Heb. 9. 20. figu-

figura Eucharistiæ constituitur & non passionis Christi. An hoc non est Spiritui Sancto in faciem contradicere?

VI. Verum est, Apostolum dicere 1. Cor. 11. 27. *eum, qui indignè manducat panem hunc vel bibit poculum hoc Domini indignè, reum teneri corporis & sanguinis Domini.* Sed quid inde pro præsentia corporali sub speciebus panis & vini? quid pro manducatione orali? Aliud utique longè est corpus & sanguinem Domini edere & bibere indignè, & aliud edere & bibere panem hunc & poculum hoc indignè: Posterius dicit Apostolus, non prius. Et certè tantum abest, ut quis ipsum corpus Domini ad iudicium & mortem edere possit, ut potius, quisquis illud edit, habeat vitam æternam, dicente ipso Christo Joh. 6. 54. *Qui edit carnem meam & bibit meum sanguinem, habet vitam æternam.* Audi Augustinum. Sacramentum, ait in tract. 26. in Joh. (id est, sacrum signum) corporis & sanguinis Christi de mensa dominicâ sumitur, quibusdam ad vitam, quibusdam ad exitium. Res verò ipsa, cujus & Sacramentum est (id est ipsum corpus & sanguis Domini) omni homini ad vitam, nulli ad exitium, quicumque ejus particeps fuerit. Quisquis ergo indignè manducaverit hunc panem, reus tenetur corporis Christi, non manducati, sed spreti & contumeliâ affecti in Symbolis, suam dignitatem à corpore Christi habentibus, à Christo institutis sanctoq; usurpari jussis. Reus est rei significatæ, licet tantum attingat signum. Audi Concilium Nicenum II. *Quemadmodum, inquit id Act. 6. despiciens imaginem Imperatoris non aliter castigatur, quam si ipsum imperatorem contumeliâ affectisset, cum tamen illa ipsa imago, præter lignum & colores nihil sit: eodem modo, qui typum sive figuram alicujus ignominia afficit, in illum ipsum, quem typus representat, injurius est.* Ad effugia, quibus hîc D. J. C. utitur, responsum vide infra num. xxx. ubi eandem cramben recoquit.

VII. Conatur jam Vir Reformatos Syllogismo illaqueare: quàm firmiter, videamus. In S. Cæna est illud corpus,

quod pro nobis in crucem datum, Luc. 22. 19. & ille sanguis, qui pro multis fuit effusus in remissionem peccatorum. Matth. 26. 28. Atqui verum & reale Christi corpus fuit verè pro nobis in crucem datum, & sanctus ejus sanguis fuit verè effusus pro multis in remissionem peccatorum &c. Ergo etiam est in S. Cœna. R. Concedendo totum argumentum. Quis enim Reformatorum unquam docuit, in S. Cœna non esse verum & reale Christi corpus? Nomina mihi tales Reformatos, vel fatere, te maximam illis inferre injuriam. Sed illaqueo illaqueantem. In S. Cœna (id est, juxta vos, sub speciebus panis & vini) est illud corpus, quod pro nobis in crucem datum & ille sanguis, qui pro multis fuit effusus in remissionem peccatorum. Hæc est tua Major. Jam lubsumo: atqui verum, reale, visibile & palpabile Christi corpus fuit verè pro nobis in crucem datum & sanctus ejus sanguis fuit verè visibiliter effusus pro multis in remissionem peccatorum. Ergo etiam in S. Cœna (id est, juxta vos sub speciebus panis & vini) est verum, reale, visibile, palpabile Christi corpus & sanguis. Minorem non audes negare: Ergo conclusio, licet vobis maxime adversa, stat inconcussa.

VIII. Addis, Christum ad Apostolos dixisse hæc disertis & clara verba, accipite, edite, hoc est corpus meum, qui ergo Dei omnipotentis in verbis tam disertis fidem non habeam? R. Sunt sanè hæc Christi verba, cum antecedentibus & consequentibus, cum aliis locutionibus Sacramentalibus, cum locis parallelis & indubitatis fidei Christianæ articulis collata, tam clara & perspicua, ut vestram in excogitato inde Transubstantiationis figmento cœcitatem non queam satis admirari. Accipit Dominus, testantibus id Evangelistis & Paulo, panem & gratiis actis fregit & dedit discipulis & dixit; accipite, edite, hoc est corpus meum. Cœcus sit, oportet, qui non videat, pronomem hoc hic poni loco nominis, quod præcessit, adeoque sensum esse; panis, quem accepi, quem fregi, quem vobis manducandum dedi, hic panis est corpus meum. Et quæso, an non hoc in primo symbolo debet sumi, ut sumitur in secundo; cum

cum sit eadem utriusque ratio? jam verò in secundo manifeste refertur ad poculum, Luca & Paulo verba apud Matthæum & Marcum obvia *istud hoc est sanguis meus*, in hunc modum interpretantibus *istud hoc poculum est N. Testamentum in meo sanguine*: qui ergò non pariter in primo? Hoc jam cum extra omne dubium sit, quemadmodum & ex Vestratibus (teste Suarez tom. 3. in 3. p. Th. disp. 38. sect. 7.) agnoscunt Ochamus, Holcotus, imò ipse Bonaventura Cardinalis, patet utrique evidentissimè, hæc Christi verba non esse propria, sed figurata; cum substantia panis nec sit nec dici possit substantia corporis Christi. Agnoscit hoc nobiscum Salmero, Jesuitarum facile doctissimus. Si Christus, inquit Tom 9. Tr. 20. dixisset, *hic panis est corpus meum*, cogeremur ad figuram recurrere. Agnoscit etiam Bellarminus l. 1. de Euch. c. 7. scribens. *Hæc propositio, panis est corpus meum, est omnino absurda & impossibilis, nisi sumatur figuratè, id est, ut panis significet corpus.* Frustra dixeris, *vocem istam & istud differre genere*: quid enim, frequentius, quàm pronomen in genere rei non antecedentis, sed prædicati consequentis, stare. Vide *his Matth. 7. 12. Gal. 4. 24. Luc. 8. 14. &c.* Cum his jam confer alias locutiones Sacramentales *Gen. 17. 10. 11. Exod. 12. 11. Tit. 3. 3. &c.* & in omnibus observabis eundem tropum. Quin figuratum esse eum Domini sermonem, evidentissimè innuit Paulus, cum *est corpus* juxta ipsum sit *communio corporis*, & *est sanguis*, *communio sanguinis* 1. Cor. 10. 16.

IX. Satis proinde clarent Christi verba D. Jctæ, in quibus si omnipotenti Deo, ut scribis, fidem adeò habuisti, qui igitur delapsus es ad Pontificios? juxta quos utique hæc verba adeo non clarent; cum in iis explicandis magis à te invicem dissideant, quàm capita vulpium Simlonis, caudis unitarum, à te invicem averfa. Quod alter adstruit, alter destruit. Videamus primam verborum Christi voculam hoc? quot non de eâ apud vos litigia? Quidam, teste Suarez l. c. per hoc in-

telligunt panem, ut Bonaventura, Ockhamus, Holcotus. (Sed ne-
 veriant Transubstantiationem, corrumpunt copulam EST,
 dicentes EST idem valere ac FIT, TRANSIT, aut CONVER-
 TITUR) Alii per hoc intelligunt accidentia panis, ut Ruardus
 art. 13. Alii corpus Christi, prout est in se. Alii corpus Christi,
 prout est sub accidentibus panis, in termino prolationis verborum,
 ut Alensis, Mansilius, Biel &c. Alii aliquid commune substantia
 panis ac corpori Christi. En Cadméos fratres: quorum tres
 priores refutat ipse Suarez. Alii, inter quos est Vincentius
 in Specul. Histor. l. 2. c. 37. volunt hoc habere vagam & simplicem
 demonstrationem, sicut Tu, cum quis dicit, Tu aperi, & nescit,
 quis sis inane. Sed hujus sententia displicet Alensi part. 4. q. 10.
 m. 4. art. 2. Vult enim per hoc demonstrari signatum per panem
 transubstantiandum in corpus Christi. Alensis autem sententia
 rejicitur à Bonaventura in 4. sent. dist. 8. part. 2. art. 1. q. 1. qui
 præten- dit per hoc demonstrari panis substantiam. Displicet
 autem hæc opinio Thomæ 3. part. 9. q. 78. art. 5, qui per hoc nom-
 substantiam panis, sed id, quod communiter se habet ad panem &
 ad corpus Christi, vult intelligi. Refellit Thomam Richardus
 in 4. sent. dist. 8. art. 3. q. 1. qui vult hunc esse sensum, hoc est
 corpus meum, id est, aliquid sub hac specie præsens vel de propinqua
 futurum, est corpus meum. Richardum refutat Scotus in eand.
 dist. q. 2. 23. qui vult hoc demonstrare singulare entis, & non
 per se singulare alicujus minus universalis, quam ens. Scotum in-
 fugam conjicit Aquarius Thomista in addit. in Capreolum in 4.
 sent. dist. 10. concl. 5. Hoc, ait, signum demonstrativum non dicit in-
 dividuum entis, sed substantie. Elicitur ex S. Thoma 3. p. q. 78.
 art. 6. Et ratio est, quia demonstrando hanc substantiam, demon-
 stratio est certissima; quoniam hæc substantia est corpus Christi: sed
 si diceret ens, potuisset etiam intelligi de accidente: ergo &c. Ubi
 nota, quod hæc conclusio est contra Scotum, volentem sensum propo-
 sitionis esse istum; hoc est corpus meum, id est, hoc ens est cor-
 pus meum. Ab hoc Aquario abit Marilius: ait enim, sensum
 esse,

esse, id in quod convertitur panis, est corpus meum. A Marfilio dissentit Ochamus: putat enim sensum esse, hoc erit corpus meum. Ochamo calculum renuit Sotus: ait enim, se nescire, quis sit verus sensus hujus propositionis. En Cadméos fratres! en Babelem novam novè confusam! Alii cum videant, quod se hinc non queant extricare, prætendunt, per hoc nihil demonstrari. Sic sentiunt Durandus in 4. dist. 8. q. 2. & Auctor Glossæ dist. 2. de Consecr. Imò ipse Papa Innocentius III. l. 4. de Myst. Miss. c. 17. qui etiam vult, Christum tunc confecisse cum benedixerit, adeoque hæc verba hoc est enim corpus meum, non esse consecrationis formam, ut hodie Papistæ credunt: censet proinde, facile tolli omnes difficultates, si dicatur, Christum voluisse, ut Apostoli enuntiatum proferrent, sed non userentur eo enuntiativè sed recitativè. Credisne hoc D. J. Cte? certè si hodie huic Papæ, qui tamen est faber transubstantiationis vestræ, crederes, vix virgas Ecclesiæ vestræ hodiernæ evasurus esses.

X. Adcò ergò juxta vos clara sunt Christi verba, ut ne quidam sciatis, quid per primam voculam intelligere debeatis: niti tu forte oculatiores sis Theologis vestris. Lector, ait Catharinus vester Tr. 2. consideret laborem & angustiam, usq. pene dixerim ad necem, fere omnium scribentium, dum rogati, quid significet pronomen illud hoc, tot & tanta scribunt & adeò varia, ut valeant ad insaniam redigere Lectorem. Solet quæri, inquit Auctor glossæ l. c. quid demonstratur per hoc: aut panis, aut corpus Christi? agedum quæro idem ex Te D. J. Cte? Non panis, ait ipse, quia ille non est corpus Christi: nec corpus: quia non videtur, quod ante totius formæ prolationem fiat transubstantiatio. Quid ergo demonstrari putas? num forte accidentia panis? at illa ad primam istam voculam non sola extant, ne jam addam, absurdum fore, accidentia esse corpus Christi: an vatum quiddam, quod Sacerdos teneat manibus? at quæro pariter, quid Sacerdos teneat manibus? num panem? an corpus, an accidentia panis? Responde D. J. Cte? Sed ne cum Elffio tuo, (nupero tecum apostata) qui lib. supr. cit. Tr. 2.

c. 2. vult, pronomen hoc demonstrare corpus Christi, sed obscure, quod
tum clarè exprimat per corpus meum: quæro enim, an ad prola-
tionem *hæc* ad sit verū & reale Christi corp^o (sive jam obscure,
sive clarè, quod nihil ad rem) an non? Si prius: Ergo ante formæ
prolationem fiet transubstantiatio: Si posterius: quomodo per
hoc intelligetur corpus? præterea juxta hanc sententiam talis
obtinebit sensus, *hoc* (i. e. corpus meum obscurum) est corpus
meum; quâ expositione quid absurdius? Ne etiam dic cum
Card. Perronio *hæc* esse significationis transitoria & permanentis,
denotare in principio prolationis panem, in fine autem corpus: nam
unde demonstrabitur, eandem vocem in eodem sermone
prolatam sine ulla mutatione duplicis & quidem adeò diversæ
esse significationis? Verum est, Christum de aqua in vinum con-
versapotuisse dicere, *hoc est vinum*: at quid hoc ad rem? cum ver-
ba ista *hoc est vinum*, sint merè declarativa rei, quæ jam erat:
non conversiva unius substantiæ in aliam, qualia vultis esse ver-
ba *hoc est corpus meum*:

XI. Præterea, si verba illa adeò clarent juxta vos, dic
mihi, quid sibi velit secunda vocula *est*? est ne accipienda pro-
priè an impropriè: si prius: offendis bonum vestrum Bonaventu-
ram (qui adeò bonus fuit, ut etiam venerit in Album Sancto-
rum) is enim vult *est* idem valere ac *transit*: si posterius, of-
fendis vestrum Suarez, qui Bonaventuram hoc nomine refu-
tat tom. 3. in 3. p. Th. d. 58. S. 7. Præterea dic mihi, an verba illa,
hoc est corpus meum, sint forma hujus Sacramenti, an vero non?
Si prius: vapulas à Papa vestro Innocentio III. Si posterius, va-
pulas à Papa vestro Paulo V. Vide de his litigiis papalis apud Chri-
stoph. vestrum de Cap. Font. Tr. 5. f. 123. Porro, an verba hæc pro-
ferantur à ministro recitando tantum, an etiam significando: si
prius censes, habes tibi adversantes Marsilium, Gabrielem & al-
ios. Si posterius: Durandum, Majorem, Ochamum, Mirandulam
& alios, de quo vide Suarez disp. 58. S. 4. Porro, an conversionem,
quam per hæc verba fieri existimas, censeas esse productivam,
an

an *adductivam*, an vero *conservativam*? si prius placet, places quidem Thomistis, sed displices Scotistis: improbat enim quàm maximè Scotus in 4. dist. 11. q. 3. n. 23. transubstantiationem Thomæ & Thomistarum *productivam*, ut quæ non possit esse ad præexistens. Si secundum, displices è contrario Thomistis, utpote quibus *productiva* tantum arridet. Vide Thomam p. 3. q. 75. artic. 2. Si tertium: places quidem Bieli, qui lect. 40. in Can. Miss. lit. P. vult Transsubst. esse actionem *conservativam* corporis Christi, præexistentis in suo esse præhabito: sed displices præter Thomistas, ex recentioribus Tirino, Gamachæo, Pesantio & aliis: & præter Scotistas, multis Nominalibus, ut Majori, Francisco Mayron & aliis. Sed quorsum evagor? omnes Cadmeas vestras de his 4. tantum Christi verbis similitates si recensere vellem, quantæ molis librum illæ solæ non essent constituturæ? Ut verbo absolvam, quod res est: sunt apud vos, velut in Ægypto spiritali crassæ & palpabiles tenebræ, in quibus Andabatarum more inter vos pugnat: cùm è contrario apud nos, velut apud Israëlitas in terra Gosen, verba Christi sua luce radient. Unico in Scripturis usitatissimò tropo, quem verba ipsa, sine præiudicio inspecta, insinuant, & quem doctissimi vestrum agnoscunt, veritas nitet quàm serenissimè & omnes vestræ ineptæ fluctuationes, velut atra quædam nox, fugantur. Hinc est omnium nostrorum Doctorem & Ecclesiarum per totum Christianismum & extra eum in Indiis & ubique degunt, una eademque sententia & semper fuit (nam si unus vel alter, quod Bellarminus objicit l. 1. de Euch. c. 8. abiit ex Papatu tenebris primùm eductus, fuit tum ipsius sententiæ, utpote privata, vix ulla habita ratio & nunc prorsus nulla) per rō hoc intelligi panem, adeoque tropicam esse locutionem: sensum esse, *hic panis est signum corporis mei*, vel (quod eodem redit) *significat corpus meum*. Et mirandum, quī Papicolæ hunc unicum, in omnibus Sacramentis usitatum, tropum (metonymiam) adeò refugiant: cum illi ipsi, quantopere etiam τὸ ἐν τῷ crepent, multo plu.

plures, imò decem in materia de S. Cœna admittant tropos, ut suo loco demonstrabitur.

XII. Audiamus jam porrò D. JCrum? Conatur nunc Molinæum nostrum, *maximum Reformatorum Controversistam*, ut vocat, refutare (en JCrum animosum, qui cum Theologorum maximo in arenam descendere non dubitat!) Quàm feliciter, videamus! *Accepit Christus*, ait Molinæus, *panem, eumque panem discipulis datum vocavit corpus suum: Credendum ergo, panem illum, quem Christus fregit ac dedit, fuisse ejus corpus, adeoque falsò Ecclesiam R. credere, non esse post consecrationem amplius panem.* R. D. JCrus, hoc responsum ex parte Pontificium & ex parte Lutheræum esse ac tandem ab ipsomet Molinæo rejici. Hem virum! qui, nā crassissimā Ref. Religionis laboraret ignorantia, itā non responderet. Vocat Christus ex mente Molinæi panem corpus suum, non naturale: sed sacramentale, id est, signum corporis sui: quā sic Molinæus contradicit cæteris Reformatis? qui sibi ipsi? Si panis, inquis, per consecrationem mutatur in Christi corpus, ut ipse Molinæus fatetur: ergò corpus Christi in S. Cœna necessario debet esse præsens & percipi à communicantibus. R. cōcedendo totum: quis enim negat, corpus Christi in S. Cœna percipi à fidelibus? Sed forte sic vis concludere: Ergo corpus Christi corporaliter præsens est sub accidentibus panis & percipitur oraliter à communicantibus: sic autem negamus Consequentiam; utpote quæ ex illo antecedente, intellecto de mutatione morali & mysticā, ut Molinæus intelligit (non physicā & reali) non procedit. Dixit Dominus juxta Paulum 1. Cor. 11. 24. *hoc est corpus meum, quod pro nobis frangitur.* Quærit hinc Molinæus, num corpus Christi in S. Cœna realiter frangatur, an vero Sacramentaliter tantum? hærent hîc Papicolæ, nescientes, quid dicendum sit. Si posterius dicant, fatendum ipsis, id, quod Christus tum fregit & discipulis in manus dedit, fuisse ejus corpus Sacramentale. Si prius eligant, injurii sunt in D. Jesum, qui jam non amplius pati nec frangi potest. 2. Adversantur Missæ & Propriis Bibliis, quæ habens in futuro frangeretur.

3. Contradicunt sibi ipsis: Credit enim Ecclesia R. quod, si Sacerdos hostiam frangat, frangantur tantum accidentia, integro manente corpore Domini sub quavis particulâ. Conatur tamen D. J. Ctus elabi. Quàm commodè, videamus. Vult verbum *frangitur* referri ad futuram mortem crucis, & non ad S. Cœnam. Laudamus hîc viri contra Jesuitas suos animositatem, utpote quibus sic in faciem contradicere non dubitat. Docent illi verba *frangitur, datur, effunditur* respicere S. Cœnam. Sic Jesuita Bailius *Summ. Controv. Tr. 3. q. 19.* Sic Stalenus *Defens. Miss. contr. Joh. Nethen. cap. 2.* Sic Bellarminus *l. 1. de Miss. c. 12.* & plerique alii. Audiat jam tantum D. J. Ctus dilectum sibi in apostasiâ socium, Jesuitam Elffium. Verbum *διδομεν* datur, ait ille lib. c. p. 272. ad *presens* aut *præteritum* tempus, & non ad futurum referri debet. En suavem Dominorum Apostatarum harmoniam! Vellem interim, meliùs D. J. Ctus contra Jesuitas suos istam temporis enallagen (quam & nos agnoscimus & in sequentibus firmiùs stabilitemus) probâisset. Licet, inquit, in textu Græco occurrat *presens* frangitur, non futurum frangetur: de futuro tamen intelligendum esse liquet ex locis Matth. 26. 21. & Marc. 14. 18. Ubi secundum textum Græcum de Juda in *presenti* dicitur, unus ex vobis prodit me, & tamen de futuro intelligendum &c. At quid est veritati in faciem contradicere, si hoc non est? *ἄλλωδὲ ἐστὶν ἐνεσθὲν* D. J. Cte? an non est 3. persona *futuri*? atqui loc. cit. habetur, *unus ex vobis ἄλλωδὲ με προδέτ με.* Num etiam in infimarum Scholarum discipulo hoc vitium ferendum? Æquè verè scilicet provocas ad *Jes. 9. 9.* & *53. 5.* nam in illis ponitur quidem *præteritum* pro *futuro* (מחולל יד) singulari enallage prophetica (de qua ita R. Elias in *Sepher Habbachur* p. 19. ודרך המקרא לדבר כלשון עבר במקום עתיד וזה. i. e. *mos est Scriptura, ut loquatur in præterito pro futuro; & hoc ut plurimum fit in verbis prophetis, quia res tam clara coram Deo est, ac si jam facta esset.*) sed non *presens*. Non minùs ridiculum, quòd dicis Zach. 9. 9. *occurrere presens pro futuro*: cùm occurrat ipsum futurum,

וְהָיָה כִּי יָבֹא מֶלֶךְ רֵעִי *Rex tuus veniet tibi.* Ut ergò in posterum felicius
 urgeas istam temporis enallagen, en loca! Joh. 10. 15. dicit Chri-
 stus, *animam meam: nō ponō* (i. e. dñm ponam) *pro ovibus.* Et
 Matth. 16. 28. *Iterum aq̄m relinquo mundum & proficiscor ad Pa-
 triem* (i. e. *relinquam, proficiscar,*) vide & Joh. 17. 11. Luc. 13. 32.
 2. Tim. 4. 6. & sic passim. Quid? in ipso Matth. 26. cap. (quod
 dissentientes à te Jesuitæ crepant) hæc enallage obtinet. Sic
 enim habetur 24. *Filius hominis abit*, i. e. *abibit*, & v. 45. *tradi-
 tur*, i. e. *tradetur*. Etiam præter canonem Missæ Vulgata Ver-
 sio vestra (quod in primis notare potes contra Jesuitas, simulq;
 observare mirabile eorum genium, dum volunt nos cogere,
 ut authenticam agnoscamus eam versionem, quam ipsi, quo-
 ties lubet, deserunt, adeoque pro authentica non agnoscunt)
 verba Græca præsentis temporis reddit in futuro *tradetur, effun-
 detur*. Favet tibi etiam hac in re contra Jesuitas Jesuita Barra-
 das *Harm. Evang. Tom. 4. l. 3. c. 4.* scribens. *Utitur Dominus præsen-
 ti tempore pro paulo post futuro: de futura enim & propinqua passione
 sunt verba intelligenda hoc sensu: Hoc est corpus meum, quod pro vobis
 passioni & morti paulo post dabitur sive tradetur, quodq; pro vobis
 frangetur.* Nec dissentit Jesuita Sain c. Matth. 26. 28. dicens.
Effundetur scil. in cruce: Græcè est effunditur, præsens pro futuro. Ja-
 cet ergò, vel te agnoscente, Jesuitarum argumentum pro suo
 Missæ Sacrificio ex *præsentis tempore* petatum, manetque illi op-
 posita Molinæ argumentatio, supra allata, inconcussa. Ob-
 serva interim porro contra eosdem, quòd, si Dominus verè se
 obtulit in *præsenti* in S. Cæna, oporteat etiam corpus ejus, non
 figuratè, sed verè fractum fuisse & per consequens hodie ad-
 huc, quoties S. Cæna celebratur, verè frangi, quod utique ab-
 surdissimum. Noviquidem, Dominos dicere, *corpus Christi
 frangi & sanguinem ejus effundi sub speciebus panis & vini.* sed sic
 se non expediunt. Dicant enim mihi, num Christi corpus sic
 verè frangatur & sanguis ejus verè fundatur, an verò duntaxat spe-
 cies: Si posterius franguntur & effunduntur species & accidentia in
 remif-

remissionem peccatorum, quod pariter absurdissimum: Si prius: suus manet eidem blasphemiae locus.

XIII. Progreditur Molinæus, *Christus* inquit *instituit S. Cœnam in sui recordationem, donec redeat 1. Cor. 11. 25. E. ipse in ea corporaliter non est præsens.* Respondes, hanc conclusionem esse puerilem. Possum utique, addis, ad hominem mihi præsentem dicere: Recordor tui, quid tibi ante aliquot annos in hoc vel illo loco acciderit: item, quàm præclara laudumq; præconiis digna facta peregeris, & propterea tamen non sequitur: Ergo ille homo, de quo loquor, non est præsens. At nîte offenderem, dicerem ego, hanc potius responsionem tuam esse puerilem. Nam 1. quis mortaliûm solet dicere ad sibi præsentem, recordor tui, quid tibi acciderit &c. 2. Licet ita præsentem alloquereris, recordatio tamen tua non dirigeretur ad præsentem personam, sed ad præteritum ejus statum vel facta, quid ergò inde pro te? possumus factorum præsentis recordari; sed non personæ: hanc enim videmus & audimus: memoria autem, dicente Aristotele, est rerum tantum absentium & præteritarum: jam verò Christus dicit: facite hoc in mei (non duntaxat in passionis & mortis meae) recordationem. Dicis, Davidem recordatum esse Dei, licet præsens Psal. 42. 7. &c. Etiam Davidem non semel oblitum esse Dei, licet præsens. Recordatio illa Dei supposuit ejus absentiam à mente Davidis per incogitantiam & oblivionem, licet ei semper quoad se præsens fuerit per essentiam. Sed quid opus attributibus? asserit utique Apostolus evidentissimè, in S. Cœna esse memoriam corporis Christi absentis, cùm dicit 1. Cor. 11. v. 26. quotiescunq; ederitis panem hunc & poculum hoc biberitis, mortem Domini annuntiatis, donec venerit. Non itaque est memoria præsens, sed venientis adeoque absentis. Responde D. JCre? sed ne cum Jesuitis tuis, Apostolum loqui de adventu Christi in visibili formâ corporea, non verò de adventu secundum invisibilem præsentiâ: nam 1. supponitur gratis dari præsentiâ corporis Christi invisibilem præter visibilem, quæ probanda fuit an-

te omnia, non supponenda. 2. Pugnat hæc distinctio cum verbis Apostoli: nam quod invisibiliter venit, venit utique: jam verò vult Apostolus hanc memoriam continuari *donec venerit*: Si proinde Christus corporaliter venerit (quod Papistæ dicunt) quocunque etiam modo corporali, tunc recordatio Christi in S. cæna hodie non amplius obtinebit; quo quid quæso absurdi? Laudamus interim D. J. C. tum, quòd hæc Christi verba *hoc facite* exponat, *percipite S. Cænam*, adeoque abeat à reliquis Papiculis, qui illis ad solos Apostolos restrictis hunc affingunt sensum, *Sacrificate corpus & sanguinem*, quod quid aliud est quàm illudere Dei verbo & cum Anaxagora *omnia educere ex omnibus*? Sic corpus Christi sacrificabitur in memoriam corporis Christi: quod æquè ridiculum, ac si quis diceret, *hic agnus sacrificatur in memoriam hujus agni*.

XIV. Pergit Molinæus, *Christus accepit panem, benedixit & dedit. Dedit ergo panem. Non datur autem panis nisi post consecrationem. Erat ergo adhuc panis post consecrationem. Quid ad hæc D. J. C.?* *Non lego*, inquit, *in Dei verbo, Dominum, antequam hæc verba, hoc est corpus meum, pronuntiaverit, discipulis panem actu in manus tradidisse.* R. Non? Annon ergo expressè legis Matth. 26. 26. *Christum accepisse PANEM, benedixisse, fregisse & discipulis DEDISSE* & tum demum dixisse, *accipite, eate, hoc est corpus meum?* verbum *accipite* frustra urges: nam illud non infert panem nondum acceptum, sed finem & usum panis jam accepti. Sed non legas D. J. C. *quid tum?* quid ad rem? quasi verò consecratio fiat per verba *hoc est corpus meum*. Proba hoc tuo Papæ Innocentio III. id nobiscum neganti. Annon legitur, *Christus panem sumpsisse, benedixisse, fregisse, & tum demum discipulis dedisse*: Et datus fuit discipulis panis post *benedictionem* seu *consecrationem*. Relaberis ad caput 6 Johannis: sed ereptum tibi supra modò istud telum & in tuum ipsius caput retortum. Sunt duo Papæ, quatuor Cardinales, duo Archiepiscopi, quinque Episcopi, plurimique alii Doctores Pontificii,

ficii, qui nobiscum agnoscunt, Joh. 6. non agi de Sacramentali, sed de sola manducatione spirituali, quibustu responde, si potes: Etiam totus id innuit contextus, ut supra num. 2. & 3. demonstratum.

XV. Dicit porrò Molinæus, in *Sacramentis signum gere-
re nomen rei signata*. Petis tibi hoc demonstrari ex Scriptura. Ergo demonstro! *Circumcisio* nuncupatur *fœdus Dei* Gen. 17. y. 10. id est, interprete Paulo Rom. 4. 11, imò ipso Deo Gen. 17. y. 11. *signum fœderis*. Sic *agnus Paschalis* dicitur *transitus Jehovæ*, h. e. declarante ipso Deo Exod. 13. 9. *signum memoriale transitus tum angelis tum populi*. Sic *Baptismus* appellatur *lavacrum regenerationis* Tit. 3. 5 & *ablutio peccatorum*, Act. 22. 16. quia declarante Petro 1. c. 3. 21. est horum Christi beneficiorum antitypus. An hic *signum non gerit nomen rei signata* D. J. Cte? Quomodo jam potest aut debet in altero N. T. Sacramento dispar esse prædicationis ratio? Et quæso, dicas mihi, quomodo *peculum* dicatur à Paulo *N. Testamentum* sine hoc eodem tropo? Tu Theologorum vestrorum præstantissimis oculatiores fueris, si hoc videris. *Peculum*, ait Staplet. in Antido. Evang. in c. 22. *Luc. Iest N. Testamentum*, quatenus illud confirmat, ut *circumcisio* vocatur *fœdus*, quia erat ejus confirmatio. *Hic est calix sanguinis mei*, inquit Thomas 3. 2. q. 78. est locutio figurativa &c. His adde Bellarminum: *Non negamus*, ait ille l. 1. de Euch. c. 11. in verbo *calix* esse tropum. Et quid? anno ipse Paulus in verbis Christi, *hoc est corpus meum* hunc tropum agnoscit, dum ea explicando dicit, *panis, quem frangimus, nonne est communio corporis Christi?*

XVI. Frustra regeris, à locutionibus V. T. ad locutiones N. T. non procedere consequentiam, eò quòd in V. T. obtinuerint typi & figura, in N. autem obtineat veritas & non figura &c: nam 1. disce distinguere inter figuras rerum futurarum & figuras verborum: illæ abrogatæ sunt: hæ autem non: nisi dicere velis, quod esset ridiculum & adversus solem loqui, Christum & Apostolos nunquam tropis in N. T. esse usos. 2. Obtinuit sanè in V. T. lex um-

*bram futurorum bonorum, non ipsam expressam formam rerum Heb. c. 10. v. 1. obtinente jam è contrario ipsa veritate, id est, nato, passo, mortuo & jam ad dextram Dei sedente Jesu, qui in V. T. promissus & sacrificiis præfiguratus fuit: interim tamen & in V. T. Christus non tantum erat mediator fidelium vi & efficacia futuri meriti Heb. 13. 8. Eph. 2. 20. Apoc. 13. 8. ita ut illi fuerint servati per gratiam D. J. Christi, quemadmodum & nos Act. 15. 11: sed etiam in N. T. instituit sacra signa, panem & vinum, tanquam visibiles figuras, sigilla & pignora non venturi, sed jam exhibiti Salvatoris. Audi Bellarminum. Omnia, ait l. 2. de Euch. c. 24. Sacramenta habent sensum mysticum & FIGURAE sunt ac TYPI aliarum rerum. Habes ergò à Bellarmino tuo in Sacramentis N. T. figuras & typos. Sed en, quàm non urat allegatus de agno Palchali textus adversarios: alia ad eum est responsio D. J. Cti, alia Perronii, alia Vasquez, alia Valentiae disp. 6. q. 3. de præf. alia Rossensis lib. 2. c. 10. alia Bellarmini l. 1. c. 11. alia aliorum! Nimirum nesciunt, quò se vertere debeant Cadmei fratres. Et quis vos non miretur D. J. Cte? clamatis ad ravim usque *ἵδ' ἔνδον* esse retinendum, tropos & figuras in verbis Testamenti non obtinere, & tamen vos ipsi in tropicam locutionem juxta vestram sententiam non semel inciditis. Demonstrabo hoc ad oculum. Primum tropum statuitis in voce calix. Audi Jesuitam Salmeronem. Calix ait ille Tom. 9. Tr. 25. sumitur pro contento in calice per metonymiam. Quid verò illud sit, admodum anxie disceptatis; si sumitur pro sanguine in calice contento, tum est, dicente Jansenio Conc. Evang. p. 910. Synecdoche. Secundum in voce edite & tertium in voce bibite. Bellarminus vocem edite objicit ut præceptivam, adeoque opinione sua propriam: Maldonatus autem corpus Christi propriè manducari negat tom. 1. de Sacram. Ratio datur à Salmerone, quia ait l. c. Tr. 10. realis manducatio requirit, ut res in partes dividatur, at caro Christi est impartibilis, nec in Sacramento propriè manducatur: Figurata ergo dicitur manducari, symbolo ejus, id est, specie panis, pro-*

proprie manducata. Addit, & figuratè dicitur sanguis bibi, in ejus signo, nempe specie vini. Quartum in voce datur. Quintum in voce frangitur. Sextum in voce effunditur. Quarum quaelibet geminum involvit tropum 1. quoad rem, 2. quoad tempus. Audi Valquesium vestrum. Ego existimo ait in 3. Thom. q. 78 art. 3. disp. 199. verbum datur seu frangitur & effunditur, multo melius ad passionem & crucem referri, quam ad fractionem & effusionem Eucharistia. Quia non est effusio sanguinis in Eucharistia per modum sacrificii, sed representatio & FIGURA illius: in calice enim Domini non separatur sanguis à corpore Christi, ac proinde re ipsa non effunditur. Præterea juxta Janlenium & Salmeronem triplicem hic adinittitis enallagen temporis datur pro dabitur, frangitur pro frangetur, effunditur pro effundetur. Videte ergo viri τὸ πρῶτον, qui semper crepatis τὸ ἑνὸν & nihil de tropo in S. Cœna audire vultis, habetis hic novem tropos. His jam additis, decimum in voce Testamentum, de qua ira Jansenius l. c. Dicendum est, certum esse, hanc locutionem: hic calix N. Testamentum est, non posse accipi in proprio sensu & c. Et Salmero, Simul inest his verbis FIGURA metonymia, qua Test. Novum dicitur, cum sit ejus Symbolum. En cœcitate vestram, vociferamini ad ravim usque, esse verba Testamenti & ideo τὸ ἑνὸν intelligenda, & nihilominus in ipsa voce Testamenti tropum admittere cogimini.

XVII. Locus Pauli 1. Cor. 10. 1. 2. 3. 4. ad quem jam respondere conaris, non parùm vos premit. Patet enim ex illo 1. duo tantum esse Sacramenta N. Testamenti, quia Paulus, conferens 1. 2. 3. 4. Sacramenta N. T. cum Sacramentis V. T. duorum tantum meminit. Patet 2. tropica, in Sacramentis usitata, locutio 1. 4. Petra erat Christus, i. e. significabat. Patet 3. corpus Christi non edio corpore, sed fide. Ederunt enim omnes Patres nostri eandem nobiscum escam spirituales, & omnes eundem potum spirituales biberunt 1. 3. 4. scil. fide, qua etiam Abraham vidit diem Christi Joh. 8. 56. Patet 4. Sacramenta sub V. T. eandem gra-

gratiam spiritualem, quam notant sub N. T., significâsse, quia *ederunt eandem escam & biberunt eundem potum*, nempe *Jesum Christum* *ÿ. 3. 4.* Quæ ad hæc reponis, ne cassa quidem nuce digna sunt: Nos concedimus ultro, Sacramenta V. & N. T. differre, & quidem 1. non *solus ceremoniis*, sed etiam 2. ratione *ῥοι- νοποιίας καὶ ὁμῶς*, imò etiam ratione *claritatis*: at quod differant re significata & quidem ita, ut Sacramenta V. T. gratiam præfigurent tantum, at Sacramenta N. T. eandem exhibeant, falsissimum est; nam à Paulo hîc veteribus baptismus & cœna nostra suo modo tribuitur, doceturque, quod nobis baptismus, id ipsis significâsse nubem & transitum per mare, & quod nobis S. Cœna, id ipsis mannam & Petram denotâsse. Verum est, *Sacramenta V. T. fuisse typos & umbram*: at (1) non fuerunt typi & umbra Sacramentorum N. T. sed Christi, qui est ipsa veritas *Joh. 1. ÿ. 17.* (2) fuerunt umbræ & imagines, sed quæ eandem gratiam figurabant ac obsignabant, eundemque Christum Ecclesiæ in manum tradebant, quem N. Test. Sacramenta exhibent. *Bibebant enim ex sequenti spirituali petra: Petra verò illa erat Christus.* Quid clarius? Audi Anselmum. *Eandem escam* (inquit in h. l.) *corporis Christi, quam nos manducamus in pane, patres manducaverunt in manna & eundem potum sanguinis Christi, quem nos ex calice bibimus, ipsi biberunt ex petra, &c.* Sic & ante ipsum Augustinus. *Spiritualem eandem, quam nos, etiam manducaverunt.* Et porro. *In signis diversis eadem fides.* Et rursum. *Spiritualē utiq; eandem: sed corporalem alteram.* Sacramenta illa fuerunt, in signis diversa sunt, in re, qua significatur, paria sunt. *Tract. 26. & 45 in Joh.* Et quid D. J. Cte? Annon Theologorum vestrorum præstantissimi docent, *circumcisionem contulisse justificationem ex opere operato.* Sic sentit Alexander *par. 4. q. 7. m. 7. ar. 4.* Bonaventura, Scotus, Biel in *4. dist. 1.* imò omnes Franciscani & qui eorum Theologiæ favent, quæ imprimis tum Ecclesiæ auctoritate in genere tum in specie Doctorum, ut Augustini & aliorum defenditur à Josepho Angles in *Flor. in 4. sent.* Hi, inquam, omnes statuunt nobiscum

biscum contra Bellarminum & Jesuitas, Thomam & Thomistas, circumcisionem, licet fuerit umbra & figura, à baptismo ratione efficaciz & modi conferendi gratiam nihil differre: cur ergò cetera V. T. Sacramenta, eò quòd fuerint umbræ & figuræ, à nostris hoc nomine differrent?

XVIII. Notandum præterea, quod vel unum toti liti decidendæ sufficere posset, linguam Hebræicam & Syriacam, quâ Christum locutum esse vel ipsi adversarii diffiteri non possunt, voce *significat* vel *representat* prorsus destitui, sed illius loco semper uti verbo *Est* aut expresso aut subaudito, prout hoc, si efflagitaret necessitas, innumeris Scripturæ locis confirmari posset. Sufficiant jam, brevitatis gratiâ, hæc pauca. Sic Gen. 40. y. 12. dicitur. *Tres illi palmites sunt tres dies.* Et y. 18. *Tria illa canistra sunt tres dies.* Sic Gen. 41. 26. *Septem illa vacca bonâ formâ sunt septem anni.* & *septem illa spica bonâ formâ sunt septem anni.* Vide porro vers. 27. & Exod. 32. 4. Dan. 2. 38. & 4. 20. 21. & 7. 17. & 8. 20. &c. Sic ipsa Vulgata Versio Ezech. 17. 12. verba *Et hæc sunt* vertit, *significent.* Etiam eadem phrasis Hebræica in ipso N. T. est frequentissima. *Septem capita sunt 7. montes inquit Johannes Apoc. 17. 9.* Item y. 12. *Decem cornua sunt decem Reges.* *Ager, inquit ipse Christus Matth. 13. 38. EST mundus: bonum verò semen SUNT filii regni: zizania verò SUNT filii illius improbi.* Vide porro in eod. cap. vers. 19. 20. 22. 23. 39. &c. Et in ipsa materiâ Sacramentorum Gen. 17. 10. Exod. 20. 20. 1. Cor. 10. 4. &c. Magna proinde temeritas est Jesuitæ Maldonati in cap. Matth. 26. negantis, *verbum substantivum aut Latine aut Græcè aut Hebræicè, aut ulla prorsus in lingua, aut apud alium ullum autorem pro verbo significat accipi solere aut etiam posse; hominesque imperitissimos, qui id dicant esse affirmantis.* Vah mendacem locum! dignum, qui à Socio in fugam disjiciatur. Est is Jesuita Cornel. à Lapide, qui in c. 40. Gen. rotundè fateatur *est* pro *significat* accipi. *Tres dies sunt. Sunt, inquit, id est, significant.* &c. Christus proinde cum linguâ, quâ locutus est, non potuerit dicere;

Hoc significat corpus meum, quid certius, quàm ipsum sectatum esse & usurpasse modum loquendi ordinarium & in Sacramentalibus locutionibus usitatum? Quid D. J. Cus Molinæo hæc urgenti? Respondet, *in questione esse; an Christus voce significat uti voluerit*: At quis quæso id in dubium vocet? voluit utique usurpare modum loquendi ordinarium & in Sacramentalibus locutionibus usitatum: atqui est pro significat adhibere erat ordinarium & in Sacramentalibus locutionibus usitatissimum: ut suprà evidentissimè demonstratum. *Tres Evangelistæ* (sic pergis) *docent, Christum nullum alium sanguinem in S. Cæna bibendum commendasse, quàm qui pro nobis fuerit effusus* Matth. 26. 28. Marc. 14. 24. Luc. 22. 20. Lucam & Paulum memorare idem de corpore Christi. 22. 19. 1. Cor. 11. 24. &c. Ita est D. J. Cte! idem & nos docemus: sed quid inde pro te? jam vero, ais, extra dubium est, Christum non esse in figura pro nobis crucifixum, sed verissimè sanguinem suum sanctissimum in cruce pro nobis effudisse. Idem & apud nos est extra dubium D. J. Cte. Sed quid tandem? Quomodo igitur, inquis, sine pudore, ignominia æternoque exitio dici potest aliter, quàm verum Christi corpus, verumq. ipsius sanguinem &c. porrigi nobis in S. Cæna accipiendum? At quousque tandem perges fumum vendere? ullusne unquam Reformatorum hoc negavit? Aliud est verum Christi corpus & sanguinem nobis porrigi in S. Cæna accipiendum & aliud, porrigi nobis accipiendum oraliter & corporaliter. Prius asserimus, sed non posterius. En ergò quàm bene Vir Reformatam Religionem, quam tot annos professus est, intellexerit! Addis, *verisimile ne esset, cum, vel satente Molinæo, lingua Græca, quâ N. Testamentum conscriptum esse constat, vocabulis, quibus id significat exprimi possit, haud destitueretur, nullum Evangelistarum vel Apostolorum ad minimum aliquam de hac re mentionem fecisse?* &c. Nugæ nugarum! annon 1. decebat Sacros Scriptores verba Christi fideliter & prout erant ab ipso prolata proferre? 2. Nichil opus erat quicquam de hac re meminisse, cum esset mos loquendi Hebræis familiaris & in Scripturis, ad quas ab Apostolis omnes

omnes adducebantur, usitatissimus. 3. Cur magis Sacri Scriptores debuissent meminisse in verbis *hoc est corpus meum*, quàm in verbis *Petra erat Christus* 1. Cor. 10. 4. Ubi ipse Salmero vester agnoscit erat positum esse pro *significabat*? vel in verbis, *hoc poculum est N. Testamentum*? ubi ipsi præstantissimi Theologi vestri tropum admittunt, ut supra audivimus. Addis porro, nondum probatum esse, quod Christus S. Cœnam linguâ hebraicâ & non potius Græcâ instituerit. En quàm se vir non torqueat! Haud dubiè instituit S. Cœnam istâ linguâ, quæ tum temporis inter Judæos erat usitata: jam verò tum temporis usitatam fuisse Hebræo-Syriacam, audi tibi probantem Jesuitam Nicquetum. *Videndum est*, ait is de Tit. crucis l. 1. c. 13 *quâ lingua tempore Christi utebantur Judæi; sine dubio enim eadem linguâ scriptus est titulus. Jam quidem insinuarimus, fuisse Syro-Chaldaicam, seu Hebraicam corruptam; sed hoc etiam probandum est: neq; melius meo judicio demonstrari potest, quàm testimoniis ex Scriptura petitis.* Adducit huc loca ex Matth. 27. 8. ex Act. 1. 19 ex Joh. 19. 13. Probat insequentibus idem ex vocabulis *pesach*, *Rabboni*, item ex verbis Christi *Heloi lama sabacthani*, *Epheta*, *thalita kumi* & aliis. *Phrasis Syriaca*, ait Jesuita Salmero Prolegom. 35. *Christo Apostolisq; gentilitia erat.* His accedit Bellarminus l. 2. de V. D. c. 4. & Widmanstadius in præf. in Elem. Ling. Syr. scribens, *Lingua Syriacæ rectè nominatur Christiana, Christo Jesu & ejus matri domestica, & eâ ætate in consuetudine Judææ totius vulgari, adeoq; à N. T. Scriptoris Hebræica dicta.* Et quî quæso Christus S. Cœnam instituisset linguâ Græcâ, cujus notitia demum Apostolis communicata fuit die pentecostes Act. 2. 4. & seq.?

XIX. Ad poculum quod attinet, hæc de eo juxta Lucam & Paulum sunt Christi verba, *hoc poculum est novum Testamentum in meo sanguine.* Quærit hinc Molinaus ex Papicolis, num id, quod poculo continetur, sit testamentum sacramentaliter, an verò realiter? Si prius, sequitur, etiam id, quod Christus fregit, & discipulis in manus dedit, non realiter, sed sacramentaliter ejus corpus fuisse:

isse: Si posterius, ergo sanguis Christi, qui juxta ipsos poculo continetur, erit ipsum testamentum & sacerdos, qui singulis diebus conficit sanguinem, conficiet etiam quotidie Dei testamentum, quod tamen Papicola non credunt. Quid adhuc D. J. Cte? Miratus sum, inquit, nonnunquam hanc questionem &c. Credo tibi D. J. Cte. Ferit vos ita cornutus ille Molinzi, ut nesciatis, quò debeatis vos vertere ad ictus ejus declinandos. Addis, docere quidem Paulum, poculum esse N. Testamentum: quòd verò in poculo testamentum sit seu contineatur, docere nec Lucam nec Paulum, adeoq; ineptam esse questionem. At miror ego mirantem. Annon, cùm Christus ait, hoc poculum est N. Testamentum, continens ponitur pro re contenta? Audi tuum Bellarminum: Non negamus, ait is l. i. de Euch. c. ii. in verbo calix typum esse &c. Dominus enim ait: accipite, bibite, hic est calix; at certè non bibitur vas, sed liquor in eo contentus. Et paulò post. Hic calix, id est, res contenta in hoc calice, sub speciebus vini est N. Testamentum dedicatum & sanctum in sanguine meo. Quì ergò jam non justissimè quærat Molinzius ex vobis, num id, quod poculo continetur, sit testamentum Sacramentaliter, an verò realiter? Quæ tu quærenti respondes, ne cassa quidem nuce digna sunt. Dicis i. quemadmodum Deus in V. T. verum agnum paschalem manducandum ad fœdus cum Israëlitis initum confirmandum & præfigurandum S. Cœnam instituerit, ita non minùs Christum in N. T. mediante exhibitione corporis & sanguinis sui in S. Cœna fecisse &c. Sed quid hæc quæso ad rem D. J. Cte? Estne hoc Molinzi respondere ad suam quæstionem? proba interim, quod toties ingeminas, agnum paschalem fuisse typum S. Cœna. Typum fuisse Christi, docet nos Scriptura 1. Cor. 5. 7. & Joh. 19. 36. collas, cum Exod. 12. 46. fuisse typum S. Cœnæ, fingit tuus Papa. Sed posito, ais 2. non tamen concessio, id, quod poculo continetur, esse Sacramentaliter Testamentum, num propterea sequetur; etiam id, quod Christus discipulis in manus dedit, sacramentaliter, non realiter, Christi corpus fuisse? quidni D. J. Cte? num ergò utriusque Symboli non erit eadem ratio? Credit tanè Bellarminus tuus: nam inde sibi

sibi robustissimum imaginatur duci contra nos argumentum *Lr. de Euch. c. 10.* inquires; *Si hoc demonstraret panem, etiam ita in consecratione vini hic sive hoc Gracè, demonstraret vinum &c.*

XX. Pergis, *Matthæum & Marcum non esse per Lucam & Paulum corrigendos, cum omnes fuerint* *Θεὸς καὶ υἱοὶ* at quis Reformatorum hoc docet D. J. Cte? ubi Molinæus scribit, *illos per hos corrigendos?* tuum figmentum est. Hoc dicit Molinæus, *Lucam & Paulum, tanquam Scriptores posteriores satis exprimere & explicare mentem Matthæi & Marci.* An hoc malè D. J. Cte? demonstra. Annon æquum censere, Scriptorem posteriorem non eo scribere fine, ut prioris mentem obscuret, sed potius illustret? an Christus constituendus Interpres verborum Pauli? annon Paulus potius verborum Christi? utpote qui hunc in finem scripsit, ut verba Christi proponat & exponat. Molinæus non vult corrigi Evangelistam ex Evangelista, ut tu ipsi fingis, sed Evangelistam cum Evangelista amicè componi, ut inspicienti *art. 38. §. 24.* liquet. Respice potiùs Maldonatum vestrum, qui eò impietatis procedit, ut Lucam & Paulum mendacii insimulare haud erubescat *in cap. 26. Matth. vers. 28.* quasi Christi verba ex rei veritate non retulerint; velitque Mathæo & Marco fidem potiùs adhiberi quàm Lucæ & Paulo. En modestiam Jesuiticam! Sed quòd adversarii eò temeritatis adducantur, quis miretur: nesciunt enim, quò se hic vertere debeant, stringentibus veritatis radiis convicti. Constituunt in canone Missæ hæc verba *Hic est enim calix sanguinis mei*, formam consecrationis, ita ut virtute illorum verborum (cætera enim, quæ in Missalibus adduntur, *novi & æterni Test. mysterium fidei, qui pro vobis & pro multis effundetur in remissionem peccatorum*, ut statuunt Bonaventura, Suarez, Bellarminus & alii contra Thomam & Thomistas, *non sunt essentialia.* *Vid. Jes. Busenb. l. 6. Tr. 3. c. 1.*) fiat transsubstantiatio: æ quis Dominos istos hanc formulam docuit? certè nec Christus, nec ullus Apostolorum aut Evangelistarum: solus Papa adeò artificiosus est, ut eam excogi-

taverit. Audi Scotum vestrum. *De verbis* (ait in *Script. Oxo-*
nienſi in 4. d. 8. q. 2. n. 6.) *conſecrationis ſanguinis eſt dubium magis,*
quia quantum ad duo. Primum eſt, quia *formam, quā utimur, NB*
nullus Evangelistarum recitat. Ideo non videtur ex Evangelio cer-
ta. Gracietiam alia forma utuntur dicentes; *Hic eſt ſanguis &c.* Re-
ſpondeo, non dubito, quin formula noſtra ſit certa, ſecundum auctori-
tem illam Innocentis: quia multa tradita ſunt Eccleſiæ ab Apoſtoliſ, qua
tamen non ſic ſcripta ſunt in Evangelio. Videtis, quò Sco-
tus originem huius formulæ referat? non ad Chriſtum, ſed ad
Papam, provocans eadem veritate ad traditionem Apoſtoli-
cam, quā Judæi ex Scripturis conviſti, ad defendendas nihilo-
minus nugæ ſuas, ad traditiones Moſis. Quàm egregiè autem
Papæ veſtri, dum ita pervertunt Chriſti verba, ſanctitatem
ſuam commendent, tu ipſe iudica D. J. Cte.

XXI. Sed repetamus Chriſti verba. Dixit Dominus,
teſte Matthæo & Marco, *hoc eſt ſanguis meus N. Teſtamenti ſeu*
novi fæderis. Si vi horum verborum fit tranſubſtantiatio in
ſanguinem Chriſti: ægedum dicat mihi D. J. Ctus, quid intel-
ligat per voculam *hoc*? an vaſ? an contentum in vaſe? Si *vaſ*: er-
go ipſum *vaſ poſt prolata verba eris ſanguis Chriſti.* Si *contentum*:
ergo *admittit trapum,* cū tamen Pontificii ſemper crepent *et*
ἐν τῷ. Sed intelligat *contentum!* quæro porrò, quodnam con-
tentum hîc propriè deſignetur per *hoc*? Num *vinum*? an verò
ſanguis Chriſti? Si *vinum*: ergò, cū Lucas & Paulus iſta Chriſti
verba explicationis ergò ità enuntiarint, *hoc poculum eſt N. T. per*
ſeu in meo ſanguine, vinum convertetur in N. Teſtamentum. Si
ſanguis: Ergo ſanguis Chriſti tranſubſtantiabatur in N. Teſta-
mentum; & ſenſus erit; *Hic ſanguis eſt N. Teſtamentum in meo ſan-*
guine. Et ſic geminus erit ſanguis Chriſti, eritque ſanguis
Chriſti in ſanguine Chriſti. Quæ utique inſicetæ & perabſur-
da ſunt. Porro dicat mihi D. J. Ctus, num vocem *Teſtamentum*
intelligat propriè, an verò tropicè? Si *prius*: Ergò *contentum*
in calice erit propriè Teſtamentum, quod ridiculum, & refutatur
ab

ab ipsis Papicolis. *Non est propria locutio*, inquit Janfenius *Concord. Evang. pag. 910. quia Lex Evangelica in Ep. ad Hebraeos dicitur N. Testamentum.* Et Salmero. *Simul inest his verbis figura metonymia, quâ Test. Novum dicitur, cum sit ejus Symbolum.* Si tropicè pro sigillo Testamenti: *Ergò contentum in calice* (id est, vel vinum vel sanguis) *transubstantiabitur in sigillum Testamenti*: quod quàm maximè ridiculum, & refutatur à Bellarmino, qui *lib. 1. de Euch. c. 11. in voce Testamenti nullum vult esse tropum.* Et quid? dum dicunt, *calicem esse sigillum Testamenti*, annon eo ipso ipsimet fatentur, *calicem non esse realiter sanguinem Christi?* cum sigilla Testamenti debeant esse visibilia: sanguis autem calicis est invisibilis. Nec est, quòd D. J. Ctus dicat, à rebus humanis ad divinas non procedere consequentiam, in rebus fidei & mysteriis non esse ad sensus attendendum, rationem esse captivandam: nam, ut bene dicit Celeb. Turretinus noster p. 3. *Institut. Theol. loc. 19. q. 27. quamvis certum sit, sensus non posse judicare de rebus spiritualibus, quâ talibus, quæ in mysteriis fidei occurrunt & quæ sunt supra sensus.* Non sequitur, non posse consuli super rebus sensibilibus, visibilibus, quæ in mysteriis occurrere possunt. Nimirum duo mysteriorum genera apprimè hic sunt distinguenda. Alia, quæ à rebus corporeis plane abstracta sunt & longè, superant & rationis & sensuum sphaeram. Hac solius fidei objectum esse, non rationis aut sensuum esse non negamus, & ex sola verbi revelatione, non ex rationis arbitrio vel sensuum testimonio judicanda esse. Alia verò, quæ rebus corporeis & sensibilibus sunt involuta & connexa, ut mysterium Incarnationis, Resurrectionis &c. de quarum veritate & certitudine sensus & ratio testimonium perhibere possunt. Talia mysteria sunt Sacramenta, in quibus proinde non sunt excludendi, sed audiendi sensus & ratio. Et quæso dicat mihi D. J. Ctus, quâ Christus discipulos Emaunticos, ad probandam veritatem corporis sui post resurrectionem, adduxerit ad lenius *videte & palpate* Luc. 24. 39. si in rebus fidei sensus & ratio adeò est captivanda? A ddat, Transubstantiationem non esse mysterium divinum, sed figmentum Papisticum.

XXII. Quod addis, *Molineum fieri*, *Matthæi verba esse clariora quàm Pauli*, falsissimum est: nullibi hoc dicit Molinæus: tuum est figmentum. Si jungantur Matthæo & Marco Lucas & Paulus, Scriptores illis duobus posteriores, quid clarius pro sententiâ nostrâ? dicunt illi, *hoc est sanguis meus N. Testamenti*, id est, *hoc significat vel signum est sanguinis illius mei, quo fundatur & sancitur novum Testamentum*: dicunt hi, *hoc poculum est Nov. Testamentum in sanguine meo*, id est, *vinum, hoc poculo contentum significat N. Testamentum in sanguine meo stabilendum*: annon hîc optima omnium convenientia? Tu autem hîc mirum cum Jesuitis tuis agis Vertumnum, nescius, quò, dum adeò pungeris à Luca & Paulo, te vertas. Mirum, si non brevi cum Jesuitâ Maldonato eorum formulam apertè taxes, eisque fidem abroges cum eodem scribens; *Nego* (hæc sunt ipsius verba in cap. 26. Matth.) *Christum hæc verba dixisse*. Cum enim *Matthæus*, qui aderat, & *Marcus*, qui ex *Matthæo* didicerat, scribant; *Christum his verbis sanguinem suum tradidisse*: Hic est sanguis meus *N. Testamenti*: *aquum est, credere Matthæi potius & Marci, quàm Luca & Pauli verbis usum esse*. En Jesuitarum pietatem!

XXIII. Vult inprimis notari Molinæus verba adjuncta in meo sanguine. *Hoc poculum est N. Testamentum IN MEO SANGUINE*. Et sanè illa sola sufficere possent tollendæ omni liti: cum apertissimè innuant, illud, quod calice continetur, non esse realiter ipsum Christi sanguinem: ponamus enim semel, per hoc poculum intelligendum esse hunc sanguinem, quid inde sequetur? annon hoc? *hic sanguis est N. Testamentum in meo sanguine*, qua quæso enuntiatione quid absurdius? sic enim sanguis Christi erit in sanguine Christi. Sed audiamus, quemodo se hinc expediat Bellarminus. *Non est absurda*, inquit l. i. de Euchar. c. ii. *locutio*: Hic calix Testamentum est in meo sanguine, etiamsi illud, hic calix, significet, sanguis in calice contentus. Nam sanguis accipitur diversò modo in his duobus locis. Cum enim dicitur, hic calix, sumitur sanguis in eo contentus, ut est sub speciebus vini,

vini, & est Sacramentum, ac proinde Testamentum; cum autem dicatur in sanguine, sumitur pro ipso sanguine visibiliter in cruce effuso. En quò absurdorum non deveniant hi homines, dum volunt monstrosa sua dogmata tueri! Effingit hic bonus iste Cardinalis, nescius aliàs elabi, duplicem Christi sanguinem: mirum, quòd non plures adhuc effinixerit Christi sanguines. Eodem enim jure, si à diverso sanguinem Christi considerandi modo diversum sanguinem constituere licet, potuisset dicere, *alius est sanguis Christi sedentis, alius ambulantis, alius resurgentis, alius ad dextram Dei sedentis &c.* Mirum præterea, quòd non & aliud corpus in Eucharistia, & aliud in cruce constituerit: potuisset enim id eàdem facilitate. Et quæso Bellarmine, quomodo Ecclesia R. statuit, eundem numero sanguinem & corpus Christi esse & quod in Missis offertur & quod in cælo est, si sanguis Christi juxta vos in calice contentus est diversus à sanguine Christi in cruce visibiliter effuso? Aut igitur Ecclesiæ vestræ aperte contradicis, aut admittis, eundem numero Christi sanguinem esse in eodem numero Christi sanguine.

XXIV. Quid autem hîc D. J. Ctus noster? Quærit ex Molinæo, quis ipsum docuerit, *per calicem intelligi Christi sanguinem?* R. Docuit ipsum hoc Bellarminus l. 1. de Euch. c. 11. scribens; *Cum dicitur hic calix, sumitur sanguis in eo contentus.* Addit, *simplicissimos nosse, quòd, si quis dicat, hoc poculum aut calicem bibi, intelligatur contentum.* Ita est D. J. Cte. Sed quem oppugnas? negatne Molinæus, *per poculum intelligi contentum in poculo?* Quid autem continetur poculo? num propriè dictus Christi sanguis, an verò vinum? vos prius dicitis, adeoque juxta vos *sanguis Christi est in sanguine Christi.* Nos cum Molinæo posterius, adeoque juxta nos sentius est, *vinum hoc poculo contentum est signum N. Testamenti in sanguine meo stabiliendi.* Ubi hîc locus absurdo, *signum sanguinis esse in signo sanguinis,* quod Molinæo tribuere intendebas?

XXV. Observandum præterea, Christum dixisse, *hoc est*

est sanguis meus N. Testamenti, qui pro multis effunditur. Quæ verba in præsentitempore intellecta, ut Jesuitæ intelligunt, exponi non possunt de effusione reali; cum non in S. Ccenâ, sed in cruce demum Christus sanguinem realiter effuderit: sed de Symbolicâ, quæ relativa est ad effusionem realem in cruce factam. Dicant enim mihi Jesuitæ, an, dum statuunt, sanguinem Christi in Missa realiter effundi, sanguis Christi effluat ex venis nec ne? Si non effluit ex venis, quomodo effunditur realiter? effundere utique est ex vel extra fundere. Si effluit: Christus adhuc passioni obnoxius est. Præterea erudiant me Domini isti, an, dum credunt se bibere in Missa Christi sanguinem oraliter, bibant eundem sanguinem, qui ex sanctissimo ejus latere, manibus pedibusque effluxit, an eum qui in corpore remansit? si *posterius*: quid Christus nos jussit bibere de sanguine effuso? Si *prius*: ostendant, ubi jam sanguis Christi effusus reperiatur? num Hierosolymis, an Romæ, an alibi? an verò ex terrâ in vulnera Christi sit revocatus? & si in venas revocatus sit, quid jam oraliter bibi queat? Idem urgeo de corpore. Si edunt oraliter Christi corpus: aut edunt corpus fractum seu crucifixum, aut jam in cælis gloriosum. Gloriosum si se edere dicunt, impingunt in verba Christi, qui jussit nos edere corpus suum fractum. Fractum non possunt edere (ore corporis) cum jam non amplius reperiatur corpus Christi fractum, crucifixum & mortuum. En insolubilia vincula, quibus hîc Missifices nostri constringuntur! Quid hîc jam D. J. C. tus? confert se in fugam, prætendens, *præsens* effunditur positum esse pro futuro effundetur: at revocant ipsum fugientem Jesuitæ, ut supra audivimus. Audiat jam tantum suum Elffium. Matthäus und Marcus (inquit l. c. p. 272.) erzählen die Wort Christi / den Kelch betreffend / in præsentitempore, nemlich das ist mein Blut / welches für viele vergossen wird zur Verzeihung der Sünden. Nicht sage (D. J. C. te) das Blut Christi sey dazumahl noch in den Adern geblieben / so seye es dazumahl noch nicht vergossen: Der Text heisset im Griechischen / qui pro vobis effunditur, welcher

Der Kelch für euch vergossen wird / im massen Bezabekeit / daß das Wort *ἐκχυνόμενον* (*ἐκχυνόμενον* scribendum erat) der construction nach zu dem Kelch müsse referiret werden. Nun aber ist leicht zu verstehen / wie das Blut / welches im Kelch gewesen / seye aufgegossen worden / als man dasselbige hat außgetruncken / ob schon dasselbe nicht gewaltthätiger weise durch umkommen vergossen ist. En Jelitam risu dignissimum: cui ebibere sanguinem est sanguinem realiter effundere. In posterum jam Laici, dum siccam hostiam edunt (calicis enim non redduntur participes) sanguinem Christi effundere dicuntur. Cum hoc jam Theologo Apostata Jureconsultus Apostata disputare poterit. Verum est & ipsum Molinæum cum Bezâ illam effusionem referre ad actum præsentem: at intelligunt de effusione Sacramentali, non reali, quam demum in cruce factam esse nobiscum agnoscunt.

XXVI. Non minùs bene urget Molinæus verba Christi Matth. 26. 29. *Dico autem vobis: non bibam ab hoc tempore ex hoc fructu vitis &c.* Quî enim Dominus clariùs loqui potuisset? nuncupat id, quod biberat, *fructum vitis*, id est, *vinum*, non *sanguinem*. R. D. J. C. ut 1, incertum adhuc esse, Christum ipsum S. C.enam percepisse, loqui ipsum potius de vino, quod ante & post institutionem S. C.enam biberit, id quod ex Luc. 23. 17. ubi duo pocula memorentur, satis liqueat. Sed vanè: nam Matthæus & Marcus hæc Domini verba perspicuè referunt ad calicem Sacramentalem. Lucas ait, Dominum idem dixisse de calice paschatis, sed non negat de calice Sacramentali: dixit ergo de utroque, indigitaturus, se in posterum cum discipulis suis nec pascha nec S. c.enam amplius esse celebraturum. Assensum nobis præbent S. Patres, Origenes 303. in Matth. Augustinus l. 1. q. Evang. c. 42. Beda in h. l. Theophylactus & Euthymius in h. l. Hieronymus Comm. in h. l. Chrysostomus hom. 63. in Matth. Cyprianus Epist. 68. ad Cac. una mente id referentes ad Calicem Eucharisticum. Sed cum hoc adeò incertum sit D. J. C. to, faciant ipsum certum Theologi sui. Christum, ait Gardinerus Episc. Vintoniensis

p. 1. ad Obiectum 75. communicasse cum discipulis, etiam si verba Scriptura nominatim non dicant, tamen quoniam id esse verum ex sensu collegerunt Catholici, equidem libenter amplector. Addit D. J. Crus, non esse probabile, Christum proprio suo sanguine fruitum esse. Bene ais D. J. Cte: nullo id modo est probabile: imò falsissimum & absurdissimum est: nam si Christus ore sumpsit suum sanguinem adeoq; etiam suum corpus; idem fuit comedens & comestum, & Christus habuit corpus suum in corpore suo, ventrem in stomacho, caput in ore, quæ utiq; absurdissima sunt: & nihilominus Theologi vestri, quod tibi non est probabile, credunt & apertè docent, ut Soto in 4. dist. 12. q. 2. a. 1. Bonaventura in 4. d. 9. q. 4. a. 1. Imò Sanctus vester Thomas etiam eos, quibus id non est probabile, ut tibi, apertè refutat. Quidam ait q. 81. a. 1. dixerunt, quod Chr. in cena corpus & sanguinem suum discipulis tradidit, non tamen ipse sumpsit. Sed hoc non videtur convenienter dici, quia Christus ea, quæ ab aliis observanda instituit, ipse primitus observavit. Unde & ipse prius baptizari voluit, quam aliis baptismum imponeret &c. Unde & ipse primò corpus suum & sanguinem sumpsit, & postea discipulis sumendum tradidit. Addit Valques in h. l. Thomæ, conclusionem esse affirmantem, in qua omnes Catholici, quos ille legit, planè conveniant. Si tibi jam cum his Catholicis tuis litigare libeat, per nos licet. Frustra interim litigaveris: nam si Christus cum discipulis communicavit, ut supra probavimus, & corpus & sanguis Christi sub specie panis & vini continentur & oraliter sumuntur, ut vos docetis, sequitur utique manifestè, Christum suum ipsi corpus & sanguinem edisse & bibisse. Weilen die Nießung des Leibs und Bluts Christi (audi sic loquentem rursus Elßium l. c. p. 273. ut apostata ab apostata melius erudiatur) ein wesentlicher Theil des Opfers ist / so ist kein Zweifel nach Meinung der Catholischen Lehrer / daß Christus selbst mit den Aposteln seinen Leib und Blut gefressen und getrunken habe. En quàm egregia vobis sit doctrina! an etiam ex corpore Herodis tam fœdi & absurdi vermes prodierunt, quàm ex Transsubstantiatione vestra prodeunt fœda absurditatum

tatum monstra? Respondes 2. *in verbo Dei admodum frequens esse ut res mutata retineat primum nomen: liquere id exemplo baculi Moſis Exod. 7. 10. aquarum Aegyptiacarum ibid. 17. 20, vini in nuptiis Cana Galilaeae &c. hac enim licet fuerint mutata (in serpentem, in sanguinem, in vinum) primo tamen adhuc nomine fuſſe inſignita. Eodem modo ſeſe rem habere cum Symbolis S. Cænae &c. At miſerrimum effugium! nam 1. ubi in allatis exemplis eſt locutio Sacramentalis? 2. aut ergò intelligis loco ſuprà adducto per fructum vitis vinum aut ſanguinem. Si prius: quò quadrat huc tua exceptio? ſi poſterius: Ergo Chriſtus, dum bibit ex hoc fructu vitis, bibit ſuum ipſius ſanguinem; quod tibi tamen ſuprà non erat probabile. 2. Verum eſt in Scriptura rem mutatam quandoque adhuc inſigniri primo nomine: at hoc fit, cùm res mutata ex parte ex eo eſt compoſita, cujus retinet nomen. Sic eadem materia, quæ prius erat virga, ceſſit in serpentem: eadem materia evaſit in ſanguinem & vinum, eadem materia, quæ erat uxor Lothi, facta eſt ſtatua ſalis: an verò etiam panis ingreditur compoſitionem corporis Chriſti? non audeſ dicere: quid ergò allata exempla ad rem? Præterea num ille ſerpens, in quem baculus Moſis & ille ſanguis & vinum, in quæ aqua mutabatur, ante extitit D. J. C. re? non audeſ dicere: an autem corpus Chriſti, in quod panem converti dicitis, præextitit? non poteſ negare: vultis enim panem converti in corpus jam præexiſtens: quò ergo allata exempla huc quadrant? Porro ubi legitur in Scripturâ D. J. C. re, quò corpus Chriſti fuerit panis, quemadmodum legimus, serpentem fuiſſe virgam, & vinum & ſanguinem ante fuiſſe aquam? Dicis, non eſſe hoc adeò neceſſe, ſufficere, ut illud, quod jam ſit in ſanguinem Chriſti mutatum, antea vinum fuerit: at quis non rideat? ad quid ergo exempla allata? illa utique non evincunt conversionem in rem præexiſtenteſ, qualis vobis eſt converſio panis in corpus Chriſti. Provoocas ad cap. 6. Johannis: at quàm fruſtra: demonſtratum ſatis ſuprà. Et quaſo, an ſerpens mutatus latebat ſub accidentibus virgæ, ut juxta vos cor-*

pus Christi sub accidentibus panis? annon movebatur? annon aqua mutata præbebat colorem sanguinis & saporem vini? at ubi vel minimum mutationis signum in hostia vestra? Sed quid pluribus? annon Paulus dicit, *Panis, quem frangimus, nonne est communio corporis Christi* 1. Cor. 10. 16? sed num corpus Christi jam dici potest frangi? num corpus Christi potest dici communio corporis Christi? quomodo ergo per *panem* intelliges corpus? Sed en miros Papistas! ad id, quod maximè fugiunt, jam confugiunt: cùm dicimus, *panem esse corpus Christi non realiter, sed sacramentaliter*, quantos clamores non cient? dicentes, verba S. Cœnæ esse propriè intelligenda: hîc autem cùm urgentur verbis Christi & Pauli (qui ter in uno eodemque c. 1. Cor. 11. id, quod Christus discipulis dedit, vocat panem) clamant, eos non intelligere voce *panis* panem verum, sed *imaginem panis*, adeoque admittunt *metonymiam signi* pro *signato*, id est, talem tropum, qui naturæ Sacramentorum repugnat.

XXVII. Dicit Paulus 1. Cor. 10. 16. *Panis, quem frangimus, nonne communio corporis Christi est?* Si post consecrationem frangitur panis: Ergò panis post consecrationem manet. Item, si panis est communio corporis, Ergo non ipsum corpus. Quid ad hæc D. J. Crus? dicit, *etiam legi, Christum esse imaginem Dei* 2. Cor. 4. 4. &c. *an propterea sequetur, eum non esse ipsum Deum?* Hem subtilitatem! an ergo locutio illa, *Christus est imago Dei* est sacramentalis, quemadmodum hæc, *panis est communio corporis Christi?* Sed excutiamus Viro soporem: vocem *Deus* lumisne *essentialiter*, an *personaliter*? si priori sensu erudias me, quomodo Christus sit imago Dei? si posteriori: verum quidem est, Christum esse imaginem Dei Patris Coloss. 1. 15. Heb. 1. 3. Sed an dicere potes, *Christus est imago Patris: Ergo est ipse Pater?* fatere ergo vel te Sabellianum esse, vel nihil ad rem dixisse. Sed porro D. J. Cte, quid intelligis per panem? aut intelligis *panem propriè dictum*, aut *corpus*? Si *prius*: quomodo panis est communio corporis Christi sine tropo? si *posterius*: ergò corpus Christi erit communio

munio corporis Christi: quod utique ridiculum. Dicis, in *Biblis* S. Hieronymi non legi, panem esse communionem, sed communicationem & participationem. Egregie! at 1. ostende mihi hodie genuinam Hieronymi versionem? ostende eandem Bellarmino tuo, qui l. 2. de V. Dei c. 8. ait, post tempora Gregorij videri omnes Latinas editiones evanuisse prater unam istam, quam nunc veterem & vulgatam vocamus. Num dices, vulgatam illam vestram esse Hieronymi versionem? Hoc quidem hodie credunt Monachi vestri, sed fide Papisticâ. Probent mihi, probent Pagnino vestro, qui prae. Interpr. Bibl. ad Clem. VII. hoc negat. Negat etiam Paulus Foro Sempr. Episcopus lib. 2. c. 1. de die pass. Imò negat ipse Bellarminus. Ita enim ait l. c. cap. 11. *Vulgata editio non est unius auctoris, sed quaedam habet ex Hieronymo, quaedam ex Luciano, quaedam ex Theodorione, quaedam ex alio quodam interprete innominato.* Est ergò variè composita instar centonis: superat interim longè multitudinem auctorum multitudo errorum, quibus passim scatet. Sed 2. legatur ita in Hieronymi versione D. J. Cte, quid tum? num ea præjudicare potest textui originali, in quo occurrit vox κοινωσια communio? Et quid? annon inde juxta vestram expositionem redit hic sensus absurdissimus, corpus Christi nonne est communicatio corporis Christi? Addis, retenta licet voce communio, Paulum nobis non favere: cum versus 16 veniat intelligendus ex v. 18. ubi interroget Corinthios, nonne, qui edunt victimas κοινωσιαi consortes sunt altaris? egregie! cum victimæ vocantur communio altaris, & edentes victimas dicuntur κοινωσιαi consortes altaris; num hoc aliter intelligi potest quàm sacramentaliter ad significandum mysticam edentium victimas cum altari societatem? victimæ erant communio altaris & hinc non ipsum altare: ita panis est communio corporis, & hinc non ipsum Christi corpus. Addit, inquis, Paulus v. 17. Quoniam unus panis, unum corpus nos multi sumus, nos enim omnes ex uno illo pane participamus: Ita est: At hic intelligi non potest panis proprie dictus, tanquam signum corporis: sed quare non? quia, ais, sic

sic verè dici non possent communicantes in India, Germania & alibi unius panis participes fieri, cum alius sit panis Indorum, alius Hispanorum, alius Germanorum &c. contra corpus Christi semper unum. 84. Quemadmodum Judæis in quaque familia sufficiens erat unus agnus, sic in Ecclesiis, quas initio Apostoli plantabant, propter exiguum communicantium numerum, unus panis in partes fractus: Et huc collineat loc. c. Apostolus. Quemadmodum interim omnes Judæi vescabantur uno specie agno sacramentali: ita & omnes Christianorum, sive Indorum, sive Anglorum, sive Germanorum, Ecclesiæ uno specie pane Sacramentali vescuntur.

XXVIII. *Christum, ait porro Molinæus, oportet cælicipiant, usq; ad tempora restitutionis omnium Act. 3. 21. Ergo in terra corporaliter non est præsens. Respondes, Christum etiam nobiscum esse omnibus diebus usque ad consummationem sæculi Matth. 28. 20. At num hic Dominus promittit præsentiam corporalem D. J. Cte? longè erraveris affirmando: dicit enim apud eundem Matthæum cap. 26. 11. Semper pauperes habebitis vobiscum, me verò non semper: Loquitur ergo de præsentia spiritali, & sic quid ad rem tuam? Pergis, annon extra cælum apud Paulum stetit in carcere? non D. J. Cte: erras. Dicitur quidem Act. 23. 11. Sequenti verò nocte superveniens ei Dominus dixit, confide Paule: sed non dicitur assistentei corporaliter. Non evincit Græcum Πρωτος magis præsentiam Christi corporalem, quam ἰσως præsentiam corporalem Viri Macedonis, Actor. 16. 9. à Paulo conspecti. Factum utrumq; nocturna visione ac proinde non corporeâ, sed intellectuâli, quam vocant. Audi Jesuitam vestrum Lorinum. Nunc probabilis, ait in h. l. est sententia Chartusiani, fuisse apparitionem imaginariam, dormienti factam ab Angelo, qui referret Christum: ita ut nec Paulus, dum affirmat se vidisse Christum, ad confirmandam veritatem resurrectionis ejus, vel æqualem dignitatem suam in Apostolatu, inde ducere voluerit argumentum, nec qui ex hac præsentia apparitione colligunt, Christum esse in Sacramento Eucharistia &*
in

in caelo, NB ita firmiter argumententur. En quàm bene Jeluitæ
tui tibi os obstruant! Abi ergò & firmitus quære Chimæratuz
subsidium. Non autem invenis id Act. 22. & 1. Cor. 15. nam
quæ quælo consequentia, Paulus vidit justum illum (i. e. Je-
sum) & audivit vocem ex ore ipsius, Ergo Christus ei corporaliter
adfuit in hac terra? Annon ergò Christus in cœlis existens po-
test videri in terra, vocemque suam ita demittere, ut ab eo,
quem vult, audiat? Annon Stephanus in terris stans ipsum vi-
dit adstantem ad dextram Dei Act. c. 7. §. 55? quid? ipse Pau-
lus Act. 26. 13. 19. describens hanc apparitionem vocat eam lu-
cem è caelo & cœlestem visionem. Audi Ambrosium. Apparuit,
ait in 1. ad Corinth. c. 15. illi primum in caelo, post oranti in templo,
scilicet in ecstasi, ut ipsemet testatur. Quid sit tibi concederem
D. JCre, Christum corporaliter visum esse in his terris, quid in-
de pro vobis? num à facto extraordinario ad ordinarium pro-
cedet consequentia? Audi Thomam vestrum. Non derogat,
ait p. 3. q. 57. a. 6. dignitati Christi, si ex aliqua dispensatione quan-
doque corporaliter ad terram descendat, vel ut ostendat se omnibus, sicut
in judicio, vel alicui specialiter, sicut Paulo Act. 9. Thomæ assentitur
Lorinus in Act. 3. 21. & utrique Bellarminus l. 3. de Euch. c. 3.
scribens; Non est improbabile, Christum privatim & ad breve tem-
pus descendisse de caelo post ascensionem. Hoc si veritati congruit,
quid lucraberis D. JCre? Si Christus descendit ad breve tempus &
quandoque tantum corporaliter descendit ex caelo, ad terram, qui er-
gò vobis semper in Sacramento corporaliter adest in terra?
Quod addis, nos Christum in caelo, tanquam in carcere includere,
manifesta est calumnia. Aliud est, in caelo tantum corpore suae-
se: aliud verò, in caelo contentum corpus certo cœli loco affigi. Chri-
stus est in caelo liberè, prout gloriæ cœlesti convenit. Si inte-
rim hoc applicare vis Christo vestro paniceo, per nos licet: is
enim, quod negare non potes, ita est inclusus sub accedentibus
panis, ut, licet vel à muribus manducetur vel à furibus aufera-
tur, immobilis tamen & constrictus semper maneat: en quàm

constringens carcer non sint accidentia vestra, sine subiecto existentia: Addis, Catechesin nostram docere, *animas communicantium certò Christi corpore & sanguine pasci.* Si hoc, ais, *verum est, debet utiq; corpus & sanguis Christi communicantibus esse præsens.* R. Debet esse præsens, concedimus: sed quâ præsentiâ? num necessariò corporali per descensum in hanc terram? proba: an spiritali? concedimus. Verè præsens est corpus Christi in cœlo corporaliter, & verè præsens est animis nostris spiritaliter. Quæres forte cum Jesuitis tuis. *Aut ergò animus sive fides communicantis ascendit in cœlum, aut Christus descendit?* R. Adde tertium: *aut infinitus Spiritus Christi, qui in illo & illis habitat, utroq; conjungit?* Et hoc est, quod docemus. Christus in cœlo existens cum nobis in terra existentibus vera & reali unione conjungitur, quamvis nec nos ascendamus nec ille descendat. Docet idem Scriptura Rom. 8. 9. 10. 1. Petr. 2. 5. &c.

XXIX. Quæ ad locum Joh. 6. 63. (qui vos non parum urit) *Spiritus est, qui vivificat, caro non prodest quicquam: verba, quæ dixi vobis sunt spiritus & vita, regeris, pariter futilia sunt.* Non negat hîc Christus *amens*, carnem suam utilem esse: dixerat enim antea *ÿ. 53. Nisi ederitis carnem filij hominis & biberitis ejus sanguinem, non habetis vitam in vobis: sed non* negat utilem esse suam carnem, nempe carnaliter & ore corporis comestam, de hac enim comestione Christum loqui Capernaitæ putabant, ut liquet *ÿ. 52.* Capernaitis istis vos successistis, utpote qui etiam vobis propriè dictam Christi carnem ore corpore manducandam censetis. Et quid quæso crassius aut absurdus à Capernaitis cogitari dicere potuisset, quàm quod à Papa vestro Nicolao ejusq; Synodo Romana Berengario credendum præscribebatur, *verum nempe corpus & sanguinem D. N. J. Christi SENSUALITER, non solum in Sacramento, sed & in veritate, manibus sacerdotum tractari, frangi & fidelium dentibus atteri.* En novos Capernaitas: Dices, vos hodie non statuere, *corpus Christi dentibus atteri,* Scio D. J. Cte, scio: quæro interim, an Papa Nicolaus malè

ita statuerit, an bene? si male, quomodo fuit infallibilis? si bene: cur ab ipso receditis? Porro, si hodie, dum corpus Christi editis, dentibus non atteritis, & in partes non cominuitis, quomodo ergo dicitis vos illud propriè manducare? *Requirat* utique, dicente Jesuita Salmerone tom. 9. tr. 10. *propria & realis manducatio, ut res in partes dividatur.* Sed sit ita! vobis tamen in eo cum Capernaitis convenit, quòd autumatis, propriè dictum Christi corpus oraliter manducari & in stomachum vestrum trajici. Quid verò interest, utrum dentibus atteras & particulatim dilcerpas, an verò totum simul deglutias? Confirmabat tanè sapius Dominus Judæis litigantibus & dicentibus *ψ. 52, quomodo poterit hic nobis carnem suam dare edendam?* necessitatem manducationis carnis suæ, sed non oralis & carnalis: quin potius quærebat ab ea animos eorum abstrahere: Instantibus enim illis ac dicentibus *ψ. 60. durus est hic sermo, quis potest eum audire?* Dominus porro probat, nullam ipsis esse causam, & scandalum inde capiendi: (1.) quòd *filium hominis spectaturi essent ascendentem ubi prius erat ψ. 62.* (nam quòd in his verbis, *Cum igitur videbitis filium hominis ascendentem, ubi prius erat, sit homo deus, & exardere non timeat seu intensio*, prater Chrysostomum & Cajetanum vestrum fateretur Augustinus *Tr. 27. in Joh.*) (2.) quia *Spiritus* nempe Christi *vivificat ψ. 63.* (3.) quia *caro, ore nempe sumpta non prodest ψ. 63.* (4.) quia *verba, quæ loquebatur, sunt spiritus & vita*, id est, spiritualiter sunt intelligenda, non de orali & carnali manducatione, ut Capernaitæ, & cum illis Papistæ, sibi imaginantur. Sed quid D. JCre? vos adhuc multo crassiores & absurdiores estis ipsis Capernaitis, cum crustulum & frustulum panis habeatis pro Deo vestro. Et quæso D. JCre, quid caro Christi corporaliter, more vestro, manducata prodest ad vivificandum hominem? cum ita, quod fateri cogimini, sagi & magi & pessima diaboli instrumenta non tantum, sed etiam glires, feles & mures, vitæ spiritualis incapaces, carnem Christi edere queant. *Si hostia consecrata* (sic legitur in Missali de de-

fect. circ. Miss. p. 23.) dispareat vel casu aliquo, ut vento aut miraculo,
 vel à mure accepta vel alio animali, & nequeat reperiri, tunc altera
 consecratur, & illud animal si capi potest, occidatur & comburatur &
 cineres ejiciantur in sacrarium vel sub altari. Et paulo post. Si
 post consecrationem ceciderit musta aut aliquid ejusmodi, & fiat nausea
 sacerdoti, extrahat eam & lavet cum vino: finita Missa comburatur &
 combustio ac lotio hujusmodi in sacrarium projiciatur. Si autem non
 fuerit ei nausea, nec ullum periculum timeant, sumat cum sanguine. Si
 Sacerdos evomat Eucharistiam, tunc mandatur, ut Sacerdos vomitum
 suum resorbeat, nisi nausea plane impediat. En tibi Religionem!
 Dixit quondam Averroës, haud incelebris Philolophus Paga-
 nus, in Hispania degens, se inter omnes Sectas nullam vidisse stultio-
 rem Christianâ, Papalem innuere volebat, cujus sectatores adorent,
 quod manducant. Quid autem putas, dicturum eum fuisse, si
 legisset has vestras Missæ cautelas, in quibus admittitis, ipsos
 etiam mures id quod adoratis, id est, Deum vestrum, edere
 posse. Vah absurdum omni absurdo majus! Movet Papa ve-
 ster Innocentius III. lib. 4. de Myst. Miss. c. 16. quætionem,
 quenam ex alio Sacerdotis egeretur materies, si non nisi hostias
 consecratas in stomacho habeat & interim fluxu ventris labo-
 ret? Cui hæc non sint horrori? Dicitis, si accidat, ut hostia consecra-
 ta vel in ignem vel in aquam vel in lutum cadat, istud dedecus non ter-
 minari in Christum, sed in species sacramentales. Egregiè! ergò vi-
 cissim honoris cultus, quem exhibetis hostiæ consecratæ, non
 terminabitur in ipsum Christum, sed in species tantum, & sic
 propriâ vestrâ confessione estis manifesti idololatæ, utpote qui
 non Christum, sed accidentiæ panis adoratis. Sed unum ad-
 huc est, quod, antequam ad alia progrediar, scite velim ex D.
 JCro, nimirum an, si accidat, ut ex hostia consecratâ generen-
 tur vermes, illi vermes generentur ex corpore Christi, an verò
 ex accidentibus panis: si prius dicis, blasphemus es: si postexius,
 maximè ridiculus: sic enim accidentia generabunt substantias,
 quis à risu sibi temperet?

XXX. Tandem Molinæus argumentatur ita. *Qui manducant Christi carnem, nanciscuntur vitam æternam: Impij non nanciscuntur vitam æternam: Ergo etiam carnem Christi non manducant.* Minor per se patet. Major probatur Joh. 6. v. 51. &c. Quid ad hæc D. J. C. ut? Putat hoc argumentum facile solvi distinctione inter *manducare dignè & indignè.* Egregiè. Quasi verò quis carnem Christi possit manducare indignè! Deprompta est hæc distinctio non ex Scriptura, sed ex Monachorum cerebro. Dicit quidem Paulus 1. Cor. 11. 27. *quisquis ederit panem hunc vel biberit poculum hoc Domini indignè, reus tenetur corporis & sanguinis Domini: sed non dicit, quisquis ederit corpus hoc Domini indignè &c.* Instas, si is, qui indignè edit panem & bibit vinum, reus est corporis & sanguinis Domini, ergo oportet, corpus & sanguinem Domini verè & realiter acceperit. Ridemus hanc consequentiam D. J. C. te. Dicit Apostolus Heb. 10. 26. 29. *Qui ultrò peccantes post acceptam cognitionem veritatis, conculsant Dei filium & sanguinem fœderis &c. num necesse, ut filium Dei conculcantes eum realiter habeant sub pedibus?* Hoc duntaxat sequitur ex tuo Antecedente: Ergò panis & vinum sunt (nempe Sacramentaliter) corpus & sanguis Domini. Quod verissimum, & eandem esse mentem Augustini loc. à te citato, patet ex eodem Augustino, cum Tract. 26. in Joh. ait. *Qui non manet in Christo, & in quo Christus non manet, proculdubio non manducat nec bibit spiritualiter, licet carnaliter & visibiliter premat dentibus Sacramentum corporis & sanguinis Christi: sed magis tantæ rei Sacramentum ad iudicium sibi manducat & bibit, quia immundus præsumsit ad Christi Sacramenta accedere.* En annon expresse distinguit inter Sacramentum & rem, vultque indignos reos, non quòd rem tantam comederint, sed ejus Sacramentum? Admittit Sanctus vir, Judam etiam interfuisse S. Cænæ: sed quid dicit de ipso? Illi ait Tr. 59. in Joh. (nempe discipuli) *manducabant panem Dominum: ille (Judas) panem Domini contra Dominum.* Et l. 21. de Civ. D. c. 25. *Non dicendum enim manducare corpus Christi, qui in corpore non est Christi.* En

quàm longè Augustinus à vobis abeat! noster totus. Addis, *Pilatum aliosq. Judeos (quali verò & Pilatus Judæus fuerit!) in corpus Christi peccasse: si factum fuisset in figura & signo, illos non reos futuros fuisse corporis, sed tantum signi.* Non D. J. Cte? Quî ergo Concil. Nicenum II. A. 6. scribit, *eum, qui typum sive figuram alicujus ignominia afficit, in illum ipsum, quem typus representat, injurium esse?* Item, quî tu Molinæo pag. 174. concedis, *eum, qui Regis sigillum indignè tractat, ipsum Regem offendere?* Quod addis, *eum tamen sic non reum fieri corporis Regis, ut illi, qui indignè utuntur S. Cœna, rei fiant corporis & sanguinis Christi, quid ad rem? cùm sigillum non sit destinatum præcisè corpori Regis representando, ut panis & vinum representando corpori & sanguini Christi.* Manet interim semper verum, quod negare non potes, quodque nobis sufficit, *posse aliquem esse reum rei significata, licet duntaxat signum attingat.* Dicit Paulus Heb. 6. 6. *Qui prolabantur, rursum crucifigunt sibi filium Dei & exponunt ignominia.* Quæro, annon, qui ita crucifigunt filium Dei, sint rei corporis & sanguinis ejus? negare non potes: an autem propterea sequetur, *eum ipsis verè & realiter esse præsentem?* responde D. J. Cte. Frustra urges sequentia Apostoli verba, *non discernens corpus Domini, inde enim non sequitur, ab indignis edi ipsum corpus Domini: sed indigni dicuntur non discernere corpus Domini, quia sacra ista symbola, quæ suam excellentiam habent à re significata, non conveniente religione, sed ut vulgarem cibum, tractant.*

XXXI. Agnum Paschalem fuisse typum S. Cœnæ, probari desideramus. Non sequitur interim, *si illi, qui remanente pane & vino post celebratam S. Cœnam abutuntur, non rei tenentur corporis & sanguinis Christi, nec eos, qui in ipsa sacra actione sacra illa symbola indignè sumunt, eorundem reos teneri, cùm panis & vinum post celebratam cœnam non amplius habeant rationem Sacramenti.* Liquerid. à pari. Aqua baptismi post usum non habet amplius rationem Sacramenti, cur ergò panis & vinum? 2. quia nec Christus nec Apostoli panem, tanquam Sacramentalem, reposerunt

fuerunt vel reponendum tradiderunt: 3. quia panis, qui in celebratione cœnæ frangitur, est, dicente Paulo 1. Cor. 10. 16. *communio corporis Christi*: non ergò panis, qui post celebrationem remanet. 4. quia symbola tum habent rationem Sacramenti, cum benedicuntur, tranguntur, distribuuntur & eis ἡ ἁγία εὐχάριστος percipiuntur 1. Cor. 11. at hoc in ipsa duntaxat celebratione fit. Ridiculi proinde vos estis, dum hostias consecratas reponitis, in plateis circumgestatis & tanquam Deum vestrum adoratis. Quid est Christo in faciem resistere, si hoc non est? Christus (ut & postea Apostoli) usus est pane ordinario, tum temporis ap. Judæos recepto: vos autem spumâ panis. Christus (reipso fatente pag. 171. & 181.) dedit discipulis panem in manus; vos autem ingeritis in os. Christus voluit panem duntaxat edi: accipite, edite, ait: vos vultis illum etiam monstrari, circumgestari, adorari. En quàm accuratè Christi institutioni insistatis! Addis, *exemplum te docere posse, vinum apud nos remanens quandoque ad convivia fuisse adhibitum.* R. Vah quantum crimen! scilicet! quasi verò adhuc habeat rationem Sacramenti! abusum interim non approbamus. Si interim D. Jcto de abusibus & absurditatibus circa reliquias cœnæ loqui lubeat, reflectat oculos suos in suam ipsius Ecclesiam Romam, & mille videbit. Si hostia consecrata in stercus cadat & sordida reddatur, cadit juxta vos & sordidus redditur Christus: si à muribus rodatur, roditur Christus: si à canibus & porcis devoretur, devoratur Christus: si hostia à Sacerdote evomatur, evomitur Christus: si hostia venenetur, eâque venenatâ homo necetur, venenatur corpus Christi, eoque venenato homo necatur. *An hac non absurda, imò horrenda auditu.* Ingressus est juxta vos Judam & Christus & diabolus: diabolus autem Christum vicit, eumque ex hospitio suo expulit. Quis non stupeat istam absurditatem! Creat juxta vos misellus & sæpe nequissimus Sacerdos suum Creatorem, eumque pro lubitu suo inter manus suas sistit præ-

præsentem: Imo posset. (dicente Toletio *Instr. Sacerd.* l. 2. c. 25.) Sacerdos consecrare multos cophinos panis & vini dolium (adeoque in corpus & sanguinem Christi vertere) si præsentia ista haberet. Huc pertinet eximium istud miraculum de verbis prolacionis, quod recenset Episcopus vester Durandus *Rational.* l. 4. c. 35. Feratur, ait, quòd cum antiquitus publicè & alta voce canon diceretur, omnes penè per visum illū sciebant & in plateis & in vicis decantabant. Unde cum quidam pastores illum in agro cantarent & panem super lapidem posuissent, ad verborum ipsorum prolacionem panis in carnem conversus est. En ergo vobis etiam Christum ab opilioneibus in agro super lapide creatum! quis ergò Sacerdotibus vitio vertat, quòd ista quinque verba hodie clam super pane demurmurent, ne opiliones amplius artem Deum suum creandi ex illis discant. Quæso D. J. Cte, an etiam Christus olim in cruce tantā ignominia affectus fuit, quantā adhuc hodie apud vos ex Transubstantiatione vestrà afficitur? En ergò reliquias cœnæ, de quibus loqui potes! Sed duo adhuc sunt, quæ antequam hinc abeam, scire velim ex D. J. Cto, nimirum, 1. an, si Sacerdos vini dolium in sanguinem converteret, ut juxta vos facillimè potest, ille sanguis Christi bibentes etiam inebriaturus esset? 2. quamdiu Christus maneat in stomacho communicantis? Quando enim recipitur in stomachum, aut desinit ibi statim substantialiter aut non desinit? Si posterius, cum excrementis cæteris egeretur, quod absurdissimum. Si prius: ergò annihilatur, quod pariter absurdissimum. Num dices, non annihilari, sed redire ad suum principium? quæto porro, an iste reditus fiat per annihilationem substantiæ, an verò non? Si prius, quomodo redit ad suum principium? statuitis utique, corpus Christi, quod est sub hostia, esse idem numero Christi corpus, quod est in cælo; hoc ergò annihilato, quomodo istud manebit? Si posterius: ergo remanet in stomacho & cum excrementis egeritur. Statuit Jesuita Busenbaum *Th. Moral.* l. 6. Tr. 3. c. 1. Christum manere sub speciebus, etiam divisis & sub quavis earum minimâ parte, donec tanta earum

earum fiat mutatio, ut consueta substantia panis & vini corrumpetur. Hoc si verum est, Christus in stomacho communicantis, jamjam morientis, habebit suum sepulchrum & cum ipso sepe- lietur. Certè ex corpore Herodis vix tantum scaturiit ver- mium, quantum ex doctrina vestra absurditatum.

XXXII. Christum Joh. 6. non agere de manducatione sacramentali, suprà à nobis evidentissimè est demonstratum. Et evincunt id vel hæc sola Christi verba *ψ. 53. Nisi ederitis carnem filii hominis & biberitis ejus sanguinem, non habetis vitam in vobis.* Ubi nemo non videt, Christo sermonem esse de tali manducatione, qua absolute ad salutem est necessaria: jam verò multi salvantur, qui S. Cœnam nunquam perceperunt, ut Joh. Baptista, Latro in cruce, multiq. alij. Quid D. J. Ctus Molinæo hæc urgenti? Respon- det, Christum etiam dicere Joh. 3. 5. *Nisi quis regegnitus fuerit ex aqua & Spiritu, non potest introire in regnum Dei: & tamen Reformatos hunc non credere absolutam baptismi necessitatem &c.* Res acu tacta, scilicet: Probet nobis D. J. Ctus, hîc Christo sermonem esse de baptismo aquæ: negamus enim hoc. Postulabat Christus Ni- codemum, quem tum alloquebatur, ignorantia, qui autem eum postulasset ignorantia, si ei sermo fuisset de baptismo a- quæ, cùm ille nondum esset institutus. 2. Loquebatur Chri- stus cum Nicodemo de re necessaria: jam verò, vobis fatenti- bus, baptismus non cœpit esse necessarius nisi post mortem Christi: Ergo ne quidem juxta vos locutus est de baptismo. Sed loquitur Dominus de regeneratione, ut patet *ψ. 3.* ubi de sola nativitate *ἀναγεν* facit mentionem, & *ψ. 6. 7.* ubi itidem de solo Sp. Sancto mentio fit, & *ψ. 8.* ubi comparat novam istam nativitatem cum vento, quod simile utique non quadrat in ab- lutionem corporalem. Utitur igitur hîc Dominus figurâ, quam Græci vocant *ἐν ὕδατι* *δουῶν*: ut sensus sit, *nisi quis regegnitus fuerit ex Sp. Sancto, exferente se per modum aquæ*: ut Matth. 3. 11. *ipse baptizabit vos Sp. Sancto & igni, i. e. Spiritu S. qui est quasi ignis, seu qui se exferit per modum ignis*, ut factum die pentecostes Act. 2. 3.

Agnoscutnt hoc nobiscum Cardinalis Toletus *Comment. in h. loc. & Stella in 3. c. Luca. Si necessitas baptismi aqua, ais, hic non præcipitur, cur ergò apud Reformatos adeò necessarius habetur?* Dicam tibi, quia, licet hic à Christo non præcipiatur, præcipitur tamen alibi, num. *Matth. 28. & Marc. 16. 16.* hinc merito necessarium ducimus, non quidem *necessitate absolutâ leu medii interni*, ut statim ille, qui, nullâ suâ culpâ, ejus non particeps evaserit, à regno cœlorum excludendus sit, ut vos nugamini, sed *necessitate præcepti*. Observa autem hic *ὡς ἐν νεφέλῃ*, quàm bellè inter vos conveniat! A legatis infantes non baptizatos ad limbum, nixi hoc unico loco: hunc autem locum vobis eripiunt ex vobis ipsis Viri præstantissimi, dicentes illum intelligendum esse non de infantibus, sed adultis. Audi Lombardum. *Illud*, ait *isl. 4. d. 4. c. 2. intelligendum est de illis, qui possunt & contemnunt baptizari*. Huic suum addit calculum Bonaventura *4. d. 4. c. 2.* Consentit etiam Salmero *Tr. 4. tom. 8.* & Barradius *in h. l.* En Cadméos fratres! cùm his tu jam in posterum disputare poteris, perrecturus credere, infantes non baptizatos cœlo-excludi & in limbum præcipitari.

XXXIII. Addit tamen D. Jctus, *Reformatos sibi ipsis contradicere: statuere enim ipsos, corpus Christi non esse præsens, & nihilominus cùm in formula S. Cænâ, tum in Catechismo Heidelbergensi communicantibus promitti, quòd non minùs certò Christi corpore & sanguine pascantur, quàm panem & vinum è manu ministri accipiant.* Aliud est dicere, *Christi corpus localiter sub accidentibus panis præsens esse: aliud verò, Christi corpus in S. Cænâ esse præsens*. Prius negant omnes Reformati; posterius affirmant omnes. Si dicunt, Christi corpus non esse præsens in S. Cœna; intelligunt de præsentia corporali & locali sub pane aut ejus accidentibus: si dicunt, fideles in S. Cœna corpore & sanguine Christi pasci, admittunt præsentiam spiritualem, quâ corpus verè præsens est in S. Cœnâ fidei fidelium. Ubi hic contradictio? ubi pugna D. Jctæ? Transubstantiationem vestram intueri, & mille con-

tradi-

traditiones, mille pugnas deprehendes. Prædunt Theologi vestri, corpus Christi in Missa esse verum corpus, & tamen, adimentes ei longitudinem, latitudinem & crassitiem (quæ sunt de essentia corporis) negant esse verum corpus. 2. Volunt corpus Christi contineri sub accidentibus & tamen non contineri: corpus enim in cælo existens est extra hac accidentia, & tamen est idem numero corpus cum eo, quod continetur sub accidentibus. 3. Dicunt, Christum ad verba consecrationis venire in Eucharistiam & tamen non venire: nolunt enim eum moveri: at, qui non movetur, quomodo venit? 4. Dicunt, hostiam esse rotundam & tamen dum negant, Christum esse rotundum, negant hostiam esse rotundam: intelligunt enim per hostiam Christum. Aut dicat mihi D. J. C. t. u. s., quid intelligat per hostiam: num panem? an verò accidentia? an denique corpus Christi? non panem intelligere potest, cum negent hostiam consecratam amplius esse panem: non etiam accidentia panis, quis enim eò stultitiæ procedat, ut putet albedinem & rotunditatem panis sine pane esse hostiam pro peccatis nostris? nec etiam ipsum Christum, cum Christus non sit rotundus: mentiuntur ergo sacrificuli, dicentes hostiam esse rotundam. Dicat mihi porro D. J. C. t. u. s., an, dum Christus peractâ cœnâ surrexit & mox ingressus hortum sudavit sanguinem, corpus illud, quod erat in ventriculis Apostolorum, etiam sudaverit sanguinem, nec ne. Si sudavit, quomodo statuitis, corpus Christi esse sub accidentibus impassibile? Si non sudavit: Ergo idem Christus fuit eodem tempore patiens & non patiens. 5. Dicunt, corpus Christi esse & tamen fieri adhuc & creari. Non secus, ac si Johannes, jam Amstelodami ambulans, nasceretur Colonia. Dies me deficeret, si ad omnes contradictiones vestras (quarum etiam non una in ipso Missali vestro lese offert) & absurditates excutere vellem. Si tibi proinde de contradictionibus loqui lubet, domi satis materiæ invenis. Sed pergis, Si corpore Christi tam verè pascimur, quàm panem accipimus, ut Reformatorum docet Catechesis: Ergo sequitur necessario, corpus Christi esse verè præsens. Quem oppugnas D.

JCte? quis hoc negat? Sic inferendum erat contra nos conclusuro; Ergo corpus Christi sub accidentibus panis realiter est præsens. Sed hæc consequentia falsissima est. Addis, *Scripturam nusquam docere, & etiam falsissimum esse, quod Christus extra panem S. cæna alio modo, corpore suo & sanguine animam nostram pascat.* Misce-
ret mestui D.JCte. Dicit Christus Joh. 6. 53. *Nisi ederitis carnem filii hominis & biberitis ejus sanguinem, non habetis vitam in vobis.* Si jam caro Christi & ejus sanguis extra Sacramentum non editur & bibitur, ut tu vis, omnes, qui S. cænâ non fruuntur, damnabuntur. En immisericordem JCrum! Loquitur Christus de manducatione corporis sui extra Sacramentum per totum caput sextum Johannis, fatentibus id non solum variis Papistis, sed etiam ipsis Papis. Eis jam adde Jansenium vestrum, Episcopum Gandavensem. *Restat ait ille Har. Evang. cap. 59. (intelligens locum jam cit. Joh. 6. 53.) totum hunc locum convenientissimè intelligi de manducatione spiritali, quæ est per fidem in carnem traditam in cruce, & in sanguinem effusum pro nobis, quomodo ut intelligatur, & præcedentia & sequentia satis exigunt, & sic cessant omnes difficultates, quæ oriuntur, si de Sacramentali manducatione accipiantur.* Habes hîc manducationem corporis Christi extra Sacramentum. Sed fugent ulterius Pontificium Pontificii. *Extra Sacramentum, ait Jesuita Maldonatus in c. 6. Joh. per se sumitur totus Christus, corpus autem Christi propter Christum.* Bellarminus Originem explicans ait l. 2. de Euch. c. 8. *Origenem loqui de manducatione corporis Christi extra Sacramentum, cum dicit, non posse ab impiis manducari.* Audis D.JCte? quæ tu ergo fronte audes asserere, *Christum animam nostram extra panem non pascere?* Si jam corpus Christi extra Sacramentum spiritaliter manducamus; cur non etiam in Sacramento? An Christi corpus non est præsens, nisi iis, à quibus tangitur & ore sumitur? erudias ergo me, quomodo Paulus dicat, *nos in baptismo cum Christo sepeliri Rom. 6. V. 4. nos Christo inferi, cumq. induere Gal. 3. 27. Christum per fidem in cordibus nostris habitare?*

XXXIV. Quod addis, corpus Christi uno eodemq. tempore posse in pluribus simul locis esse præsens, eadem, quæ cætera tua, niti-
tur veritate, id est, falsissimum est. Si corpus Christi potest esse
in pluribus locis, & nihilominus verum corpus humanum ma-
nere, non opus habebat ex Galilæa in Judæam iter facere: po-
terat enim in Judæa esse, nec tamen excedere Galilæâ: Potuit,
juxta D. Jctum, Christus eodem tempore, quò in cruce sum-
mis doloribus pressus exclamabat, *Deus mi, Deus mi, quare dese-
ruissima*, in Galilæa esse, & vel ambulare vel dormire. Annon
ergo Christus nobis per omnia similis fuit, excepto peccato Heb. 2. 17.
& 4. 15? Dicis, Deum esse omnipotentem, posse eum in mille locis idem
corpus sistere præsens. Et. 1. Si argumentum Pontificiorum, quod
delumunt ab omnipotentia Dei, tam feliciter procederet,
quàm facile ab illis nescitur, non minus apud Turcas & Judæos
esset veritas ac apud ipsos. Posset Alcoranista dicere, *Deum pos-
se efficere, ut, quicquid in Alcorano habeatur, ita a se habeat*. Judæus,
*Deo non esse impossibile, Messiam jam dudum a se expectatum visite-
re*. Et quid istis recuritis verpis, si impossibilitas nativitatæ Mes-
siæ ipsorum in urbe Bethlehem à nostratibus urgeatur, eò quòd
sit destructa, frequentius in ore, quàm *an Deus non aliam urbem
Bethlehem exstruere possit?* Si argumentatio D. Jcti nostri pro-
cedit, procedet & ipsorum. Quid autem nugivendulis istis
D. Jctus noster esset responsurus? haud dubiè dicturus, *non esse
questionem, quid Deus possit, sed quid velit facere*: idem responsum
habeat & ipse à nobis. *Potentia Dei non est regula fides nostra, sed
Dei voluntas*. Addimus interim 2. falsissimum esse, *Deum posse
facere, ut idem corpus humanum possit esse in mille locis*. Nam si cor-
pus humanum per Dei omnipotentiam potest esse eodem tem-
pore in mille locis, potest etiam esse in sexcentis millibus, imò
in sex centies sexcentis millibus, imò ubique: Et sic corpus
Christi poterit esse Deus. 2. Si Deus potest facere, ut unum
corpus sit in duobus locis v. gr. Sigenæ & Colonia, dicat mihi
D. Jctus, quid futurum sit, si corpus, quod est Colonia sit in

igne & comburatur, illud autem, quod est Sigenæ, sit in aqua & naret? *Aut corpus Sigenense, dum Colonienſe comburitur, ſimul comburetur, aut non? Si poſterius: non erit unum idemq; corpus: Si prius; comburetur in & ſub aqua natans, quod maximè ridiculum.* Quid, ſi Petro Colonienſi amputetur naſus, an tum eodem iſtu amputabitur Petro Sigenenſi? Si tandem Petrus Sigenenſis & Colonienſis ſe in viâ offendant naſis adverſis concurrentes, quid fiet? an coaleſcent naſi & in iſta coalitione naſus in naſum, os in os, ſtomachus in ſtomachum incurrent? O rem vel ipſi Heraclito ridiculum! Poſteſt juxta Tranſubſtantiatores noſtros totus mundus eſſe in foramene acus: poſteſt juxta eosdem unus homo non duntaxat omnia vina, ſed etiam omnes totius mundi aquas bibere: quis homines non rideat? Scimus, Deum eſſe omnipotentem, ſed ſcimus etiam, *Deum facere, quæ vult* Pf. 115. Portenta iſta ſecum conſiſtentia non modo dicimus, *Deum non velle ſed &, eum non poſſe velle*, quia ille eſt verax, hæc autem ridicula & contradictoria. Agnoſcit hoc Thomas veſter cum ſuis Thomiſtis contra Scotum & Scotiſtas & Jeſuitas, quando in *Supplem. 3. p. q. 83. a. 3.* ita ſcribit. *Unum corpus eſſe ſimul localiter in duobus locis, non poſteſt fieri per miraculum, &c. Quia eſſe in pluribus locis ſimul, repugnat individo, ratione ejus, quod eſt indiviſum in ſe: ſequeretur enim, quod eſſet diſtinctum in ſitu &c. Unde quod idem corpus ſit localiter ſimul in diverſis locis includit contradictionem, ſicut quod homo careat ratione.* Abeat ergò D. J. C. tuſ cum Scotiſtis ſuis & aliud quærat Chimææ ſuæ patrociniũ.

XXXV. Dicis, *Spiritus Sanctus potuit eodem tempore multis perſonis communicare dona ſua* Act. 2. 4. &c. Concedimus: ſed quid ad rem? num hinc ſequitur, *Ergò etiam corpus Chriſti eodem tempore in multis locis poſteſt eſſe præſens*: Riſu non reſponſo digna conſequentia. Forte brevi ita incipies argumentari! *Spiritus S. eſt omnipræſens: Ergò & corpus Chriſti eſt omnipræſens.* Adde interim jam non nos, ſed vos ipſos eſſe tales, qui Dei potentiam in dubium voçent: negatis enim, *Chriſtum ſub hoſtia poſſe aperire oculos*

los & caput movere: qui si invaditur à funibus, non potest se defendere, sic adit in lutum, non potest surgere, si roditur à muribus, non potest se tueri &c. En quàm omnipotens sit Christus juxta Papicolas!

XXXVI. In testimoniis humanis excutiendis & vindicandis, cum non sint regula fidei nostræ, quid attinet multum laborare? demonstratu tamen facile est, te magnâ S. Patres afficere injuriâ, dum ipsis monstrosam vestram lententiam affingis. Dicit, verum est, Ambrosius ad Theodosium; *Quomodo extendis manus tuas, de quibus adhuc stillat sanguis innoxius, quomodo hisce manibus suscipies sanctum Domini corpus, quâ presumptione poculum pretiosi sanguinis percipies ore tuo?* Sed num propterea censendus est cum Papicolis credidisse, panem esse transubstantiatum in corpus Christi? nequaquam. Dicitus ipsi fuit panis corpus Domini scilicet sacramentale, quod verissimum: quam suam mentem alibi (lib. de his qui in it. c. 9.) clariùs exprimit, dicens; *Ante benedictionem alia species nominatur, post benedictionem corpus SIGNIFICATUR.* Eadem est mens Augustini, cum dicit Epist. 118. *Ex hoc enim placuit Spiritui Sancto, ut in honorem tanti Sacramenti in os Christi prius dominicum corpus intraret, quàm ceteri cibi.* Intelligit corpus Christi Sacramentale, id est, sacrum panem, signum corporis dominici. Liquet id ex eodem Augustino. *Non dubitavit, ait idem l. contra Adimant. c. 12. Dominus dicere, hoc est corpus meum, cum signum daret corporis sui.* Et Epist. 23. ad Bonifac. *Si Sacramenta quandam similitudinem rerum, quarum Sacramenta sunt, non haberent; omninò Sacramenta non essent; ex hac autem similitudine plerumque etiam ipsarum rerum nomina accipiunt, sicut ergò secundum. NB. quendam modum Sacramentum corporis Christi, corpus Christi est, Sacramentum sanguinis Christi, sanguis Christi est, ita &c.* quid dileritius pro nobis? quid clariùs contra vos? Ab his non abit Justinus, dum scribit in Apol. 2. pro Christ. *Ὁν Ἰησοῦς Χριστὸς ἄπ' αὐτοῦ* &c. *Non enim ut communem panem, neque communem potum hac sumimus, sed quemadmodum per verbum Dei caro factus Jesus Christus servator noster, carnem & sanguinem pro salute nostra habuit: sic etiam*

etiam per verbum precatious & gratiarum actionis sacram ab ipso alimoniam (qua nutrit carnem & sanguinem) illius incarnati Jesu sanguinem esse didicimus. Concedimus enim & concessimus ultro, panem esse & carnem & corpus Christi, sed sacramentaliter, signo ferente nomen rei signatæ, uti hoc tam apud Patres, quàm in Scripturâ obtinet. Num dices cum Perronio, istas duas propositiones, verbum caro factum est & hoc est corpus meum Justinò equipollere: dicere enim, quemadmodum &c. R. frustra: nam illud quemadmodum non est æqualitatis sed similitudinis. Sequeretur enim aliàs, quòd sicut (ex hypothesi vestra) panis est corpus Christi per transubstantiationem, ita etiam verbum sit corpus Christi per transubstantiationem. Sed quid? Justinus manifestè vobis adverteratur: nam 1. ait, sacram illam alimoniam (quam carnem & sanguinem Christi nuncupat) nutrire carnem & sanguinem nostrum & πρὸς τὸν Θεὸν per mutationem sive digestionem. Hoc autem quì de reali Christi carne & sanguine dici potest? num etiam juxta vos realis Christi caro & sanguis in carnem & sanguinem nostrum mutatur? num alit carnem & sanguinem nostrum? 2. dicit sacrum panem & corpus Christi, sicut verbum caro factum sit: atqui verbum caro facta est citra essentialem Divinitatis in carnem transmutationem: Ergò & Panis factus est caro citra essentialem ejusdem in corpus transmutationem. En ergò quàm parùm tibi faveant citati Patres!

An primitiva Ecclesia credidit Transubstantiationem?

Sic dicit D. J. Crisostomus noster: dicit etiam, ipsos Centuriatores hoc fateri: sed utrumque falsissimum. Justinus, ad quem omnium primò provocat, quàm parùm Papicolis faveat, jam suprà audivimus. Addunt Centuriatores Cent. 2. c. 4. Ignoratum fuisse Ecclesiam hujus (secundi) seculi commentum de Transubstantiatione. Quomodo ergò fatentur? Ait Irenæus lib. 5. Quando mixtus

mixtus calix & fractus panis percipit verbum Dei, sit eucharistia corporis & sanguinis Christi. Sed quid hinc quæro pro Papicolarum Transubstantiatione? Unde & Centuriatores c. 6. addunt. *Nec hoc, si rectè intelligas, incommodi quicquam habet.* Dicis, eosdem Centur. introducere Cyprianum sic loquentem, *panis iste, quem Dominus discipulis porrigebat, non effigie, sed naturâ mutatus, omnipotentia verbi factus est caro.* R. Citant verba, quæ vulgò Cypriano adscribuntur: hæc autem verba infallibiliter esse Cypriani, nec ipsi dicunt, nec etiam verum est, fatentibus vel ex vestratibus Bellarmino l. 2. de Euch. c. 9. Sixto Senensi Biblioth. l. 4. Possevino Pref. Appar. His tu ergò proba. Sed sint, quid lucraberis? Dicit, *panem esse factum carnem Christi omnipotentia verbi.* Concedimus, *eum factum esse corpus Christi sacramentaliter*, id est, signum, non duntaxat significativum, sed etiam representativum & exhibitivum corporis Christi in legitimo suo usu. Addit, *panem mutari naturâ:* sed per naturam non intelligit substantiam, sed naturalem & communem ulum: Panis ergò *mutatur naturâ*, cum non amplius destinatur in usum mentis communis, sed potenti institutionis Domitica verbo transit in corporis Christi Sacramentum. Eodem modo aqua in baptismo *mutatur naturâ*, dicit, vel fatentibus Papistis, substantia ejus maneat.

II. Verba illa, *ex carne & sanguine Christi nihil in mundo inveniri, nisi illud, quod in ara altaris per manus sacerdotum quotidie spiritualiter efficitur*, esse Athanasii, probari desideramus: dicunt Centuriatores illa haberi in Athanasii libello de Christi imagine, quod nos non negamus: negamus autem (quod nec illi affirmant) Athanasium esse vetum Auctorem hujus libri. Eodem modo Ambrosio fit injuria, dum ei affinguntur preces preparantes ad Missam. Probet D. J. C. suo Erasmo adlect. 4. tom. Ambr. & Gillotio in Pref. adlect. de edit. Paris. 1579. eas esse Ambrosii. Dicit quidem Greg. Nyssenus in Orat. Catech. *panem in Dei verbi corpus immutari:* at ubi dicit, *immutari substantia-*

trialiter, quod in probandum suscepas. Nullum Patrum mihi demonstrabis, qui hoc dicat & vobiscum credat. Loquuntur illi quidem non rarò de mutatione panis & vini in corpus & sanguinem Christi, sed non nisi mutationem moralem & sacramentalem intelligunt, nempe usus & efficaciz, non rei & substantiz, qualem & nos admittimus. Huc jam revoca Hieronymum, Eusebium, Hilarium, Chrysostomum, quos in sequentibus allegas de mutatione loquentes, nisi velis ipsis injuriam facere. At ais, Augustinum in Psal. 33. dicere, *Christum corpus suum in suis manibus tulisse*. Sic est D. J. Cte: sed quid inde pro vobis? Explicat se ipse Augustinus, cum dicit *ibid.* *Accepit in manus suas, quod nòrunt fideles, & ipse se portavit* NB quodammodo. Quid autem acceperat in manus suas, scientibus fidelibus? panem: panis ergo erat quodammodo (improprie scil. & figuratè, quia erat Sacramentum corporis) corpus ejus. Et hoc etiam est conformedòctrinæ Augustini, quam *contr. Adim. l. 1. c. 12* proponit: *Dominus non dubitavit dicere, hoc est corpus meum, cum daret signum corporis sui*. Item in Pl. 3. *Dedit discipulis suis figuram corporis & sanguinis sui*. Quid clarius desiderari queat?

III. Quàm alieni fuerint S. Patres à monstroso vestro Transubstantiationis dogmate, si fulius erudiri desideras, adeas velim Hospinianum, Mornæum, Albertinum, Steinbergium, Neibenum, & in primis Forbesium, qui *instr. Theolog. l. 11. 18. & seq.* septem argumentis adeò perspicue demonstravit, Transubstantiationem vestram esse novum figmentum, ut, nisi animum contra veritatem obfirmes, facile inde videas, patres nihil minùs quàm Transubstantiationem credidisse. Quid? Fatetur ex ipsis Theologis vestris Petrus de Marca, Archiepiscopus Parisiensis in publ. Dissertat. de S. Ccen. *Irenæum, Cyprianum, Epiphanium, Chrysostomum, Theodoretum, Augustinum, Facundum Hermianensem, & Fulgentium* Reformati fuisse. En veritatem è medio Papatus erumpentem! Huic jam si dicam scribere lubet D. J. Cto, per nos licet.

IV. Calvinus cùm scribit *l. 4. Inst. c. 17. §. 18. Dum panis in mysterio porrigitur, annexam esse exhibitionem corporis* quì a nobis abit? num ergo nos negamus, dum porrigitur fidelibus panis, porrigi & iisdem Christi corpus ore animæ accipiendum? Est quidem *inseparabilis à signo suo veritas*, ut Calvinus addit, sed non est sub signi vel accidentibus vel substantia inclusa: Id quod ipse Calvinus ibidem negat. Audi & eundem seq. §. 19. *Nos verò, ait, talem Christi præsentiam in cæna statuere oportet, quæ nec panis elemento ipsum affigat, nec in panem includat.* In Calvino evolvendo si tam attendisses ad res, quàm ad stylum (styli enim gratiâ te tantùm ipsum legete, non semel dixisti) tantis fortè Papatus tenebris non fuisses involutus.

CAPUT VII.

De Sacrificio Veteris & Novi Testamenti.

PRæmissâ distinctione inter sacrificium *proprie & improprie dictum* quam & nos agnoscimus, conatur D. J. Crus: noster demonstrare, *insitam homini naturam docuisse eum præter sacrificium improprie dictum gratiarum actionum, creatori suo etiam sacrificia proprie dicta, sive sint pecora, sive frumenta, sive aliud quid, offerre.* At quàm frustra, supra modò audivimus. Num sana ratio dicat, Deum posse placari sanguine hirci aut bovis? Annon sacrificia fuerunt picturæ & umbræ Christi Heb. 10. 1? quem utique natura non depingit. Provocas ad sacrificia Caini, Abelis, Jacobi, Noachi, imò etiam gentilium: At ostendimus tibi supra modo, fideles Dei servos sacrificia illa obtulisse, postquam per revelationem edocti fuerint de voluntate Dei, ratione cultus sui. Hinc Abel dicitur *fide obtulisse sacrificium* Heb. 11. 4 fides autem non est

ex dictamine naturali, sed ex verbo Dei revelato Rom. 10. 17. quod fa-
cente Jesuita Pererio Comment. in c. 4. Gen. à primis parentibus
ad filios per institutionem publicam & privatam transit.
Quantum verò ad infideles, oblevabantur apud eos varia sacri-
ficia & ritus partim ex consuetudine, quâ mundus in quibusdam so-
let imitari Ecclesiam, partim instigante diabolo, qui cultus di-
vini avidissimus, etiam eos ritus suis suggessit clientibus, quos à
Deo præscriptos suo populo noverat. Audi vestrum Suarez.
Nullum est, ait in 3. p. S. Thom. q. 83. a. 1. d. 71. naturale præce-
ptum, ex quo sufficienter colligi possit, determinationem illius ad talem
modum cultus, scil. per sacrificium, esse omnino necessarium ad morum
honestatem. Et quid? annon Bellarminus vester docet l. 1. de
Mis. c. 2. ad verum sacrificium requiri, ut id, quod offertur Deo in
sacrificium, planè destruat? hoc si verum est, edoce tu me, quo-
modo id fluat immediatè ex lege naturali, ut juris naturæ dici
queat.

II. Dicis jam porrò, duplex dari in N. T. sacrificium:
cruentum, quo Christus in ara crucis Deo Patri oblatus fuerit
 pro expiatione peccatorum nostrorum: & *incrumentum*, quo
 idem Christus quotidie sub specie panis & vini offeratur in al-
 tari. At vellem mihi istud sacrificium *incrumentum*, propriè di-
 ctum, demonstrari D. J. Cte. N. Testamentum me de uno tan-
 tum Christi sacrificio, eoque cruento instruit Heb. 7. 28. & 9.
 25. 26. & 10. 2. 10. & c. Situ præterea *incrumentum* invenisti: o-
 stende, ubi? Addis, *utrumq; & cruentum & incrumentum per sacri-*
ficia & ritus V. Testamenti præfiguratum fuisse. 2. De cruento con-
cedimus, adeoque non opuserattam proluxa dictorum V. T.
citatione. De incrumento negamus. Conaris ostendere. Atqui
priùs te oportebat ostendere sacrificij istius veritatem: hoc fa-
cto, satis maturè ad figuras devenisses. Ubi interim sùnt figu-
ræ istæ? Adducis ex Levit. 2. oblationem muneris Jchova è simila, oleo
& thure, ex Exod. 29. 40. libamen ex vino, ex c. 25. 30. ejusd. Exod. panes
facierum & c. At hæc ne figuræ erant sacrificij alicujus incru-
 enti,

enti, propriè dicti D. J. Cte? Ostende, ubi hoc legatur? audi interim Glossam ordinariam. *Simila*, ait in c. 2. Levit. *Ecclesiam significat, quæ de multis personis quasi grana est collecta &c.* Ergo jam tibi ipsa Eccl. erit sacrificium incruentum. *Panes facierum* ab ipso Paulo ad Christum referuntur Heb. 9. utpote qui est *panis vite* Joh. 6. 48.

III. Quæ addis de voce *πρεσβύτερος*, ne causâ quidem nunc digna sunt. Proficiscuntur illa, ut supra modò diximus, ex Linguae Græcæ ignorantia, tibi quidem, tanquam Jurisconsulto, sed minimè D. Doctori Kunckelio, libri tui censori, condonandâ. Qui Linguam Græcam vel per transennam inspexit, scit vocem *πρεσβύτερος* non sacerdotem, sed presbyterum seu seniore[m] significare. Confer quæ diximus num. 6. c. 1. & adju[n]ge Lombardum, Episcop. Parisiensem, qui te ita docet l. 4. Sent. dist. 24. *Presbyter Græce Senior interpretatur Latine.* En ergò quàm egregiè argumenteris, si in N. T. dantur sacerdotes propriè dicti: Ergo & sacrificium propriè dictum. Atqui &c. Ergo. Proba assumptum, & eris mihi magnus Apollo. Dicis in V. T. prædictum esse, for in N. T. sacerdotes &c. propriè dictos? demonstra: provocas ad Jes. 66. 2. Sed ibi negry de hac re: inspiciat Lector textum, & videbit, me verum dicere. Mirum, quòd non provocaveris etiam ad 1. Petr. 2. 9. *Vos estis genus electum, regale sacerdotium &c.* & ad Apoc. 1. 6. *Qui fecit nos reges & sacerdotes &c.* sed vidisti forsân, hæc loca ridiculè citari à Monachis vestris, cum ibi sermo sit non de singulari aliquo hominum ordine super reliquos sublimato, sed de omnibus omnino fidelibus, quorum officium sit offerre hostias spirituales, *cor contritum* Psal. 51. 19. *preces* Pl. 141. 2. *gratiarum actiones sive laudes* Heb. 13. 15. *Eleemosynas* Heb. 13. 16, imò sua ipsorum corpora in hostiam vivam Rom. 12. 1. Inverro jam argumentum. Ubi non est sacrificium propriè dictum, ibi etiam non est sacerdotium propriè dictum: atqui in N. T. non est sacrificium propriè dictum: Ergo. Major est ex concessis. Minor liquet, quia nulla res, quæ ceu sacrificium propriè dictum offeratur, in N. T.

ostendi potest. Num dices, rem offerendam esse Christum? frustra: is enim dicente Paulo Rom. 6.9. *suscitatus ex mortuis non amplius moritur*: isque oblatus non ab alio, sed à se ipso Heb. 9. 14. Sed agedum D. JCre; Si Christus hodie iterum offertur: vel *gloriosus* offertur vel *humilis*: non *gloriosus*, quia offerri repugnat gloriæ: non *humilis*, quia jam non est in statu humili. Ubi manent ergò tui sacerdotes propriè dicti?

IV. Sed en D. JCrus offendit tandem suum, quod multis ambagibus hætenus quæsiuit, Sacrificium Missaticum: ubi autem? Malach. 1. 11. *ab ortu solis usq; ad occasum magnum erit nomen meum in gentibus & in omni loco suffimentum & oblatio munda Nomini meo offeretur.* Sed lynceus valde sit, oportet, qui hîc videat Missaticum istud Sacrificium: At Sancti Patres, ais, id, teste Coccio, hoc loco viderunt. 32. an omnes? non audes affirmare. An aliqui? At Patres, nisi consentiant, non præbent, teste Bellarmino, firmum argumentum. At interim ostende mihi vel unicum ex antiquioris antiquitate Patrem, qui illum Malachia locum de sacrificio vestro Missatico exponat: nullum ostendere poteris. Provocat Coccius vester in *Thess. suo Cathol. l. 6. a. 6.* ad Justinum, Tertullianum, Eusebium, Chrysostomum & alios quosdam: sed quàm frustra; ostendit Forbesius noster *Instr. Theol. lib. 11.* Audiamus jam brevitatis gratiâ unius duntaxat & quidem Justinî ab ipso citati verba, ut videas, quàm fallax sit fides, quam habes Coccio vestro. *De nostris gentium*, ait is in dial. cum Tryphone, *qua in omni loco offeruntur, sacrificiis, hoc est, pane Eucharistia & poculo similiter Eucharistia, jam tum locutus Malachias prædixit, nos glorificare nomen ejus, vos autem profanare.* Ubi hîc Sacrificium vestrum Missaticum D. JCre? ubi corpus & sanguis? Panem & poculum nominat: ut inanissima proinde sit vestra de antiquis Patribus gloriatio. Citant tantùm eos Jesuitæ, ut simplicibus imponant. Sed propiùs ad rem. Vulgatus vester, vobis authenticus, posteriora verba Malachia ità offert, & *in omni loco sacrificatur & offertur nomini meo oblatio munda*: ubi

מִנְחָה, quod fatenre etiam Pagnino vestro, *incensum* vel *suffimentum* norat, reddit per *sacrificatur*: quasi verò (posito etiam, quod מִנְחָה hic sit participium Hophial) מִנְחָה significet *sacrificare*. En authenticum Interpretem!! Doceto autem me D. J. Cte, num מִנְחָה, hic apud Malachiam obvia, sumatur *proprie*, an verò *improprie*. Si *improprie*: quí vobis Missa est Sacrific. *proprie* dictum? Si *proprie*: Ergò non debent Missifices vestri offerre corpus & sanguinem Christi, sed suffimenta cum farina & oleo commixta, eaque adolere pro oblatione ignis in suavem odorem Jehovæ. Hoc enim *proprie* est *mincha* juxta Legem Lev. c. 2. v. 1. 2.

V. Ad nos quod attinet, dicimus Malachiam vaticinari de cultu spirituali Dei inter gentes præconio Evangelii constituendo, sermone, ut haud infrequens apud Prophetas & Apostolos, cultui legali accommodato. Nam 1. fatentur ipsimet adversarii, quòd adjuncta vox מִנְחָה sumatur *improprie* de *incenso spirituali* seu de *suffitu precum*, (Sic Cornelius à Lapide demonstrat ex Psal. 141. 2. & Apoc. 5. 8: *incensa esse preces sanctas*) quí ergò non eodem modo sumeretur vox מִנְחָה? nullo quippe indicio constat, unam vocum conjunctarum *proprie*, alteram *improprie* capiendam esse: 2. Dicit Jesaias cap. 66. 20. de temporibus N. Testamenti, & adducunt omnes fratres vestros ex omnibus gentibus מִנְחָה muneri Jehovæ, equis & curribus & pilentis &c. quemadmodum מִנְחָה אֶת הַמִּנְחָה אֶת יִשְׂרָאֵל adferunt Israëlita *mincha* instrumento mundo in domum Jehovæ: Atque etiam existis in Sacerdotes & Levitas. Hæcne accipienda sunt *proprie* an *improprie* D. J. Cte? Si *proprie*: reduceretur totus cultus Leviticus in Christi Ecclesiam: si *improprie*, cur verba Malachiæ *proprie*? 3: Sed quid multis? cùm habeamus ipsum Paulum, hujus loci interpretem, eumque manifestè ad cultum Dei spirituales in N. T. referentem. Volò igitur, ait 1. Tim. 2. 8. viros precari & מִנְחָה in omni loco (sic Malachias dixerat מִנְחָה in omni loco) manus puras attollentes: quòd quid aliud est quam מִנְחָה טְהוֹרָה munus purum, quod

quod idem Propheta expreſſerat, Deo offerre? Hanc eandem mentem ſuam etiam Paulus alibi exprimit dicens; *Hortor vos fratres per miſerationes Dei, ut ſiſtatis corpora veſtra, hoſtiam vivam, ſanctam, placentem Deo, rationalem illum cultum veſtrum Rom. 12. 1.* Idem, cùm agit de gratiâ ſibi conceſſa, Rom. 15. 15. 16. annon eam ad hunc finem dtrigit, ut ſit *Minifter Jeſu Chriſti operans Evangelio Dei, ut NB oblatio gentium fiat accepta, ſanctificata per Spir. Sanctum?* Hic ne Paulus ex Mincha Malachiæ exſtruit ſacrificium propriè dictum & quidem Miſſaticum D.J.Cte? Sed unum adhuc eſt, de quo, antequam ulterius progrediar, à te erudiri velim, nempe cùm *Mincha* reſpiciat *Miſſam*, cur Sacrificium Miſſaticum non peragatur veſperi, quemadmodum etiam mincha oblatum fuiſſe conſtat ex 1. Reg. 18. 29. nimirum *Miſſa apud vos nihil valet poſt prandium: apud nos autem nec ante nec poſt prandium valet quicquam: Ergo apud utroſq. niſi ei tempus matutinum valorem conciliet, eſt nullius valoris.*

VI. Verum eſt, *Psal. 110. Chriſtum dici ſacerdotem in æternum ſecundum ordinem Melchiſedeck:* Sed quid inde pro Miſſâ veſtra? Si Chriſtus, ais, eſt Sacerdos æternus uti etiam Heb. 6. 20 & 7. 7. & ſeq. habetur: Ergo reliquit neceſſariò ſacerdotes, qui ſecundum ordinem Melchiſedeck in æternum vero Deo, convenienter vocationi & officio ſuo, propriè dicta ſacrificia offerant. Argumentor pariter. Si Chriſtus eſt Sacerdos *ἀναπαύμενος* & absq. omni peccato, ut habetur Heb. 7. 26. 27. Ergo reliquit neceſſariò Sacerdotes, qui ſecundum ordinem Melchiſedeck *ἀναπαύμενοι* vero Deo propriè dicta ſacrificia offerant. Quid videtur de hac conſequentia? annon maximè eſt ridicula? ita non minùs tua eſt ridicula & falla in ſuperlativo gradu: imò directè Paulo oppoſita: dicit enim *ψ. 23. de Aharonicis loquens, & illi quidem plures facti ſunt ſacerdotes: de Chriſto verò ſtatim ſubjungit ψ. 24. at iſte, propterea quod NB in æternum manet, habet ſacerdotium ἀναπαύμενος non tranſiens ſcil. in alium, quemadmodum ſacerdotium Leviticum. Num dices forte in alium, tanquam collegam, non verò in alium, tanquam miniſtrum ſubdelegatum?*

gatum? quæ hodierna Jesuitarum vestrorum *cantilena est*: frustra: nam 1. hæc distinctio Apostolo non minùs in os contrahit, qui simpliciter dicit, Christi sacerdotium esse *ἀπαράβατον non transmitti in alium*: si autem transmitteretur in secundarium, transmitteretur utique in alium. 2. Figura restringitur ad unam personam, cur non potiori jure veritas? 3. Dicat mihi D.JCtus, num Sacerdotes subdelegatos & secundarios, quos fingunt Jesuitæ, putet esse ejusdem speciei cum primario, an verò diversæ: si dices prius, habebis sacerdotes diversum à Christi sacrificio sacrificium offerentes, quod vobis tamen non placet: Si posterius: Sacerdotes vestri erunt & Reges & Sacerdotes, sine patre, sine matre, sine genealogia, sine ullo peccato. Num credis hæc D.JCtus?

VII. Verum est etiam, Gen. 14. 18 dici, quòd Melchisedeck protulerit panem & vinum: Sed quid inde quæso pro sacrificio vestro Missatico? Dicis, id, quod fecerit Melchisedeck sacrificium fuisse. 2. Sacrificium vestrum Missaticum præfigurasse. Utumque falsissimum est: proba, quod dicis, & dabimus victas manus. Textus ait, inquis, Melchisedecum propterea protulisse panem & vinum, quia Sacerdos fuerit. At ubi hoc dicit Textus D.JCtus? Ostende. Textus ita habet, Et Melchisedeck Rex Salem מלך שלם ויהוה כהן לחם עליו protulit panem & vinum: & ipse sacerdos Deo altissimo. En quàm faveat tibi textus! ubi hîc vocula כ nam, enim, vel quia? Reddit quidem Vulgatus vester ויהוה (ubi pronomen supplet vim verbi substantivi erat) erat enim: sed consuetudine ipsi textus depravatione, quam hîc haud obscure fateatur ipse Cajetanus vester, dum ait in hunc loc. Quod in Vulgata editione subditur, ut causa oblationis erat enim &c. in Hebræo non habetur ut causa, sed ut separata clausula. Abeunt etiam ab eodem ex Vestratibus Pagninus, Arias Montanus & Vatablus, verrentes cum Epiphanio (reddit enim כהן הוה כהן) & Hieronymo in quest. Hebr. וְהוּא כֹהֵן, quæ particula non est causalis, sed copulativa, ut innuatur fundamentum benedictionis dandæ: unde &

à LXX. redditur *וְיָ לֵגֶדֶס*, erat autem sacerdos. Novimus, dari Scripturæ loca, in quibus Vau sumatur pro *causali*, ita ut accumulatis hujus acceptionis à Bellarmino exemplis haud fuisset opus: probandum Bellarmino contra nos & Collegam tuum Cajetanum, ut & Viros. *Ecce iuxta* Montanum & Pagninum, *voculam illam hoc loco ita necessario accipiendam esse.* Norunt vel pueri, *Vau* significare propriè copulativam ET: ab hac autem propriâ significatione, num recedendum citra necessitatem? alibi si vim habet *causalis*, inveniunt textus circumstantiæ (sic cum loco à Bell. citato Gen. 20. 3. dicitur; *morieris propter mulierem, quam tulisti*, *וְהָיָה כְּעַלְמָא דְּמִיתָ עַלְמָא דְּמִיתָ* & est. *juncta marito*, quis non videat ex circumstantiis, *vau* hic esse voculam causalem, & sensum esse, *nam vel quia est juncta marito?*) hic autem minimè. Dicis, *Jesuitam vestrum Masenium Concord. Medit. part. 3. clarè demonstrare ex textu hebraeo, voculam Vau hoc loco esse causalem.* Aperui librum Jesuitæ (quem semper, ratione eruditionis, magnè æstimavi) at deprehendo, ejus effugia admodum jejuna esse. Dicit 1. *verbum וְיָ cum Accusativo apud Hebræos, esse producere ad sacrificandum.* Sed unde probat hoc Jesuita? provocat ad Num. 19. 3. & Jud 6. 18. At quid quæso hinc? Usus quidem est Sp. Sanctus quandoque verbo *וְיָ*, ubi de sacrificiis afferendis aut educendis agitur, ut Num. 19. 3. At tunc illud verbum non significat *sacrificare*, sed ex rei, quæ additur, naturâ finis educationis aut adductionis tantum colligitur. Observavit hoc Masenii socius, Valquez; ideo omissa Grammaticâ & verbi significatione, sacrificium deducere conatur ex aliis loci circumstantiis. Et quid? manifestè tenetur falsi ille bonus Semanus (sic se ipsum vocat per metathesin literarum in *Stren. Reform. contr. Cl. Steinbergium nostrum*) i. e. Masenus: nam Jud. 6. 18. distinguitur adductio hædi præparati ab oblatione & aliud verbum usurpatur; *וְיָ דָּרַסְתָּ אֵלַי אֶת הַחֶמֶד דָּרַסְתָּ* & eduxit ad eum sub quercu & obtulit. Ubi non *וְיָ* sed *וְיָ* juxta etiam ipsiusmet vestri Vulgati versionem, *offerre* significat. En ergo quàm eximiè Masenius cau-

gressus monasterium: sed visâ tandem magis ac magis superstitione & idololatriâ, convertit se ad verum Ecclesiæ Reformatæ Christianismum, in quo & ad finem usque vitæ perseveravit) verba illa *prout hic erat Sacerdos Deo fortis excelsus* non ad præcedentia, sed ad sequentia, *benedixerat illi, dicens: Benedictus Abram Deo &c.* patet hæc ipforum mens in adjectis glossis. Quî ergo vobis favent? quî nobis contradicunt? Frustra dixeris cum Jesuitis tuis, *non posse illa verba invicem conjungi, eò quòd interveniat Silluk cum Sophasuk*: nam hæc non ostendunt finiri orationem: sed verum tantum, ut alibi sæpius fieri solet Psal. 95. 7. 8. Jer. 33. 10. 11. Imò in hoc ipso Genesios libro c. 23. 18. 19. & 48. 15. 16. quid? annon hoc ipso capite v. 22. 23? Hanc versuum ex V. T. citatorum conjunctionem observa etiam in N. T. nominarim Heb. 3. 15. ex Psal. 95. 7. 8. Sed quid opus ambagibus? annon ipsa Vulgata in hoc ipso loco verum 18 & 19, non obstante Silluk cum Sophasuk, conjungit? ita enim habet: *At vero Melchisedec rex Salem, proferens panem & vinum, erat enim Sacerdos Dei altissimi, benedixit ei &c.* En Jesuitas proprio gladio jugulatos! quis non rideat?

IX. Si Melchisedec fuit sacerdos, inquis, Ergo sequitur, eum panem & vinum obtulisse in sacrificium. R. Negando Consequentiam, quæ non probatur, dicendo *ad sacrificium ordinari sacerdotium*: nam necesse quidem est, docente Paulo Heb. 5. 1. omnem sacerdotem habere aliquid quod offerat: sed falsum necesse esse ad descriptionem ordinis alicujus sacerdotalis, ut aliqua oblationis fiat specificatio, cum sacerdotii ordo queat esse specialis, et si sacrificium sit commune. Addis, *omnes S. Patres à tempore primi Christianismi usq. ad Lutherum ita credidisse vobiscum.* R. audax assertum, & certè falsissimum. Audi Chrysostomum. Et vide, inquit ille Homil. 35. in Gen. *propter honorem in Patriarcham collatum, quomodo sacramentum insinuat.* Extulit enim illi panem & vinum. Ubi hîc Sacrificium D. J. C. te? De figurâ Sacramenti agunt S. Patres, non de figurâ sacrificii. Audi & Epiphanium.

phanium. *Melchisedeck*, ait is hæres. 55. *proposuit panes & vinum, mysteriorum enigmata præsfigurans & exemplaria*, cum Dominus noster dicat, *Ego sum panis vivus*. Adjunge Clementem Alexandr. *Melchisedeck*, inquit ille l. 4. Strom. c. 8. *Sacerdos Dei altissimi, qui panem & vinum dedit* NB *nutrimentum in typum eucharistiae*. Iſa & Basilii in Psal. 109. Theodoretus in Gen. & alii. En ergò quàm verax sis D. JCre! Sunt etiam, non negamus, quidam ex Patribus, qui dicunt *Melchisedecum obtulisse panem & vinum*: at negamus, eis sermonem eise de sacrificio externo & propriè dicto: intelligunt potius vocem *sacrificii* eo sensu, quo usurpatur à Paulo Phil. 4. 18. Heb. 13. 16. Eat ergò D. JCrus cum citato Coccio suo & in posterum Patres (quorum tamen auctoritas in dogmate fidei constituendo non valet) veriùs allegare discat!

X. *Qui credat, ais, homo prudens, Christum esse sacerdotem secundum ordinem Melchisedeck, cum indicari non queat ordo & modus Melchisedeci, secundum quem Christus evasit sacerdos &c.* R. *Qui Christus conveniat cum Melchisedeco, docet te Apostolus ad Hebr. 7. per totum caput.* Convenit 1. *in nomine* ψ. 2. βασιλεὺς δικαιοσύνης, βασιλεὺς εἰρήνης. 2. *in origine*, ψ. 3. ἀπείτωρ, ἀμύτωρ, ἀχρεαλόγητος. 3. *in duratione*. ψ. 8. μαρτυρέμενος ὅτι ζῇ. 4. *in officio*. ψ. 1. βασιλεὺς ἐ ἱερῆς. 5. *in dignitate* ψ. 7. 8. χρεὶς ᾧ πάσης ἀντιλογίας τὸ ἐλάττω ἐπὶ τῷ ἁγίῳ ἐὺλογεῖται κλ. 6. *in unitate*. ψ. 24. Ὁ ᾧ, δὲ τὸ μένειν αὐτὸν εἰς τὸ αἰῶνα, ἀπαρχαίον ἐκ τῶ ἱερωσύνης &c. Vides jam, nî fallar, quî Christus secundum Apostolum, sit sacerdos secundum ordinem Melchisedeck. Dices forte, *ab Apostolo non exprimi sacrificium*. R. Litiga ergò cum Apostolo. Scopus Apostoli non erat enarrare omnes sacerdotii Melchisedei actus, sed eos duntaxat, in quibus præsTABAT aliis sacerdotibus, quod, cùm sacrificium fuerit aliis commune, haud per ejus rationem fieri potuisset. Instabisne cum Bellarmino, *nec, quod Melchisedeck benedixerit & decimas acceperit, proprium esse illius sacerdotii, sed etiam commune Levitico*? At hoc non est ram nos quàm Apostolum petere. Sed respondeat Cardinali Jesuita Vaquez. Fal-

sum est, ait ille Tom. 1. disp. in 3. p. Thom. d. 81. q. 21. a. 4. c. 4. ea, quæ Paulus attribuit Melchisedeck, communia etiam aliis sacerdotibus fuisse, sicut prædicti Doctores contendunt. Nam quod benedixit Melchisedeck & decimas acceperit, non illi fuit commune cum Leviticis; siquidem probat Paulus, Melchisedeck excellentiorem fuisse sacerdotem, quàm Leviticos; tum quia omnibus Leviticis benedixit in lumbis Abrahe, tum quòd etiam ab iis, in lumbis Abrahe existentibus decimas acceperit, hoc autem Leviticis non erat commune, quibus ex consequenti in duobus illis Melchisedeck antecelluit.

XI. Sed agedum, si Melchisedeck in oblatione panis & vini fuit typus, dicat mihi DJCtus; an Christus impleverit typum, nec ne? Si non implevit, què ergo Papicolæ dicunt, eum sub speciebus panis & vini sacrificasse? si implevit: cur ergò offerunt hodie? num quod impletum adhuc implendum? Quærisne, in quem igitur usum Melchisedeck protulerit panem & vinum, si non in sacrificium? R. protulisse honoris causa; tum ad Abrahamo de victoria gratulandum; tum ad milites ex itinere fessos reficiendum. Frustra exceperis, cum Jesuita Elfriso l. c. milites jam fuisse refectos ex prada, quam hosti abstulerint: nam fuerint refecti, quid tum? Ergò ne ab hospitalitatis officio abstineret Melchisedeck? quid si eum id latuisset? Sed notum ei fuerit: an nemo excipiendus liberali convivio, nisi qui apud te destituatur cibis necessariis? Sed refutet Jesuita Jesuitam. Parum ait Pererius disp. 5. in c. 14. Gen. in hac confutatione videtur esse roboris; Dicat enim quispiam, nescisse id Melchisedeck, imò putasse, eos propter laborem dimicationis & fatigationem itineris; recentibus cibis refecti & recreari debuisse. At licet id scivisset, voluisset tamen eo munere suam erga Abramum benevolentiam & ex victoria ejus, singularem latitia suæ voluptatem declarare. Et tandem quis non miretur Papicolas? urgent adeò sacerdotium Melchisedeci, cùm tamen Lombardus, Episcopus Parisiensis, lib. 4. Sent. dist. 24. scribat, presbyteros accipere calicem cum vino & patinam cum hostiis, ut per hoc sci-
ant, accepisse se potestatem placabiles Deo hostias offerendi & hunc ordi-

nem à filiis Aaron sumpsisse initium. Si à filiis Aaron, qui ergo hodie ad Melchisedecum confugiunt?

XII. Quin si darem tibi D. J. Cte, *Melchisedecum obtulisse Deo panem & vinum*, quid inde præsidii capturus esses pro sacrificio vestro Missatico? num hinc sequetur, Christum adhuc quotidie offerri sub specie panis & vini? quis non rideat istam Consequentiam, *Melchisedec obtulit Deo panem & vinum*: Ergo *Missifex sub specie panis & vini offert corpus & sanguinem Christi*? Aliud ergo causæ tuæ quæras præsidium? Quod interim non invenis Jerem. 34. 18. Jel. 19. 18. 19. & 66. 18. Nam aut intelligis illa loca propriè, aut impropriè: si propriè revocabis in Christi Ecclesiam *Sacerdotes Leviticos, victimas & holocausta*: Si impropriè, quid ad rem? Describitur ex stylo Prophetis familiari cultus spiritualis terminis legalibus. Glôssa interlin. in Jel. *cenfet altare*, cujus meminit Jelaïas, *denotare fidem, super quâ sacrificamus Deo bona nostra, qua agimus & dixit colendum Deum hostiis spiritualibus*. Innuitur igitur non *altare materiale*, sed *mysticum*, ad hostias spirituales offerendas Rom. 12. 1. Et hinc sermo est in singulari *altare*, non in plurali *altaria*, prout magno numero apud vos conspiciuntur.

XIII. Quod addis, *Sacrificium vestrum Missaticum duraturum esse usq. ad desolationem Christianismi & adventum Antichristi*, vix responsionem meretur. Provocas ad Dan. 8. 11. & 11. 31. At quid quæso ibi pro Missa? Prædicit ibi Propheta, *Sacrificium jube per Antiochum* (quem Antichristi typum fuisse non negamus) abolitum iri: at num sacrificium jube figura fuit Sacrificii Missatici? unde probabis D. J. Cte? Afferunt ipsi Jesuitæ vestri Emanuel Sa, Cornelius à Lapide, & Tirinus, per jube sacrificium intelligi *agnum illum, quem quotidie manè & vespere sibi offerri jusserat*; cum his tu ergo in posterum disputa. Quid si dicam, per istud præfiguratum fuisse cruentum crucis sacrificium: illud enim Antichristus (quem vos adhuc hodie expectatis, ut olim Judæi Christum, inter ipsos præsentem) reipsa abrogavit & ever-

evertit, substituto alio humanæ fictionis sacrificio (quod Danielicit. c. 11. v. 31. *detestatio desolans* audit) id est, Milsâ.

XIV. Quæ contra hîc regetis, quàm futilia sint, liquet modò ex suprâ dictis. Coloris aliquid habere videtur, quod excipis, prædici à Malachia 1. *sacrificium purum & mundum*: cum è contrario Reformati fateantur, *bona opera fidelium non esse pura, sed peccatis inquinata*: 2. prædici ab eodem *sacrif. Novum*: jam verò precationem aliaque bona opera non posse dici *sacrif. novum*: siquidem etiam obtinuerint sub V. T. Ergò mincha Malachia non posse intelligi de spiritualibus exercitiis N. T. At verò has remoras tollere haud arduum est. Ad 1. quod attinet, respondemus, bona fidelium opera, licet absolute & in se καὶ ἀκαθάρτα non sint *munda*, esse tamen *munda* secundum quid & κατὰ συνένοιαν ἢ ἐν ἀγαθῇ in Christo, qui ea tegit suâ munditie. Audi Paulum. *Adhortor vos fratres*, ait Rom 12. 1. *ut offeratis corpora vestra in hostiam VIVAM, SANCTAM, ACCEPTAM DEO* &c. Et Rom. 15. 16. *Operans Evangelio Dei, ut oblatio gentium fiat accepta, SANCTIFICATA per Sp. S.* Et 1. Tim. 2. 8. *attollentes manus PURAS sine ira* &c. Vide & 1. Petr. 2. 5. Ad 2. respondemus 1. Malachiam *novæ oblationis* nusquam meminisse. 2. Si meminisset, quid pro vobis? res dicuntur novæ cum renovantur. Sic Christus, commendans discipulis charitatem, ait Joh. 13. 34. *Mandatum novum do vobis*, licet fuerit etiam vetus 1. Joh. 2. 7. 3. res etiam efficiuntur novæ à novis circumstantiis. Sic in N. T. est novus cultus 1. ratione temporis, quod est Evangelii. 2. ratione loci, in V. T. cultus erat adstrictus uni domui, ita ut ne quidem orate liceret, nisi facie ad eam conversa 1. Reg. 8. v. 30. jam verò ἐν παντὶ τόπῳ attolluntur manus pure 1. Tim. 2. 8. 3. ratione personarum: constituenda enim erat caula Christi duplicio vium genere, & evadere debebat grex unus ex Judæis & Ethnicis Joh. 10. 16. 4. quid? annon ipse cultus Evangelicus rectè dicitur novus, si non quoad rem, saltem quoad gradum? quo sensu ipse Jeremias prædixit c. 31. *sedus gratia novum fore sub N. T.*

XV. Cre-

XV. Crepant Jesuitæ duo adhuc, præter citata pro Sacrificio suo Missatice loca, quorum alter Act. 13. 2. alter verò Luc. 22. 19. occurrit, quæ miror quòd D. J. Crus adeò sicco, quod ajunt, pede præterierit, maximè cùm Jesuita Veronus, omnibus ad inveniendam Missam perreptatis N. T. angulis, eam tandem quàm mollissimè in priori loco cubantem se reperisse asserat: sed animadvertit forte D. J. Crus, ex his locis potiùs Missæ vanitatem liquere quàm veritatem: Et sic re ipsa est. Nam 1. posito non tamen concessò, verbum λειτουργῆν Act. 13. 2. reddendum esse per sacrificare, num statim hinc sequetur Sacrificium Missaticum? 2. falsissimum est, λειτουργῆν esse sacrificare: significat ministrare & nemo est vel mediocriter linguæ Græcæ peritus, quem lateat dici de publicis præsertim functionibus (voce composita ex λῆιτ publicus & ἔργον opus.) Audiat D. J. Crus suum Calaubonum. λειτουργῆν (aitis Exerc. XVI. Sect. 41.) prima notione est opus publicum facere vel publice: sed latins postea illa vox accepta. Apud Græcos Scriptores λειτουργῆν est publico præstare vel operam vel pecuniam &c. Quid? præter Chrysostomum ipsa Vulgata Versio λειτουργῆν reddit per ministrare. Aut verò bene ita redditur malè? si malè: quomodo Papicolis est authentica? si bene: quare Jesuitæ hîc ab ea abeunt? Non explicatur, ait Cardinalis Cajetanus, species ministerij: sed ex eo quod dixerat (Propheta & Doctores) insinuat, quòd ministrabant Domino, docendo & prophetando. Adde, si verbum λειτουργῆν infert sacerdotium Missaticum, non duntaxat plebeios & Reges sed ipsos etiam Angelos in numero Sacrificulorum Missaticorum referendos esse, cùm & de illis vox λειτουργίας prædicetur: de plebeis 2. Cor. 9. 13. de Regibus Rom. 13. 6. de Angelis Heb. 1. 9. Sed quid multis? qualis fuerit λειτουργία Apostolorum, inuit ipse Paulus Rom. 15. 16. dicens, εἰς τὸ εἶναι με λειτουργὸν Ἰησοῦ Χριστοῦ ut sim minister J. Christi apud gentes, operans Evangelio (non legens Missas) ut oblatio gentium fiat accepta, sanctificata per Sp. Sanctum.

XVI. Ad locum Luc. 22. 19. Hoc facite in meam commemora-

Kkk

mora-

morationem quod attinet, quis pariter in eo *sacrificium Missaticum* videat? vident tamen Jesuitæ: nam *facere* iplis hîc idem est, quod *sacrificare*; imò Concil. Tridentinum eos anathemate percutit, qui negaverint, Christum verbis jam citatis non instituisse Apostolos Sacerdotes. O desperatissimum Missæ fundamentum! Ubi enim *id mîm & sacrificare* apud probatos Auctores æquipol- lent? ubi *id mîm* aut *id facere* notat *sacrificare* non additâ vel sub- auditâ victimâ? Provocant Domini ad istud Virgiliû; *Cum fa- ciam vitulâ pro frugibus, ipse venio*: sed annon subauditur sub- stantivum *victimâ*? quâ autem id huc quadrat, dicente Christo *Idcirco mîm, hoc facite*? 1. Et quid opus ambagibus? cùm habea- mus Interpretem ipsum Paulum 1. Cor. II. 25. 26. *Hoc facite, quoties biberitis in mei commemorationem. Nam quotiescunque ederitis panem hunc, & poculum hoc biberitis, mortem Domini annun- tiatis, usq. dum veniat. Facere ergo, Interprete Apôsto, nihil hîc aliud est, quàm edere de pane & bibere de poculo ad annuntiandam mortem Christi, donec redeat, nisi forte velint Jesuitæ, Apostolum omnes etiam Laicos fideles constituere sacrificulos, cùm ad eos omnes mandatum istud extendat. Agnoscit hîc veritatem nobiscum contra hodiernos Papicolas Papicola Estius, dum ita in 4. Sent. dist. 12. scribit. Quod nonnulli Neoterici (Jesuitæ) vim fa- ciendam putant in verbo facite, quasi idem significet, quod sacrificare &c. mihi parùm solidum videtur, nec apud NB veteres Interpretes ea expositio uspiam reperitur, nec sanè propositio convenit. Non enim absolute dicitur facite, sed hoc facite, id est, id quod à me & à vobis nunc fit aut factum est, deinceps vos & vestri successores facite in mei memoriam &c. Et Paulus 1. Cor. 11. illud facere etiam ad plebem re- fert &c. In quibus sententia manifestum est, facere non idem esse quod sacrificare, sed consuetam retinere significationem. Aliud pro- inde Missæ suæ fundamentum quærant Jesuitæ:*

XVII. Illud autem, quantacunque etiam diligentia quærant, nusquam tamen in Scriptura invenient. Agnoscit hoc Baronius: hinc ad ann. 53. §. 13. sacrificium Missaticum re- fert

fert inter *traditiones non scriptas*. Etiam Salmero, qui fuit unus ex primis decem Lojolæ discipulis, *Comm. in Ep. Pauli ad Rom. disp. 8.* expresse interit *Missam traditionibus non scriptis*. Oculatiores ergo hodie sunt Lojolæ discipuli, dum eam in Scriptura vident. Refert Benedictus Fischerus, Monachus Præmonstratensis in *suo Centifolio Mystic. Conc. 6. p. 49.* S. Petrum & reliquos Apostolos tantum recitasse *Orationem Dominicam & hinc transisse ad consecrationem, & hoc integram ipsorum fuisse Missam*. Hoc live- rum: unde ergo hodiernum choragium Missaticum, tot parti- bus contextum, tot vestibis & ceremoniis conflatum? Nempe Papæ (forte Apostolis sapientiores) cultui, tempore Apostolo- rum adhuc imperfecto, perfectionem addiderunt! Scribit A- zorius *l. 10. c. 29. q. 4. Sacerdotem peccatum mortale commissurum esse, si destitutus Missali Missam legeret*. Væ ergo Apostolis, qui, faten- te præter Fischerum ipsomet Papa Gregorio *Ep. ad Joh. Episc. Sy- racus.* Missalibus caruerunt.

XVIII. Durum videtur D. J. Cto, quod Catechesis Hei- delbergenfis Missam nuncupet *execrandam idololatriam*: at licet ipsi videatur durum; verissimum tamen, quod Catechesis asse- rit. Nam, ut alia præteream, in Missa proponitur hominibus adoranda & pro Deo suo habenda hostia consecrata, hoc au- tem annon execranda idololatria? *Nullus dubitandi locus relinqui- tur*, inquit Conc. Tridentinum *Sess. 13. c. 5. quin omnes Christi fi- deles &c latrice cultum, qui Deo debetur, huic sanctissimo Sacramento in veneratione adhibeant*. Cultum ergo soli Deo debitum fru- stulo panis exhibetis. Frustra dixeris, hostiam esse transub- stantiatam in corpus Christi: nam hoc est futilissimum com- mentum, supra pluribus confutatum. Quin propria vestra hypothesis vos idololatriæ convincit. Docetis, ut jam audivi- mus ex Conc. Tridentino, *totum Sacramentum à fidelibus adorari*: totum autem Sacramentum juxta vos constat ex Christo & ac- cidentibus: ergo etiam accidentia adorantur à fidelibus Pon- tificiis. Præterdit quidem Cardinalis Richel. in nupero Opère

Gallico l. 4. c. 3. non adorari apud vos Sacramentum ipsum seu species, sed Christum ipsum sub speciebus latentem : At verba Conc. Tridentini clariora sunt, quam ut ullâ sophisticâ cludi queant. Maxime cum suprâ adductis addit ; Nec enim minus est adorandum (Sacramentum) quod fuerit à Domino institutum : nam illum eundem Deum præsentem in eo esse credimus Audiatur Suarez. Ecclesia, inquit in 3. Thom. q. 79. art. 8. totum Sacramentum adorat, & Concil. Tridentinum non sub nomine Christi, sed Sacramenti docet celebrandum esse hoc sanctissimum Sacramentum. Audiatur & Bellarminus. Fatemur, ait ille l. 4. de Euch. c. 25. sacramentum ipsum esse adorandum, ut Conc. Tridentinum loquitur &c.

XIX. Fatemini præterea, si transubstantiatio panis nulla contingit, idololatriam omnium maximam à vobis committi. Tolerabilior, ait Jesuita Costerus Enchir. Controv. c. 12. est error eorum, qui pro Deo colunt statuam auream aut argenteam, aut alterius materia imaginem &c. quam eorum, qui frustum panis, quod habemus per universum orbem tot annis fecere Christiani, nisi vera sit doctrina transubstantiationis. Atqui vos de transubstantiatione (quam dogma monstruosissimum esse, jam supra evicimus) nunquam potestis esse certi : probo, quia non potestis esse certi de legitima consecratione, (à quo transubstantiatio juxta vos dependet :) probo & hoc, quia legitima consecratio juxta vos dependet ab intentione consecrantis & ab aliis, de quibus vobis nulla certitudo esse potest. Audi Suarezium vestrum. Multa ait in 3. Thom. q. 39. a. 8 sunt causa propter quas hoc accidere potest, ut si sacerdos non sit baptizatus, vel non habeat intentionem, vel non sit rite ordinatus, quod pendet à multis alijs causis, in quibus ferè infinitum progredi possumus. Præsentissimo ergo idololatriæ periculo ex propriâ vestra hypothesi populus est expositus. Non ignoro hic vestrum effugium. Prætentitis, adorationem fieri debere sub conditione habituali tacitâ vel actuali expressâ, talis scilicet. si servata sint omnia ad consecrationem necessaria. Sic Biel in Can. Miss. Sect. 49. Sic & Bonaventura in 3. sens. dist. 9. a. 1. q. 6. Sufficit, quod adorans

adorans in habitu hanc habeat conditionem, videl. si consecratio debito modo facta est &c. At quæso te D. J. Cte, quæ potest hac absurditate esse major? Sic te & omnes Pontificios coram hostia procedentes cogitare oportet, *adoro te & colo te ô hostia pro Deo meo, si es Deus.* An etiam majorem absurditatem unquam orbis vidit? Annon omnis vera adoratio nisi debet fide Rom. 10. 14? annon quicquid non est ex fide, peccatum est? Rom. 14. 23. Dicit Apostolus, *cum, qui accedit ad Deum, credere oportere, esse Deum* Heb. 11. 6. Vos autem acceditis ad Deum vestrum paniceum eumq; adoratis & interim nescitis, an Deus sit, adeoq; cum Atheniensibus *ignoto* vobis Deo sacra facitis Act. 17. 23. & cum Samaritanis *adoratis, quod nescitis* Joh. 4. 22.

XX. Quid si darem tibi D. J. Cte, vos non committere idololatriam adorando Sacramentum, non tamen salvi evaderetis: annon enim nos, qui in conscientia persuasi sumus, non Christum ibi, sed merum panem esse, omni vi ad genuflexionem & adorationem cogitis &, nisi morem geramus, ferro & flammis, tanquam Atheos, persequimini? Piò Dei hominumq; fidem! quid est homines crinibus trahere ad idololatriam, si hoc non est?

XXI. Sed porro. Missa proponit nobis adorandum Pseudo-Christum, quis ergo eam non insimulet execrandæ idololatriæ? Probo. 1. Verus Christus est ex Virgine natus: Missaticus autem à sacerdote creatus in quinque verborum. 2. Ille olim natus est Bethlemi: hic hodie nascitur vi altari. 3. Ille est passus & mortuus: hic verò non. 4. Ille resurrexit ex mortuis vi potentia suæ: hic adeò impotens est, ut ne surgere quidem possit ex luto. 5. Ille vicit omnes hostes: hic ne quidem mures & glires, cum, vel fatentibus Pontificiis, ab iis devorari queat. 6. Ille ascendit ad cælos & sedet ad dextram Dei gloriosus: hic vel descendit in stomachos vel manet in Monstrantibus vel miser à furibus aufertur. 7. Ille in cælis interpellat pro nobis: hic autem in aris elinguis hæret, 8. Ille abiit reversu-

rus: ille, ut non abiit, ita incassum expectatur. En ergo novum Christum Missaticum!

XXII. Dictum Pauli Heb. 13. 10. (quod toties crepas) *Habemus altare, ex quo edendi, potestatem non habent, qui tabernaculo cultum præstant, quàm parùm vobis faveat, supra modò c. 3. paragr. 4. n. 15. demonstravimus. Agnoscunt nobiscum ex ipsis Pontificiis Lyranus, Thomas, Gagnejus, Titelmannus, & alii, quos supra citatos vide, hîc non intelligi altare materiale & propriè dictum: cum illistū ergò in posterum disputa.*

XXIII. Addis, dictum ejusdem Apostoli Heb. 10. 18. *ubi est peccatorum remissio, ibi non est amplius oblatio pro peccato, pessimè adhiberi à Catechismo ad probandum, Missam esse execrandam idololatricam, cum in illo ne minimum quidem de idololatria. At quis non miretur Virum? Ubi quæso Catechismus hoc dictum eo fine adhibet? Afferit Missa, vivos & mortuos non habere remissionem peccatorum propter unicam Christi passionem, nisi etiamnum quotidie Christus pro ipsis à sacrificiis offeratur. Huic jam assertioni verè impie opponit, præter alia Scripturæ dicta, illud Apostoli: Ubi est peccatorum remissio, ibi non est amplius oblatio pro peccato. Sublumo. Atqui in sanguine Domini JESU jam est peccati remissio. Ergo nulla jam amplius est pro peccatis oblatio. Solve hoc argumentum D. J. Cte, si potes. Ne autem dicito, ut dicis. 241. Apostolum loqui de Sacrificiis V. Testamenti tantum, quæ sanguine vitulorum, hircorum & aliorum animalium facta fuerint, non autem de æterno sacrificio incruento &c. nam 1. quis docuit te limitare, ubi Apostolus non limitat? Rejicitur ab ipso absolute & citra ullam limitationem quodvis sacrificium. 2. Advertatur hoc effugium è diametro Apostolo, qui non duntaxat argumentorum suorum aciem dirigit contra Judæos infideles, sed etiam contra eos, qui jam credebant, sed interim autumabant, sibi adhuc observatu necessariam esse legem Mosâicam Act. 21. 20. Quia autem ipsius argumentatio contra hos omnes obtinuisse, nisi omnia in universum proprii nominis sacrificia, quocunque etiam*

etiam (chemate prætenſa, Chriſti ſacrificio aboleri pertendiſſet. Quid? legis zelotæ eodem loco habebant Sacrificia Moſaica, quo hodie Pontificii ſuum Miſſaticum, id eſt, erant ipſis commemorativa Sacrificii Chriſti, in cruce conſummari, niſi D. J. C. tuſ velit dicere, eos voluiſſe retinere ſacrificia Moſaica, tanquam ſe citra fidem in Chriſtum purgantia à peccatis, quod utique fuiſſet abſurdum abſurdiſſimum, nec in eos, tanquam modò credentes cadere poterat. Cùm jam contra hos æquè ac contra Judæos infideles Apoſtolus ſit argumentatus, argumentatus eſt etiam contra Miſſaticum Sacrificium Papicolarum.

XXIV. Si dicis, ais, ubi eſt peccatorum remiſſio, ibi non eſt amplius oblatio pro peccatis, nec in V. nec in N. T. dico & quero ego viſiſſim, ubi eſt peccatorum remiſſio, ibi non eſt baptiſmus, cœna, preces &c. Hem Papicolas, qui in gratiam Miſſæ ſuæ ipſi etiam Apoſtolo illudere non erubescunt! At 1. num ergo baptiſmus, cœna, preces, eleëmoſynæ ſunt ſacrificia propriè dicta? annon media applicationis? Agedum dicat mihi D. J. C. tuſ, num Apoſtolus hîc repiciat ſacrificia propriè dicta, ut incompatibilia cum remiſſione peccatorum: an verò impropriè dicta, qualia ſunt preces, eleëmoſyna &c. ſi poſterius, ſibi ipſi contradieceret, utpote qui paſſim hæc commendat. Si prius: rejicit etiam Sacrificium Miſſaticum, tanquam propriè dictum. Num obvertes 1. diſtinctionem veſtram inter ſacrificium cruentum & incruentum? eſt illa non modò ἀχρεῖα, ſed & ἀνίχαρη, cùm, teſte eodem Apoſtolo, non detur remiſſio peccati, atque adedò nec ſacrificium hilaticum χυεῖς αἰματος χυοῖς ſine ſanguinis effuſione Heb. 9. 22. Num regeres 2. etiam Miſſam veſtram eſſe ſacrificium applicationis, non redemptionis? Etiam vaniſſima eſt hæc diſtinctio: nam 1. annon etiam fidelibus V. T. æquè ac nobis debuit applicari ſacrificium Chriſti ad ſalutem? num autem id factum per ſacrificium Miſſaticum? cur ergò hodie nobis? 2. Annon omne ſacrificium propriè dictum expiatorium, quale vos Miſſam eſſe per-

perdenditis, sit Deo? applicatio autem sit nobis: quæ ergo esse potest medium applicationis? 3. Annon redemptio est sacrificium propitiatorium, quale Missam esse vultis, essentialis? Si negas, audi Canonem Miss. Major. *Memento Domine famulorum famularumque tuarum, nostrorum & omnium circumstantium, quorum tibi fides cognita est, & nota devotio, pro quibus tibi offerimus, vel qui tibi offerunt hoc sacrificium laudis, pro se suisque omnibus pro redemptione animarum, pro spe salutis & incolumitatis sue. Qui ergo est sacrificium applicationis, non redemptionis?*

XXV. Unum adhuc est, de quo, antequam ad alia me conferam, erudiri velim à D. Jcto: nimirum, cum innuente Bellarmino l. 1. de Miss. c. 27. doceatis, *destructivam mutationem in omni sacrificio externo necessariam esse, quænam sit illa destructiva mutatio in sacrificio Missæ? Quid quælo destruitur D. Jcte? an panis? At statuitis, panem transubstantiari in corpus Christi, adeoque prolatis verbis panis substantiam non amplius superesse. An accidentia? At illa quæ destrui? quæ sacrificari queunt? An Christus? At ille jam gloriosus, nulli amplius obnoxius est destructioni, non amplius, teste Paulo Rom. 6. 9. moritur. An esse Sacramentale corporis Christi? Sic quidem vult Bellarminus. Per consecrationem, ait l. cit. corpus Christi accipit formam cibi: cibum autem ad comestionem & per hoc ad mutationem & destructionem ordinatur. Neque obstat, quod corpus Christi nullam in se lationem patiatur, neque esse suum naturale amittat, cum manducatur Eucharistia; nam amittit esse Sacramentale, & proinde desinit esse realiter in altari, desinit esse cibum sensibilis. At non bellus sed admodum misellus est hic Bellarminus. Nam 1. ipse fatetur, necessarium esse, ut substantia ipsa absumatur, & non sufficere usum rei tolli: sic autem non ablumitur nec destruitur substantia. 2. Non audet vir dicere, corpus Christi destrui: dicit ergo, illud per consecrationem ad destructionem ordinari: sed an ordinare ad destructionem & destruere simul incidunt? 3. Si esse Christi sacramentale destruitur, & quidem per comestionem, dicat mihi D. Jctus, quæ comestio sit de essentiâ sacrificii? Item, quæ sic destructio fiat in altari? cum sic*

hic potius sit dicenda fieri in stomacho sacerdotis. Porro quâ, cum Laici æquè sumant hostiam ac Sacerdotes, illi non æquè Christum sacrificent ac hi? Ridet hanc Bellarmini sententiam ex ipsismet Pontificiis Suarez in *Thom. 3. p. disp. 13. sect. 5.* contendens, necessarium non esse, ut admittatur immutatio & destructio realis, qualem desiderat Bellarminus, sufficere ad sacrificij rationem rei principaliter oblata mutationem moralem: sed ipse ridetur ab aliis Papicolis: cum sic, ut dicit Vasquez in *3. p. Thom. 3. disp. 220* sequeretur, eum etiam, qui in sacerdotem consecratur, immolari & sacrificari &c. Pergit interim Bellarminum confutare Malderus, Episcopus Antverpiensis *Tract. 10. de justif. & jure c. 3.* adductis novem opinionibus Papicolarum, quas ipse pluribus refellit. Adeò Cadmeis istis fratribus de Sacrificio suo Missatico, Religionis suæ fundamento, convenit!

XXVI. Sacrificium Missaticum puriori antiquitati in usu fuisse, quod jam probandum suscipit D. J. Crus, falsissimum est: nihil ei minùs innotuit quàm monstrosùm istud sacrificium. Utuntur quidem quandoque S. Patres vocabulis *oblationis, victimæ, sacrificij, sacerdotum, immolationis, altaris, Missæ*, quod Centuriatores Magdeburgenses & nos cum illis fatemur: sed nihil minùs hisce locutionibus quàm Missam Papisticam innuere intendunt. Potius ipsis ita loqui placuit 1. *Ut* (liceat uti verbis Cl. Turretini *Part. 3. Loc. 19. quæst. 29.*) *Christiana Religio decus & S. Cæna mysterium extollerent, ut Judæorum & Ethnicorum, qui Christianis, quasi omni sacrificio destitutus, athèismum impingebant, criminationes diluerent, ac testarentur, non carere sacrificio Ecclesiam Christianam, perfectissimo illo Christi in cruce oblato sacrificio perpetuo fruentem, ejusq. memoriam in publicis cætib. ac precibus in Eucharistia celebratione recolentem.* Rursus ita loquebantur ex præcipuo fine & scopo S. Cæna, nim. publica sacrificij Christi commemoratione, ubi nihil nisi mors ac oblatio Christi in ea representabatur & audiebatur. 3. *Ratione precum, hymnorum & aliorum pietatis exercitiorum, qua sacrificij nomine apud Scriptores sacros veniunt, quæ ibi offe-*

rebantur, quæ apud Veteres vocantur *ἀναιμῶντες* & *βούγια*, ut Christiani dicuntur sacrificare pro salute imperatoris pure mente. 4. Accedebant ad spiritualia illa sacrificia post secundum à Christo seculum dona & oblationes externa panis & vini & aliarum rerum, tum in sacri epuli usum, tum in pauperum alimoniam. Ita Patres sæpe hyperbolicè & semper ferè tropicè & symbolicè loquuntur juxta illud Augustini lib. contra F. Manichæum c. 20. Hujus sacrificij caro & sanguis ante adventum Christi per victimarum similitudinem promittebatur, in passione per ipsam veritatem reddebatur, post ascensum verò Christi per sacramentum memoria celebratur. Postea paulatim obsolescente veritatis doctrinâ & auctu superstitionis & ignorantie tenebris, locutiones figuratæ transiverunt in proprias, cæna in sacrificium, sacrificium spirituale in crassum & cruentum, eucharisticum in hilasticum, Pastores in Sacerdotes, mensæ in altaria, & corporis Christi signa portentosa metamorphosæ in ipsum corpus Christi. Et hæc eadem Centuriatorum de S. Patribus assertio Centur. 2. & alibi pag. 111, ita ut me magnopere subeat mirari, qua fronte D. J. C. tus orbiliterato persuadere conetur, S. Patres vel fatentibus Centuriatoribus, suum Sacrificium Missæticum communicare: Quàm alieni illi ab eo fuerint, jam olim ex nostratibus demonstrârunt Holpinianus Hist. Sacr. l. 2. Albertinus de Euch. l. 2. Steinbergius Anat. Papismi part. 2. c. 6. & alii, quò brevitatis gratiâ D. J. C. tum ablegatum volo. Interim, quàm inanis sit Papicolarum de Patribus jactantia, videat & demonstratum supra cap. 4. num. 49. & seq.

CAPUT VIII.

De Invocatione Sanctorum.

UT status quæstionis rectè intelligatur, notandum, non quæri; *An Sancti in cælis cultu & honore sint afficiendi*: Nemo enim Reformatorum hoc negat, & contrarium nobis per calumniam

lumniam à Papicolis affingitur. Quin nos magis & melius ipsos honoramus, quàm l'apicolæ, cum ipsis tribuamus eum, quem Deus, in verbo suo, ipsis vult tribui, honoris cultum; ipsi autem eos, honorem divinum tribuendo, vertant in idola & Dei amicis ad Deum ad zelotypiam provocandum abutantur. Sed quaeritur; *An Sancti Dei cultu religioso sint prosequendi.* Papicolæ affirmant: nos negamus, variis moti rationibus.

II. ✠ Quia cultus religiosus soli Deo est deferendus, *Dominum Deum tuum*, ait ipse Servator noster Matth. 4. 10. *adorabis & illi soli servies.* Confugiet hinc forte D. J. C. tus ad usitam Papicolis distinctionem inter cultum *latria* & *dulia*, maxime cum in textu originali occurrat vox λατρεύειν: verum frustra: nam i. hanc distinctionem S. Scriptura ignorat, utpote quæ voce δουλεύειν ad cultum vero Deo debitum designandum, non minus utitur, quàm voce λατρεύειν. Vide i. Sam. 7. 3. Psal. 99. 1. Es. 60. 12. Ezech. 20. 40. Act. 20. 19. &c. Quid? Papicolæ, dum hac distinctione idololatriæ crimen à se amoliri conantur, eadem (quod ridiculum) sese magis idololatrias profitentur. Evincam hoc evidentissimè. Apostolus Gal. 4. 8. Galatis idololatriam suam ante conversionem demonstratur⁹, *ιδουλεύσατε, serviebatis*, ait, *iis, qui naturâ suâ non sunt Dii.* Innuit ergo, eos, qui δουλεύετε, hoc est, cultum *dulias* exhibentiis, qui naturâ suâ non sunt Dii, esse idololatrias. Subsumo jam. *Atqui Pontificij, dum præstant cultum dulias Sanctis, exhibent cultum dulias iis, qui naturâ non sunt Dii: sunt ergo Pontificij idololatra.* Adde, occurrere loca, in quibus cultum *dulia* soli Deo tribuere jubemur, ut i. Sam. 7. 3. καὶ δουλεύετε αὐτῷ μόνῳ. 2. Etiam vox λατρεύειν creaturis legitur tributa. Exod. 12. 16. Levit. 28. 21. Deut. 28. 40. In quo posteriori loco Deus Israelitis minatur, quod, nisi ipsi in hilaritate cordis servirent, *servituri essent inimicis suis in fame, siti &c.* καὶ λατρεύσεις πρὸς ἐχθροῖς σου κλ. obtinente jam Papicolarum distinctione, Deus voluit dicere, *eos inimicis suis summum soli Deo debitum honorem esse tributuros.* Quis homines non rideat cum sua di-

stinctione? quam etiam, tanquam ineptam, ex ipsismet Pontificiis traducit Valla *Annotat. in c. 4. Matth. 3.* Diabolus non desiderat sibi tribui λατρίαν sed προσκύνησιν: *Τούτοι πάντες σοι δώσω,* ait, *ἐὰν περὶ προσκύνησιν μοι:* hanc autem ei denegando añon Dominus apertè testatur, & προσκύνησιν & λατρίαν soli Deo esse tribuendam?

III. 3 Quia invocatio Sanctorum *præcepto, promisso & exemplo* in verbo Dei destituitur. Pertinet ergo ad ἐντάλματα ἀνθρώπων Matth. 15. 9. Agnoscit hoc haud obscurè quoad mandatum ipse Bellarminus, dum *lib. 1. de Beat. Sanct. c. 20.* ait, *præceptum non requiri, quando necessitas ipsa non impellit.* Sed quæ illa necessitas Bellarmine? Liceat hîc exclamare cum Jeremiâ; *An Jehova minime est Zion? an rex ejus minime est in ea? cur ergo irritaverunt me sculptilibus suis & vanitatibus alienigenarum?* c. 8. 19. An ergò non amplius hodie obtinet illud DEI mandatum & promissum, *Invoca ME tempore angustia, & eripiam te, ut honore afficias ME.* Psal. 50. 15? Annon valet amplius illud Christi; *Venite ad ME omnes, qui fatigati estis & onerati, & EGO faciam, ut requiescatis* Matth. 11. 28? Item, *quicumque invocabit nomen Dei, servabitur* Joel. 2?

IV. 1 Quia ille est invocandus, qui est objectum fidei. *Quomodo invocabunt,* ait Paulus Rom. 10. 14. *in quem non crediderint?* Atqui Sancti non sunt objectum fidei, hoc est, in Sanctos non credimus: Ergò etiam sancti non sunt invocandi. Ridiculus est Bellarminus, dum l. c. excipit, *ibi agi de invocatione, quâ aliquis invocatur, ut Deus:* quasi verò detur etiam invocatio, quâ aliquis invocetur ut non Deus! Alii ad tritam distinctionunculam *dulia & latria* confugiunt: sed quàm incassum, suprà modo est demonstratum.

V. 1 Quia ipsi Sancti hunc invocationis honorem, tanquam sibi non competentem, repudiant. Sic Petrus Cornelio, se ad pedes ejus abjicienti, cum cultu religioso profecuturo; *Surge, ait, & ego ipse homo sum.* Act. 10. 26. Similiter Angelus

gelus dicebat Johanni, cum veller ei cultum religiosum deferre, *Vide ne facias: sum enim tuus conservus. Adora Deum.* Apoc. 19. 10. Novi, quantopere a universarii ad se hinc expediendos confluent. Quidam, inter quos est Bellarminus, prætendunt, *Petrum ex modestia cum honorem, qui alioqui sibi debebatur, recusasse.* Pariter dicunt alii, *ex modestia Angelum dixisse Johanni, ne fac, sum enim tuus conservus: quemadmodum more Gallico hodie soleamus dicere, sum servus Domini.* Cui hæc cachinnum non moveant? Demonstrandum prius fuisset Bellarmino, Wallenburgii, aliisque, qui hoc lepido effugio utuntur, Petrum, tanquam Piscatorem, Spiritusq; cœlestes ita in complimentis Gallus (i. e. ut Latiniùs efferam, *complexis mendis*) versatos fuisse, ut hodiernos Cardinales & Jesuitas! Quid annon angelus expresse addit, quod cultus ille soli Deo debeat? annon angelus ipsa sunt *πνεύματα λειτουργικά* Hebr. 1. 10? Alii dicunt, *Cornelium intendisse adorare Petrum, sicut Deum: at hoc non minus perquam absolum est effugium: quis enim existimaverit, Cornelium id absurditatis processisse, ut habuerit Petrum pro Deo? Dolendum, quod nec Johanni nec Cornelio nota fuerit hodierna Papicolorum distinctio inter cultum *dulia* & *latria*: sic enim potuissent adorare & angelum & Petrum sine crimine, dicentes, adoramus vos non cultu *latria* sed *dulia*! Verum hætenus nondum innotuerat nova illa Papistarum Theologia, sed apud omnes extra dubium, unicum duntaxat dari cultum religiosum, eumque soli Deo deberi.*

VI. ¶ Quia invocatio Sanctorum cedit in injuriam Christi. Probo quia ille solus est Mediator noster apud Deum. Unus ait Paulus est Deus, unus etiam Mediator Dei & hominum, homo Christus Jesus. 1. Tim. 2. 5. Si quis peccaverit, ait Johannes, 1. c. 2. 2. Advocatum apud Patrem habemus, Jesum Christum justum. Si jam ipse solus est Mediator, injuriâ eum afficiunt, quicunq; per alios ad Deum accedere querunt. Ad hoc demum D. J. C. noster responder: quid verò, audiamus. Excipit, hoc argumentum, *quæ procedere de hominibus adhuc viventibus ac de Sanctis cœlestibus:*

ipſos Reſormatorum Paſtores, ſinitis concionibus, ſapius ab auditoribus ſuis eſſagitare, ut pro Magiſtratu, item pro agrotis precentur: eſſe etiam id conforme V. & N. Teſtamento. Sic Abrahamum debuiſſe ex mandato Dei orare pro Abimelecho Gen. 20. 7. &c. Sic ipſum Paulum adhortari, ut fiant deprecationes, orationes interpellationes, gratiarum actiones pro quibusvis hominibus 1. Tim. 2. 1. &c. Si autem citra ullam injuriam Mediatoris poſſumus homines nobiſcum in hoc mundo viventes interpellare, ut pro nobis orent, quidni & Sanctos in caelo triumphantes? At miſellum hoc eſt effugium, nam 1. interpellationis viventium in Dei verbo datur mandatum, dantur exempla & promiſſio, vel te ipſo fatente D. J. C. te: ubi autem invocationis Sanctorum datur vel mandatum, vel promiſſio vel exemplum? oſtende vel unicum? 2. Si homines nobiſcum degentes de communi ſuffragio interpellamus, num illos invocamus religioſe? an coram illis in genua procidimus? an in illis fiduciam collocamus? an illis adolemus? abſit hoc à nobis! Atqui hoc vos facitis Sanctis coeleſtibus: qui ergò hæc ſibi correfpondent? 3. Si eadem eſt ratio interpellationis hominum hîc nobiſcum degentium ac invocationis Sanctorum, dicat mihi D. J. C. tuſ, cur Paulus, cùm Eccleſias à ſe plantatas toties moneat, ut alii pro aliis preces fundant, nuſquam monuerit, ut Sanctos demortuos invocarent? Item cur nec ipſe vel B. V. Mariam vel alium Sanctum invocaverit? nimirum Religio Papiſtica ipſi fuit proruſus ignota! 4. Vivi vivis adſunt & datur inter illos mutua officiolorum & neceſſitatum communio: inter mortuos, & viventes nulla Eccleſ. 9. 6. Ef. 63. 16. En ergò quàm accuratè procedas ab interpellatione civili viventium ad invocationem Sanctorum demortuorum religioſam! Intelligis, jam nî fallar! quâ ratione hæc cedat in injuriam Chriſti, illa verò non. Hæc religioſa & ab ipſo prohibita: illa verò civilis, & ab ipſo præcepta. 2. Hæc conſtituit juxta Chriſtum plures Mediatores, ipſique ſocios in hoc munere affingit: illa verò Chriſtum ſolum agnoſcit pro Mediatore. Num dices forte, à nobis etiam vi-

ventes,

ventes, quos de precibus interpellemus, Mediatores constitui? frustra: nam 1. ubi Scriptura, licet sæpe mutuas hominum preces commemoret, unquam docet, homines apud Deum esse Mediatores? 2. Sic tot nobis ferè essent Mediatores, quot fratres. 3. Is demum nuncupandus Mediator, qui intercedit vi meritorum & à quo nobis impetratur remissio peccatorum & salus: at absit, ut hæc tribuamus fidelibus per interpellationem nostram: Ergò nec illos constituimus Mediatores: at tales constituunt Papicolæ Sanctos: volunt enim eos preces nostras Deo præsentare, & vi meritorum suorum impetrare nobis remissionem peccatorum & salutem: quid quæso est Christum injuriâ & contumeliâ afficere, si hoc non est?

* VII. Frustra etiam alii ad loca adducta excipiunt, *agi in illis de Mediatore principali & redemptionis, sed non excludi ministeriales & intercessionis*: nam 1. distinctio ista est ἀρεστική: doceant enim me viri, ubi Scriptura ita distinguat: imò 2. est ἀντιρεστική: declarat enim Scriptura Christum unum Mediatorem, nusquam ei adjungendo secundarios: declarat eum Mediatorem & redemptionis & intercessionis: non disjungit hæc munia, sed conjungit Rom. 8. 34. Heb. 7. 25. 1. Joh. 2. 1. 2. Mirum, quòd Domini Jesuitæ etiam non brevi incipiant distinguere inter Deum primum & secundarium, inter Creatorem principalem & ministerialem? Instant, etiam Moysen vocari Mediatorem Gal. 3. 19. At probandum prius viris, verba ἐν Χριστῷ μεσότης referenda esse ad Moysen: cùm optimè referantur ad Christum, contentientibus plerisque; Interpretibus & Græcis & Latinis. Sed 2. referantur ad Moysen, quid tum? sustinuit ille sic non Sanctorem vel Angelorum, sed solius Christi imaginem, qui propterea Χριστός ἐν Μωϋσῃ & Χριστός ἐν Ιησοῦ: audit Heb. 7. 22. 8. 6. 9. 15. 12. 24.

VIII. Sed conatur interim D. J. C. tus invocationem Sanctorum probare; quàm bene, videamus. Dicit, *hanc unicè questionem esse; An etiam Sancti Dei aliquid de nobis sciunt? nam, si nihil sciunt de nobis, ait, irrita fuerit invocatio: Si autem sciunt de nobis,*

his, quis negaverit, ipsorum intercessionem esse efficacem, adeoq. ipsos invocari posse &c. Sed longè hic aberrat D. Jctus in ipso limite. Duo sunt, quæ hic quaruntur. 1. An Sancti res nostras noverint in particulari? 2. An si ita noverint, hinc eos liceat invocare? Pontificii affirmant utrumque: nos negamus. Utrumq. ergò distinctè erat probandum. Audiamus interim argumentantem. Huc redit ipsius argumentatio. Si Sancti res nostras in particulari noverunt: Ergò licet illos invocare: atqui &c. Ergò &c. Resp. 1. negando Conseq. quæ falsissima est: cum semper, si ve Sancti sciant si ve nesciant res nostras, obtineat illud Christi, Dominum Deum tuum adorabis & ei soli servies Matth. 4. 10. Item, Invoca ME tempore angustia &c. Psal. 50. 15. Et quid? si illa consequentia valet, poterit etiam D. Jctus in posterum invocare homines hujus mundi, quibus res ipsius in particulari notæ sunt, maximè cum juxta ipsum eadem sit ratio interpellationis hominum nobiscum degentium ac invocationis Sanctorum: adeoque, quando interpellat Sacerdotem de precibus, procidet coram ipso ingenua, recitabit ipsi rosarium, eriget ipsi altare & imagines &c. ut in Papatu sit Sanctis demortuis. & 2. negando etiam Assumptum. Congerit quidem ad hoc probandum D. Jctus varia Scripturæ loca; sed planè incassum. Tota ipsius probatio huc redit. Si Angeli noverunt res nostras in particulari: Ergo etiam Sancti demortui: Atqui &c. Ergo &c. Assumptum probat: quia Angeli diu noctuq. hominibus adsunt, ipsorum acta & facta vident & audiunt juxta sequentia Scripturæ loca Gen. 24. 7. & 32. 1. & 48. 16. Exod. 14. 19. & 23. 20. & 33. 2. Psal. 34. 8. & 91. 11. Dan. 10. 21. &c. Addit, quemlibet hominum habere peculiarem suum Angelum ex Act. 12. 15. Math. 18. 10. &c. Probat etiam Consequentiam: quia Sancti Dei similes sunt Angelis Matth. 22. 30. &c. At negotium nihilominus & Assumptum & Consequentiam. Neutrum probatur: non 1. Assumptum: quia, licet locis allegatis (quamvis non omnibus: nam in quibusdam ut Gen. 48. 16. Exod. 14. 19. & 23. 20. Dan. 10. 21. &c. non est sermo de angelo creato, sed in-

creato, i. e. Christo, *Angelo illo federis* Mal. 3. 1. ut ex circumstantiis evidentissimè pater) liqueat, Angelos, eò quòd nobiscum versentur, habere quasdam actiones nostras sibi cognitās: non liquet tamen ipsis omnes & quidem semper cognitās esse: multò minus, ipsos intelligere preces, quæ solâ mentis agitatione & cordis affectu continentur. Et dicat mihi D. J. C. tus, an omnes Angeli res nostras noverint, an quidam tantum? Prius dicere non potest: cum *tres ordines supremi, Cherubim, Seraphim & Throni*, ut docent Papicolæ apud Magistrum Sent. 1. 2. dist. 10. *ita assistant creatori, ut ad exteriora non exeant*, adeoque nullam cum hominibus conversationem, ex qua tamen juxta ipsum notitiam rerum humanum capiunt, habeant. Si autem posterius: cur ergò Papicolæ omnes angelos invocant? num dicet forte, *tres ordines inferiores revelare tribus ordinibus mediis & mediis tribus superioribus*? at 1. unde probabit tales dari Angelorum ordines? *Thoma sententia est*, ait Jesuita Becanus l. de Off. Ang. c. 1. *omnes beatos angelos in tres classes seu hierarchias distinctos esse &c. At tres esse Angelorum hierarchias, ex Scripturis probari non potest.* 2. Posito, tales dari, unde probabit, ordines ordinibus talia revelare.

IX. Quod addit, cuivis homini adjunctum esse peculiarem Angelum tutelarem, pariter falsum. Locus Act. 12. 15. *ὁ ἀγγέλῳ αὐτοῦ ἰσὺν*, frustra allegatur: nam 1. unde probabit, agi ibi de angelo & non de nuntio? ut & eadem vox usurpatur *Matth. 11. 10. Luc. 7. 24. 27. & 9. 52. Gal. 4. 14. Jac. 2. 25. &c.* 2. Sed demus, intelligi angelum propriè dictum: nihil tamen inde pro angelo tutelari. Nam 1, qui asseriebant esse angelum Petri, non gaudebant infallibilitatis privilegio: imò etiam. Qu tunc errabant, cùm verè fuerit *Petrus, & non angelus.* 2. Non sequitur inde, Petro unum eundemque Angelum semper fuisse adjunctum, quemadmodum non sequitur, si quis diceret, *Prætor Republicæ d. promulgavit*, unum eundemque semper præconem Republicæ adjunctum esse, cùm multi succedentibus vicibus id muneris obeant. Et quid? ipse Lucas expressè meminit *7. Angelum*

Domini supervenisse. 3. Si vel maximè Petri custodiæ peculiaris angelus fuisset affixus, dum captivus in carcere tenebatur, quæ quæso inde consequentia ad omnes alios omninò homines? Num ergo eadem illico est ratio custodiæ Dei circa homines impios & vanos, vel etiam fideles in genere, quæ circa tantum Christi Apostolum in carcere attentum, capitalique periculo expositum? Verum est, Christum dicere Matth. 18. 10. *angelos parvulorum in cælis sibi patres intueri faciem Patris cælestis.* At quid hoc ad Angelum custodem, cuius divinâ destinatione peculiariter adjunctum? Quasi verò, si sermo de ducibus militum & præceptoribus discipulorum sit, sequatur illicò, unumquemque suum vel ducem vel præceptorem peculiarem habere. Christus utique non dicit, angelum uniuscujusque; *ἐν ἑκάστῳ τῷ μυστῶν* *videre faciem Dei*, sed eos indefinitè in Angelorum tutelâ asservari docet. Quemadmodum Jes. 3. 4. *וְנָתַתִּי נָעִרִים טָרִידִים* *dabo pueros principes eorum* (sc. Hierosolymitanorum.) Sannâ utique exhibendus veniret, qui inde colligere vellet, unicuique ex Hierosolymitanis assignatum esse perpetuum & peculiarem quandam principem.

X. Factum est, Apoc. 1. 20. intelligi angelos propriè dictos: intelliguntur per *angelos* pastores Ecclesiarum, ut ex sequentibus evidentissimè liquet: fatetur hoc ipse Bellarminus lib. 3. de Eccl. c. 9. Vult etiam de iisdem intelligi locum 1. Cor. 11. 10. Jesuita Salmero *Disp. 18. in 1. Cor. 11.* Quid si interim darem tibi D. J. Cte, locis illis sermonem esse de Angelis propriè dictis: si etiam darem tibi, cuius homini adjunctum esse peculiarem angelum tutelarem: quid quæso inde ad præsentem causam tuam? non enim hinc sequeretur, angelis illis omnes hominum res in particulari esse cognitæ: *Nemo enim*, ait Apostolus 1. Cor. 2. 11. *novit, quæ sunt hominis, nisi Spiritus hominis, qui in eo est.* Audi Bellarminum tuum. *Neg. angeli neg. anima beata*, ait is l. 1. de S. Beat. c. 20. *etiam si præsentes sint, possunt cognoscere naturaliter preces nostras, quando sola cogitatione oramus.*

XI. Sed 2. D. J Cte, si concederem etiam tibi hoc tuum Assumptum, salvus tamen non evaderes: cum non minus consequentia tui argumenti sit falsissima. Quis enim non rideat istam Consequentiam, *Angeli noverunt res nostras in particulari: Ergo etiam Sancti demortui*. Num ergo Sancti demortui sunt Spiritus ministratorii, qui ministerij causa emittuntur propter eos, qui heredes erant salutis? quod Apostolus tribuit Angelis. Hebr. 1. 14. Dicis, Dominum dixisse, *Sanctos fore similes angelis* &c. non nego: sed si hoc simpliciter esset intelligendum, ubi mansura essent Sanctorum corpora? Doceat itaq; Pontificium Pontificius. Dominus non comparat, ait Jesuita Maldonatus in Matth. 22. 30. *beatos angelis, omnibus in rebus, sed in ceteris tantum, quae de agebatur; quod nuptias inituri non essent, ut Hieronymus annotavit, quia nimirum immortales erant, ideoque illis non opus erat nuptiis.*

XII. Quae addis, vix responsum merentur; audiamus interim praecipua: Jacobus, ais, *invocavit angelum* Gen. 48. v. 16. &c. Sed angelum federis, id est, Christum: id quod patet ex praedicatis, quae ipsi tribuuntur: maxime cum vocatur angelus מלאך Redemptor, & quidem מכל הרע, adeoque etiam a peccato, quae liberatio utique non nisi in Christum cadere potest. Addis, *Johannem precari Ecclesiis pacem a septem spiritibus, qui coram throno Dei sunt*. Apoc. 1. 4. &c. negando per 7. Spiritus intelligi angelos: collocantur enim in eodem ordine cum Patre & Filio in invocatione: quod utique Spiritibus creatis non convenit: sed intelligitur ipse Sp. Sanctus, qui ita dicitur, quia est *septiformis munere*, & relate ad septem Ecclesias Asiaticas. Nec obstat, quod Spiritus illi dicantur esse *ante thronum*: cum & ipse filius *coram throno stare* dicatur, qui tamen & *sedere* legitur *super throno* Apoc. 6. 16.

XIII. Magnam esse daemonum in rebus humanis scientiam, extra dubium est: at num major, an minor sit scientia angelorum bonorum, quis definiat? Nec ad rem quicquam facit,

ut ex iis, quæ suprà diximus, tatis pater. Adjungis, *Epulonem in ipso inferno intercessisse pro fratribus suis Luc. 16. 27: Ergo idem haud dubiè multò magis facere pro fratribus cælites.* At hoc æquè bellè procedit, ac si dicam: *Dives ille Epulo sublati oculis vidit Abrahamum: Ergò cælites multò magis habent oculos: vel, Epulo habuit linguam: Ergò magis cælites: vel, Lazarus posuit digitum immittere in aquam: Ergò omnes cælites.* Quid videtur tibi de his Consequentibus D. J. Cte? annon cachinnus Democritico dignus? æquè interrim bellè procedunt ac tua. Attendendus parabola scopus, qui erat nos docere, quòd iis, qui in peccatis moriantur, nullus restet misericordiae locus, atque hoc argumento homines ab impietate abstrahere &c. Sed castigent Pontificium J. C. tum Pontificii Theologi: Sunt illi Jesuitæ Mussipotani, Maldonati approbatores. *Non est, inquit in Luc. 16. 27. quarendum quo animo dives hac petierit, qui verè non petijt, sed quo animo Christus id eum fecisse finxerit.* Id paulo supra declaravimus, ut auditores doceret, non esse expectandum, ut à mortuis doceamur, cum Moysen & Prophetas habeamus.

XIV. Dicit certè David Psal. 103. 20. *Benedicite Jehova angelis ejus, fortes robore, facientes verbum ejus &c.* At si hinc docuit religionem Angelorum invocationem, docuit etiam adorare omnes creaturas: subjungit enim Psal. 22. *Benedicite Jehova omnia opera ejus.* Mirum, quòd D. J. C. cum suis Jesuitis non etiam statuatur, Davidem invocasse propriam suam animam! eadem enim facilitate potest: nam dicit non minùs Psal. 104. 1. *Benedic Jehova anima mea.*

XV. Præcipuus locus, quem Jesuitæ hodie crepant, est Job. 5. 2. *Convertere ad aliquem Sanctorum:* at nihilominus tamen frustra: nam 1. Versio ipsorum est vitiosissima. Ita enim habetur in textu originali *אל מן מקדשים תבנה* ad quem Sanctorum verteste? 2. Non est sermo de Sanctis cœlestibus, sed de Sanctis hujus vitæ. 3. Non monet Eliphazus Jobum, ut ad aliquem Sanctorum se convertat: addit enim, Sanctos eum non audituros



turos sive non responsuros esse: sed quærit, *ad quem Sanctorum verteste?* innuens, nullum à Sanctis auxilium adversus Deum obtineri posse. Et qui quæso Jobo consilium ad Sanctos confugiendi præberet; cum *ÿ. 8.* expressè dicat de se, si in eodem cum Jobo verlareretur statu; *Ego profecto requirerem Deum fortem & in Deo reponerem causam meam.* 4. Et quid? annon Pontificii statuunt, Sanctos, qui debent invocari, debere esse in cælo, ut sive ex relatione angelorum, sive ex Speculo Trinitatis, sive ex Revelationibus Dei eis innotescere queant necessitates invocantium? Atqui iidem docent, Sanctos V. T. ante adventum Christi non fuisse receptos in cælum, sed latuisse in limbo. Ergò stultè egisset Jobus, si se convertisset ad Sanctos cœlestes: stultè etiam agunt Pontificii, dum ei id affingunt. Audiatur Bellarminus; quia ait l. 1. de S. Beat. c. 19. *ante Christi adventum Sancti, qui moriebantur, non intrabant in cælum, nec Deum videbant, nec cognoscere poterant preces ordinariè, idè non fuisse consuetum in V. T. ut diceretur, S. Abrahamè ora pro me &c. (quì ergò Jobus se ad aliquem Sanctorum convertisset, dicendo; Sancte N. ora pro me?) sed solum orabant homines ejus temporis Deum & allegabant merita Sanctorum, qui jam obierant &c.* quod posterius probari vellemus à Bellarmino. Mirandum interim, quòd, re ita se habente Eliphazus juxta Pontificios dixerit ad Jobum; *convertere ad aliquem Sanctorum, & non potiùs, convertere ad Deum, ut juvere Sancti N. meritis.*

XVI. Addis, *ego non cultum exhibeo Sanctis, sicut Deo: qui aliter credit anathema sit.* *Ex.* הקל קול עקב והידים יד עשו. Dicis mihi aurem 1. *an Sanctos non religiosè adores?* Si non adoras: non sincerus utique es Catholicus Romanus, cum illi non minùs Sanctos ac ipsum Deum adorent, ut mox ex ipsorum praxi patebit. Castigent jam Theologi suum JCtum! Facit hoc Jesuita Maldonatus, dum eorum sententiam, *qui nullum nisi Deo religionis honorem tribuunt, errorem esse dicit NB impium & imperitum.* in Matth. c. 5. 34. Facit & Sanderus, dum l. 7. de vili. Monarch.

inter NB pseudopphetas & hereticos & Civitatis Diaboli membra eos cenlet reponendos, qui dicunt crucem & imagines Sanctorum non esse adorandas. Quomodo hæc tibi sapiunt D. JCte? Adde Catechismum Trident. qui p. 3. c. 2. 5. 8. & 9. docet, Angelos esse à Christianis adorandos. Si adoras: quî scribis, te non cultum exhibere Sanctis, sicut Deo? Dicas mihi 2. ubi legatur distinctio cultus religiosi in supremum, quò quis colatur ut Deus, & subalternum, quo quis colatur ut amicus Dei? nata est illa nuper in cerebro Monachorum, Dei verbo, utpote quod unicum duntaxat cultum religiosum nobis proponit, prorsus ignota. Et si illa olim innotuisset Israëlitis, colentibus vitulum, potuissent juxta Pontificios salvi evadere, cum non intenderint ei cultum exhibere sicut Deo. Marsil. Ficinus in arg. l. 4. & 8. de Leg. ait, Platonem universam Deorum Synagogam uni subdere Regi, prout vult singulis imperanti, jubere quidem primum Deum propter se adorari, sequentes vero, qui participes ejus Dii quoque dicuntur, amari tanquam illi similiores, honorari etiam ut vicarios, imò & advocari quasi conciliatores. Vides jam D. JCte, unde Monachi vestri hanc distinctionem si am desumpserint? nempe ex Theologia Gentilium, quorum eadem vox fuit.

XVII. Sed convincamus & confundamus JCtum per propriam Ecclesiæ R. praxin In libello S. Antonii p. 84. 1 c. precantur Catholici tui. O Jesu / Maria / Anna / nicht verstoßet mich Elenden von eurem Angesicht / weil ich so demüthig die Hülff eurer Vorbitt anruffe. Ich befehle euch meine Seele O Jesu / Maria / Anna / ich opffere euch mein Leib O Jesu / Maria / Anna / ich schencke euch mein Herz &c. Quærote D. JCte, quid hîc D. Jesu tribuitur pîæ Mariæ & Annæ? an hoc non est Sanctos colere sicut Christum? Porro in Hortul. Anim. Sanctum, cui quis devotione se magis obstrinxerit, jubentur ita invocare; O Gloriosissime Sancte, vel Sancta N. singulari in te, dum viverem, spem & confidentiam semper reposui. succurre nunc mihi in hoc extremo necessitat is articulo laboranti. Vides jam, in

in quo Catholici tui spem & fiduciam suam collocent? in Sanctis non minùs ac in Deo. Audi, quàm & devoti sint in Angelum suum tutelarem, juxt. Offic. B.V. ad us. Rom.

*Angele, qui meus es custos pietate supernâ,
Me tibi commissum SALVA, defende, gubernâ:
Terge meam mentem vitii & labe fluentem,
Assiduusq. precor, mihi sis, relevesq. cadentem.*

Et porro ex Exerc. Christ. piet. p. 132. *Angele Dei, qui custos es mei, me tibi commissum pietate superna, hac nocte illumina, custodi, rege & gubernâ. Auxerunt nuper Jesuitæ hanc Catholicorû devotionem novo ad ang. custodem Cantico (in Psal. Cant. Cath. p. 98.) cujus ult. versiculus (omnia enim adscribere intenta à nobis brevitâs prohibet) itâ habet. Hanc animam tremendo cum sistam judici, Tibi, præses, commendo, illi tu subveni. O angele mi custos, migrantem tollito, & letui inter justos ad dextram ponito. Miretur cælum & stupeat terra hanc hominum impietatem! O Sancte David & Stephane, qui morituri animas vestras in manus solius Dei commendâstis, quid reviviscentes non essetis dicturi de novâ hac Jesuitarum Theologiâ?*

XVIII. Sed ad cultum B.V. Mariæ si descendamus, quid dicemus? quem enim later, non modo titulos divinos, sed & cultum divinum & internum & externum ei exhiberi? Dicit Lipsius, *se vota sua con. epissæ DEÆ Hallensî, se precibus & votis ad eam misisse*: approbant hoc Archiepiscopi, Mechliniensis & Cameracensis vide Virg. Hallens. Lipsii sub fin. Apportari quàm celerrimè, ait Papa Leo X apud Bemb. Ep lib. 8. Ep. 17. *jubeatis illud lignum Lauretam, ut, quæ jam capta sunt fieri, non intermittantur, ne sum nos, tum etiam DEAM ipsam inani lignorum inutilium donatione luisse videamini.* Habent ergò Catholici tui jam Deum & Deam. Quò autem se vertunt? an ad Patrem, an verò ad Matrem? Con. fugimus, inquit Biel in Can. Miss lect. 8. primò ad B. Virg., cælorum reginam, cui Rex Regum, Pater cælestis dimidium Regni sui dedit. Quòd significatum est in Esther Regina, quæ cum ad placandum Assuerum Re-

gem accessisset, dixit ei Rex, etiamsi dimidiam partem Regni mei petieris, dabitur tibi. Sic Pater cælestis cum habeat justitiam & misericordiam, tanquam potiora regni sui bona, justitiâ sibi retentâ, NB misericordiam matri virginiconcessit. . Hinc & Franciscus de Mendoza Viridar. lib. 2. probl. 2. ad problema, utrum utilius sit Jesu nomen implorare, an Maria? ita respondere non erubescit. Esto! major sit Christi quàm Virginis apud Deum gratia! & auctoritas, tamen dico B. Virginem nonnunquam facilius moveri nostris precibus quàm Christum, proinde presentius nobis esse aliquando matris quàm filij patrocinium. Ab hac sententia stat auctoritas, stat ratio, stat experimentum. Approbant hanc impietatem & alii Jesuitæ, sedulam curam gerentes, ne filius matri præferatur. Audiatur jam tantum Scribanus Jesuita Antuerpiensis in Amphitheatr. honor. cap. ult.

Positus in medio, quò me vertam nescio.

Hæreo lac inter meditans interq. cruorem

Inter delicias uberis & lateris.

Et dico (si forte oculos super ubera tendo)

Divæ parens mamma gaudia posco tuæ.

Sed dico (si deinde oculos in vulnera verto)

O Jesu, lateris gaudia malo tui.

Rem scio, prensabo, si fas erit, ubera dextrâ,

Levâ prensabo vulnera, si dabitur.

Lac matris miscere volo cum sanguine Nati,

Non possum Antidoto nobiliore frui.

En devotionem Jesuiticam! dextrâ ubera Mariæ, sinistrâ autem vulnera Jesu prestant! cui ipsorum Religio non arrideat? Hinc ipsis (in Catechis. Canisii) est mater misericordia, vita, dulcedo & salus omnium in ipsa sperantium. Et in Brev. Rom. Tu es spes unica peccatorum, per te speramus delictorum veniam, & in te beatissima nostrorum est expectatio pramiorum. Hinc devotæ illæ precatiunculæ (in Exerc. Christ. piet. p. 38.) Maria mater gratiæ, mater misericordiæ, tu nos ab hoste protege, in hora mortis suscipe. Item pag. 21. Gloriosa mater

*mater Dei & regina cæli, patrona mea singularis, commendo me hodie
materna pietati tue &c.* Obſerva, quòd Maria Jeſuitis non tan-
tùm mediatrix, ſed etiam datrix gratiæ & gloria ſit, non minùs ac
ipſe Deus & Chriſtus: liquet id ex dictis: liquet etiam ex hac
Jeſuitæ Coſteri in Hymn. *Ave maris ſtella* Meditatione, *Solve Do-
mina noſtra vincula reis, ſolve precibus, ſolve meritis, ſolve auctõrita-
te, ſolve imperio &c.* Porro. *Omnia potes in cælo ac in terra.* Quis
italia ſine mentis horrore audiat? Quid? præfert longè Chriſto
Mariam Papatus! ne dicas me calumniari; audi tuum Coſte-
rum porrò *ibid.* *Quidenim eſt, Matrem eſſe Dei? Mater cauſa eſt Fi-
lij: mater ſuperior eſt Filio, matri debetur honor à Filio, matri tenetur
morem gerere Filius.* Coſtero aſſentitur ille ſuprà citatus, qui
dextram ad *Mammas*, ſiniſtram autem ad *vulnera* extendit. Li-
quet id etiam ex Roſariis, in quibus, decem granula adhi-
bentur Mariæ, undecimum tantum datur Chriſto. Jeſuitæ ſi
hodie hac ſuper re interrogentur, reſpondent, *ſe honorare ma-
trem ac filium, dum eam, ut pro nobis apud Filium intercedat, precen-
tur: ſed ego reſpondeo, iptos Filium afficere ignominiâ: dixit
enim, Venite ad me* Matth. 11. 28. non verò, *ite ad matrem meam.*
Item, *quicquid petieritis in nomine meo, hoc faciam* Joh. 14. 13. non
autem, *quicquid petieritis in nomine matris meæ.* Et quid non ipſa
beatiffima Virgo dictura eſſet, ſi cucullatos veſtros ſocienos
cum magnis ſuis Roſariis, vel in templis ſedentes vel per plateas
itantes videret, ſi perciperet, ſibi templa exſtrui, altaria erigi,
thus adoleri, vota nuncupari &c. annon idem, quod olim Pau-
lus & Barnabas ad Lyſtrenſes, cùm vellent iſtis ſacrificare, *Viri*
(Papiftæ) *cur ita facitis? Ego quoq; homo ſum.* Act. 14. 15. Dixit ipſa
ſanctiſſima Virgo in Cana Galilææ, *facite, quæcunq; vobis dixerit*
(Chriſtus) nos obediemus huic ſanctiſſimo ipſius monito: quid
autem dixit Chriſtus? *venite ad me.* Eant ergò Papiftæ ad Ma-
riam: noſ ex voto Mariæ ad Chriſtum ibimus.

XIX. Sed quid opus multis? Faterur ipſe Caſſander ve-
ſter art. 21. conſult. quòd *Chriſtus, etiam jam in cælo regnans, matri*

Nnn

ſubſi-

*subjiciatur: cum orent Catholici, ut se Matrem esse monstret, matrisq;
jure imperet. Breviar. Rom. & Offic. Mar. Quin jam eò deven-
tum, ut videantur Monachi ei soli thronum tribuere. Docet
hinc Jesuita Cusanus *Discipl. Christ. part. 2. c. 2* homines manè sur-
gentes ità precari: **O Himmels Königin Maria / beschütze
und beschirme mich für der höllischen Schlangen / deren
Kopff du zerknirschet hast.** Hinc & illa devota oratio, (quam
iple P'apa Sixtus confecit & ad quam undecim millia annorum
indulgentias dedit.)*

*O Regina poli, mater gratissima proli,
Spernere me noli, commendo me tibi soli.*

Ne tamen Deus excludatur, sed devoti Catholici spem suam ac
fiduciam pariter in Deo ac Sanctis collocare discant, sic nuper
Colonientes in libello quem inscribunt **kleiner Seelen-
Schatz /** rhytmum instituerunt.

O Mutter Gottes / Jungfrau rein /

Kein Trost hab ich daß Gott / dich und S. Anna allein.

Quid videtur jam D. J. Cte, num adhuc dices *Catholicos tuos non
exhibere Sanctus cultum sicut Deo?* non crediderim. Ut interim
tibi omne dubium adimatur, perlege quæso parumper P'salte-
rium Mariæ, à Bonaventurâ vestro (deinceps à Papa in Album
Sanctorum relato) concinnatum, ibi, quicquid David aliique
Sancti homines Deo Patri & Christo attribuunt vel à Deo pe-
tunt, Mariæ ab ipso adaptatum invenies. Ex. Gr. Psal. 30. *Inte
Domina speravi, non confundar in aeternum: in gratia tua suscipe me.
Tu es fortitudo & refugium meum: consolatio mea & protectio mea.
Psal. 50. Misere mei Domina, qua mater misericordia nuncuparis, &
secundum viscera misericordiarum tuarum munda me ab omnibus ini-
quitatibus meis &c.* Sic per totum Psalterium. Hem papatum
horrendum! an hoc non est furari creatori honorem & in cre-
aturam transferre? & tamen Papa non dubitavit Minoritam
illum inter Sanctos referre! conqueritur è medio Papatus
de hac blasphemia Caſtander *Consult. de Intercess. S.* at quærit eam
nihi-

nihilominus defendere Jesuita Forerus *Antiq. Papat. lib. 7. c. 6.* Eat jam D J Ctus & amplius dicat, *Papistas Sanctos cultu divino non afficere!* Audiat interim suum Vivem rem ingenuè fatentem, dum in Aug. de C D. l. 8. c. 27. ait, multos *Christianos divos divasq. non aliter venerari quàm Deum, nec videre se in multis, quod sit discrimen inter eorum opinionem de Sanctis & quod Gentiles putabant de Dijs suis.* Vide jam D J Cte, quos tangat tuum suprà emissi anathematis fulmen, nempe Papas tuos & Papistas!

XX. Adde interim Catholicorum tuorum in colendis Sanctis mirabilitatem: Colunt enim Sanctos, qui nunquam fuerunt in rerum natura. Agnoscit hoc liberè Callander vester *Consult. art. 21.* dum indignabundus arguit, quòd *veteribus & compertis Sanctis propemodum neglectis, novos & incognitos vulgus hominum ardentius & impensius colat, de quorum sanctitate obscurius constat.* Addit, in *Sanctorum historiis commemorari illos, qui an unquam fuerint, meritò dubitetur.* Tales sunt S. Ursula cum suo facmineo comitatu undecies mille *Virginum*, Tres Reges, S. Catharina, S. Christophorus, S. Georgius, S. Longinus, S. Martialis, S. Petronella, S. Veronica, S. Hippolytus, S. Margaretha, Septem dormientes &c. Nisi tu forte dicere queas, ubi & quando hi Sancti vixerint. Provocabis forte ad *Legendam* vestram auream: at illa est *Lügenda* verè plumbea (liceat in re barbara *Бѣлая*) tot mendaciis referta: quot portandis vester Christophorus magnus (si unquam extitisset) vix suffecisset. Ne me mendacii postules, audi vestrum Melchiorem Canum. In illa (leg. aurea) ait lib. 2. Loc. Theol. *miraculorum monstra sapius legas, quam vera miracula.* Hanc homo scripsit ferrei oris, plumbei cordis, animi certè parum severi & prudentis. Ubi autem eorum apud Historicos fide dignos vel minima mentio? Quid? ipse Baronius vester in *Martyrolog. Rom. ad 23. Apr. & 25. Jul.* & Villavincientius l. 3. de *stud. Theol. c. 7.* S. Georgium & Christophorum habent pro Non-entibus, & interim tamen boni Catholici eos devotè invocant *Bitt für uns in-quiunt in hort. Anim. Lugdun.) heiliger Herr S. Christoffel /*
Nnn 2 *daß*

daß wir würdig werden der Verheißung Christi. Audiantur & verſus, quos non line pudore ſuo tateſtur Molanus de Pi-
etur. ſacr. c. 27. ſtatuis ejus adſcriptos;

*Chriſtophore Sancte, virtutes ſunt tibi tanta,
Qui te mane vident, nocturno tempore vident.
Chriſtophori Sancti ſpeciem quicunq; tuetur,
Iſta nempe die non morte mala morietur.*

XXI. Colitis præterea Sanctos non-Sanctos, id eſt, ho-
mines, qui fuerunt à verâ ſanctitate alieniſſimi: Talium haud
parvus datur numerus: videamus autem brevitatis gratiâ jam
duos tantum, (vobis Sanctiſſimos,) Dominicum Calagurita-
num & Franciſcum Aſſiſentem, illum Dominicanorum, hunc
Franciſcanorum Patronum. Quantæ hi ambo fuerint ſan-
ctitatis, colligere liceat ex ipſorum effectibus. Sævit Domini-
cus adè in Waldenſes & Albigentes, pios Chriſti ſervos, ut
quicquid poſſet mali excogitare, illis inferre non dubitaverit:
in quibus ſe dignum præſtitiſſe ſomnio, quod Legendæ ejus
matri prægnanti contigiſſe referunt: ſomniâſſe nimirum eam,
*ſe catulum geſtare utero ardentem in ore ſaculam bajulantem, qui
egreſſus ex utero totam mundi machinam incenderit.* Revera enim
igne & ſanguine omnia miſcuit barbarie plusquam Scythicâ in
pios illos ſæviendo. In miraculis quantus fuerit, liquet non
minùs ex ipſius Legendâ, à S. Antonio & Jacobo de Voragine
ſcriptâ. Referunt. S. Dominicum aliquando coëgiſſe diabolum ad
tenendam ſibi candelam: cum autem illa fuerit conſumpta ad manum
uſq; diaboli, diabolum uſum miſerabiliter ululâſſe. Addunt, S. Do-
minicum aliquando confricâſſe femur puellæ unguento, quod habuerit
abditum ſub veſte. Hac autem confricatione cum puella ſummopere
delectaretur, petiſſe à Viro ſancto, quodnam eſſe hoc unguentum: illum
verò reſpondiſſe, eſſe unguentum amoris. En viri ſanctitatem! quâ
etiam cum inveniſſe Roſaria vult Spondanus, Baronii Epito-
mator ann. 12. 13. n. 28. De Francisco referunt, concionatum eum
fuſſe avibus, eaſq; ut ſorores ſuas compelliâſſe: Formâſſe ſibi uxorem de
nive,

nive, quam nudus fuerit complexus ad restringendam carnis libidinem: recollectisse lapsos de veste pediculos, & ex commiseratione in innocentes bestiolas reposuisse: voluisse se in luto cum porcis & se virgis diverberasse dicendo, Euge frater Asine! Quantus jam hic Franciscus vester Sanctus fuerit, tu ipse judicaveris D. J. Cte: Num etiam ipse Diogenes Cynicus (cui cæteroquin non multum dissimilis fuit) ejusmodi nugas mundo commonstravit? Ne me dicas calumniari, audi vestrum Canum, Episc. Canariensem. Dolenter, ait is Loc. Th. l. II. c. 6. hoc dico, potius quam contumeliosè, multò à Lærtio severius vitas Philosophorum scriptas, quam à Christianis vitas Sanctorum. Et Paulo post. Ecquis enim credat, D. Franciscum pediculos semel excussos in seipsum solitum esse immittere? &c. Illud item quàm ridiculum, Diabolum Dominico Patri nostro, semel obstrepentem, à Divo esse coactum, ut lucernam haberet in manibus, quoad illa assumpta non molestiam solum, sed incredibilem dolorem etiam afferret? Credunt interim firmissimè boni Catholici: Sunt ipsis mera Evangelia, quæ in Legendis occurrunt. Quin, cum Legenda Francisci referat, Seraphinum quendam ejus manibus, pedibus & lateri quinque Christi vulnera impressisse (& quidem in mente Alverna, cum quadragesimam ad honorem S. Archangeli Michaëlis jejunare cœpisset, ut addit Bonaventura in sua Francisci Legenda cap. 13.) non verentur eum salutare JESUM TYPI-CUM, imò dicere, Franciscum esse quodammodo ipsum Deum (sic enim loquuntur Rhetores Collegii Porcensis Orat. 16. p. 547.) Audi, quàm bellè Jesuita Turfellinus apud Possevinum Biblioth. select. 17. Jesum & Franciscum inter se componat!

Exue Franciscum tunicâ laceroq; cucullo,

Qui Franciscus erat, jam tibi Christus erit.

Francisci exuviis (si qua licet) indue Christum,

Jam Franciscus erit, qui modo Christus erat.

En accuratam Jesu & Francisci compositionem! nihil discriminis Jesuita inter eos reperit præter vestis colorem & formam! *Mirare calum, stupe terra!*

XXII. Non parùm interim boni Cathol. Papæ suo sunt obligati, quòd tam largum in canonizandis Sanctis se voluerit præbere: licenim juvare nolente uno, alter forte juvat devotè invocatus. Præterea prudenter quibusvis rebus suum certum assignavit Patronum, ne forte oriatur confusio: Sic ordinavit contra morbos gutturis *S. Blasium*, contra Febrim *Petronellam*, contra dentium dolores *Apolloniam*, contra canis morbi morsum *Hubertum*, contra oculorum vitia *Ottiliam*, contra Pestem *Sebastianum & Rochum* (huic posteriori tamen, Rocho nimirum, quem meo apud ipsos studiorum tempore Catholici devotè ad avertendam pestem invocabant, erecto ei templo, altari & imagine, quemque etiam Veneti peculiari devotione colunt, ut videre est in *Calend. perpet. Dominici Veglenfis*, hodie controversiam movent: negantes, eum esse canonizatum, Castellinus *de dilat. Canonizat. Sanct. p. 81.* Gavantus in *thesaur. Rituum tom. 2. p. 7.* Barbolain *Collectan. ad bullar. in voce Rochus.*) contra cancerum *Martinum &c.* Sic non minùs regionibus, civitatibus, Episcopatibus & artibus suos destinavit Patronos, quos omnes si hìc recensere vellem, quando finis sperandus? Videatur interim præter alios *Molanus de pictur. sacr.* Sed duo sunt, quæ, antequam ulterius progrediar, doceri velim à D. J. Cto. Nim. 1. Quì Papa, qui de sua ipsius salute certus esse nequit (fatentibus ultro Papis & profitentibus, varios Papas damnatos) de eorum, quos canonizat, salute certus esse queat? Vereor ne multi scribantur ab ipso in *sanctorum albo*, qui in arcano Dei consilio descripti sint in *Reproborum nigro*. Vereor ne ad multos Papicolas suum MISERERE dirigant, qui ipsi cum Epulone Luc. 16 in inferno aeternum MISERERE clament. Vereor multos esse, ad quorum imagines ardent cerei, qui ipsi ardeant in orco. Sed 2. dignetur me D. J. Ctus erudire, cur præcisè contra pestem sit invocandus *S. Sebastianus*, contra febrim *S. Petronella*, contra odontalgiam *S. Apollonia &c.* Cur non potius Petronella contra pestem & Sebastianus contra febrim &c. Responderunt nobis non

non ita pridem Jesuitæ, s. *Sebastianum* in peste potissimum invocari, eò quòd peste ipse laborasse credatur, & s. *Apolloniæ* intercessionem contra dentium dolorem expeti, quòd in martyrio dentium excussio-
nem sustinuerit &c. Egregiè, scilicet! At 1. unde probabunt Domini, *Sebastianum* laborasse peste, & *Apolloniam* dentium excussio-
nem sustinuisse? 2. Posito, hoc verum esse, unde demonstra-
bunt, illos adhuc harum passionum memores esse. 3. Posito, &
hoc verum esse, unde ipsis constat, Sanctos illos hinc propensio-
res esse in his morbis juvare quàm alios? 4. Dicant mihi, si res
ita se habet, cur ergo pro equis invocetur s. *Eulgius*, pro bobus
s. *Pelagius*, pro canibus s. *Hubertus*, pro ovibus s. *Wandlinus*, pro
porcis s. *Antonius*, pro asinibus s. *Feriolus*, pro Gallinis s. *Gal-
lus*, pro muribus & gliribus s. *Udalricus*? &c. Forte, quia S. Anto-
nius porcos, S. *Wandlinus* oves, S. *Feriolus* asines pavit &c.
aut quia S. *Gallus* diligenter attendit ad gallinas. Miror, quòd
S. *Franciscus* à Papa avibus, utpote quæ (ut supra audivimus) ad
ipsum concionantem audiendum, convolarant, non fuerit præ-
fectus. S. *Crispinum* præfidere Sutoribus quis miretur? *Cre-
ditur enim corium clepsisse, & hominibus calceos gratis dedisse.*

XXIII. Conatur jam D. JCrus nobis extorquere ali-
quot Scripturæ loca: quàm feliciter, videamus: prior occurrit
Jobi 14. 21. *Si augeantur filij sui, ignorat (pater mortuus) sin dimi-
nuantur, non intelligit hoc de illis.* Si jam parentes ignorant,
quid circa prolem à se procreatam agatur, quo modo mortui
vivorum rebus atque artibus cognoscendis adjuvandisque mi-
scentur? Excipit D. JCrus, *hoc non intelligendum esse de anima, sed
de corpore.* Itane D. JCre? num ergo scientia & intelligentia,
quam hîc homini mortuo denegat Jobus, in corpus cadit? Ad-
dis, ipsum dicere v. 14. *Hominem mortuum non revicturum esse: hoc
autem verum tantum esse respectu corporis: cum anima non moriatur
&c.* Bene se habet! Ergò illud è contrario verum est respectu
animæ, cum corpus etiam dum homo vivit, per se nec sciat nec
intelligat. Si igitur intelligentia ne quidem in corpus vivum
cadat,

cadat, quî Jobus mortuo denegaverit? Cæterùm cùm David ait, *in morte non esse recordationem Dei* Psal. 6. 6. & *mortuos non laudare Dominum* Psal. 115. 17. intelligit laudem, quæ ipsi debetur in Ecclesiâ militante à fidelibus in communione Sanctorum, ad quam ipse aspirabat, ut cervus ad abveos aquarum Psal. 42. 2. Alter locus occurrit Jes. 64. 2. כִּי אַתָּה אֲבִינוּ כִּי אֲנִיכִי אֲבֹהֶם לֹא יָדְעוּ וְיִשְׂרָאֵל לֹא יָכִירוּ. Tu enim Pater noster es: nam Abraham ignorat nos, & Israël non novit nos. Excipis, à Junio & Tremellio hæc verbi ita reddi: Tu enim Pater noster es, quamvis Abraham nesciturus nos, & Israël non agnitus esset nos. Novi D. J. Cte: at quid inde contra nos? quibus nôsti nullam versionem esse authenticam, sed solum Textum Hebræum & Græcum Vet. & N. T. Aut interim Junii & Tremelli versio est bona aut vitiosa? si vitiosa: cur eam approbas? si bona: cur Vulgata vestra, vobis authentica, abicit, vertens: Tu enim Pater noster, & Abraham nescivit nos, & Israël ignoravit nos? Audi Augustinum. Esaias Propheta, ait ille de Cur. pro mort. c. 13. dicit, tu es enim Pater noster, quia Abraham nescivit & Israël non cognovit nos. Si tanti patriarchæ, quid erga populum ex his procreatum ageretur, ignorarunt, quibus Deo credentibus populus ipse de ipsorum stirpe promissus est, quomodo mortui suorum rebus atq. actibus cognoscendis adjuvandisq. miscantur? auditis Papicolæ?

XXIV. Audite autem porro, quò per vestram Sanctorum invocationem absurditatis delabamini: Attribuitis Sanctis, corde eos invocando, cordium scrutationem, quæ est solius Dei propria. Tu enim, ait Salomo 1. Reg. 8. 39. nôsti SOLUS animum omnium filiorum hominis. Præterea constituitis eos omni-præsentibus, quæ est alia Dei proprietas. Tu invocas S. Sebastianum in Germania, alius in Gallia, alius in Helvetia, alius in Italia & sic porro per orbem: Si omnes se invocantes audit, quid superest Deo? quid? Sunt, qui expressè docent, Sanctorum animas, sicut etiam angelos, mira quadam celeritate naturæ quodammodo esse ubique & per se audire preces supplicantium. Vide Bellarm. l. 1. de S. Beat. cap. 20.

XXV.

XXV. Alii hic proponunt, nescio quod, Deitatis speculum, in quo pertendunt Sanctos videre preces ad se directas: at unde hoc speculum? non ex Scriptura, sed ex vanâ Monachorum speculatione, qui interim de speculi hujus glacie adhuc litigant. Quidam, inter quos est Jesuita Bailius in *Catech. Burgdelanensi*, volunt, *Sanctos in Dei essentia tanquam in speculo videre omnia*, cui etiam assentiuntur alii apud Durandum 4. sent. d. 49. q. 3. Sed hos refutat Thomas 1. p. q. 57. art. 5. dicens, *non OMNIA, nec aequaliter OMNES videre, sed secundum quod Deus eis voluerit revelare & officiis eorum congruit*. Thomæ assentitur Valentianus & præter alia argumenta, hunc Scripturæ locum opponit, Marc. c. 13. *de die illa nemo scit, neq. angeli in cælo*. Admodum congruè. Si enim angeli, qui tamen faciem Dei semper vident, non nō runt diem judicii, quī dici possunt videre omnia? Utitur eodem hoc argumento Durandus lib. 4. sent. dist. 49. Addit. *Si nesciant diem judicii, eadem ratione multa alia nescire, licet videant essentiam divinam*. Si autem quædam tantum vident, qua certitudine Pontificii invocaverint Sanctos? annon enim ut fide ac cum certitudine precari queant, ipsis non duntaxat credendum, *Sanctos quædam, sed omnia scire*? Dicat interim mihi DJCtus, num Patres V. T. ante adventum Christi hoc speculum inspexerint, an verò non? Prius dicere non potest, quia statuit *mortuos ante Christi adventum non intrasse cælum, nec vidisse Deum*. Si autem posterius: quī Papicolæ, nixi testimoniis Ver. Test. urgent intercessionem Sanctorum? quī docent, Eliphazum suavisse Jobo cap. 5. 1. *ut se converteret ad aliquem Sanctorum*? En speculum Papisticum! ex quo non Sanctorum scientia, sed Papistarum elucet absurditas, quodque ex ipsis Pontificiis ridet & ex profecto fusè impugnat Valquez *Disput. 50. c. 4. & 5.* ut nos hoc labore superfedere queamus. Quin ipse Bellarminus hanc sententiam, et si Gregorio & Cajetano tribuat, probabilem duntaxat censet *l. c. c. 20.*

XXVI. Alii docent, *Sanctos cognoscere preces ex relatione*

O o o

Ange-

Angelorum: at ubi idem docet Scriptura? Verum est Luc. 15. 20. legi, quòd angeli in cælo super uno peccatore resipiscente gaudeant: ac i posito, angelos scire omnia nostra negotia & preces, quæ quæso ab illis ad sanctas animas consequentia? num hæc mittuntur ad custodiendam Dei Ecclesiam, ut angelos mitti Paulus docet Heb. 1. ? 2. falsissimum est, angelos omnia nostra negotia, in primis preces mente conceptas scire: *si sciunt peccatoris alicujus resipiscenciam*: Ergo nòrunt omnia nostra negotia, etiam preces cordis, quæ consequentia Papicolæ? num à notitia unius rei rectè concluditur ad notitiam omnium? Jesuita Elffius lib. c. p. 400. vult, hanc relationem potissimum fieri ab angelo tutelari: *eum enim, si quis invocet v. gr. S. Petrum, statim conscendere cælum, & S. Petro dicere*: *Siehe S. Petre / mein Schutz-Kind begehrt / daß du solst für ihn bitten.* At quis has nugas Jesuiticas non rideat? Probet nobis 1. D. Elffius, dari ejusmodi angelos tutelares. Probet 2. suis Papicolis, apud Magistrum sent. l. 2. d. 10, illos immediate conscendere cælum. Probet 3. Bellarmino, Angelos ejus, qui cogitatione orat, preces cognoscere. *Neg. angeli, neg. anima beata*, ait l. c. *etiamsi presentes sint, possunt cognoscere naturaliter preces nostras, quando sola cogitatione oramus.* Probet tum 4. Angelo tutelari libitum esse semper ascendere & Petro revelare: quid si invocaret alium Sanctum, Angelo jam ad Petrum profecto, quis tum illi Sancto revelaret? aut si invocaret simul omnes Sanctos? an tum angelus custos ab uno ad alium cursitabit, ipsi hoc relaturus? an verò simul omnibus aderit? Docet verò Thomas, Doctor vester Angelicus p. 1. q. 52. a. 2. quòd *angelus non est ubiq, nec omnibus in locis, sed in uno loco tantum.*

XXVII. Alii volunt, preces nostras Sanctis ab ipso Deo revelari. Sic Bellarminus: sic non pauci alii. Hinc & D. Elffius l. c. pergit. *Es weißes auch der H. Petrus durch Gott: dann wann du sagest / H. Petre bitt für mich / das hört Gott / und sagst dem S. Petro / der Mensch begehrt / du solst bey mir für ihn bitten.* En Jesuitarum Theologiam, instar

stat rotæ volubilem! Docuerunt hætenus, per Sanctos esse ad-
eundum Deum: jam verò docent, per Deum esse adeundos
Sanctos. Jam impoſterum ſi Papicola invocaverit in dolore
dentium S. Apolloniam; licet ad raucedinem uſque clamave-
rit, S. Apollonia ipſum tamen non audiet: tandem autem reve-
labit ei Deus & dicet, *O S. Apellonia, Jeſuita vel Monachus ille, gra-
viſſimis dentium doloribus vexatus te perquam devotè invocat, ut pro
ſe apud me intercedas: quod tibi dictum volo, ut me roges, viſurum de-
inceps, quid acturus ſim.* Tollunt autem ſic Domini iſti, quod
aliàs ponunt. *Invocandi ſunt Sancti*, ait Bonaventura in 4. d. 45.
*propter noſtram inopiam in contemplando, ut qui non poſſumus aſpicere
ſummam lucem in ſe. Et propter Dei reverentiam: ut peccator, qui
Deum offendit, quaſi non audeat Deum in propriâ perſona adire, ſed ami-
corum patrocinium implorare.* Eadem eſt & hodie adhuc Jeſui-
tarum cantilena: Si autem preces noſtræ Sancto invocato à Deo
révelantur, quî peccator non priùs accedit Deum quàm San-
ctum? Mirum, nî D. Jeſuitæ brevi incipiant Litanias ſuas refor-
mare & loco *miſerere nobis* dicere, *Sancte Deus ora pro nobis apud S.
Sebaſtianum, S. Uſulam &c.* Dicunt viri, *Deum Sanctis huius vite
multa arcana révelaſſe* 1. Sam. 9. 19. 1. Reg. 5. 26. Act. 5. 3. &c. Ergo mul-
to magis id facturum cœleſtibus: at dico ego 1. iſtam revelationem
fuiſſe extraordinariam, à quâ ad ordinariam quæ confequen-
tia? 2. factam eſſe quibusdam tantum: quæ ergò ſi fieret cœleſti-
bus, quid pro Papicolis, qui invocant omnes Sanctos? 3. Reve-
lata ipſis eſſe quædam tantum: (Ignorabat enim Eliæus cauſam
doloris mulieris ad ſe accedentis) Ergò non omnia: Si autem
non omnia: quî Papicolæ volunt, Sanctis omnes neceſſitates
noſtras patere? Addunt viri, *Sanctos defunctos majori nunc eſſe præ-
ditos charitate*, Ergò illos jam magis à nobis invocari velle. At addo
ego per retorſionem: Ergò illos jam multo minùs velle à nobis invo-
cari, ut quibus jam perfectiùs conſtat, non creaturæ, ſed ſoli cre-
atori hunc honorem competere.

XXVIII. Provoçat jam D. J. C. tuſ ad antiquitatem, no-
bis

his persuadere volens, hanc Sanctorum invocationem primis etiam quinque seculis ita in Ecclesia Catholica obtinuisse: at miror, qui Vir ille non erubescat talia scribere. Nominet ergo nobis aliquem ex primo seculo, qui Sanctos invocaverit, aut invocandos docuerit? nullum nominare potuit. Progreditur ergo ad seculum secundum & adducit unicum Irenæum, olim ital. s. locutum. *Sicut illa (Eva) seducta est, ut effugeret Deum, sic hac (Maria) suasa est obedire Deo, uti virginis Eva Virgo Maria fieret advocata.* En eximiam probationem! num ergo Eva, in initio mundi vivens, invocavit Mariam, post aliquot annorum millia victuram? an vox *παρρησιας*, quæ in codice Græco occurrit, semper *advocatum* vel *advocatam* denotat? an non potius *consolatorium*? Ut audias, quàm injurius sis in Irenæum, audi ipsum Irenæum in eod. l. c. 5. c. 22. *Hinc soli (Christo) servire oportet discipulos Christi &c.* Audi &, quàm tibi faveant Centuriatores, ad quos toties provocas. *Consuetudinis, inquit Cent. 2. c. 4. invocandi Sanctos in doctoribus hujus seculi (secundi) vestigia omnino nulla conspiciuntur.*

XXIX. Seculo tertio quid docuerit Ecclesia, discere ex ipso, quem citas, Origene. Lib. 7. contr. Cell. ait, *Christianos recitare colere quicquam præter Deum.* Et l. 8. *Non distrabitur (pergit) ipse Christianus a Deo, ut aliud colat simul cum eo.* Et porro. *Cavemus, ne cui præter Deum serviamus.* Et paulo post. *Soli preces offerenda unigenito Dei verbo &c.* En quàm vobis faveat Origenes! Legitur quidem dixisse Homil. 1. in Ezech. *Veni angeli, suscipe sermonem &c.* At probandum prius homilias illas esse Originis: contrarium multis rationibus evincit Cl. Rivetus *Crit. sacr. l. 2. c. 13.* Si interim essent, num putandus, sic loquendo, angelum propriè invocasse? nequaquam. Audi enim ipsum Originem. *Hos angelos* ait l. 5. contr. Cels. *ex officio nominare docti, invenimus propter divinitatem quandam interdum Deos vocari à scripturâ sacra, sed non sic, ut jubeamur eos adorare aut divinis honoribus colere, quamvis dona Dei offerant.* Et paulò post. *Angelos invocare ab ignorantium cognitione, cujus homo capax non est, non videtur rationi consenta-*

sentaneum. Atque ut demus, ab homine comprehendi miram quandam & arcanam eorum natura notitiam, officiorumq, quibus funguntur singuli; hoc ipsum prohibebit, ne quis audeat preces offerre, nisi soli Domino Deo, qui unus omnibus abunde sufficit &c. Credendus ne jam Origenes statuisse, angelos esse invocandos?

XXX. Adducis ex eodem Seculo Tertullianum, ut qui apud Centuriatores *Cent. 3. c. 4. p. 82* scripserit, *lapsos auxilio martyrum apud Deum juvari posse.* At hæc verba à Centuriatoribus loc. cit. non attribuuntur Tertulliano, sed Cypriano. Tertullianus quid senterit de invocatione Sanctorum, patet ex his ipsius verbis ad Scap. c. 2 & Apol. c. 17. *Quod colimus, Deus unus est &c.* Apud Cyprianum, fateor, suprâ adducta verba occurrunt *lib. 3. Epist. 15.* At quid inde pro invocatione Sanctorum? Sentit ipse, ut in fine prioris Ep. 1. 1. haud obscure patet, *martyres & Sanctos defunctos pro viventibus orare.* At hoc nos non disputamus, ut qui ipsi fatemur, Sanctorum Ecclesiam cum Christo regnantem de membris hîc pugnantis esse sollicitam. Negamus autem, Sanctos propterea esse religiosè invocandos. Et ostendat nobis D. J. Ctus vel unicum trium primorum seculorum patrem, qui hoc affirmârit: nullum nominare potuit, nec poterit. Quid? ipse Cardinalis Richelius *lib. 3. c. 4. Methodi sua* rotundè fatetur, Ecclesiam primitivam ante quartum seculum non invocâsse Sanctos. Cum hoc jam si D. J. Cto libet litigare, quòd tam apertè ipsum arguat mendacii, per nos licet.

XXXI. Ad seculum quartum quod attinet, fatemur; spargi cœpisse semina invocationis Sanctorum & progressu temporis longius excrevisse, & quidem occasione Rhetoricarum Apostropharum ad Sanctos & hyperbolicarum laudationum, in Ecclesia Græcâ à Basilio, Nazianzeno, Nysseno, in Latina autem ab Ambrosio in Orationibus suis adhibitarum, quas imperitum vulgus malè distinxit. Non defuerunt interim, qui se illi errori masculè opponerent. Oppugnavit eum Epiphanius *hæres. 79.* damnavit Concilium Laod. c. 35. & Carthaginense

nense 3. can. 23. Rejecit Augustinus *de vera Relig.* c. 55. Magnam proinde D. Jctus cum suis Papiculis S. Patribus infert injuriam, dum ejusmodi Apostrophas & hyperbolas pro regulis arripiunt, non perpendentes, ejusmodi loquendi modos absurdissimam gignere solere. Et quælo D. Jcte, quâ fronte vel tu vel ullus Papista in hac materiâ provocare potest ad S. Patres? an non enim plerique Patres crediderunt, Sanctos defunctos non frui divinâ visione ante resurrectionem mortuorum? si negas audi vestrum Stapletonum. *Tertullianus*, ait is de auct. Script. l. 1 c. 2. sect. 5. *Origenes, Irenæus, Chrysostomus, Theodoretus, Oeconomus, Theophilactus, Ambrosius, sententia huic assensu sunt, quæ negat animas frui divina visione ante resurrectionem.* Addit his Sixtus Senensis *Biblioth. l. 6. Justinum, Lactantium & Prudentium.* Jam verò juxta vos, ut supra vidimus, beatifica Dei visio invocationis Sanctorum fundamentum est: quî ergo Patres Sanctos vel ipsi invocassent vel aliis invocandos commendassent? En quam bellè Patres crepetis?

CAPUT IX.

De Observatione Legis.

REformatos docere ait D. Jctus, *præcepta Dei nullijam in hoc mundo homini observatu possibilia esse.* Agnosco statum controversiæ, modò intelligatur perfecta observatio totius legis. Nemo enim nostrum negat, sed omnes uno ore affirmamus, regenitos per gratiam Dei observare legem. De observatione non aliquo, sed omnibus modis perfecta est quæstio, adeoque hoc quæritur: *An fideles per gratiam, quæ ipsis ordinariè confertur à Spiritu Sancto, totam legem in hac vita omnibus modis perfectè observare seu implere queant?* Pontificii affirmant: nos autem negamus: *quia in fidelibus adhuc semper habitat peccatum* 1. Reg. 8. 46. Prov.

Prov. 20.9. Jacob. 3.2. 1. Joh. 1.8. *Si dixerimus, nos non habere peccatum, nos ipsos fallimus, & veritas non est in nobis.* Si autem fateri debemus, nos peccatum habere, fateri etiam debemus, nos legem non perfecte servare, cum peccatum, teste eodem Johanne 1. c. 3. 4. sit a vicia leu legis transgressio **3** quia debemus quotidie precari ex ore Christi; *Remitte nobis debita nostra* Matth. 6. 12. jam si fieri potest, ut fideles legem perfecte observent, fieri etiam potest, ut non necesse habeant amplius ita precari. Quod absurdum esse nemo non videt. *Qui contendunt*, ait Augustinus contr. Pelag. 1. 4. c. 10. *esse in hac vita vel fuisse justos, nullum habentes omnino peccatum, hac presumptione apertissime orationi Dominice contradicunt. 3 quia Lex non potest ferri: Ergo multo minus a quoquam perfecte observari & impleri.* Antecedens probatur Act. 15. 10. *Quid tentatis Deum, imponentes jugum cervici discipulorum, quod nec patres nostri nec nos portare potuimus. 7 quia ob carnis nostrae impotentiam Deus in nos tactus commiseratione, nobis donavit Filium suum, ut ipse diximusque vobis impletet* Rom. 8. 3. 2. Cor. 5. 21. Si autem nos ipsi potuimus legem implere, irritum fuerit Dei consilium. **7** quia jubemur Deum diligere ex toto corde, tota anima & omnibus ejus viribus. Matth. 22. 27. Ad hoc autem fastigium perfectionis se pertingere nemo, nisi Phariseus, dixerit. Audi mediis Papatus tenebris celebrem vestrum Magistrum sententiarum, Lombardum. *Illud preceptum (ait lib. 3 dist. 27. ad Lit. F.) de diligendo Deo ex toto corde &c. non penitus impletur ab homine in hac mortali vita, sed ex parte, non ex toto, quia ex parte diligimus, sicut ex parte cognoscimus, in futuro autem implebitur ex toto.* Quærit dein ad lit. G. *Sed cur precipitur homini ista perfectio, cum in hac vita eam nemo habeat?* respondet, *quia non recte curritur, si quod currendum est, nesciatur. 7 quia a sanctissimis hujus vite hac impotentia aperte agnoscitur.* Consulantur ex multis loca Exod. 34. 7. Job. 9. 3. 28. & 15. 15. Psal. 143. 2. Prov. 20. 9. 1. Reg. 8. 46. Jer. 64. 6. Dan. 9. 6. Phil. 3. 13. Jacob. 3. 2. 1. Joh. 8. &c.

II. Videamus jam, quid his opponat D. J. Crus! adfert initio

initio duo Scripturæ loca, quibus tum varia Sanctorum exempla subjungit: sed omnia, ut statim patebit, incassum. Prior occurrat Matth. 11. 28. 29. 30. *Venite ad me omnes &c. jugum enim meum facile est & onus meum leve.* Alter 1. Joh. 5. 3 *Præcepta Dei gravia non sunt.* Ad priorem quod attinet, respondemus, fallum esse, Christum ibi loqui de *jugo legis*, quod à *Calaisarum* ipsi Apostoli pronuntiant Aët. 15. 10. Sed loquitur de *jugo & onere crucis*, de quo alibi dicit, *Qui vult me sequi, tollat crucem suam* Matth. 16. 24. Hæc autem nuncupatur *jugum suave*, quia à Spiritu Sancto, in ipsis calamitatibus suavissimos gaudii fructus eliciente, *suave* redditur Coloss. 1. 24. Dicitur *onus leve*, quia *Deus non finit nos tentari supra vires*, dicente Paulo 1. Cor. 10. 13. Quid? annon & ipsa Christi doctrina est *jugum leve & suave*, oppositæ ad legem, quæ *וְלֹא יִי* *jugum oneris* Jer. 9. 4. & *jugum Calaisarum* Aët. 15. 10. nuncupatur, dici potest? Ad secundum quod spectat, dicit quidam Johannes, *præcepta Dei non esse gravia*: at quo sensu hoc intelligi velit, liquet ex sequentibus: quia nimirum nos, qui sumus in Christo, non gravant aut possunt subvertere: cum Christus legem pro nobis impleverit. Subjungit ipse Johannes hanc rationem 1. 4. *quoniam, quicquid natum est ex Deo, vincit mundum, & hæc est victoria, quæ vincit mundum, nempe fides nostra.* Illi ergo non sunt gravia, hoc est, non gravant aut subvertunt, qui fide amplectitur D. Jesum, qui legi plenissimè pro suis electis satisfecit Rom 8. 3.

III. Pergit D. J. C. & objicit, *multos Dei viros, ut Enochum, Noachum, Abrahamum, Isaacum, Jacobum, & alios perfectè servasse Dei mandata.* R. Si intelligit de perfectione sinceritatis, quæ in eo consistit, ut quis corde sincero & non hypocritico Deum colat, concedo, multos perfectè observasse Dei mandata. Concedo etiam de perfectione partium, qua omnia & singula officia, divinitus nobis præscripta, observantur: sicut præcepta legis certum nexum inter se habent Jac. 2. 10. Sed alius ascendit D. J. C. cum suis Papicolis, affingens sanctis illis Dei

viris

viris etiam perfectionem graduum, id est, vult illos mandata Dei omnibus modis perfectè servasse adeoque ἀναπαρίττος fuisse. Qua sanè in re longè à mente eorum abit, ut qui ipsi se passim profitentur mileros peccatores. Sic Jobus c. 9. 2. 3. *Qui justus esset homo comparatus cum Deo forti? Si volet litigare cum eo, non poterit respondere ei ex mille ad unum?* Sic David Psal. 143. 2. *Ne intres in iudicium cum servo tuo, quia coram te justus est nullus vivens.* Et Psal. 103. 2. *Si iniquitates observaveris, quis sustinebit?* Sic Jesaias c. 64. 6. *Omnes justitia nostra sunt instar panni menstruata.* Sic Paulus Rom. 7. 14. *Ego carnalis sum, venundatus sum peccato.* Item. *Nihil mihi conscius sum, sed in hoc non sum iustificatus.* Sis Johaṇes 1. c. 1. 8. *Si dixerimus, nos non habere peccatum, mendaces sumus &c.* imò sic omnès Sancti. Omnes assentiuntur Jacobo, dicenti, *in multis labimur omnes* cap. 3. 2. Eant ergò cucullati nostri cum sanctitatis suæ perfectione & quærant sibi inter Phariseos perfectionis suæ imaginariæ locios: cùm tales inter sanctos Dei servos invenire non liceat.

IV. Dicuntur quidem Noach, Josias, Zacharias & Elisabetha & alii perfecti fuisse: sed hoc non est intelligendum absolute, de obedientiæ perfectione legali, sed limitatè de perfectione Evangelicâ, vel comparatè respectu minus Sanctorum. Unicum Zachariæ & Elisabethæ exemplum, quod Pontificii maximè crepant, quodque ego ipse à Monachis non semel urgeri audiui rem totam declarabit. Dicuntur illi ambo justi fuisse in conspectu Dei, & incessisse in omnibus præceptis & ritibus Domini inculpate Luc. 1. 6. Hoc (fateor) exemplum, si ullum in Scriptura, Papicolis favere videtur: at videtur tantum; non faveri. Fuit 1. in illis perfectio sinceritatis, quæ innuitur cùm dicuntur *justorum Deo*: non fuit ergo eorum pietas hypocritica, qualis à multis demonstratur coram hominibus: sed vera & sincera, quæ ipsi Deo sese probabat. Fuit 2. in illis perfectio partium: dicuntur enim *incessisse in omnibus præceptis & ritibus Domini*: At ubi mihi demonstraveris in illis perfectionem graduum, de qua nobis est

quæstio? num quæres eam in voce ἀνεμῶσι sine reprehensione? frustra: illa enim non respicit Deum (nam si is vult ligare cum homine, non poterit respondere ei ex mille ad unum, inquit Jobus c. 9. 2. 3.) sed homines: erant ergò ἀνεμῶσι coram hominibus, utpote quibus nullum præbebant scandalum. Et quid D. J. Cte? anón Zacharias erat e numero Sacerdotum? negare non potes: atqui illi ex lege Dei necesse habebant circumdati infirmitate, sicut pro populo, ita pro se ipsis offerre pro peccatis Heb. 5. 3. Porro, annon idem Zacharias ad tempus mutus evasit, eò quòd non credidit sermonibus angeli Luc. 1. 20? quomodo ergò dicis cum fuisse sine peccato? Sed audi, quid olim Augustinus Pelagio, hoc Zachariæ & Elisabethæ exemplum urgenti, responderit. *Dictum est*, (ait de Grat. Dei contra Pelag. & Celest. l. i. c. 48.) *quantum mihi videtur, secundum quandam conversationem inter homines probabilem atque laudabilem, quam nullus homo potest jussè in accusationem & criminationis querelam vocare. Non autem dictum est hoc, secundum illam perfectionem justitia, in qua NB verè atq; omninò immaculati perfectique vivemus. &c.* Alibi idem B. Vir dicit; *Si omnes Sanctos & Sanctas, cum hic viverent, congregare possemus, & interrogare, utrum essent sine peccato, quid fuisse responsuros putamus? utrum hoc, quod iste (Pelagius) dicit, aut quod Johannes Apostolus? Rogo vos, quantalibet fuerint excellentiâ sanctitatis in hoc corpore, si hac interrogari potuissent, una voce clamassent, (cum Johanne) si dixerimus, quia peccatum non habemus, nos ipsos seducimus, & veritas non est in nobis. Idem à nobis habeant novi nostri Pelagiani responsum!*

V. Urget D. J. Ctus in sequentibus passim gratiam, dicitque ei non posse tribui impotentiam: verba Davidis, Pauli, Jobi, Johannis, Jacobi & aliorum, quibus omnes pronuntientur peccatores, esse intelligenda de homine irrogenito, corrupto & adhuc in peccatis suis jacente: non autem de homine regenito & gratiâ Dei adjuto &c. Sed miserum hoc effugium facili negotio tollitur. Non agitur de gratia, quæ posset à Spiritu Sancto conferri, si veller: sed de eâ, quæ ab ipso confertur. Reformati non dubitant, quin Spiritus

tus Sanctus, si veller, fideles suos facile posset eò perfectionis hîc adducere, ut totam legem perfectissimè servare possent, adeoq; nullam ipsius gratiæ impotentiam tribuunt: sed negant, ipsum hoc velle. *Sublevat ille quidem infirmitates nostras* Rom 8. 26. 2. Cor. 13. 3. Sed ita tamen, ut nihilominus habeamus *manus remissas & genua soluta* Heb. 12. 12. *Efficit is quidem in nobis & ipsum velle, & ipsum agere* Phil. 2. 13. sed, ut additur, *pro benevoluo suo libitu*. Non libet autem ipsi hîc nos ad Angelicam perfectionem adducere. Placet Deo, ut, teste Paulo Rom 8. 23 hîc tantùm habeamus *ἀναπλῶν τῆ πνεύματος* & primitias Spiritus & renovatio nostra crescat *de die in diem*, 2. Cor. 4. 15. ita ut quotidie dicere habeamus necesse, *Remitte nobis debita nostra*. 2. Sanctos illos viros locis citatis agere de homine quâ regenito, miror quî negare non erubescat D. JCrus? Annon enim Johannes alloquitur eos, qui *jam erant filii Dei* 1. c. 3. 2. p. Annon includit se ipsum, dicendo, *Si dixerimus NOS non habere peccatum &c.* Annon sic etiam Jacobus. *In multis LABIMUR omnes?* Annon Jobus, Jesaias & alii? 3. Dum lubet Papicolis de iis agere, qui Spiritui Sancto impotentiam tribuunt, non necesse habent extra Ecclesiæ suæ limites evagari, inspiciant modò Jesuitarum suorum collegia, & videbunt, qui publicè docent, *voluntatem humanam Spiritui Sancto, etiam convertere volenti, ita posse resistere, ut operationem ejus irritam reddat*. An hoc autem non est Spiritui Sancto tribuere impotentiam, vel parentibus in ipso Papatu Thomistis?

V. Verum est, ipsum Christum dicere Joh. 14. 23. *Si quis me diligit, sermonem meum servabit*: at 1. probandum D. JCrus, Christo ibi sermonem esse de lege Moïsis: *sermo Christi* sonat Evangelium Christi. 2. A fidelibus diligitur quidem Christus, sed dilectionis potius sinceritate quàm absoluta perfectione.

VI. Sed silentio non prætereunda, quæ D. JCrus pag 278. his præmittit, præsertim cùm illa maximè observari velit. *Observandum maximè, ait, me cum Catholicis hîc non agere de venialibus sed de mortalibus peccatis, siquidem in illa homo facillimè incidere, ab*

his autem sibi gratiâ Spiritus Sancti cavere queat. Nimirum D. Jctus sibi ipsi cum Catholicis suis hîc contradicit: & hoc hîc maximè observari vult. Observamus & ridemus. Docuerat hactenus, hominem posse totam Dei legem perfectissimè observare, adeoque esse sine omni peccato: jam verò dicit, hominem vix esse posse sine peccato veniali, cum in illud facillimè incidere queat, adeoque contra se ipsum fatetur, hominem non posse Dei legem omnibus modis perfectè observare. Dicat enim mihi D. Jctus, num peccatum, quod vocat veniale, sit transgressio legis, an verò non sit? Si non est: quomodo est peccatum? annon ipse Johannes peccatum in genere definit *avopiar legis transgressionem?* 1.c.3.4. Si est transgressio legis: quomodo illi, qui venialiter peccant adeoque legem transgrediuntur, nihilominus dici possunt legem perfectè observare? Dicetne forte D. Jctus cum Bellarmino & aliis, *peccatum veniale esse præter non contra legem?* Respondeat ipsi Jesuita Vasquez. Si verbum otiosum, ait ille in 1.2. T.1. disp. 143. c.3. *vel furtum parvum non esset contra præceptum aliquo modo, sed præter illud, sequeretur non fore contra judicium rationis recta, neq. disconveniens creatura rationali: hoc autem est falsum.* Porro. Qui præter legem operatur, nec ei aliquo modo opponitur, potius videtur opus indifferens ex se operari quàm peccatum: Ergo vel omnia peccata ex se dicemus esse mortalia, vel venialia etiam contra legem esse fatendum est. Quid? totâ hæc distinctio (sensu Pontificio) falsissima: Omnia enim peccata, per se & naturâ suâ sunt mortalia, i.e. digna sunt morte: Ergò nullum datur naturâ suâ veniale, ut volunt Papicolz. En probo! *Maledictus* (ait Moyses Genel. 27. 26.) *qui non manserit in omnibus, quæ scripta sunt in libro legis hujus.* Illi verò, qui patrant peccatum veniale, non permanent in omnibus, quæ scripta sunt: aliàs peccatum patrare dici non possent: Sunt ergò juxta meritum facti maledicti. 2. Dicit Apostolus Rom. 6. 23. de peccato in genere, quòd *eius stipendium sit mors*: Ergò vel peccatum veniale non est peccatum, vel mortem meretur & per consequens veniale non est.

est. 3. Aut Christus pro peccato, quod vocas veniale, est mortuus, aut non est mortuus? Si *est mortuus*: Ergo utique est mortale: Si *non est mortuus*: quomodo Johannes dicit, *sanguinem Christi nos purgare de omni peccato* 1. c. 1. 7? 4. *Qui impingit in uno præcepto, reus est omnium* Jacob. 2. 10. Subsumo: Qui committit peccatum veniale, impingit in uno præcepto: Ergo reus est omnium: Si autem hoc: quæ non meretur mortem? 5. Refert D. J. C. tus cum Jesuitis suis inter peccata venialia *verbum otiosum*: atqui de *verbo otioso* reddenda erit hominibus ratio tanquam de eo, quod per se meretur damnationem Matth. 12. 36. Ergo *verbum otiosum* naturâ suâ est peccatum mortale. An negabis verbum otiosum per se mereri damnationem? audi Christum ibidem v. 37. porro loquentem; *Ex sermonibus enim tuis justificaberis, & ex sermonibus tuis condemnaberis.* Ubi Dominus expressè innuit, *verbum illud otiosum*, de quo præcedenti 36 locutus fuerat, sufficientem esse causam condemnationis. Rider hîc Jesuita Elsius, dicens l. c. p. 355. *In der Wahrheit ich möchte nicht Lutherisch oder Calvinisch seyn / wenn ein Lutheraner oder Calvinist wegen eines einzigen müßigen Wortes müßte in die Hölle gehen. Dann ist mir besser / daß ich Catholisch bleibe: Dann der Catholische Glaube lehret mich / wann ich schon tausend und tausend müßige Wort geredet habe und mit denselben absterbe / so komme ich gleichwohl nicht in die Höll / sondern ins Fegfeuer.* At quis non rideat Jesuitam! Aliud est *est propter unicum verbum otiosum actu in orcum præcipitari*, & aliud, *propter idem dignum esse orco*. Licet nemo propter unicum verbum otiosum in orcum præcipitur: tamen per se & naturâ suâ, cùm offendat Deum æternum & infinitum, mortem æternam meretur. Mirum, nî Jesuitæ brevi incipiant dicere, etiam primum Adami peccatum fuisse veniale, maxime cùm ad peccatum hoc veniale depingendum, hodie plerumque afferant exemplum in furto aut iurrectione

unius oboli: annon enim materia, quam abstulit, talis erat, quæ Deum lædere non potuit nec proximum, nec cum obolo, respectu Dei, venit comparanda? cur interim erat peccatum? quia erat contra Dei mandatum. Idem responsum habeant Papi-colæ ad suum *de verbo otioso & furto oboli* exemplum! Noverit interim D. Elffius, Lutheranos de ipsius ad Pontificios transitu parùm esse sollicitos: Dicat nobis jam tantùm, ubi sint aut unquam vixerint illi Catholici, qui crediderint, *hominem licet millia & millia verborum otiosorum protulerit, non detrudi in infernum, sed in purgatorium?* Extra cœnobîa Monachorum iisque faventium nullum invenerit! Egregia fides catholica, quæ culpam judici perspectam docet coram iudice extenuare! Catholicus certè talis non fuit Basilius: Ita enim *Reg. brevior. Inter. 4.* scribit. *Cum Dominus pronuntiaverit, quod omne verbum otiosum locuti fuerint homines, reddent rationem de eo in die judicii, nihil omnino tanquam minutum contemni debet. Quis est enim, qui peccatum ullum, cujusmodicunq; illud sit, leve audeat appellare?* Si Basilio Jesuitica Religio fuisset nota, non ita quæsiisset: ea enim in eo maximè occupatur, ut peccata sua extenuet & opera sua vanâ meritorum opinione extollat. Ejusdem etiam cum Elffio catholicæ religionis non fuit Hieronymus: ait enim dial. contr. Pelag. *Si ira & sermonis injuria, atq; interdum jocus judicio, consilioq; & Gehenna ignibus delegatur, quid merebitur turpium rerum appetitio & avaritia, quæ radix omnium malorum.* Ubi ergo fuit Catholica illa Elffii fides tempore istorum Patrum?

VII. Sed redeamus ad D. Jctum: dicit, *hominem sibi à peccatis mortalibus per gratiam Sp. Sancti cavere posse: in venialia autem facillimè labi.* Res mira! Crepat Vir passim in hoc capite gratiam Dei: Vociferatur Jesuita Bailius *Summ. Controv. Tr. 4. q. 5. posse nos mandata Dei servare auxilio gratia adjutos, cui sine blasphemia non queat tribui impotentia:* hîc vero, qui hætenus videri voluit gratiam Dei immane quantum extollere, eam ad cò deprimit, ut homini à peccatis venialibus custodiendo haud sufficere

ficere non obscure fateatur. Si homo per gratiam Sp. S. legem perfectè servare potest *respectu peccatorum mortalium*, ut D. J. Crus ineptè distinguit: cur etiam non *respectu venialium*? Num gratia Dei tribui potest *impotentia*? quærit ex nobis Jesuita Bailius, (quamvis ineptè, ut supra audivimus) quæro hîc idem ex Papicolis. Sed interim in fugam disjiciant Pontificium J. Crum Pontificii Theologi. Sunt illi Gerson 3. p. de vit. sp. anima lect. 1. Fischerus, Episc. Roffensis contr. Luth. art. 32. Almainus Moral. Tr. 3. c. 20. qui omnes statuunt contra hodiernos Papicolas, *omne peccatum mereri mortem æternam, & nullum ex naturâ suâ esse veniale*. Cum illis ergò in posterum D. J. Crus disputare potest.

VIII. Si homini, ais, non essent concessæ vires per operationem Sp. Sancti legem observandi, Christus frustra ad agrotum illum, quem sanaverat, dixisset, *ne pecca amplius, ne quid deterius tibi fiat* Joh. 5. 14. R. Si hæc objectio esset alicujus momenti, tangeret & que D. J. Crum (utpote qui concedit, homini non esse concessas vires per eandem Sp. Sancti operationem legem observandi *respectu peccatorum venialium*) ac nos: qui ergo Christus dixit in genere, *ne pecca amplius*? Responde tibi ipsi D. J. Cte? Si autem forte te hinc non potes expedire, en præibo! Non est *aiw* verum, quod Jesuitæ tibi suggesserunt, *ea, quæ sunt impossibilia, non obligare*. Impossibilia duplicia sunt: alia sunt simpliciter & suâ naturâ talia: alia secundum quid & hominis culpâ. Ad illa homo non obligatur: ad hæc autem justissimè. Num creditor excidet jure suo repetendi debitum à debitore, licet non sit solvendo? Non legeris in tuo Corpore juris. Est ipsi quidem solutio impossibilis, sed propriâ culpâ. Eodem modo, cum in Adamo vires ad legem perfectè observandam homo acceperit, Deus non excidet jure suo eum obligandi ad perfectam obedientiam: licet is illi præstandæ sit impar; quia obediendi vires amisit suâ culpâ: nisi forte D. J. Crus velit dicere, *Deum ob vitium nostrum amisisse jus suum*. Justissimè ergo Christus ægroto illi, quem sanaverat, dixit; *ne amplius pecca*, licet ipse sine omni peccato esse non posset.

ter. Audi Augustinum. *O homo, ait ille de corrupt. & grat. c. 3. in praeceptione cognosce, quid debeas habere, in correptione cognosce, te tuo vitio non habere, in oratione cognosce, unde accipias, quod vis habere.* Discere ergo inde debebat sanatus ille suum officium & conspicatus suam impotentiam quærere in Christo suam justitiam. Quod eleganter expressit Bernardus in *Vigil. nat. al. Dom. serm. 2.* scribens. *Propter enim mandata sua mandavit servari nobis, ut videntes imperfectionem nostram deficere, & non posse implere, quod debet, fugiamus ad misericordiam.*

IX. Percipis jam, nî fallar, quomodo Deus (secundum versionem Lutheri) ad Cainum dicere potuerit; *ne fratum laxato peccato, sed dominator ei* Gen. 4 7. Percipis etiam, quâ ratione Magistratus in homicidas, fures, adulteros aliosque facinorosos animadvertat, licet Dei mandata perfectè observare nequeant. Miror interim, quâ fronte hæc à re proferantur, cum non nescias, fateri nos, quòd homo per Dei gratiam legem servare queat, negare tantùm, quòd omnibus modis perfectè possit. Si non puniendi sunt nisi ii, qui sine omni peccato esse possunt, nò vestri Purgatorii flamma admodum iniqua sit, oportet, ut quæ multos sæpe annos ustulat *venialarios vestros* (liceat in re barbara *βαπτισμῶν*) qui tamen, te haud obsecrè fatente, sine peccato veniali esse non potuerunt! Percipis denique non minùs, quî pastores sceleratos redarguant & ad virtutes hortentur, licet viribus destituantur. Uno verbo. *Hæc est* (ut Riverus noster scitè loquitur) *utilitas exactionis legis, ut nos admoneat, non quid possimus, sed quid debeamus, quod non possumus: ut nos admoneat infirmitatis nostræ, quia per eam est cognitio peccati: ut nos invitet ad preces, quibus petamus à Deo dari, ut possimus, quod per nos non possumus: ut sollicitet nos ad querendum medicum, à quo sanemur.* Eadem vide apud Augustinum in *Psal. 83.*

X. Verum est, *Deum non exaudire peccatores* Joh 9 31. At intellige irregénitos, & petulantes contemptores legis: ut liquet *7. 16. & 24.* Si autem simpliciter vis intelligi, dicas mihi, quî ergo

ergo *Christus peccatores ad se vocat* Matth. 11. 28. Sicutique Deus neminem in hoc mundo exaudiret, cum omnes, teste eodem Johanne. 1. c. 1. 8. *simus peccatores*. Verum etiam est, eum, qui dicit: *Novi eum & precepta ejus non observat, mendacem esse* 1. Joh. 2. 4. At intellige de perfectione sinceritatis; non absolutâ seu graduum: hanc enim qui sibi arrogat, non minus, teste eodem Johanne, *mendax est* 1. c. 1. 8. Verum denique non minus, hominem esse maledictum, nisi legem perfectè servet Deut. 27. 26. At intellige in se & extra Christum: hic enim *redemit nos à maledictione legis, dum pro nobis factus est maledictio* Gal. 3. 13.

XI. *Conjurârunt* (pergis) *Israëlitæ, se ambulaturos in lege Dei* Neh. 10. 29. *Si non potuerunt legem observare, qui ergo promiserunt? quomodo etiam dixit David, se observare legem Dei* Ps. 119. 55? *quomodo Paulus, se sanctè, justè inculpateque ap. Thessalonicenses vixisse? item, se nullius peccati sibi esse conscium, propterea verò non justificatum.* 1. Cor. 4. 4. At quem vir oppugnat? suam forte umbram? non nos certè: qui lubentes fatemur, fideles per Dei gratiam legem servare posse: negamus autem, eos observare posse omnibus modis perfectè. Dicit quidem 1. Cor. 4. 4. (loquens non de tota vita sua, sed de functione Apostolatus sui, ut liquet v. 1. & 2) *se & deum in nullo sibi conscium esse: sed addit, se verò non per hoc justificatum, adeoque coram Deo sine peccato esse.* Dominus autem, ait, *is est, qui me judicat.* En ergò quàm feliciter tueatur causam suam D. JCtus!

XII. *Æquè felix etiam in eadem tuenda est, dum ita pergit. Eat Catholicus, objiciat Reformato crimen adulterii, postulet illum furti, nuncpet eum violatorem Sabbati &c. Nonne Reformatus rem ad Magistratum deferet & de illatâ sibi injuriâ queretur atq; ad eam ipsa ipse fatebitur, se hac præcepta implevisse &c.* Ictus prorsus manes! num is, qui non violat hoc vel illud præceptum, centendus est perfectè observâsse totam legem D. JCte? Præterea an lex respicit tantùm externos corporis actus: an non simul etiam in-

ternos animi motus? Si negas, audi ipsum Christum Matth. 5. 28. *quicumque aspicit mulierem ad concupiscendam eam: jam adulteravit eam in corde suo. Audi & Johannem 1. c. 3. 15. quisquis odit fratrem suum, homicida est.* Si jam Reformatus toti etiam legi externam præstaret obedientiam, ita ut in oculis hominum esset æquus, qualem se Thessalonicensibus præbuisse legitur Paulus 1. c. 2. 10. nec accusari posset ullius criminis coram Magistratu, num propterea perfectè observaverit totam legem? negat Christus, negat etiam Johannes, innuentes, legem non minus internam ac externam obedientiam postulare. Audi, quid olim Christus de Phariseis, externam tantum vobiscum legis obedientiam urgentibus, ad suos dixerit, *nisi abundaverit vestra justitia plus quam Scribarum & Phariseorum, nequaquam ingressuri estis in regnum cælorum* Matth. 5. 20.

XIII. Sed argumentaris. *Quisquis natus est ex Deo, non peccat* 1. Joh. 3. 9. *Reformati juxta suam ipsorum fidem nati sunt ex Deo: Ergo non peccant.* Manifestum sophisma homonymiæ. Aliter enim terminus Major non peccat in propositione Majore; aliter in conclusione sumitur. In conclusione sumitur simpliciter pro *non transgredi legem.* In Majore autem strictius pro *non transgredi legem petulanter, non dare operam peccato, non ambulare secundum carnem* Rom. 8. 1. *non esse servum peccati* Rom. 6. 17. Uno verbo. Intelliguntur hîc per peccantes mancipia Satanæ, quæ, (ut rectè describuntur à Fero vestro in h. loc.) *non ex ignorantia aut infirmitate, sed ex malitia peccant, atq; adeo in peccatis se oblectant.* Ejusdem farinæ sunt cætera argumenta, quæ ex Johanne adducis, id est, sunt mera sophismata homonymiæ, quorum solutio ex data jam distinctione liquet. Quid? si hæc simpliciter intelligenda essent, nemo natus esset ex Deo: cum, teste eodem Johanne 1. c. 1. 8. nullus sit sine peccato. Salvamur interim, non obstante fidei nostræ infirmitate, quia, teste Apostolo Rom. 8. 2. 3. *lex spiritus vitæ, qui est in Christo Jesu, liberavit nos à lege peccati & mortis: cum enim legis impotentia nihil posset in carne, Deus suo ipsi misso filio, conformato carni peccato obnoxia, idq; pro peccato, condemnavit*

navit peccatum in carne, ut illud jus legis impleatur in nobis, qui non secundum carnem incedimus, sed secundum spiritum.

XIV. Latibulum, quod circa locum Act. 15. 10. quæris, prætendendo per jugum *actum* intelligi ibi non legem moralem, sed tantum ceremonialem, ficulneum est: nam 1. licet quæstio moveretur occasione legis ceremonialis, respiciebat tamen ea totam legem Gal. 5. 3. unde & Petrus (non Paulus, ut tu scribis) de tota lege, non de ceremoniali tantum loquitur. 2. Loquatur tantum de ceremoniali, quid tum? procedit tamen argumentum nostrum, à minore ad majus: cum lex moralis sit gravior ceremoniali, iudice ipso me Christo Matth. 23. 23. Luc. 11. 24. Quod addis ex Marc. 9. 23. *omnia sunt possible credenti*, non *omnis* est intelligendum: aliàs etiam credens posset cum Eliâ vivus ingredi cælum: sed *carit* de impetratione beneficiorum credenti ad salutem necessariorum. Cæterorum, quæ cumulas, infirmitas ex modò dictis patet. Stat proinde inconcussa veritas, quam nobiscum hîc agnoscit & ita enuntiat Thomas vester in Ep. ad Gal. c. 3. lect. 4. *Implere totam legem est impossibile, ut dicitur Act. 15. & Lombardus sic loc. supra cit. Illud præceptum* (de diligendo Deo ex toto corde &c.) *non penitus impletur in hac mortali vita.* Ratio datur ab Augustino Epist. 29. ad Hier. quia, ait, *charitas plenissima, quæ jam non possit augeri, quamdiu hîc homo vivit, est in nemine: quamdiu autem augeri potest, profecto id quod minus est, quàm debet, ex vitio est. Ex quo vitio, non est justus in terra, qui faciat bonum & non peccet: Ex quo vitio non justificabitur in conspectu ejus omnis vivens.*

XV. Addis jam, Ecclesiam Catholicam hunc articulum semper ita credidisse & docuisse. Irane D. J. Cte? Ergo Augustinus non fuit membrum Ecclesiæ Catholicæ: nam ille huic doctrinæ semper acerrimè se opposuit contra Pelagianos. Vide ipsum de gr. Dei contr. Pelag. l. 1. c. 48. Nec etiam ad eam pertinuerunt reliqui saniorum ætatum patres, cum ii ab hoc dogmate abfuerint quàm qui longissimè. Nomina enim vel unum, qui idem,

quod vos hodie, docuerit. Provocas ad Justinum, qui vixit an. 150 (en quantum saltū faciat, qui probandum suscepit, *Ecclesiam semper ita docuisse!*) at frustra: leguntur quidem hæc, quæ citas, verba; *Diligere Deum plusquam seipsum & proximum ut seipsum, quod quidem non est impossibile hominibus volentibus*, in Opere Quæstionum Justinini: at opus istud Quæstionum esse Justinini, probari vellent, quorum Scriptis toties abuteris, Centuriatores: proba ergo illis. Proba & Delrio vestro, qui idem negat. 2. *Dūq. Mag. lib. 9. 26. sect. 3.* Audi & Possevinum. *Opus 146. Quæstionum ad Orthodoxos*, ait, *non videtur esse Justinini*. Idem cum Possevino sentit Bellarminus *de Script. Eccles.* Agat ergo in posterum Papicola cum Papicolâ!

XVI. Quod sub Cypriani nomine nobis opponis, dicentis: *precipis mihi Domine, ut diligam te: hoc & possum & debeo*: nobis non obest: nam non negamus, nos Deum per ejus gratiam posse diligere: sed negamus, nos eum per gratiam, quam ipse libet in hac mortali vita nobis conferre, ex toto corde &c. diligere, ut lex requirit. 2. probandum tibi *Sermonem de Baptismo Christi*, ex quo hæc verba sunt desumpta, esse Cypriani: negamus enim hoc: cū sententiæ Cypriani de rebaptizandis hæreticis aperte contradicat. En quā eximie jam ille probavit, *totam Ecclesiam Catholicam semper hunc articulum ita credidisse & docuisse*, qui duo tantum ficta Patrum testimonia valuit proferre! Sed forte nomine Catholicæ Ecclesiæ intelligis Pelagianam & Pharisaicam; quarum favorem hîc vobis non disputamus.

CAPUT X.

De merito bonorum operum.

TRiplex vulgò à Papicolis constituitur meritum, nempe *congrui, digni & condigni*: Bellarminus tamen *lib. 5. de justis. c. 16.*

res istas species contrahit ad duas: quod verò, inquit, quidam distinguunt inter dignum & condignum, & meritum ex digno admittunt, non ex condigno, nimis leve est. Nam Interpres Latinus eandem vocem Græcam nunc vertit dignum, ut in loc. cit. nunc condignum, ut ad Rom. 8. Non sunt condigna passionibus &c. Quidam jam, volunt, opera bona justorum esse meritoria de condigno, largo modo, ita ut condignum respectu condigni propriè sumpti, possit dici congruum, respectu verò congrui propriè sumpti, possit dici condignum. Sic Durandus in 2. sent. d. 27. q. 2. & Gregorius in 1. sent. d. 17. q. 1. a. 2. Hos Bellarminus refutat loc. cit. Alii statuunt, opera bona justorum esse meritoria vite æternæ ex condigno ratione operis, etiamsi nulla extaret divina conventio. Sic Cajetanus in 1. 2. q. 114. ar. 3. & Dominicus à Soto l. 3. de natur. & gr. c. 7. Alii contrà existimant, opera bona ex gratia procedentia, non esse meritoria ex condignatione operis, sed tantum ratione pacti & acceptationis divinæ. Sic Scotus in 1. sent. d. 17. q. 2. quem alii quoque teste Bellarmino, sequuntur ex veteribus Scholasticis, & ex recentioribus Vega Op. de justifi. q. 5. Alii censent, non esse utendum his vocibus de condigno & congruo, sed absolute dicendum, opera bona justorum esse meritoria vite æternæ, ex gratia Dei. Sic Waldensis tom. 3. de Sacram. c. 7. Ea suavem eorum, qui consensum suum semper è suggestibus crepant, harmoniam!

II. Bellarminus tandem, postquam fratres suos pluribus confutavit, mediam quasi ingreditur viam, dicens: opera bona justorum meritoria esse vite æternæ ex CONDIGNO ratione pacti & OPERIS SIMIL, non quidem, quod sine pacto vel acceptatione non habeat opus bonum proportionem ad vitam æternam, sed quia non tenetur Deus acceptare ad illam mercedem opus bonum, quamvis par & æquale mercedi, nisi conventio interveniat. Hanc sententiam conformem esse pertendit Concil. Tridentino & Principibus Theologorum, S. Thoma, S. Bonaventura & aliis. Non sumunt proinde Papicollæ vocem meriti improprie, quo sensu Veteres eam usurparunt, & ipsa R. Ecclesia canit, felicem Adam culpam fu-

iffe, qua talem meruit habere Redemptorem, (cujus vocis abusus non dissimulatur ab ipsis Pontificiis. *Vocabulum merendi*, ait Cassander in Schol. ad hymn. Eccles. p. 179. apud veteres Ecclesiasticos Scriptores idem ferè valet, quod consequi. Cui etiam assentitur Vega l. 8 de Justif. 108.) sed propriè, quatenus meritum est meritum condignitatis, cui compensatio ex rigore justitiæ debetur, ut loquitur Jesuita Cottonus l. 1. Instit. c. 17.

III. Sed quis toto pectore non abhorreat ab hac Phari-
saicâ doctrinâ? utpote quæ à S. Scriptura non semel anathemate
percutitur. 1. Annon, dicente Paulo, *vita æterna est. hæc est gratia do-*
num gratuitum Dei Rom. 6. 23. quî ergo eam meremur nostris operi-
bus? 2. Annon salus nobis contingit ex mera Dei gratia Tit. 3. 4. 5.?
quomodo ergo eam meremur? 3. Annon *vita æterna est hære-*
ditas Rom. 8. 17. Eph. 1. 14.? quomodo ergo cadit sub meritum?
4. Annon, cum omnia fecerimus, *qua edicta sunt nobis*, nihilominus
nobis dicendum: *servi inutilis sumus: nam, quod debuimus facere, fe-*
cimus? Luc. 17. 10. quomodo ergo meremur? nam forte *debita*
solvere linguâ Romanâ est mereri? 5. Annon opera nostra sunt
imperfecta Esa. 64.? quæ, teste Paulo Rom. 8. 18. nullam habent
proportionem cum gloriâ æternâ: quomodo ergo in ea cadit
vitæ æternæ meritum? 6. Annon id, per quod volumus mere-
ri, debet esse nostrum? non enim possibile est mereri per alienum:
jam vero bona opera, quatenus bona, non sunt nostra, sed Dei,
qui efficit in nobis & ipsum velle & ipsum agere Phil. 2. 13. quî ergo
per illam mereamur? 7. Annon *lex fidei omnem glorificationem ex-*
cludit: quæ ex operibus nascitur? Rom. 3. 27. Ergo etiam merita. 8.
Annon Christus nobis est meritis totam nostram salutem Aët.
13. 15? quî ergo ejusdem meritum in nos cadat? fieri ne pot-
est, ut duo inter se differentes unam eandemque rem propriè &
perfectè mereantur, si unus pro altero mereatur, ut Christus
pro nobis fecit?

IV. Videamus jam, quid D. J. C. tus noster his opponat:
Antequam rem ipsam aggreditur, conqueritur de injuriâ quam
Refor-

Reformati Pastores Catholicis inferant, persuadendo auditoribus suis, ipsos velle Deo per opera cælum extorquere, 2. eos vim meriti Christi infirmare, 3. docere, homines posse sine illo per sua opera tantum sibi cælum acquirere. Quòd autem hæc accusatio ficta & falsa sit, satis liquere ait ex his Conc. Tridentini verbis Sess. 6. can. 1. *Si quis dixerit, hominem suis operibus, quæ vel per humana naturæ vires, vel per legis doctrinam fiant, absq. divina per J. Christum gratiâ, posse justificari coram Deo, anathema sit.* At. 1. R. me à nullo adhuc istam phrasin audivisse: Si tamen quidam eâ utuntur, qui iis injuriam faciunt, qui Deum ad calculos vocant, ut subductis rationibus, dati & accepti, Deus inveniatur debitor? Audi Coryphæum vestrum, Bellarminum. *Non ex sola* (ait is l. 5. de Justif. c. 18.) *promissione, sed etiam ex opere nostro Deus efficitur debitor.* Vah execrandam doctrinam! nobis jam ex ore Christi dicentibus, *Remitte nobis debita nostra*, vos, verso folio, ex ore Bellarmini & Jesuitarum dicetis, *solve quod nobis debes propter opera nostra*. Ad 2. R. nec in eo vobis fieri injuriam: nam meritum Christi vel per se est sufficiens, vel non: Si prius: ad quid merita vestra? Si posterius: vim ejus exhauritis, adeoq; in illud injurii existitis. Frustra regeris, *merita vestra nasci ex meritis Christi & omnem vim suam inde accipere, adeoque tantum abesse, ut meritum Christi diminuat, ut contra potius sic extollatis*: nam 1. erudiat me D. J. C. tus, ubi Scriptura doceat, ulla ex merito Christi nasci merita. 2. Si Christus meritis est, ut nos operibus nostris mereri queamus, dicat mihi, quâ à Paulo instituat perpetua oppositio inter gratiam & merita *Rom. 11. 6. ? Si per gratiam, ait, non jam ex operibus; alioquin gratia jam non est gratia: Sin ex operibus, jam non est gratia; alioquin opus jam non est opus.* At juxta vos operum merita gratiam commendant: egregiè ergò cum Paulo convenitis! scilicet! 3. Dicit idem Apostolus *Christum unicâ oblatione consummâsse in perpetuum eos, qui sanctificantur Heb. 10. 14.* Si autem Christus meruit, ut nos mereremur vitam, quomodo consummavit nos in perpetuum? Sic erit tantum ejus Satisfactio inchoata adeoq; imperfecta. Adde

4. quodd sic vita æterna potius meritis nostris quàm Christi esset attribuenda, cum effectus magis proximæ & immediatæ causæ adscribatur, quàm universali & remotiori. 5. Si virtus merendi vitam æternam potest communicari creaturis, cur non & virtus creandi? In posterum ergò creaturæ in Papatu poterunt se ipsas creare! 6. Sed respondeat tandem Pontificius Pontificio. *Sed hoc modo, ait Vasquez vester l. 1. c. 7. n. 44. quo Cajetanus, Hosius & alij Theologi tenent, non potest defendi argumentum dignitatis in operibus nostris; quoniam opera dicuntur dignitatem & valorem accipere à persona, à qua proximè procedunt, non autem à persona, à qua provenit gratia. Sed cum persona Christi non eliciat opera nostra, minime accipiunt incrementum dignitatis à Christo, sed ex persona eliciente secundum dignitatem justitiæ & sanctitatis: alioquin sequeretur, opera nostra esse infiniti valoris ad infinitam gloriam merendam. Quid videtur jam D. J. Cte? num adhuc dices, opera vestra mereri ex meritis Christi? Ad 3. (quod & ex jam dictis haud obscure liquet) audi & eundem Vasquez. Est catholica doctrina ait in l. sec. tom. 2. d. 214. magis consensaneum, primum valorem & dignitatem vitæ æternæ absq. ullo pacto & favore operibus justorum adscribendam esse &c. Et paulo post addit, Operibus justorum nullam accessum dignitatis provenire ex meritis Christi, aut ex ejus persona. En ergo, quanta vobis fiat injuria ab illis, qui dicunt vos docere, homines posse per opera sua sine merito Christi sibi cælum acquirere! Pro- vocas ad Concil. Tridentinum: sed frustra: illud enim dicis gratiã duntaxat aliquid de Christi gratiã mussitat: & Theologi vestri dum urgentur, satis produnt prætextus hujus vanitatem. Dedit jam Vasquez specimen: dat etiam Bellarminus, dum ait l. 5. de Justif. cap. 3. Magis honorificum esse habere aliquid ex merito, quàm ex solâ donatione. Ipsum Concil. Tridentinum, quamvis fateatur, bona opera esse Dei dona, pertendit tamen esse merita hominis justificati Sess. 6. can. 32. Jesuita Pererius paratus est rationem inire cum Deo. Sic enim ait in c. 6 ad Rom. disp. 10 quia per liberum nostrum arbitrium cooperamur gratia Dei & verè sumus causa operum,*

operum, quæ facimus, & opera nostra verè nostra sunt & merita sunt apud Deum. Quid? Papicolæ adeò opponunt merita sua passioni Christi, ut Index Expurgatorius Cardinalis Quiroga au. 1584. Madriti editus & Index Expurg. Lusitanus an. 1424. Lix bonæ impressus, jubeant obliterari hæc verba, *Credis, te non pervenire ad gloriam propriis meritis, sed merito & virtute passionis Domini nostri J. Christi?* Et porro. *Credis, quòd D. N. J. C. mortuus sit pro nostra salute? & quòd propriis meritis vel alio modo nullus possit salvari, nisi in merito passionis illius?* (vid. liber, qui Ordo baptizandi inscribitur, Venetiis impress.) Perpendat jam D. J. Ctus, quanti ii, qui tales propositiones eradijubent, Christi meritum faciant!

V. Aggreditur nunc Vir rem iplam, & accumulatis variis Scripturæ locis operum meritum evincere conatur. Videamus jam brevitatis gratiâ aliqua duntaxat, & quidem ea, quæ & à Jesuitis hodie maximè urgeri solent. Dicit Christus, verum est, *se unicuiq. redditurum secundum ipsius facta* Matth. 16. 27. Sed novit D. J. Ctus, aliud esse secundum opera & aliud propter opera. Prius dicit Christus, non posterius. Quid hoc autem est secundum opera? Si D. J. Ctus lateat, audiat ipsum Christum explicantem. *Ecce venio cito* (ait Apoc. 22. 12.) *& merces mea mecum est, ut reddam unicuiq. ut ei è pyon aut è isai prout opus ipsius fuerit.* Notatur ergò proportio qualitatis, non æqualitatis. Aliud est, ait Gregorius M. in Psal 7 pœnit. secundum opera reddere: aliud propter opera reddere. In eo enim quod secundum opera dicitur, ipsa operum qualitas intelligitur, ut cujus apparuerint bona opera, ejus sit retributio gloriosa. Addit Vir, *bonis operibus passim promitti mercedem.* R. Novimus D. J. Cte, novimus: At tu non minùs nôsse debebas, à mercede ad meritum non procedere consequentiam: cum alia merces sit debita, alia gratuita Rom. 4. 3. 4. Pollicetur quidem Deus operibus vitam ut mercedem, sed ut mercedem gratuitam, quæ sic est merces Matth. 5. 12. 46, ut simul sit χάρισμα seu gratuitum Dei donum Rom. 6. 23 & χάρις gratia Luc. 6. 32. Sed instruat Pontificius Pontificium. Si aliquando, ait Ferus vester in Matth. 20. 1 mercedem

cedem audis polliceri, scias non ob aliud esse debitam, quam ex promissione divina, gratis promissit, gratis reddit. Stigitur Dei gratiam & favorem conservare cupis, nullam meritorum tuorum fac mentionem. Tu igitur cum Jesuitis tuis merita crepantibus, iudice Fero vestro, Dei gratiam & favorem non conservas.

VI. Respondes ad hæc, de vocibus non esse multum litigandum, sufficere tibi Christi promissionem, quæ bonus tuus operibus mercedem promiserit. At quis non videat, hæc tibi aquam D. J. Cre? Litigamus ne nos de voce, cum adducimus distinctionem, quam suppeditat ipse Paulus Rom. 4. 3. 4? At proba, Christum, dum promittit se p'is daturum mercedem, intelligere mercedem ex debito, aut facere te nobis nihil ad rem respondisse. Addis, hominem posse per pœnitentiam vivere Luc. 15 sed quid quæro ad rem? addis porro, eum, qui diligit Deum, habere coronam vitæ Jacob. 1. 12 sed quid & hoc ad rem? proba, habere ut mercedem ex debito. Sic cætera, quæ cumulas, Scripturæ loca ne minimum quidem ad rem. Unus excitatis locus, videtur causæ vestræ favere, nim. Luc. 7. 47. at videtur tantum: non favet. Videamus verba Dico tibi, ait Christus, remissa esse multa illa peccata ipsius: nam dilexit multum. Hic vocula in nam vel quia non est causativa sed non duntaxat illativa, ita ut Christus à dilectione, non tanquam à causâ, sed tanquam à signo concludat, multa peccata ei esse remissa. Probant hoc verba sequentia, cui autem paululum remittitur, paululum diligit. Ubi dilectio aperte remissioni postponitur. Sed respondeat Pontificius Pontificio. Argumentum est, ait Jesuita Salmero in 1. Joh. 3. dis. 23. ab effectu & signo, cujus quidem argumentationis plura exstant in Scripturis. Ubi multa ista dilectionis signa, inquit Cardinalis Toletus in cap. 7. Luc. annot. 73. apparent, judicandum est, magnam PRAECESSISSE peccatorum, ac debitorum remissionem. Idem responsum habeant Monachi ad Loc. Matth. 25. 34. 35. quem ipsos crepantes non semel audivi. Vocula nam & quia non semper adhibentur ad significandam causam, sed sæpe ad indigittandum signum: ut quando dicimus; hic ignis est, nam fumus adest;

adest; nemo est, qui asserat, *fumum esse causam ignis*: cum è contrario ignis sit causa fumi. Sic Matth. 26. 73. domestici Pontificis dicunt Petro, ipsum esse Galilæum & Christi discipulum, addentes, *nam dialectus tua te prodit*: cum illa dialectus deum esset hujus rei signum, non causa. *Hujusmodi particulas quia & quoniam non causam aliquando, sed effectum significare, innumera vel in solis Psalmis exempla sunt*, inquit Jesuita Maldonatus in Job. c. 8. 20. Quando proinde Christus ad electos suos dicit, *venite benedicti Patris mei, hereditate possidete regnum, paratum vobis à jactò mundi fundamento*: NAM *esurivi & cibastis me* &c. vocula *nam* non est causalis: quia 1. promittit regnum hæreditate possidendum: jam verò notum est hæreditatis possessionem non fundari in meritis, cum eam etiam pariter adeant infantes 2. quia dicit, illud regnum electis paratum esse à jactis mundi fundamentis: quid autem illi tum poterant mereri, cum nondum existerent? Confer Rom. 9. 11. Eph. 1. 4. Apoc. 3. 8. Ubi legis nomina electorum in libro vitæ esse scripta jam inde à jactis mundi fundamentis.

VII. Addis, *Deum, ut fidelem & misericordem Patrem tenere promissionibus suis*: at quid hoc ad rem D. J. Cte? tatemur, Deum promissionibus suis tenere, quia *verax & fidelis est*: Sed plura exiguntur à Coryphæo vestro, Bellarmino: jam verò bona opera justorum, ait l. 5. de Justific. c. 17. *esse meritoria vitæ æternæ ex condigno* NB non solum ratione pacti & acceptationis, sed etiam ratione operis, ita ut in opere bono ex gratia procedente sit quadam NB proportio & æqualitas ad præmium vitæ æternæ, probatur. En doctrinam abominandam! juxta quàm Deus tenebitur ratione ipsiusmet operis, & dependebit creator à creaturâ.

VIII. Fatetur tandem D. J. Ctus, nullum, si verum esset assertum Catechesis nostræ, nostra etiam præstantissima quæque opera in hac vita esse imperfecta, atq. adeò peccatis inquinata, operum nostrorum coram Deo meritum obtinere: at probavimus Viro suprà modo ex El. 64. 4. Addimus jam testimonium Pauli Rom. 7. 18.

Non enim, non habitare in me (id est, in carne mea) bonum: nam velle adest mihi, sed, ut, quod bonum est, perficiam, non assequor. Non enim facio bonum, quod volo, sed malum, quod nolo, hoc ago &c. Audis D. JCte? annon Paulus hic faretur, opera sua, etiam praestantissima, esse imperfecta, adeoque peccatis inquinata? Idem fatentem audi Johannem 1. c. 1. 8. & Davidem Psal. 143. 2. &c. At si anima devota, inquis, ardentibus ad Deum fundit preces &c. Si veram peccatorum elicit contritionem &c. Si quis ex sincero animo eleemosynas erogat in pauperes &c. quis eo impietatis procedat, ut affirmare ausit, hac sancta exercitia non duntaxat esse imperfecta sed & peccatis inquinata. Oppone hoc Paulo, oppone Johanni, Davidi, aliisque Sanctis, qui haud dubie ardentissimas ad Deum fuderunt preces, veram elicerunt contritionem, eleemosynas pauperibus erogarunt &c. & tamen ut supra vidimus, fatentur in se (id est, in carne sua) non habitare bonum (perfectum) velle sibi adesse, sed ut, quod bonum est, perficiant, se non non assequi. Qui non assequuntur perfectionem in sacris suis exercitiis, quomodo in iis sunt perfecti D. JCte? Annon preces debent fundi, contritio elici, eleemosyna dari ex amore Dei & proximi: at in quo is omnimodè perfectus reperitur? nam cum (ait Augustinus l. de perf. justit. c. 8.) adhuc est aliquid carnalis concupiscentiae, quod vel continendo frangitur, non omnimodo ex tota anima diligitur Deus. Addis, sic nullus hominum salvaretur &c. Miror responsum, ut qui tamen Paulus aliique Sancti, licet operibus suis perfectionem cum Papicolis non tribuerint, salvati sunt? quomodo autem? merito Domini Jesu: Is venit in mundum, ait Paulus, ut peccatores servaret; quorum primus sum ego. 1. Tim. 1. 15. Per hunc solum, qui salvati sunt, salvantur, non per opera Act. 4. 12. Verum est, nihil immundum ingressurum esse in caelum: at non minus verum, sanguinem D. JESU nos mundare & purgare ab omni peccato 1. Joh. 1. 7. In hoc qui non quaerunt suam salutem, sed in suis operibus, non illi salutis nunquam participes evadent!

IX. Addis porro, num ergo Sp. Sanctus impuram justitiam operabitur? Absit D. JCte! Si in nobis nihil esset praeter Spiritum Dei,

Dei, nihil imperfectionis superesset: at quia, quamdiu hîc peregrinamur, *caro concupiscit adversus Spiritum, Spiritus autem adversus carnem: hac autem inter se opposita sunt*, hinc fit, *ut non, quaecumq; voluerimus, faciamus*, teste Paulo Gal. 5. 17. Opera ergo nostra, quatenus à Sp. Sancto sunt, bona sunt & perfecta, sed illis non nihil imperfectionis admiscetur à nostra carne. Pergis, *Mulier illa, qua alabastrum unguenti pretiosi in caput Christi effudit, fecit teste Christo, bonum opus* Matth. 26. 10. *At non ex sententia Reformatorum; quia fuit adhuc peccato inquinatum.* Itâne D. JCre? Nomina mihi ergo aliquem ex Reformatis, qui dixerit, *opera fidelium non esse verè bona?* Opera fidelium non esse perfectè bona dicimus: sed non: non esse verè bona. Paulus omnia sua opera gratiæ divinæ accepta refert 1. Cor. 15. 10. quod autem à gratia Spir. Sancti producit, quî non fuerit verè bonum: *perfectè bonum* interim in nobis non est ob imperfectionem sanctificationis & peccati reliquias. Quæ adjungis de fide, non minùs irrita sunt. Non enim asserimus, ipsam fidem esse peccatum, sed duntaxat, defectus ei adhærentes: fides autem est causa instrumentalis justificationis non respectu talium defectuum, sed actus ipsius, à Sp. Sancto in cordibus nostris producti. Perhibet, verum est, Christus discipulis suis testimonium, *quòd puri sint* Joh. 13. 10. at si hoc intelligendum est absolutè, doceat me D. JCre, quomodo illos docuerit quotidie precari, *Remitte nobis debita nostra* &c. Item, quomodo Johannes dicat; *Si dicimus, nos peccatum non habere, nos ipsos fallimus & veritas in nobis non est* 1. c. 1. 8. Intelligendum ergo est ratione reatus actualis & macule quoad dominum, non quoad inexistentialiam, quo sensu Paulus dicit, *nulla igitur nunc est condemnatio is, qui sunt in Christo Jesu* Rom. 8. 1. Nota, ipsum non dicere, *nihil esse condemnabile*, (adeoq; non negare, *peccatum esse in nobis*) sed *nullam condemnationem*. Et quid? annon ipse Christus idem eodem y. satis innuit, cùm ait, *ei, qui lotus est, non opus est, nisi ut pedes lavet? toti loti interim erant* Apostoli & *tota pulchra est Christi Ecclesia, pulchra ut luna, pura ut sol* Cant. 6. 9.

quia nullæ maculæ ei imputantur, quippe per Christum con-
 nata. Quî interim D. J. Ctus loca Cantici, quæ aliàs Papicolæ
 ad Mariam referunt, de Ecclesiâ hujus vitæ intelligit? num er-
 gò ea ita expers peccati est, ut juxta Papicolas B. Maria fuit? *O*
Sancte David (hac jam utitur Vir Apostrophe,) *qui fuisti vir se-*
cundum cor Dei &c. in cujus corde Scrutator cordium nihil invenit Ps.
17.3. tu ne nihilominus in iis partibus, in quibus Dei cordi placuisti, im-
purus esses? &c. En quàm egregiè caudidicus ille causam Davi-
 distueatur! Nescit Vir distinguere inter *justitiam causæ & perso-*
na: cùm David dicit *Plal. 17. 3. Deum in corde suo nihil invenire,*
 intelligit nihil fraudis & doli adversus hostes suos: audi verùm pri-
 mum ejusdem Plalmi: *Exaudi, ait, Jehova justitiam, attende ad cla-*
morem meum, aurem prabe orationi meæ, quam habeo *לא שפתי מרמה*
absq, LABIIS DOLOSIS. Commendat ergò causam suam Deo,
 utpotè quæ justa sit, & in qua ille, ut hostes, nullò utatur dolo.
 Confer *Psal. 7. 9. & 18. 21.* Cæterùm quando loquitur de justitia
 personæ, audi, quid dicat. *Delicta sua, ait, quis intelligat? ab ocul-*
is libera me Domine. Psal. 19. 13. Item. *Si iniquitates observaveris*
Domine, quis possit consistere? Psal. 130. 3. Porro. Ne ingredi in judi-
 cium cum servo tuo: nam non est justus coram te ullus vivens. *Psal. 143.*
 Liceat jam & mihi simili uti apostrophe, *O Sancte David, qui fuisti*
Vir secundum cor Dei, & nihilominus dixisti, nec te nec ullum alium co-
ram Deo esse justum & in seipsum: quid non dicturus esses, si videres
 hodiernos Papicolas operum suorum puritatem jactitantes, eorumque
 merita crepantes? haud dubie in hac erupturus verba; *O Papicola, quæ*
vos dementia cepit? Vos ne vultis more Phariseorum vos ipsos justifica-
re coram Deo, judice vestro? vos ne vultis mundum esse coram Deo, coram
quo nemo dicere potest, mundum est cor meum, purus sum à peccato
Prov. 20. 9. Coram quo nemo innocens est Exod. 34. 7. Si ille velit cum
homine contendere, non respondebit ei ad unum ex mille Job. 9. Quod
addis, nos docere, bona opera esse peccata, calumnia est: nullus e-
nim nostrum id absolute dixit: bona opera dicuntur nobis pec-
cata secundum quid tantum & per accidens (non suo genere, per se
 &

& simpliciter) propter adhaerentem imperfectionem, addimus, *si secundum legis divinae rigorem censeantur.* Sed audiat Papista suos Papistas. Etiam in operibus bonis, ait Joh. Ferus in Marth. 12. nonnihil mali occurrit. Quamvis enim qui in Christo sunt baptizati, Christum induerunt, Christus autem justitiam secum adfert, tamen nondum planè interit Adam ille vetus, unde fit, ut cum Christus gratia sua ad bona opera exstimulat, ipse Adam, id est, perversa natura adiciat vel aliquid propriae complacentiae, vel proprii commodi &c. quo fit, ut opus ipsum nunquam sit perfectum, quamvis ex misericordia Dei non imputetur peccatis. Audi & Cotonum vestrum. Semper aliquid hominis, ait is Institut. p. 804. est in actionibus nostris, hoc est, aliquid imperfectionis & miseriae admixtum. En hîc fratres tuos, eadem, quæ nos, docentes! cum illis tu ergo in posterum disputare poteris.

X. Solus Jesaiæ locus c. 64. 6. huic Pharisaico Papatus saltui deprimeri non sufficere posset; *Facti sumus, ut immundi omnes nos, & quasi pannus menstruatus omnes nostra justitia.* Excipit quidem D. J. C. tus, non de hodierna Christiana, sed veteri Judaica Ecclesia, quæ tum temporis à Deo defecerit, Prophetam sermonem esse: verum frustra: Loquitur de vera Dei Ecclesia, cujus membrum erat ipse Propheta (dicite enim *omnes justitia nostra*) quæ quidem Deum gravissimè offenderat, sed quæ etiam peccatum suum humillimè confitebatur, ut contextus docet. Verum est, à Judæis ad nos non procedere universaliter consequentiam: interim, an non procedat in precibus & peccatorum confessionibus (quales hoc capite proponuntur) vellem, me doceret D. J. C. tus: sic possent Jesuiri Psalmos Davidicos abrogare! Dilcat in posterum Vir distinguere inter moralia & ceremonialia! Sed en, quàm firmiter nos non illaqueet Vir ex v. sequenti! Vult hîc sermonem esse de hominibus impiis & sceleratis: probat, quia immediatè additur; *Nec ullus est, qui invocet nomen tuum &c.* At quis non rideat? Num ergo Prophetam accensuit merè impiis & sceleratis? num scelerati dixissent, *omnes justitia nostra*? Verba illa;

illa; Nec ullus est, qui invocet nomen tuum, non sunt simpliciter intelligenda: jam enim & invocaverat & adhuc tum populus ille ore Prophetæ Deum invocabat: sed secundum quid, scilicet, ut nos decet. Sed quid utor ambagibus? Veni tu Gerlon Papista, & Papistæ huic obstrue os. Quid, ais l. 4 de Contolat. Esaias se cum ceteris involvens, sibi que vilescens, humili confessione protulerit, legimus; Omnes justitiæ nostræ, tanquam pannus menstruatus. Quis ergo justitias suas velut gloriabundus ostentaverit Deo plus quam pannum confusionis suæ mulier viro? Loquere tu etiam Bernharde. Nostra, inquis Serm. 5. si qua est humilis justitia, recta forsitan, sed non pura. Nisi forte nos meliores esse credimus, quam patres nostros, qui NB non minus veraciter, quam humiliter agebant; Omnes justitiæ nostræ, tanquam pannus menstruatus mulieris. Quomodo enim justitia pura, ubi adhuc non potest culpa deesse? Eat jam D. J. C. tus & in posterum causæ suæ melius consulere discat! Ad reliqua interim sequenti cap. XV. (ubi eadem crambe ab ipso recoquitur) responsum inveniet.

XI. S. Patres, ad quos jam provocat, ab hac Pharisaïca doctrinâ abfuerunt, quàm qui longissimè. Audi Augustinum. Christus, ait l. 4. ad Bonif. c. 4. pro nobis solus suscepit sine malis meritis penam, ut nos per ipsum sine bonis meritis consequeremur indebitam gratiam. Audi & Hieronymum. Tunc, inquit l. 1. cont. Pelag. justus sumus, quum nos peccatores fatemur, & justitia nostra non in proprio merito, sed in Dei conspectu misericordiâ. Adjunge his Cyprianum. Remunerat ait is Ep 99. Deus in nobis, quod ipse prestitit, honorat, quod ipse perfecit. Assentitur Basilius in Psal. 114. dicens; Manet requies sempiterna illis, qui in hac vita legitime certaverint, non tanquam debitum operibus redditum, sed ob munificentissimi Dei gratiam. Calculum suum etiam addit Chrysostomus homil. 2. ad Coloss. Cur vocat hereditatem? ut ostendat, neminem ex bonis suis actionibus & rectè factis regnum assequi &c. Nemo enim sic se vitam probavit instituisse, ut dignus habeatur regno, sed quicquid id est, donum est ejus: propterea dixit, cum omnia feceris, dicite servi in-
utiles

utiles sumus, quæ enim debuimus facere, fecimus. Similia leguntur apud Origenem in cap. 3. ad Rom & alios. En jam, quàm veraciter dicas, *Catholicam Ecclesiam hunc articulum semper ita vobiscum credidisse!* si nominâsses *Ecclesiam Pharisæicam*, longè veracior extitisses. S. Patres si quandoque loquuntur durius (quod subinde à Tertulliano, Cypriano & aliis quibusdam fieri, cum Centuriatoribus non nego D. Jcto) exponendi sunt ex S. Patribus, i.e. duriora illa dicta, quibus quandoque, demegoricè loquentes, ad commendandum hominibus eò efficacius bonorum operum studium, fuere usi, ex aliis locis (qualia superius adduximus) in quibus dogmaticè & ex professo hoc argumentum tractantes, omne meritum propriè dictum respuunt, sunt explananda.

XII. Sed tandem, quid judicandum sit de hac Pharisæica Papicolarum doctrinâ, colligere liceat ex ejus effectibus. Ut enim meritorii nostri maximè sua crepent merita, dubitant tamen, an tandem iis fidendum sit. Vult enim Bellarminus l. 5. de justif. c. 7. *propter incertitudinem propriæ justitiæ & periculum inanis gloriæ tutissimum esse in solâ misericordiâ Dei & benignitate fiduciam totam reponere. Vide & Tirinum contr. 16. num. 12.* Quis viros non miretur? si propriæ justitiæ est incertitudo, si inanis gloriæ periculum inde timendum, cur fastolæ suæ de meritis opinionioni non vale dicunt? cur non volunt potius cum Paulo *comperiri in Christo, non habentes suam justitiam, quæ est ex lege sed eam, quæ est per fidem Christi Phil. 3. 9?* Sed quid? in ipso Canone Missæ post Consecr. missifex (immemor dicti Bellarminiani; *Magus honorificum esse, habere aliquid ex merito, quàm ex solâ donatione l. 5. de just. c. 3.*) merita sua deponit, dicens; *Non æstimator meriti, sed venia largitor admitte &c.* Nempe cum Missa instar centonis ex variis laciniiis (ut supra audivimus) confuta fuit, immistum etiam ei quid fuit ex precibus, tempore sanioris adhuc Ecclesiæ usitatis, quod jam Missæ confutandæ inservit. Ad praxim etiam dum olim itum, fuit in Papatu contra Papatum, id, quod nos docemus,

cemus, stabilitum, ut patet ex hac, quæ Anselmo tribuitur, formulâ; *Credis, te non posse nisi per mortem Christi salvari?* Respondet ægrotans, *Etiam*: Tunc illi dicitur; *Age ergò, dum superest in te anima, in hac sola morte fiduciam tuam constitue, in nulla aliare fiduciam habes; huic morti te totum committe, hac sola te totum contege* &c. Relatum mihi à fide dignis Ecclesiæ Pontificiæ Viris, etiam hodie Sigenæ unicum apud ægrotos meritum Christi à Jesuitis urgeri, nullosque Sanctos, ne B. Mariam quidem, invocari. Placeat nobis hoc: Pergant ita Viri Papistæ Papatum pessundare! pergant ita praxi suæ docere, illis, qui Papisticè vixerunt, si velint salvari, Reformatè moriendum esse.

CAPUT XI.

De Precatione pro defunctis seu purgatorio.

PROgreditur jam D. J. C. ad probandum Papicolarum purgatorium: quæ in re & de Papa & de ipsius Clericis, utpote quorum hinc calent culinæ, optimè meretur. Videamus autem interim, quæ Vir rem istam probet! *Non intrabit*, ait, *quicquam, quod immundum est, in regnum cælorum* Apoc. 21. 27. &c. *Homines die extremo de quovis verbo otioso oportet reddere rationem.* Matth. 12. 36. &c. Sic est D. J. Cte: Sed quid inde pro purgatorio vestro? *Jamne possibile* (pergis) *justitiæq; divinæ congruum esset, ut, quemadmodum sceleratissimi peccatores, ita & illi, qui forte in re parva impegerunt atq; ita in parvo aliquo peccato moriuntur, à justissimo judice pari passu in ignem æternum sine spe ullius redemptionis precipitentur?* Vanissima argutatio, nixa falsissimâ distinctione peccati mortalis & in se venialis, quam alibi pluribus discussimus. Omnia peccata, siue magna siue parva in se & naturâ suâ sunt mor-

mortalia: veniale in se & ex se est in & ex se inane monachorum commentum. Quemadmodum autem Deus reprobos ex iustitiâ propter peccata magna & parva damnat; ita electis suis omnia peccata sive magna sive parva ex gratia propter Christum remittit, eosque æternum salvat. *Notum sit vobis fratres, ait Paulus Act. 13. 38. 39. annuntiari vobis remissionem peccatorum per istum, & ab OMNIBVS, à quibus per legem Moysi absolvi non potuistis, per hunc, quemcumq; credentem justificari.* Non igitur pars peccatorum remittitur, pars retinetur. In posterum jam D. JCrus potius ita secum ratiocinari discat. Si Deus electis suis graviora peccata ex gratiâ remittit, quâ non iis ex eâdem gratiâ remittere leviora? Num creditor, qui debitori suo gratis remittit debitum decies mille ducatorum, eidem non quoque gratis remittat debitum quatuor aut quinque obolorum? an eum propter quatuor obolos in carcerem conjiciat & eum decem aut plures annos maximâ hujus mundi pœnâ afficiat? Multo minùs hoc in Deum cadit, qui ipse testatur, quòd nobis totum debitum gratis remittat Matth. 18. 12. Verum est, Matth. 5. 26. dici, *nequaquam exibis illinc (i.e. ex carcere illo) donec persolveris ultimum quadrantem.* At probandum D. JCrus (1), *per carcerem ibi intelligi purgatorium: probandum (2) per ultimum quadrantem intelligi venialia peccata.* Utrumque falsissimum. Venitu Lyra Papista & Papistam tuum melius instrue. *Non exies inde, ais in c. 5. Matth. donec reddas novissimum quadrantem, i.e. nunquam exibis, quia in inferno nunquam possibilis est redditio.* Veni & tu Thoma, Doctor Angelice, & melius doce tuum JCrus. *In hoc autem, quod dictum est, inquis in Caten. in Matth. donec solvas, significatur pœna æterna, sicut positum est donec, ubi dictum est, sede à dextris meis, donec &c. Ita & hic accipi potest, non exies donec solveris novissimum quadrantem, semper non exiturum, quia solvet semper novissimum quadrantem, dum sempiternas pœnas peccatorum laet.*

II. Pergit jam D. JCrus & purgatorio suo probando adhibet dictum Christi Matth. 12. 32. *Quicumq; dixerit verbum con-*

tra filium hominis, remittetur ei, qui autem dixerit contra Sp. Sanctum, non remittetur ei neq, in hoc seculo neq, in futuro. Dictum agnosco, sed Papicolarum inde purgatorium nullus video. Conatur tamen Vir hinc ignem istum sufflare: quàm bene, videamus. Si dantur, ait, aliqua peccata, quæ nec in hoc, nec in futuro seculo remittuntur: Ergò sequitur alia esse, quæ post hanc vitam in purgatorio remittuntur. R. 1. Consequentiam esse ridiculam. Quæ enim quæso consequentia; Remittentur peccata in futuro seculo: Ergò in purgatorio? Annon per futurum seculum veriùs intelligetur resurrectio mortuorum & iudicium extremum? audi ipsum Christum. Filij huius seculi ducunt uxores & nuptum dantur. Illi verò, qui digni habebuntur seculo illo & resurrectione mortuorù, non nubent &c. Luc. 20. 34. Hoc autem die remissum iri peccata (non quidem inchoativè, sed declarativè, ut enim jam à Christo sententia, quæ pronuntiatur in terra, habetur rata in cælo Matth. 18. 18. ità tunc declarabit, se habere ratam Rom. 2. 19.) docet Paulus, 2. Tim. 1. 18. pro Onesiphoro ità precans; Det ei Dominus invenire misericordiam (quod nihil aliud est, quàm obtinere remissionem peccatorum, declarante Petro Act. 3. 19.) apud Dominum in die illo. R. 2. etiam id, quod Papicolæ assumunt, non probari ex allegato loco. Phrasisenim, ἡτις ἐν ταύτῃ τῇ αἰῶνι, ἡτις ἐν τῷ μέλλοντι, interprete Marco cap. 3. 29. nihil aliud sonat quam NUNQUAM. Matthæus proinde hac Hebræis usitatissimâ phrasi (וְלֹא בְעוֹלָם הוּא וְלֹא בְעוֹלָם הַבָּא) docet, blasphemiam in Spir. Sanctum nunquam remissum iri; quod & Lucas innuit, dicens c. 12. 10. ὅτι ἀφεθήσεται. Erudiat me D. J. Ctus, cur per alterum seculum potiùs intelligend⁹ veniat ignis, quàm aqua! proferat mihi præterea ullum ex veteribus, qui hunc locum cum Papicolis de purgatorio intellexerit. Audiat interrim Ferum, Franciscanum. Christus ait Commentar. in h. l. minus dicendo plus significat, vult enim, quòd non solum in futuro, sed etiam hic punitur tale crimen.

III. Addis, etiam mortuis, teste Syracide c. 7. 35. 37. esse exhibenda beneficia. R. 1. Si ita, quid inde? Si sunt in cælo, ais, ulterius nihil

*nihil possumus: multo minus, si sunt in inferno, unde non datur redemptio, ipsis benefacere possumus: Ergo tertius locus sit, oportet; unde vi beneficij seu intercessionis nostræ detur redemptio: quasi verò non queamus alio modo erga mortuos, ipsorum corpora honestè sepeliendo, eorumque nomen in posteris colendo, (vid. Ruth. 1. 8.), benignitatem, seu (juxta text. Græcum) *χάρις* exercere! 2. Quæ vis argumenti ex libro apocrypho D. JCte?*

IV. Addis porrò, *Si itares se non haberet, incassum, teste Paulo, laborarent, qui pro mortuis baptizantur 1. Cor. 15. 29.* Egregia purgatorii probatio! Ostende mihi ex S. Patribus, quos toties crepas, ullum, qui hunc locum de purgatorio intellexerit. Inter ipsos Theologos vestros tanta circa ejus interpretationem est convenientia, quanta inter capita vulpium Simlonis: & ru tamen tam audacter nobis eum opponis, ac si totidem syllabis purgatorium vestrum innueret. Audiamus probationem: illa ex mente tua huc redit. *Si dantur juxta Apostolum, qui baptizantur, i. e. orando, clamando jejunando se affligunt pro mortuis: Ergo datur purgatorium: atqui &c. Ergo. R. 1. negando Consequen- tiam: hæc enim à precibus pro mortuis ad purgatorium vanissi- ma est, ut sequentia docebunt. 2. Etiam Assumptum falsissi- mum; Sumitur quidem baptizari Marc. 10. 38. Matth. 20. 20. Luc. 12. 50. (ad quæ loca Jesuita Elffius provocat) pro affligi: sed non pro affligere: sumitur passivè, non activè: sumitur pro iis, qui ab aliis affliguntur, non pro iis, qui se ipsos affligunt, ut vult Bel- larminus l. 1. de purg. c. 6. Si proinde verbum baptizari hac impro- priâ significatione sumatur (ut sumi potest: imò verè sumi, à me quondam in Exercit. me. Philologico-Theologicis cap. 5. quæst. 7. fusiùs est demonstratum) hæc, ut Jesuita Maldonatus bene ob- servat disp. de Baptis. tom. 1. est mens Pauli, frustra, si non est resurre- ctio mortuorum, in hac vita quidam subeunt tot pericula. Applicat idem mox vers. seq. Apostolus ad se & reliquos Apostolos, di- cens; Et cur nos periclitamur omni momento? & specialius Act. 23. 6. De spe & resurrectione mortuorum ego in judicium vocor. Hæc ex-*

pōsitio est genuina & ex ipsius contextus visceribus sponte flu-
ens, quam & præter Jesuitam Maldonatum, ex Pontificiis appro-
bat Gagneius in cap. 15. *Act.* scribens; *Mihi quoq. videtur alius*
esse sensus, ut baptismus pro afflictione & supplicio sumatur, sicuti Chri-
stus filius Zebedai dicit Marc. &c. Hoc modo ergo sensus esset, quid
facient qui baptisantur, hoc est, affliguntur pro mortuis i. e. vel pro spe
mortuorum &c. vel pro mortuis i. e. pro asserta mortuorum resurre-
ctione (ut Christus dicitur peccatum i. e. sacrificium pro peccato 2.
Cor. 5. 21.) pro qua mortui se exponere non dubitarunt martyres. En
Papicolas hic de purgatorio non cogitantes, sed nobiscum hic
veritatem agnoscetes. Contra hos jam in posterum dispu-
tare poteris. Et quid? nisi oculos præfractè adversus veritatem
clauderes, posses ex *Y.* immediatè sequenti; quare etiam nos pe-
riculatur omni momento? satis videre, hunc locum purgatorio
non favere: Qui enim ii, qui orant, & jejunant pro mortuis quo-
tidie in periculo versantur? id quod de iis, qui quotidie propter
nomen JESU persecutionibus obnoxii sunt, verè dici potest.

V. Conaris non minùs imaginarium hunc ignem accen-
dere ex 2. Macch. 12. 43. ubi dicis legi *Judam Maccabæum Hieroso-*
lymam misisse bis mille drachmas, ut offerrentur sacrificia pro occisis, &
hinc fecisse, quod pro mortuis oraverit, ut ipsis remitterentur peccata:
At non minùs frustra: locum hunc plus millies à Papicolis cre-
pari audi, sed purgatorium inde probari, nunquam. Est i. li-
ber apocryphus, nugis & contradictionibus plenissimus, ut su-
prà pag. 137. pluribus demonstratum. Unus instar omnium
jam tibi sit Gregorius I. Papa, cujus auctoritati haud dubiè non
refragaberis. Is l. 19. *Moral. c. 17.* citaturus locum ex Maccabæo-
rum libris, ait, *Qua de re non inordinatè agimus, si ex libris, licet non*
canonicis, testimonium proferimus. Si autem hoc: quid tu ex his
libris articulum fidei statuminare non erubescis? 2. Posito, non
concesso, libros Macch. esse canonicos, quid quæso ex verbis ci-
tatis pro purgatorio? num quisquis orat pro defunctis, eos cre-
dit delitescere in purgatorio & urì? Annon Ecclesia Orientalis
orat

orat pro defunctis, & tamen Purgatorium Papisticum non admittit, quo nomine ea incescitur à Stapletanop. 2. Cath. Prompt. p. 285. In Canone Missæ Missifex diligenter orat pro mortuis, quos tamen non dicit ustulari in purgatorio, sed dormire in somno pacis. Quid? ex illis ipsis, quæ citasti, verbis liquet preces illas non fuisse conceptas pro defunctis, ut extraherentur ex purgatorio, sed ut die resurrectionis resurgerent ad vitam æternam. Audi enim verba sequentia. *Benè & religiose de resurrectione cogitans; ei ὅ μὴ τὸς νεκρῶν ἵκεται ἀναστῆναι πρὸς τὴν ζωὴν, nam si eorum, qui antè ceciderant resurrectionem non expectasset, superfluum & delirum fuisset orare pro mortuis.* Papicolz ergò, dum non pro resurrectione, sed pro liberatione ex flammis purgatorii orant, iudice hoc Auctore, rem superfluum & delirum peragunt. Sed 3. Annon purgatorium vestrum est destinatum purgandis iis, qui in peccatis venialibus moriuntur D. J. C. e? At qui ii, pro quibus Judas sacrificia fieri volebat, in ipso raptu & idololatriâ adeoq; peccato mortali mortui fuerant. *Inveniebantur enim sub tunicis ejusq; eorum, qui erant mortui, res sacræ a idolis Jamnienſibus. vers. 40.* Quî ergò ingressi fuere purgatorium? Dicesne cum tuo Elſſio, *militēs aurea idola rapuisse non animo ea adorandi, sed ex cupiditate ditescendi, quæ veniale peccatum fuerit?* ridiculum. Ubi enim legit Jesuita, *illos rapuisse aurea idola?* hoc fingit homo. *Res idolis sacratas rapuerunt,* contra expressam Dei legem Deut. 7. 25. Hoc ne Jesuitis est peccatum veniale? nim. peccatum per subitam metamorphosin prohibitu istorum Dominorum ex mortali in veniale & contrà (an forte ex cupiditate ditescendi, ipsi viderint) transit. Addit Jesuita, *aut si peccatum mortale fuit, Judas existimavit, illos ante obitum suum rescipuisse.* At unde nobis probabit Vir, Judam id existimasse; cùm de eo ne g' y quidem in textu? Adeo ne hebes Judas censendus, ut vel sacrilegium inter venialia peccata vel in flagranti peccato interemptos inter resipiscences referret?

VI. Loca 1. Petr. 4. 6. & 1. Petr. 3. 19. quibus hîc purgatorium

rium evincere conaris, supra modò *cap. 1. num. 11.* ab injuriis tuis vindicavimus. Confirmabant tibi illic limbum, hîc purgatorium. Nugæ nugarum! ubi legis, Christum mortuum descendisse in carcerem? ubi fit mentio animæ? Spiritus fit mentio: at quis ille? æternus, per quem se ipsum obtulit Heb. 9. 14, quo est *carminis* *deus* *vivificatus* *ψ.* 18. at non per animam est vivificatus, sed Deitatis virtute Joh. 10. 18. Præterea Petro 1. c. 3. est sermo non de *mortis* *fidelibus*, sed de *ἀπὸ θανάτου* *infidelibus* & tempore Noachi immorigeris *ψ.* 20. hi ne tibi in limbo aut purgatorio fuere? Sed refutet Papista Papistam! Hunc ait Andradius vester 1. 1. Defens. Trident. esse planum hujus loci sensum existimo, Christus semel pro peccatis nostris mortuus est, justus pro injustis, ut nos offerret Deo, mortificatus quidem carne, vivificatus autem Spiritu, in quo Spiritu, jam ipse olim veniens, prædicavit spiritibus illis, qui nunc in carcere meritas, jam infidelitatis suæ pœnas luunt, quippe qui Noë recta monenti & arcam Dei jussu construenti fidem habere nunquam voluerunt. Andradio assentitur etiam Thomas & confirmat hanc expositionem ex Augustino 3. q. 52. art. 2. ad 3. Respondeat ergò in posterum Papista Papistæ! Conferat interim & ea, quæ à nobis de hoc carcere & descensu Christi ad inferos allata sunt *Cap. 1. n. 11.*

VII. Verum est, nullum immundum aut inquinatum posse ingredi in regnum cælorum: at etiam non minùs verum, sanguinem Domini JESU nos purgare ab omni peccato 1. Joh. 1. 7. Num quod Deus purgavit, Papistæ adhuc pollutum dicent contra *Act. 10. 15?* Fatemur, verum est, in nobis, quamdiu hîc vivimus, habitare adhuc peccatum: at si hinc sequitur purgatorium: sequitur, ipsum S. Johannem venisse in purgatorium, imò omnes fideles, cum idem nobiscum fateantur 1. Joh. 1. 8. Quasi verò non unà cum morte veteris hominis exuviæ ponantur! Quod Paulus & de se innuit, dùm adedò ad liberationem ex isto corpore mortis suspiravit Rom. 7. 24. & de omnibus fidelibus, dum ait Qui ingressus est in requiem ejus, etiam ipse requievit ab operibus suis, quemadmodum à suis Deus. Heb. 4. 10.

VIII. Pet.

VIII. Pergis, *non omne peccatum mereri mortem*. Pergo ego, *hoc falsissimum esse*. Contrarium à me suprà modò demonstratum. Provocas ad verba Johannis i. c. 5. 17. *Est peccatum, quod non est ad mortem*. Sed frustra. Non nego, Johannem distinguere inter peccatum ad mortem & non ad mortem: At demonstrandum tibi, eum per peccatum, *quod non est ad mortem*, intelligere peccatum, quod naturâ suâ mortem non mereatur. Intelligit potiùs per peccatum ad mortem peccatum in Sp. Sanctum, quod *καὶ ἐξ ὧν* ad mortem dicitur, non duntaxat quia mortem meretur, sed quia tale est, ut absolute sit irremissibile ex se: cuius respectu cætera omnia peccata non sunt ad mortem, non quòd mortem non mereantur, sed quia ex gratiâ Dei remissibilia sunt. Et quid D. J. C. te? annon Johannes prohibet preces fieri pro peccantibus peccato ad mortem *ψ. 16.*? si jam intelligit de peccato ad mortem seu mortali, quod vos à veniali distinguitis, quì ergò vos precamini pro mortaliter peccantibus? cur non pro iistantum, qui peccant venialiter? Porro, annon idem Johañes dicit, Deum, precibus motum, ei demum daturum vitam, qui *non peccaverit peccato ad mortem ψ. 16.*? ergò tuâ obtinente interpretatione, nemo, nisi venialiter peccans, nanciscitur vitam, adeoque David, Petrus alique Sancti, qui mortaliter peccârunt, vitam non obtinuerunt: imò ergo Deus dat vitam ei, qui vitam non amisit. Quis non rideat? Sed refutet Papista Papistam: Peccatum inquit Bartholomæus Petrus Comment. in h. l. *ad mortem nonnulli* (inter quos & est D. J. C. noster) accipiunt, *ut idem sit, quod à Theologis dicitur peccatum mortale: unde secundum eos peccatum non ad mortem debet intelligi peccatum veniale, mortali ex adverso oppositum*. Hac expositio NB facile refellitur ex verbis Apostoli, ubi dicit, *petat & dabitur ei vita, peccanti non ad mortem*. Ergò peccatum non ad mortem, Apostolo nuncupatum, abstulerat vitam animæ, & proinde non est Apostolo veniale sed mortale certi generis. En Papistam veritatem nobiscum agnoscentem & Papistæ os obstruentem! Sic pergat frater erudire fratrem!

IX. Seden D.JCtus purgatorium suum reperit 1. Cor. 3. *Ÿ. 15. ipse verò servabitur, ita tamen quasi per ignem.* Ridiculum! nam 1. ipse fatetur Bellarminus l. 1. de Purg. c. 5. *hunc locum esse unum ex difficillimis totius Scripturae*, de cuius sensu etiam ipsos Patres aliosq; dissentire ait, qui ergò hinc tam facile necitur argumentum apodicticum pro purgatorio? 2. Loquitur Apostolus de igne metaphorico: patet id ex omnibus circumstantiis: nam *architetus, aurum, argentum, lignum, stipula*, quorum ibi meminit, sunt metaphorica, qui ergò tantum ignis esset proprie dictus? maxime cum Apostolus non simpliciter dicat *ἐν πυρὶ*, sed ad innuendam metaphoram *ὡς ἐν πυρὶ* *Quasi per ignem.* At ignis purgatorius est, fingentibus monachis, materialis & proprie dictus. 3. Ignis Apostolicus urit opera *Ÿ. 15.*: at Papisticus operantes 4. Ignis Apostolicus omnibus est communis *Ÿ. 13.*: at Papisticus quosdam tantum urit. 5. Ignis Apostolicus probat utraq; opera *Ÿ. 12. 13. 14.* At Papisticus non utraque: non enim illi tribuuntur *aurum, argentum &c.* sed solum *ligna, fenum, stipula.* 6. Ignis Apostolicus est probatorius *Ÿ. 13.* At Papisticus Purgatorius: non probare, sed purgare illis dicitur. 7. Ignis Apostolicus exurit & quidem opera *Ÿ. 15.*: at Papisticus non exurit, sed urit tantum animas. En ergò quàm firmiter tuum purgatorium huic loco luperstruas D.JCte! Audi Sonnum vestrum, Episcopum Buscoducensem. *An dicta Scriptura* (ait ille l. 2. *Demonstrat. Relig. Christ. tr. 4. c. 3*) *Matth. 5. Luc. 12. 1. Cor. 3. revera demonstrant, esse locum & ignem, quibus probet & puniat Deus animas justorum post hanc vitam? R. Per se hoc non demonstrant. Non enim loquuntur claro sermone de statu animarum post hanc vitam, & aliam apud nonnullos patres recipiunt interpretationem. Agnoscit etiam Gregorius l. 4. dialog. c. 39. non probari solidè ex hoc loco purgatorium: cum possit intelligi de igne tribulationis in hac nobis vita adhibito. Sic quoque hunc locum exposuit Augustinus lib. de fid. & op. c. 16. & l. 21. de C. D. c. 26.*

X. *Qui hoc non credit, addis, dicat mihi, ubi multi illi Sancti fuerint,*

erint, qui post Christi resurrectionem è monumentis suis egressi in sancta urbe apparuerunt multis Matth. 27. 52. 53. 54? Addunt vulgò Jesuitæ quæstionem, ubi fuerit anima Lazari, Eutychi & aliorum, qui post mortem in vitam fuerint revocati? En Viros curiosos! Quid si i-
bi D. J Cte & illis responderem *me nescire*, ut respondet Jesuita Maldonatus in cap. 9. Matth. de filia Jairi, quid lucraturus esses? concludesne dari locum tertium? frustra: cùm nobis quæstio sit de locis ordinariis: hæc autem exempla extraordinaria esse, nemo non videt. B. Virgo Maria in lib. 6. S. Brigittæ c. 94. sic loquitur; *Sed potes querere, ubi fuerunt illæ animæ, quas tunc liberavit de inferno filius meus? Respondeo tibi, quòd fuerunt in quodam gaudio, noto solum filio meo.* Si idem tibi responderem D. J Cte de animabus istorum Sanctorum, quid inde pro tuo purgatorio? Statuit Jesuita Viegas in Apoc. 11. Sect. 5. Enochum & Eliam non commorari in paradiso terrestri, ut vult Bellarminus l. de gr. pr. hom. c. 14. sed in loco amænissimo, nobis verò incognito: si tibi jam responderem, Sanctos illos in eodem amænissimo loco commoratos fuisse: quid opponeres? Sed valeant naxiæ istæ! Quid absurdi, si dicamus animas Sanctorum fuisse ad tempus receptas in cælum? Dices ne ex cælo non dari regressum? Respondeat tibi Bellarminus. Quod autem ex cælo, ait l. 2. de purg. c. 8. aut inferno damnatorum revocari possint ad vitam, videretur incredibile, nisi extarent exempla, quæ negari non possunt. Nam B. Gregorius l. 1. dial. c. 9. scribit, à S. Fortunato excitatum fuisse Marcellinum quendam virum sanctum, qui ab angelis in optimum locum ductus fuerat &c. Adde ne, receptionem in cælum secum trahere perfectam beatitudinem? Respondeat tibi Becanus. Beatitudo, ait p. 2. Theol. Scholast. tom. 1. tr. 1. c. 1. q. 12. & locus cælestis separari possunt, & re ipsa aliquando separantur. Annon Paulus raptus erat in tertium cælum 2. Cor. 12. 2? an inde mox fuit beatus?

XI. Verum est, Zach. 9. 11. dici, *Denm sanguine testamenti sui eduxisse viñctos suos è carcere, in quo non est aqua.* At quid quæso hinc pro purgatorio? Ubi enim i. vel minima mentio animarum

& peccatorum venialium? 2. *Vincti illi emitti dicuntur sanguine testamenti*: quî hoc quadrat in laborantes in purgatorio? quos propria purgatione & satisfactione educi vultis. 3. Quî laborantes in purgatorio vobis sunt *vincti in carcere*, cum referente Bellarmino l. 2. de P. c. 8. vagentur & frequenter nos invitant? 4. Negant non pauci ex ipsis Catholicis tuis, probari hoc loco purgatorium, volentes, eum potiùs faverelimbò Patrum (vid. Bellarminum l. 1. de P. c. 3.) illis tu ergò in posterum proba, non de limbò Patrum, sed de Purgatorio intelligendum esse. Quin tu ipse *suprà c. 1. pag. 8.* limbò Patrum probando adhibes: jam vero, tui immemor, ad purgatorium refers: quis non rideat? Bellarmini & Baili suavem hîc harmoniam *suprà* notavimus cap. 1. num. 11.

XII. Probatio purgatorii, quam nunc instituis ab apparitionibus animarum post mortem, non minùs vana est. nam 1.posito non tamen concessio, animas mortuorum quandoq; circumvagari & hominibus apparere; num propterea sequetur dari purgatorium? nequaquam. Audi Bellarminum l. c. *Habemus*, ait, *testimonia gravissimorum Auctorum de regressu animarum ex omnibus receptaculis, praterquam ex limbò puerorum.* Si jam animæ regrediuntur ex omnibus receptaculis, quî valebit consequentia; *Vagantur anima, apparent hominibus*: Ergò datur purgatorium? quasi verò sic non queant aliunde regressæ esse! Sed 2. animas defunctorum superstitis apparere falsissimum est: probet hoc D. J. Crus Tertulliano lib. de anim. probet Chrysostomo homil. 29 in Matth. probet Theophylacto in c. 8. Matthæi, qui statuunt, *omnes apparitiones esse demonum*: si ipsis nota fuisset hodiernorum monachorum & sacrificulorum praxis, addidissent, & *frandem monachorum*, qui hominibus sistunt animas purgas, ut ipsis purgent crumenas. Refert Erasmus vester lib. 22. Epistol. *prope cognatam suam habuisse sacrificulum, qui opacâ nocte domum ejus aliquoties ingressus se veste albâ indutum animam finxerit: famulam vero, ipso prudentiorem, ad se quendam amicorum suorum clam accersi.*

cerfisse, qui loco exorcismi bono haustu vini, prater ea, sat apto fuisse instructus lectum petierit: Cum jam anima more solito apparueris plena gemitibus, exorcistam, excusâ nondum penitus crapula, experrectum profuisse & ad simulatum istum spiritum dixisse, Si tu es diabolus, ego sum mater ejus, atq; hinc arrepto mox fustem egregie dedolasse, animo ipsum interficiendi, nisi illico clamasset; desiste, non sum spiritus, sed Dominus Johannes, Sacrificulus. Addit idem Erasmus vester l.c. eundem sacrificulum varios viros cancos congestisse, eosq; alligatis ante ad chelas ipsorum ardentibus cereis, sub festum pentecostes cæmeterio imposuisse: cum jam circa defunctorum sepulchra reptaverint, rem notu horrendam visu fuisse, hominibusq; inde non exiguum timorem injectum esse: Dominum Johannem autem illis persuasisse, esse animas defunctorum, virtute Missarum suarum jam è purgatorio egressis; donec tandem per repertos sub convulsis muris cancos cum extinctis cereis (omnes enim D. Johannes tam accuratè recolligere non potuerat) frâus innotuerit. Dies me deficeret, si hîc omnes Monachorum nugas, mihi & per experientiam & ipsorum libros notas, excutient das sulciperem. Adeat Lector in primis Jacobi de Clusa Monachi Carthus. Librum de Apparit. anim. & licet vel transmutatus in Heraclitum à risu vix sibi temperabit. Hi nihilominus tamen D. JCto nostro sunt vincti illi, ad quos Salvator dicit Jcs 40.9. EXITE. Prò Deum immortalem! quid est illudere Dei verbo, si hoc non est: Verius dixisset Vir, *vinctos illos*, quos monachi per suum purgatorium EXIRE faciant, esse *divitum ducatos*, hos enim cum materiam eorum noverint per ignem esse satis probatam, fictis suis apparitionibus ex crumenis velut è carceribus liberare quærunt; Non latuit hoc Episcopi Salisburgensis & Chemnensis Suffraganeum: ideo libro, quem inscribit *Onus Ecclesia*, Landshutæ in Bavaria an. 1524. impresso, de illis ita loquitur; *Suis prædicationibus decipiunt simplices & aurum subtili vel fallaci potius ingenio ab eis extorquent, de purgatorio mendaciter extrahendo animas, quæ sunt Dei judicio reservatæ.*

XIII. Pergit D. JCtus, antiquissimi Judæi ante Christum

TIT 3

natum,

natum, inquit, *ut & hodierni in univ[er]sum precantur pro defunctis* &c. R. 1. de antiquissimis hoc falsissimum esse: Nominet mihi vel unum ex S. Scriptura (non ex libro Apocrypho, qualis est Maccabæorum) & laudabitur à me. Verum est, *Davidem* 2. Sam. 1. 12. & *Jubitas* 1. Sam. 31. 13. *legi jejunasse*: at non leguntur pro mortuis orasse: num jejunarunt fortè, ut defunctos è tormentis extraherent, eis impetrarent peccatorum veniam? ubi hac de re vel minimum gry in textu? qui hanc solùm dat hujus jejunii rationem 2. Sam. 1. 12. *Jejunaverunt usq[ue] ad vesperam propter Sautem & Jonathanem filium ejus & propter populum Jehovæ*, NB quòd cecidissent gladio. 2. Jejunaverint tamen & oraverint pro defunctis, quid inde? num sequetur, eos igitur credidisse purgatorium? futilissimam esse hanc consequentiam, supra modò demonstratum. Ad hodiernos Judæos quod attinet, verum est, eos credere, *preces pro mortuis esse salubres, imò reipsa pro iis precari*: at hinc ne Papicolis credendum, dari reipsa purgatorium? cur magis, quàm N. Testamentum esse falsum? nam hoc etiam Judæi hodierni credunt. Rejecerat nobis suprà D. Jctus consequentiam à Judæis V. T. veràm adhuc Dei Ecclesiam constituentibus, imò ab ipso Propheta Jesaià: jam verò ipse eam it petitum à Judæis & quidem à Deo rejectis, nugivendulis & nequissimis Christianæ veritatis osoribus: quis virum non miretur?

XIV. Sed en liberalitatem Florini tui D. Jcte! concedit tibi & insuper, nugivendulos Judæos vobiscum credere purgatorium: habetis ergò tandem, ipso non negante, *purgatorium*, sed *judaicum*, sed *cerebrinum*; uno verbo *factum*, quale est Judæorum. Videretur tamen consultum, ut interpolito à Sanctitate Papali pariete, saltem papyraceo, barbati Capucini & Minoritæ à barbatis Rabbiniis disjungerentur, ne forte in purgatorio disputaturi sibi invicem in crines involarent! Bellarminus l. 1. de P. c. 11. oppidò sedulus est, ut firmet suum purgatorium à Judæorum, Mahumetanorum, Ethnicorum, in specie Platonis, Ciceronis, Virgilij & Claudiani consensu: sed labori huic parcere poterat Car-

Cardinalis: cū multo largiamur, Papismum, ut in non paucis aliis, ita & hoc in puncto conflatum esse ex Judaismo & Ethnicismo. Si in probandis fidei articulis ab harum trium gentium consensu licitum est petere probationem, poterit D. Cardinalis in posterum tantum credere unitatem divinam negatā trinitate (adeoque se conferre ad Patripassianos, Sabellianos aliosque hujus furtivis socienos) Unitatem enim divinam negata trinitate statuere (ut à Vossio, Schedio & aliis quàm evidentissimè demonstratur) sapientiores Ethnici, eandemquē cum Turcis statuunt Judæi.

XV. Tolerabilius interim Purgatorium Judaicum quàm Papisticum: cū Judæi post duodecim menses (aliquando etiam citius) vi precis, quam קדיש nuncupant, purgatorio exeant, ut præter alios tradit R. Bechai בננויים לגיהנום ירדו ונרנן קדיש שם יכ חרש *Medij in Gehennom descendunt & judicabuntur ibi 12 mensibus.* Et Lekach thof עשר שנים נם שנים כן שנו ובתינו משפט ורעים כן נם שנים עשר *Tradunt Doctores nostri, judicium impiorum duraturum 12 mensibus.* Papistis autem, teste Bellarmino l. 2. de P. c. 9. quandoque ducentos annos, imò quibusdam usque ad diem judicii in purgatorio est sedendum. Hem asperam pœnam! quàm salubre ergò viris esset Judæorum precem קדיש (quam monitis ex מר תפילות versam communicare possem) addicere: sic enim proximo anno eripi possent. Refert Auctor Speculi ardentis ex Tr. כלה R. Akibha, cū aliquando ad se recreandum exisset, obviam factum esse virum, eo lignorum fasciculo onustum, cui ferendo neq. asinus neq. equus par fuisset: Interrogasse R. Akibham, an vir esset, an verò spectrum? virum se esse respondisse; iam quidem mortuum, & sibi singulis diebus tantum onus in purgatorium deferendum esse, quo miserimè ob peccata in hoc mundo commissa uratur. Denudò interrogasse Rabbi, an filium nullum superstitem reliquisset, quodnam esset uxoris & filii nomen, & ubi habitarent. His perceptis, illico se cō contulisse, filiumq. repertum præcem קדיש docuisse. Hoc factò, non longè post virum illum noctu apparuisse & gratijs actis conf. summum esse, se jam ex purgato-

gatorio liberatum in hortum Eden transisse. Remedium hoc contra purgatorii diuturnitatem R. Akibha deinceps cum omnib⁹ Judæorum Scholis communicavit, eos sedulò ad hanc precem *Kaddisch* adhortatus. Comparent sibi ergò etiam eam sedulò Papistæ! Judæi eis in ea communicanda eò faciliùs gratificabuntur, quòd & purgatorium & ejusmodi opimas de eo nugas (*vide præter supra cit. Jacobum de Clusa, Antony Dauroutij Catechismum historial. tom. 2.*) cum Judæis habent communes. Prudenter interim Paparem disposuit, quòd animæ suæ purgatorianæ ita non vexentur in adferendis lignis, ut Judæicæ, sed ipse ignem fo-veat pro ratione allatæ à superstitibus pecuniæ!

XVI. Ad S. Patres quàm frustra provocet, patebit ex sequentibus. Fatetur, verum est, Calvinus *l. 3. Inst. c. 5. n. 10. Monicam filium suum Augustinum vehementer rogasse, ut sui memoria in peragendis mysteriis (non in S. Missis, ut D. J. Ctus scribit) fieret ad altare, etiam Augustinum pro mortuâ matre precatum esse:* sed quid inde? docuit etiam Augustinus, infantibus esse administrandam S. Cœnam: item infantes non baptizatos precipitari in ipsum infernum & torqueri igne infernali (ut supra audivim⁹.) Passus ergò ut in his (etiam juxta Papicolas) ita in illo Augustinus aliquid humani. Addis, *Augustinum potius audicndum esse quàm Calvinum.* R. fatemur, ubi Augustinus præ Calvino audit Deum in verbo suo loquentem. Ubi autem neuter audit Deum, etiam nos neutrum audimus. Fabulis & figmentis apud nos nullus est locus: sed cum *Missæ vestra missa* illa facimus, vobis relinquentes ut *Missas*, ita & *spissas*, vobis cum Judæis communes, nugas. Quanti interim à vobis fiat Augustinus, ex his Bonifacii vestri (*in Ep. ad Eulaliū*) verbis colligere licet; *Aurelius Carthaginensis Eccl. olim Episcopus cum collegis suis, instigante diabolo superbire, temporibus prædecessorum nostrorum Bonifacii & Cælestini, contra R. Ecclesiam cœpit.* Sed 2. quid hinc pro purgatorio? à precibus pro mortuis ad purgatorium non procedere consequentiam, ex jam dictis patet, & ex sequentibus porrò patebit.

XVII. Quæ porro adjicis, partim aliena sunt, partim superius discussa. Omnia Scripturæ loca, quæ Bellarminus dicis causa profert in gratiam sui purgatorii, & tu ex ipso corradis, quàm nihil probent, agnoscit Fischerus vester, Episcopus Rosenfeldensis artic. 18. contra Luther. scribens; *non esse in promptu adducere unam aliquam Scripturam, quæ protervientem adigat, ut velit nolit, confiteatur purgatorium esse: Et si aliqua esse possit, tamen diligentissimos inquisitores hætenus latuisse.* O felicem ergo Jurisconsultum, qui, quod hætenus diligentissimos inquisitores latuit, in Scriptura jam invenit! Quæsit olim (teste Thuano Hist. l. 142.) Jesuita Cottonus ex diabolo, quis esset in Scriptura locus, ex quo probari posset evidenter, purgatorium esse. Jesuitis si tum interfuisset D. J. C. tus, monstrasset illis illicò firmam purgatorii probationem: ne socius eorum, in perpetuum societatis pudorem, necesse habuisset ad diabolum se convertere. Non interim tamen ejus probationi fidem habuisset Petrus à Soto: Is enim Lect. 1. de Purg. in Instr. Sacerd. apertè dicit, *minus apertas, minus efficaces esse & minus probare auctoritates Scriptura, quæ a doctõribus offeruntur: illis itaque non esse utendum ad probandum purgatorium.* Utitur tamen D. J. C. tus & quidem in specie illis, quibus in sequentibus frater ipse, Petrus à Soto, nobiscum apertè fatetur purgatorium non probari. Quis non rideat? Eat ergò D. J. C. tus cum suo purgatorio & illud suis Papistis ex Scripturâ probeat!

XVIII. Ad nos quod attinet, nunquam certè nobis persuadebit Vir nugas suas Purgatorias, ut qui per Dei gratiam novimus (1) purgatorium longè præstantius, nim. Sanguinem D. JESU, nos purgantem ab omni peccato 1. Joh. 1. 7. præter hoc aliud excogitare, nihil aliud est, quàm crucem Christi evacuare. (2) ut dux duntaxat sunt viæ Matth. 7. 13. ita duos tantum dari earum exitus, cælum & infernum Luc. 16. 28. (3) Fideles illicò post suum ex hac vita decessum recipi in cælum 2. Cor. 5. 1. 2. 8. Apoc. 14. 13. (4) Post mortem nullum superesse resipiscendi locum Eccles. 9. 5. 10. Matth. 25. 10. &c. (5) duos tantum esse ho-

Uuu

minum

minum ordines, alios fideles, qui gaudio cœlesti, alios infideles, qui pœna infernali afficiuntur Joh. 3. 16 17. &c. Quid? (quod notetur ad hominem) ipsi Papicolæ tacitè purgatorium suum excludunt. Constituunt enim 1. in Catechismis suis & libellis practicis quatuor tantum novissima, *mortem, judicium, infernum, cœlestem gloriam* (vid. *Catech. Canisii* c. 5.) 2. Formulæ ipsorum consolandi ægros, apud Practicos obviæ, varias quidem contra mortis, nullas autem contra purgatorii dolores præbent consolationes. 3. Ludimagistri, post funera terræ mandata ante ædes superstitū parentantes, superstitibus persuadere haud dubitant, *animam hujus N. jam sepulti modo susceptam esse in æternam gloriam*, quod ego ipse, inter Pontificios commemoratus, non semel (non sine admiratione) audiui. Res risu dignissima! Parentantes dicunt, *animam defuncti frui gaudis cœli*, Jesuitæ autem Missarum suarum, quas adhuc singulis hebdomadis pro eâ legunt, consequentiâ, dicunt, eam adhuc uri flammis purgatorii.

XIX. Litigant interim Viri adhuc valde de hac purgatorii flammâ; dicentibus quibusdam, *eam esse metaphoricam*, ut Perron in *Respons. ad Reg. Britann.* (quod Jesuitæ valdè improbant, verentes forte, ne metaphoricum ignem metaphorica etiam pro Missis sequatur pecunia) Aliis, *esse veram & propriam*: quod Bellarminus l. 2. de P. c. 11. probat per eruptiones in monte *Ætna*. Egregium & Cardinale dignum argumentum, *in monte Ætna est ignis propriè dictus, Ergo & in purgatorio!* Aliis è contrario asserentibus, *in purgatorio nullum dari ignem, sed aquam, cujus flumine anima purgentur*. Sic animam S. Severini in flumine purgatam tradit Damianus in *Epist.* Similiter Gregorius refert l. 4. dial. c. 40. *animam Paschasii in balneis fuisse purgatam*. Addit Auctor Speculi Exempl. Dist. 3. Exempl. 3. *animam cujusdam Constantiniani aquâ, nive & vento purgatam fuisse: jacuisse enim eam novem annos sub st. illicidio domus sue, vento, pluvia & nivi expositam: progressu autem temporis vi harum tempestatum ita fuisse emollitam & purgatam, ut tandem prorsus munda in altum ascenderit. Quin per gla-*

glaciem sefe etiam quandoque exferit purgatorium. Refert hinc aurea Legenda Lombard. *Episcopum Theobaldum, cum aliquando steterit super glacie quadam, audivisse vocem ex glacie clauantem: Ego sum anima, & in hac glacie ob peccata mea vexor: si 30 dies 30 missas legeris, hinc liberabor.* Digna ergo Magistris nostris est quæstio ubi sit purgatorium. Laborârunt Viri hoc nobis dicere, sed tanto cum consensu, ut in octo contrarias abierint sententias, quas vide apud Bellarminum *loc. cit.* Prævaluit tandem Scholasticorum opinio, statuentium, *purgatorium esse intra viscera terre, inferno ipsi vicinum:* Et sic misellæ istæ animulæ, quæ, ut suprà audiuimus, jacuerunt sub stillicidio & glacie, abberârunt à legitimo loco!

XX. Et quis Scholasticis hoc non credat? maximè postquam (ut dicitur *in supra cit. Spec. Exemplorum Exempl. 62.*) *monachus quidam in ecstasi in raptus vidit, animas in purgatorio verubus infixas torqueri & more anserum & caponum ad ignem tartareum affari, diabolis ingentis molis follibus ignem sufflantibus & adipem guttatim delapsam in animulas istas refundentibus.* Similia vide *in Hist. Lombardica 49.* En bonos monachos, quàm subtiliter noverrunt philosophari de animabus in gratiam culinæ suæ! Digna iterum hîc Clericis quæstio; *an anima purgatorij torqueantur à diabolis?* Affirmant hoc præter Auctorem *cit. var. (teste Bellarmino)* revelationes. Negant tamen Scholastici, *Thom. in 4. dist. 20. a. 5.* Bellarminus refert *inter secreta, nobis suo tempore aperienda.* Monachis interim jam modo apertum, quòd diaboli, si non ipsa verua, quibus animæ sint infixa, vertant, saltem ignem follibus sufflent!

XXI. Contendunt præterea viri, *an anima in purgatorio mereantur nec ne,* affirmativam Thomistis, negativam tuente Bellarmino. Porro, *an sint certa de sua salute,* negantibus Dionysio Carthusiano ob quasdam visiones, quas ipse refert *lib. de Nov. art. 47.* Baijo *l. 2. de merit. op. c. 8.* Gersoni *lect. 1. de vit. spirit.* affirmante autem Bellarmino *l. c. c. 4.* Porro, *quamdiu animulis sit*

manendum in purgatorio, constituyente Dominico à Soto in 4. Sent. d. 19. q. 3. decem annos, Bellarmino autem requirente multo longius tempus, imò probante ex quibusdam Sanctorum visionibus, aliquos jam defunctos (haud dubiè pauperes) usque ad diem judicij in purgatorio mansuros. Mitto vexatissimas de pœnarum in purgatorio gravitate dissensiones. Bonaventura in 4. dist. 20. a. 1. asserit, aliquorum pœnam esse tam exiguam, ut nihil pati videantur: Bellarminus autem pœnas purgatorii esse atrocissimas & cum illis nullas pœnas hujus vite esse comparandas: imò jam, ut volunt monachi, planè non differt pœna ejus à cruciatu inferni, nisi ratione durationis. Oppidò opportunè in culinam monachalem, quæ eò magis calet, quò ipsi magis ignem istum mendaciorum folle sufflant.

XXII. Sunt tamen quædam animulæ hac in parte non parùm felices, quas flamma Purgatorii vel planè non attingit vel leviter lambit. Priores sunt eorum qui secum gestant & honorant Revelationem tribus S. mulieribus, Elisabetha, Brigitta & Mechti'di ab ipso Christo sequenti modo patefactam (nuper per Arz.onium Canic. Regularem libello, quem inscribit *kleiner Seelen-Schatz* Catholicis communicatam) Alle die da sprechen alle Tag 7. Vatter Unser und Ave Maria und einen Glauben/ so lang biß sie die Zahl meiner Blutstropffen/ (deren 30436. gewesen) werden vollbringen/ denen wil ich zu Ehren meines bitteren Leidens s. nach folgende Ablass verlenen. 1. Vollkommenen Nachlass aller Sünd. 2. Sie werden die Pein des Fegfeuers nicht empfind. n. 3. So sie sterben/ ehe daß sie die Zeit vollendet/ so wil ich rechnen/ als wann sie die ganze Zeit vollendet hätten. 4. Ich wil sie den Märtyrern vergleichen &c. 5. In der Stund des Todes wil ich ihre Seel durch ihren Schutz-Engel in den Himmel führen lassen/ amt allen ihren Bluts-Freunden/ so noch im Fegfeuer würden leyden biß ins letzte Glied. Addit Auctor. Diese Df=

Offenbarung ist gefunden worden im H. Grab zu Jerusa-
lem/und wer sie bey sich trägt/ dem kan der böse Feind keinen
Schaden zufügen/er wird vorm jähen Tod be vahrt/und
kan nicht übel sterben: so ein schwanger Frau solche bey sich
trägt/so wird sie leichter gebären. In was Haus diese H. Of-
fenbarung seyn wird/ kan nichts böses bleiben/ und deme/so
es stärs bey sich tragen thut/ wird 3. Tag vor seinem Ende
die H. Jungfrau Maria erscheinen. Dieses alles ist appro-
biret worden von dem H. Ignatio in Cicilia. *Mirare cælum
& itape terra Papicularum nugas!*

XXIII. *Posteriores sunt animæ Carmelitarum, quibus B.*
Maria concessit hanc prærogativam, ut non ultra diem Sabbati
à morte proximum detineantur in purgatorio. Singulis enim
diebus Sabbati B. Virgo descendit in purgatorium, induta veste
Carmelitica, & quascunque ibi invenit animas Carmeliticæ, il-
lico inde eductas secum in cælum ducit. Hoc verum esse, pro-
bat ipse Johannes XXII. in Bulla, cujus initium Sacratissimo ut
in Culmine &c. Audi verba ejus ex Thesaur. Mariano, Colonia an-
1660. impresso. Als ich mit gebogenen Knien baten thäte/ ist
mir erschienen die seligste Jungfr. ^{NB.} mit einem Carmeliter-
Kleid angethan/ welche mich mit folgenden Worten anrede-
te: O Johannes/ meines geliebten Sohnes Statthalter/ höre
und erfülle bald mein Begehren &c. du solst zu lassen und be-
stätigen die grosse Gnad und Freyheit/ so meinem heiligen
und vielgeliebtem Carmeliter-Orden ist gegeben worden &c.
daß nemlich/ welche gemeldten H. Orden angenommen/ die-
selbige werde ich den nächsten Sambstag nach ihrem Ab-
sterben auß dem Fegfeuer erledigen. ^{Audit actor c. 3. p.}
31. de utilitate hujus fraternitatis. Die Pein des Fegfeuers ist
unaussprechlich/ also zwar/ daß ihr keine dieses Lebens/ auch
die allergrausamste/ nicht kan verglichen werden/ dann kein
einiger Unterscheid unter der Hölten und Flammen des Feg-
Uuu 3 feuers

Feuers zu finden / als allein / daß diese zeitlich / jene aber ewig
brennen wird. Wie viel aber werden verdienster massen in
diesem Feuer und glühenden Kohlen nicht nur eine Stund /
Woche / Monat oder Jahr / sondern vielmahlen 20. 30. 40.
Jahr ohne Verzehrung gebraten. Von welchen allen sie
doch wegen noch im Leben der Mutter & Ortes vom Berg
Carmelo geleisteter Treu und Diensten durch deroelben
hochmächtigste Vorbitt und grosse Verdiensten erlöset wer-
den. *Has rancidas nœnias qui concoquere potest, nœ itoma-
cho valde Catholico instructus sit, oportet:*

XXIV. His felicibus etiam annumerandi veniunt ii, qui,
Christo redeunte, erunt in vivis: quippe D. Clericis purgatorii
flamas ultra diem extremi iudicii extendere non placet: fortè
quia tum Missæ cessabunt. Dignum interim, de quo inquirant
Monachi, *quæ anima, tum adhuc in purgatorio hærentes & nondum
satis purgata, in cælum, in quod non nisi purum ingreditur, ingredi
queant?*

XXV. Precum pro mortuis sæpius fieri apud Veteres
mentionem, non negamus; adeoque suo in corrogandis tam
operosè veterum testimoniis labore superfedete potuisset D.
Jctus. Negamus autem hanc Consequentiam. *Ergò credide-
runt Purgatorium Papisticum.* Hanc si probaverit palmam præ-
ripiet suis Jesuitis, utpote qui hoc hætenus non potuerunt. An
non Ecclesia Græca orat pro mortuis? quæ tamen hinc purga-
torium Papisticum non credit, vel ipso Stapletano teste, qui eam
ea propter *p. 2. Cathol. Prompt. p. 285.* non parùm in cessit. 2. Ne-
mini, qui veterum Patrum monumenta vel per transennam in-
trospexit, obscurum, eos orâsse etiam pro Patriarchis, Aposto-
lis & Martyribus, quos tamen nunquam in furno purgatorio su-
dâsse, ipsa R. Ecclesia agnoscit: Solebant illi pro mortuis pre-
cari, ut resurgerent in gratia & favore Dei & speciatim, ut resur-
gerent inter primos; *Vid. Ambros. Orat. in obit. Valentini. sub fin.*
Cre-

Credebant etiam, fufas pro mortuis preces cedere damnatis in levamen tormentorum. *Vid. Auguftin. in Enchirid. c. 110. & Chryfoftom. Homil. 3. in Philipp.* Sed quid multis? ipfe Jeluita Salmero consequentiam à precibus ad purgatorium non agnofcit. *Minus folida, ait Tom. XIV. Difp. 25 eft confequentia.* Pro aliquo oratur: *Ergò eft in purgatorio; quia fepe preces pro eo fiunt, qui jam regnat in cælis, quandoq; pro eo, qui punitur in gehenna &c.* Litiget ergò in pofterum D. J. Ctus cum fuo Jeluita; imò cum ipfo Papa fuo Innocentio III. qui C. *Apoftolic.* de presbytero non baptizato, in fide interim mortuo, afferit, *eum cæleftis patriæ gaudium effe adeptum: & tamen vult juges preces pro eo fieri.* 3. Verum eft, apud Patres quandoque mentionem fieri ignis purgatorii: fed fieri mentionem purgatorii Papiftici, faliffimum. Rejecerunt illi ignem fuum ad diem fupremi iudicii, opinati, per eum inprimis corpora refurgentium, etiam Prophetarum & Apoftolorum, imò ipfiusmet quoque B. V. Mariæ, depuranda effe, priusquam cælum ingrederentur. Audi Ambrofium Serm. 20. in Pl. 118. *Omnes transire oportet per flammam, fve illi fuit Johannes Evangelifta, fve ille Petrus. Si in iudicij illius feveritatem, ait. Varius in eund. Psalm. capax illa Dei Virgo ventura eft, quis audebit defiderare à Deo iudicari &c.* Idem fentit Origenes, in Psalm. 36. *scribens: Omnes nos venire neceffe eft ad ignem illum, etiam fi Paulus fit aliquis vel Petrus.* Et hom. 14. in Luc. *Ego puto, quia & poft refurrectionem ex mortuis indigeamus Sacramento eluente nos atq; purgante; nemo enim absq; fordibus refurgere poterit &c.* Et quid constantius apud Patres hâc fententiâ? *Hac fententia, ait Bellarminus l. 2. de P. c. 1. folet tribui Alcuino, fed videtur effe non ejus folum, fed multorum Patrum.* Hic ne jam Patrum ignis Purgatorius refpondet Papiftico? Non credit Bellarminus: addit enim; *hac fententia accepta, ut fonat, manifeflum errorem continet.* Sed ad quid verborum anfractus? pellant Papiftam, Patres pro purgatorio fuo crepantem, ipfi Papifta! *Nemo, ait Navarrus Commentar. de Jubil. p. 345. jam dubitat Orthodoxus, an purgatorium fit, de quo tamen apud*

Pri-

Priscos nulla vel quàm rarissima mentio. Consentit Episc. Roffensis art. 13. contr. Luther. scribens; *De purgatorio apud Priscos nulla vel rarissima fiebat mentio. Sed & Gracis ad hunc usq. diem non est creditum purgatorium esse.* Eadem leges apud Alfonso de Castro, qui ipsi Concilio Tridentino interfuit, *Lib. 8. adv. hares. in voc. Indulgentiæ.* Eatergò D. JCrus cum suo purgatorio & causæ suæ melius consulere discat. Antequam interim abeat, dicat mihi, quid purgatorium Papisticum purget (nondum enim hoc capio) *num culpam, an pœnam? non culpam:* ea enim est remissa juxta Papicolas: non etiam pœnam: illa enim, dicente Bellarmino *l. 2. de Indulg. c. 3. debitorem non facit sordidum:* Nisi ergò purgaret Laïcorum marsupia, ad nihil prodesset:

C A P U T XII.

Num sola fides justificet?

Affirmativam nobis tribuit D. JCrus, & nostram esse non negamus. Observandum interim 1. non quæri de fide quavis, sed salvificâ 2. non de objectivâ sed subjectivâ, 3. particulam *sola* non determinare nobis *subjectum*, quasi mens nostra sit, *sola* fidem, id est, *solitariam* seu *separatam* à bonis operibus nos *justificare*, cum hæc, utpote mortua, ne quidem veræ fidei nomine digna sit; sed *predicatum*, ut sentus sit, *hominem justificari justitiâ Christi, quam non apprehendant bona opera, licet fidei conjuncta, sed sola fides.* Quemadmodum solus oculus videt, sed tamen non solitarius, i. e. separatus à capite, aliàs ne quidem esset verus oculus. Concedimus ergò *coexistentiam* bonorum operum, non verò *coefficientiam* in justificatione. Simul quidem existit caput cum oculo vidente, sed tamen non simul videt cum oculo, sed solus oculus videt. Quæstio ergò summatim huc redit, *Num fides sola* (non quoad *existentiam*, sed *efficientiam*) *subjectivè justificet?*

fices? Papistas Papa negativam; nos autem Scriptura affirmativam docet. Dicit enim (a) *nos ita justificari, ut Abrahamus justificatus est Rom. 4. 24.* Alibi autem innuit, Abrahamum esse justificatum sola fide Gen. 15. 6. Rom. 4. 2. 3. 4. Gal. 3. Heb. 11. (β) *Afferit, nos justificari gratis & per Dei gratiam Rom. 3. 24. 25.* Ergo sola fide: cum nostra opera cum gratia subsistere nequeant Rom. 11. 6. (γ) *Excludit apertissime opera à justificatione Rom. 3. 20.* *Ex operibus legis nulla caro justificabitur in conspectu ejus.* Ergo sola fide justificamur. (δ) *Tribuit manifestissime soli fidei. Gal. 2. 16.* *Scientes hominem non justificari ex operibus legis, idcirco quia & nunc nisi per fidem, id est, interpretibus ipsis Pontificiorum præstantissimis, Titelmanno, Estio, Sasboutio, quos supra audivimus (qui etiam asserunt, omnes veteres Græcos & Latinos Interpretes huic interpretationi consentire, eamq; ex sequentibus colligi & ex 3. cap. ad Rom.) SED TANTUM per fidem in Christum.* Novimus hic Papicolarum effugia: at novimus etiam vanissima esse. Excipiunt viri 1. *excludi à Paulo opera legis ceremonialia, quæ morte Christi sint omnia evacuata:* Sic Thomas, sic Salmero, Toletus, Lombardus & alii. At vanissime: nam 1. quis docuit viros limitare, ubi non limitat Paulus? excludit ille opera legis universaliter. 2. Imò potissimum respicit eam legem, quæ gentibus etiam naturaliter erat nota Rom. 2. 12. & seq. per quam Judæi & Græci erant pariter sub peccato Rom. 3. 9. & totus mundus obnoxius condemnationi y. 19. per quam est cognitio peccati v. 20. & c. An autem illa non conveniunt legi morali? Sed pellat frater fratres! est is Jesuita Pererius, in c. 3. ad Rom. ita scribens; *Non solum excludere Paulum hoc loco opera legis ceremonialia vel judicialia, satis indicat id, quod mox adjecit; per legem enim cognitio peccati.* Alii excipiunt, *excludi ab Apostolo opera, quæ antecedunt fidem.* At non minus vanè: nam (1) quis & hos limitare docuit, non limitante Apostolo? (2) Annon idem Apostolus expressè Abrahamum & Davidem ut jam regenitos atque ad istum modum eorum opera considerat Rom. 4. 1. & seq. ? annon & imputari dicit justitiam

sine operibus ei, in cuius spiritu non reperitur dolus Rom. 4. 6. 7. 8. Pl. 32. 2. ? (3) Annon frivolum fuisset tam operose excludere opera ante fidem, quæ ne quidem operibus bonis veniunt annumeranda, sed sunt, teste eodem hoc Apostolo peccata Rom. 14. 23. Heb. 11. 6? Sed fuget fratres frater. Est is Valquez. Nusquam ait ille cap. 8. n. 73. Paulus concessit talia opera (loquitur de op. ante fidem) neg. ideo ea exclusit à nostra justificatione, quia nullius valoris & efficacitatis apud Deum sunt, us aut per se justificent aut impetrent justificationem.

II. Videamus jam, quid his D. J. C. tus opponat. *Hominem non justificari solâ fide*, satis liquere ait ex verbis Jacobi c. 2. 24 dicentis, *videtis igitur, ex operibus justificari hominem, non ex fide tantum*: at demonstravimus Viro suprà cap. 1. n. 4. Jacobum vocem *justificandi* non sumere *constitutive*, ut Paulum, sed *declarative*, præterea per fidem intelligere *fidei professionem*, ut sensus sit, *hominem non ostendere se justum esse coram Deo & hominibus solâ fidei professione, sed etiam tali professione digna conversatione*. Ostendimus etiam *ibid. n. 3.* falsissimum esse, quod Lutherus, interendo versionem suam voculam *sola*, crimen falsi, cuius eum hîc iterum postulat, commiserit. Quod Virum, ne actum agamus, ablegatum volumus.

III. Subjungit, *fidem quidem salvare: at solam salvare, falsissimum esse*: cum præterea requiratur (1) *resipiscencia* Prov. 28. 13. 1. Joh. 1. 9. Act. 2. 37. &c. (2) *charitas* 1. Petr. 4. 8. 1. Cor. 13. 3. 1. Joh. 4. vs. 16. &c. (3) *timor* Amos. 5. 12. Psal. 102. 13. &c. (4) *spes* Tit. 1. 2. & 3. 7. Coloss. 1. 27. &c. (5) *obedientia* Joh. 3. 36. &c. At quem homo oppugnat? Reformatine ergò docent, resipiscenciam, charitatem & alia non requiri ad salutem obtinendam, sed sufficere solam & nudam fidem? Ostende, ubi hoc doceant, aut fateri, te veritati parcere? Verum est, *nos docere, hominem justificari solâ fide*: at 1. aliud est *justificari*, aliud *salvari*: ad hoc plus ex Dei ordinatione requiritur quàm ad illud. 2. Licet dicamus, *hominem justificari solâ fide*, dicimus tamen, *neminem justificari fide solitaria* (seu bonis

bonis operibus destituta. Tantum abest, ut hoc dicamus, ut ne quidem eam, quæ operibus destruitur, pro fide habeamus, sed pro larvâ & vanâ securitate. Num qui dicit, *hominem videre solis oculis*, per id dicit, *hominem videre oculis, qui soli sint, id est, separati à capite D.JCte?*

IV. Addis, *hoc solum controversi, An fides sola* (i. e. juxta te solitaria) *ad obtinendam salutem sufficiat? Catholicos negare, Reformatos autem affirmare.* Hem disputatorem, qui ne quidem statum controversiæ intelligit! Reformati ne affirmant, *fidem solam, i. e. sejunctam à bonis operibus sufficere ad salutem?* Calumnia est D.JCte, quam quidem quodd tu audiveris à Jesuitis, non ad eod miror: nam illi eam passim de nobis propalant, tacite agnoscen- tes, maximam esse Religionis nostræ firmitatem & evidentiam, quippe quam non possint impugnare, nisi priùs immutatam: quodd tu verò, inter Reformatos natus, educatus eorumq; Reli- gionem tot annos professus, hoc illis affingere haud dubitas, summopere miror: cum neminem lateat, nos in eo totos esse, ut populum adducamus ad bona opera, tanquam ad rem, ad sa- lutem, necessariam; agnoscen- tes, quodd, *etsi non sunt necessaria ut causa salutis, sint tamen necessaria ut via ad salutem*; leu ut scitè Au- gustinus loquitur, *etsi non sunt causa regni, sint tamen via regnan- di.* Sed hoc, ut supra diximus, controversitur; *An fides sola non ratione existentia, i. e. solitaria sine spe, charitate &c. sed ratione efficientia justificet?* nos affirmamus, vos negatis, præcunte Con- cilio Tridentino Can. 9. Pergis, *Si, ut volunt Reformati, omnes fi- deles præter fidem habent secum omnes requisitas (supra citatas) vir- tutes: Ergo sequitur necessariò, solam fidem non justificare.* En exi- miam consequentiam! formemus similem. *Si omnes fideles præ- ter oculos habent secum caput, & in eo aures, nasum &c. Ergo sequitur necessariò, solos oculos non videre.* Quid videtur D.JCte? annon ridi- cula consequentia? sic & ridicula tua. Hoc enim demum se- quitur: *Ergo fides sola ratione existentia leu solitaria non justificat* (ut oculus solitarius non videt) quod verissimum. Addis, *rep. riri*

verè fideles, qui tamen verà pietate, charitate, Dei timore & ejusmodi pluribus virtutibus non sint præditi &c. Attales mihi monstrari vellem D. J. Cte? Qui fieri potest, ut ii, qui Christo verè & per veram fidem insiti sunt, non proferant, fructus gratitudinis? Fert utique, dicente iplomet Christo, *arbor bona bonos fructus*, licet interim illi nec omni tempore, nec paritemper quantitate prove- niant. Sed forte intelligit vir per verè fideles *Lingua Romanâ omnes, qui credunt, quod credit Ecclesia!* si sic, quâ ipsius verè fideles ab hypocritis different? Fit quidem mentio *palmitum in Christo non ferentium fructum* Joh. 15. 2: at illi sunt palmites *aquivocè* tales, non re ipsa, non præditi eâ fide, quæ, ut Paulus loquitur, *si agra- ta: & inoperant per charitatem operatur* Gal. 5. 6.

V. *Ipsi, pergis, Reformati fateri tenentur, fidem suam memo- ratis virtutibus destitui:* quid ita D. J. Cte? *tenentur enim, ais, vi do-ctrinae suae fateri, se non posse Dei mandata observare, adeoq, se habere in peccatis:* at quando desines veritatem lædere D. J. Cte? ubi, quæ- so, Reformati unquam ita simpliciter dixerunt, se non posse mandata Dei observare? tantum abest, ut hoc ita simpliciter statuunt, ut potiùs asserant, se per Dei gratiam legem Dei etiam posse perfectè, perfectione scilicet sinceritatis & partium, observare. En ergo quàm injurius in nos existas! Verum est, nos statuere, quòd omnimodè perfectè seu perfectione graduum legem Dei obser- vare non possimus: at statuit S. Johannes idem etiam & de se & de omnibus fidelibus dicens, *si dicimus, nos non habere peccatum, nos ipsos decipimus, & veritas non est in nobis.* Si proinde fides eor- um, qui fatentur, se legem Dei omnimodè perfectè non posse observare, destituitur charitate alisque virtutibus, iisdem & destituta fuerit fides S. Johannis & omnium fidelium. Addis, etiam baptismum requiritur. Sic est D. J. Cte: *Ergò sola fides non ju- stificat.* R. Negando Consequentiam: nam verbum & Sacra- menta, non requiruntur *subjectivè* à parte nostri, de quo nobis est quæstio: sed *objectivè* & à parte Dei. Deus verbo & Sacra- mentis nobis justificationis beneficium offert & obsignat: nos sola fide illud amplectimur & nobis applicamus. VI.

VI. Hanc fidem dicimus cum Paulo Rom. 4. 3. *nobis imputari ad justitiam*: non quasi ipsa fides formaliter esset justitia coram Deo, sed objective & relative ad justitiam Christi, quam sola fides apprehendit & sibi applicat, quæ nuncupatur ab eodem Apostolo *justitia fidei, quæ est ex fide Christi, in qua sola vult inveniri* Phil. 3. 9. Traducunt quidem hodie Jeluix hanc justitiæ imputationem, nuncupantes eam *justitiam incrustatam, similem sepulchris dealbatis*, sed pro sua modestiâ 1. contra Scripturam, 2. contra suos fratres, hîc nobis consentientes. Scripturam audivimus: sed audiatnr porrò; David, ait Paulus Rom. 3. 6. 7. 8. *pronuntias beatum illum hominem, cui Deus imputat justitiam absq. operibus &c.* Datur ergò justitia imputata. Sed quænam illa justitia, quæ nobis imputatur? Christi Phil. 3. 9. *Christus factus est nobis justitia* 1. Cor. 1. 30. Factus est ille *pro nobis peccatum, ut nos efficeremur justitia Dei in eo.* 2. Cor. 5. 21. *Mors*, ait Bernardus, de sepul. ad milit. templi, *in morte Christi fugatur, & Christi justitia nobis IMPUTATUR.* En ergò justitiam Christi nobis imputatam! Sed pungat Papista Papistam! *Justificat nos Deus Pater*, ait Pighius Convers. 2. de fid. & iustif. *bonitate sua gratuita, quâ nos in Christo complectitur, dum eidem insertos innocentia & justitiâ Christi nos induit, quæ una, ut vera & perfecta est, quæ Dei sustinere conspectum potest, ita unam pro nobis sisti oportet tribunal judicij divini &c.* Et paulo. ante fol. 47. *In Christi obedientia quod nostra collocatur justitia, inde est, quod nobis illi incorporatâ, ac si nostra esset, accepta ea fertur, ita ut ea ipsa etiam nos justî habeamur.* Quid nostræ doctrinæ conformius? Docet etiam dilertè Cardinalis Contarenus *Tratatu de justif. impresso Parisiis an. 1589. justificationem coram Deo sola fide fieri & per ac propter imputatam Christi justitiam.* Addit Vega lib. 7. de justif. c. 15. *Quosdam Catholicos Doctores doctrinâ & pietate insignes, Coloniaenses item Canonicos atq. authores libelli oblatis à Cesare Collocutoribus Protestantibus in Comitibus Ratisbonensibus statuere N. B. tantum per imputationem justitiæ Christi, quatenus fides nostra apprehendit misericordiam atq. justitiâ Christi, propter meritum*
Xxx 3. Chri.

Christi, nos justificari eorum Deo. En vim veritatis è medio Papatu erumpentem!

VII. Vult jam D.JCtus demonstrare, *hunc articulum semper ita creditum esse in Ecclesia Catholica, uti jam credatur in Papistica.* Vult: Sed non potest. Dicit, *Centuriatores in Praef. Centur. secund. fateri, quòd summi quidam Doctores articulum justificationis non satis perspicuè explicârunt & operibus justificarum plus quàm debebant, adscripserint.* At 1. ubi manet seculum primum D.JCte? hoc dum transilis, tacitè fateris, neminem illo seculo fuisse, qui vobis assensum præbuerit. 2. Si quidam tantum Doctores plus adscripserunt operibus, quàm debebant, Ergò non omnes. 3. Plus tribuere operibus quàm decet, estne hoc statim justificari velle per opera? Sed quid his immoramur? Patres, nominatim Augustinum, Ambrosium & Bernardum, nostram de sola fide justificante sententiam fovisse, fatetur ipse Cardinalis vester Hosius *Epist. 17. ad Tapperum.* Agnoscit etiam Cassander vester *Consult. art. 4.* locutionem hanc, *quòd sola fides justificet*, non esse sine exemplis vetustatis. Cum his tu ergò Pontificiis tuis imposterum disputa.

C A P U T XIII.

An verè fidelis certus sit de salute? & an à vera fide deficere possit?

HAs duas quæstiones, cum connexas judicet, placet D.JCto conjunctim tractare: nos tractantem sequemur. Primus Vir aliquanto obscurior videtur: ait enim *damnabile esse dubitare de salute, nec doceri à Catholicis*: in sequentibus autem ipse docet,

cet, hominem non posse esse certum de sua salute. Bellarminus l. 3. de
justific. c. 3. distinguit inter certitudinem fidei & fiducia, volens il-
lam, cum nitatur sola Dei auctoritate, omni ex parte dubitatio-
nem excludere, hanc verò, cum & insuper nitatur propriâ dis-
positione, non excludere penitus dubitationem. Hæc & hîc,
nî fallar, D. J. C. ti mens est: at vanissima, quamdiu non probave-
rit, dari posse veram fidem sine fiducia. Ad nos quod attinet, prio-
rem quæstionem affirmamus, & posteriorem negamus. Sta-
tuimus, inquam, 1. veros fideles, non certitudine tantum objecti, sed
subjecti, non certitudine conjecturalis opinionis sed vera & justifican-
tis fidei, non ex dignitatis propria sed dignationis divinæ intuitu, certos
esse de sua salute.

II. Ratio n̄ est: quia veri fideles firmâ certitudine fidei
certi sunt, se esse filios Dei: audi ipsum Paulum, ille ipse Dei spiri-
tus testatur una cum spiritu nostro, nos esse filios Dei Rom. 8. 16. Si au-
tem hoc: Ergò etiam certi sunt de sua salute. Audi eundem
Paulum 1. 17. Quod si filij, etiam heredes, heredes quidem Dei, cohe-
redes autem Christi. Si velint Jesuitæ hoc Dei testimonium in-
certitudinis accusare, faciant suo periculo: & quia veri fideles
per spiritum, quem acceperunt, cognoscunt Christum in se
manere. Audi Johannem. Per hoc cognoscimus, nos in eo habi-
tare & ipsum in nobis, quod de spiritu suo dedit nobis 1. Joh. 4. 13. Ergò
etiam certi sunt de sua salute. Audi eundem Johannem. Qui
habet filium, habet vitam 1. c. 5. 12. imò vitam æternam 1. 13. 2. quia
veri fideles certò sciunt, se verè credere in D. JESUM 2. Cor. 13.
5. Ergò etiam certò sciunt, se habere vitam æternam. Audi
ipsum Christum. Qui credit in filium, habet vitam æternam Joh. 3.
16. 7. Quia veri fideles certi sunt, Christum pro se esse tradi-
tum. Christus dilexit me, ait Paulus, & tradidit semetipsum pro me.
Gal. 2. 20. Ergò etiam certi sunt de sua salute: siquidem, recte
eodem Paulo, Deus cum tradito filio electis suis χαρίζεται τὴν χάριν
Rom. 8. 32. Frustra hîc repones cum Jesuitis, Paulum pecuniariæ
revelatione certio rem redditum esse: nam ipse hoc non onuntiat,
tan-

tanquam sibi peculiare, sed cæteris commune: nec deducit à peculiari aliquâ sibi præ cæteris facta revelatione, sed ab electione, ab amore Christi, ejusque morte & intercessione Rom. 8. 28. 29. 30. 33. 34. &c. quæ bona utique omnibus electis sunt communia.

III. Quæ hîc D. J. Ctus opponit, nos non lædunt. Non dicit Ecclesiastes cap. 9. 1. *Nescit homo, utrum odio vel amore dignus sit, sed omnia in futurum servantur incerta*, ut tu nobis vis persuadere ex vestra Versione: sed ita, גם אהבה גם נשאה אין ידע האדם, i. e. (ut ipse vester Arias Montanus vertit) *etiam amorem, & odium non sciens homo*. Ubi hîc Ecclesiastes loquitur de dignitate aut indignitate nostra? En quàm authenticum habeatistextum! quid? ultima verba, *sed omnia in futurum servantur incerta*, ab eximio authenico vestro prorsus ficta sunt: non enim obvia sunt in textu Hebræo: ita enim ille: הכל לפנייהם *omnium ante illos*, vel ut reddunt LXX. τὰ πάντα πρὸ προσώπων *omnia ante faciem eorum*. Sensus est, ex eventis externis non posse judicari, num placeamus, an displiceamus Deo, cum universa aequè contingant justo & injusto. Vid. vs. 2. & 3. Audi Cajetanum vestrum; Ex rebus externis, ait in c. 9. Eccl. non possumus discernere bonum & malum. Obtinente sensu vestro, ne sceleratissimi quidem Cain & Judas scire potuerunt, an odio Dei digni fuerint. Hinc ipse Jesuita Salmero Comment. in 2. Cor. 12. te & omnes inde contra nos argumentantes repellit; Hic locus, inquit, nequaquam probat, quod aliqui inde accipiunt, hominem nescire amorem a se Dei, quia sequitur in textu, nescit an amore vel odio dignus sit. At impij propter maxima scelera nōrunt se maximè dignos esse odio Dei. Eat ergo D. J. Ctus cum suo Vulgato & causæ suæ meliùs considerare discat:

IV. Non facit autem hoc, dum addit; *quomodo adeò certi esse possumus salutis nostræ, cum tamen Deus nos judicet ex operibus nostris: hominum autem præstantissima opera, docentibus Reformatis, sint peccata? nam i. per calumniam nobis affingit, quod non docemus: quis enim nostrum unquam absolutè dixit, præstantissima bona opera esse peccata? Sed vide hanc calumniam dilcussam supra*
num.

*num. 9. cap. 10. (2) quid ad rem? cum nostra certitudo non nita-
tur nostris operibus sed Dei promissione. Credimus cum Abra-
hamo Rom. 4. 18. contra spem sub spe; quemadmodum autem il-
le, si corporis sui jam emortui vel mortuæ vulvæ Saræ rationem
habuisset, illam fidei certitudinem non concepisset: ita nec nos,
infirmi- tatem nostram attendendo sed oculos mentis in divi-
nam promissionem conjiciendo, statuentes fore, ut, qui cepit in
nobis opus bonum, perficiat usq. ad diem Jesu Christi Phil. 1. 6. Verum
est, Paulum dicere, operamini salutem vestram cum timore & tremore
Phil. 2. 12. Sed falsissimum, cum hinc velle nobis commendare
dubitationem aut diffidentiam: illam enim voces φῶβου & τρέμου
in Scripturâ junctæ nunquam ingerunt. Dicit idem Aposto-
lus 1. Cor. 2. 3. Fui ego cum infirmitate & timore ac tremore multo
apud vos, num hinc colligendum, cum fuisse dubium & incertum?
dicit porro Eph. 6. 5. Servi auscultate iis, qui vestri domini sunt se-
cundum carnem cum timore ac tremore: num hinc colliges, servos
debere esse incertos ac hesitantes in auscultando dominis? quis non ri-
deat? Sed erudiat Papistam Papista. Tremor & timor, ait Estius
in 2. Cor. 7. dum conjunguntur, serè significant sollicitudinem operis
cum metu offendendi. Optimè. Non commendat proinde Apo-
stolus loc. allegato dubitationem, sed humilitatem & sollicitudi-
nem. Et ne de eo dubitet D. J. Ctus, audiat eundem Apostolum
statim subjungentem; Deus enim is est, qui efficit in vobis & ipsum
velle & ipsum efficere. Hæcne dubitationem inferunt D. J. Cte?*

*V. Ridiculusest Vir, dum subjungit, ne ipsum Paulum qui-
dem certum fuisse de sua salute, eò quòd dicat Phil. 3. 12. Non quòd jam
metam apprehenderim, aut jam sim consummatus &c. Sic enim
Theologis suis in faciem contradicit, qui concedunt, Paulum
fuisse certum de salute suâ, sed fuisse certum ex singulari revela-
tione, seu, ut Jesuita Pererius loquitur Disp. 28. in Epist. ad Rom.
c. 8. id ei per Dei revelationem fuisse manifestatum, ad quod effu-
gium jam supra responsum. Et ubi quæso in loco citato vel
minimum de dubitatione? fortene in verbis sequentibus? Sed*

persequor, an quoq; apprehendam: at his Paulus non innuit suam dubitationem, sed rei difficultatem, suumque magnum in eadem persequenda fervorem, ut ex præcedentibus liquet. Quæso D.JCte, num is, qui dixit; Certus sum, quod neq; vita, neq; mors &c. nos separare queat à charitate Dei, Rom. 8. 38. & qui addidit; quod superest, reposita est mihi corona justitia &c. 2. Tim. 4. 8. cum Papi- stis dubius fuit de sua salute aut conjecturâ duntaxat probabili nixus? Dictum Petri 1. c. 4. 18. Si justus vix servatur, impius & pec- cator ubi comparebit, quid etiam ad causam tuam? infert quidem vocula μόλις vix difficultatem, ut bene observat Jesuita Salme- ro Comment. in b. l. sed non diffidentiam & dubitationem in ani- mis electorum de salute: difficultatem, inquam, ratione cala- mitatum, quibus eos futuros obnoxios prædixit Petrus. Audi porrò eundem Jeluitam l. c. Ac licet, ait, paulo superius dixerit (Petrus) justum vix salvari, quod Hieronymus refert ad diem judicii: non tollit tamen confidentiam in eo, qui fidelis est &c. quia justus, ait Salomon, sicut leo confidens, absq; terrore erit &c. Et Paulo testante, propria conscientia defendet justos ab omni timore amittenda salutis.

VI. Apostolus cum ait Rom. 11. 20. tu verò per fidem stas, ne effector animo, sed metue. Item Heb. 12. 28. Retineamus gratiam, per quam ità colamus Deum, ut ei grati simus, cum verecundiâ & reve- rentiâ, ostendit quidem, verè fideles labi posse, ratione propriæ infirmitatis, verùm simul etiam ostendit, Deum nolle, ut laban- tur finaliter, idcirco monet, ut sibi caveant, & se circumspectè gerant. Addis, si nobis esset certitudo, tum nec timore nec spe indi- geremus. Ridiculum! Quasi verò cum, qui de fine certus est, non deceat adhibere media! Paulus in mari Adriatico vectus Act. 27. noverat ex singulari revelatione, & se & comites suos salvos appulsuros ̄. 24. 25. an verò non adhibuit media D.JCte? annon monuit comites, ut caperent cibum ̄. 33? & manerent in navi; nisi isti, ait, in navi manserint, vos omnes peribitis ̄. 31. Quæ adjungis quàm irrita sint, liquet ex modò dictis. Audijam ex antiquis Bernardum. Sed de possibilitate ait Serm. 5. de dedic. Eccl.

Eccl. jam certi, de voluntate quid agimus? quis scit, si est dignus amore aut odio? quis novit sensum Domini, aut ejus consiliarius fuit? hic jam planè nobis fidem subvenire necesse est, hic oportet succurrere veritatem: ut quod de nobis latet in corde Patris, nobis per ipsius Spiritum reveletur, & Spiritus ejus testificans persuadeat spiritui nostro, quòd filij Dei sumus. Persuadet autem vocando & justificando gratis per fidem, in quibus nimirum velut medius quidam transitus est ab aeterna predestinatione ad futuram magnificationem. Quid clarius pro sententiâ nostrâ? Audi & ex antiquioribus Augustinum. Ubi portio mea, ait Medit c. 15. regnat, ibi me regnare credo, ubi caro mea glorificatur, ibi gloriosum me esse cognosco, ubi sanguis meus dominatur, ibi dominari me sentio: quamvis peccator sim, de hac communione gratia **N**on diffido. Talia passim occurrunt apud Augustinum: etiam obvia apud Ambrosium Tom. 4. de Vit. beat. c. 6. Cyprianum Tract. de mortal. & alios. Abfuerunt ergò à fide Papisticâ quàm qui longissimè. Quid? tanta est hujus veritatis vis, ut testimonium vel ex ipsis Papicolis expresserit. Habet ergo, ait Mussus, Episc. Bipontinus in c. 5. Ep. ad Rom. spem & gloriatur in hac spe, quam habet cum **N**B securitate omnino ad illam gloriam perveniendi. In hac enim gloriatione & (ut ita dixerim) in hac sancta superbia, propter spem cælestis felicitatis ostenditur, quòd qui justificatus est, **N**B non hasitet, utrum sit beandus vel non: sed firmissimè tenet, se divino munere salvandum esse. Cum hoc Musso faciunt Catharinus, & Marinarius, qui, licet ipsi Papistæ, tamen contra Papistas in ipso Concil. Tridentino, nostram sententiam constantissimè tuiti fuere. (videatur Historic. lib. 2. p. 81.) Non est ergò, quòd ad nos excurrat D. J. Ctus, disputaturus, cùm habeat domi, contra quos disputare queat.

VII. Ad posteriorem quæstionem (qua tamen jam haud opus esset) respondemus negativè. Negamus, inquam, veros fideles à vera & salvifica fide (non duntaxat quoad actum & sensum, sed etiam quoad habitum) totaliter & finaliter deficere posse. **N** Quia Deus decrevit eos in isto statu ad æternam salutem conservare:

Hæc est, ait ipse Salvator Joh. 6. 39. 40. *voluntas ejus, qui misit me*, Patris, *ut ex eo omni, quod mihi dederit, non perdam quicquam* &c. *Vide* & Eph. 1. 4. 5. Matth. 24. 24. Rom. 8. 28. 31. 2. Thess. 2. 13. &c. 3 Quia Deus variè promissit idem. Psalm. 37. 24. *Cum ceciderit fidelis, non prosternetur, quia Jehova sustentat manum ejus. Vide* & Psalm. 112. 6. 9 & 125. 1. 2. Rom. 8. 15. &c. 2 Quia, quod sic decreto constitutum & promissionibus est revelatum, hoc ipsum Deus potenter exequitur. Ille dedit filium, *ut quisquis in illum credit, non sit periturus, sed habiturus vitam æternam* Joh. 3. 16. Rom. 8. 31. 32. Ipse filius, qui semper auditur à Patre Joh. 11. 41. intercedit pro fidelibus Rom. 8. 35. Heb. 7. 24. Joh. 17. 9. &c. & tanquam Pastor bonus ita oves suas custodit, *ut in æternum non pereant, & nemo eas rapiat de manu ejus, sed eis det vitam æternam* Joh. 10. 27. &c.

VIII. Testimonia, quæ D. J. C. tus in contrariam sententiam citat, nihil ad rem: cum agant *partim* non de verè fidelibus, sed hypocritis, ut 2. Petr. 2. 19. 21. Heb. 6. 4. 5. 6. & 10. 26. (quod & referas Judam, qui quidem erat *electus ad officium*, sed non *ad salutem* Joh. 17. 12.) *partim* de defectione non à *fide*, quæ creditur, sed *qua creditur*, i. e. à doctrina Evangelii, quam etiam hypocritæ ad tempus amplectuntur, ut 1. Tim. 1. 9. 20. & 4. 1. & 6. 10. *partim* denique de defectione à *fide temporariâ*, non à *salvificâ*, ut Luc. 8. 13. vel à *communione externa Ecclesiæ*, non à *internâ & mysticâ*, qualis innuitur, ubi mentio fit Israëlitarum *œdificatorum* Rom. 11. 20. qui opponuntur electis ad gloriam Rom. 11. 7. Exemplum Satanæ & ejus angelorum non minùs alienum est; nisi D. J. C. tus probet, eos fuisse sub eodem nobiscum *œdere Evangelico*. Vincet quidem *bestia Apocalyptica* Sanctos Apoc. 13. 7. sed demum *corporaliter*, eos interficiendo & eorum cœtus destruendo, non verò *spiritualiter* eos ad apostasiam finalem deducendo; ab hac enim eos immunes fore, indicat *παρὲν θεοῦ* à Christo adhibita Matth. 24. 24. (αἱ δυνάμεις) Instructiones, adhortationes, dehortationes, quæ Fidelibus proponuntur in S. Scripturâ, sunt ipsis media perficiendæ conservationis: non verò *solida*

lida apostasiz argumenta. Locus Lucæ c. 22. 31. quem urges, tantum abest, ut causam nostram destruat, ut potius evidentissimè adstruat. Dicit Christo Petro, *Ecce Satanas appetijt vos, quos ventilaret sicut triticum: sed ego deprecatus sum pro te, ne deficiat fides tua.* Audis hîc Christi intercessionem, quæ cùm irrita esse nequeat Joh. 11. 42. quis in ducium vocet perseverantiam eorum, pro quibus petit? Dicis, *si Christi discipuli fuissent immunes à lapsu, Christi intercessio haud necessaria fuisset.* Ridiculum! discipulos Christi sibi relictos, accedentibus Satanz & mundi tentationibus, potuisse deficere nemo negat, adeoque quæstio non est de possibilitate deficiendi à parte hominis, sed à parte Dei: quæ posterior demum à nobis negatur, luppeditante nobis negativè rationem hac ipsa Christi intercessione: Ne autem dicas, hoc solum Petrum concernere, audi eundem Christum alibi pro aliis Apostolis, imò pro omnibus fidelibus futuris intercedentem. *Pater Sancte, ait Joh 17. 11. serva eos in nomine tuo, ut sint unum sicut & nos, & 20. Non pro iis tantum rogo, sed pro iis, qui credituri sunt per verbum eorum in me,* quod paulo ante se facturum dixerat Joh. 14. 16.

IX. Dicit, verum est, Apostolus 1. Cor. 11. 19. *oportet hæreses esse inter vos, ut, qui probi sunt, manifesti fiant inter vos:* sed falsò hoc applicas Luthero & Calvino: illi enim non nati fuère ad hæresin excitandam, sed potius ad hæresin, jam olim excitatam, inhibendam. Dicit idem Apostolus, *Antichristum, hæreticum hæreticorum esse venturum, & sessurum in templo Dei tanquam Deum &c. 2. Thess. 2. 4. prohibiturum contrahere matrimonium & iussurum abstinere à cibis &c. 1. Tim. 4. 1. 2.* Venit jamdudum homo ille perditionis, effecta ejus non nisi sponte cœcutientem latent: huic sese masculè opposuerunt Lutherus & Calvinus, & quidem, Dei gratiâ, non sine prospero effectu: quòd jam vobis sint hæretici, Viri illi Dei, eò quòd hæreticum illum magnum, Antichristum puta, oppugnârunt, quis non miretur? Caterùm concedo tibi, quosdam Evangelicos ad Ecclesiam Pontificiam rediisse: verùm tu etiam haud dubiè concedes S. Johanni, quod dicit 1 c. 2. 19.

Enobis egressi sunt, sed non erant ex nobis: nam si fuissent ex nobis, mansissent utiq; nobiscum. Dilce in posterum distinguere inter fideles equivocales & inter eos, qui tales sunt univocè, Christo verâ & salvificâ fide infiti.

CAPUT XIV.

De Libero arbitrio.

DUobus modis spectari potest liberum arbitrium *absolutè & relatè*, seu, ut alii loquuntur, *in genere entis & in genere moris*. Circa utrumq; oritur nobis quæstio cum Pontificii: circa prior-
rem de ratione formali liberi arbitrii, collocantibus eam illis *in indifferentiâ*, nobis autem *in lubentiâ rationali*. Circa posteriorem autem de viribus ejus, & quidem post lapsum. Et hoc posteriori sensu D.JCto nostro de libero arbitrio hîc agere placer: nos viri prememus vestigia. Ad statum autem quæstionis rectè intelligendum, notandum non quæri de *bono naturali, civili & morali externo*: hujus enim respectu arbitrii vires residuas mansisse largimur, salva tamen præscientiâ & prædeterminatione Dei, (ita ut nos D.JCtus cum suis Jesuitis, tribuendo nobis quæstionis; *an homini post lapsum ulla adhuc liberi arbitrii supersint vires*, negativam simpliciter, injuriâ afficiat) sed de *bono spiritali & supernaturali*: ita ut quæstio huc rideat; *An liberi arbitrii vires post lapsum quoad bonum spirituale & supernaturale sint prorsus extinctæ & deperditæ: an verò liberum arbitrium habeat adhuc vires sese inclinandi ad istud bonum?* Posterius affirmant Pontificii: nos autem prius cum Scriptura. *Et vos una vivificavit, cum essetis mortui in offensis & peccatis*, ait Paulus Eph. 2. 1. num etiam mortuo ulla ad vitam ex se reouperandam potentia? *Animalis homo*, ait idem, *non est capax eorum, quæ sunt Spiritus Dei: sunt enim ei stultitia, nec* (audi D.JCte) *potest ea cognoscere, quia spiritualiter* diju-

dijudicantur. 1. Cor. 2. 14. Alibi dicit, *nos per nos ipsos non idoneos esse ad cogitandum bonum.* 2. Cor. 3. 5. Si ne cogitare quidem aliquid boni possumus sine Christo, qui aliquid boni facere sine eodem? Audi eundem porro; *φρόνημα καὶ ἐχθρὰ*, ait, *est inimicitia adversus Deum: legi enim Dei non subicitur: nam ne potest quidem* Rom. 8. 7. 6. 7. Audi & Molen; *Vidit Jehova, quod magna esset malitia hominis in terra, & omnis formatio cogitationum cordis ejus* רק רע כל היום *tantum mala est omni die* Gen. 6. 5. & quidem *מנעורי* à pueritiâ ipsius Gen. 8. 21. Et Jeremiam, *An mutabit Aethiops pellem suam & pardus maculas suas? etiam vos possetis benefacere, edocti male facere* c. 13. 23. Quæ certè tam fortia sunt, ut corruptissimum hominis statum, nullâque amplius parte integrum & illatum testentur: Unde & Servator ait; *Sine me nihil potestis facere* Joh. 14. 4. Observa, eum non dicere, *sine me parùm potestis*, sed *nihil*: observa præterea, eum non dicere, *sine me nihil facitis* aut *facturi estis*, sed *nihil potestis*: quod præter actum etiam ipsam potentiam excludit. Unde & Apostolus & *τὸ velle & perficere non voluntati hominis, sed gratiæ divinæ* in solidum deputat. Phil. 2. 13.

II. Optimè proinde B. Lutherus *Libero Arbitrio* Erasmi opposuit *servum arbitrium*, suppeditante hujus locutionis formale Augustino variis in locis contra Pelagianos, materiale autem ipsâ S. Scripturâ Joh. 8. 34. *Qui facit peccatum, servus est peccati.* Vide & Rom. 6. 20. 2. Petr. 2. 19. &c. Desinat proinde D. J. C. ut vociferari, nullum dari in S. Codice locum, qui demonstret, liberum arbitrium post Adami lapsum penitus (in spiritualibus & supernaturalibus) corruptum & deperditum esse. Contrarium credidisse sanctorum antiquitatem, falsissimum est, ut ex sequentibus patebit. Contrarium etiam non evincunt, quæ nobis D. J. C. ut opponit, Scripturæ loca: nam 1. Gen. 4. 7 non habetur, *ne frenum laxato peccato, sed dominator ei*, sed *וְהָיָה חֹשֶׁק וְאֵתָה תִּשְׁקָתוֹ* i. e. *Et ad te (non sub te, ut habet Vulgata vestra) est appetitus ejus (non tuus, ut eadem Vulgata habet) & tu dominaberis illi.* Sermo est, inter-

prete-

prete Chryfostomo *homil. 19. in Genes.* & Cyrillo *l. 2. in Gen.* non de appetitu peccati, sed *Abelis, qui Caino subiectus eundem venerari debuit, ut minor maiorem.* Quod etiam, fatentibus ipsis Interpretibus vestris Pagnino & Ariâ Montano, ratio Grammaticæ exigat: nam cum ~~non~~ peccatum sit *fæmininum*, quî *is* & affixum in *ipsum* ad illud referentur, cum sint *masculina*? Audi *LXX.* Interpretes (maximè cum *ipsorum interpretatio*, teste Jesuita Bailio Catech. *controv. Tr. 2. q. 16. juxta vos sit divinitus inspirata*) *θεὸς οὐ ἡ ἀποστολή αὐτῶν* (scil. Ἀβὴλ: non αὐτῶν scil. ἀμαρτίας) καὶ οὐ ἀρξεν αὐτῶν, non verò αὐτῶν. Eat ergò D.J.Ctus cum *luâ* versione! Sed 2. admittamus tantisper, in gratiam viri, hanc ipsius interpretationem: num, quia Cainus jubetur dominari peccato, hinc sequetur, eum etiam id potuisse? nequaquam: præcepta Dei non sunt *mensura virium*, sed *regula officij*: non docetur ab illis, *quid nunc homo possit*, sed *quid debeat* & *quid olim potuerit.* Loca Scripturæ, *Prov. 1. 10. Jerem. 21. 8. Deut. 11. 26. & 30. 15. & Jos. 24. 15. &c.* ad quid? nam 1. in illis compellantur regeniti, de quibus nobis non est quæstio. 2. Si qui fuerunt adhuc irrogeniti, illi hac ratione docentur, non *quid possint*, sed *quid debeant.* Num tu excides jure tuo obligandi debitorem, qui pecuniam à te acceptam petulanter decoxit, ad solutionem, licet is non sit amplius solvendo? non dixeris: quî ergò Deus suo excidat jure hominem, qui non minùs *luâ* culpâ sibi contraxit impotentiam Deo obediendi, nihilominus ad obedientiam obligandi? Desine proinde vociferari, *sanctas Dei exhortationes irritas fore, si homo non possit à malo desistere & mandato Dei morem gerere.* Mandata & exhortationes si fiunt *fidelibus*, illi per gratiam sibi collatam Deo exhortanti morem gerunt. Si *infidelibus convertendis*, Deus iisdem utitur ad fingenda eorum corda ad obedientiam: num Christus frustra allocutus est Lazarum mortuum *θεῷ ἔγω*, quando per illa ipsa verba mortuo infudit vitam *Joh. 11. 43?* Audi & Augustinum. *Convenit*, ait *Op. posthum. l. 1. ad Julian. Scriptura plerumq; hominis voluntatem, ut, quod non habet & non potest, admonitus sen-*

sentiat, & ab eo, à quo sunt omnia, indigens poscat. Respectu eorum, qui in peccatis perseverant, etiam monita frustra non sunt, cum eis ostendant, quid ex officio præstare teneantur, & etsi eos non convertunt, deterreant tamen, ne peiores evadant. Num D. J. C. us dicet, *Christum frustra discipulos sups hortatum esse ad bona opera*, eò quòd alibi dicat, *sine me nihil potestis facere Joh. 15. 5?* Tanta hic est veritatis evidentia, ut ipse Bellarminus, postquam paulo antè pedem in Pelagianorum castra intulerat scribendo l. 6. de Lib. arb. c. 15. *Homo ante omnem gratiam liberum habet arbitrium, non solum ad opera naturalia & moralia, sed etiam ad opera pietatis & supernaturalia*, jam (sui, pro more suo, immemor) in nostra referat & agnoscat à Deo nobis imperari, quæ non sunt penes nostrum arbitrium & quæ sunt nobis impossibilia, paulo post ibid. addens: *Ceterum ipsum velle credere aut converti non potest homo habere, nisi per gratiam prævenientem acceperit, ut possit.* *Neg. est in potestate hominis, ut Deus illum vocet atque excitet, alioqui non diceret Apostolus 2. Tim. 2. Ne quando des eis Deus penitentiam & convertantur à diaboli laqueis.* En quàm sibi constet D. Cardinalis.

III. Dicit Christus, verum est, ad Jerusalem Matth. 23. 37. *quoties volui aggregare liberos tuos, quemadmodum gallina aggregat pullos suos sub alas & noluitis:* At quid quælo hinc contra nos? num ergò quis nostrum negat, irrogenis os posse nolle venire & resistere Deo vocanti: negamus autem omnes, eos pariter posse velle venire: cum hoc sit restorationis per gratiam: quemadmodum illud morbi & imperfectionis. Nec felicius urgent ex hoc loco Jesuitæ suam de gratiæ resistibilitate sententiam: nam 1. controversia est non de gratiæ externa & objectiva, sed de interna & subjectiva, quam efficacem vocant Scholæ: hanc autem gratiam efficacem eos, de quibus queritur Dominus, non habuisse, agnoscit ipse Bellarminus l. 1. de G. & L. arb. c. 11. Si enim addit, habuissent, voluissent sine dubio sub alas Domini congregari. 2. Non dicit Dominus; *quoties volui vos & liberos vestros congregare*, ut scribit D. J. C. us

(ostendat mihi Vir Biblia, in quibus ita habeatur!) sed *quoties volui congregare liberos tuos, &c. & noluisti.* Aperte ergo Hierosolymam (i. e. primores urbis Hierosolymitanæ) Dominus distinguit à liberis ejus: non dicit, *se voluisse congregare Jerusalem;* sed *ejus liberos:* nec etiam, *liberos noluisse, sed Hierosolymam.* Quos proinde Dominus voluit congregare, congregavit etiam, obstantibus licet primoribus urbis. Audi, quid Augustinus respondeat Juliano, objicienti; *testatum fuisse Dominum, intentionem suam voluntate humana impeditam fuisse, cum dixit, Hierusalem quoties volui &c.* Absit, ait in Oper. posthum. contr. Julian. l. i. p. 133, *ut impediatur ab homine omnipotentis & cuncta scientis intentio: parum de re tanta cogitant, vel rei excogitanda non sufficiunt, qui putant Deum omnipotentem aliquid velle & homine infirmo impedi-
ente non posse: sicut certum est, Hierusalem filios suos ab illo colligi noluisse, ita certum est (audiat D. J. C. tus cum suis Jesuitis, eadem, quæ Julianus Augustino, objicientibus) eum etiam ipsa nolente, quoscumque eorum voluit, collegisse.* Intelligit jam, nō fallar, Vir ex data jam responsione, etiam, quæ adducit loca ex Act. 7. 51. Jer. 65. 12. &c. frustra adduci.

IV. Sine judicio etiam allegantur loca Marc. 14. 7. 1. Cor. 7. 37. 1. Reg. 3. 11. Joh. 15. 7. Quasi verò discipuli Christi & Salomo fuerint irrogeniti, de quibus nobis est quæstio. (2) Quasi vero nos negemus in moralibus externis & civilibus hominem habere liberum arbitrium, quod ne irrogenitis quidem in illis in totum denegamus! Respondeat viro Augustinus idem, (quod olim Cælestio locum 1. Cor. 7. 37. urgenti) *Quasi, ait de perfect. justit. pro magno habendum sit, velle nubere, ubi de adjutorio divina misericordia operosius disputatur. Aut verò etiam ibi, prodest aliquid velle, nisi Deus providentiâ, quâ gubernat omnia, marem semina-
nam conjugas.*

V. In homine ante lapsum fuisse liberum arbitrium ad bonum (quamvis interim mutabiliter, hoc est, ita ut posset velle malum, deficere ad malum) non negamus: at, quod tale in præcipuis parti-
bus,

bus, ut scribis, post lapsum manserit, falsissimum esse, supra audivimus. Credunt ita, ais, Catholici cum Scriptura. & Pseudocatholici, concedo: Illi credunt ita non cum Scriptura divina, sed Pelagiana. Perpende interim, qualis fuerit Catholicus Jesuita vester Maldonatus, dum scribit in cap. 6. Joh. *Liberum arbitrium in malum per se solum valet, in bonum non, nisi gratia juvetur.* Item Thomas 1. 2. q. 109. art. 6. *Quod homo convertatur ad Deum, hoc non potest esse, nisi Deo ipsum convergente.* Hi ne sunt Catholici tui? at docent nobiscum, hominem non habere liberum arbitrium ad bonum sine gratia? Fortetibi bonus est Catholicus Bellarminus, dum lib. 5. de Gr. & L. A. c. 9. conatur probare, hominem posse sine auxilio speciali bonum aliquod morale perficere. Item dum scribit l. 6. c. 5. *Conversio semper est in potestate liberi arbitrij, quoniam potest semper converti, quando volueris.* Et paulo ante. *Homo ante omnem gratiam liberum habet arbitrium, non solum ad opera naturalia & moralia, sed etiam ad opera pietatis & supernaturalia.* At bonus ille Cardinalis mox orsa à se ipse detexit, agnoscetis, ut supra audivimus, cum Maldonato & Thoma, *hominem sine gratia non posse velle converti: Et non posse* (sic loquitur l. 6. c. 4.) *hominem sine speciali Dei gratia aliquid facere aut velle in iis rebus, quæ ad pietatem & salutem pertinent.* Ut verbo absolvam: Catholicis tuis hæc convenit, ut capitibus vulpium Simlonis, caudis unitarum, à se invicem averfis.

VI. Addis, posito, non concesso, liberum arbitrium per proplatorum inobedientiam corruptum esse, postea tamen, per Christi obedientiam, in talem rediisse statum, ut homo gratia Dei à malo discesset & bonum facere queat. At quem sic oppugnat Vir? nos certe non; utpote qui ipsi docemus, hominem in statu regenerationis habere liberum arbitrium: cum per gratiam Christi sit liberatum à servitute peccati, ut peccatum in ipso non amplius regnet: quamvis interim in hoc statu imperfecte sit liberum 1. Cor. 13. 9. 12. subsecente perfectione in statu glorificationis. Dicis, Christum nobis multo plura acquisivisse, quam in Adamo amisimus. &c. 1. Si id (quod tuo sensu verum esse non negamus)

absolutè verum est, sunt jam fideles in suo regenerationis statu perfectiores, quàm Adamus in statu perfectionis: quod utique ridiculum. Sciat itaque Vir, recuperationem jacturæ in protoplasto factæ non restringi ad hanc vitam, sed ad futuram se porrigere. In Adamo amissa est corporum nostrorum immortalitas: recuperata est per Christum: sed num nobis restituta in hac vita? Sed 1. quid ad rem hæc D. J. Cte? quæstio nobis est non de homine in Christo, sed extra Christum, i.e. irrogenito. Ad quid jam loca, quæ magno numero corrasisti ex Scriptura Heb. 9. 15. 1. Petr. 1. 18. Eph. 2. 20. 2. Cor. 5. 15. Rom. 8. 24. &c.? Colligo hinc, ais, omnes illos, qui quidem regeniti & fideles esse volunt, abjudicant interim homini liberum arbitrium, & cum non posse à malo deflectere nec Dei gratiâ bonum agere docent, contra experientiam & contra Dei verbum docere. Sed quinam Reformatorum hoc faciunt D. J. Cte? ostende tales: vel ego hinc colligo, te post tuam à nobis apostasiam, artem calumniandi audacter ex Jesuitis tuis didicisse. Docemus, verum est, fideles in hac vita non esse sine omni peccato: adeoque ipsorum arbitrium non esse perfectè liberum: at docet idem nobiscum S. Scriptura, ut supra evidentissimè demonstratum. Audijam tantum Johannem 1. c. 1. 8. Si dixerimus, nos non habere peccatum, nos ipsos decipimus, & veritas non est in nobis. Nec secum pugnat idem Johannes, cum ait 1. c. 3. 6. quisquis in eo manet, non peccat &c. Item 1. c. 9. quisquis natus est ex Deo, non peccat &c. nam observante iplomet Fero vestro in h. l. non indignantur hic illi, qui peccant ex ignorantia, sed qui peccant ex malitia atq; adeo in peccatu se oblectant. Et quid, si vel maximè doceremus, hominem Dei gratiâ non posse bonū agere, nos multum reprehendere possent illi (Jesuitæ scil.) quibus gratia Dei tam impotens est, ut eam etiam, convertere volentem, liberum hominis arbitrium possit irritam reddere. Eadem ratione, inquit Jesuita Bailius Catech. conv. Tr. 4. q. 4. quâ potest egenus, rejicere divitū elemosinam, sic liberum arbitrium potest fores claudere radijs solis gratia. Hem viros! juxta quos par in homine & æqualis est accipiendi & rejiciendi potestas:

ftas: annon hæc ipfiffima Caffiani Semipelagiani fuit hærefis
*contra Collat. c. 30. dicentis: Idcirco manes in homine liberum femper
 arbitrium, quo gratiam Dei poffit vel negligere vel amare. Quid? fi
 Bellarmino, Jefuitarum Coryphæo, fides, homini ad bonum fa-
 ciendum nullâ prorfus opus eft gratiâ: Ait enim lib. 6. de Gr. &
 L. Arb. c. 15. ante omnem gratiam habere nos liberum arbitrium, etiam
 ad opera pietatis & fupernaturalia. Si ante omnem: ergo etiam
 ante prævenientem, excitantem, moventem. Et fic nos nunc
 non, ut vult Auguftinus lib. de corrupt. & grat. gratia prævenit, ut
 velimus, fed nos Deum prævertimus, quia volumus. Addit tandem
 Cardinalis ad rem duram mitigandam, arbitrium liberum eft, fed
 ejus libertas eft quafi ligata & impedita, folvitur autem & expeditur
 cum potentia proxima ad operandum per Dei gratiam prævenientem ei
 confertur. Subjungit, libertatem fe habere, ut fe habes potentia
 videndi, abfente specie vifibili. Uti igitur liberè videre poffumus,
 abfente objecto, fic liberè velle abfente gratiâ. Quæ ipfiffima
 Pelagii eft doctrina: (volebat enim fimiliter, hominem velle bo-
 num, illudq; defiderare, fed gratiâ opus efle, ut illud poffit perficere)
 quam pluribus refutatam vide ab Auguftino Epift. ad Bonifac. c. 19.*

VII. Viderur in fequentibus D. J. Ctus, poft perversè pro-
 pofitam noftram doctrinam, immane quantum, extollere gra-
 tiam, quæ homini per Christum ejusque paffionem conferatur:
 At vellem, me Vir doceret, qualis juxta Papicolas gratia fit,
 quam Christus peccatoribus hic conferat? Prævenire, inquiunt
 D. Jefuitæ, excitare & adjuvare Dei eft: at voluntatem inclinare eft
 hominis. Plus proinde Papicola libero fuo arbitrio attribuit,
 quàm Deo ejusque gratiæ. Dicit Apoftolus Phil. 2. 13. Deum &
 velle & facere in nobis *εργάζεσθαι* operari: at hoc Jefuitis noftris non
 placet. Comparatur ab illis homo irrogenitus lapfo in puteum,
 qui quidem, ait Jefuita Cofterus in Enchirid. Tr. de L. A. Obj. 6.
 caret facultate in loco fpatiofo ambulandi, neq. poteft feipfum educere,
 multa tamen poteft, ut loqui, clamare, immiffio fune fe cingere & ligare,
 ut extrahatur cooperari. Egregiè! Sic Viri nobis tribuunt capere

egredi, conari, cingere nos, ligare & cooperari viribus naturæ trahenti nos Dei gratia: Deo autem tantum nos externe invicare. Quid hoc quæso aliud est, quàm sacrificare morti & suffragium facere ימחול (i. e. vim suam Deum suum facere) ut loquitur Habacuc c. 1. 16.?

VIII. Paulus, ais, fateatur expresse Rom. 7. 18. se habere liberum arbitrium: At quis hoc negat de homine regenerito, qualis Paulus erat D. JCre? Homo in regeneratione cum nova vita novas nanciscitur vires, ut, cum antea nil nisi malum velle posset, jam etiam per gratiam Sp. Sancti velit bonum: at interim imperfectè: docet te id loc. cit. idem Apostolus, cum ait; *nam velle adest mihi, sed ut, quod bonum est, perficiam, non assequor. &c.* Et y. 21. *Invenio igitur volenti mihi facere bonum hanc legem impositam esse, quod mihi malum adjaceat.* Ridiculè hinc prætendit D. JCrus, cum quibusdam Jesuitarum, loqui hic Apostolum sub persona sua de hominibus nondum gratiâ Christi liberatis à servitute peccati. Refutet virum Augustinus! *Visum, ait l. 1. c. 10. contra d. Epist. Pelag. aliquando etiam mihi fuerat, hominem sub lege constitutum isto Apostoli sermone describi: sed vim mihi fecerunt postea illa ejus verba:* Nunc autem jam non ego operor illud: ad hoc enim pertinet illud, quod ait & postea: *Nulla ergo condemnatio est nunc iis, qui sunt in Christo Jesu. Et quia non video quemadmodum diceret homo sub lege positus: Condelector legi Dei secundum interiorem hominem &c.* Confutet eundem Jesuita Pererius! *Censeo, ait is Dilp. 21. in c. 7. ad Rom. totum hunc Apostoli locum congruè commodèque intelligi posse de viris justis: In illos enim verè competunt & quadrant illa Apostoli sententia: Jam non ego operor illud, sed, quod habitat in me, peccatum: Condelector legi Dei secundum interiorem hominem: Ego ipse mente lervio legi Dei.*

IX. Nec his obest, quod idem Apostolus alibi docet, veterem scilicet illum nostrum hominem cum Christo crucifixum esse, ut aboleatur corpus peccati, ne post hac serviamus peccato Rom. 6. 6. &c.

Nam

Nam longè aliud est *habitare*, aliud *dominari*: *Aboletur* quidem corpus peccati in rege[n]itis, ne illi posthac *servians* peccato, & ne illis amplius peccatum *dominetur* ¶. 14: at interim, quamdiu h[ab]eantur, non ita aboletur, ut non amplius in illis habitet 1. Joh. 1. v. 8. Jacob. 3. 2. 1. Reg. 8. &c. Quod idem Apostolus porro innuit, cum ait ¶. 12. *Ne regnet igitur peccatum in mortali corpore vestro*. Ad quæ Augustinus. *Non ait, non sit, sed non regnet*. *Quamdiu vivis*, NB *nece[ss]e est peccatum esse in membris tuis: saltem illi regnum auferatur*. *Nigra sum, sed formosa*, ait de se electa Christi Ecclesia Cantic. 1. 5. *Nigra quidem* ob reliquias peccati & varias calamitates, quibus adhuc obnoxia h[ab]et Ecclesia; *formosa tamen* ob amorem Christi eam amplectentis & ab omni maculâ mundantis, sed *gradatim & de die in diem*; ut Augustinus *Serm. 201. de tempor. bene* notat. Audi Lombardum, vestrum Sententiarum Magistrum. *Apertè*, ait l. 1. dist. 32. *ostendit Augustinus, concupiscentiam caritative dimitti in baptismo, non quia non maneat post baptismum, sed quia reatus in baptismo aboletur*. Deinde idem ipse ostendit, eodem modo etiam dimitti in baptismo, quia baptismi gratia concupiscentia etiam mitigatur. Et paulo ante approbat, quod idem Augustinus porro nobiscum docet in l. de Baptismo. puer. dicens; *Gratia per baptismum id agitur, ut vetus homo crucifigatur & corpus peccati destruat[ur]*: non ita ut in ipsa vivente carne concupiscentia resper[sa] & innata repente absumatur & non sit, sed ne ob[is] mortuo, quæ inerat nato. In posterum ergo D. J. C. tus cum hoc Magistro suo disputet!

X. Docent, verum est. Centuriatores in præf. Cent. sec. Seculo secundo (ubi autem relinquitur sec. primum is, qui demonstrare volebat, hunc articulum semper ita post Christi nativitatem in Ecc[lesi]a Catholica creditum esse) doctrinam de libero arbitrio capisse vitiosi: docent etiam, seculis sequentibus extitisse, qui nimium viribus humanis trahuerint. At quid hinc quæso contra nos D. J. C. te? qui idem cum Centuriatoribus fatemur. *At docetis, ais, Ecclesiam quing[ue] prioribus seculis adhuc fuisse puram & sine errore*. R. Nos hoc doce-

docere est tuum figmentum, luprà fusiùs refutatum. Doce-
 mus, illis seculis Ecclesiam fuisse puriorem (scil. quàm sequentibus)
 at fuisse omnimode puram, ut nullus unquam obtinuerit error, nullus
 nostrum unquam docuit. Nimium igitur tribuerint quidam
 Patres libero arbitrio, quemadmodum quosdam eorum ni-
 mium tribuisse cum Centuriatoribus haud diffitemur, quid
 tum? Patribus opponimus Patres. Si fuerunt, qui errârunt,
 fuerunt etiam, qui errantes correxerunt. Et quæso D.JCte,
 quid etiam hinc pro te, si quidam Patres nimium tribuerunt li-
 bero arbitrio? num hinc sequetur, eos hac in re fuisse Pontifi-
 cios? Non credit hoc vester Cardinalis Tolerus. *Chrysostomus*
 ait ille in Joh c.6 annotat.20. & *Euthymius* respondent, Deum dare
 ut credant, iis qui aliqua preparatione se faciunt dignos, ut hoc eis à pa-
 tre detur &c. Eadem est doctrina *Cyrilli*. Est autem hac doctrina,
 non istorum tantum, sed aliorum Doctorem, maxime Græcorum, qui li-
 bero arbitrio humano multum tribu- bant, nondum Pelagianâ tum he-
 resi grassante, maxime *Chrysostomi* temporibus. En idem Cardi-
 nalis tui nobiscum de Patribus Græcis iudicium! Ad Latinos
 quod attinet, si quando arbitrii libertatem in prima hominis
 conversione asserunt, intelligunt libertatem adversus coactio-
 nem, quam & nos admittimus. Alibi apertis verbis nobis as-
 sentiuntur. Audi jam brevitatis gratiâ Augustinum duntaxat.
Liberum arbitrium, ait is Epist. 107. ad diligendum Deum, primi pec-
 cati granditate perdidimus: Et de C. Deil. 14. c. 11. *Arbitrium* igitur
voluntatis tunc est verè liberum, cum vitio peccatiq, non servit;
 tale datum est à Deo, quod amissum proprio vitio, nisi à quo dari potuit,
 reddi non potest. Rursum de corrept. & gr. l. 1. *Liberum arbitrium*
 ad bonum & ad malum consistendum est nos habere, sed in malo faciendo
 liber est quisq, iustitiæ, servusq, peccati, in bono autem liber esse nullus
 potest, nisi fuerit liberatus ab illo, qui dixit, si vos liberaverit filius, verè
 liberi eritis. Talibus abundat Augustinus: unde nemo non vi-
 det, Augustinum totum hic nostrum esse. Quare & olim à
 Pelagianis amatus fuit, ut nos adhuc hodie à Jesuitis. Si interim
 D.JCtus

D. J. Crus mavult agere cum Lombardo, suo sententiarum Magistro, quàm cum Patribus (edoctus, Patres duntaxat à Jesuitis citari, ut simplicibus palpum obtrudant & ut, dum vident se premi à Reformatis, sub ipsorum antiquitate lateant, ut piscis ille, quem Plinius sepiam nuncupat, sub suo atro cruore, quo, ne videatur à capientibus, se circumfundere solet) audi eum Augustino & nobis assentientem. *Post peccatum*, inquit Lib. 2. dist. 25. *ante reparationem gratia premitur à concupiscentia & vincitur, & habet infirmitatem in malo, sed non habet gratiam in bono & ideo potest peccare & NB non potest non peccare etiam damnabiliter.* Didicerat hæc Magister ille ex Augustino *Contr. Fortun. Manic. disp. 2.* scribente, *Postquam primus homo libera voluntate peccavit, nos in necessitatem precipitasti sumus, qui ab ejus stirpe descendimus.* Disputet ergò in posterum discipulus cum suo Magistro!

CAPUT XV.

An præstantissima quæque Christianorum opera sunt peccatis inquinata? & an homo est naturâ propensus ad odium Dei & proximi?

Affirmat utrumque Catechismus Heidelbergensis: Negat autem D. J. Crus, & argumenta, quibus à Catechismo *affirmativa* probatur, refutare conatur. Quàm prosperè Vir rem expediât, videamus. Ad *primum* probandum, adducit Catechismus, inter alia, locum Jesaiæ cap. 64. 6. *Facti sumus, ut immundus,*

duo, omnes nos, & quasi pannus menstrualis a omnes iustitia nostra. Et rectissime: Exprimat Iesaias immunditiam, eamque enuntiat de omnibus, quibus & seipsum annumerat. Quæ D. J. Ctus contra excipit, vana sunt, & supra cap. 10. num. 10. modò discussa, ipsiq; os obstructum per proprios fratres: his jam addat Patrem suum, ut ipse vocat, sanctissimum, Gregorium M. Si de his, ait is lib. 35. moral. c. 16. districte discimur, quis inter ista remanet salutis locus, quin & mala nostra pura mala sunt, & bona, quæ nos habere credimus N. B. pura bona esse nequaquam possunt. Quin etiam (sic loquitur 19. moral. c. 11.) si quid habuero iustum, non respondebo, sed meum iudicem deprecabor. Ut enim sapius diximus, omnis humana iustitia iniustitia etiam convincitur, si districte iudicetur. Dicat mihi heic D. J. Ctus, num hic Papa Roman. doceat verum, an falsum? Si posterius: quæ Papiçolæ credunt, eum in causa fidei esse infallibilem? Si prius: quomodo nos docemus falsum, cum idem, quod ipse, hîc doceamus?

II. Addit Vir. Si opera, & quidem speciatim præstantissima sunt peccatis inquinata, Christus, asserendo Matth. 7. 17. omnem arborem bonam ferre fructum bonum. Et 18. Non posse arborem bonam fructus malos edere, veritatem non dixit &c. At quis hominem non miretur? Si ipsius argumentatio (quæ hue redit; Arbor bona non potest ferre fructus malos: atque homo reginitus est arbor bona: Ergò non potest fructus malos, i. e. peccare) procedit; non obtinebunt amplius in oratione Dominicæ verba, Remitte nobis debita nostra &c. Aliud est esse bonum, aliud esse perfectè bonum: bonas arbores nuncupat Christus reginitos: non perfectè bonas: illi jam ferunt fructus bonos, sed non perfectè bonos 1. Joh. 1. 8. In hac vita, ait Papa Gregorius I. 21. Moral. c. 9. multi quidem sine crimine, sine peccato esse nullus valet. Pergat sic Papa erudire Papiſtam! Dicebant olim, teste Augustino de hæref. c. 88. Pelagiani, vitam iustorum in hoc seculo, nullum habere omnino peccatum, & ex his Ecclesiam Christi in hac mortalitate perfici, ut sit omnino sine macula & ruga, quasi non sit Christi Ecclesia, quæ in toto terrarum orbe, clamat ad Deum, dimitte nobis

nobis debita nostra. A Pelagianis antiquioribus non multum abeunt Recentiores. Respondeat autem utrisq; Augustinus. *Quemlibet, inquit in Joh. Tract. 41. valde justum discutias in hac vita, quamvis jam sit dignus justis vocabulo, non est tamen sine peccato.* Addit Beda ex eodem Augustino in c. 8. Ep. ad Rom. *Nunc ergo & similes ei esse jam capimus, habentes primitias Spiritus & adhuc dissimiles sumus per reliquias vetustatis; Proinde in quantum similes, in tantum regerantur Spiritu Filij Dei: in quantum autem dissimiles, in tantum filij carnis & seculi, donec totum transeat in adoptionem & non sit peccator: Discit hinc capere D. J. C. tus (quod hactenus non potuit) qui in eodem Subiecto possint esse duo contraria: quod autem ut eò melius capiat, discat simul in posterum distinguere inter gradum intensum & remissum!*

III. Subjungit, *hec doctrina, quod praestantissima quaeq; opera sint peccatis inquinata, pugnat 1. cum expresso Dei verbo. 2. Cum merito Christi. 3. Cum ipsa Reformationum doctrina!* Audiamus probationem! *Cum Dei verbo pugnat, inquit, quia in eo expresse contrarium legitur. Quibus verbis D. J. C. te? his ais: Religiosus autem cultus purus apud Deum & Patrem hic est, in visere orphanos & viduas in afflictione eorum & immaculatum sese servare à mundo Jacob. 1. 27. Sed quid inde? Ergo, ais, non est peccatus maculatus: Res acuta tacta, scilicet! Opera vel considerantur in paterna acceptatione Dei per respectum meriti Christi vel in legali & intrinsecâ dignitate. Priori modo hic considerat Jacobus, dum ait, in visere orphanos & viduas esse religiosum cultum purum & propterea addit apud Deum & Patrem, qui nos & opera nostra spectat in Christo, eorum impuritatem & imperfectionem suâ munditiæ & perfectione regente. Non posteriori: qui enim noverat cum Johanne nos non esse sine peccato 1. c. 1. 8, imò ipse scribebat, nos in multis labi omnes c. 3. 2, noverat etiam, nostram orphanorum & viduarum visitationem religionem absolute mundam non constituere. Dicat mihi interim D. J. C. tus, quam Religionem (sic enim reddit vocem ὁρμηλία Vulgatus) habeant monachi & moniales in*

Paparu, qui monasteriis suis ita inclusi hærent, ut nunquam egrediantur, (imò ne quidem liceat,) *ad invisendum orphanos & viduas?* En egregiam religionem monachalem! quæ monito Jacobi egregiè respondet! *Bona opera eleemosynarum* (quod addis) *extinguere peccata*, non legitur Dan. 4. 27, imò nusquam in Scripturâ, sed tuum est figmentum: Ita enim legitur l. cit. in Chaldaeo פרו כבודך ופיון peccata tua per justitiam abrumpe. Suadet proinde Propheta Regi vitæ hætenus actæ immutationem, ut, per opera pœnitentiæ & charitatis, injuriarum illatarum aliorumque peccatorum cursum abrumpat.

IV. Verum est, *Lothum, Johannem, Abelem, Simeonem, Paulum aliosque Dei servos fuisse justos & perfectos*: at quid quælo ad rem? probandum tibi, quod fuerint justî & perfecti absolute: si hoc eviceris, dabimus locum tuæ consequentiæ: Ergo ipsorum opera non fuerunt peccatis inquinata. Unde autem & quando hoc evinces? Dicuntur quidem viri illi justî & perfecti, sed comparatè respectu minùs Sanctorum: non absolute: ut supra cap. 9. nu. 9. & seq. pluribus modò demonstratum. Audi adhuc parumper Bellarminum tuum. *Multi*, ait l. 3. de Eccles. c. 8. *in Scriptura dicuntur perfecti, & tamen nemo est perfectus in hac vita absolute*. En docet idem Cardinalis tuus, quod nos: cum illo ergò in posterum disputare poteris. Adde huic Dionysium Rickelium Carthusianum, qui in Psalm. 142. scribit; *Quid est, quod Ezechiel, Jeremias, alij, multi leguntur suas coram Deo justitias atq. perfectiones precipuas allegasse?* Et respondendum, quod non simpliciter, sed humano more se justos dixerint, scientes utiq., quod omnes eorum justitia essent coram Deo sicut pannus menstruatus. En vim veritatis è medio Papatus erumpentem!

V. Quæ addis, sunt crambe bis cocta, superius, cap. 10. num. 9. quantum satis, discussa. Sunt certè opera bona, quæ peragimus, *καποι & πνευματι* Gal. 5. 22. At interim non sunt perfecta, quia non immediate à Sp. Sancto proficiuntur: Placet ipsi agere per causas secundas: & hinc actiones ipsius, quæ, quatenus

tenus ab ipso immediate manant, sunt perfectissimæ, aliquid trahunt imperfectionis ex vitio instrumenti. Sed erudiat Papistam (si hoc capere non potest) Papista. *Semper aliquid hominis, ait Cottonus Institut. p. 804. est in actionibus nostris, hoc est, aliquid imperfectionis & misera admixtum.* Desinat proinde D. JCrus vociferari, *hanc non esse doctrinam Evangelicam, sed Calvinianam, horribilem!* nisi velit calumniantibus adnumerari. Sed castigetur Pontificius porro per Pontificium. Cum Calvinus, ait idem Cottonus lib. cit. p. 904. *scribit, omnia opera nostra, quantumvis bona, peccata esse coram Deo, dicere noluit, id quod à Deo in nobis est, bonum non esse, sed voluit aut debuit docere, id quod in nobis vel actionibus nostris, à nobis est & non à Deo, nihil esse præter sordes.* Quoniam autem ordinariè, aliquid nostri semper admixtum est cum opere Dei, quemadmodum videmus scoriæ met allo admixtam; propterea iustitias nostras comparari panno maculato. Et dici potest, quod si compararentur separatim à meritis filii, vel sine misericordia examinentur, vindictam potius peterent, quàm remunerationem! En ipsissimam doctrinam & Calvini & nostram à Jesuita justificatam! Agat ego Papista cum Jesuita!

VI. Verum est, *Sponsam Christi predicari in Scriptura totam pulchram, pulchram instar lune, puram instar solis, non habentem maculam & rugam Cant. 6. 9. & 4. 7. Eph. 5.* At, ut suprà responsum modò, prædicatur talis, quia nulla macula ei imputantur, quippe per Christum condonata. Respondeat jam tibi porro tuus Bellarminus. *Anima iusta ait l. 3. de Eccl. c. 8. (ad loca Cantici à te nobis opposita) dicitur tota pulchra per hyperbolem, qua familiaris est amantibus.* Addit paulò post, non esse hoc intelligendum absolute: *Quomodo etiam, inquit, nemo est perfectus in hac vita absolute, & tamen multi dicuntur in Scripturis perfecti, quia erant tales pro statu hujus vite.* Ad locum Eph. 5. 27. (cujus oblitus fuerat D. JCrus) idem Bellarminus respondet. 1. *intelligi posse de Ecclesia, non ut nunc est, sed ut erit post resurrectionem.* 2. *Probabilius tamen esse, Apostolum loqui de Ecclesia hujus temporis, sed tribuere*

per synecdochen toti Ecclesia, quod convenit uni parti. Qui enim nunc sunt in Ecclesia iusti, sunt gloriosi per gratia pulchritudinem, qua est gloria inchoata: sunt sine macula, ut paulo ante expositum, & sunt sine ruga, quia per baptismum renovati sunt, depositoque veteri homine induerunt novum: ruga enim signa sunt vetustatis. Et quid? annon peccata venialia maculant hominem? Fateretur Bellarminus loc. cit. Annon & omnes totius Ecclesiae homines, etiam sanctissimi, habent peccata venialia? fateretur & hoc Bellarminus (neminem excipiens praeter Christum & Mariam) qui ergo & juxta Pontificios Sponsa Christi in hoc mundo est absolute pulchra, pura & sine macula?

VII. Conatur jam & 2. probare D. J. Ctus, hanc doctrinam nostram existere injuriosam in meritum Christi. Videamus, quam felix sit in probando: Apud pios, ait, in confesso est, Christum nos sanctificasse ad bona opera: ea autem si sunt peccatis inquinata: exilis utique est sanctificatio. At ruga nugarum! Ad quas jam saepius supra respondimus. Non omnia effecta gratiae hic complentur: Sed quaedam hic inchoantur & complentur, ut vocatio & justificatio: quaedam vero hic inchoantur & in caelo demum complentur, & inter haec obtinet sanctificatio. Placet Christo hic nobis dare ἀπαρχὴν ἡμῶν & primicias Spiritus Rom. 8. 23. & vult, ut internus noster homo in dies renovetur 2. Cor. 4. 16. donec tandem post resurrectionem (ut supra audivimus fatentem ipsum Bellarminum ex loco Pauli Eph. 5. 27.) sine omni macula & ruga existamus. Quae subnectis, sunt crambetoties cocta & recocta, ut nauseam pariant: Respondeat tibi jam (cum à me ad ea superius satis responsum sit) vester Ferus. Etiam in operibus bonis, ait ille in Matth. c. 12. nonnihil mali occurrit. Quamvis enim, qui in Christo sunt baptizati, Christum induerunt, Christus autem justitiam secum adfert (huc jam refer, quae citas, loca Psal. no. 3. Joh. 15. 5. Matth. 7. 16. 1. Cor. 3. 16. Gal. 3. 14. &c.) tamen nondum plane interiis Adam ille vetus: unde fit, ut cum Christus gratia sua ad bona opera exstimulat, ipse Adam, id est, perversa natura adjiciat vel aliquid propria complacentia vel proprii commodi &c.

Ecce quò fit, ut opus ipsum nunquam sit perfectum, quamvis ex misericordia Dei non imputetur piis. En docet hìc Frater tuus, quod nos docemus! illum ergò in posterum, priusquam te ad nos veritas, aggredere.

VIII. Pergis, etiam hanc doctrinam esse 3. *ipsis Reformatis contrariam & perniciosam: Quid ita D.J.Cte? Sic enim supremo morientis suspirio, ut pose prastantissimo cuidam operi, ais, adhasura esset macula: Quid tum? perge: sic moriens, ut pose adhuc maculatus precipitaretur in infernum? Grandem subtilitatem! statuimus, verum est, idque cum S. Scripturâ, fideles, quamdiu in hac miseriarum valle versantur, non esse sine omnes peccato 1. Joh. 1. Jac. 3. 1. Reg. 8. &c. At statuimus etiam cum eadem, peccata plenè eis in hac vita remitti, eisq; non imputari, adeò ut in iis, testante Paulo, utpote in Christo existentibus, nulla amplius sit condemnatio. Rom. 8. 1. Si nulla amplius condemnatio, qui ergò adhuc condemnarentur? Dicesne, illos interim non posse ingredi calum, eò quòd non sint sine macula? Est verus Jesuitarum cantilena, sed sine melodia: quasi inchoata renovatio in fidelibus, quando corpus & anima separantur, non perficiatur, ut anima corpus deponens, deponat simul reliquias peccatorum! quorsum Paulus respexit, suspirans: Miser ego homo, quis me eripiet ex isto corpore mortis Rom. 7. 23.*

IX. Altera D.J.Cri quaestio est: *An homo naturâ sit propensus ad odium Dei & proximi? Ad quam ipse negativè responderet, tantum abesse existimans, ut homo sit naturâ propensus ad odium Dei & proximi, ut potius è contrario naturâ propensus sit ad amorem Dei & proximi.* Ich bin von Natur fait Coppensteinius, Monachus Dominican: *Catech. In calvinis. q. 5. geneigt Gott und meinen Nächsten zu lieben: Ob gleich die Natur fast sehr geschwächet und verderbet worden.* Hem viros! qui sic quid aliud innuunt, quàm se non navigare in cymba Christi, sed in pelago Pelagii? Catechesis nostra propositam quaestionem affirmat: idque (ut

ex

ex sequentibus patebit) rectissime: Intelligit autem (ut hoc præmittamus sensus gratia) 1. per vocem *natura* non ipsam *essentiam*, quo sensu Paulus ait; *ignorantes Deum serviebatis eis, qui quædam naturæ non sunt* Dii Gal. 4. 8. sed *naturalem & originalem corruptionem*: quemadmodum accipitur ab eodem Apostolo Eph. 2. 3. *Eramus naturæ filii iræ*: adeoque 2. Catechesis loquitur de homine, non quæ regenito, sed ut in se est post lapsum, & jacet in naturali sua corruptione, qui eidem Apostolo dicitur *ἀνθρώπος & ψυχὴς homo animalis* 1. Cor. 2. 14. 3. Per *odisse* intelligit averso esse à Deo animo, legem ejus transgredi, mandatis ejus repugnare, carnaliter affectum esse: proximum non diligere: male affectum in ipsum habere animum &c. Hæc est mens nostri Catechismi: quæ eadem & S. Scripturæ est: audi eam: *Quod sapit caro*, ait Paulus, *inimicitia est adversus Deum: legi enim non subicitur: nam ne potest quidem* Rom. 8. 7. *Ego sum visitans*, inquit ipse Jehova, *iniquitatem Patrum in filios, in nepotes & in abnepotes, in eos qui oderunt me*, id est, qui transgrediuntur mandata mea, ut evidentissime liquet ex opposito: addit enim Dominus; *Exercens vero benignitatem in millesimos à Patribus, qui diligunt me & observant mandata mea* Exod. 20. 5. 6. *Surge Jehova*, ait Moyses, *& dispergantur inimici tui, fugiantque osiores tui à facie tua* Num. 10. 35. Et Christus ad discipulos suos; *Si mundus vos odit, scitis, me prius, quàm vos illis odio habitum esse* Joh. 15. 18. Et porro vers. 23. 24. *Qui me odit, is etiam Patrem meum odit &c.* Vide & Psal. 83. 18. & 68. 1. Joh. 3. 20. 1. Joh. 1. 5. Rom. 5. 8. Gal. 5. 17. & seq. Col. 1. 21. Jacob. 4. 4. &c.

X. In iis, quæ his opponis, demonstras te (ut in cæteris omnibus hætenus oppositis) causidicum haud veridicum: hæc, ais, *doctrina repugnat naturæ & rationi, nec reperitur in Scripturâ*: At quam verax sis, liquet modo ex supra dictis. Interroga, pergis, *mille matres, annon naturâ cogantur liberos suos magis diligere quàm suam ipsarum vitam*: Ergo illos *naturâ non oderunt*. Interroga tu quoque mille matres (adde &, si vis, mille patres) *annon ludas termino naturæ*? Omnes, quotquot veritatem amant, fatebuntur,

tur, *natura*, id est *σοφία* leu *naturali amoris impulsui*, quò complectantur liberos suos, adhærere *naturam*, id est, *corruptionem naturalem*, ita ut sæpissimè (vell liberos non debite Deo consecrando, veleis nimium indulgendo, vel scandala præbendo, vel denique, ut loquitur Apostolus, *eos non enutriendo disciplina & admonitione Domini*, Eph. 6. 4.) à Dei præscripto abeat. Dicit Salomo, eum, qui cohibet virgam suam, odisse filium suum. Prov. 13. 24. At ubi parentes, qui non sæpe parcunt virgæ, (i. e. disciplinam juxta Dei verbum requisitam negligunt) ubi stringenda erat, idque ex amore in liberos? E. ipsorum amor non est sine odio.

XI. Quæ contra loca à Catechismo allata excipis, futilissima sunt. Habetur, ais, ad Rom. 8. 7. *quod carnaliter affectum esse sit inimicitia adversus Deum: non autem: omnes homines naturâ propensos esse ad odium Dei & proximi.* At 1. ubi & quando Catechismus noster hoc loco usus est ad probandum, *hominem naturâ esse propensum ad odium proximi*? Sed 2. probemus Viro, quod probari desiderat. 1. *Qui carnalis est, ille naturâ (i. e. naturali & carnali corruptione) propensus est ad odium Dei & proximi*: At qui omnis homo, etiam regeneritus, secundum partem non renatam, carnalis est: Ergo naturâ propensus est ad odium Dei & proximi. Major quoad Deum liquet l. cit. ad Rom. 8. 7. *ὁ σὰρκα ἔχων ἐστὶν ἐχθρὸς ἐστὶν ἐμὴν ἐχθρὸς ἐστὶν ἐμὴν* Crexos est inimicitia adversus Deum, quoad proximum Gal. 5. 19. 20 & Tit. 3. 3. ubi ex carne, inter alia vitia, etiam expresse legitur nasci odium proximi. Minorem probat idem Apostolas exemplo Iux ipsius personæ Rom. 7. 14. *Scimus enim legem esse spiritualem: At ego CARNALIS sum, venditus, ut subicerer peccato.* Hæc *καρνὴ καὶ σὰρξ* (licet nim alibi nuncupatur Apostolo Gal. 5. 24.) tribuitur omnibus hominibus, tum ante diluvium Gen. 6. 5. tum etiam post diluvium Gen. 8. 21. (ut nimirum ostenderetur, non esse restringendam hanc cordis humani pravitatem ad impios illos, qui diluvio perierant) quod ne amplius neget D. Jctus, audiat ipsum Deum *אדם רע* *figmentum cordis humani*, est malum à pueritia ipsius. Audiat & Davidem *כָּל יְהוָה נִאֲלָחוּ* *omnes recesserunt*,
Bbbb simul

simul, inutiles facti sunt: non est, qui faciat bonum אחר גא פא, *non est vel unus.* Audiat denique & ipsum Paulum; *Non est justus* אִישׁ אֶחָד, *ne unus quidem* Rom. 3. 10. 12. 2. Qui naturâ suâ propensus est ad peccandum contra Deum & proximum, is etiam naturâ propensus est ad odium Dei & proximi: Atqui omnis homo, quâ irregenitus, est propensus ad peccandum contra Deum & proximum. Ergo. &c. Major hinc liquet, quia, ut supra num. 9. audivimus, peccare, seu legem Dei de diligendo Deo & proximo transgredi, est, dicente ipsemet Deo, odisse. Vide Exod. 20. 5. 6. &c. Minor patet ex Gen. 6. 5. & 8. 21. Jer. 13. 23. Job. 15. 16. &c. 3. *In quibus concupiscit caro adversus Spiritum*, nobis dilectionem Dei & proximi commendantem, in illis adhuc est naturalis inclinatio ad odium Dei & proximi: atqui in omnibus regenitis secundum partem non renatam concupiscit caro adversus Spiritum. Ergo &c. Major per se patet. Minor liquet Gal. 5. 17. *Nam caro concupiscit adversus Spiritum, Spiritus autem adversus carnem: hac autem inter se opposita sunt, ut non, quaecunque volueritis, eadem faciatis.* In casum nobis opponis verum 9. *Vos autem non estis in carne, sed in Spiritu: siquidem Dei Spiritus habitat in vobis* &c. nam longè aliud est illud ἐν σάρτει seu ἐν δούλειαν & ἐν πνεύματι adhuc secum gestare: aliud in carne esse & secundum carnem vivere. Prius adhuc obtinet in omnibus hominibus, etiam ipsis regenitis: nam in ipsis, teste Paulo, concupiscit adhuc caro adversus Spiritum & Spiritus adversus carnem Gal. 5. 17. Unde & omnes regeniti, quamvis sint in Spiritu, ex parte adhuc sunt carnales & sic vocantur etiam Rom. 7. 14. Posterius autem in irregenitis tantum: ad regenitos enim quod attinet, illi ἑαυτοὺς crucifixerunt carnem cum affectibus & cupiditatibus Gal. 5. 24. ita ut secundum carnem non ambulent: quamvis, quamdiu hic versantur, ad perfectionis culmen non ascendant: id quod ipse Apostolus agnoscit, dum addit Gal. 5. 17. *Hac autem inter se sunt opposita, ut non, quaecunque volueritis, eadem faciatis.* Et de se ipso Rom. 7. 19. *Non facio bonum, quod volo, sed malum, quod nolo, hoc ago.*

XII. Quæ jam porrò regeris ad loca Eph. 2. 3. Tit. 3. 3. num etiam casta nuce digna? Dicis, illud OLIM Apostolo idem esse, quod ante apparitionem Christi in carne. Quo effugio num etiam calvius dari potest? Audiamus Apostoli verba. *Inter quos, ait (Eph. 2. 3.) & nos omnes conversati sumus olim in cupiditatibus carnis nostræ facientes, quæ carni ac cogitationibus libebant, eramusque naturâ filii iræ, ut etiam reliqui.* Observa 1. Apostolum se & omnes regenitos opponere illis qui OLIM ambulârunt in carne: si jam id olim idem est, quod ante Christum natum, sequetur, neminem fuisse regenitum ante natum Christum: quanta hæc sit injuriâ in præfatos Dei servos, imò in ipsam B. V. Mariam, nemo non videt. Observa 2, eundem dicere, *nos omnes inter eos conversatos esse olim*: Hæc autem verba cum (ut bene observat Jesuita Salmero *Comm. in Epist. ad Tit.* & probat ex Chrysostomo) extendantur ad omnes credentes, ita ut Apostolus, addente Salmerone, hoc argumento utatur ad nos ipsos humiliandos & submittendos, dicas mihi velim, qui omnes credentes, qui jam hoc argumento submittendi sunt, olim, id est (juxta te) ante Christi apparitionem in carne, extiterint, ut potuerint conversari inter illos irrogenitos? Sed pellat Papista Papistam! Hoc præfati capite, ait idem Jesuitarum Patriarcha Salmero *Comm. in Ep. ad Ephes.* confirmat eos respectu veteris status, in quo fuerunt (olim) antequam ad Christum vocati essent, id est: (ut Catechesis nostra loquitur) ante nostram conversionem, naturâ nondum per Spiritum Sanctum regenitâ.

XIII. His præmissis, nemo non videt, enervata jacere omnia, quæ subjungis. Verum est, Deum, qui dives est misericordia, nos quum mortui essemus in offensis, unâ vivificasse in Christo Eph. 2. & c. Verum etiam, veterem illum nostrum hominem cum eo crucifixum esse, ut cassum reddatur corpus peccati, ne post hæc serviamus peccato Rom. 6. 6. Verum denique, nos jam esse Liberatos a peccato v. 17. 18. & c. Sed quid quæso ad rem D. J. Cte? Aliud est, liberatum esse a peccato, quoad creatum & dominium ejus, aliud liberatum esse quo-

adejus inhaſionem. Prius innuitur locis citatis : non autem poſterius. Imo, ſi dicamus, nos non habere peccatum, nos ipſos, teſte Jo-
hanne, decipimus & veritas in nobis non eſt 1. c. 1. 8. Quamdiu caro
in nobis manet, manet autem, quamdiu hic verſamur, ſanctifica-
tio non eſt perfecta, ſed adhuc, quamvis Chriſti Spiritus in nobis
ſit, ex parte carnales ſumus Rom. 7. 14 Gal. 5. 17. & quilibet fide-
lium cum Paulo dicere habet neceſſe; *Non facio bonum, quod vo-
lo, ſed malum, quod nolo, hoc ago.* Rom. 7. 19.

XIV. Decreveramus hic, cum omnia, quæ D. J. C. tuſ ſub-
nectit, non niſi tautologia ſint inanes, jam ſupra enervatæ &
proſtigatæ, ſubſiſtere : Verum cum Vir adhuc ſingulare teſum
nobis minetur, & quidem ex Ezech. c. 36. 26. 27. inſequamur
eum adhuc parumper, ne vadimonium deſerere velle videamur.
Imo, ait, ut *Adverſariorum errorem quilibet manibus quaſi pal-
pet, legimus apud Ezechielem, Deum membris Eccleſiæ N. Teſtamenti
promiſſiſſe dare novum cor & novum Spiritum & facere, ut in ſtatutis
ſuis ambulent & jura ſua obſervent.* En quam arctè à Viro illa-
queemur ! At interim, quid hinc D. J. C. te ? Ergò, ais, verum non
eſt, fidelium ſub vexillo crucis Chriſti militantium opera præſtantiſſima
eſſe peccatis inquinata, aut nos omnes naturæ eſſe propenſos ad odium Dei
& proximi. Ridiculum ! Eadem enim facilitate & felicitate
poſſes concludere contra Johannem : Ergo verum non eſt, pecca-
tum adhuc ſemper nobis inherere 1. c. 1. 8. contra Paulum ; Ergò
verum non eſt, regenitos adhuc (ſecundum partem non renatam)
eſſe carnales Rom. 7. 14. Item, carnem concupiſcere adverſus Spiritum
Gal. 5. 17. & contra Jeſaiam ; Ergo verum non eſt, omnes juſtitias no-
ſtras eſſe inſtar panni menſtruat a c. 64. 6. Eò quòd fideles naſti ſunt
cor novum & Spiritum novum, ſequitur quidem eos non ambula-
re ſecundum carnem & Deum proximumque ipſo actû mali-
tioſè atque petulanter non odiſſe ; ſed non ſequitur, eos non am-
plius NATURA ſeu quoad veterem hominem propenſos eſſe ad odium
Dei & proximi. Quos cum Paulo dicere oportet. Scimus, legem
eſſe ſpiritualem : at ego carnalis ſum, venditus, ut ſubjicerer peccato.

Quod

Quod enim per petro, non agnosco, non enim, quod volo, hoc ago, sed quod odi, hoc facio &c. Quod si facio ego id, quod nolo, non amplius ego id per petro, sed peccatum, quod in me habitat. Invenio igitur, volenti mihi facere bonum, hanc legem impositam esse, quod mihi malum adjaceat: Delector enim lege Dei quoad hominem interiorem, sed video aliam legem in membris meis belligerantem adversus legem mentis meae & captivam reddentem me legi peccati, quae est in membris meis. Miser ego homo, quis me eripiet ex isto corpore mortis Rom. 7. 14. & seq. Certè illico ipso fatentur, scilicet cor novum & spiritum novum à Deo natos, naturâ adhuc propensos esse ad malum. Sed pressius adhuc Viro soporem excutiamus. Promittitur I. c. cor novum & spiritus novus omnibus fidelibus N. Testamenti communis: Si jam cor illud novum & spiritus ille novus infert impletionem legis omnimodè perfectam, sequitur, omnes fideles N. T. omnimodè perfectè implere legem: An placet hoc D. J. Cte? Atqui in Schola vestra perfectâ impletio legis non est omnium, sed quorundam tantum: Non ergo nos ferit istud telum tuum: quod si interim vibres in fratres tuos, Monachos & Jesuitas, forte non itâ inane cadet, maxime si itâ dirigatur; Fideles N. Testamenti non ambulant in statutis humanis, sed in statutis lebovae: Monachi & Jesuitae & quotquot ab illis dependent, ambulant in statutis humanis. Ergo non sunt fideles N. Testamenti. Minorem si tibi negant, invenis eam à me probatam cap 3. Paragr. 3. Et tu ipse eandem illis facillè probaveris, qui mecum nôsti, Pentalogum Papæ longè præferri in Papatu Decalogo Jehovæ.

XV. Subjungis, *Catechismus loqui de hominibus regenitis & interim naturam & opera eorum tam horrendè describere, quasi nec baptismus nec passio Christi nobis aliquid contulerit &c. At quousque tu tandem cassas istas nuces tuas nundinari perges: Loquitur Catechismus noster de homine, qualis in se est, jacens in miseriâ suâ. Respondet quidem regenitus, sed qui se considerat, non qualis sit gratiâ, sed naturâ, respectu carnis seu hominis veteris: Hanc jam naturam Catechismus describit, qualiter*

eandem suprà audivimus describi ab ipso Paulo Rom. 7. 14. 15. 16. 17. &c. & 8. 7. & seq. Gal. 5. 17. Eph. 2. 3. &c. Est ne hoc horrendum D. J. Cte? nimirum tibi *horrendum est*, quod *horrendis* Papatus erroribus est contrarium, licet cæteroquin clarissimè in ipsa S. Scripturâ doceatur! Sed respondeat Papistæ Papista. Est is Didacus Stella, qui doctrinam nostram non pro fœda & horrenda, sed pro verissima agnoscit & idem cum Catechismo nostro docet, dum in *Luc. c. 11.* ita scribit; *Hoc* (quod scil. habetur Joh. 9. 3. *Scimus, Deum peccatores non exaudire*) *non est simpliciter accipiendum, aliqui multos homines non exaudiret Deus, quia NB. omnes NATVRÆ sumus peccatores, & omnes oramus; dimitte nobis debita nostra: nec quisquam gloriari potest, castum se habere cor, imò si dixerimus, quia peccatum non habemus, nos ipsos seducimus &c.* En doctrinam Catechesis nostræ ab ipso Fratre tuo justificatam! Disputet ergo in posterum, missa Catechesi, Frater cum Fratre: Ego interim Fratrem contra Fratrem tueri paratus ero.


XVI. Loquitur, ut diximus, Catechismus de homine, secundum partem non renatam, seu quâ non regenito: Cæterum quod attinet hominem quâ regenitum, docet eadem Catechesis, *Quæst. CXIV. eum incipere sciri non secundum aliqua tantum, sed secundum omnia Dei præcepta vivere*: quod idem innuit Paulus Rom. 7. 22. *Delector lege Dei, quoad interiorem hominem*: & alibi passim S. Scriptura Gen. 6. 9. Psal. 119. 6. Phil. 3. 14: 2. Cor. 1. 12. 1. Tim. 1. 5. 1. Cor. 4. 4. Hebr. 13. 18. &c. Calumnia ergo est D. J. Cti, scribentis; juxta Catechesin nostram, *passione Christi nobis nihil collatum esse, sed mansisse in statu, in quo antè fuerimus.* Num, qui docet, quod, postquam nos Christus suo sanguine redemit, *renoves nos quoque suo Spiritu ad imaginem sui; ut tantis beneficiis affecti in omni vita nos erga Deum Gratos declaremus & ipse per nos celebretur.* Deinde ut nos quoque ex fructibus de sua quisque fide certissimus. Postremo ut *vita nostra integritate alios Christo lucrificiamus.* Item qui docet, impossibile esse, ut, qui Christo per fidem insiti sunt, non proferant fructum gratitudinis, statuit, nobis nihil passione Christi collatum esse,

esse, sed nos mansisse, quales fuerimus post lapsum? Atqui hoc totidem verbis docet Catechismus *Quaest. 64. & 86.* Verum est, Catechesin summam perfectionem in hac vita non agnoscere, at nec eam Scriptura agnoscit Rom. 8. 23. 1. Cor. 13. 9. 10. &c. Quemadmodum enim arbor bona fert quidem fructus bonos, sed qui initio non maturi sunt, sed paulatim maturescunt; primis etiam annis sunt pauci, sed cum ætate arboris fiunt copiosiores: ita quoque comparatum est cum bonis operibus novi hominis. Plena maturitas & abundantia ad consummationem messis pertinet: *Tunc enim, teste Paulo, quod est ex parte, abolebitur 1. Cor. 13. 10. Num fructus Spir. Sancti, ais, pleni essent peccatis?* At hæc est crambe ad nauleam usque cocta & recocta, quam tibi supra modò *cap. 10. num. 9.* resorbendam regeffimus. Imperfectio, quam dicimus cum Scriptura admisceri bonis operibus, à carne nostra descendit, non à Spiritu Sancto: qui nos posset quidè in hac vita omnimode perfectos reddere, quemadmodum posset infantis recens nati corpusculum ad virilem staturam uno momento provehere: sed ut hoc ei non placet, qui gradatim in eo provehendo procedit; ita nec illud: sed placet ei *internum nostrum hominem renovare in dies 2. Cor. 4. 16.* Videant tandem illi, qui opera sua tantopere crepant cum Phariseis, & cum Pelagianis de perfectione sua gloriantur, qui futurum sit, ut internarum suarum qualitate nixi, externorumque actuum suorum dignitate freti, coram tremenda ejus, qui corda & renes scrutatur, Majestate consistent. Nos interim, illis fastu Pharisæico turgentibus & perfectionem suam operumque merita jactantibus, de nobis, in peccatorum nostrorum confessione, humiliter sentire nunquam desinemus, *predicaturi semper virtutes ejus, qui nos vocavit è tenebris (Papalibus) in admirabilem suam lucem.*

Cui

Gloria sit Patri, Nato sit gloria, Sancto
Gloria Spiritui, Triadi sit gloria Sanctæ:

IN.



Index rerum præcipuarum in hoc Tractatu occurrentium.

<i>A.</i>		<i>Baptismus ab heretico administratus an legitimus.</i>	108
A	<i>Abstinentia à quibudam cibis.</i>	<i>Biblia an Evangelici nati fuerint ab Eccl. Romana.</i>	40
	101. & seqq.	<i>Bona opera an aliquid conferant ad salutem.</i>	23
		<i>C.</i>	
A	<i>Adorationis distinctiones.</i>	<i>Calvinus non est dux Religionis nostræ. 43. an legitime vocatus. ibid.</i>	
	288	<i>Canon Scripturæ an ex Tradit.</i>	112
		<i>Canonici libri. 131. & seqq. Protocanonici Deuterocanonici.</i>	144. 146
A	<i>Agni Dei quomodo & à quo fiant.</i>	<i>Canonizatio Sanctorum.</i>	466
	219.	<i>Candela Cereæ. 217. earum abusus.</i>	218.
		<i>Caro Christi an etiam extra Sacramentum manducetur.</i>	416
A	<i>qua in Papatu ius efficacia tribuatur.</i>	<i>Carmelitarum privilegium.</i>	521
	220. 221	<i>Castitas monachorum.</i>	160
		<i>Catechismus Heidelbergensis defenditur.</i>	495. & 594
A	<i>Agnus Paschalis an typus S. Cæne.</i>	<i>Cereis papistici.</i>	217
	372.	<i>Ægeodesia an necessaria.</i>	208
		<i>Cherubini quales.</i>	295
A	<i>Altaria an erigenda.</i>	<i>Cinerum ceremonia.</i>	91
	224. & seqq.	<i>Claves regni cælorum.</i>	348
			Cæ-
A	<i>Angelus custos an adjunctus sit unicuique.</i>		
	453. 459. 470		
		<i>B.</i>	
A	<i>Antichristus an primos Reformatores vocaverit.</i>	<i>Baptizari pro mortuis quid.</i>	503
	53	<i>Baptismus Campanarum.</i>	222
A	<i>Apparitiones animarum post mortem.</i>		
	512		
A	<i>Apocryphi libri quinam.</i>		
	131		
A	<i>Apostoli an fuerint infallibiles. 113. An vixerint in cælibatu.</i>		
	165. 194		
A	<i>Aqua lustralis. 215. ejus effectus juxta Papistas.</i>		
	216		

Cælibatus.	160. 148. & seq.	li.	464. & seq.
Concilia an supra Papam.	127	Fratres Jacobai.	269
Confessio auricularis fuscè depingitur	333.		

Cæna Domini.	367. & seq.	H.	
Consecratio in S. cæna quibus verbis.	234.	Hæreses an nascantur ex lectione Bibliorum.	32. 33
Corpus Christi an manducetur ab impiis.		Hæretici an fuerint Lutherus & Calvinus	537

409. an à muribus. 408. quamdiu maneat in stomacho communicantis juxta Papicolas. 412. an uno eodemque tempore possit esse in pluribus locis.	417	Hostia Pontificia. 415. quid per hostiam intelligendum sit, nesciunt Sacrificuli.	415
---	-----	---	-----

D.		I.	
Crucis abusus apud Papistas. 212. & seq. an crux fuget diabolos.	214.	Jacobus an pugnet cum Paulo.	6
Cultus imaginum & reliquiarum Sanctorum.	245	Jacobi majoris corpus an Compostellam translatum.	270

Cultus absolutus & relativus.	288	Jejunium 84. Papisticum antiquitati ignotum. 86. 87. Rejicitur. 88. & seq. ridiculum.	96
Corona Monachorum.	199	Jesuita quales. 174. an ipsis verè competit hoc nomen.	176

Descensus Christi ad inferos defenditur. 14. 15. Limbus rejicitur. 16. 17		Ignatius Lojola qualis.	161. 162
Dies dominica unde.	101. 108	Idoli in Papatu.	251. & seq.
Dominicus qualis.	464	Imagines. 245. an omnes prohibita.	257. & seq.

Dulcia, Lætria, Hyperdulia.	386. 447	Indulgentia Papales. 354. quibus concedantur.	357
-----------------------------	----------	---	-----

E.		I.	
Ecclesia an habeat potestatem jejunia indicendi. 101. & seq. an quinque prioribus seculi fuerit pura.	209	Invocatio Sanctorum. 447. & seq. ridicula.	470
Edædoθenoθia rejicitur.	296	Judei cum Papistis purgatorium habent commune.	514

Extrema unctio.	202	Justitia Christi an nobis imputetur.	529
		Justificatio an fiat sola fide.	524. & seq.

F.		L.	
Fideles an certi de sua salute. 530. & seq. an à vera fide possint deficere.	535. & seq.	Ac Maria an apud Pontificios.	274.

Filius esse ομοούσιον Patri, an probari queat ex Scriptura.	13. 14	Lac Maria ipsi potius desiderant quam sanguinem Christi.	460
Franciscus, Franciscanorū Patronus qua-		Lectio Scriptura an in Papatu Lætiū prohibeatur.	1. 2. 3

- Leges obligantes conscientiam an possit
Ecclesia condere. 101. & seq.
- Libri Apocryphi qui. 131
- Limbus patrum. 508
- Limbus infantium. 414
- Liberum arbitrium. 538. post lapsum po-
tius servum. 539
- Loiola, Jesuitarum Coryphaeus. 161. 162
- Longinus qualis. 228
- Lotio pedum an adhuc hodie usurpanda.
208. 209
- Lutherus incipiens à Luthero proficiente
distinguentus. 58. Ejus vocatio qualis.
52. 60
- M.**
- M**anna an typus S. Cane. 472
- Maria an post partum manserit
Virgo. 110. & seq. Vertitur in Idolum à
Papistis. 459
- Mediatores redemptionis & intercessionis
à Papistis constituuntur. 451
- Merita bonorum operum rejiciuntur. 488
& seq. Meriti vox quo sensu à veteri-
bus usurpetur. 489
- Miracula an hodie necessaria. 315. Pa-
pistarum ridicula. 316. & seq. De mi-
raculis vide porro. 201 & seq.
- Melchisedec an obtulerit panem & vi-
num. 429
- Missae Papisticae veteribus ignota. 225 Con-
futatur fuse. 424. & seq. an execran-
da idololatria. 439
- Monachi quando orti. 149. & seq. veterum
& novorum discrimen. 155. Pharisaei
similes. 153. eorum vestitus. 156. vota.
159. multitudo. 173. novitatus. 182.
vita. 195. corona. 199. nuda. 513
- Molinus defenditur. 94. 132. 203. 383.
413. & seq.
- Mures juxta Papicolas corpus Christi de-
vorare possunt. 408
- N.**
- N**atura an homo propensus ad o-
dium Dei & proximi. 549
- Nomen Jesu an genuflexione & pilei
depositione honorandum. 20. 201. Ma-
le usurpatur à Jesuitis. 176
- Non-entia Papistica. 229
- Numerus articulorum fundamentalium
an definiendus. 30. & seq.
- O.**
- O**bedientia Caeca. 161
- Observatio legis. 474
- Opera praestantissima an peccati iniqui-
tata. 495 & seq.
- Ordinandi an de novo ii, qui ejurato Pa-
pismo ad nos transeunt. 57
- Orientalis Ecclesia an credat purgato-
rium. 507
- P.**
- P**apistarum à se invicem dissensus. 60.
& 15. Papista Catholicus contra Ca-
tholicos. veritatem. 93. & seq. Christum
ignominia afficiunt. 412. Papista mo-
rantes dissident Papismo suo. 502. Ne-
sciunt quid purgetur per purgatorium
suum. 524
- Papa vocatio. 69. infallibilitas. 125
- Paschati festum an à Christo aut Aposto-
li institutum. 107
- Pastores adulteri an tolerentur in Eccle-
sia Reform. 195. & seq. an Pastoribus
liceat esse comari. 198
- Patres an rejiciantur à Reformatis. 306.

an Papista eorum doctrinam ample-
ctantur. 308. & seqq.
Padobaptismus an ex sola Scriptura pro-
bati possit. 197. an absolute necessariu.
414
Paulus an fuerit certus de sua salute. 533
Paupertas Monachorum. 159
Peccatum an recte distinguatur in venia-
le & mortale. 480
Peccatores an exaudiantur à Deo. 484
Perfectio quotuplex. 476
Præsentia corporis Christi in S. Cæna an
admittatur à Reform. 468. an sibi in
ea contradi. ant. 414
Preces Veterum pro mortuis. 522
Πρεσβύτερον an significet Sacerdotem
proprie dictum. 425
Processiones Papistica. 275 & seq.
Purgatorium. 502 Papistarum de eo con-
tradictiones. 518. Carmelita an citius
aliis inde liberentur. 521
Q.
Quadragesimale jejunium. 84 seq.
R.
Reformati an Enthusiastici. 126
Reformati & Lutherani an dam-
nandi. 129. 130
Reformati an contemptores crucis Christi
291
Reliquie Sanctorum. 245. an à Reforma-
tis ignominia afficiantur. 313
Rosaria. 461
Resistibilitas gratia. 541
S.
Sacerdotes proprie dicti in N. Test. non
dantur. 8
Sacra Scriptura an perspicua. 11. & seq. an

legenda. 25 & seq. Est Papistu obscu-
ra, non necessaria, non Dei iussu scripta
& c. 114. & seq. an divina auctoritatis
quoad nos. 116 & seq.
Sacrificia à quo instituta. 298 & seq.
Sacrificium Missaticum. 424. & seq.
Sacramenta V. T. an fuerint typi Sacra-
mentorum N. Test. 388
Sancti fidei. 229. 463
Sancti an aliquid de nobis sciant. 451
Sancti non sancti. 464
Sancti canonizati. 466
Sanctorum invocatio. 447. & seq.
Sigillum confessionis. 344
Sacerdotes juxta Papicolas multis co-
phinos panis convertere possunt in cor-
pus Christi. 412
Sola fides an iustificet. 524. & seq.
Speculum Deitatis fictum. 694
Spiritus Sanctum à Patre & Filio pro-
cedere probatur. 18
Symbolum Apostolicum. 19

T.

Textus authenticus non datur in Ec-
cles. Papistica. 10
Templa an necessaria 300. eorum ornatus
301
Traditiones quotuplices. 78. Papistica re-
ijciuntur. 79. & seq.
Transsubstantiatio reijciuntur. 400. Est tri-
dícula. 418. Papistarum circa eam li-
tigia & contradictiones. 415. an cre-
dita à primitiva Eccles. 420. & seq.
Tropus S. Cæna. 384. & seq. Ipsi Papista
admittunt decem tropos. 386. & seq.
Cccc 2 Versio



V.
Versio Lutheri defenditur. 3. & 7.
iustificatur ab ipsis Papistis 4. 5.
Versio Vulgata corruptissima. 9. 10
Versio Vulgata male tribuitur Hierony-
mo. 403
Versio iunii & Tremellii non faver Papi-
stis. 431
Veteres an promortui precati. 522
Vinum si deficiat in administratione S.
Cena an de novo consecrandum. 239
Vita monastica. 148. & seq.

Vocatio ministrorum Ecclesie. 40. num
legitima in Eccles. Reformata. 48.
qualis fuerit primorum Reformato-
rum 42. & seq. Vocatio Papa, Cardi-
nalem Sacerdotum, monachorum an
legitima. 69. 70. 71. & seq.

X.

Xaverius, Apostolus Indicus. 204

Z.

Zwinglius legitime vocatus. 42. pure
Papatum aggressus. 359

F I N I S.



